



17

Ex Bibliotheca  
majori Coll. Rom.  
Societ. Jesu

14-10, e, 21

~~47~~ ~~47~~  
~~e~~ ~~e~~  
~~45~~ ~~32~~







C V R S V S  
P H I L O S O P H I C V S  
M O N A S T E R I I

S. G A L L I.



T O M U S I.

*Seu*

L O G I C A.

A U T H O R E


*Eminentissimo & Illustrissimo S. R. E.*

C A R D I N A L E

C O E L E S T I N O S F O N D R A T I.

*OLIM*

Princeps & Abbat S. Galli.



*Ex Typographia eiusdem Monasterij S. Galli.*

P E R J A C O B U M M Ü L L E R U M.

A N N O M. DC. LXXXVI.





# PHILOSOPHIÆ

## PARS PRIMA

S E U

# LOGICÆ

## PRÆLUDIA.



§. I.

## NECESSITAS LOGICÆ

### Summaria.

1. *Logica dirigit intellectum ad omne verum cognoscendum.*
2. *Triples necessitatis gradus explicatur.*
3. *Logica alia naturalis, alia artificialis.*
4. *Logicam artificialem omnibus scientijs valde utilem esse, multis rationibus evincitur.*
5. *Logica nihil obest, multos abuti Logicâ.*
6. *Logica artificialis ad alias scientias in gradu perfecto acquirendas moraliter est necessaria, nec sufficit Logica naturalis.*
7. *Major est Logica, quàm aliarum scientiarum inter se connexio.*
8. *Logica naturalis ad paucos tantum actus est sufficiens.*
9. *Quomodo Logica sibi ipsi,*

A

10. Et

10. *Et singulis alijs scientijs sit necessaria, explicatur.*

11. *Logica artificialis Physicè, & absolute non est necessaria ad alias scientias in gradu imperfecto acquirendas.*

# I.



*Os. 1.* Artem, aut scientiam Logicæ eò spectare, ut præscriptis quibusdam, certisque regulis ac præceptis intellectum dirigat, gubernetque in veri cognitione, ne fallatur. Veritas enim etsi aliqua ex parte clara sit, & sponte in oculos cadat, qualia sunt prima principia, v. g. triangulum tribus angulis constare, quinque esse numerum imparem: non posse unum animal eodem momento esse & non esse, vivum & mortuum, &c. magna tamen ex parte veritas latet, & in recessu hæret, numquam videnda nisi quæsitæ, nec quærenda nisi intellectu certis regulis ac præceptis instructo, quæ Logica velut faces præfert in obscurum eunti. Sicut ergo in sole v. g. multa sunt, quæ passim omnes docti indoctique cognoscunt, videntque, modò non ægris sunt oculis: quis enim solem lucere, moveri, rotundum & globosum esse non videt? ac alia quamplurima sunt, quæ cognosci nisi à doctis non possunt, quique Mathematicas scientias calleant, qualia sunt, solem 166. vicibus majorem terrâ esse, tribus orbibus veluti supremo, medio, infimo unâ horâ metiri milliaria 258404. &c. Hæc inquam, cognosci nudo rudique oculo non possunt, sed regulis indigent, quæ intellectum ducant, ne aberrret: harum verò regularum quamplurimas in omni scientiarum genere Logica tradit, quæ propterea Scientia universalis appellatur. Ars pictoria pro solis imaginibus & coloribus regulas tradit, non pro statuis, non pro navibus agendis. Ars nautica pro solis navibus, non pro curru, non pro equis gubernandis. Medica solam curat sanitatem, imaginum, statuarum, navium negligens. Ars Logica ad omnes scientias pertinet. Intellectui siquidem pro scientiis omnibus instrumenta sciendi parat, qualia sunt divisiones, definitiones, demonstrationes; nec enim

enim solus Logicus, sed & Physicus, & Mathematicus & Theologus dividunt, definiunt, demonstrantque, idque in materia quidem diversa, eadem tamen formâ, & omnino ex Logicæ præscripto, quemadmodum licet alia sit marmoris, auri, argenti, arisque materia, omnibus tamen eandem formam statuat, & ex iisdem regulis artis sculptor inducit. Sive ergo Theologus Deum, sive Mathematicus solem definiat, uterque necessariò suam definitionem ad regulas Logicæ formabit, quæ præcipit, ut *definitio sit clarior definito: adequet definitum: ex genere & differentia constet, vel aliquo alio, quod differentia æquivalet, &c.* Quæ regulæ definitionis, ut dixi, ad omnes æquè disciplinas pertinent, cum nulla sit, quæ definitionibus non utatur, & præsertim Mathematica. Idem de alijs sciendi instrumentis dicas.

II. *Notandum* 2. Varios esse necessitatis gradus. *Primò*: dicitur aliquid *Metaphysicè* necessarium, quod ne divinitus quidem suppleri potest, quæ ratione anima homini componendo necessaria est, adeò ut ne Deus quidem hominem creare possit, qui animâ careat, tunc enim non erit homo, sed aliquid aliud. Sic etiam centrum necessariò ad circulum requiritur. Hoc modo certum est, Logicam alijs scientijs necessariam non esse; nec enim repugnat, Deum omnes scientias etiam in statu perfectò alicui conferre Logicæ artificialis imperito. *Secundò* *Physicè* necessarium dicitur, sine quo naturaliter loquendo aliquid esse non potest: sic cibis corpori conservando, sol aëri illuminando necessarius est, quia naturaliter sine cibo & sole neutrum fieri potest. Et hæc naturalis ac Physica necessitas latitudinem habet: erit enim aliquid necessarium ad omnem collectionem actuum, vel ad longum tempus, quod ad breve tempus, vel unum alterumve actum necessarium non est, idque ob limitationem & imbecillitatem potentiz ad aliquos actus, non ad multos sufficientis: sic vita sine cibo conservari aliquamdiu potest: sic oculus etiam integer sanusque videre colores potest, sed intra certam distantiam. Denique quod nini ob defectum aliquem aut impedimentum potentiz necessarium est, alteri non erit eo defectu non laboranti, quomodo ocularia vitra ad supplendam vel distantiam objecti, vel tenuitatem visus aliquibus necessaria sunt, non omnibus. Nec-

cessarium denique *Moraliter* illud dicitur, sine quo fieri quidem absolute & intra vires naturæ aliquid potest, imò ab aliquibus factum est, sed adedò difficulter, ut rarissime eveniat, & nulla aut vix aliqua spes ejus faciendi affulgeat: ita circum aliudve instrumentum necessarium dicimus lineæ perfectè circulari describendæ; quamvis enim repertus fuerit Pictor, qui ut Benedicto IX. artem suam probaret, cubito tantum, nec alio instrumento nixus perfectissimum circulum in folio duceret: hoc tamen adedò rarum & difficile est, ut hominum æstimatione pro impossibili habeatur. Eodem modo fieri naturâ potest, ut qui aleam, aut taxillum jacit, eundem numerum idemque punctum v. g. senarium centies reddat, quod enim semel natura fecit, poterit iterum & sæpius, nec repetitis actibus potentia ad similem casum jactumque in taxillis, ut in alijs rebus frangitur, & tamen motum & agitationem ac jactum alex tam æqualiter moderari, ut semper eadem cadat, moraliter impossibile est, fieri tamen absolute posset, ut Tyrius Max. *serm. 19.* de quodam adolescente Græco narrat, qui granula & pulviculos arenæ tam certo ac destinato ictu per foramen acûs vibrabat, ut nunquam aberraret, totâ Graciâ mirante, & usque Babylone velut ad miraculum quamplurimis accurrentibus, *Nec*, inquit Tyrius, *se deterorem ob eam collimationem, quàm Achilles existimabat ob fraxinum ex Pelio.*

III. *Notandum* 3. Logicam aliam naturalem, aliam artificialem esse. Naturalis est ipsum lumen Intellectûs, quo sine alio habitu disciplina Logica syllogismos, definitiones, divisiones format; sicut enim videmus nasci aliquos bene dispositos ad nandam, pingendum, ædificandum; ita etiam ad discurrendum. Et hæc Logica naturalis sine dubio ad omnes scientias absolute est necessaria, cum nulla scientia sine demonstratione acquiri possit: demonstratio verò est effectus Logicæ saltem naturalis.

IV. Hisce prænotatis, *quæritur primò.* An Logica Ecclesiæ, atque scientijs acquirendis sit utilis?

*Resp.* Negari non potest, Logicam omnibus scientijs etiam sacris parandis & acquirendis valde utilem esse.

Præ



Probatur 1. ex SS. Patribus. S. Aug. lib. 2. de Doctr. Christ. c. 36. *Scientia hac, inquit, plurimum juvat intellectorem.* Et de Ord. l. 2. c. 13. *Quando ratio ad alia fabricanda transiret, nisi ipsa sua quadam machinamenta & instrumenta distingueret? Vide eundem Aug. l. 3. contra Acad. Orig. homil. 2. in Exod. Eruditio ista ad omnem pervenit sensum, & per eam quisque medicatus & foras ad divinorum intelligentiam paratior venit.* Clemens Alex. l. 2. & 6. *Stromat. Dialectica velut manu duci ad veram aternamque sapientiam, & ad cognitionem suprema veritatis.*

Hieron. in Ezech. *Verè quidquid perversorum dogmatum est, & putatur esse robustum in terrena sapientia, hoc Dialecticà arte subvertitur, & instar mœdij in cinerem favillâque dissolvitur.* Cui consonat illud Tullij l. 3. de finib. *Sine Dialecticâ quemvis arbitramur à vero abduci, fallique posse.*

Plura videri possunt apud citatos PP. & Cicero, l. 5. *Tuscul. 2. & 3. de finib. Quintil. l. 2. c. 2. Clem. Alex. l. 7. Stromat. Dialecticam sepi comparat, quæ flores fructusque, ne bestijs & prædonibus pateant, ruerut.*

Probatur 2. Ratione. 1. Dialectica ex sua natura & primario officio parat alijs scientijs acquirendis, & contra impugnatores tuendis instrumenta: at istorum in omni opere artificioso conficiendo maxima utilitas est, ut experientia & usus docet; quamvis enim demus, aliqua sciendi instrumenta, aut præcepta definiendi, dividendi, argumentandi, apprehendendi, enuntian-di sine Logica artificiali parari, & confici posse, ea tamen & pauca erunt & rara, & numquam ad eam perfectionem, quam aliàs à Logica acciperent, pervenirent; quemadmodum etiam aliquis artis ignarus imaginem pinget, aut navim gubernabit, sed nunquam pari perfectione & felicitate, præsertim ventis adversis, ac mari scopuloso, cum ijs, qui earum artium periti sunt.

2. Quàm utile est veritatem agnoscere, & falsum ei oppositum primò deregere, deinde convincere; tam utilia sunt media ad hunc finem directà: Dialectica verò, quæ nihil aliud est, quàm ars bene disputandi, hæc ipsa media facit & docet, sine quibus tam eris ad disputandum & refellendum promptus, quàm miles ad pugnandum & vincendum sine armis: potest quidem & hoc fieri, sed quàm raro, quàm periculose, quàm temere?

3. Certum est, quæ multum nocent, multum etiam prodesse, si non ad nocendum, sed ad juvandū applicentur, ut in omnibus armis, medicinis, artibus experientia & usus docent: sed hæreticos ac Gentiles Philosophos subtilitate disputandi ac Dialecticâ arte multum Ecclesiæ nocuisse, & veram Religionem validè impugnâsse certum est. S. Augustinus adhuc Manichæus argumentandi peritiâ adeo Catholicos angebat, ut in publicis Litijs precarentur: *A Logica Augustini libera nos Domine.* Eam postea Catholicus factus adeo feliciter in hæreticos vertit, ut idem illi esset cum hæreticis certare quod vincere, & nihil magis quàm Dialecticam Augustini formidarent. Vide *lib. 1. contra Cresconium Grammat.* Idem de Luthoro Florimundus tradit, tam vid. eum Dialecticâ valuisse, ut raro cum aliquo in pugnam iret, quem non implicaret. Quantum Gentiles Philosophi Niceam ab Arrianis evocati Patribus negotij fecerint, quos tamen pari subtilitate & Dialecticâ, & præsertim intricaculis Catholici triumphârunt, videre est in Actis Concilij Nicæni, & apud Socratem & Sozomen. ac præsertim in egregia illa disputatione, quâ S. Athanasius cum Arrio confligit, ubi planè apparuit, & S. illum Doctorem Dialecticis artibus instructissimum fuisse, & Christianam veritatem discursu armatam & invictam, modò & victricem esse. Averroës circa annum 1140. in Aristotelis doctrina, quam etiam Commentarijs subtilissimis explicavit, & præsertim Dialecticâ versatissimus, caterùm nullius Religionis; nam Mahometicam porcorum, Judaicam infantum, Christianam verò fatuorum & impossibilem dicebat, solam Philosophiam homine dignam esse; hinc ejus totum: *Moriatur anima mea morte Philosophorum.* Dicit non potest quàm multos dislegendi ac ingenij subtilitate Averroës à Christiana Religione averterit, aut ejus Mysteria in dubium vocaverit, cui malo ut occurreret S. Thomas Aquinas, Summam & alia opera Theologica methodo Aristotelicâ instruxit, Commentarios in Aristotelem ac multa alia Philosophica scripsit, de quibus Bartholomæus Keckerman, in suo Logico systemate, homo aliàs Catholicis iniquissimus, *Tr. 2. c. 2. f. 17.* hæc habet: *Præceptore Alberto major Discipulus Thomas Aquinas, qui Colonia diu Albertum audivit, & secutus est, scripsit in universum Aristotelis Organon, in quibus Commentarijs velut stella fulgidissima lucent lectio-*

nes ejus in *Posteriora Analytica* Aristotelis, magna diligentia magni acuminis : scripsit & summulæ : opuscula etiam *Logica* alia edidit non pauca, ut de quatuor oppositis lib. 1. de *Demonstratione*, de *Fallacijs*, de *modalibus*, de *Natura generis*, de *Natura accidentis*, de *Natura syllogismorum*, libros singulos diligentia admiranda profecto & suspicienda ; à quibus quantum ars *Logica* incrementi capere possit, ij possunt experiri, qui cum judicio sine præjudicio tenellarum aurium hæc talia ignei verè ingenij monumenta lubenter legunt. Ubi licet advertere, S. Thomam tantæ sanctitatis, & cujus doctrina à cælo potiùs accepta quàm studio fuit, nunquam tantum operæ laborisque *Dialecticis* rebus impensurum fuisse, si non credidisset *Ecclesiæ* & *Religioni* utilissimas. Si ergo tantùm nocet *Dialectica*, cùm militat falsitati, quantò magis proderit juvabitque veritatem, cujus causa longè melior est, & cujus illa naturale quoddam instrumentum est ?

4. Et ideo non sanctos Patres modò, sed etiam *Prophe-  
tas* ipsumque Christum *Dialecticâ* usum esse docet S. August. lib. 1. cont. *Frescon.* per multa capita. *Lactantius* lib. 4. *Instit.* *Philosophia* humana suis armis est confecta, quia nimirum disputandi officio ( quod ipsa docet ) quidquid à *Philosophia* humana non rectè, id est, non consonè ad *Christianam* sapientiam dicitur, potenter destruitur, & falsum esse *Dialecticâ* disputatione convincitur. *Rupertus* Abb. Tuit. l. 7. de operibus *Spiritu. Sancti*. c. 13. Hujus artis utilitas & virtus tota ostenditur in *syllogismis*, quorum conclusio plurimum lectorem adjuvat ad veritatem investigandam, tantùm ut absit illi error decipiendi *Adversarium* per *sophismata* falsarum conclusionum. Quis autem omnium secularium ita ut hæc sancta scriptura fortiùt aut suaviùt novit aut potuit nodosum texere aut stringere *syllogismum* ? Et c. 10. Ingressa sunt ergo septem artes liberales tanquam famula in sacrum & reverendum *Domina* sua sapientia triclinium, & quasi de trivijs licentiosis ad districtum & severum *Verbi Dei* magisterium disposita, & assidere jussæ sunt. Vagabantur enim priùs per circuitum lasciva, garrula & verbosa puellula, nihil operantes, sed curiosè agentes solummodo, ubi negotiosa magis esse videbantur circa creaturam discutendam cursitantes, ipsum autem Creatorem negligentes. Misse sunt ergo in opus, ut non jam quod superfluum erat, de creatura mundi fabularentur, sed fido fidelitèrque quod expediret, de Creatore loquerentur, bonumque ad honorem ejus sermonem opere splendido texentes operarentur, id est, ut jam non res verbis, sed verba rebus ornarentur. Mc-

Memoriâ digna sunt, quæ Spondanus in laudem Philosophorum generatim scribit. Ad annum 234. n. 2. Caterum, inquit, quod audis Christianum hominem (Ammonium Philosophum Platonicum) externam Philosophiam publicè profiteri coram auditoribus Gentilibus, non sine divino consilio id fieri consueverat his temporibus tum Alexandria, tum alijs locis, ad magnam Christi gloriam & Evangelij profectum, quod ejusmodi schola essent compluribus veluti introductio quadam ad fidem capeffendam, dum qua apud sapientiores Gentiles Philosophos sublimiora essent, eadem longè facilius feliciusque ipso doctrina Christiana exordio ediscerentur: quâ viâ constât quamplurimos, ac præsertim Platonicos, ad Ecclesiam esse perductos; & qui se profiterentur Orbis magistrros, libenter factos esse discipulos humilitatis Christianæ. Conducere namque ad Christianam pietatem Philosophas disciplinas, præstareque, ut Christiani homines illis instituuntur, non semel Clemens Alexand. & ipse eas ibidem professus insinuat, & in primis cum adversus eos agit, qui Christianis Philosophiam profitentibus detrahebant. Sed quod eâ interdum abutis homines contingat, videlicet cum non eâ ut organo ad veritatem utuntur, sed finem in ea constituunt, idcirco apprime post Philonem idem Clemens symbolicis figuris Agar & Sara docet ancillam debere subijci domina, nempe humanam Philosophiam divina Theologia. Et aquè eleganter Gregorius Nyssenus alienigena femina comparat externam Philosophiam, quam Judæus ritu legitimèque accipiet in uxorem, dummodò ipsa deponat unguis & capillos, & ejus partus circumcidatur. Et ad annum 411. n. 12. Habuit is (Synesius videl. ex præstantissimo Philosopho Christianus, & Episcopus Ptolemaidis factus) amicum Evagrium nomine Philosophum Ethnicum: quem cum Synesius reddere Christianum conaretur, excipiebat ille de multis dogmatibus Christianorum crediti difficultibus, atque inter alia, de receptione, post hanc vitam à Christo centuplicis remunerationis bonorum, qua hi disperguntur in pauperes. Sed cum etiam in hoc satisfecisset ei Synesius, Evagrius tandem factus Christianus dedit ei tria auri centenaria, ut in pauperes erogaret; eâ tamen conditione, ut Synesius ipsi cautionem manu propriâ scriberet, quod Christus redderet illud aurum in futuro seculo; factum est, & post aliquot annos Philosophus moriens præcepit filiis suis, ut unâ cautionem illam sepelirent. Tertiâ post die apparuit ipse Synesio quiescenti, jussitque recipere chirographum suum, quod à Christo satisfactum ipsi esset abundè. Cum autem Synesius aperto sepulchro chirographum recuperet, reperit in eo confessionem accepti debiti, recenti manu Philo-

sophi

*sophi scriptam his verbis: Ego Evagrius Philosophus tibi Sanctissimo Domino Synesio Episc. salutem. Accepi debitum in his literis manu tuâ conscriptum, satisfactumque mihi est: & nullum contra te habeo ius propter aurum, quod dedit tibi, & perte Christo Deo, & Salvatori nostro. Hæc ibi.*

5. Sicut officium Pictoriæ est, manum Pictoris ad ritè pingendum dirigere: officium Nauticæ, dirigere Nautam ad ritè navigandum; ita Logicæ officium, dirigere intellectum ad ritè apprehendendum, judicandum, discurrendum, & veritatem consequendam. Sicut ergo nulla est potentia Intellectu nobilior: nullum objectum Vero extensius & diffusius: nullus error perniciosior, quàm mentis & Intellectûs, qui cùm voluntati præluceat, hanc quoque seducit, in eamque suos errores derivat: denique nullibi quàm circa Verum frequentior lapsus & aberratio, tum propter ejus amplitudinem, quæ res omnes complectitur; tum propter ejus cum falso similitudinem, quæ vix peritissimos non fallit; tum propter sensuum imbecillitatem, qui vel ob distantiam objecti, vel medij alterationem, vel ob alias causas & ipsi falluntur & Intellectum fallunt; oportebit ergo artem, quæ potentiam tam nobilem dirigit, & in objectum, tam pulchrum & appetibile, quale veritas est, velut manuducit, & à falso docet declinare, nobilissimam & utilissimam esse. Denique nulla scientia est, in qua non mentio creberrima sit definitionum, divisionum, demonstrationum, substantiæ, generis, differentię, proprii, accidentium, terminorum, propositionum absolutarum, & conditionatarum, &c. quæ nisi intelligantur, nihil intelligitur; intelligi verò sine Logica non possunt.

V. *Nec obstat*, in Logica multa reperiri difficilia, obscura, superflua (qualia sunt de entibus rationis, & de medio inveniendo) barbaris vocibus plena, & ideo Logicam à SS. PP. sæpe improbatam esse, ut videre est apud Tertull. *l. de præs. Origin. in Exod.* Ubi Logicam cum plaga cyniphum, quâ Ægyptij vexati sunt, comparat, &c.

*R.* Enim, utilitatem rei alicujus non esse ex defectibus æstimandam aut abusus, alioqui nulla res creata, aut etiam à Christo instituta utilis erit, cum nulla defectu & abusu careat. Nullum granum sine palea, nulla lux sine umbra. Neque enim, inquit August. lib. 1. contra Crescon. pro patria non est miles armandus, quia contra patriam nonnulli arma sumpserunt, aut ideo uti non debent boni, doctique Medici medicinalibus ferramentis ad salutem, quia his ad perniciem etiam indocti pessimique abutuntur. Abusus ergo, qui obijciuntur, non sunt artis ipsius, sed arte aut abutentium, aut ignorantium: sicut cum Nauta, quia ventum non observavit, ad portum non pervenit, error fuit non artis, sed luminis in attem peccantis. Obscuritas Logicæ partim ex ignorantia discientium est, ad res tam arduas novæque rudem & inexpertum adhuc intellectum afferentium, quemadmodum ferè qui diu nocti & tenebris assueverunt, primo lucis aspectu offenduntur, nec iste lucis, sed oculi defectus est. Barbariem vocum quod attinet, sciendum est, veritatem, quæ in Logica, alijsque scientijs quæritur, simplicitate, neglectuque sermonis gaudere, quod maxime verum est in scientijs disputativis & argumentativis ac demonstrativis, quales sunt Logicæ & Mathematicæ; impediuntur enim ornatu vestitûque verborum, & dum verbis comendis operam & studium locant, & tempus, & rem ipsam perdunt. Hinc in omnibus scientijs videmus, verba quamplurima esse minùs quidem Latina, sed multum significantia. Ergo Logicæ pretium in fructu, non folijs est. Illos tamen non probo, qui barbariem affectant, & sine ulla necessitate malunt turpiter quàm pulchrè dicere, & veritatem, quam sordido vase propinant, multorum contemptui ac fastidio exponunt. Mihi veritas sine ornatu quidem, non tamen sine decoro, vestitûque placet, qui castam & pulchram deceat. Patres quod attinet, non Logicam, sed abulum damnant, ut ex dictis apertum est.

VI. *Quæritur secundo.* Utrum Logica artificialis ad alias scientias in statu perfectio acquitendas, moraliter loquendo, sit necessaria? *R.* Affirmativè.

*Probatnr 1.* Res aliqua aut veritas tunc scitur, cum demonstratur; nec enim alio modo quàm per demonstrationem sciri potest;



est; ergo oportet prius cognosci, ipsam demonstrationem bonam & legitimam esse, sed hoc sciri nisi à Logico non potest, applicando videl. demonstrativum Syllogismum ad ejusdem regulas: nulla enim alia scientia est, quæ fieri demonstrationem doceat.

2. Experientia docet, eos, qui Logicâ destituuntur, in alijs scientijs ad omnia hære, præsertim verò in Theologicis & physicis, ubi tam multa de Distinctionibus, Relationibus, Ubicationibus, Unionibus, Quantitate occurrunt, quorum sine Logica ne nomina quidem intelligi possunt.

3. Logica ex omnium consensu instrumenta sciendi, & sine errore intelligendi tradit: atqui nulla res moraliter loquendo sine instrumentis operari potest, saltem non diu, nec constanter & perfectè.

4. Pauca sunt veritates, extra Mathematicas, ex se evidentes, sed pleræque per bonam consequentiam ex evidentibus deduci debent: atqui unum ex alio deducere, consequentias texere, earumque bonitatem examinare, est solius Logicæ.

5. Huc denique spectat elegans discursus S. Thom. in lib. poster. l. 1. Lect. 1. Sicut dicit Philosoph. 1. *Metaph. Hominum genus artibus & rationibus vivit, &c.* Vide cit.

VII. *Obijcies* 1. Ex allatis rationibus sequi, non solum Logicam, sed omnes etiam alias Scientias sibi mutuò necessarias esse, nulla enim perfectè sine alia haberi potest; Mathematica v. g. quàm multa supponit ex Physica de quantitate, de cælis, de coloribus, oculo? &c. Physica quàm multa ex Metaphysica de substantijs, de vero, uno, bono, ente, existentia? &c.

2. Omnes Scientias catenatas, & aliquo modo subordinatas esse, adeò ut unius perfectissima cognitio aliarum notitiam saltem imperfectam requirat: Sicut enim in hoc mundo visibili omnia sibi mutuò connexa sunt, unumque ab alio vel in esse, vel in conservari, vel gubernari aut perfici pender, ita in mundo intelligibili unum verum ab alio, una cognitio ab alia pender, & illustratur. Specialis tamen est Logicæ ad alias Scientias respectus, instrumenti vid. ad opus instrumentatum, & ideo magis hæc est necessaria quàm aliæ scientiæ. Sicut Pictoria habet quidem aliquam dependentiam ab Optica, facilius tamen erit imaginem ab ea

pingi qui Opticâ caret, quàm qui penicillo : & Mathematica pendet à Physica, faciliùs tamen circulum formare sine Physica quàm sine circino discas. Accedit quòd sicut v. g. pictoria ars ab Optica dependet quoad aliquos tantùm effectus. v. g. distantias, umbras, colorum refractiones, &c. à penicillo & alijs pingendi instrumentis dependet absolūtè & ferè quoad omnes effectus, & ideo major est necessitas penicilli ac instrumenti quàm Opticæ ; ita scientia quoad omnes actus scientificos, & Intellectus quoad omnes demonstrationes à Logica pendet : cùm enim ex vero antecedente non solùm verum, sed etiam falsum consequatur, semper aut ferè semper Intellectui Logicâ opus est, quæ Intellectum determinet, gubernetque, ut ex vero non falsum, sed verum deducat. Sic Epicurus ex vero illo antecedente, *Etiā bonis mala eveniunt* : falsum deducebat : *Ergo Deus humana non curat*. Cujus consequentiæ falsitas mox à Logica deprehenditur & corrigitur : non enim argumentari licet à *sensu disjunctivo ad determinatum*. Sicut enim non valet : *Omne animal vel est homo vel brutum, ergo Petrus est brutum* ; ita non valet : *Bonis mala eveniunt, vel quia Deus primum in aliam & immortalem vitam reservat : vel quia occasionem fortitudinis & exemplum in adversis ex tolerantia malorum hominibus parat : vel quia humana non curat ; ergo humana non curat*. Sic aliqui Antiquorum ex vero antecedente : videl. *Tempus futurum non est, Tempus præteritum non est, Tempus præsens non est*, tempus est enim tantùm instans, h. e. principium temporis ; sicut unitas non est numerus, sed principium numeri, inferebant falsum consequens ; *ergo tempus nullum est*, quæ est fallacia à sensu diviso ad sensum compositum : tempus enim cùm essentialiter sit transitus & motus, componitur ex non esse & esse, ex præsentī & futuro ; Sicut ergo non sequitur, *Animā non est homo, corpus non est homo, ergo nec animā & corpus sunt homo*, ita non sequitur ; *Præteritum non est tempus, præsens non est tempus ; ergo præteritum & præsens non sunt tempus*.

Lutherus & Calvinus ex vero illo antecedente : *Deus omnia etiam futura necessariò cognoscit* : deducunt falsum ; *ergo futura necessariò contingunt, ergo nulla est ad futura libertas*. Hujus consequentiæ falsitas



fitas ex Logicæ ignorantia nascitur, quia ut illatio sit bona, oportet non variari in antecedente, & consequente suppositionem, hîc autem variantur, quia de sensu immanente ad transeuntem, sive de necessitate consequente, & hypothetica ad necessitatem antecedentem & absolutam, quæ sola perimit libertatem, transi-  
tur. Patet ergo ex adductis exemplis, in omnibus ferè actibus scientificis & illativis Logicæ influxum & regulationem necessariam esse, quod de alijs Scientijs dici non potest; major ergo est Logicæ quàm aliarum scientiarum se mutuo illustrantium necessitas.

VIII. *Non obstat* 2. Ad bene argumentandum, & in qualibet scientia verum ex vero deducendum, sufficere Dialecticam naturalem, hoc est, ipsum lumen & perspicaciam Intellectûs naturalem, quâ videt unum in alio contineri, aut non contineri, unum ex alio sequi, aut non sequi: quis enim tam rudi brutoque intellectu sit, qui non videat has consequentias esse bonas: Omnis stella movetur, ergo & Saturnus: Centrum æqualiter distat à circumferentia, ergo omnis linea recta de centro ad circumferentiam est æqualis: Testamentum sine solemnitatibus est nullum, saltem civiliter, ergo nullum hæredibus jus parit saltem civile: Principes imitari omnes aut necessitate aut spe aliquâ cupiunt, ergo mala Principum exempla magis quàm privatorum nocent? Videmus ergo, omne genus scientiarum ex sola naturali Dialectica, quamvis artificiali careant, argumentari posse, & hoc ipsum experientia docet, imò artium & scientiarum omnium origo: prius enim quàm esset Arithmetica, Grammatica, Astrologia, Musica, usus numerandi, loquendi, cælum observandi cantandique erat: & de Medicina testatur Plinius, 600. annis Romam sine Medicis, non tamen sine remedijs morborum fuisse. Idem ergo de Logica, quod de alijs Scientijs dicendum erit, naturalem scilicet sufficere. Si enim curari sanitas 600. annis sine Medicis potuit, cur non totidem annis ratio sine Logicis?

æ. Logicam naturalem artificiali destitutam ad paucos actus eosque valde faciles, non verò ad multos, multò minùs ad omnes, ac valde difficiles sufficere, & infinitis erroribus obnoxiam esse, ut experientia docet: nec nos negamus, Logicam natura-

lem scientijs acquirendis in aliquo imperfectoque gradu sufficere : Qui artem iaculandi ignorat, naturali diligentia eò quidem perveniet, ut aliquando metam feriat, sed longè sæpius errabit : qui arte medicâ caret, aliquem fortè morbum cognosceret, aliquem curabit, sed mille alios non cognosceret, & plures morti quàm sanitati reddet : Idem de Logica dicas ; hæc enim morbos Intellectûs, hoc est, errores, ut Medicina corporis sanat : cùm enim ars sit collectio multorum præceptorum, quæ longissimo usu, perpetuâ experientia, assiduo studio, labore ac lectione quamplurimis annis homines doctissimi ac insigni ingenio præditi invenerunt, fieri moraliter non potest, ut unius hominis ingenium paucis annis privato studio ac labore id solâ naturâ consequatur, quod tanto tempore, studio, labore tam multi naturâ & arte moliti tandem sunt : quis enim credat, equum quamvis perniciosissimum eò unâ horâ currendo perventurum, quò aquilæ multis mensibus volando pervenerunt ? Audi Hugonem à S. Viç. ? l. 1. *Didascalica eruditionis.* Omnes Scientia, inquit, prius erant in usu quàm in arte. Sed considerantes deinde homines usum posse in artem converti, & quod vagum fuerat ac licentiosum prius, certis regulis & præceptis posse restringi, ceperunt consuetudinem, quæ partim naturâ, partim usu exorta fuerat, ad artem reducere, quod prævum habebat usum emendantes, quod minus habebat suppletes ; quod superfluum habebat rescantes, & de cæteris singulis certas regulas ac præcepta præscribentes. Hujusmodi fuit origo omnium artium. Priusquam esset Grammatica, & scribebant & loquebantur homines. Priusquam esset Dialectica, ratiocinando verum à falso discernabant. Priusquam esset Rhetorica, Jura Civilia tractabant. Priusquam esset Arithmetica, usum numerandi habebant. Priusquam esset Musica, canebant. Priusquam esset Geometria, agros mensurabant. Priusquam esset Astronomia, per cursus stellarum temporum discretionem capiebant. Supervenerunt artes, quæ licet ab usu principium sumpserunt, usu tamen meliores sunt.

Et Rudolph. Agric. l. 2. de invent. c. 5. Sic quod Dialectices est, invenerunt argumenta homines, & errores malè inventorum aliquandoprehenderunt, antea quàm essent omnia præcepta illius in artis formam collecta. Aristoteles tamen, quisquè post eum illâ instructi fuere, faciliè libris suis ostendunt, quàm magnus sit usus ejus, & quàm tractandis omnibus rebus accommodatus ; utquè sine ea non solum singula, de quibus in artium decursu dubitaretur.

taretur, explicari nequirent; sed ne artes quidem colligi possent, & in hanc, quam acceperunt, redigi formant.

IX. *Non obstat 3.* Logicam sine alia Logica discere quis potest (si enim ut Logicam discas, aliâ Logicâ opus sit, crit processus in infinitum) ergo etiam alias scientias.

R. Logicam perfectè sine Logica, vel potius sine cognitione patium & principiorum faciliorem, & universalium ejusdem Logicæ acquiri non posse, sicque non aliam, sed eandem Logicam inadæquatè spectatam sibiipsi necessariam esse, ut adæquatè, perfectèque acquiri possit, quâ ratione pars ad totum necessaria est; & hoc est omnibus scientijs commune: Grammatica enim sine Grammatica, hoc est, sine primis Grammaticæ principijs, & elementis acquiri non potest: idem de Physica, idem de Mathematica dixeris. Quia ergo actus perfectissimus Logicæ est demonstratio, & hæc sine cognitione terminorum ac propositionum, quæ sunt etiam objecta & opera Logicæ: in hoc sensu verum est, Logicam imperfectam esse Logicæ perfectæ necessariam; Logicam verò perfectam, hoc est, quoad actum perfectum, qui est Demonstratio, esse alijs scientijs necessariam, quia sine Demonstratione acquiri non possunt.

X. *Non obstat 4.* Veteres Philosophos ante Zenonem Eleatem primum Dialecticæ cultorem sine Dialectica multas scientias calculasse, & Platonis tempore Dialectica modò post Mathematicas docebatur: ipse Plato 7. de *Repub.* præcipit non ante trigésimum annum Dialecticam disci: & de Mathematicis, ac Jurisprudencia dubitari vix potest, Dialecticâ non egere.

R. Ne veteribus quidem illis Philologis Dialecticam defuisse, quamvis non ita cultam & in ordinem redactam, ut postea ab Aristotele factum est, & ideo in multos gravesque errores lapsi sunt, ut Aristoteles notat. Si ergo ne illi quidem, quantumvis summo ingenio præditi, hæc luce destituti cavere lapsum nequivere, quid de alijs dicendum erit, & minùs videntibus, & magis ignorantibus? Verum est, Mathematicas minùs quàm alias Scientias Logicâ indigere, quia resolvunt in principia sensibilibus evidentia, & cum suis conclusionibus evidenter connexa, ad quam connexionem, utpote manifestissimam, ritè intelligendam

dam non tam arte, quàm oculo opus est: cæterum dubitari non potest, etiam Mathematicam definitionibus & illationibus Logicis uti, maximè cum resolvit in principia intelligibilia; hæc enim propositio, *Linea recta est inter duo determinata puncta omnium brevissima*, demonstrari vel ad sensum potest circino metiendo lineam rectam & curvam inter duo puncta determinata, & continuò ac ad oculum apparebit, curvam multò longiorem esse. Vel demonstrari intelligibiliter potest hoc Syllogismo: *Linea, qua plus spatij in longum occupat, longior est, quàm qua occupat minus spatij: sed linea curva plus spatij occupat quàm recta, occupat enim saltem virtualiter totum spatium rectæ, & adhuc multò plus; ergo, &c.* & hæc demonstratio sine dubio Dialectica est. Jurisprudentiam quod attinet, ea sine Logica vix potest perfecta esse; quàm enim multa & passim in ea occurrunt de substantialibus, de accidentalibus contractuum, de relativis, qualitatibus, de oppositis, disparatis &c. quorum ne nomina quidem sine Logica intelliguntur? *Rursus.* Certum est, Jurisprudentiam argumentativam esse: vel enim resolvit suas conclusiones in Legalem & clarum textum, tanquam in causam effectivam, & tunc non opus est Dialecticâ artificiali, propter clarissimam connexionem conclusionis cum suo principio: vel non resolvit in textum clarum, & immediatum, sed tantum ex textu argumentatur, & per discursum conclusionem deducit, & tunc Jurisprudentia artificio & locis Dialecticis omnino utitur, vid. à simili, à contrario, à relativis, ab identitate, à majori ad minus, &c. de quibus integri Tractatus Jurisconsultorum extant, & ideo Philosophiæ nomen Jurisprudentiæ tribuitur in l. 1. §. 1. ff. de J. & J. Audi censuram Doctoris Hermes Clarissimi J. C. in fasciculo c. 37. n. 163. ubi: *Miseratione*, inquit, *potius quàm refutatione digni videntur, qui inutile putant, in Philosophia operam locare, cum usum rei non intelligant, similes vulpi Æsopici; nec mirum quòd non appetant, cum ignoti nulla cupido, & tantum velimus, quantum intelligimus; qui verò neglectis Philosophorum scholis, spretis artium adminiculis ad Jureconsultorum facultatum pulpita se convertunt, Baldum crepant, Justinianum somniant, hi Priscianum sæpe ut coquus muranum fossare solent, & Phaetonicâ planè audaciâ, fortunâ verò pius quàm Icaricâ longè peius ac Solares.*

Ex-

*Exspatiantur equi, nulloque inhibente per auras  
Ignota regionis eunt, quæque impetus egit,  
Hæc sine lege ruunt.*

Imò, quod magis mirè, etiam Medico Dialecticam esse summè necessariam tradit Hippocrates ipse l. de probis. Hali l. 1. c. 3. Galenus apud Cardan. l. 7. artis Medicat. & 2. de simplicib. c. 2. Cardan. Tomo 6. in contradicentibus Medicor. l. 1. Tr. 3. post med. Quod etiam ex dictis facile probari potest; Logica enim est Physicæ necessaria, & Physica Medicinæ: quam ergo scientiam Logicæ subduces, si etiam Medicinæ, quæ inaximè practica est, nec disputat, sed curat, illi subiecta est? Ergo etiam morbi & mors ipsa disputando vincuntur.

XI. *Quæritur tertio.* An Logica artificialis sit Physicè, & absolutè loquendo necessaria ad alias scientias, in gradu saltem imperfecto obtinendas? *Resp. negativè.*

*Probatur 1.* Ex rationibus, quæ contra Conclusionem 2. productæ sunt.

2. Sicut se habet claritas objecti ad cognosci, ita se habet claritas & activitas Intellectûs ad cognoscere: sed quando veritas aliqua clarissimè & evidenter connectitur cum suis principijs, sine Logica ea connexio cognoscitur, quilibet enim sine Logica artificiali bonitatem istarum consequentiarum intelliget: *Dies est, ergo sol lucet: Omne totum est majus suâ parte, ergo totum templum majus est campanili.* Sicut ergo magna claritas & evidentia illationis supplet necessitatem Logicæ artificialis, ita etiam magna claritas & activitas Intellectûs uno obtutu & sine discursu Logico quamplurimas conclusiones in uno principio spectantis, ad quas sigillatim & distinctè deducendas alius Intellectu minùs illuminato multo tempore, multo labore, multisque consequentijs, ac Logico artificio vix tandem pertinget. Quod etiam validè confirmari potest ex proportionem Intellectûs & oculi corporei: oculus enim coloratum non videt nisi intra certam distantiam, & quò longiùs objectum distat, eò semper minus apparet, ejusdem objecti cono seu angulo semper magis magisque extenuato. Quodsi objectum extra sphæram & distantiam naturalem ponas, omnino disparebit, & visum fugiet, nisi forsan instrumenta aliqua aut specilla optica adhibeas, quorum ope

species colligantur, & collectæ fortiùs agant, ipsamque objecti imaginem in oculo pingant. Reperiuntur tamen aliqui, quorum in videndo activitas & distantiam objecti, & specierum imbecillitatem, & necessitatem instrumentorum vincit supplétque. Tiberius Imp. in tenebris & nocte videbat. *Suet.* Strabo à Lilybæo classes Carthaginensium è portu solventes videbat, in iisque singulas numerabat naves. Distantia verò erat centum triginta quinque mille passuum. *Val. l. 1. c. 8.* Hispanus quidam Lopes Gadibus fuit, qui usque in Africæ littus acie penetrabat spatio trium aut quatuor horarum, & quæ illic agebantur, indicare poterat. *Camerar. horar. subc. C. 3. c. 81.* & denique de Zahuris seu Lynceis Hispaniæ res certissima est, abdita in terræ visceribus, venas aquarum, metallorum, thesauros videre, & talem Lynceum del Rio testatur Madriti à se visum Anno 1575. & hanc videndi activitatem Cœlius Rhodig. *l. 16. antiq. lect.* alijque naturæ & spirituum vehementiæ tribuunt. Sicut ergo potest oculus corporeus naturali videndi facultate ea cernere, quæ aliàs, & moraliter loquendo, sine instrumentis artificiatu videri non possunt; cur non etiam Intellectus sine Logica artificiali ea cognoscere, quæ alioquin & moraliter loquendo sine arte & instrumentis Logicis cognosci non possunt? Nec enim major est oculi ad visibile, quàm Intellectus ad intelligibile proportio.

3. Licet S. Aug. *l. 2. de Ord.* doceat, statim post Grammaticam inventam fuisse Dialecticam, tanquam aliarum scientiarum instrumentariam, alij tamen primò Physicam inventam esse dicunt, tum Mathematicam, ac tandem Logicam; idque non casu, sed ordine maximè naturali: experientia enim scientias genuit. Primò autem in sensus incurrunt tam multe & quotidianæ mutationes, dies vid. & noctes, vitæ, mortes, sanitas, morbi, voluptates, dolores, gaudia, tristitiæ, hyemes, æstates, ortus, occasusque, serenum, nubilum, &c. quorum effectuum experientia admirationem genuit, admiratio explorationem causarum, ac considerationem entis mutabilis, quod est objectum Physicæ; ex Physica cœpit Intellectus reliquâ materiâ sensibili ad figuras, numeros, proportionem, magnitudines, motusque præsertim corporum cœlestium ferri, & hinc patet Mathematicæ, quæ-


quarum objectum est ens extensum. Tardius inventa Metaphysica, utpote de rebus à sensu remotissimis. Tandem cum homines animadverterent se in rebus apprehendendis, enuntiandis, & præsertim per discursum inferendis sæpe falli, aut etiam ab alijs in errorem induci, cœperunt super actus tuos mentemque reflectere, & regulas aliquas excogitare, quibus & ipsi in cognoscendo ducerentur, & aliorum fallacias fucata pro veris obrudentium certò detegerent: & hanc Dialecticam dicimus, artem vid. ex erroribus & insidijs natam. Si ergo post alias scientias Logica & ultimò reperta est; quomodo illis absolutè necessaria?

4. Artes licet in usu ab instrumentis dependant, sicut etiam scientiæ præcticæ; in esse tamen intelligibili, ubi propriè scientiæ sunt (cum opus sit effectus scientiæ eamque supponat) priùs est scientia quàm instrumentum scientiæ, quod ad executionem pertinet: quemadmodum oportet priùs aliquem Mathematicum esse, quàm instrumenta Mathematica conficere, ijsque uti possit, nullus quippe nisi Mathematicus astrolabio, globo, quadrato uti poterit, nisi qui Mathematicam calleat. Cum ergo Logica sit instrumentum aliarum scientiarum, hæc priùs quàm Logica erunt, & ita potiùs Logica scientiam, in aliquo gradu & imperfectam, supponet quàm econtrà; v. g. in hoc syllogismo: *Quod contrarijs formis caret, corrumpi non potest: materia contrarijs caret* (cum omnes formas accidentales, & substantiales appetat, nihil autem sibi contraria appetit) *ergo, &c.* in hoc syllogismo priùs cognosco, *Materiam contrarijs carere, contraria esse radices corruptionis, contraria non esse, qua naturaliter appetuntur*, quàm judicem, tres illas propositiones aptè collocatas, & formâ Dialecticâ præditas esse. Sicut quælibet forma artificialis materiam supponit; ergo scientia Physica, ad quam illæ propositiones spectant, supponitur ad directionem & operationem Logicam.

5. Denique Logica est instrumentum Scientiarum non adæquatum & continens totam vim intelligibilem ac formativam operis (sicut ars Architectonica est tota ratio fabricandæ domûs, non verò lapides & ligna) sed est instrumentum coadjuvans Intellectum, & dirigens operationes mentis, in quibus reperiuntur



femina & principia moventia ad producendum effectum artis & cognitionem scientificam. Sicut Medicina est ars adjuvans naturam ad consequendam sanitatem ; & ideo natura, in qua est principium sanitatis, sæpè ad hanc sine arte & medicina reducitur, idem de Logica sentiendum, de quo vide S. Th. eleganter differenter *1. p. q. 117. a. 1. & 2. cont. Gent. c. 75.*



## §. II.

## De objecto scientiarum in genere.

## Summaria.

1. *Quid sit objectum, & quomodo per cognitionem nobilius esse acquirat ?*
2. *Singulis potentijs, & scientijs necessarium esse aliquod objectum.*
3. *Et qua sint objecti officia ?*
4. *Ut objectum aliquod sit scibile, necessario aliquibus proprietatibus ornatum esse oportet.*
5. *Objecti divisio.*
6. *De ratione formali sub qua. eius necessitate, usûque in scientijs specificandis.*
7. *Non obest rationi formali sub qua, quòd ingreditur definitionem potentia, vel scientia, & econtrà.*
8. *Effectus primarius rationis formalis sub qua est specificare potentiam, vel habitum.*
9. *Solvuntur objectiones.*
10. *Conditiones objecti pro scientijs tum speculativis, tum practicis.*



## I.



Objectum dicitur, quod potentia cognoscitiva aut scientia alicui cognoscendum, considerandum, & ad esse intentionale aut cognoscibile elevandum obijciatur: quælibet enim cognitio objectum suum transformat, & ad aliud ac elevatius esse perducit, Planta v. g. secundum esse suum reale ac entitativum, quod extra intellectum habet, est ens corporeum, corruptibile, multisque modis alterabile: secundum verò esse intentionale, quod in intellectu habet, quamvis sit tantum imago & expressio accidentalis veræ arboris, & hoc respectu imperfectior: ex alia tamen parte acquirit esse vitale, intelligibile, immateriale, ac ex sua natura incorruptibile. Sicut enim rosa in auro, aut ebore sculpta aurum, & ebur est, induitque omnes perfectiones & æstimabilitatem auri eburisque, ac præterea gradum artificiatum tantò nobiliorem, quantò propius ad similitudinem veræ ac naturalis rosæ accedit; sic multoque magis intellectui impressa omnes conditiones, & perfectiones intellectus induit, ac præterea gradum ac esse imaginis, nec tantum quoad externam & superficiale apparentiam ac figurationem objecti, sed quoad internam, intimam ac visceralem omnium proprietatum & essentia expressionem; & ita imago objecti intellectualis superat non solum perfectiones rei ut est, sed etiam ut in artem cadit, quia nullâ arte tanta similitudo in imaginem derivari potest, quantam cognoscendo intellectus in suos actus & imagines derivat.

*Nec obstat*, ut dixi, rosam extra intellectum substantiam esse, in cognitione tantum accidens, ergo perfectior est in esse naturali, quam in esse scibili.

¶ Omnino in esse naturali & entitativo nobiliorem esse, sed hæc ipsa perfectio entitativa vincitur tot alijs perfectionibus, quæ objecto in esse scibili adveniunt, illudque in hoc statu reddunt longè magis appetibile & appetibilibus; quis enim non

majori pretio rosam in auro à perfectissimo sculptore ductam est quam naturalem? Aut quis & in seipso & in alijs non majoris faciat scientiam rosæ quam ipsam rosam? Licet hæc sit substantia, illa accidens: quâ ratione S.Th. 1. 2. q. 113. a. 9. ad 2. de gratia sanctificante docet (quæ accidens solum est) unum gradum gratiæ majus esse bonum bono totius universi; patet ergo, perfectionem in gradu substantiæ compensari, imò excedi posse multis alijs perfectionibus accidentalibus, saltem quoad rei pretium & æstimabilitatem. Hoc prænotato

II. *Queritur primò.* Utrum oporteat aliqua objecta singulis potentijs, & scientijs assignari?

*Resp.* Omnino oportere; id patet inductione omnium potentiarum & scientiarum; quis enim videt sine colore, audit sine sono, intelligit sine vero, amat sine bono, pulchròque? Et ratio est, quia potentia dicit relationem ad actum, actus cognoscitivus ad rem cognitam (est enim cognitio alicujus cognitio) ergo nec potentia sine actu, nec actus sine objecto, utpote correlativis, esse potest.

III. *Queritur, secundò.* Quæ sint officia objecti?

*æ.* Varia esse officia, quæ objectum inmediate in actum & mediatè in potentiam exercet; nam

1. Objecta limitant, & obsepiunt potentias, & actus, ut extra objectum ferri non possint; habet enim quælibet natura suos terminos, quibus cingitur, & intra quos sistit: Elementa suum centrum, Planetæ suos orbes, Agentia suam spheram activitatis, Essentiæ suas differentias: sic & Scientiæ sua objecta, quæ Horizontem seu Finitorem intelligibilem constituunt, qualem oculo corporeo Mathematici etiam assignant: & ita videmus, nec oculum ad sonos, nec aurem ad colores extendi; nec Logicam de triangulis, aut numeris disputare, nec Mathematicam de Syllogismis, quælibet videlicet Scientiâ intra suum orbem & lineas collectâ, adeo ut sicut ne absolutâ quidem Dei potentiâ fieri potest, ut triangulus plures angulos, quam tres complectatur, aut essentia humana ultra specificam differentiam suam aliam assumat, ita fieri nequit, potentiam extra suum objectum vagari, hoc est, visum in sonos ferri, auditum in colores, &c.

2. Quod

2. Quod ex primo sequitur, Objecta Scientias & potentias specificant, non quidem in genere causæ formalis intrinsecæ, sed causæ formalis extrinsecæ, & exemplaris; cùm enim cognitio sit objecti assimilatio & imago, objectum se habebit ut exemplar, cognitio ut exemplatum. Sed hæc specificatio non datur à toto objecto, sed à sola *ratione formali sub qua*, ut paulò infra dicitur: tantùm hic *nota*, duplicem causalitatem ab objecto in cognitionem, actualémque scientiam exerceri, causæ videl. efficientis & exemplaris; hanc purè terminando actum; illam effectivè per species producendo; est enim cognitio speculum intelligibile veritatis, quam contemplatur: imago autem in speculo recepta partim effectivè ab objectis procedit, quæ per species impressas seipsa in speculo pingunt, partim terminativè, quatenus dicunt similitudinem & imitationem objectorum; imitatio verò & similitudo non dicit ullum influxum effectivum, sed purè terminativum, ut patet in creaturis, quæ nullum influxum effectivum in Deum habent, quamvis ut exemplaria imitationésque divinarum perfectionum, imò objecta divinam cognitionem terminantia, terminativè se ad illam habeant.

3. Scientiæ sicut ab objectis specificantur, quod magis paulò post explicabitur, ita etiam distinguuntur; qualibet enim res per differentiam specificam ab alia distinguitur.

4. Ordo & Dignitas quæ in scientiis est, ab objectis desumitur; tantò enim dignior est scientia, quantò perfectius objectum, & perfectior est modus, quo circa illud versatur; cùm enim veritas sit unicum centrum & maxima perfectio ac felicitas intelligentis, quò illa est altior, ac viciniùs & clariùs intellectum irradiat, tantò etiam magis perficit; quemadmodum, quia visio est coloris, & lucis possessio, quò pulchrior erit lucis & coloris in objecto attemperatio, eò perfectior erit visio: & sicut forma tam accidentalis quàm substantialis, quò perfectior est & subjectum perfectiùs actuat, eò perfectius compositum reddit: sic & scientia, quæ est compositum ex actu & objecto velut forma intelligibili & ideali, ex hujus majori perfectione & ipsa perfectior evadit: quemadmodum ergo annulus ex gemma, ita scientiæ ex objecto pretium & dignitatem habent,

IV. *Quar. Tertio.* Utrum objectum scientiæ habeat aliquas proprietates? *Resp.* Necessarium esse, ut scientiæ objectum aliquas proprietates habeat, quæ per causas necessarias de illo demonstrari possint, scire enim est res per causas cognoscere: solæ autem proprietates aut prædicata essentialia objecti causas & rationes necessarias habent, cum quibus in esse rei connectuntur, & per quas in esse cognoscibili probari possunt. Sic Mathematica pro objecto habet quantitatem continuam, de qua multas proprietates demonstrat, v. g. de angulo rectilineo (qui fit ex contactu duarum linearum rectarum) omnes angulos rectilineos esse invicem æquales, quia lineæ rectæ, ex quarum concursu fiunt, æqualiter, & sine inclinatione se contingunt: à quolibet puncto circuli duci posse lineam rectam ad centrum, quia centrum æqualiter à circumferentia distat: terram rotundam esse, quia gravia à quolibet puncto terræ per rectam lineam ad centrum pergunt, ut in perpendiculis patet. Sic Physica de objecto suo, quod est corpus mobile, probat ignem sursum agi, quia sursum est illius centrum, &c. *Advertendum* tamen est, proprietates, quas de suo objecto Scientia demonstrat, non semper à suo objecto realiter distingui, nec principia demonstrationis à proprietate demonstrata; Metaphysica enim entis proprietates demonstrat, quæ cum ente identificantur realiter, & Theologia Dei unitatem per ejus infinitatem, cum tamen hæc nec ab unitate, nec unitas ab illa distinguatur. Ut ergo sciri aliquid & demonstrari possit, sufficit rem demonstratam cum principio demonstrationis connecti, & quò major est connexio unius cum alio, eò major erit, magisque convincens necessitas demonstrationis.

V. *Quaritur quarto.* Quotuplex sit objectum? *Resp.* Objectum dividitur *primo* in objectum remotum & proximum. Remotum est quod propriè & per se ab actu non attingitur, sed tantum respectu alicujus sibi conjuncti: sic pomum, solem, &c. videmus, hoc est, non ipsam substantiam, sed colorem, & lucem utriusque, & ita pomum, quod est nomen substantiæ, est objectum remotum duntaxat visionis, proximum color. Hoc objectum proximum dividitur *secundò* in materiale & formale. Objectum materiale dicitur, quod verè ab actu & scientia attingitur, sed

sed ad actum merè terminativè & nullo modo motivè se habet: Sic creaturæ omnes, quas Deus intelligit, amaturque, sunt hujus amoris, & scientiæ objecta merè materialia, quia non movent nec causant in Deo amorem & scientiam, sed illam terminant, & cum amo proximum propter solum Deum, ille est objectum terminativum, non motivum, quia tota ratio quæ movet & excitat amorem, est bonitas Dei, ut suppono, non creaturæ. Idem dicas, cum media propter finem appeto, v. g. sectionem propter sanitatem, hæc sola videtur objectum appetibile, non ipsa sectio, quæ potius nata est voluntatem avertere, quàm provocare. Alij tamen objectum materiale aliter explicant & confundunt cum objecto remoto: proximum verò, quodque est vera ratio, quæ ab actu attingitur, vocant *rationem formalem Quæ*, totum hoc concretum ex materiali & formali vocant *Objectum Quod*: paries ergo visus erit Objectum materiale Visionis, color objectum formale, paries coloratus *Objectum Quod*: Ens secundum omnes suas differentias Objectum Metaphysicæ materiale & remotum, ratio verò Entis præcisæ, & ut sic, objectum formale; Ens secundum se *Objectum formale Quod*. Non tamen semper necessarium erit, *rationem formalem Quæ* realiter distingui à materiali, ut patet in Ente: & eadem lux simul videtur, & est ratio videndi.

*Tertiò*. Objectum verò materiale aliud est *Adæquatum*, aliud *Inadæquatum*, hoc est pars Objecti quod à scientia consideratur, sicut anima est pars Objecti Physicæ. Adæquatum est totum & aggregatum, ad quod omnia, quæ in scientia aliqua tractantur, vel ut causæ, vel ut partes, vel proprietates, vel opposita, reduci debent. Sic Ens mobile est objectum totale Physicæ, numerus objectum Arithmeticæ, &c.

*Quarè*. Objectum inadæquatum aliud est *Attributionis*, aliud *Attributi*: Objectum Attributionis est pars principalis objecti scibilis, ad cujus contemplationem, aut etiam formationem, omnia alia objecta partialia, eorundemque cognitiones diriguntur; cum enim scientiæ sint ordinatæ, videtur ad earum perfectionem pertinere, objecta ita connecti, ut in unum colligantur, quemadmodum omnes lineæ à circulo in centrum, quod tantum est pars, & minima circuli, colliguntur: & in Logica omnes tres

mentis operationes & regulæ istarum directrices tandem in Demonstrationem, quæ est pars Logicæ, concurrunt: quidquid de terminis, propositionibus, definitionibus, syllogismis, &c. in Logica disputatur, id omne Demonstrationibus servit. Complutenſes *disp. 1. Proæm. n. II.* dicunt, solum objectum adæquatum esse Attributionis, multique alii Recentiores negant in scientiis objectum parziale Attributionis dari, ad quod ex sua natura reliqua objecta partialia referantur; posset enim, inquiunt, esse cognitio definitionis sine notitia demonstrationis, & etiam demonstratione implicante, non ergo ad hanc illa refertur ex sua natura. Idem de propositione, idem de alijs dicas, quæ in Logica considerantur. *Rursus* definitio v.g. non est pars per se Demonstrationis, cum etiam extra demonstrationem tota & perfectè subsistat, & ita per accidens tantum ad demonstrationem refertur, quia apta est huic servire. Sicut lapis per accidens refertur ad domum, quia aptus est domum componere; hæc verò sola aptitudo non videtur sufficere ad constituendum objectum Attributionis; alioquin & demonstratio apta est referri ad Definitionem essentialem tanquam cognitio proprietatis ad cognitionem, & explicationem essentia, & ita non erit major ratio, cur una potius, quam alia dicatur objectum Attributionis esse. Quando ergo objectum parziale unius scientiæ ad aliud refertur, id non tam ex natura rei videtur esse, quam ex intentione, ac dispositione primarij illius scientiæ Inventoris.

Mihi tamen contrarium probabilius videtur, in aliquibus videlicet scientiis ex natura ipsius scientiæ objectum Attributionis assignandum esse, ad quod objecta partialia non solum per accidens, sed per se suoque instinctu ordinentur: in Logica enim v.g. cujus objectum est modus sciendi, seu directio mentis operationum, cum definitio imperfectè scientem constituat, Demonstratio perfectè, illa ad hanc per se ordinabitur, quia imperfectum in suo genere ad perfectum, dispositio ad formam per se refertur; natura quippe nihil imperfecti molitur, ut ibi subsistat, sed ut ad aliud tanquam perfectivum reducat, sicut materia est propter formam, & forma propter totum. Sicin Metaphysica Deus est objectum Attributionis, quia objectum illius scientiæ  
est



est Ens ut sic, ratio verò Entis in solo Deo perfectè reperitur, nam creaturæ sunt mixtæ ex esse & non esse. In Physica objectum Attributionis est anima rationalis, quia in hac sola reperitur ratio Entis naturalis mobilis quoad totam suam perfectionem, omnemque movendi gradum. Quodnam verò in particulari sit Logicæ objectum Attributionis, infra dicitur.

VI. *Queritur quintò.* Utrum præter objectum formale Quod, seu rationem formalem Quæ, admittenda insuper sit *Ratio formalis sub Qua*, quæ objectum ultimò determinet in esse scibili, illudque ad certam speciem scientiæ potiùs quàm ad aliam pertinere faciat? *Notandum.* Intelligi per rationem *formalem sub Quâ*, ultimam actualitatem, & scibilitatem objecti, per quam determinatur ad unam potentiam, aut scientiam potiùs, quàm ad aliam, quæque reperitur in omnibus actibus ad eandem potentiam aut scientiam pertinentibus, v. g. color albus, niger, & ruber conveniunt in ratione coloris, & sub hac ratione pertinent ad objectum potentiæ visivæ, hæc tamen ratio coloris non est ultima & specificativa objecti visibilis; cùm color, ut appetibilis, ad voluntatem, ut verus ad intellectum, ut effectus qualitatium miscibilium ad scientiam naturalem, ut denique per lineas rectas, reflexas, aut refractas ad oculum perveniens, ad opticam pertineat. Cùm ergo color, ut color, ad tot alias scientias potentiâsq; pertinere possit, quærenda est aliqua & ultima formalitas, per quam ad potentiam tantùm visivam, non intellectivam pertineat, & hanc dicimus esse *rationem formalem sub Qua*; formæ enim est, materiam ad plura indifferentem determinare, & unum ab alio distinguere. Visibilitas ergo coloris, & modus oculum per radiationem specierum & lucis immutandi, constituet *rationem sub qua* color ad solum visum, non ad alias potentias pertinet. In particulari quænam sit omnium scientiarum ratio formalis sub qua, & unde sumenda, dicitur ubi de unitate scientiarum. Videatur interim Cajet. in 1. p. q. 1. a. 3. Hinc ergo;

2. Hanc rationem *formalem sub Qua* necessariò admittendam esse, ferè communis est DD. sententia, & expressè traditur à S. Th. 1. 2. q. 54. a. 2. ad 2. Ubi dicit, rotunditatem terræ

à Physica, & Mathematica considerari, sed sub diversis medijs: Mathematica enim probat per figuras eclypsin, & ita sub propria ratione formali, quæ est Ens extensum, abstractum ab omni forma sensibili, non tamen intelligibili (Mathematicus enim de circulo v. g. disputat, qui est quantus, & consequenter materiam habet intelligibilem, abstrahendo an circulus sit ligneus, ferreus, aureus, coloratus, &c.) Physica verò eandem rotunditatem probat per motum rectum ad centrum à qualibet parteteræ: mobilitas verò Entis est ratio formalis Physicæ, quæ sub abstractione, à materia singulari, non verò sensibili, in omnibus objectis naturalibus invenitur.

*Ratio*, præter auctoritatem S. Thomæ, est, quia actus & potentia à suis objectis specificantur, & ab alijs potentijs distinguuntur: sed remotâ ratione formali sub Qua specificari & distinguui non possent, ergo. *Major* est certa, & omnium ferè DD. Per quid enim mihi definies visum, cumque ab auditu distingues, nisi per colorem & sonum? Imò ne cogitari quidem potest visus sine colore, auditus sine sono: si ergo color ingreditur non solum definitionem, sed etiam cogitationem, ac distinctionem visus, pertinebit ad hujus specificationem, quæ enim non specificant, non distinguunt, ut patet in gradibus & differentijs genericis. *Minor probatur*, quia remotâ ratione formali sub Qua objectum manet genericum, & pluribus scientijs ac potentijs commune, ut ostendimus de colore, non ergo specificat, & distinguit: sicut enim gradus genericus sensitivi non specificat hominem, nec à bruto distinguit, & imago generica Cæsarem aliquem in genere representans, nullum aliquem in particulari, non potest deducere in cognitionem specificam, vel particularem Leopoldi potius quàm Ferdinandi; ita objectum genericum non potest actum aliquem vel potentiam specificare.

VII. *Obijci* Vasq. in 1. p. q. 1. d. 3. c. 3. Si ratio formalis visus est visibilitas, & ratio formalis scientiæ est scibilitas objecti, sequitur scientiam per seipsam, & visum per seipsum definiri, qui est circulus vitiosus; quid enim aliud est visibile, quàm quod visu cerni potest? ergo visus hoc modo definitur: visus est potentia circa objectum quod visu percipi potest; quæ definitio



nitio est planè vitiosa, quia visus per visum definitur, & obscurum per aquè obscurum: qui enim nescit quid sit visus, nescit quid sit visibile, & qui nescit quid sit scientia, nescit quid sit scibile; & in Mathematicis qui nescit quid sit angulum reflectere, nescit etiam quid sit reflexibilitas anguli; & ideo Aristoteles *s. Metaph.* expresse negat, scientiam per scibile, visum per visibile definiri debere: & S. Th. *1. p. q. 25. a. 3.* dicit, esse manifestam circulationem, si quis dicat: Deum ideo omnipotentem esse, quia potest omnia possibilia: Sicut ergo Potentia definiri non potest per possibile, ita nec scientia per scibile; ergo malè dicitur formalem rationem scientiæ esse objecti scibilitatem.

✧ Aliud esse, rei essentiam quærere, aliud quæsitam & inventam explicare: cùm diximus specificativum visus esse visibile, & specificativum scientiæ esse scibile per certam media, certasque demonstrationes, verum diximus, & ipsam naturam rationis sub Qua determinavimus: si autem explicari oporteat, quid sit illa visibilitas, aut scibilitas, dicimus non esse denominationem extrinsecam ab ipso actu videndi, aut sciendi; sed denominationem intrinsecam, & objecto essentialem, in eo fundatam, quòd color natus sit hoc, & non alio modo, per immissionem videlicet specierum, ac lucis affusionem oculum movere. Eodem modo, si quæras; quodnam sit objectum Metaphysicæ? Respondebimus, Entis scibilitatem sub abstractione omnis prorsus materiæ, ex qua proprium lumen & proportio ad Metaphysicam, & non aliam scientiam resultat. Non ergo visum per visibile, aut scientiam per scibile utcumque definimus, sed per utriusque proportionem, & connaturalitatem ad potentiam, & scientiam, quod non est circulum committere, sed potius rem, ut est, explicare; quid enim mirum, unum sine alio intelligi non posse, cùm unum sine alio esse non possit? Si circulus hic aliquis est, naturæ, non doctrinæ est, & prius corrigi naturam, quàm doctrinam oportet. Visibilitas ergo coloris est habitudo & commensuratio coloris, per quam aptus redditur ipsum actum visionis terminare. Idem proportionaliter dicas de scibilitate, & hanc habitudinem & commensurationem specificam vocamus *rationem formalem sub Qua.*

VIII. *Quæritur sexid.* Quinam sit præcipuus effectus rationis formalis *sub qua* ?

*Resp.* Præcipuus effectus *rationis formalis sub Qua* est, cognitionem immediatam & potentias, ac habitus scientificos specificare. Hæc est communis DD. eamque docet Aristoteles 2. de An. text. 33. S. Thom. sæpè 1. p. q. 1. a. 3. & 1. 2. q. 54. a. 2. ad 2. & Opus. 70. q. 5. a. 1. & 2. 2. q. 1. a. 1. & 1. poster. lect. 41.

*Nota* ex Cajet. 1. p. q. 77. a. 3. aliqua esse, quorum differentia specificativa est omnino intrinseca, & sine ulla dependentia, aut respectu ad aliquod extrinsecum, sicut v. g. homo specificatur ab anima rationali. Aliqua verò sunt, quorum totum esse ad aliud est, & consequenter totam suam specificationem ab extrinseco termino accipiunt: talia sunt relativa prædicamentalia. Alia mediæ conditionis sunt, quæ licet absoluiam quidditatem, & essentiam habeant, nec consistant in mero respectu & relatione ad aliud, in sui tamen specificatione ab aliquo extrinseco pendent, & circa illud aliquid faciendo, aut recipiendo versantur, & tales sunt omnes potentie, actus & habitus, quæ ab objectis suis tamquam formis extrinsecis specificantur; forma enim, vel potius differentia intrinsecè actuum & habituum specificativa est illa ipsa relatio, & ordinabilitas actus ad suum objectum, quæ ordinabilitas est intrinseca, & identificata actui, habitui & potentiæ, cum sit istorum ultima differentia.

*Ratio* Conclusionis est 1. Ad actum visionis (de hoc enim tanquam notissimo loquimur, idemque proportionaliter de omnibus alijs cognitionibus dici potest) duo principia concurrunt, Potentia visiva, & objectum. A potentia visio habet, quod sit actus vitalis, sensitivus, immanens, &c. quæ omnia sunt prædicata generica, & communia; ab objecto verò habet, quod sit expressio & imago objecti colorati, albi, nigri, &c. quæ sunt prædicata specifica, & soli visioni competentia, & à solo objecto, non à potentia visiva derivantur: hæc enim est indifferens ad album, vel nigrum, ad coloratum, vel lucidum: nec visio est imago potentie, sed objecti: cum ergo objectum sit à quo derivantur prædicata specificativa & distinctiva actus,

meri-

meritò specificatio dicitur ab objectis esse : Sicut quamvis sol & arbor generent pomum, hoc tamen arbori non soli adscribitur, quia virtus specifica arboris universalem, & indifferentem solis influxum ad certum effectum determinat.

2. Specificatio est ultima entis actuatione, & perfectio, ultra quam alia, quæ essentialis sit, non datur; ut in homine patet, cujus ultima essentialis differentia est rationalitas, ultra quam quidquid homini advenit, accidens est: at visio ultimam suam actuationem, perfectionem & distinctionem ab objecto habet; objectum enim est terminus, in quo actus sistit, extra quem non porrigitur, & ante cujus attractum visio nondum est visio, hoc est, imago colorati, sed tantum actus vitalis, & in potentia ad esse visionis.

3. Specificatio ab eo sumitur, quod potentiam perficit, eam ad actum reducendo; ut patet in forma respectu materię, & differentiâ respectu generis: sed objectum est, quod potentiam cessantem, & velut sterilem immixtis speciebus fecundat, ut actum pariat; si enim colorem aut lucem oculo non obijcias, nunquam in actum exhibet, eritque instar speculi tersi, nudique, faciem expectans quam referat.

IX. *Obijcies* 1. Creaturæ sunt objectum scientiæ diviniæ, & tamen eam non specificant ( alioqui Deus à creatura tanquam à causa exemplari, objectiva, & perficiente penderet, quod fieri non potest ) ergo non est de essentia objecti actum specificare, essentia enim etiam respectu Dei sunt immutabiles, sicut triangulus tres angulos habet, sive à Deo sive ab homine fiat, quia hoc ad ejus essentiam pertinet.

R. Omnem creaturam esse Creatoris effectum non solùm in genere causæ efficientis, sed etiam finalis & exemplaris, quia propter Deum est, & quadam imitatio ejus diviniæ pulchritudinis: cùm ergo effectus causam supponat, non potest eam specificare: objectum verò creatum non supponit actum, sed causat & determinat ad certam speciem, ut dictum est; & ideo non est de essentia, ut causet ac specificet omnem actum, sed solum actum qui fuit in potentia, & qui non est causa objecti, quod in divinis non procedit.

*Obij-*

*Obijcies 2.* Quod est, specificari non potest ab eo, quod non est; sed etiam si nullus color aut lux esset, adhuc potentia visiva existeret; quid enim implicat eam destructo omni colore conservari? non ergo potentia ab objecto specificatur.

*R.* In potentia duo considerari, quod sit qualitas, & quod sit potentia ad aliquem actum. Ut qualitas est ens absolutum, nec indiget specificativo extrinseco: Ut potentia non ordinatur ad actum qui est (actu enim existente non est amplius ad eum potentia, quia est extra potentiam) sed solum ad actum qui esse potest: cum ergo potentia sit actus non existentis, sed possibilis, mirum non est, specificari ab actu possibili tantum non verò existente, imò maxime consentaneum est, specificativum potentie esse in potentia, non in actu. Ipse verò actus cum sit extra potentiam, requirit etiam objectum extra potentiam & in actu. *Ad Majorem* ergo factæ objectionis dico, potentiam specificari posse ab eo, quod non est, modo esse possit: actum verò specificari non posse nisi ab eo quod actu est, & ita proportionem servari potentie ad objectum possibile, & actus ad objectum actuale. Vide S. Th. 1. p. q. 77. a. 1. ad 1.

*Obijcies 3.* Objectum ut objectum concurrit ad actum in genere causæ effectivæ fecundando potentiam per species à se immittas, & cum illa actum producendo; non ergo specificat actum, quia specificare pertinet ad causam formalem: non potest autem eadem causa esse forma & effectrix sui effectus, alioqui seipsam causeret; ut enim efficiens producit effectum, eiusque specificationem ac formam (nihil enim producit nisi sub certâ specie & forma) ergo ut efficiens non potest esse forma: aut si est forma, hanc producendo, seipsam producit, quod est absurdum; ergo objectum, saltem motivum, cum sit causa effectiva actus, non potest esse ejusdem causæ formalis, & specificativæ.

*R.* Objectum duplici modo influere ad actum specificandum, uno modo tanquam causam effectricem actus, dando huic ultima, & specifica prædicata, ut supra explicatum est: & hic specificandi modus separari ab objecto potest; nam Angeli objecta per

per species infusas cognoscunt, & ita cognitio Angelica non pender effectivè ab objectis, idque generale est in omni scientia infusa, quæ ab objectis specificatur, nec tamen causatur. Alius modus extrinsecè actum specificandi, pertinens omnino ad essentiam objecti creati, est per modum formæ extrinsecæ & representabilis, quâ ratione prototypon est causa specificativa imaginis, hanc sibi assimilando, non producendo. Non verò repugnat, aliquid simul esse causam effectricem, & exemplarem: causa enim exemplaris est tantum forma extrinsecæ actûs, & ita non sequitur eam cum actu produci debere: idque in Deo patet, qui est causa efficiens, & exemplaris omnium rerum. Ad Argumentum ergo in forma, nego repugnare eandem esse simul causam efficientem & formalem extrinsecam.

*Si quas,* in quo consistat illa motio & influxus specificativus objecti?

*Respondet.* In exemplando actum, & potentiam determinando, ut v. g. videat potius album, quàm nigrum, solem, quàm stellas, &c. de quo vide S. Th. 1. 2. q. 9. a. 4.

*Objiciunt 4.* Saltem objectum purè terminativum non specificat actum: quando enim per imaginem Cæsaris cognosco Cæsarem, aut per vestigium leporis cognosco leporem, hîc Cæsar & lepus non sunt objecta motiva, cum per suas species non cognoscantur, tota verò objecti motio est per radiationem suarum specierum; sunt ergo objecta merè terminativa: terminus autem, ut terminus, non videtur specificare, aliis non esset purus terminus.

*2.* Etiam in objecto purè terminativo esse principia specificantia cognitionem; cum enim objectum determinet actum, ut hoc potius, quàm aliud representet, eundemque actum perficiat, totum suum esse illi, non quidem realiter, sed imitativè communicando, nihil ad veram specificationem deest; nihil enim aliud est specificare quàm perficere & actuare.

*Objiciunt 5.* Si actus specificantur per objecta, ergo ubi objectum est substantia, etiam actus erit substantia; ubi objectum est materiale, etiam actus erit materialis, quod falsum est; nam cum Intellectus materiam cognoscit, hæc cognitio est accidens

spirituale, cùm tamen objectum sit substantia materialis; objectum ergo non specificat actum, hoc est, non assimilatur sibi actum in prædicatis essentialibus; hoc enim est specificare.

℞. Actum non quoad omnia ab objecto specificari, sed tantum quoad illa, quæ dicunt relationem, & ordinabilitatem ad objecta; jam enim suprâ monuimus, actus, potentias, habitus non esse entia merè relativa, nec merè absoluta, sed ex utroque mixta: cùm ergo prædicata *qualitatis*, *vitalitatis*, *spiritualitatis*, *accidentis*, non dicant habitudinem ad objecta, quoad hæc ab objectis non specificantur, & ita non oportet actum esse substantiam, si objectum est substantia, &c. At verò cognitio secundum ultimum, & specificum gradum cognitionis, cùm ordinetur ad objectum, sitque ejus imago, necessariò ut sic ab objecto specificatur, hoc est, omnia prædicata objecti, modo tamen elevatori, & vitaliter transformativo, in se transfert; non ergo specificatio desumitur ab objecto in esse rei, sed in esse cognoscibili, quia ut sic tantum ad actum refertur: quemadmodum ferè sigillum ceram specificat, non quidem in esse rei, sed in esse repræsentativo, impressâ videlicet formâ, sed non relictâ materiâ: eodem modo objecta cognitiones specificant formaliter, non materialiter. Ad Argumentum ergo respondendum est, non sequi, ut si objectum specificet actum, sicut hic est accidens, etiam objectum sit accidens, &c. prædicatum enim accidentis & similia non specificantur ab objectis, sed tantum prædicatum *cognitionis ut sic*, hoc est, imaginis, & repræsentationis; nihil enim aliud est cognoscere, quam objectum repræsentari: & *Nota* hanc ipsam cognitionem, & repræsentationem, licet etiam tota sit à potentia, tanquam causa efficiente, & prout respicit existentiam, propriè tamen à solo objecto pendere quoad specificationem, quia hæc cùm pertineat ad essentiam & definitionem, abstrahit ab existentia, quæ in nullius creatura definitione ponitur; & ideo quamvis causa efficiens det existere, & finalis etiam agentem moveat ad aliquid producendum, sicque existentiam quoque respiciat, specificatio tamen ab objecto proveniens ad essentiam potius, quam ad existentiam refertur.

*Obijciuntur*

*Obijciatur 6.* Quod potentiam vel actum specificat, dat unitatem specificam, hæc enim consequitur speciem: sed objecta non dant unitatem specificam, cum sæpe una potentia sit ad distinctissimos specie actus, & distinctissima objecta, ut patet in Voluntate, & in Intellectu; quomodo ergo dabunt unitatem specificam, quam non habent?

*Rursus.* Idem specie objectum distinctis specie actibus attingi potest; Deum enim esse, & credimus & scimus: colorem & videmus, & intelligimus, & appetimus; non ergo objectum specificat actus, nec enim plurium specierum potest esse unum specificans, aut una forma. Et *si dicas.* Dei existentiam v. g. scientiæ & fidei objectum esse, sed sub diverso lumine, & ratione formali, revelationis videlicet diviniæ & discursus humani; *contra est*, quia jam actus & potentiæ non ab objectis specificantur, sed à diverso lumine & modo ea cognoscendi, qui non in objectis, sed intellectu est.

¶ Cum distincta objecta in unam specie potentiam vel actum cadunt, semper id fieri sub unâ ratione formali objectiva; omnia enim objecta voluntatis conveniunt in ratione boni, & ut sic ab actibus voluntatis attinguntur; ratio ergo & appetibilitas boni est, quæ specificat voluntatem: & quamvis ratio boni sit generica in esse rei (aliud enim est bonum honoris, aliud voluptatis, aliud virtutis) in esse tamen appetibilis & commensurabilis cum voluntate est una species; eodem enim modo voluntatem movet, per cognitionem videlicet & impulsu voluntatis, cuiusque unionem cum re amata: quemadmodum malleus ferreus & aureus metallo differunt, non formâ aut modo operandi. *Nec mirum est*, potentiam, quæ virtualiter est multa, in multa etiam & distincta realiter objecta ferri, semper tamen sub eadem objecti commensuratione, & attingibilitate. Ipsi tamen actus, qui sunt minùs universales, quàm potentia, ex diverso modo attingendi objectum diverso etiam modo specificantur; alia est enim visio albi, alia nigri, quia distincta est representatio, & hæc ipsa representandi distinctio in objectum reducitur, quod est distincto modo representabile; album distingendo, nigrum congregando, &c. Eodem modo



cùm Dei existentiam credimus & scimus, illud ipsum objectum, hoc est, existentia, distinctas habet terminabilitates, & proportionem, per quas distinctos actus specificat: ut enim existentia Dei connexionem necessariam cum creatis effectibus habet, sic à nobis scitur; ut verò subest revelationi, & cum hoc necessario connectitur, creditur: *nec dubium est*, ex diverso hoc revelationis & humanæ rationis lumine diversam quoque in objecto proportionem & cognoscibilitatem oriri: objectum enim ut evidentie naturali subest, determinat & cogit intellectum, nec locum dissensui relinquit: ut verò subest revelationi, non determinat nec cogit, sed assensus liber est. Sicut ergo non solum causa efficiens pro conjunctione ad diversas causas diversos effectus producit, sed etiam causa formalis v. g. anima pro diversitate organizationis, & dispositionis distinctos effectus formales tribuit, vegetativi tantum, aut sensitivi, &c. ita objectum quoad varias suas formalitates manifestabile, prout distinctis luminibus afficitur, ita distincto modo & distinctas potentias specificat, ita semper verum est, specificationem actuum, & mediata potentiarum, ab objectis esse, quia objectum aliter, & aliter manifestatum aliter etiam in actum influit, eumque sibi assimilat. Quod etiam in objectis artium videre est, idem enim metallum, v. g. æs, ut in varias formas ductile pertinet ad statuariam, ut sonorum ad Campanariam, &c. & hæc varia in materia circa quam, seu objectis habitudo & dispositio, ut artibus, ita scientijs præsupponitur, quia nec scientiæ objecta, nec artes materiam faciunt, sed circa jam factam & præjacentem operantur.

*Obijciunt* 7. Potentia visiva equi & hominis idem objectum materiale, & formale habent, colorem videlicet visibilem, ritèque illuminatum, & tamen specie differunt (cùm sint proprietates emanantes à formis specie distinctis) non ergo specificatio potentiarum est ab objectis.

✱. Potentias visivas equi & hominis, quamvis à diversis formis emanent, esse tamen proprietates ejusdem speciei, quia gradum sensitivum consequuntur, in quo homo, & equus conveniunt: cùm ergo visus non sit proprietas hominis, ut homo est,

est, non sequitur, ut si forma hominis à forma equi specie differet, etiam differat potentia visiva hominis à visiva equi. Nec accidentia, quæ formis distinctis insunt, continuò specie differunt; eadem enim est lactis & nivis albedo, eadem gravitas ferri & plumbi, quamvis formæ substantiales specie distinguantur: & in artificialibus eadem figura, & operatio ferrei & aurei mallei, quamvis metallo & substantiâ differant. Illud verum est, visum hominis propter conjunctionem cum forma perfectiore perfectiorem esse; cum enim sit sensus intellectui, scientijs, ac artibus deserviens, oportuit ad plures differentias colorum quàm visum equi extendi: & sicut instrumentum tantò perfectiùs operatur, quantò perfectior est artifex, à quo movetur; sic potentia, quæ sunt instrumenta formæ substantialis, ex hujus perfectione, motuque, & ipsæ in operando perficiuntur.

X. *Quæritur septimò.* Quas objectum scientiæ conditiones requirat? *Resp.* Alias & alias esse acceptiones & divisiones objecti. Objectum enim alicujus scientiæ latè sumptum est, quidquid in aliqua scientia, vel arte pertractatur, sive jam sint proprietates, sive causæ, sive accidentia objecti. Sic objectum Medicinæ non solum est corpus sanum, aut ipsa sanitas, sed etiam herbæ, medicinæ, signa, &c. Propriè tamen Objectum dicitur, cui adsunt certæ conditiones, quarum meminit Aristoteles, & in quas Doctores conveniunt. Conditiones objecti pro scientijs speculativis hæ sunt.

1. Ut sit ens necessarium; nam contingentia certitudinem non habent, & ideo non cadunt sub scientiam, quæ certa est, sed sub opinionem, quæ dubia est.

2. De Objecto, antequam sciri aliquid & demonstrari possit, præcognosci oportet tum quid nominis, tum quid rei, saltem confuse (si enim nescias quid sit phoenix, quomodo de illo potius, quàm aquila probabis 500. annos vivere?) tum etiam quòd esse possit, non autem quòd actu sit; impossibile enim sicut non est veritas, ità nec est scientia: existentia verò non est objecto necessaria, cum etiam de non existentibus, v. g. de rosa in hyeme, detur scientia; accidentia tamen quinti prædicabilis existentiam requirunt, quia inherere subjecto non possunt nisi exi-

stenti, & de Homine non existente dici non potest: *homo est albus*: bene tamen; homo est risibilis.

3. Debent proprietates aliquæ subjecto, & principia, seu causæ proprietatum inesse; proprietates quæ de subjecto demonstrantur: causæ seu rationes quibus demonstrantur, cum enim scire sit aliquid per causam cognoscere, si nec proprietates, quæ cognoscantur, nec causæ, aut principia, quibus cognoscantur, adsint, periit scientia: objectum scientiæ propriè non scitur/saltem à priori, sed præsupponitur, cum sit primum principium: à posteriori potest per effectus magis explicare, etiam quoad prædicata essentialia, demonstrari, v. g. objectum Physicæ est corpus mobile, & consequenter etiam cælum, cujus essentialia prædicatum est esse corpus superelementare, & hoc ipsum demonstratur, quia non constat qualitatibus miscibilibus. Sic de materia demonstramus esse puram potentiam, Animam esse actum corporis organici, &c.

4. Unitas quoque ad objectum pertinet, saltem analogica, & quæ unam definitionem admittat.

5. Denique, ut quidquid scientia considerat, aliquo modo ad objectum pertineat vel ut pars, vel ut causa, proprietas, accidens. Hæ sunt conditiones objecti scientiæ speculativæ. Aliæ sunt objecti scientiæ practicæ & operatricis: nam

1. Hujus non tam objectum quàm finis est, & ita propriè loquendo Medicinæ finis est sanitas, non objectum; objectum enim scientiæ præsupponitur, finis verò producitur, ut pater in sanitate: cum ergo scientia practica non tam spectet, quàm faciat, finem potius quàm objectum habet.

2. Præter finem habent scientiæ operatrices subjectum operationis, sive *in quo*, estque illud cui finem inducunt, v. g. subjectum operationis, & *in quo* Scientiæ moralis est voluntas, aut actiones humanæ, quibus moralem rectitudinem Ethica inducit. Corpus est subjectum Medicinæ, quia in illo operatur, & sanitatem producit: ferrum est subjectum artis fabrilis, quia illi forma artificialis imprimitur, & quamvis etiam objectum scientiæ contemplativæ subjectum appellari soleat, ad distinctionem ta-

men

men scientiæ practicæ subjectum Demonstrationis, sive de quo dici deber, quia de illo proprietates demonstrantur.

3. Artium, aut scientiarum practicarum aliquæ tantum operantur, aliquæ opus post se relinquunt: in utrisque duplex est finis, alius intrinsecus, alius extrinsecus: ille est operatio aut opus ab arte, vel scientia immediate productum; extrinsecus est usus illius operationis, & hic usus ad artem non spectat. v.g. Scientia nautica docet navigare, nec aliud opus post se relinquit; uti verò navigatione ad quæstum, vel bellum, vel pietatem, non est Nauticæ, sed aliarum virtutum, aut scientiarum opus. Finis Ædificatoriæ est domum exttuere habitationi aptam, sed bene, aut malè uti domo, ad ædificatoriam non spectat. Medicinæ finis est sanitas, quæ cum ex se sit appetibilis, parum Medici interest, quomodo illâ utaris.

4. Scientiæ speculativæ de subjecto jam præcognito demonstrant proprietates, & practicæ ex proprietatibus rem ipsam & finem, & qui possit in opus deduci, ostendunt: V. g. finis partialis Ethicæ est hominem magnanimum facere; prius verò quàm Ethica formam hujus virtutis in voluntatem inducat, ejus proprietates considerat, ostenditque, magnanmi esse opera magno honore digna perficere, appetitum honorum, & ex istis natum gaudium moderari; in utraque fortuna animi æqualitatem servare, non prosperis attolli, non adversis frangi, acceptum beneficium majore compensare, neminem aut vix quemquam rogare: libenter alijs operam, & servitia locare: cum magnis Principibus, virisque opulentis magnum se ferre, non illis adulari, non indignè secum agi permittere: cum mediocribus & infimis modestum & indulgentem esse. Vide Aristot. 4. Eth. lib. 3. S. Th. in 2. 2. q. 129. & in 4. Eth. cit. Hi sunt mores magnanimi, ex quorum explicatione, & cognitione Ethicus formam, & definitionem magnanimitatis deducit, eamque voluntati amabilem reddit, nec enim nisi volenti, & amanti persuaderi potest. Eodem modo nullus aprè navim fabricaverit, qui nescit, accidentia & proprietates navis, quibus ad navigandum apra efficitur. Ratio est, quia scientia practica, ut diximus, ad aliquid faciendum dirigit, quod humanis usibus sit accommodatum, ad hunc autem usum

usum unice accidentia & proprietates serviunt, sine quibus substantia nec operatur nec utilis est: prior ergo in practicis accidentium & proprietatum consideratio est, quia prior est, & principuus usus: in speculativis verò primum sibi locum substantia & essentia vendicant, quia hæc nobilior & radix operationum; & in speculativis non usum rei, sed veritatem respicimus, cujus cognitione Intellectus maximè gaudet, & perficitur.

§. Aliud insuper discrimen est, quodd scientia practica non multum labore in cognitione subjecti, eiusque proprietatum, sed contenta sit imperfectâ subjecti cognitione: hinc faber multa de ferri natura & proprietatibus ignorat, quæ videlicet operi non conducunt: & Medicus oculum curaturus, aliqua quidem de illius natura, & fabrica, sed non omnia cognoscit; quid enim Medici interest scire, videatne oculus per intus susceptionem, an per extra emissionem, quod volebat Plato?



### §. III.


## De objecto Logicæ.

### Summaria.

1. *Voces non sunt objectum materiale Logicæ.*
2. *Diluntur objectiones.*
3. *Nec res, seu conceptus objectivi sunt objectum materiale Logicæ.*
4. *Rationes adversariorum refelluntur.*
5. *Conceptus formales, ut tres mentis operationes incluunt, sunt objectum materiale Logicæ.*
6. *Solvuntur objectiones.*
7. *Objectum attributionis Logicæ est demonstratio.*

8. *Satis.*

8. *Satisfit objectionibus.*
9. *Objectum Logicæ non est ens rationis, imò non datur.*
10. *Respondetur ad objecta.*
11. *Tres mentis operationes, quæ dirigibiles, sunt objectum formale Logicæ.*



## I.



*Queritur primò.* Utrum voces sint objectum materiale Logicæ? *Resp. Negativè.*

*Ratio est 1.* Quia objectum materiale scientiæ practicæ est illud, cui Scientia operando formam inducit, formale, vel potius finis, est ipsa forma inducta: sed Logicæ non versatur circa prolationem, & formationem vocum, id enim ad Grammaticam pertinet; nec docet bene loqui, sed bene intelligere, &c.

2. Licet Logicæ de vocibus, & terminis, non tantum internis, sed etiam externis, & sonantibus agat; id solum est, ut alios doceat, instruat, convincatque, qui tamen non est finis intrinsecus Logicæ, sed extrinsecus, & communis alijs scientijs, & artibus, quæ certis vocibus utuntur; cum enim scientiæ nobis non innascantur, sed discantur, nec ad intellectum, nisi per sensum transeant, auditum præsertim, visumque, voces sensibiles non sunt objectum aut finis scientiæ, nec sui gratiâ considerantur, sed ut instrumenta traducendæ in alios veritatis, & ita ad usum potius, quàm finem scientiæ spectant.

3. Scientia practica tantò est perfectior, & opus ab ea confectum tantò absolutius, quantò suum finem aut objectum perfectius consequitur; ergo si objectum Logicæ sunt voces, qui melius, & doctius de rebus Logicis loquitur, melior Logicus erit, quod falsum est; non enim qui optimè de rebus nauticis loquitur, optimus nauta est, & qui optimè de medicinis, de bel-

lo, de pictura loquitur, non continuò optimè curat, optimè pugnat, optimè pingit; non ergo voces, sed opus est objectum Logicæ.

4. Dialecticæ finis est generare scientiam, & ex notis ignota inferre per bonum discursum; hoc autem non vocibus, sed internis conceptibus competit, quia tamen conceptus in animo & intellectu latentes in lucem & aures aliorum producere non possumus, vocibus tanquam vehiculis & signis utimur: Sicut ergo nemo dixerit, exemplar quo alijs futurum aut jam factum ædificium ostendimus, esse objectum aut materiam Architecti, ita, &c.

5. Denique voces hoc habent, quòd sint qualitas, quòd articulentur, & quòd aliquid significant: Logica verò eas non considerat, nec ut qualitas sunt, hoc enim Metaphysicus & Physicus agunt; nec ut articulantur, ex eadem ratione; nec etiam ut significant, hoc enim Grammaticæ est; & quamvis instrumentis sciendi à se factis certa nomina & significationes imponat, v.g. Syllogismi, Definitionis, &c. hanc ipsam significationem tamen non per se intendit, nec illis inquiescit, sed ut alios doceat, qui est finis Logicæ extrinsecus, alioquin omnium scientiarum artiumque objecta voces essent, cum nulla sit, quæ proprijs vocabulis non utatur.

II. *Obijciunt* 1. Sicut Musica est ars bene cantandi, ita Logica est ars bene disputandi, ergo sicut Musica, ita Logica objectum sunt voces; tam enim sine vocibus disputari non potest, quàm non potest sine vocibus cantari.

2. Disputationem non esse necessariam, ut quis sciat, sed ut alterum scire faciat, & ita voces non sunt finis, aut materia circa quam Logica versatur, sed tantum media ad scientiam, non utcunque, sed discendo acquirendam. Aliud est in Musica, cujus unicus & totus finis est, sonis proportionem, & numerum inducere.

*Obijciunt* 2. Sicut se habet prudentia, aut alia virtus moralis quoad directionem actuum Intellectus, & voluntatis, eos reificando, ita se habet Logica ad tres mentis operationes, in quas rectitudinem inducit: sed illarum virtutum materia sunt etiam actus externi, quatenus derivantur ab internis, adeò ut  
vir



virtuosi, vel vitiosi dicantur, veramque peccati rationem habere possint in Confessione præter actum internum explicandi; ergo etiam voces externæ, prout respondent internis conceptibus, artificium & directionem Logicam participare possunt, sicque ad materiam Logicæ pertinere. Sicut etiam Astrologia, quamvis circa cognitionem cœli versetur, in tabulis tamen, aliisque instrumentis Astrologicis etiam relucet, quæ à nullo, qui eam scientiam ignoret, dictari possunt.

II. Concedi totum hoc posse, ut videlicet sicut lineæ, quas pulveri Archimedes inscribebat, à Mathematica dictabantur, & ducebantur, sicque effectus & signa quædam scientifica erant, ita usus vocum, quibus Logicus ad suos conceptus exprimendos utitur, ex Logicæ imperio, & directione sunt, & ita materia Logicæ extensivè dici possunt, quatenus in illis artificium ordôque interiorum actuum relucet.

III. *Quæritur secundo.* An res sint objectum materiale Logicæ?

II. Res sive conceptus objectivi nullo modo sunt objectum materiale Logicæ, v. g. præcipit Logica, ut homo per genus & differentiam hoc modo definiatur: *Homo est animal rationale*, dico Objectum Logicæ materiale non esse hominem, cui hæc definitio aptatur.

*Ratio est I.* Ex dictis objectum materiale, seu potius subiectum operationis scientiæ practicæ illud dicitur, cui scientia vel ars formam suam imponit, aded, ut tota scientiæ operatricis cura in eo sit, ut materiam formæ aptet, & formam materiæ, omnesque difficultates superet, quæ huic adaptationi obstare possunt: sed res ipsæ non sunt illud, cui formam suam v. g. syllogisticam Logica aptare laborat; ergo, &c. *Major* videtur certa; sic enim ferrum est materia artis fabrilis, marmor statuariæ, corpus Medicæ, colores Pictoriæ, soni Musices, &c. quia in illa formæ clavis, statux, sanitatis, imaginis, proportionis ab artibus inducuntur, & totus istarum artium, aut scientiarum labor est, ut materiam, v. g. corpus sanitati recipiendæ aptent. Quid enim aliud est materia, quam, quæ indifferens est ad plures formas, quæ perficitur, quæ recipit, quæ de potentia in actum re-

ducitur ? qui omnes sunt materiæ characteres. *Minor* æquè constat ; res enim ipsæ nullam formam Logicam recipiunt , nec ab ista diriguntur , aut perficiuntur ; cùm enim Logica præcipit definitionem hominis ex genere , & differentia componi , aut risibile per rationale demonstrari , quid per talem definitionem homini , aut risibilitati accedit , præter denominationem extrinsecam definiti , demonstrati , &c. ? Si ergo rebus forma Logica non imponitur , ergo non sunt materia circa quam Logica versatur.

2. Logica est Scientia instrumentalis , quæ videlicet rebus omnibus ritè , & extra errorem cognoscendis instrumenta parat ; ergo finis proximus Logicæ est ipsa fabricatio instrumentorum ; ipsa verò cognitio rerum non ad Logicam , sed ad alias scientias pertinet , sicut ensem ex chalybe fabricare ad fabrillem spectat , ense uti ad militarem.

3. Cùm homo v. g. concipitur ut species est , multa de illo dici & considerari possunt.

*Primò* : Quòd sit quædam natura quoad prædicata similia pluribus individuis inexistens ; & hæc consideratio est Metaphysicæ , quæ naturas considerat sub abstractione à materia.

*Secundò* : Quòd hæc ipsa natura sit apta cognosci , ut pluribus individuis inexistens quoad similia prædicata , & hoc iterum ad Metaphysicam pertinet ; posse enim de pluribus affirmari ( quod cognoscendo & pronuntiando fit ) sequitur ad esse in pluribus , estque illius proprietas.

*Tertiò* : Quòd sit terminus quidam in prædicatione aptus collocari post subiectum , & copulam , pertinens ad seriem , & prædicamentum substantiæ , capax perfectæ definitionis : Medium Demonstrationis , & in prima Syllogistica figura semel subijcibile , semel verò prædicabile , &c. & hoc modo species ad Logicam pertinet : hæc verò ordinabilitas speciei non convenit speciei , ut res aliqua extra intellectum ( nec enim substantia hominis propositioni aut prædicamento innecti potest ) sed ut cognitio aliqua est , ita v. g. ut conceptus individui præcedat cognitionem copulæ & prædicati ; & cognitio implicita hominis præcedat explicitam ac definitivam : & homo ponatur in prædicamento

ut

ut substantia quidem est, sed non quòd Logica ex suis principiis hoc cognoscat ( id enim cognoscere ad Physicam pertinet ), sed quia hoc aliunde supposito Logica hunc terminum in certum ordinem, & seriem prædicamentalem collocat, ut & ipsa consentaneas propositiones faciat, & alias etiam scientias facere doceat, hoc fere modo: *Homo est substantia ( ut Physica docet ) ergo non potest defini: quòd sit qualitas, quia hæc definitio non declararet essentiam hominis.* Ubi vides, hunc terminum *Homo* poni in prædicamento, & à Logica considerari, non ut substantia est, sed ut ordinabilis est ad definitionem, hoc est, ut cognitio implicita, per aliam & definitivam cognitionem explicabilis; tota ergo forma, & harmonia Logica non rebus sed conceptibus imponitur; non ergo res sunt objectum materiale ipsius Logicæ.

IV. *Obijctur 1.* Logica docet, *Genus prædicari de pluribus specie differentibus*; sed hoc verificatur de ipsa re, ipsum enim animal de homine, & bruto prædicatur, non verò hæc vox *genus* aut conceptus animalis; falsum enim est quòd homo, aut brutum sint conceptus animalis; ergo forma generica rebus aptatur, ergo objectum materiale Logicæ sunt res.

R. Quòd Natura sicut *quoad esse in pluribus*, ita *quoad prædicari de pluribus* ad Metaphysicam pertineat: Logica ergo de Genere agit, solùm ut pertinet ad modum sciendi, hoc est, ut intrat definitionem, demonstrationem, divisionem, propositionem, quæ omnia non sunt res cognitæ, sed cognitiones, certo ordine dispositæ; ordo igitur est forma Logica, & hæc solis cognitionibus, non rebus inducitur: quid enim aliud est Syllogismus, quàm tres cognitiones in certum ordinem redactæ? Sicut nec angulus aliud est, quàm tres lineæ certo situ donatæ.

*Obijctur 2.* Torum artificium Logicum in eo consistit, ut cognitiones conformentur cum rebus, tanquam cum suis specificativis, regulis, & mensuris: bona enim definitio est, quæ rei naturam explicat: bona propositio, quæ objecto respondet; uno verbo, Logica intendit verum à falso discernere, ergo verum est objectum Logicæ; verum autem rebus inest, ergo res sunt materia Logicæ.

2. Artificium Logicæ in eo esse, ut tradat & fabricet modos sciendi, ex quorum applicatione aliæ scientiæ in cognitionem veritatis circa proprium objectum deveniant; applicatio ergo instrumentorum, & cognitio veritatis ad alias scientias, non ad Logicam pertinet, hæc enim cognitiones tantum ordinat, quæ ordinatio est modus sciendi; an verò cognitio in particulari sit vera, objectoque respondeat, Logica non curat: sicut enim artis Medicæ præceptum est, spiritum animale pulvere margaritarum aqua infuso excitandum esse; sed an margaritæ sint Orientales, veræque, non ad Medicum examinare, sed ad Gemmarium pertinet: Monetaria metallum, & pecuniam signat, sed non examinat metalli veritatem, id enim aurificis est: Theologia docet, Baptismum in aqua elementari conferendum esse, sed an rosacea sit substantialiter elementaris, non Theologus, sed Philosophus explorat. Eodem modo Logica Demonstrationem ex primis, veris, immediatis, causisque conclusivis confici jubet; Logico tamen curæ non est, an sequens Demonstratio hujusmodi præmissis constet: *Latera qua maxime distant, difficilius coeunt: sed vulneris rotundi & circularis latera maxime inter se distant; ergo difficilius coeunt & curantur*: harum, inquam, propositionum veritatem non Logicus, sed Geometra & Medicus examinant. Ad Argumentum ergo respondendum est, Logicæ finem intrinsecum & immediatum esse, instrumenta sciendi conficere, hoc est, per æertas regulas, & præcepta cognitiones in ordinem redigere, ut alijs scientijs usui esse possint ad veritatem consequendam; ut verò cognitiones in particulari objecto conformentur, verumque attingant, finis tantum extrinsecus & medius Logicæ est, immediate verò ad singulas scientias pertinet. Illud etiam concedi potest, Logicam secundariò & mediatè de rebus agere. Sicut enim pictor, qui agit de Cæsaris imagine, agit etiam de ipso Cæsare, ut picto, tanquam objecto & specificativo imaginis, ita tamen ut pictoris non sit querere de Cæsaris statura, colore, gestu, oculisque, possitque totam artem ostendere etiam imagine à prototypo abludente, tunc enim non erit vera objecti imago, sed tamen vera pictura, nec ab alio qui artem nesciat imitabilis; sic Logica, dum agit de hominis definitione, agit etiam

mediatè de hominè : sed si in hujus cognitione fallatur, & definitio genere quidem, ac differentiâ, sed falsis constet, definitio erit Logicè vera, hoc est, principijs Logicæ respondens, non tamen physicè, quia veram naturam hominis non explicat: sed hunc errorem corrigere Physici, aut Metaphysici munus erit, non Logici. Illud verum est, tantò perfectiorem Logicum fore, quantò pluribus scientijs instructum, uno lumine aliud intendente.

*Obijcitur 3.* Multa sunt præcepta Logicæ, quæ solis rebus & conceptibus objectivis conveniunt; ergo Logicæ objectum materiale sunt etiam res. *Antecedens* probatur: nam illa regula, quòd definitio convertatur cum definito, de rebus, non conceptibus, verificatur; verum enim est, *quàm homo sit idem quòd animal rationale*, non tamen verum est, quòd conceptus simplex & implicitus hominis sit idem quòd conceptus complexus, & explicitus animalis ratione præditi; tam enim hi duo conceptus differunt, quàm ratio explicans, & explicata.

¶. Cùm dicitur, definitionem cum definito converti, hunc sensum esse, definitionem ita componi debere, ut tantum explicite dicat, quantum dicit definitum, & ita conceptus definiti quoad rem ipsam non differat à conceptu definitionis, nisi quoad magis, minúsque clarum, & ita ea regula non tantum rebus, sed etiam conceptibus competit. Quemadmodum enima vox *Homo* non plus dicit quàm voces *Animal rationale*, ita non plus conceptus unius, quàm alterius, quamvis unus ab alio in modo repræsentandi differat; unus enim magis, alter minús clarè repræsentat.

*Obijcitur 4.* Logica de rebus ferè omnibus agit, ut patet ex libris Prædicamentorum, quibus omnes substantiæ, & accidentia creata continentur, ergo res pro objecto habet.

¶. Aliud esse res, quæ Prædicamentis inferuntur, aliud ipsam collocationem: res ad Logicum non spectant, nec enim is de homine demonstrat, quòd sit sensitivus, quòd substantia per se existat, &c. Collocatio sola Logicæ effectus est, nulla enim alia scientia, præter Logicam, docet, *ponenda priùs esse magis, tum minús universalia: differentias in linea transversa, species & genera in re-*  
*cta*

*Et ponendas: substantias incompletas Prædicamento excludi, &c.* quæ collocatio prædicamentalis Logicæ servit, tum, ut res concipiat quales sunt: tum ut genera & differentias pro definitionibus, divisionibus, & argumentationibus reperiatur: non ergo ipsa est, quæ hominem substantiam completam esse doceat, sed hoc ex Physica supponit, & supposito ordinem addit. Sicut Architectus, non ipse lapides facit, aut fodit, sed jam à natura factis, & à Latomis incisis, aut effossis ordinem adjungit, & domum ædificat: & hic solus ordo ad Architectonicam pertinet. Sicut ergo lapis non adæquatè & quoad totam suam naturam est materia Architectonicæ, non ut fossilis, non ut sculprilis, non ut inutilis, sed tantum ut ordinabilis; ita res non quovis modo in Prædicamento ponuntur, sed ut conceptæ, hoc est, ut inducunt rationem generis & differentiæ, subjecti, prædicati, & ita licet indirectè, & in obliquo à Logica considerentur, hoc non sufficit, ut dicantur objectum illius; alioqui res omnes dici deberent objectum Pictoriæ, quia omnes coloribus effingit: pes hominis, & ungula equi objectum futoriæ, & Ferrariæ, quia pedem, & ungulam corio ferroque calceant, & tamen nemo hoc dicit, & si dicat, meritò ridebitur.

V. *Quæritur tertio.* Utrum conceptus formales sint objectum materiale Logicæ?

æ. Modus differendi formalis, seu conceptus formales, ut tres mentis operationes includunt, sunt objectum materiale Logicæ, non quidem secundum totam suam latitudinem, sed ut dirigibiles per regulas Logicæ. Sicut enim forma non inducitur in quancunque materiam, sed solum in dispositam; nec statuarum in marmore secundum totam huius capacitatem laborat, sed tantum ut sculprili; ita objectum & materia operationis Logicæ sunt conceptus formales, quatenus dirigibiles, quæ dirigibilitas seu capacitas directionis est veluti materia secunda, & ultima dispositio recipiendæ formæ Logicæ.

*Ratio Conclusionis est* 1. Logica ex omnium sententia versatur circa modos differendi; sed non circa modum differendi vocalem, nec realem, ergo formalem, nec enim alius superest.

2. Omnia

2. Omnia præcepta Logicæ sunt de propositionibus, definitionibus, illationibus ritè formandis, &c. quæ omnia sunt conceptus formales; ut enim definitio vocalis vocibus, ita mentalis conceptibus constat.

3. Conceptus soli formales sunt capaces erroris, obscuritatis, directionis, ordinis, &c. ergo soli sunt à Logica perfectibiles; res enim ipsæ nec obscuræ sunt, nec falsæ, nec à Logica fiunt. Sicut ergo propositiones vocales sunt materia syllogismi v. g. quia formæ, ordini, & præceptis syllogisticis subsunt, ita propositiones, & conceptus mentales.

4. Materia, circa quam Logica versatur, sunt instrumenta sciendi: instrumenta verò non sunt in rebus, quæ sciuntur, aut discuntur, sed in ijs, qui sciunt, & discunt; nec enim ferra est in trunco, qui scinditur, aut penicillus in imagine, quæ pingitur, sed in manibus artificis.

5. Sicut Logica de definitione agit, ita de alijs sciendi instrumentis, eodem enim modo circa omnia occupatur: sed sola definitio formalis, non objectiva, ad Logicam pertinet; est enim definitio oratio explicans naturam rei: atqui in rebus & extra intellectum est quidem res definita, v. g. homo, non tamen oratio aut explicatio hominis.

6. Denique. Omnes artes & scientiæ operatrices, quarum opus non est aliquid facere, sed rebus jam factis ordinem aliquem dare, pro suo materiali objecto habent res illas, quibus ordinem imponunt: architectura v. g. lapides, Musica voces, Arithmetica numeros, &c. sed Logicæ officium unicum est, ut conceptibus formalibus ordinem tribuat veritati indagandæ aptura. Sicut enim in artium instrumentis figura præcipuum est, quod operi faciendo deservit, ita in instrumentis Logicis ordo, quem conceptus observant, aptissimus est cognoscendæ veritati: & sicut Syllogismus vocalis, potissimum sciendi instrumentum, nihil aliud est, quàm propositiones vocales in certum ordinem digestæ, ita & Syllogismus mentalis; conceptus ergo, & cognitiones, quæ hunc ordinem recipiunt, erunt materia circa quam Logicæ.



VI. *Obijciatur* 1. In omnibus artibus materia præjacet & præsupponitur operi, éstque indifferens ad unam, vel aliam formam artificialem recipiendam: sed conceptus formales non præsupponuntur directioni Logicæ, nec sunt indifferentes, ut sint recti, an secus; semel enim recti, semper recti; semel pravi, semper pravi: nec pravus corrigi aliter potest, quàm si relinquatur, & Intellectus pravo rectum supponat. Id patet in Syllogismo vocali; vox enim *equus* semel prolata non est indifferens, ut hominem aut equum significet, nec corrigi potest nisi aliâ voce, quæ hominem significet prolata. Sic etiam linea non est indifferens, ut sit curva, aut recta, alterutrum enim necessariò est, & semel curva nunquam in rectam evadet, nisi deleatur, & recta succedat. Si ergo conceptus formales indifferentes non sunt, ut recti sint, aut non recti, conformes, aut diffformes, ordinati, aut inordinati, &c. ergo nec sunt materia Logica; materia siquidem necessariò dicit indifferentiam.

2. Conceptum formalem, v. g. definitionis, duplici modo esse indifferentem, & cum est, & antequam sit. Antequam sit, quia potest nasci vitiosus, & contra regulas Logicæ; posset enim quis hominem definire: *quòd sit animal rationale doctum: aut animal implume, bipes, &c.* Postquam est, quia conceptus formalis rectus, ut conceptus formalis, poterat pravus esse, & pravus, ex parte generis, poterat rectus esse; Sicut homo ex parte generis potest esse irrationalis, & rationalis: hæc indifferentia sufficit, ut actus dicatur à Logica dirigibilis, & indifferens, ut rectus, aut pravus fiat, nam & linea est materia scientiæ Geometricæ, & angulus Mathematicæ, & sonus Musicæ, & tamen non aliam habent indifferentiam, ut bene maléque fiant, quàm modò dictam; idque omnibus scientijs commune est, quæ tantùm ordinant. Aliqui tamen propter factum Argumentum dicunt, non tam conceptus esse materiam Logicæ, quàm ipsum intellectum, aut animam, & hanc aut illum, non operationes, aut conceptus dirigi. Sed parum interest, utrum dicas. Illud observa, magnum discriminem esse, inter artes activas, quæ nullum opus post se relinquunt, sed tantùm operantur, & factivas, quæ & operantur & opus post se relinquunt: in illis i-  
dem

dem est esse, & rectum esse; nec potest error mutari, nisi mutato opere; si enim contra ventos, & malè navigas, non potest hic error & navigatio corrigi, nisi mutato cursu, & navigatione repetitâ. Sic in Logica, qui hominem malè concepit, malèque definivit, non potest conceptum, & definitionem, nisi alio conceptu, & definitione corrigere. Artes verò factivæ, quæ opus post se relinquunt, v.g. Pictoria, possunt errorem operis juvare, non solum opus destruendo, sed multò facilius, alios tantum colores, & lineamenta inducendo, reliquâ imagine integrâ.

*Obijciunt* 2. Saltem prima mentis operatio, sive apprehensio simplex non potest esse materia Logicæ: *tum* quia non est modus sciendi; qui enim v. g. hanc propositionem apprehendit: *Astra sunt paria*: vel *Diameter quadrati excedit costas quadrati*; non propterea scit astra esse paria, aut diametrum costis longiorem esse: *tum* quia simplex apprehensio semper est recta, & vera, nunquam falsa; si enim volens, aut putans se apprehendere leporem, apprehendat vulpem, hæc apprehensio est vera representatio vulpis: sicut, qui putat se videre cælum stare, aut ripas, cum præternavigat, moveri, verè apprehendit cælum moveri, & ripas stare. Si ergo simplex apprehensio est semper & necessariò recta, non indigebit Logicâ, aut regulis, quibus recta fiat,

3. Simplicem apprehensionem variè à Logica juvari, v. g. per regulas definitionis, per seriem prædicamentalem, &c. quamvis enim apprehensio non sit sciens, nec apprehendens sciat, est tamen in dispositione, & motu ad scientiam, & ipsa apprehensio est pars scientiæ; nemo enim scit cælum moveri, nisi cælum, & motum apprehendat. Sicut nemo videt draconem alatum, nisi draconem videat, & alas.

*Rursus*, Licet apprehensio semper sit vera, hoc est, objecto, quod refert, conformis, potest tamen esse imperfecta, & quoad modum apprehendendi, si non falsa, saltem fallax: imperfecta quidem, quia objectum tam remissè, & debiliter concipere potest, ut iudicium facilè corrumpat, & intellectum ad falsum inducat: Sicut quia oculus valde debiliter,

remissæque stellam videt, facile intellectus, nisi à Scientia Astrologica juveretur, inducitur, ut assermet, stellas esse parvas, & terrâ minores.

*Rursus.* Apprehensio est vera, sed tamen fallax, quando objectum quidem aliquod verè concipit, eo tamen tempore, & loco, quo aliud objectum concipere deberet, quo fit, ut intellectus inducatur ad aliquod falsum affirmandum: sicut Pictor, si, cum deberet Julium pingere, pingat Pompeium, imago erit vera Pompeij imago, non tamen sine errore circa modum, & circumstantias, nam & Pictor unum pro alio pinxit, & spectatores unum pro alio vident. Cum ergo in apprehensione imperfectio, ac deceptio cadat, Logici munus est, eam dirigere, quod maximè per regulas definitionis, prædicamentorum, & prædicabilium contingit, quibus Intellectus instruitur, ne substantiam pro accidente, genus pro specie apprehendat, &c. Et denique cum definitio pertineat ad apprehensionem, quâ v. g. animal rationale concipitur, sicut definitio bona, aut mala esse potest, & ideo regulis, ac directione indiget, ita & apprehensio. Quis enim neget mille modis errari, circa definitionem hominis, aut alterius rei posse, ut si dicas: *homo est animal sensitivum: homo est substantia vitæ: homo est imago Dei?* Quis verò me docet, relictis omnibus hisce definitionibus, veram seligere, præter Logicam? Quamvis verò tota hæc propositio, *homo est animal rationale*, ad iudicium pertineat, suppono ex infra dicendis, solum illud, *animal rationale*, ad definitionem pertinere, & ita definitionem in apprehensione consistere.

VII. *Quæritur quærò.* Quodnam sit objectum Attributionis Logicæ?

*Resp.* Objectum Attributionis Logicæ, ad cujus perfectam cognitionem omnia Logicæ instrumenta, & regulæ referuntur, est Demonstratio, seu Syllogismus ex necessarijs procedens.

*Ratio est 1.* Objectum Attributionis est illud, ad quod omnia, quæ Scientia aliqua considerat, referuntur: sed ad Syllogismum Demonstrativum omnia Logicæ objecta partialia referuntur, termini & propositiones ut materia proxima: prædicamenta ut materia remota, sive res de quibus Demonstratio  
con

confici debet : quinque prædicabilia, tanquam media, & loci communes Demonstrationum, aut saltem tanquam effectus demonstrabiles: & quamvis accidens commune, propriè loquendo, non demonstratur, cum causas necessarias non habeat, est tamen sicut dispositio ad producendam essentiam, ita ad cognoscendam, & demonstrandam, & ita cum dubitamus, an Pygmaeus v. g. aut Siren marina, aut aliud monstrum sit homo, prius ostendimus illius omnes partes, & accidentia hominis convenire, & ex istis esse animal rationale, ac tunc demum hominem.

*Rursus.* Licet accidens per causas necessarias probari, & demonstrari non possit, potest tamen per effectus necessario connexos, v. g. *Malvaticum calefacit, ergo febrientibus nocet: aqua marina est crassior fluviali, ergo facilius natatur.* Syllogismus ergo probabilis, cujus medium accidens est, revocatur ad demonstrativum tanquam dispositio ad formam, & effectus ad causam. Sicut enim accidentia nascuntur ex forma, v. g. radius ad solem, ita & Syllogismus probabilis sequitur ex Demonstrativo.

*Denique.* Quod divisio, & definitio sint loci, & quidem præcipui Demonstrationis, dubitari non potest: ergo sicut omnes lineæ circuli ad centrum referuntur, quod ipsum tamen est pars circuli, ita omnes partes, & instrumenta Logicæ ad Demonstrationem, licet hæc ipsa sit pars Logicæ: & quamvis non omnia instrumenta Logicæ necessario eò referantur, sufficit referri posse; ordo enim qui in artibus est, non est necessarius, & naturalis, sed voluntarius, & ex hominum institutione, naturæ tamen conformis: quemadmodum uni Duci, qui pars exercitus est, totum exercitum subesse voluntas, non necessitas est, ipsa tamen natura hunc ordinem suadet, si non exigit.

2. Logicæ objectum est modus sciendi; quidquid ergo considerat, ut modum sciendi considerat, alioquin extra objectum suum adæquatum vagabitur: sed sola Demonstratio est modus propriè sciendi, ergo omnia in ordine ad hanc considerat. Definitio quidem est etiam modus rem aliquam cognoscendi, sed non sciendi, quia causam non explicat, cur aliquid sit: quicquid dicit v. g. *Argentum vivum est aqua sicca non madefaciens manum: an-*

*gulus rectus est contactus linearum rectarum* : non dicit quare argentum vivum manus non madefaciat : quare angulus rectus ex lineis rectis constet ?

3. Unum, & duo referuntur, aut saltem referri possunt ad tria, non è contrà; ergo quidquid Logica tradit de prima, & secunda mentis operatione, referetur, aut referri poterit ad Demonstrationem, quæ est tertia, & perfectissima mentis operatio, & duas alias complectitur; ad objectum enim Attributionis, ut suprà notavimus, sufficit, ut alia referri ad illud possint, vel saltem, ut in objecto Attributionis concurrant omnia alia objecta partialia, quomodo certum est in Demonstratione concurrere, & quidem perfectissimè, omnes tres mentis operationes.

4. Si non omnia instrumenta, modique sciendi in Demonstratione, tanquam in objecto Attributionis, continentur, ergo factâ Demonstratione supererit adhuc alius modus rem demonstratam cognoscendi, sciendique; sed nullus superest, per Demonstrationem enim cognoscuntur essentia, proprietates, & principia rei alicuius, idque modo perfectissimo, ergo Demonstratio totum impetum sciendi explet, omnesque sciendi modos absolvit. Datur quidem præter Demonstrationem adhuc Syllogismus probabilis, sed cum hic ex accidentibus constet, sicut accidentia sunt præparatio aut appendix essentia, ita Syllogismus probabilis est præparatio aut appendix Demonstrationis.

VIII. *Obijetur* 1. Definitio perfectissimè manifestat objectum, cum ejus essentiam explicet per genus & differentiam; ergo ad illam omnia referuntur, quæ Logica tradit.

Re. 1. Definitionem per essentiam rarissimam, & ferè unicam hominis esse: absurdum autem est illud objectum Scientia præctica, & operatrici dare, quod nunquam fieri, & in opus redigi potest; id enim perinde esset, ac si diceret, objectum Attributionis aucupij esse Phœnicem avem, quæ unica in terris est: aut objectum artis nauticae esse insulas fortunatas, quò nemo pervenit.

Re. 2. Si Definitio tam perfecta est, quanto perfectior Demonstratio, quæ & Definitionem complectitur, & ex illa  
per

pet infallibilem, & artificiosam consequentiam deducit proprietates? Tres enim perfectiones excedunt unam: & cujusunque pretij sit gemma, majoris semper annulus erit, cui illa inest.

3. In objectis scientiarum non attenditur excessus perfectionis materialis, & entitivæ, alioquin hic terminus *Deus* assignari pro objecto Logicæ deberet; & imago Cæsaris à vulgari manu perfectior esset celebri illâ lineâ Apellis, aut Sartyro Timantis: attendenda est ergo perfectio formalis, & in ratione artificiosi, & scientifici, ut in allatis exemplis. Logicæ verò artificium in Definitione vix aliquod & modicum apparet; quid enim facilius arborem prædicamentalem ante oculos habenti, quàm de aliqua specie genus & differentiam proximam affirmare? hoc enim est definire. At verò in Demonstratione *tum* in qualitate propositionum, ex quibus illa constat, *tum* in principijs, in forma, in dispositione, reductione, erroribus, fallacijs, &c. summum artificium est, & par Aristotelis ingenio.

*Rursus.* Definitio manifestat quidem essentiam, quamvis & hoc rarissimè, sed tamen ignorat proprietates, earumque cum essentia connexionem: imò sola definitio ne quidem certum, firmumque intellectum reddit in cognitione essentiæ, cum sit mera apprehensio: qui verò apprehendit tantum astra v. g. esse paria, non ideo scit esse paria; definitio ergo quoad effectum aliquid sciendi est instrumentum valde imperfectum, & quidquid est, à Demonstratione habet, nemo enim rerum essentiam nisi per proprietates novit; quis enim sciret, hominem esse animal rationale, nisi ex effectibus? Cælum esse corpus simplex, nisi ex motu?

*Rursus.* Cum de ipsa Definitione dubitas bona, an mala sit, Unde bonam aut tibi, aut alijs, nisi demonstrando probabis? Sola ergo est Demonstratio, quæ perfectè facit scire, & sine qua alia sciendi instrumenta, ne imperfectè quidem faciunt scire, hoc est, certò cognoscere; quia nisi Demonstratio a cedat, dubitari semper de illis potest, an bene sint contestata: an bene definitum: an bene divisum, &c. Tota ergo certitudo & vis sci-

en-

enrifica alijs instrumentis ex Demonstratione est, sicut tota visibiliras coloribus ex luce, & radiatio stellis ex sole.

*Obijciur* 2. Rem intuitivè, & per proprias species cognoscere perfectius est, quàm discursivè & per alienas, quis enim non perfectius cognoscit ignem præsentem, & oculis expositum, quàm remotum, absconditum, & ex fumo notarum? & ideo Deus omnia intuitivè, non discursivè cognoscit: Sed Definitio est cognitio intuitiva, Demonstratio discursiva, ergo illa est perfectior.

æ. 1. Quidquid perfectionis habet Definitio, illud totum Demonstrationi inest, cujus pars est.

2. Quidquid certitudinis cognitioni definitivæ inest, illud totum est Demonstrationis, ut supra notatum.

3. Non tam quæritur, utra cognitio sit entitativè perfectior, sed utra artificiosior, utra magis scientifica, utri formandæ magis Logica inrendat? & hanc dicimus esse Demonstrationem: quamvis enim cognitio intuitiva, absolute loquendo, sit perfectior; in hoc tamen statu, in quo intellectus noster nihil ferè intuitivè cognoscit, sed omnia per species sensibiles, artes, & scientiæ non tam laborant intuitivæ, quàm discursivæ cognitioni. Felicior utique esset, qui stellas, earumque motus, molem, & eclipses intueri posset, sed cum hoc fieri nequeat, Astrologia non tam illis intuitivè cognoscendis, quàm discursivè vacat, variisque demonstrationibus ex umbris, ex parallaxi, ex proportionibus peritis, servit. Idem ferè est de alijs Scientijs. Dei cognitio est quidem intuitiva, sed etiam virtualiter discursiva, nec arti & regulis subest, & ita nullum argumentum deduci ex illa potest.

*Obijciur* 3. Demonstratio vel in individuo est objectum Logicæ, vel in communi? non in individuo, & particulari, quia scientiæ non sunt de objecto particulari, sed de universalibus: non in communi, & universali, quia scientiæ practicæ sunt de objecto operabili, & modo operabili, universalia autem operationi non subjacent.

æ. Scientias operatrices non tantum regulas tradere de opere in communi, sed etiam in particulari: Pictoria v. g. non tantum



tantum docet, quomodo imago quælibet pingi debeat, sed etiam quomodo imago Leopoldi, Clementis, &c. Et Logica non solum docet, Demonstrationem in communi constare ex primis, veris, immediatis, &c. sed etiam hanc, vel illam Demonstrationem, quæ probatur, homo esse risibilis quia rationalis: & hoc modo etiam de particularibus scientia datur; nec enim de solo homine, sed etiam de Petro risibilitas demonstratur. Cum ergo dicitur de singularibus scientiam non esse, sic intelligendum est: quæ singularibus, ut sic conveniunt, non esse objectum scientiæ, nec demonstrari posse: aut enim sunt existentia, aut accidentia communia, aut differentia individualis: priora duo causas necessarias non habent: differentia individualis ignota est, nec manifestabilis, nec habet speciales proprietates, quæ demonstrari possint; quæ sunt enim proprietates necessariæ Petri, quæ cum Petro convertantur? Logica ergo, cum docet, oportere omnem demonstrationem ex necessarijs constare, hoc ipsum de hac, & illa Demonstratione in particulari docet, & Intellectum ad hanc & illam ex universalibus conficiendam determinat.

IX. *Quæritur quintò.* An Ens rationis sit objectum Logicæ?

*Resp.* Objectum Logicæ non est ens rationis. Quis crederet dicenti, Logicam esse somniandi ac delirandi artem? & tamen hoc dicunt, qui Ens rationis illi pro objecto adscribunt; nullum enim Ente rationis vanius somnium, & delirium. Opilio, qui dormit, & credit se regem esse, somniat, & tamen, ut Rex fit, fieri potest. Ædituus, qui vigilat, & credit, se Papam esse, delirat, & tamen, ut Papa sit, fieri potest. Ens verò rationis nullâ arte, nullâque potentiâ esse potest; nullum ergo somnium, nullumque delirium eo majus: sed maximum evadet, cum Logicæ objectum erit, tunc enim Logicus, & vigilans somniabit, & sapiens delirabit; erit ergo Logica, ut dixi, ars vigilanter somniandi, & sapienter delirandi. Thomistæ Logicam communiter ad Entia Rationis damnant: Ens Rationis concedunt illud esse, quod in rerum natura nec est, nec esse potest, sed intra intellectum, & cognitionem latet nunquam in

lucem proditurum, eo ferè modo, quo vespertiliones tenebris, & angulis gaudent in sole nunquam videndi. Sic, cum umbram v. g. concipimus instar formæ nigræque ac in omnem partem volatilis coloris, ens rationis facimus: cum enim umbra sit privatio lucis, & nihil, repugnat esse formam, & moveri; ergo in sola cognitione est forma, & movetur; ergo est ens rationis. Sic cum Logicus considerat hominem ut speciem, hoc est, naturam aliquam de pluribus prædicabilem, Ens Rationis facit; nulla enim natura est, nullus homo qui unus in pluribus individuus esse possit, sed alius homo est Petrus, alius Paulus, &c. ergo species est Ens Rationis, nullum extra intellectum esse, aut potentiam existendi habens. Sic cum Angelum, ut juvenem, concipimus venustissimâ facie, aureâ comâ, alis vibratum, bysso, purpurâque amictum, capite radiato, &c. Ens Rationis facimus: Angelus enim corporeus nec est, nec esse potest; non ergo est corpus, & juvenis in esse reali, sed tantum in esse concepitibili. Sunt etiam, qui ut Entium rationis familiam augent, ea non ab intellectu tantum, sed à qualibet potentia cognoscitiva nasci promiscuè velint, papilionum instar, singulos ferè flores circumvolitantium. Phantasiam ergo entia rationis parere, cum somno, aut phrenesi correptis montes aureos obijcit, poma argentea, hyemes floridas, adamantes purpureos, & his similia. Oculum, cum sub aquis, ut olim Narcissus, juvenes, turres, domos videt: in Iride colores, in Cælo plures soles; quæ omnia objectivè tantum in oculis, subjektivè nullibi sunt, Auditus, quando intra aures, aut spiras, sinúsque cochleæ marinx sonos audit, qui nusquam sunt. Gustus, cum ægro palato dulcia pro amaris, frigida pro calidis habet, &c. Hæc omnia Entibus rationis simillima sunt, dicique possunt Entia phantasia, Entia visus, Entia auditus, quia objectivè tantum in phantasia, in visu, auditu gustuque sunt.

*Distingunt* communiter Thomistæ Entia rationis in *Entia rationis ratiocinantis*, quæ nullum fundamentum in re habent, qualia sunt chymæ, Hippocentauri, &c. Et *rationis ratiocinate*, quæ fundamentum in re habent, qualia sunt genera, species, &c. cum enim videamus, prædicata humanæ naturæ v. g. in omnibus hominibus

nibus similia esse, judicamus esse eadem, & ita unitati similitudinis unitatem naturæ tribuimus, & hoc est species. Hæc ergo entia rationis, quæ fundamentum in re habent, pro objecto Logicæ à Thomistis statuuntur. Ego contrarium teneo.

*Ratio est prima.* Si Ens rationis est necessàriò Logicæ objectum, ergo si probabile sit non dari Ens rationis, probabile etiam erit non dari Logicam (quemadmodum si objectum Alchymiz est confectio auri, si probabile sit aurum arte fieri non posse, probabile etiam erit Alchymiam non dari: si æquor liquidum necessàrium est navigationi, si probabile est æquor hyperboreum, & polo arctico subjectum non esse liquidum, sed perpetuà glacie astrictum, probabile etiam est, navigari illac in Indias non posse) sed probabile est Entia rationis, quæ videlicet in rerum natura nec sint, nec esse possint, non dari; ergo etiam probabile erit Logicam non dari, quod absurdissimum est. *Minor*, quòd probabile sit entia rationis non dari, traditur à Vallesio q. 10. *Mirandulano in predicam: exposit.* Mayronio *quest. quodlib. 7.* Caramuele in *Metalogica, &c.* Et probatur inductione discurrendo per omnia entia rationis. Alij omnia repugnantia, & quæ contradictionem implicant, entibus rationis adscribunt, & bene; nam ens rationis, ne quidem per divinam omnipotentiam existere potest, ergo involvit contradictionem, alioqui posset. Jam verò hæc, quæ dicunt contradictionem, ne quidem concipi possunt, ergo nec fieri entia rationis, hæc enim concipiendi fiunt, & in conceptu sunt. *Concipi non posse probo:* vel enim dicunt apertam & evidentem implicantiam (qualia sunt. Album caret albedine: Triangulus habet duos angulos) & tunc nec apprehensione nec iudicio nec discursu concipiuntur; quis enim apprehendit *triangulum* habentem duos angulos? aut iudicavit, *Triangulus* habet duos angulos? aut intulit, est *triangulus*, ergo habet duos angulos? & demus in stultum aliquem hujusmodi conceptus cadere, saltem in artem, & scientiam non cadunt; quæ enim scientia docuit, *triangulum* cum duobus angulis apprehendere? & si hoc est scire, quid ergo est stultum esse? Si verò implicantia non est manifesta, sed tantum probabilis, & apparens, v. g. *creatura ab aeterno*, intellectus talem creaturam

concipiens non facit ens rationis, quia non fertur in rem, & objectum, quod non est nec esse potest, sed in objectum verè & à parte rei apparens, verè, & à parterei probabilitatem existendi habens, ita ut ea probabilitas verè existat, sitque objectum cognitionis; nemo enim dixerit probabilitatem esse ens rationis, cum habeat causas reales extra intellectum, v. g. auctoritatem dicentis, insufficientiam rationum, quibus ea probabilitas impugnatur, &c. quemadmodum colores, qui in iride apparent, non sunt quidem veri colores, sed sunt radij solares, habent tamen veram similitudinem colorum, quo fit, ut intellectum decipiant, & ideo nec sunt entia rationis, quia illa similitudo cum coloribus verè, ac extra intellectum est, suasque reales causas habet. Alij *chimæras*, *hircocervos*, *montes aureos* & similia pro entibus rationis habent; sed neque hæc sunt. Chimæra v. g. monstrum horribile, fumum flammæque vomens, capite, & jubeis leonem, ventre capram, caudâ serpentem referens: quid hîc rogo impossibile? figura? at non implicat uni animali trium figuram inesse; si enim arte hoc fieri potest, cur non naturâ? & pater in tigridibus, simijs, vespertilionibus, &c. imò Tritones, & Sirenas pisce, & homine mixtas in mari visas esse, certissimum experienciâ est, trinas verò formas substantiales, leonis, capræ, serpentis uni materiæ uniri, neque hoc est impossibile, aut saltem probabiliter possibile, quod, ut dixi, sufficit, ne dici possint ens rationis.

Rursus unam esse formam chimæricam, quæ formaliter virtualiter tribus æquivalet, & trium formarum effectus formales tribuat; neque hoc repugnat, imò exemplum est in anima rationali, quæ cum bruti est sensitiva, cum plantis vegetativa, cum Angelis intellectiva. Quid ergo in chimæra inimplicantiæ est, ut ens rationis dici debeat?

Si dicas, chimæram concipi, ut tres formas identificatas, quod implicat, & est ens rationis.

¶ Hunc conceptum esse impossibilem, & à nullo formari, unum videlicet esse tria, & tria unum: & esto formaretur ab aliquo, saltem nulla scientia est, quæ his conceptibus faciendis vacet. Multò minùs *montes aurei*, *flumina lactis*, & alia hujus fari-

farinæ mendacia Poëtarum entia rationis dici possunt, quia non implicant. Errat quidem intellectus, dum concipit montem aureum, sed aliud est error, aliud ens rationis. *Alij* & plerique dicunt, negationes, & privationes esse Entia rationis, non quidem ut dicunt carentiam formæ, sic enim à parte rei, & independenter ab intellectu existunt, sed ut instar formarum positiviarum concipiuntur: quod etiam pertinent denominationes extrinsecæ; cum enim dicitur *color visus esse*, concipimus denominationem visû, tanquam formam colori adjacentem. Sed negationes, & privationes quod attinet, nego entia rationis esse; si enim sic concipi debeant: *Quod nihil est, est aliquid & forma*; nego hunc conceptum dari. Si hoc modo: *Umbra est color niger*, non est ens rationis, sed error intellectûs nescientis umbram esse privationem lucis; hic autem error non est ens rationis, cum non habeat pro objecto rei impossibilitatem, sed apparentiam visuale, quæ à parte rei est: est enim verum, umbram oculo instar nigri coloris exhiberi. Si ergo hoc modo concipi debeat: *Umbra, qua est privatio lucis, & nihil, est color*, nego hunc conceptum ab aliquo formari. Si hoc modo: *Umbra non est nihil, nec mera privatio, sed est aliquis color*, hic erit error, non ens rationis; nec enim implicat, omnia, quæ luce non tinguntur, nigra esse. Idem dicas de denominationibus extrinsecis. Sicut enim subducto igni aqua naturaliter frigescit, ita quid repugantiæ sit, subductâ aut impeditâ luce parietes, & alia objecta nigrescere? Idem ferè dicendum est de secundis intentionibus Logicis: quando enim concipis animal esse genus, vel hoc modo concipis: *Animal est una realiter natura cum multis speciebus identificata*, & nego hunc conceptum dari posse; perinde enim est, ac si dicas: *unum non est unum: Duo sunt tria, &c.* Vel intelligis: animal esse gradum entis conceptibilem secundum prædicata homini, & bruto communia; & hoc non est ens rationis, sed ipsa veritas; hac enim conceptibilitas datur à parte rei. Eodem modo cum dicis, *Petrus est subiectum, & homo est prædicatum*, nihil aliud dicis, quàm Petro gradus entis particularis, & communis inesse; particularem verò sine communi conceptibilem non esse. Sicut duo concipi non possunt, quin concipiatur unum; quæ omnia veritates, non

entia rationis sunt : sicut enim à parte rei, si non realiter, saltem virtualiter Petrus, & homo distinguuntur, sic à parte rei homo est conceptibilis & affirmabilis de Petro ; & hoc est esse prædicatum, & subjectum. Sed omiſſa entis rationis possibilitate, eaque concessâ, nego esse objectum Logicæ.

2. Cùm Logica dicit ; *Oportet definitionem genere & differentiâ constare, & ideo homo definiri debet, quòd sit animal rationale*, in hoc actu nullum ens rationis assignari potest ( & idem de alijs dici potest ) ergo ens rationis non est objectum Logicæ. *Antecedens* probatur. In definitione hæc reperiuntur. 1. Quòd explicet naturam rei. 2. Quòd constet genere, & differentiâ. 3. Quòd genus differentiæ præponatur. 4. Quòd homo sit, & vocetur definitum : animal rationale definitio. Nihil istorum est ens rationis à Logica intentum. *Non primum*, quia alioquin omnium rerum explicationes, imagines, glossæ, interpretationes entia rationis dici deberent. *Non secundum*, quia genus, & differentia non sunt entia rationis, sed natura realis realiter conceptibilis secundum prædicata magis, aut minùs uniformia : Petrus enim, quâ cum brutis convenit, est animal, & vocatur genus : quâ cum hominibus, est species, & vocatur homo, quâ discrepat ab alijs hominibus, vocatur individuum. Et quamvis in natura sic concepta resulent variæ denominationes *extrinsecæ concepti, prædicati, subjecti, universalis*, quæ fortè sunt entia rationis, has tamen Logica non considerat. Sicut ex eo quòd color videatur, resultat in colore denominatio visi, in hanc tamen visus non fertur, sed in colorem, & deliraret, qui diceret, objectum oculi, esse denominationem visi. Logica ergo dirigit intellectum per regulas definitionis, ut hominem concipiat secundum convenientiam cum brutis, & disconvenientiam cum iisdem, hoc est, animalitatem, & rationalitatem : quòd verò ex hoc conceptu resulent illæ denominationes *definiti, & definitionis*, Logicæ parum, aut nihil interest : fac enim non resultare, an non Logica direxit ? an non officio suo functa est ? an non homo definitus est ? majoris tamen doctrinæ, & claritatis causâ singulis conceptibus singula nomina imponit : conceptum obscurum, & implicitum vocat *definitum*, clarum *definitionem*, communissi-

mum *genus*, distinctivum minúsque communem *differentiam*, &c. nomina verò non esse rationis entia certum est. Sed nec *tertium*, quodd videlicet *genus differentiæ præponatur*, hoc enim pertinet ad ordinem, sed ordo non est neque in rebus, neque in conceptibus, neque in vocibus ens rationis, alioquin omnes statux, imagines, exercitus entia rationis erunt, quia in ordine consistunt. Nec *quartum* ut dixi; nomina enim sunt conceptuum imagines, non ergo entia rationis: & licet tam ex ordine quàm ex signis & nominibus quædam relationes rationis nascantur, ea tamen supponunt jam ordinem, & signum, & cum naturaliter ex directione Logica sequantur, ab hac non intenduntur, nec fiunt; sicut ex Cæsaris imaginæ inter hanc & Cæsarem similitudinis relatio naturaliter & præter artem existit, nec eam Pictor intendit, imò sæpè ignorat: quæ autem ignorantur, in artem, & intentionem non cadunt, sed vel casui, vel naturæ adscribuntur.

3. Ens rationis est summus error, maximúmque mendacium; si enim errat, qui concipit, aut dicit, quod non est, quantò magis, qui concipit, aut dicit, quod nec est, nec esse potest? Ex quo sic argumentor: Sic se habet scientia ad intellectum, sicut virtus ad voluntatem: sed nulla est virtus, cujus objectum sit voluntatem inducere in malum, ergo nulla scientia, cujus objectum sit intellectum in falsum, errorem, & mendacium impellere; tam enim hoc scientiæ, cujus objectum est verum, quàm illud voluntati repugnat: & cui non primo statim aspectu absurdum hoc appareat: *Datur scientia, cujus primum officium est errare, mentiri, falli?*

*Dices*: Entia rationis Logica utilia esse veritati indagandæ, tum quia fundamentum in re habent: tum quia concipiuntur ad instar veri: Sicut umbræ, licet nihil sint & mera lucis privatio, sunt tamen objectum optiæ, & gnōmonicæ, & varijs demonstrationibus inserviunt; ex illis enim motum solis, eclýpses, magnitudines terræ, & currium, &c. notamus. Sic entia Chymica, quamvis sint negatio veritatis, veritati tamen cognoscendæ accommodata sunt, & ut sic à Logica considerantur.



**¶. 1.** Aliud esse, quòd entia rationis cognoscendæ veritati serviant, sicut umbræ cognoscendo soli, eiusque moribus: aliud esse, quòd sint objectum formale, cui faciendo Logica vacet, & quidem primariò; hoc enim negamus, dari videlicet scientiam, artemque, cujus primarius finis, & labor sit, errare, & alios in errorem inducere, ut ex erroribus veritatem colligat; id enim perinde est, ac si dicas, dari aliquam virtutem, quæ doceat, & jubeat peccare, ut ex peccato pœnitentiam, & humilitatem discas: & favet allata umbræ similitudo; quamvis enim & Gnomonica, & Pictoria umbris utatur, neutra tamen laborat, ut umbram instar entis positivi concipiat, & ex umbra ens rationis faciat: neutra etiam in umbra quiescit, & eius cognitionem, aut vsum pro fine habet, sed umbris tantùm à natura jam factis utitur: Gnomonica quidem, ut cursum Solis, horásque notet: Pictoria, ut colores adjectis umbris aut acuat, aut frangat. Sic Logica non ipsa chymæras facere docet, non istas pro fine, & objecto habet, sed ab intellectu, & ignorantia jam factis, & naturaliter resultantibus nomina *generis, speciei, &c.* imponit, hisque utitur ad distinguendos conceptus magis, minúsque communes, & à se directos. *Deinde* aut Logica pro suo ultimo fine habet ens rationis, in cujus factura sistat, aut illa utitur ad mentis operationes dirigendas? Si hoc, ergo *ens rationis* est medium, & *directio* finis, ergo non ens rationis est primarium Logicæ objectum, sed *directio*. Sicut, quia Medicus utitur sectione ad sanitatem, sanitas, non sectio est objectum formale artis medicæ. Si verò Logica in factura entis rationis tanquam in fine sistit, ergo hoc est, quod sæpè diximus, absurdum esse, dari scientiam, cujus primarius finis sit, errare, scientiam videlicet nihil sciendi & artem ignorandi. *Nec obstat*, entia rationis Logica fundamentum in rebus ipsis habere. *Demus hoc*; numquid & vitia habent colorem virtutis, & mala speciem boni, & venena rationem medicinæ, & tamen quis unquam dixit, esse aliquam virtutem, cujus objectum, & finis sit, vitia docere, malè vivere, venenum conficere? Si velint Thomistæ, Logicam entia rationis non quidem facere, sed tantùm ab ignorantia, & intellectu jam factis uti ad veritatem indagandam, quemadmodum Medicus ve-

neno,

neno, Pictor umbris utitur, tolerari hoc posset, sed non sequeretur, entia rationis esse objectum primum, & formale Logicæ, sed secundarium, & instar medij, quod ad dirigendas mentis operationes ordinatur.

4. Logicæ finis, & officium est parare instrumenta cognoscendæ veritati idonea: sed entia rationis cognoscendæ veritati non deserviunt; cum enim sint falsissima, veritati potius advertantur, eamque extinguunt; quomodo ergo illi serviunt? perinde videlicet, ac mors vitæ, tenebræ luci, aqua igni accendendo deservit.

Dicitur, melius aliqua cognosci per sibi opposita, v. g. sanitatem per morbum, virtutem per vitia, privationes per formam; & ita Scientias, quæ de re aliqua disputant, etiam de oppositis disputare. Sic Poëtica, dum fingit, & fabulando delectat, vera docet: Sic Pictoria multum artis, & utilitatis habet, & tamen tota in fingendo est: sic Logica, dum genera, species, subjecta, prædicata, & hujusmodi chimæras fingit, interim veritati præcludit, & Pictoris instar mentem, & oculum juvat, dum decipit; & sicut in balance falsis nummis pondus veri auri quaritur, & invenitur, sic in Logica, velut in communi omnium scientiarum balance, falsis fictisque entibus veritatem ponderamus.

5. Verum esse, quod aliqua per opposita melius cognoscantur, v. g. sanitas per morbum: sed falsum est, quod ars aliqua, aut scientia pro suo objecto formali & primario privationem habeat, v. g. Medicina morbum, Ethica vitium, &c. Cum ergo ens rationis sit negatio veri entis, non erit objectum primum Logicæ, imò, nec hujusmodi entia imaginaria, & fictitia veritati deserviunt; cum enim sint relationes, & denominationes ex opere jam factæ natæ, supponunt illud, non faciunt. Sicut enim quod color denominetur visus, nihil confert ad hoc, ut color videatur, ita quod animal denominetur genus, nihil confert ad hoc, ut gradus sensitivi solus cognoscatur, sed potius ex hac cognitione illa nascitur denominatio; & quid, rogo, confert, ut cognoscas naturam, quæ videat, quæ audiat, quæ tangat, verbo, quæ sentiat, non cognoscendo quod

quòd eadem natura intelligat discurrâtque, quid, inquam, confert, ut in illa imagineris tibi aliquid, quod non est? aliquam videlicet relationem, denominationem, aut formam generis naturæ sensitivæ adhærentem, quæ nec illi adhæret, nec adhærere potest? quasiverò colorem videre non possis, nisi tibi imagineris, aliquam colori formam inesse, à qua dicatur visus, aut faciem aliquam spectare non possis, nisi larvam illi prius imponas; aut *denique* nemo sapere possit, nisi somniando, & delirando, more videlicet Sibyllarum, tunc vera vaticinantium, cum lymphatæ, turbatæque delirij erant.

§. *Denique*, Demonstratio juxta regulas Logicæ instituta est instrumentum sciendi, & scientiam generat. Sicut globus cælestis juxta regulas Mathematicas est instrumentum cognoscendi astra, eorumque proprietates, ergo Demonstratio non est ens rationis: quod enim non est, nec esse potest, quomodo aliquid reale, & nobilissimum quidem causet? alioqui plus erit in effectu quàm in causa. Sicut ergo in Syllogismo ens rationis est impertinens, & inutile ad effectum ipsius Syllogismi, ad necessitatem, & infallibilitatem consequentiæ, & consequenter ad finem Logicæ, ita in definitione, in divisione, &c.

X. *Obijciunt* 1. Auctoritas S. Thomæ in *Præm. Eth. 1. poster. lect. 20. & 4. Metaph. lect. 4. 1. poster. lect. 1. Opusc. 42. lect. 4. Opusc. 56.* ubi expressè docet, ens rationis esse Logicæ subiectum.

2. S. Thomam duo genera entis distinguere, Rationis, & Naturæ: hoc, quod in rebus exterioribus reperitur, nec tamen à ratione fit, ut cæli, terra, elementa, &c. illud quod ratio facit, & sine rationis opera non est, estque triplex.

1. Ens aut ordo quem ratio facit in operibus voluntatis, & hic pertinet ad considerationem Philosophiæ moralis.

2. Ordo, quem ratio facit in exterioribus rebus, quarum ipsa est causa, v. g. in arca, in domo, & pertinet ad artes mechanicas.

3. *Denique*, Quem ratio facit in proprio actu, puta, cum ordinat conceptus suos ad invicem, & hic pertinet ad Logicam. Quando ergo dicit S. Thomas, ens rationis esse obiectum Logicæ, non intelligit ens rationis chimæricum, & obiectivum, quod-

quodque in rerum natura nec est, nec esse potest: sed ens rationis, quod opponitur enti physico, hoc est, quod quidem in rerum natura, & intellectu verè ac realiter, & subjectivè est, sed tamen, non nisi operâ, & beneficio rationis; alioquin & ordo, quem ratio artefactis, & actibus voluntatis impendit, entia rationis, & chimærica essent, cum & ipsa non sint, nisi à ratione. Quodsi ordo, & dispositio, quam ratio domui, arcæ, statui, vocibus imponit, non sunt entia rationis, hoc est, ficta & realitatis expertia, cur ordo, quem ratio intellectui, eiusque actibus imponit? num ergo peioris conditionis intellectus, quàm marmor, quàm lignum? aut quæ vis Circeæ & venefica intellectum incantat, ut quod nulli marmori, nullique ligno, aut tabulæ contingit, ipse solus figuram, & symmetriam à Logica impressam in chimæras, in sphyngas, in monstra transmutet? fabulantur qui hæc dicunt, an Philosophantur?

*Obijciēs 2.* Negari non potest dari multa entia rationis; nam intellectus sæpe in rebus divinis, imò etiam creatis multa concipit, tanquam distincta, quæ tamen nec distincta sunt, nec distingui possunt: hinc toties à Theologis & Philosophis relationes, distinctionesque rationis repetuntur, & ipse intellectus sæpe concipit hominem, animal, genus, &c. tanquam naturas, & formas universales, quæ tamen in rerum natura nec sunt, nec esse possunt; cujus ergo scientiæ hæc entia objectum erunt, si Logicæ non sunt?

¶ A multis entia rationis negari, ut suprà notatum; si enim v. g. intellectus concipiat Deum explicite, ut actum purum, & accidentium expertem, impossibile est, ut judicer, vel apprehendat misericordiam, & justitiam in Deo esse formas adjacentes, & realiter distinctas. Si verò intellectus non explicite Deum, ut actum purum, & simplicem concipiat, & misericordiam instar formæ accidentalis consideret, errat quidem, sed non facit eis rationis, quia non fertur in rem ut impossibilem, sed ut apparentem, & aliquâ similitudine veri, ex proportionem cum creaturis imbuta: quemadmodum nec voluntas in impossibile fertur, cum malum amat, sub specie boni: nec intellectus cum cælum credit cæruleum, aut Angelos plumatos esse,

esse, & radijs cinctos; quia licet impossibile sit, tales esse, non tamen est impossibile, tales apparere, & adinstar rei alterius concipi: quæ apparibilitas, & conceptibilitas non est ens rationis, sed aliquid à parte rei: errat tamen intellectus, quia rem indicat non ut est, sed ut apparet: & cùm dicit: *Angelus est juvenis*, non Angelum intelligit, sed aliam aliquam naturam. Sed quidquid de hoc sit, si datur ens rationis, erit objectum non Logicæ, sed Metaphysicæ, quia opponitur enti vero, eadem verò scientia de oppositis agit.

*Obijciatur 3.* Logica agit de generibus, speciebus, universalibus: at hæc sine dubio sunt entia rationis, non naturæ, cùm nullibi rerum sint.

R. Agere de generibus & speciebus *fundamentaliter*, & ut aliquid sunt, non verò *formaliter*, & ut nihil sunt. Homo à parte rei cum brutis convenit, cum illis videt, cum illis audit, cum illis comedit: conceptus, quo hanc naturam & convenientiam considero, verus est, non fictus, aut chimericus, & ut talis à Logica consideratur; relatio verò illa rationis, quæ ex objecto sic considerato resultat, perinde, ac si forma generis, aut universalis referretur ad plures species, aut individua, tanquam forma aliqua communis in plures derivabilis, eo ferè modo, quo una facies in pluribus, & distinctis speculis relucet, illa, inquam, relatio rationis ad effectus Logicos impertinens, & superflua est; illà enim sublatà adhuc natura animalis sine differentijs spectata de homine, & bruto dici potest, & utrique inest non quidem una *identitate*, sed una *proportionem*, *convenientià*, & *virtute* ad similes omnino effectus, sicut sine alia fabula, & ludibrio fictionis eadem facies multis speculis inest, & si infinita essent, ex infinitis traluceret.

*Obijciatur 4.* Logica ex omnium confessione agit de modis differendi, qui ex cognitionibus consurgunt: sed non agit de illis secundum esse naturale spectatis (sic enim ad Physicam pertinent, quæ de anima, intellectu, & cognitionibus agit) ergo secundum esse, & formam Logicam, quæ non potest alia esse quàm rationis, quidquid enim ens reale non est, est ens rationis.

R. Hoc

4. Hoc Argumento nimium probari, omnes videlicet artes pro objecto habere ens rationis: quidquid enim Musica considerat in sono, est ens reale, & naturale, ac ad scientiam naturalem pertinet, idem de architectonica dicas, idem de omnibus. Datur ergo medium inter ens naturale, & rationis, ens videlicet artificiale. Sicut ergo sonus qui attemperari in harmoniam, & per artem in varias proportionales dirigi, distinguique potest, est objectum Musicæ, licet hæc ipsa forma harmoniæ ex multis vocibus notisque exurgens realis sit: & sicut ligna ac lapides, quatenus certo ordini subsistant, ad unam domum habitationi aptam conficiendam sunt objectum architectonicæ, quamvis ille ipse ordo, dispositio ac situs sint aliquid reale; eodem modo mentis nostræ operationes, quatenus cum certo ordine, certaque dispositione, ac qualitate produci, & componi possunt, ita videlicet, ut una sit prior, alia posterior, una negativa, alia affirmativa, una particularis, alia universalis, una confusa, alia explicita, &c. Et ex cognitionibus ita dispositis scientia comparari potest, hoc, inquam, modo Logicæ objectum sunt, quamvis hic ipse ordo, & dispositio sit forma realis, per rationem tamen confecta, sicut forma statuæ, forma domus, forma harmoniæ, &c. Cum ex Europa in Chinam horologium allatum est, sed ne itinere corrumpere, in suas partes solutum, nec compositum, ferunt barbaros risisse sarcinam tam gravem, & inutilem ex Orbe tam longinquo adductam; ubi verò rotæ rotis, radij radijs, turbines, pondera aptata sunt, & per certa intervalla sonante ferro horæ auditæ, tunc enim verò admiratio barbaris facta, & horologium æs vocale appellatum. Sic mentis operationes sunt: Si vagæ sint, & confusæ, scientiam non patiunt: si ex Logicæ præscripto in ordinem digestæ, & sonant, & veritatem reddunt: hoc à Logica habent. Quod si Logicus se supra cognitiones, & conceptus suos reflectens unam *minorem*, aliam *majorem* vocat, quasi aliqua ex eis forma inesset hoc nomine appellanda, id forsitan ens rationis fuerit, sed serò natum, & opere Logico jam confecto: sicut, si Civis Chinenfis audito horologij sono ferrum illud, & malleolum, ut rem animatam vocalēque conciperet, id quidem ens rationis esset, sed nihil ad



horologij fabricam usumque conferret, & qui artifici pro objecto hoc ens rationis adscriberet, planè rideretur.

XI. *Queritur sextò.* An Conceptus formales quâ dirigibiles sint objectum formale Logicæ?

æ. Objectum formale Logicæ sunt tres mentis operationes quatenus dirigibiles, sive dirigibilitas operationum in ordine ad comparandam scientiam; finis verò proximus est actualis ipsa directio, ex qua immediatè resultat actus, & cognitio ad regulas Logicæ directæ: cum enim homo possit mille syllogismos, aut bonos aut malos facere, v. g. ex meris negativis, ex meris particularibus, ex pluribus, quàm tribus terminis, ex suppositionibus variatis, &c. Logicæ officium est Intellectum dirigere, ut relictis malis, bonos faciat, & ad hoc regulas præscribere. Sicut enim per Labyrinthum eunti mille viæ occurrunt, quæ in errorem ducunt, una recta, & quæ exitum habet; & ducis officium est, ut aut manu, aut filo porrecto, aut saltem voce monitûque rectam ostendat; sic Logica intellectum ducit: nunquam difficultatibus se evolveret, quæ scientias investiganti occurrunt, & fallunt; nisi Logica filum, modum sciendi, rectè argumentandi, judicandi, apprehendendi porrigeret: hoc regitur, ne aut impingat, aut nunquam exitum, finemque repe-riat. Hæc est directio Logica.

Jam Probatur Conclusio 1. ex dictis, quia nullum aliud objectum formale occurrit.

2. Quia nulla alia scientia est, quæ hanc directionem adeo utilem, & necessariam pro objecto habeat.

3. Quia per hoc Logica ab alijs omnibus scientijs distinguitur, distinguere autem scientias proprium officium est objecti formalis.

4. Quia hoc ipsum in alijs omnibus artibus & scientijs practicis videre est; finis enim Statuariæ est fingere marmor in statuas, & manus ad fingendum dirigere; objectum verò formale est ipsa marmoris aptitudo, ut ita fingatur: finis Nauticæ est navim dirigere, objectum formale, ipsa dirigibilitas, &c.

5. Denique, quia objectum scientiæ operatricis est, quod illa considerat, & circa quod practicè, & aliquid operando versatur,



satur, finis verò est ipsum opus, ab hoc enim operatrices scientiæ vocantur: at Logica tres mentis operationes considerat, non secundum omnem latitudinem, sed quatenus dirigibiles, easque dirigit, atque in ordinem collocat, & ex ijs certo ordine directis, collocatisque instrumenta conficit, definitiones, divisiones, demonstrationes, & alia acquirendis scientijs idonea: ergo dirigibilitas est objectum formale, actus verò directi sunt finis & opus à Logica intentum.



## §. IV.

## De Logica Utente, &amp; Docente.

## Summaria.

1. In scientijs aliud esse doctrinam, aliud usum, varijs exemplis ostenditur.
2. Actus Logica Utentis, & actus Logica Docentis distinguuntur.
3. Idem realiter est habitus Logica Docentis, & Utentis.
4. Solvuntur objectiones.
5. Et hac doctrina procedit de Logica Docente, & Utente in omni materia.
6. Non obstantibus rationibus Adversariorum.

Ob-



Bſcurè in hac Quæſtione, & confuſè Doctores loquuntur. Præmittam ergo, quæ apud omnes ſunt certa, & claritati ſtudebo.

1. *Prænotandum* 1. In omnibus ſcientijs practicis aliud eſſe *doctrinam*, aliud *uſum*: poteſt quis doctrinam, & præcepta artis optimè callere, ignatus tamen, & imperitus utendi. Quis nescit natanti oportere caput ſuper aquas eſſe, manus pedèſque æqualiter adduci, extendique ad frangendas aquas? non ideo tamen, qui hæc novit, continuò natare poteſt; aliud enim eſt ſcire, aliud agere, ſicut aliud lucere, aliud illuminare. Docere ergo, eſt regulas aliquid faciendi tradere, Uti eſt datas regulas ad materiam aliquam applicare, hoc eſt, opus aliquod ad præſcriptum regulæ conficere, v. g. Agriculturæ Docentis circa vineas colendas hæc ſunt præcepta: Locus vicibus ponendis ſit magis ſiccus, quàm humidus, magis oppoſitus ſoli occidenti, quàm meridionali. Ne ponatur vitis juxta corylum, laurum, aut braſſicam, quia has naturaliter odit; populum verò, ulmum, ſicúmque amat: lapides abijciendi in ſuperficie terræ, quia æſtate vitem adurunt, hyeme inſtrigunt: vites diverſæ ſtirpis, albæ videlicet & nigræ, mixtim non ſunt jungendæ, quia contrarijs qualitatibus mutuò ſibi nocent. Potius in obliquum quàm rectum plantandum, quia obliquum citius agit radices. Surculi, qui ad meridiem ſteterunt, in eundem ſitum ſunt collocandi, quo enim cœli aſpectu, influxúque geniti ſunt, eodem conſervantur, &c. Vides in exemplis adductis munus artis, aut ſcientiæ Docentis eſſe, regulas tam generales, quàm etiam ſpeciales, & ſpecialiſſimas tradere operi faciendò, earúmque regularum cauſas assignare. Scientia verò aut ars Utens eſt, quæ ex præſcripto earum regularum aliquid operatur, ut ſi agricola vineas in ſicco, non in humido plantet; ſi vites ulmo non lauro nuptui tradat; ſi ſuperficiem lapidibus

dibus purget, &c. Eodem modo Logicæ Docentis sunt isti actus: *Definitio* consistit genere, & differentia, adaequet definitum: *Syllogismus* consistit tribus propositionibus: medium in prima figura semel subiungatur, semel prædicetur, &c. Actus verò Utentis Logicæ sunt ipsa constructio definitionis, syllogismi, demonstrationis juxta regulas à Docente datas. Sed advertite, plerumque usum, praxinque multis difficultatibus conjungi, quæ in præceptis non apparebant, & ideo multos doctrinâ summos in usu deficere; tum quia usus & exercitium rem ipsam spectat, ut est, cum omnibus videlicet circumstantiis, & difficultatibus hîc & nunc occurrentibus, quæ speculanti non apparebant, cognitio enim est magis de universalibus, usus de particularibus, & ita facilius est scopum videre, & modum tangendi illum agnoscere, quàm tangere: tum, quia usus non pender à sola cognitione, sed etiam ab instrumentis, aliisque potentiis executivis, & ex materiæ ipsius dispositione, & ideo, qui perfectissimè novit, circulum esse lineam simplicem, perfectissimè curvam, & à centro æqualiter distantem, hujusmodi tamen lineam sine circino, & in saxo aspero, ac inæquali nunquam describet, imò sæpe nec in plano, & cum circino; tum denique, quia sicut chalybs usu politur, & acuitur, otio obtunditur; sic scientiæ usu intenduntur, & clariores evadunt, & difficultates in particulari occurrentes, sicut usu deprehenduntur, ita deprehensæ facilius evitantur.

II. *Prænotandum* 2. Dubium nullum esse, quin actus ipsi Logicæ Utentis, & Docentis distinguantur: actus enim Docens est dictamen, quo v. g. intellectus cognoscit, & pronuntiat syllogismum in *Barbara* tribus affirmativis constare debere: Utense est ipsa constructio Syllogismi ex tribus affirmativis. Sicut ergo aliud est norma lineæ rectæ, aliud descriptio lineæ ad normam: aliud præceptum, aliud opus: aliud regula cantandi, aliud cantus ad regulam; ita aliud est actus Logicæ Syllogismum Docentis, aliud actus Logicæ Syllogismum conficiantis. Primus ille actus est universalis ad plures materias adaptabilis, analyticus, & resolutivus, hoc est, causam suæ regulæ tradens: usus verò est applicatio ad materiam particularem, & uni restrictus, nec ad causas operandi, sed ad ipsum opus attendit; quanti

quamvis enim cognoscat v. g. Pictor causam, cur remota obsecuris coloribus oculo exhibeat, proxima claris, ut sic non tam utitur & agit, sed cognoscit, & docet. Actus ergo Logicæ Docentis, ab actu Logicæ Utentis, tamquam dirigens, & directum, regulans, & regulatum distinguuntur. Potest tamen fieri, ut diverso respectu idem actus sit dogma & usus, v. g. cum dico: *Definitio est oratio constans genere & differentiâ*; hic actus simul docet, qui fieri definitio debeat, & simul est ipse usus, ac confectio definitionis. Sicut ergo respectu ad diversa eadem norma est regula lineæ rectæ, & ipsa etiam est linea recta, &c.

*Prænotandum* 3. Logicam de multis varijsque rebus præcepta tradere, & præceptis uti, docet enim modum dividendi, definiendi, enuntiandi, argumentandi, demonstrandi, ex probabilibus disputandi, sophismata dissolvendi, &c. Et omnibus hisce præceptis in data materia uti potest, sicut Pictor omni tabulæ colores inducere; patet ergo Logicam totam Docentem & Utentem esse. His prænotatis

III. *Quæritur*. Utrum habitus Logicæ Docentis, & Utentis realiter distinguantur?

*Resp.* Idem realiter est, habitus Logicæ Docentis & Utentis.

*Ratio est* 1. Quia nulla est causa istos habitus distinguendi, & multiplicandi, ut ex solutione objectionum patebit.

2. Quia ex omnium sententia multò magis distinguuntur ipse actus utendi, & actus docendi tamquam dirigens & directum quàm habitus, & tamen idem actus diversorum respectu est docens, & utens; ergo multò magis poterit Logica Docens & Utens unus habitus esse.

3. Nulla specialis difficultas est in usu præceptorum Logicæ, ergo nullo habitu distincto ab habitu præceptorum opus est; habitus enim datur difficultati superandæ. *Antecedens probatur*. Uti enim Logicæ consistit in applicatione regulæ Logicæ ad certam aliquam materiam; hæc verò applicatio nullam difficultatem habet, qui enim novit v. g. definitionem constare ex genere, & differentiâ proxima, ita, ut genus de definito primò prædicetur,

cerur, tunc differentia, in omni materia sine difficultate hanc regulam applicabit, par enim est ratio de omnibus materijs; si enim cognoscas genus & differentiam rei (quæ cognitio non ad Logicam primario, sed ad alias scientias pertinet) tanta erit difficultas unum post aliud ponere, quanta in sermo aut corolla florum unum florem alteri subtexere. Quodsi aliqua difficultas appareat, illa non tam erit ex parte usus, & applicationis Logicæ, quam quia termini non satis intelliguntur, aut non satis constat de vero genere, & differentia, quæ tamen difficultates non à Logica, sed alijs scientijs vincendæ sunt, quarum est materiam Logicæ præparare; nec enim est Picæ tabulam polire, aut telam texere, quas coloribus imbuat; nec sculptoris marmor cadere & æquare, cui figuram insculpit. Sicut ergo, qui artem pulsandi citharam caller, sine novo habitu, & eburneam, & buxam, & cypressinam pulsabit, quia in omnibus eodem modo, & arte proceditur; & qui per artem sigillo figuram aliquam impressit, sine alia arte quamlibet ceram figurabit, quia applicatio sigilli ad ceram extra omnem difficultatem est; ita & Logicæ præcepta cum in omni materia, Philosophica, Theologica, Mathematica, &c. eodem modo applicentur, nulla in hac applicatione, aut modica difficultas est, & quam intellectus præceptis Logicæ instructus faciliè superabit.

IV. *Obijciunt* 1. *Experientiâ* constat, eos, qui optimè præceptis Logicis instructi sunt, si exercitio, usûque careant, difficilè argumentari, dividere, &c. exercitatos verò faciliè; ergo alia difficultas est in theoria, alia in praxi, per distinctos habitus vincenda: & hoc est omnibus artibus commune, in quibus sæpissimè habitus theoreticus & regularum est sine habitu usuali, ut in Musica, in Saltatoria, in Militari pater.

2. *Difficultatem*, quam in usu Logicæ patitur, qui aliàs regularum peritissimus videtur, oriri *vel* ex materia *circa quam* non satis notam, *vel* quia terminos non satis intelligit, ut si jubeas Logicum definire *lineam parallelam, diametralem, diagonalem*, aut de linea recta demonstrare, quod super ea triangulus æquilaterus describi possit,

*Rursus.* Difficultas in usu sæpe provenit ex defectu theoriæ, quod hæc videlicet sit tantum generalis, & ignoret circumstantias particulares, sicque difficultas in usu redundat in ignorantiam, & imperfectionem Logicæ Docentis, v. g. si quis hoc axioma Mathematicum, *Omnes lineæ de centro ad circumferentiam ductæ sunt æquales*, indistinctè intelligat de omni lineæ etiam curva, non mixtum fuerit, si lineas aliquas ad circumferentiam ducat, quæ sint inæquales; sed hic error prius in theoria quàm usu fuit.

*Denique* si theoriæ, & doctrinæ usus non accedat, illius habitus paulatim ignorantia, & oblivione corrumpitur, usu verò, ac exercitio intenditur, & intellectus reperitis operando cognitionibus magis semper, magisque clarescit, & perficitur, ipsæque species, quæ otio latebant, usu agitantur, semperque in promptu sunt, hinc facilitas. Patet ergo, difficultatem, quæ in usu Logicæ est, non ex defectu habitus usualis Logici esse, qui semper est, ubi habitus Logicæ Docentis, sed aliunde; Facilitatem verò non ex novo habitu, qui ex usu oriatur, sed ex alijs causis, & quia ulus impeditamenta, quæ theoriæ, & operi obstant, amolitur: & ideo sæpe amisso habitu videmus intellectum subinde magnâ facilitate ex usu paratâ in opus micare; sicut corpus amissâ animâ adhuc vibratur; & sole in occasummerso lux aliqua, & crepusculum restat; & mare, quamvis ventri & tempestas cesserint, adhuc undas, & fluctus agit; hoc pacto multi docent habitum Theologiæ hæresi amitti, & tamen facilitas disputandi de rebus Theologicis hæreticum non deserit. Hæc omnia eò dixi, ut intelligas, non semper ubi est aliqua difficultas, ibi esse novum habitum, quo vincatur; & ubi nova facilitas est, novum esse habitum facilitatis causam, possunt enim facilitas, & difficultas ab habitu separari, ut ostendi. In alijs verò artibus, quarum exempla in objectione proposita sunt, magna disparitas est: habitus enim doctrinalis saltandi, sculpendi &c. in intellectu est, habitus verò usualis in pedibus, & manibus; cum enim ex istorum motu artificioso opus pendeat, & hic motus magnam habeat difficultatem, opus fuit aliquo habitu, quo hæc difficultas superaretur, & ea membra artificiosè moverentur. Quod maxime in motu voluntatis patet. Ut enim



voluntas ad bonum moveatur, non sufficit habitus theoreticus, *synesis*, & *Eubulix* ad bene consultandum, & judicandum, sed insuper opus est novo, & distincto habitu *Prudentix*, quo voluntas ad agendum impellatur. *S. Th. 2. 2. q. 51. a. 2.* quia tota difficultas consistit in applicatione voluntatis ad opus (quam *Prudentia* per actum imperij exercet) ex hac enim opus ipsum sequitur, & relinqui debent omnia delectabilia operi virtuoso repugnantia; & ideo imprudentior est, qui volens peccat, quia deficit in principali actu *prudentix*, qui est voluntatem applicare: econtrà in arte melior reputatur artifex, qui volens peccat, quasi habens rectum iudicium, quàm qui nolens, quia recto iudicio caret, quod in arte præcipuum est. Vide *S. Th. 2. 2. q. 47. a. 8.* Cum ergo *Logica* sit ars, & tota eius perfectio, ac difficultas superanda non sit ex parte applicationis, sed rectæ cognitionis, & directionis, quod pertinet ad Docentem, sequitur, non esse alium & distinctum habitum Utentis.

*Obijctur 2.* *Habitus* dantur non solum ad difficultatem aliquam superandam, sed etiam ad maiorem facilitatem comparandam: sed usus argumentandi, &c. major facilitas comparatur, quàm solâ doctrinâ, & theoriâ regularum, ut experientiâ patet; ergo ad hanc maiorem facilitatem, quæ ex usu nascitur, admittendus erit habitus *Logicæ* Utentis à Docente distinctus. *Major probatur;* tum quia facilitas major & major acquiri potest: tum quia in Demonstratione assentimur præmissis per habitum principiorum, Conclusioni per habitum distinctum scientiæ, & tamen dato assensu præmissis nulla est difficultas assentiri etiam Conclusioni, imò hic assensus necessariò ex assensu præmissarum sequitur; ergo non ideo negari debet novus habitus, ubi non reperitur nova difficultas.

*R. 1.* Jam suprà notavi, maiorem facilitatem ex usu, & exercitio natam non deberi novo, distinctoque habitui, sed alijs causis.

2. Si toties sit novus habitus, quoties major & nova facilitas est, cum hæc in dies, in horas usu crescat, infinitos habitus poni oportebit, & vix animus capiet. Major ergo illa facilitas ex uno habitu provenit, sed non per quemlibet actum,



sed per actum usus propter causas nuper allatas : usus enim auget habitum theoricum , & cognitionem circa particularia , ex qua facilitas operandi est.

3. Argumentum ex habitu scientiæ petitum nimium probat , videlicet etiam ad actum necessarium dari habitum , cur ergo non etiam in oculo habitus videndi admittitur ? quàm enim oculus colore per lucem profuso , palpebrisque diductis necessario videt , tam intellectus posito præmissarum assensu necessario Conclusionem infert. Ideo ergo habitu scientiæ Intellectus opus habet , quia assensus Conclusionis licet necessarius , non tamen est purè naturalis : & quia Conclusio non est simplex cognitio veritatis conclusæ , sed ut connexæ cum sua causa necessaria , bonæque consequentia , ad quam connexionem tunc consequentis tum consequentiæ cognoscendam habitus scientiæ datur ; v. g. in hoc Syllogismo : *Omnis pars sicut habet formam totius , ita , nisi impediatur , habet proprietatem totius ( tam enim scintilla ignis lucet , & calet , quàm totus ignis ) sed gutta est pars aque , & globositas , & antipathia cum qualitatibus oppositis sunt proprietates aque ; ergo gutta aqua cum à vase non prohibetur , naturaliter conglobatur , & hac ipsa conglobatione magis fugit qualitatem oppositam sicuti , quod in minima sui parte tangit , magis tactura , si aliam figuram , quàm globosam haberet .* In hac , inquam , Demonstratione non solum cognosco , formam naturaliter suas proprietates appetere , & globositatem esse proprietatem aquæ , & guttæ , sed etiam guttam conglobari , quia conglobatio est ejus proprietas , ejusque conservationi à contrariis necessaria ; & ad hanc connexionem , quæ reperitur inter effectum , causamque cognoscendam , necessarius est habitus scientiæ distinctus ab habitu principiorum.

Obijciunt 3. Logica Utens est habitus practicus , & operativus , Logica Docens speculativus : sed non potest unus idemque habitus speculativus esse , & operativus , cum & objectum & modus tendendi sit diversus ; speculatio enim est analytica , & resolvit in causas ; operatio est compositiva , & applicativa , hoc est , formam inducit , & applicat materiæ : ex diverso autem objecto , & modo tendendi habitus specificantur ,

\*. 1. Non repugnare unum, eundemque habitum esse principium operandi, & speculandi, maximè cum speculatio, & operatio subordinantur; nam eadem forma est principium cillendi, & agendi, idem intellectus & objectum contemplatur, & voluntatem applicat ad agendum: eodem modo eadem est Logica, quæ intellectum per regulas inclinât, applicâtque ad usum regularum; nec modus practicè & speculativè procedendi inducit distinctionem habitûs, quia ille modus tantum accidentaliter, & ex parte actuum differt, sub uno tamen specificativo, & ratione formali; ipsa enim v. g. actualis confectio Definitionis est actualis directio ad effectum cognoscendæ veritatis, & ita proximè, & principaliter cadit sub objectum Logicæ: hæc ergo, sive doceat regulas tradendo, sive utatur, eandem applicando, semper intra suam sphaeram, & circa idem centrum vertitur, & ideo est unus habitus. Sic motus circularis est unus, & simplex, quamvis contrarius, alijs circuli partibus sursum, alijs deorsum actis, sed circa idem centrum. Sic visio albi, & nigri specie differunt, & contrarijs modis in objectum eunt, disgregando videlicet, & congregando, tamen ad eandem potentiam pertinent, propter eandem visibilis illustrati rationem. *Eslo* igitur operatio, & speculatio sint actus specie distincti, uterque tamen dirigit, uterque est instrumentum indagandæ veritatis, uterque igitur sub hac ratione convenit, pertinetque ad eundem Logicæ habitum, cujus natura est, dirigere, & instrumenta intellectui parare.

2. Usus Logicæ non videtur actus distinctus ab ipsa regula, hoc est, actu repræsentante modum conficiendæ v. g. definitionis; hæc enim cognitione positâ intellectus sufficienter instructus, & paratus est, ut definiat, modò materia illi non desit ab alijs scientijs proposita. Exemplum est in intellectu, cujus officium est, dirigere, & movere ad opus voluntatem, nec alio modo magis illam movet, applicâtque, quàm objectum, ejusque bonitatem clarè ostendendo, & quò clarior est cognitio, minorque in objecto difficultas, quæ minori obstat, eò facilius voluntas, fortiusque movebitur, ut amet. Sic Logica eodem actu, quo regulam definiendi clarè, & æquè in omnibus

conuncta, quæ ad scientiam necessaria est, ipsa tamen forma syllogistica, quam Logica præbet, & modus ipse ex probabilibus argumentandi certi sunt, & certis regulis substant: quamvis enim non sit certum, *omnem patrem diligere filium*, & amorem ex similitudine nasci, est tamen certum, utrumque esse valde probabile, & utrumque prudenter, ac sine temeritate credi posse: quemadmodum licet sit contingens, navim ad portum pervenire, non tamen sunt contingentes regulæ, quibus navis ad portum dirigitur, sed necessaria, pertinentque ad veras scientias Astronomiæ, Geographiæ, Hydrographiæ, &c. Tota ergo difficultas est cum Logica procedit ex principiis probabilibus *elutivè*, hoc est, proprijs, & in hoc etiam casu Logicam Docentem & Utentem non distingui, sed ipsum actum opinativum ab habitu Logicæ esse

*Probatur 1.* Quia opinio sive cognitio ex probabilibus est imperfecta demonstratio, hoc est, dispositio, & via ad demonstrationem, ut eleganter notat S. Thom. Opusc. 70. q. 6. a. 1. Sed non repugnat ab eodem agente prodire effectum perfectum, & imperfectum, dispositionem, & formam, imò quotidie videmus id evenire; & sæpe generans producit tantum embryonem; & ab eodem habitu fidei est ipse actus fidei, qui obscurus est, & actus evidentis cognitionis, quod objectum credendum sit credibile. Cur ergo non possit ab eodem habitu scientiæ procedere Syllogismus demonstrativus, & opinativus, quamvis hic dubius, ille certus sit? nec enim sibi magis opponuntur dubium, & certum, quam evidens, & obscurum.

2. Et à priori, quia specificativum scientiæ est objecti scibilitas ex causis certis, vel disponentibus ad certa (sic enim salvatur, scientiam semper de certis esse) sicut objectum fidei est obscurum, vel disponsens ad assensum obscuro dandum, quo modo etiam credibilitas objecti, quæ evidens est, ad fidem pertinet; & forma perfecta tribuit effectum formalem tam perfectum quam imperfectum, v. g. eadem anima rationalis esse animalis, & esse hominis.

3. *Denique*, quia nulla ferè est scientia, quæ præter demonstrationes non etiam abundet discursibus ex merè probabi-

libus, ut in Physicâ, Astrologia, & Theologia patet; cur ergo hoc Logicæ negemus? si probabilia ex scientijs demas, vix duobus folijs omnes libri constabunt.

VI. *Obijcitur* 1. S. Th. 4. *Metaph. lect. 4.* Ubi dicit, Logicam in parte demonstrativa usum non habere, sed tantum in Topica.

R. Usus ex principijs demonstrativis, & necessarijs, quoad materiam Logicæ non convenit, sed alijs tantum scientijs, quæ materiam præbent, & ideo demonstrationes alijs scientijs magis, & principalius adscribuntur, quia forma Logica est merè accidentalis, & instrumentaria cognoscendæ veritati, & scientia, quæ est effectus Demonstrationis, magis ex materia, quam forma pendet, potest enim sine forma syllogistica unius vel alterius veritatis scientia comparari, sed non absque eo, ut causa necessaria eius veritatis cognoscatur. In parte verò Topica & forma, & materia ad Logicam pertinet, utitur enim proprijs principijs.

*Obijcitur* 2. Usus Logicæ non est scientificus, non ergo pertinet ad habitum scientificum Logicæ, sicut nullus actus, qui non est visio, pertinet ad potentiam visivam. *Antecedens probatur*, quia Usus non examinat causam, cur aliquid sit, aut non sit, sed tantum applicat formam materiæ; & fertur in opus.

R. 1. Ex dictis, non oportere omnem actum, qui à scientia est, scientificum esse, sufficit, ut sit dispositio, aut exercitium scientiæ, aut ad hanc alio modo referatur, quia forma practica & artificialis non tantum versatur circa finem, sed etiam circa media ad finem: & artis pictoriæ non tantum est pingere, sed etiam colores miscere; & potentiæ visivæ non tantum est videre, sed etiam species ad videndum recipere.

2. Jam suprà dixi, eundem actum, & regulationem Logicam intellectui servire pro applicatione usque activo; eodem ergo pacto, quo doctrina, ita usus dici potest scientificus, hoc est, in suas causas necessarias resolubilis.

## §. V.

## Logica est Scientia.

## Summaria.

1. *Logica est Scientia propriè, & stricte loquendo.*
2. *Dissolvuntur objectiones.*
3. *Logica est vera pars Philosophia.*



**Remotandum.** De vera scientia nobis sermonem esse, an videlicet Logica sit habitus inclinans ad cognitiones de suo objecto certas, evidentes, & per causas necessarias? hoc enim est propriè scire; namut res est per causas, ita per causas sciri debet. Nulla quidem scientia de seipsa probat, quòd sit scientia, aut quòd circa hoc illúve objectum versetur; solius enim est intellectus esse reflexivum, & scientia est de alijs, non de seipsa, suámque essentiam non probat, sed supponit: sicut oculus non est ad oculum, sed ad colorem. Pertinet ergo ad scientiam universalem, quæ rerum essentias examinat, quærere, an Logica, an Physica sit scientia? idque procedendo, *vel ex principijs magis universalibus, vel ex concessis, vel deducendo ad impossibile, vel denique ab effectibus per se notis*, quique sub experientiam cadunt. Sic in anima datur aliqua potentia, sensus communis,

qui de actibus, & objectis singulorum sensuum judicat; nam & intellectus, & sensus communis feruntur circa omne sensibile.

I. *Quæritur* 1. An Logica sit Scientia? *Resp.* Logica est propriè, & strictè loquendo scientia.

*Probat* 1. Scientia est habitus faciens de objecto suo demonstrationes per causas necessarias; talis autem est Logica: de Definitione enim demonstrat, quòd debeat esse clarior definito, quia obscurum per æquè obscurum non explicatur, sed per magis clarum: quòd non debeat includere definitum; qui enim dicit, Homo est homo rationalis; Linea recta est, quæ recta ducitur; explicat idem per idem, obscurum per æquè obscurum, & ideo non explicat, sed implicat potiùs. De Divisione demonstrat, quòd partes dividendæ debeant esse oppositæ, & quarum una non sit alia, quia dividere est totum in partes plures secare: at quæ non distinguuntur, non sunt plura, nec partes; Quòd Divisio, ut sit perfecta, debeat omnes partes complecti, quia totum divisum identificatur cum omnibus partibus simul sumptis, ergo nec excedere partes, nec excedi ab illis potest. De Propositionibus demonstrat, quòd dua contradictoria non possunt simul esse vera, quia non potest idem esse & non esse. Duas contrarias non esse veras, quia sequeretur duas contradictorias esse veras; si enim istæ duæ: Omnis homo peccat, nullus homo peccat, veræ sunt; ergo etiam istæ: Omnis homo peccat, non omnis homo peccat; quæ sunt contradictoriæ. De Syllogismo demonstrativo probat, quòd pariat scientiam, quia est cognitio per causam. De Topico non parere scientiam, quia non tradit causam necessariam: esse conjunctum formidini, quia non ex certis parari potest. De Syllogismo Sophistico, inducere in falsum, quia constat ex falsis, quæ apparent vera, & hinc errorem, intellectu veri specie decepto. Patet ergo, Logicam in omni sui parte demonstrativam, & ideo scientiam esse.

2. Si Logica non est scientia, ergo nulla est scientia; scientiæ enim demonstrationibus acquiruntur, demonstrationes autem sola Logica facit, earumque consequentias certas esse ostendit, & bonas à malis distinguit: Si ergo demonstrationes fa-

facit, & certis, ac infallibilibus regulis consequentias probat, certè scientia est, quid enim aliud est scire?

3. Etiam ubi agit de Syllogismo Topico, Logica est scientia, 'quantò magis ubi de Demonstrativo, & necessario? *Antecedens probatur.* Quia licet id, quod est probabile, non sit certum, & ideo nec scibile, ipsa tamen probabilitas certas causas habet, certis causis ostendi, certisque regulis indagari potest. Non est certum, patrem à filio amari, certum est, hoc esse probabile, certum etiam est, hoc fieri solere, ergo probabilitas potest esse objectum scientiæ. Sicut hæc propositio: *Non est Deus*, est falsa, & ideo nec sciri potest, ipsa tamen falsitas demonstrari, & sciri potest.

II. *Obijciunt* 1. Si Logica est scientia, quia Demonstrationes aliquas facit, multò potius erit dicenda opinio, quia multò plures habet dubias, quàm certas & evidentes Conclusiones: denominatio autem fit à forma prævalente, & defectus ex qualibet parte est: hinc athiopem absolutè dicimus nigrum, hominem absolutè corporcum, quamvis & ille aliqua ex parte albus sit, & homo meliori ex parte incorporeus.

R. 1. Hoc Argumento siquid probet, omnes ad unam scientias rolli; quam enim invenes, in qua non plus dubij quàm certi sit?

2. In Logica quamplurimas Demonstrationes esse, ut suprà ostensum, & hoc sufficere, ut Logica magna ex parte scientia sit; toties enim, nec pluries est scientia, quoties demonstrat.

3. *Æthiops* & homo denominantur à forma denominante: homo enim cum sit compositum, & forma essentialis compositi, quàm talis, sit unio, hæc cum sit corporea & corruptibilis, totus homo pro tali habetur. Logica verò est habitus, qui ex actibus similibus generatur, ut ergo ex Demonstrationibus nata est, tota & absolutè Scientia vocatur; nec hanc denominationem impediunt multæ opiniones, quæ Logicæ miscuntur, quia, ut suprà ex S. Thoma ostendimus, opiniones disponunt ad Demonstrationem; dispositio autem non impedit denominationem formæ: lignum enim calidum, quamvis disponatur ad ignem simpliciter à sua forma denominatur lignum, quantò magis tale de-



nominaretur à qualitatibus suæ formæ congruentibus ? Sic Anima rationalis unico tantum gradu est rationalis, & duobus gradibus, vegetativo scilicet & sensitivo, irrationalis; & tamen absolute rationalis dicitur, quia huic uni, illi duo deserviunt.

*Obijciunt* 2. Scientia est de rebus & objectis necessarijs, non verò contingentibus, Logica verò est de contingentibus, de Syllogismis videlicet, Definitionibus, &c. quæ à libera voluntate pendent, nostròque arbitrio fieri, aut omitti possunt.

*R.* 1. Si de illis tantum sit scientia, quæ necessariò existunt, sola Theologia scientia erit, reliquis omnibus sublati, solus enim Deus necessariò est, reliqua illius arbitrio.

2. Sufficit ergo ad scientiam necessitas complexa, hoc est, tale esse objectum, ut prædicata aliqua necessariò illi conveniant, & ex illo proprietates aliqua existant per causas necessarias, certasque demonstrabiles. Hæc propositio, *Cras Turca pugnabit & vincetur*, sciri & demonstrari non potest, quia nulla est causa necessaria, ut cras pugnare velit, sciri tamen potest, Turcam si pugnet, hostem esse, quia pugna non est nisi inter hostes. Scire non possum te chartæ triangulum inscripturum, sed si inscribas, scio illum basi & mucrone præditum iri. Eodem modo Logica non demonstrat Syllogismum à te aut alio factum iri, sed si fiat, tres propositiones, tres terminos, nec meras negativas habiturum.

*Obijciunt* 3. Logica est habitus practicus, ergo non est scientia; operatio enim est de particularibus, cum hæc sola fieri operando possint: & aliud est facere, aliud scire: hoc causa, illud effectus est: & ex hoc capite artes mechanicæ scientiæ non sunt, quamvis causas suæ operationis necessarias agnoscant; Agricola v. g. in locis Septentrionalibus agrum probat Orienti aut Meridiei obversum, quia calore solis nativum terræ frigus mitigatur. Terra, quæ frequens juncum, carduum, rubum, spinasque fert, serendis frumentis habilis est, quia fecunda & pinguis est. Pictor colores dissimiles associat, quia magis objectum variant, & oculum movent; remota inumbrat, quia obscurum minus oculum movet, & ideo remotius apparet. Chirurgus vulnera obligat, quia vineta facilius coeunt: aperta vero

rò frigore & dolore asperantur, nec cœunt, &c. En Demonstrationes in artibus etiam servilibus, quæ tamen quia practicæ sunt, scientiarum choro excluduntur.

Re. 1. Eodem modo Philosophiam moralem contra omnium sententiam scientiam non fore.

2. Ipsa praxis externa & actualis etiam in scientijs practicis non est scientia, quia non est cognitio, sed opus: dici tamen extrinsecè scientia potest, quia imperatur ab habitu scientiæ, & per certas regulas, certamque cognitionem causarum dirigitur; si enim oratio externa, & vocalis dicitur bona, libera, meritoria, actûsq; Religionis, non quia talis in se est, sed quia à tali actû interno procedit, influxûmque accipit, cur non eodem modo consecutio v. g. globi astronomici dicatur actus scientificus, quia ab actû scientiæ interno pender, certisque regulis, ac causarum cognitione, quæ Mathematicæ præstò sunt? & multò magis hoc locum in Logica habebit, cujus praxes sunt veræ cognitiones, ut infra dicetur. Illud verum est, scientiam practicam, quâ talem, minùs mereri nomen scientiæ, quia ad opus parum interest regulam operandi demonstrari, sufficit de veritate experienciâ constare: v. g. ut super datam lineam rectam triangulum æquilaterû constituas, aperi circulum, eoq; à duobus lineæ extremis punctis duos arcus decussim describe, & ubi concurrunt, rectam duc ad puncta datæ lineæ, habebisq; triangulum: multòque citius hunc feceris, quàm ejus demonstrationem invenias. Eodem modo ut Syllogismum facias in Barroco, quid opus est ejus bonitatem demonstrari reducendo ad impossibile? Ut ergo bene opereris, oportet quidem regulas operandi callere, sed parum, aut nihil interest operis, eas demonstrari, interest autem plurimùm intellectûs, qui nunquam quiescit, nec certus est nisi veritate demonstratâ, hîc illi centrum.

3. Artes mechanicæ rarò & in paucis causas immediatas & universales sui operis assignare possunt, sed experienciæ, aliorûmq; testimonijs acquiescunt, quæ per se fallacia sunt, nec enim experientia est omnium, sed paucorum casuum. Si tamen tales artes resolvant in causas primas, & immediatas ac pro-

propriæ, non tam ipsæ scientiæ erunt, quia de causis non curant, quàm illæ, quæ demonstrationes suggerunt.

*Obijitur* 4. Si Logica est scientia, ergo per Demonstrationem acquiritur: sed acquiri non potest per Demonstrationem, alioquin ante Logicam erit alia Logica, quæ Demonstrationes doceat, & sic in infinitum.

æ. In omnibus motibus artificialibus dari aliquem terminum, qui non ab arte, sed à natura sit, hanc enim ars supponit. Sic videmus artes pictoriam, nauticam, medicam à natura cœpisse, primam videlicet imaginem sine arte ductam: primam navim sine arte gubernatam: primam medicinam sine arte adhibitam, solo naturæ impulsu, paulatim experienciâ matre, longaque observatione ab intellectu regulæ operandi inventæ, causæ regularum deprehensæ, & sic artes partæ. Eâdem ratione primam Demonstrationem, & argumentationem suâ sponte, & naturâ Intellectus fecit: tum observavit causas, cur bene concluderet, deinde regulas collegit universales, quibus si Demonstratio responderet, semper & necessariò concluderet, & tandem ex principiis naturaliter notis earundem regularum infallibilitatem demonstravit. Sicut ergo segetem agriculturæ debemus, sed primum semen naturæ, ita instrumenta sciendi Logicæ, sed primas Demonstrationes, aliarum semina, naturæ; hanc Logicam naturalem, quæ ipse Intellectus est, illam artificialem appellamus; non ergo itur in infinitum, primas Demonstrationes intellectu naturaliter suggerente.

*Obijetur* 5. Si Logica est scientia, ergo in hoc Syllogismo, *Omne quod constat contrariis qualitatibus, est corruptibile: omne mixtum constat contrariis qualitatibus; ergo omne mixtum est corruptibile*, conclusio ad duas scientias pertinebit, Phisicam & Logicam: ad hanc respectu *consequentia*: ad illam respectu *consequentis*. Ergo conclusio erit duplex actus, & duplex scientia.

æ. In conclusione una duas reperiri perfectiones, & quòd sit vera, & quòd ordinata, ritèque ex præmissis deducta: primum à Phisica habet, secundum à Logica; non repugnat tamen, unicum & simplicem actum esse à duabus causis & secundum diversas perfectiones productum. Sicut amor Dei est ab Intellectu, & à voluntate,

Iuntate, ab habitu fidei & habitu charitatis : & hoc maxime in artefactis procedit, in quibus aliunde est materia, aliunde forma.

*Obijciunt* 6. Nulla Scientia est de re inutili: sed Logica dum modum argumentandi & faciendi Syllogismos docet, videtur agere de re inutili. Qui enim novit, *quod omnis homo sit animal*, nullo Syllogismo opus habet, ut cognoscat, *etiam Petrum esse animal*. Qui novit, *nullum animal esse lapidem*, novit etiam *leonem non esse lapidem*: tam enim hæc universalis *omnis homo* includit Petrum, quàm triangulus includit unum angulum. Sicut ergo nullo Syllogismo opus est, ut cognoscas triangulum habere unum angulum, ita nullo Syllogismo opus est, ut intelligas, in propositione universalis particularem includi; tam enim particularis est pars universalis propositionis, quàm angulus est pars trianguli.

æ. 1. Hoc Argumento, si aliquid probet, tantum probari, formam Syllogisticam necessariam non esse, non verò tam multa alia, quæ de materia, de præcognitis, de medio Demonstrationum, de conditionibus scientiæ, de terminis, propositionibus, divisione, definitione in Logica traduntur.

2. Multa utiliter in Logica tractari, quæ non tam sunt necessaria veritati intelligendæ, quàm obstinatis & pertinacibus animis, qui veritatem oppugnant, convincendis, & confundendis, ut ab omnibus pro victis habeantur. Helleborus ut medicina, est tantum delirantibus, ita forma Syllogistica veritatem imprudenter negantibus, qui non tantum vincendi sunt, sed etiam ligandi, palamque ne noceant traducendi, hoc Syllogismus facit.

3. Etsi in materia per se clara & omnibus exposita Syllogismus non adeò necessarius sit, est tamen in materia minus obvia magisque obscura. Nocte his facibus non meridiæ opus est. Exemplis declaro. In his propositionibus, *Omne corpus debile & exhaustum brevi vivit*; *Omne corpus calidum excrementis abundat*; *Omne metallum quod minus igni resistit, magis evaporat, leviusque evadit*: quis unquam in hisce inquam propositionibus universalibus istas particulares cognosceret? ergo passeres brevi nec ultra annū vivunt; ergo aves plumis abundant; ergo plumbum liquefactum argen-

to liquato innatat; & tamen si formam Syllogisticam adjungas, consequentiæ sunt clarissimæ hoc modo: *Omne corpus debile & exhaustum brevis vivit, sed passeris sunt corpore debilis & exhausto, ergo, &c.* *Minor probatur*, quia sæpe, & intra horam vigetis fræniæ junguntur, unde virium, & caloris nativi dissipatio: *Omne corpus calidum excrementis abundat, sed aves sunt corpore calido, ergo excrementis*, h. e. plumis abundant. *Major prob.* quia calor aperit poros, & ex poris apertis exhalationes, sudores, excrementa. *Minor prob.* quia aves in aëre, quod est elementum calidum, versantur, continuo motu, & volatu ac haustu gaudent, quæ omnia sunt aut effectus aut causæ caloris.

*Denique*, omne metallum quod igni minùs resistit, magis evaporat, leviusque evadit, sed plumbum igni minus resistit, ergo magis evaporat, leviusque evadit, & consequenter innatat. *Major est nota: minor probatur*, quia plumbum minùs est densum minùsque compactum argento. Vides in hisce exemplis, non semper in propositionibus universalibus tam citò particulares detegi: vides etiam multas esse Syllogismi utilitates; nam

1. Implicita & universalia explicat, & ad magis particularia reducit; longè verò magis explicata, & particularia intelliguntur, quippe magis clara, & in sensum cadentia.

2. Multa in ordinem redigit, ut appareat, quid negari, quid affirmari, quid distingui, quid probari debeat.

3. Adversarijs os claudit; dum enim singula distinguit, dum unum post aliud affirmandum aut negandum proponit, facillè convincit, & convictos ostendit, unde illis aut pudor aut contemptus, aut fœdus cum veritate. Hinc hæreticorum in Logicam odia & calumniæ; ut enim vespertilioes in obscuro volant, ad lucem sistuntur, sic illi noctem & obscurum amant, claritate, quam Syllogismus inducit, vincuntur.

*Obijciunt* 7. Syllogismus Topicus, & Sophisticus disponere possint ad falsum (Syllogismo enim Topico, & probabili subesse potest falsum; Sophistico subest) ergo Logica, quâ parte de illis agit, non est scientia, hæc enim essentialiter est ad verum.

℞. Opinionem utique non esse scientiam, ut probat Argumentum, sed ars, quæ argumenta & regulas ritè opinandi tradit, scientia est, quia illæ regulæ sunt infallibiles, & extra omne periculum; quamvis enim opinioni probabilis falsum subsit, ipsa tamen opinio semper probabilis est, & semper eodem motivo probabilis manente verum est dicere; hæc propositio est, aut fuit probabilis. Objectum ergo Logicæ Topicæ non est veritas objecti, sed vera eius probabilitas ex causis necessarijs orta. Syllogismi Sophistici objectum est falsum, sed modus eum contextendi, deprehendendi, solvendique est verus, certus, certisque regulis constat, & ut sic ad Logicam pertinet; nam etiam falsum sciri potest: quis enim nescit, hanc propositionem, *Nix nigra*, falsam esse? si ergo apertè falsum sciri potest, quando magis apparenter verum? & de hoc est Paralogismus.

*Obijciunt* 8. Instrumentum non potest ejusdem cum suo opere naturæ esse; nec enim instrumentum, quo statua conficitur, est statua; instrumentum, quo imago pingitur, est imago; ergo Logica, quæ aliarum scientiarum instrumentum est, non est Scientia.

℞. 1. Majorem falsam esse, nam sigillum est imago, & instrumentum imaginis. Definitio, Divisio, Syllogismus, &c. sunt instrumenta cognoscendæ veritatis, & simul cognitiones, quid ergo obster Logicam & scientiam & instrumentum sciendi esse?

2. Logica non est instrumentum scientiarum, sed ipsius intellectûs, hic enim Logicâ utitur. Quemadmodum malleus non est instrumentum clavis aut gladij, sed fabri: penicillus non est instrumentum imaginis, sed Pictoris: calamus non instrumentum chartæ, aut scripturæ, sed scribentis, &c.

III. *Quæritur secundò.* An Logica sit vera pars Philosophiæ?

℞. *Affirm. Ratio est* 1. Philosophia est cognitio rerum ut sunt per suas causas: sed Logica est talis cognitio; mentis enim operationes, earumque dirigibilitas, & ipsa sciendi instrumenta sunt res aliquæ, habentque causas necessarias quibus sunt, & regulas quibus fiunt, quo modo ad Logicam pertinent.

2. Ethica ex omnium sententia est pars Philosophiæ, ergo & Logica : Ethicæ enim objectum sunt actus voluntatis, Logicæ actus intellectûs, qui magis necessarij, & majorem ad scientium proportionem habent, quàm illi. Ethica dirigit, nec minùs Logica. Ethica regulas bene operandi, Logica benè cognoscendi præscribit ; non ergo est ratio, cur Ethica magis quàm Logica pars Philosophiæ sit.

3. Sicut manus est instrumentum, & pars corporis : malleus instrumentum, & opus fabri, ita non repugnat Logicam esse partem, & instrumentum Philosophiæ : quamvis, ut suprà notatum, non tam sit instrumentum Philosophiæ, quàm intellectûs philosophantis ; sicut penicillus non picturæ instrumentum est, sed pingentis.



#### §. VI.

### An Logica sit Scientia Practica ?

#### Summaria.

1. *Rerum nomina non facile mutanda esse : & quid praxis secundum Scotum, & alios significet, & quæ conditiones ad praxin necessariae ?*
2. *Discrimen inter Practicum, & Speculativum.*
3. *Idem habitus potest esse speculativus, & practicus.*
4. *Solvuntur objectiones.*
5. *Logica licet quoad modum versandi circa objectum sit practica,*



*practica . stricte tamen loquendo est simpliciter speculativa.*

*6. Solvuntur objectiones.*

# I.

**R**atandum 1. Hanc quæstionem multis de nomine videri ; non ideo tamen parvi momenti esse ; error enim nominis est error rei , cum enim nomina sint notæ ac characteres rerum , nihil facilius est , quàm errorem nominis in rem transire . Si equo nomen bovis imponas , facilè alius inferet ; Ergo equus habet cornua . Si nuci nomen cedri , ergo , dicet aliquis , nux cariam & vermes non admittit , quod falsum est . Si vasorum & pyxidum inscriptiones in Apotheca varies , quanta confusio ? errores , pericula in medicinis . Prima hæreticorum tessera fuit ; voces mutare , sed non minùs constanter à Catholicis pro vocibus quàm rebus certatum est , & ideo Ecclesia adduci nunquam potuit , ut nomina *Homousij* , *Deipara* , *Hypostasis* , *Transubstantiationis* mutaret , hæreticis frustra clamantibus , Ecclesiam unius vocis gratiâ turbendam non esse , sed videbant Catholici , à vocibus rem ipsam pendere , & facilè corrupto cortice totam plantam periclitari . Eadem ergo vocum quæ nummorum conditio est ; tanti valent quanti taxantur , nec tam illis à metallo pretium est , quàm ab æstimatione usûque hominum .

*Prænotandum 2.* Praxin latè acceptam omne opus significare , tam videlicet actionem , quæ nihil post se relinquit , quàm factionem , cui opus externum respondet , tam actum immanentem , quàm transeuntem ; tam Intellectûs , quàm voluntatis , quo modo non est dubium , Logicam esse habitum practicum , cum aliquid operetur . Sed nos de praxi quærimus prout speculativo opponitur , & prout communiter habitus intellectu-

ales in speculativum & practicum dividuntur, tanquam in species oppositas, & quærimus, quid sit esse speculativum, & practicum, & quomodo unum ab alio distinguatur? Scotus definit praxim, quod sit *actus alterius potentia quam intellectus, posterior intellectu, & natus elici conformiter rectæ rationi.* Hæc Definitio non excludit omnes actus intellectus, sed tantum pure intellectivos; nam actus prudentiæ, quamvis ad intellectum pertineant, quia tamen supponunt liberam voluntatis electionem, & ab hac moralitatem induunt, non sunt pure intellectuales, & praxes dici debent. Vult Scotus, praxim esse conformem rectæ rationi, abstrahendo tamen à rectitudine morali, & artificiali, actus enim qui neutram rectitudinem habet, dici adhuc poterit praxis, sed non perfecta, quia sicut ratio aut Syllogismus non rectus, perfectus non est, ita nec praxis. Alij cognitionem practicam dicunt, *ex vi cujus potest voluntas imperare objecti productionem.* Alij, cognitionem practicam esse, *qua versatur circa objectum operabile modo operabili.* Alij, cognitionem practicam esse cognitionem judicantem, quod bonum est *facere aliquod opus positum in potestate cognoscentis, quod non supponit ut factum:* Alij: *Cognitio practica est, quæ proximè dirigit cognoscentem ad operandum.*

*Prænotandum 3.* Tria antiquis Græcis, qui accuratissimè soliti sunt rebus singulis singulas voces aptare, nomina fuisse, quibus solebant habitus intellectuales distinguere, videlicet *Θωεΐαν, πρᾶξιν, νόμον*, quæ Quintilianus l. 1. c. 18. Latine reddidit Contemplationem, actionem, factionem. Aristotelem quod attinet, negari haud potest, praxim propriè ab eo vocatam, quæ aut esset actus liber voluntatis, aut saltem liberè à voluntate imperaretur. *Activorum*, inquit, *in agente electio est* l. 6. *Metaph. c. 1.* & paulò post: *Idem agibile quod elizibile.* Et 6. *Eth. c. 2.* *Cogitationis practica veritas est, quæ appetitur recto consentanea est.* Et 3. *de Anima c. 10. text. 49. Intellectus extensione fit practicus:* non extenditur autem intellectus, nisi actus alterius potentie dirigendo. Illud ipsum axioma sæpe repetit S. Th. 1. 2. q. 59. a. 1. ad 1. & 2. 2. q. 47. & 51. a. 2. ad 3. & 1. p. q. 79. a. 11. & q. 14. de verit.

*Prænotandum 4.* Ex allatis suprà definitionibus multa infer-  
un-

tuntur, ex quibus natura cognitionis practicae & speculativae magis illustratur, quae hic in unum fascem colligam, & breviter examinabo.

1. Praxis debet aliquo modo libera esse, & ita à voluntatis electione pendere. Bruta multa operantur & cognitione ducuntur, quae tamen defectu libertatis practica dici non possunt. Cum cognosco actus, quibus vegetor, nutrior, augeor, &c. non potest ea cognitio practica vocari, quia est de actibus nullo modo à voluntate dependentibus. Ratio est, *tum* quia hoc nomen *praxis* solis actibus aliquo modo liberis Philosophi, eorumque Princeps Aristoteles tribuerunt, ut ex ipso Aristotele, Scotto & S. Thoma supra ostendi: nomina verò rebus imposita mutari non debent, nisi omnia confusa velis; nec ullus amplius muratis nominibus philosophandi locus erit; omnia de omnibus dici poterunt: nam si corvo nomen cygni imponas: facile probaveris corvum esse album, & optimi cantus. *Tum* quia cognitio intellectus, quae nullo modo est à voluntate, est pura speculatio, non ergo est praxis. *Antecedens probatur*; quia sicut intellectus, ita omnes actus intellectivi sunt circa verumtanquam proprium objectum & centrum cognoscibile; ergo in vero quiescunt, ergo sunt actus speculativi, quia speculatio, ut à praxi distinguitur, est cognitio in vero quiescens. *Si dicas*, speculationem, quae ab alia cognitione per regulas dirigitur & certum ordinem accipit, ut sic vocari posse praxin. *Contrà est*: quia illa ipsa dirigibilitas, & regulabilitas speculationis, cum est objectum cognitionis purae & à voluntate non imperatae, spectatur ut veritas, & centrum actus intellectivi regulantis; ergo ut in illa quiescat, ergo non est praxis sed speculatio, cujus essentia est, non egredi verum, sed in illo figi. Deinde si omnis cognitio, quae dirigitur est practica, quae dirigitur praxis, sequitur nullum esse actum, & habitum intellectivum, qui non sit practicus; omnis enim habitus operatur & effectivè suum actum dirigit, quod plus est, quam moraliter tantum operari, ergo habitus physicè in actum influens plus operatur, ergo magis est practicus: & actus qui physicè producitur, magis erit praxis: Si habitus practicus est, qui versatur circa actum ut operabilem, quis

quis magis ita versatur quàm qui operatur? Et si illa qualitas est practica, hoc est, activa, quæ opus ostendit, quantò magis, quæ facit? aut ergo actus intellectûs praxes non sunt, aut si sunt, omnis habitus, qui illos facit, practicus est. Sed de hoc infra.

2. Praxis debet rationi subesse ab eaque dirigi, & ideo cùm cognosco modum & rationem, quâ cœli, quâ cor movetur, non est ea cognitio practica, quia motus cœli & cordis rationi non subsunt, nec ab ea pendent.

3. Oporteret praxin defectibilem aliquo modo esse, hoc est fieri aut non fieri posse, hoc ipso quòd electionem supponat, & ideo processio Spiritûs S. non est praxis, quia necessaria.

4. Non est cognitio practica, cui non responderet incognoscens potentia exequendi: cognitio ergo quâ grandinum, fulminum, pluvie generationem cognosco, practica non est, quia deest mihi potentia illa producendi, esto Naturæ & Deo non desit; alioqui si omnis scientia est practica, quæ est de objecto absolute, & ab aliquo producibili, nulla jam scientia non erit practica, cùm nihil sit à Deo saltem non producibile. Defectus tamen per accidens non obstat cognitioni practicæ, habitus enim Musicæ etiam in muto practicus est, quia potentia loquendi est muto connaturalis, defectus verò per accidens; ergo habitus Musicæ connaturaliter cum potentia cantandi in muto jungitur, quod ad cognitionem practicam satis est.

5. Requiritur, ut vi illius cognitionis opus sequi possit: v.g. cognosco modum, quo sanguis in corpore humano circulatur, hæc cognitio est de re factibili, & ejus potentia in nobis est, & tamen non est practica, quia vi illius circulatio non sequitur; nam etiamsi nescias, sanguis adhuc circulabitur.

6. Non omnis cognitio est practica, ad quam aliud quocunque modo sequitur, aliàs omnes scientiæ, omnia principia erunt practica. Ex principiis speculativis deduci possunt conclusiones practicæ, v. g. *Omne totum est majus sua parte, ergo est majus bonum; ergo magis amandum: corpora quæ angulos habent, minus distant quàm circularia, ergo vulnera angularia faciliùs curantur: in corpore glabro facilius est motus descendenti quàm ascendenti, ergo naves tardius à*

*portu moventur; quam portui vicina.* Hæ conclusiones sunt practicae, pertinentque ad scientias practicas, & tamen ex principiis speculativis deducuntur; non ergo omnis notitia est practica, ex qua aliud sequitur.

*Quæres.* Quamtam ergo oporteat esse inter opus, & notitiam operis connexionem, ut notitia practica dici possit? si enim remota sufficiat, omnis notitia erit practica, quia nulla est tam sterilis, quæ opus parere non possit, ut supra notatum: Si proxima, multi habitus ab omnibus pro practiciis habitibus eliminandi erunt, quia non proxime ad opus concurrunt, v. g. habitus Syntheresis, ad quem prima operandi principia spectant, qualia sunt; *malum fugiendum, bonum faciendum, non peccandum, &c.* Sæpe enim hæc generalis notitia sine opere est, nec sufficit movendæ voluntati, non ergo est practica.

*æ.* Sicut potentia activa illa dicitur, cui ad agendum nihil deest, quamvis non agat, sic cognitio practica dicitur illa, cui ad movendam voluntatem & opus præstandum nihil deest, quamvis actu non moveat, nec opus præstetur. Omnis ergo cognitio repræsentans voluntati bonum amabile, practica dici potest, quia omne bonum natum est movere voluntatem, sicut omne pondus natum est movere gravia: Si motus ex pondere in gravibus, & ex bono in voluntate non sequatur, per accidens est, nec ideo pondus non est pondus, bonum non est bonum, practicum non est practicum. Sed sicut in potentijs activis datur latitudo, ita ut una causa sit magis activa quam alia, ita in cognitionibus practicijs una magis est practica quam altera, quia magis proxime ad opus concurrir; & ideo quod magis in particulari & cum pluribus circumstantijs, quæ opus circumstant, cognitio fertur, eo magis erit practica, quia vicinior operi; hoc enim non producit, nisi in particulari & individuo: hæc ergo cognitio: *Deus hic & nunc, cum occasio, cum voluptas, cum utilitas contrarium suadent, amari debet;* magis est practica quam illa: *Deus est summum hominis bonum;* quia universalia plures exceptiones patiuntur, & minus movent, quia minus repræsentant, nam & pulchra facies, sed distans, minus videtur & minus amatur. Cùm ergo veritas practica sit inclinativa ad operandum, omnes & solæ veritates,

quibus bonum proponitur, sunt practica; nec enim homo agit nisi velit, nec vult nisi bona.

*Dices: Hæc dictamina: Extremis remedijs extremi morbi curandi sunt, quia magna vis magnâ vi expugnatur. Æstate magis quàm hyeme à morbis cavendum est, poris videlicet apertis & nativo calore dissipato, sunt practica, & ad medicinam pertinent, & tamen nihil dicunt de bono; falsum ergo est, tantum illas esse veritates practicas, quæ voluntati bonum proponunt; licet enim nemo agat, nisi velit, nec velit nisi bono trahatur, voluntas tamen & bonum sunt causæ tantum universales, quæ supponunt totam artem, & scientiam practicam, & ideo etiam si voluntas v. g. curari non velit, medicina adhuc est practica, nec ullus dixerit, voluntatem curandi, aut cognitionem, quod curari expediat, ad artem medicinæ spectare, nam sine omni arte haberi possunt, & ad omnes omnino scientias, artisque similiter pertinent, ut artifex ad opus applicetur.*

*R. Cognitionem, & intentionem finis prima esse operandi initia; electionem verò mediorum, quæ proximè ad finem conducunt, etiam à voluntate esse: sed iudicium, quo voluntati media proponuntur, & meliora suadentur, esse ab intellectu, & habitu artis, vel scientiæ practica; intellectus enim habitu medicinæ instructus iudicat febribus hic & nunc laboranti optimum remedium esse potionem, quâ ad sudorem, aut vomitum æger provocetur: quod iudicium ideo practicum est in Medico, suppositâ curandi voluntate, quia versatur circa objectum operabile, videlicet sanitatem, & quantum est de se, sufficit, aut saltem conducit, movetque Medicum ad præbendam potionem: semper ergo verum est, cognitionem practicam curare opus suppositâ voluntate, & potestate operandi. Cognitionis verò speculativa est, in qua aut voluntas operandi, aut potestas deficit, qualis in Physico est ista: *Sanitas est semperies quatuor qualitatum: hæc enim cognitio, ut nota ex habitu Physicæ, non dicit ordinem ad potestatem, aut voluntatem curandi, quia Physicæ habitus considerat corpus naturale ut est, non ut factibile est, & ideo de multis agitur à Physico non,**

*facti-*

factibilibus; ex objecto ergo formali habet Physica, cuiusque cognitiones, ut non sint practicae.

7. Cognitio, & scientia practica intrinsecè specificatur à proportionè, quam habet cum suo fine; quod enim in speculariis est objectum, hoc in practicis est finis: sicut ergo proportio actûs ad objectum intrinsecè actum specificat, ita proportio actûs practici ad finem iudicium practicum specificat. Finis tamen extrinsecè specificat tanquam mensura operationis, & communicans sua prædicata cognitioni practicae; sanitas enim, quæ est finis curationis, est proportio uniformis, difformis quatuor qualitatibus: ergo iudicium practicum de sanitate reparanda debet ordinari ad hanc proportionem, & remedium proponere illi proportioni efficiendæ.

8. Ut cognitio sit practica, oportet eam esse de materia operabili & modo operabili. Speculatio verò aut non attingit objectum operabile, aut non modo operabili, hoc est, tantum ut scibile & verum, non ut factibile & bonum. Si ergo principia alicuius scientiæ sint solum manifestantia veritatem, & ignorantiam fugantia, speculative procedunt; si autem versentur circa veritatem ut ponendam in esse, practica sunt. Vide S. Thom. 2. Metaph. l. 2.

II. Præterea. Multis modis Speculativum à practico differt. *Primò* Speculativi finis est scire, Practici facere. *Secundò* aliter moventur: nam ad operandum movet bonum, ad contemplandum movet verum; Medicus enim febrienti propinat sudatorium, quia hoc sanitati est bonum seu conveniens. Physicus contemplatur motum cæli, quia veritas ipsa satis per se movet, oblectaturque. *Tertiò*. Practicus compositivè, Speculativus resolutivè procedit, hoc est, conclusionem resolvit in suas causas, v. g. *Ægri licet debiles minùs esuriunt, quia corpus humido abundat, & huic consumendo, dum calor laborat, minùs excitat appetitum.* Practicus verò componit, hoc est, principia universalialia particularibus, formam materiæ applicat, v. g. *Calor naturalis in ægris debilis est, & ideo tarda digestio, oportet ergo modicis cibis uti.* Ubi simul vides Practicum & Speculativum contrariâ ratione ferri: Speculativus particularia in universalialia resolvit, Practicus universalialia ex parti-



cularibus colligit, nec tam curat, quare aliquid sit, quàm ut sit. *Quartò.* Contemplatio est de opere, quod respectu contemplantis non potest se aliter habere, cum nihil circa illud faciat. Praxis est de opere, quod respectu operantis potest se aliter habere, facit enim quod prius non erat. *Quintò.* Practicus contemplatur quidem naturam operis, quod molitur, non tamen illic sistit; quia non habet contemplationem, & veritatem pro fine, sed opus in quod habitus, aut notitia practica inclinant. *Sextò.* Habitus practicus est de rebus quas constat, aut saltem suspicio est in nostra potestate esse, ut sint, secùs Contemplatio, quæ subiinde etiam ad impossibilia transit. *Septimò.* Alij sunt actus qui ad speculationem, alij qui ad praxin concurrunt. *Primus* enim actus ante ingressum speculationis præsuppositus est, quòd aliqua veritas sit à nostra electione independens. *Deinde* curiositas sciendi & applicatio intellectûs ad inquirendum; inquisitio per excitationem specierum & phantasmatum: inventio & iudicium de varijs principijs, quæ suspicamur ad solutionem propositæ quæstionis conducere: tandem inventio veritatis, eiusque scientia, v. g. Luna ideo alijs astris magis sensibilibiter influit in corpus, illudque alterat, quia terræ vicinior, & quia cum orbem breviorum decurrat, sæpius eundem influxum repetit, sæpius etiam variat ob frequentem cum varijs signis conjunctionem. Ad praxin hi actus deserviunt. *Inprimis*, Iudicium saltem suspicativum, quòd opus à nobis pendeat: deinde desiderium opus conficiendi, & applicatio intellectûs ad inquirendum ea, quæ faciendo operi conducunt: postea inventio & iudicium de multis quæ conducunt: denique collatio omnium inter se & ultima determinatio vel dilatio determinationis ad tempus. *Ottavò.* Processus practicus habet pro fine opus, & ideo omnes illius actus sunt practici: Speculatio habet pro fine scientiam, & ideo omnes illius actus sunt speculativi. *Nondum* Nobilior est cognitio speculativa, quàm practica, non quidem toto genere (cum detur aliqua cognitio practica, quæ speculationi de re vilissima præstet) sed quia cæteris paribus perfectior est modus rem aliquam speculative, quàm practice cognoscere.

gnoscendi, *tum* quia speculatio est gratiâ sui, ipsa enim veritas & scientia est per se valte appetibilis, & omni etiam utilitate, aut delectatione aliâ sublatâ omnium maximè afficit oblectatque, ut in Physicis, Mathematicis, alijsque patet. Practica cognitio est gratiâ operis, nec tam ipsa est quàm opus quod placet, & ideo magis est servilis, quia non sui, sed alterius gratiâ; *tum* quia speculatio est de veritatibus primarijs, & radicalibus, ex quibus practicæ interuntur; ex hac enim speculativa veritate; *Deus est perfectissimus*, sequitur illa practica: *Deus est amandus*. Tandem ergo speculativæ practicis præstant, quantum totum suis partibus, causa effectui, altius inferiori: *tum* quia scientia practica est de opere factibili, & consequenter bono, speculativa de objecto scibili, hoc est, vero: sed verum est causa boni (nec enim est bonum aurum nisi sit verum) multoque bono universalius; nam etiam quæ alicui aut omnibus mala sunt, sunt tamen vera: malum venenum, sed tamen verum, & tantò verius, quantò peius. Sicut ergo verum est causa boni, ita veritas speculativa est causa practicæ, sicut visio causa amoris, lux causa caloris; & ideo contemplatio non est inutilis, quia causa operis; *tum* quia objectum speculationis est longè universalius, præteritum videlicet, præsens, futurum, possibile & impossibile practicæ solum futurum. Speculativa de toto suo objecto est, omnibusque objecti causis. Practica de minima objecti parte, nec causas curat, aut saltem non resolvit in ultimas. Novit Medicus præsagium mortis esse pulices agrum deferere, aut vermes adhuc viventes per secessum labi, sed causam ignorat, aut si novit, non illam à medicina, sed à Physica habet; nec multum interest sanando corpori, eam causam cognosci.

III. *Queritur* 1. Utrum idem habitus possit esse speculativus, & practicus.

*Resp.* Non repugnat eundem habitum practicum simul & speculativum esse.

*Ratio est* 1. Quia idem objectum vario respectu simul est speculabile & operabile, ergo idem habitus poterit esse simul speculativus & practicus. *Antecedens probatur*: nam Deus est

prima veritas & ultimus finis. Sanitas ut est harmonia primarum qualitarum, ut necessarîo corruptibilis, ut effectus alimentî, &c. est objectum merè speculabile & Physicæ, quia ut sic non est in nostro arbitrio, nec à nobis pender, ut sit, vel non sit harmonia primarum qualitarum, &c. Ut verò conservabilis est & reparabilis, est objectum practicabile, & pertinet ad medicinam. *Consequentia probatur*, quia non magis repugnant operabile & speculabile quàm operativum & speculativum; Si illud uni objecto non repugnat, quare hoc uni habitui repugnet? Intellectus est una potentia, & tamen partim est speculativus, partim practicus, cur non idem habitus? Idem actus visionis beatificæ est speculativus, quia circa primum verum, & practicus, quia consecutio ultimi finis, & excitans ad summum amorem; cum enim cognoscere, & agere sint perfectiones subordinatæ, non repugnant eidem actui, maxime cum esse practicum non dicat actu operari, sed posse operari; sicut ergo, quod quiescit potest moveri, ita actus speculativus veritati inquiescens potest alio respectu principium motûs in voluntate, atque ad extra esse.

*Denique* habitus fidei est respectu diversorum objectorum practicus & speculativus, non ergo hæ differentiæ se mutuo excludunt. *Si dicas* id ideo esse, quia habitus fidei est supernaturalis. *Contra est*; quia quando duæ differentiæ sibi essentialiter opponuntur, ne quidem supernaturaliter conjungi possunt, ut pater in rationali, & irrationali, auditivo, & visivo. Si verò differentiæ practici & speculativi accidentaliter sibi opponuntur, potest hæc repugnantia & oppositio abesse. *Nec est* novum, aliquam perfectionem habitûs supernaturalis etiam naturali communicari, ut pater in habitibus virtutum; *nec valet* consequentia; Habitus fidei supernaturalis est practicus, & speculativus, ergo nullus habitus naturalis est practicus & speculativus; alioquin & ista valeret: Habitus fidei supernaturalis est ad Deum certò cognoscendum, ergo nullus habitus naturalis est talis.

2. Magis inter se differunt, & opponuntur consensus, & dissensus (involvunt enim contradictionem, ne divinitus, quidem

quidem superabilem) quàm practicum & speculativum, sed eadem potentia, idèmq; habitus respectu diversorum inclinatur ad dissensum & assensum, ergo.

3. Quia *denique* nulla potest afferri ratio & causa repugnantiæ, ut ex solutionibus apparebit.

IV. *Obijciunt* 1. Auctoritas S. Thomæ [i. p. q. 1. a. 4. & 6. Eth. 1. 2. & 3. & 1. 2. q. 57. quibus locis dicit, scientias per speculativum, & practicum distingui.

2. Etiam animam & dividi & distingui per vegetativum, sensitivum, & rationale, & tamen tres istæ differentię in eandem animam concurrunt. Sicut ergo vegetativum formaliter & præcisivè sumptum constituit plantam, excluditq; sensitivum, sic practicum & speculativum.

*Obijciunt* 2. Habitus speculativus est, cujus finis principalis est scire, ut hîc quiescat: practicus, cujus finis principalis non est scire, nec in hoc quiescere, sed in opus extendi: atqui hæc involvunt contradictionem, ergo non possunt eidem habitui, multoque minùs uni actui convenire.

3. Si quid hoc Argumento probaretur, ne quidem Theologia, Fides, & Visio beatifica utramque differentiam reciperent. Idem ergo habitus diversas habet perfectiones, diversos respectus: respectu autem diversorum non est contradictio. Eadem anima rationalis est perfectior & imperfectior bruto: perfectior cognoscendo, imperfectior vegetando, movendo, &c. *Deinde* actus & potentia non inducunt contradictionem; quod enim actu non movetur, sed quiescit, habet potentiam se movendi. Sic speculatio, quæ actu non movet ad opus, sed in vero quiescit, movere ad opus potest, imò naturaliter est apta ut moveatur, & hoc sufficit ut sit practica, quia hoc potentiam non actum dicit, aliàs pictor non esset, qui actu non pingit: nec nauta qui non navigat.

*Obijciunt* 3. Habitus ex actu generatur; sed non potest idem esse actus practicus & speculativus, ergo nec habitus; sicut enim ex actu temperantiæ non producit habitus fortitudinis, ita ex actu merè speculativo non potest habitus practico-speculativus produci. *Minor videtur certa*, cum praxis fiat compositionivè,

sitivè, speculatio resolutivè : speculatio causam, cur aliquid sit, quærat, operatio non causas, sed opus quærat : illa veritatî acquiescat, praxis foras exeat, non videndi, sed faciendi cupida.

Æ. 1. Jam suprà monui, non repugnare, eundem actum, sed diverso respectu, practicum esse & speculativum ; sunt enim perfectiones subordinatæ se mutuo compariantes, sicut lux & calor ; & sicut lux est virtualiter calida hoc est, causa caloris (ideo enim radius reflexus, quia plus lucis habet, magis calefacit, unde major intimæ aëris regioni, quàm mediæ calor, major æstati quàm hyemi æstus, sole verticaliter posito, & radio perpendiculariter fuso reflexoque ; ideo plenilunio noctes tepidiores, & ut notat Aristoteles 4. de gener. animal. c. 2. & eleganter S. Th. Opusc. 82. a. 4. Sicut Sol toto anno æstatem, hyememque facit, sic luna quot mensibus incremento, & decremento lucis. Proclus insignis Mathematicus imperante Anastasio Imperatore æneis speculis è muro Constantinopolitano suspensæ ignem collectis radijs accendit, quibus hostium classis & classiarîj ardere) ita speculatio est causa praxis & operationis : aut enim proponit bonum, ex quo amor in voluntate, & ex amore opus : aut rem tam clarè distinctèque cognoscit, ut ex illa nasci sine difficultate opus possit, & voluntas ad agendum dirigi, ut patet in visione beatifica, & in his cognitionibus : *Linea recta à quolibet puncto peripheria ad centrum adhibita regulâ duci potest, Linea curva est, quæ non rectâ de puncto ad punctum ducitur.* Quælibet istarum cognitionum & est speculativa, cùm rei naturam ac definitionem explicet ; & practica, quia sola operationem dirigere potest ; & hæc aptitudo ad practicam sufficit : nec enim practicum & operativum esse actum dicit, sed potentiam ; nihil ergo obstat, eundem actum formaliter speculativum, virtualiter practicum esse.

2. Denique, actus speculativum & practicum semper distinctos esse, potest tamen ex utroque habitus, qui utrumque complectatur, gigni, utriusque actûs & causæ perfectione in unum effectum unitâ. Sic species & potentia visiva cùm dux sint, nec unum sit aliud, ad eandem visionem concurrunt, quæ

ab uno habet , quodd sit vitalis , ab alio , quodd sit objecti imago ; & tantò magis , quia , ut dixi , illar perfectiones practici , & speculativi sunt subordinatæ.

*Obijciunt* 4. Ergo & eadem potentia poterit intellectus & voluntas esse , cum & istæ sint subordinatæ , una magis practica , altera magis speculativa.

1. Consequentiam à quamplurimis concedi , illis videlicet , qui potentias cum anima indentificant.

2. Suppositâ potentiarum distinctione , meritò negari consequentiam ; esse enim practicum est circa objectum operabile versari , *dirigendo , ostendendo , docendo , &c.* quæ omnia speculationi nec ex parte objecti , nec ex parte modirepugnant ; tota enim operatio , cum sit aliquod verum , cadere potest in speculationem , & sciri ; *dirigere verò ostendere , docere* , sunt omnes proprietates speculationis , vix enim erit aliqua contemplatio tam sterilis , quæ non , aptitudinaliter saltem , doceat dirigatque ; imò , ut ostendi , aliquæ sunt speculationes tam claræ , distinctæque , ut sequi opus possit , & quæ magis remotæ ad opus concurrunt , non ideo desinunt practicæ esse ; nam proximum & remotum , nisi aliud accedat , non variant speciem : & cognitio , quæ respectu unius est remota , respectu alterius est proxima , quod sufficit , ut sit practica. v.g. Ex hac cognitione : *Summum bonum est summè , & super omnia amandum* , sequitur hæc : *Ergo Deus est summè , & super omnia amandus*. Et in voluntate sequitur amor simplicis complacentiæ saltem , & ut Deus est ; respectu ergo istorum effectuum speculatio illa est practica : & ita semper verum est , quodd *dirigere , docere , motivum & impulsivum ad opus esse* , non sint perfectiones speculationi adversæ , sed maxime connaturales. Aliud est de voluntate , & intellectu : intellectus enim imperat , voluntas autem paret , aut imperium fugit , ut placuerit : Intellectus necessariò , voluntas liberè agit : intellectus plura proponit , voluntas unum eligit : intellectus impeccabilis est , voluntas peccabilis : intellectus objecta ad se trahit , sibi que assimilat , voluntas trahitur amando , exit , & se objecto unit.

distinctione necessario dicendum est, intellectum, & voluntatem distingui, quæ enim distinguuntur, si istæ non?

*Obijtur* §. Ex hoc sequitur, omnes scientias, etiam Metaphysicam, Physicam, Mathematicam, quæ omnium contentu speculativæ sunt, practicas dici posse, quia nulla est quæ remotè non ad opus, & amorem operis moveat.

*Re. 1.* Physicam & Mathematicam quod attinet, ab omnibus distingui in practicas & speculativas, quia aliquæ in illis sunt cognitiones merè speculativæ, quæ non sunt de re operabili, v. g. *Cælum est incorruptibile*: & ne quidem hæc cognitio ad amorem Creatoris conducit; quis enim ex hoc capite, nisi forsitan merè occasionaliter, Deum amavit? nec enim quoddam creaverit cælum incorruptibile, ideo Deus est bonum aut honestum, aut utile vel delectabile amanti: imò ne Dei quidem incorruptibilitas ex eadem ratione reddit illum homini amabilem, quantum minùs incorruptibilitas cæli? Plurimæ huiusmodi cognitiones merè speculativæ in Physica sunt; plurimæ in Mathematica; omnes ferè in Metaphysica.

*Re. 2.* Ad dignoscendum an habitus aliquis speculativus denominari, aut practicus debeat, ad has regulas attende.

1. Denominatio practici à prædicato dominante accipitur: Si majori parte in praxin feratur, rarò in speculationem, absolute practicus vocabitur; quæ enim rarò sunt, & modica, non denominant: arbor, quæ rarò, & ferè nunquam fructum profert, absolute sterilis vocatur: Æthiops non à dentibus modica parte, albus est, sed absolute niger: ignis absolute siccatur, quamvis aliquando humectet. *Et ratio est*, quia sicut regulariter unus altervè actus non producit, ita non denominat habitum.

2. Ut habitus dicatur practicus, oportet huius objectum operabile esse, hoc est, aliquo modo consequibile: nec sufficit amorem ab objecto excitari, nisi vi illius amoris objectum aliquo modo fieri, & possideri possit, & amans, quantum est ex se, aptus & dispositus ad operandum fiat; tunc enim talis amor praxis, & practicus erit, & cognitio ad illum movens practica. Sic visio beatifica practica est, quatenus ad summum amorem excitat: amor autem, si verus est, ex sua natura est  
opera-



operativus, & beatificus disponit ad operandum, quidquid Deo placet, ad tolerandam mortem, supplicia, &c. si beatis inferri possint.

3. Oportet præcipuum objectum, à quo habitus specificatur, operabile esse. Cum ergo Physica, Metaphysica, Mathematica, minima ex parte ad operandum moveant, & siquando operantur, ipsum opus contemplationi aptent (Mathematicus enim tubum fabricat, ut stellas cognoscat) & cum illarum præcipuum objectum non sit operabile, nec ejus cognitio ad illud amandum, & aliquo opere possidendum moveat, patet, cur practica dici non debeant. Quis enim cum ens, ut ens, corpus mobile ut mobile, quantitatem à materia sensibili separatum cognovit, vi hujus cognitionis in amorem raptus est, & conatum hæc objecta faciendi?

V. His præsuppositis. *Quæritur secundò.* An Logica sit practica, vel speculativa?

R. Licet hæcenus cum communi sententia supposuerimus, Logicam esse practicam, hoc tamen solum intelligi volumus, quoad modum versandi circa suum objectum; unde & Joannes à S. Thoma in *Logica* p. 2. q. 1. a. 4. eam modum Scientiæ practicæ induere docet ex S. Thoma. 1. 2. q. 57. a. 3. ad 3. Nihilominus strictè loquendo, consideratâ naturâ praxeos hæcenus declaratâ, & spectatis principiis, ac objecto Logices proprio.

*Dicendum est*, Logica simpliciter est speculativa. Ita passim Thomistæ & Scotistæ contra R.R.

*Ratio est* 1. Actus intellectus non sunt praxes, ergo Logica quæ illos dirigit non est practica. *Consequentiâ* est clara, *Antecedens* probatur ex supradictis, ubi ostendimus nomen praxis à Philosopho actibus potentia, quæ intellectus non est, impositos fuisse, nomina verò, nisi cum confusione, mutari non possunt, tum quia vel omnes actus intellectus sunt praxes, vel non sunt? Si omnes sunt praxes, ergo omnis habitus intellectivus est practicus. Si non omnes sunt praxes, cur soli Syllogistici, definitivi, aliique, quos Logica pro objecto habet? *Dicitur*, quia isti sunt dirigibiles, ergo habitus eos dirigens est practicus. *Contra*, Si habitus est practicus qui concurrat ad produ-

ducend

ducendum actum intellectus, omnes habitus intellectus practici erunt, omnes enim effectivè concurrunt: quod autem efficit, multò magis est operativum, & practicum, quàm quod tantùm dirigit; quis enim dicat: eum non magis pingere, qui penicillum ducit, qui telam coloribus distinguit, qui inumbrat, qui tingit, &c. quàm, qui docet pingere? aut eum non magis navigare, qui clavum flectit, dirigitque, quàm qui viam & portum præmonstrat?

2. Et materia, & directio, & principia Logica ad speculationem pertinent, ergo tota Logica speculativa est. Materia enim Logica v. g. Syllogismus, Definitio, Propositio sunt meræ cognitiones & speculationes veritatis, quibus si aliud non addas, nunquam practica fiunt. Directio Logica non per se intenditur, sed certius cognoscendæ veritati: si enim forma v. g. Syllogistica per se intenderetur, non præscriberet Logica, Demonstrationem *ex veris, immediatis, &c.* constare debere, æquè enim forma in falso salvatur. Sicut ars statuaria æquè in falso ac vero auro laborat. Sicut ergo Mathematica quamvis dirigat confectionem astrolabij, quia tamen hocipsa gratiâ contemplationis facit, simpliciter speculativa est, ita & multò magis Logica, cujus directio & opus non tantùm est ad cognoscendum, sed ipsum cognoscere.

3. Tota ratio, ob quam Logica habitibus practicis ascribitur, est, quòd actus intellectus dirigat, sed hoc non sufficit, *tum* quia dirigere est relativum; directio enim est ad aliquid directio: ad quid dirigit Logica? ad sciendum, ad verum (non enim ad ignorare, & ad falsum scientia datur) ergo finis intrinsecus Logicæ est scire & verum, ergo hîc quiescit, ergo est speculativa: *tum* quia, ut suprà dixi, si dirigere est operativum & practicum esse, multò magis efficere (quia hoc magis est operari) ergo omnis habitus intellectualis est practicus, quia suum actum effectivè producit.

*Dices:* Alij habitus non præscribunt modos & regulas aliquid faciendi ut Logica, & ideo non sunt practici. *Contra,* quia non sufficit modum aliquid faciendi præscribere, ut scientia sit practica, nisi ipsum objectum sit praxis, & habeat condiciones ob-

jecti

jecti practicabilis suprà recensitas, quales non habent actus intellectivi, nisi ut imperantur à voluntate cùm ergo supponis, directionem Logicam de objecto practicabili esse, supponis, quod probandum erat. Deinde non requiritur ad cognitionem practicam, ut regulas & præcepta operandi præscribat, modò sit talis, ut vi cognitionis opus sequatur: Sic visio beatifica est practica, non quòd aliquas amandi regulas præscribat, sed quia talis est, ut ex illa amor, & summus quidem sequatur. Actus Synterefis v. g. *malum non est faciendum, bonum est amandum* &c. sunt practici, & tamen nullas regulas amori, odiòque ponunt. Quodsi velis hos ipsos actus esse regulas generales bene vivendi, & ideo esse practicos, dicam & ego actus Metaphysicos v. g. *non potest idem simul esse, & non esse*, regulas generales aliquid sciendi, & inferendi esse, ergo Metaphysicam esse habitum practicum, & à quo omnes scientiæ diriguntur. Cùm ergo ex una parte non sit necessarium ad scientiam practicam, ut expresse, & in actu signato regulas operandi tradat, ex alia omnis habitus intellectivus ex sua natura effectivè & directivè intellectum ducat; aut omnis habitus & Scientia est practica, aut Logica non est practica.

VI. *Obijciunt* 1. Scientia, quæ voluntati regulas & præcepta honestè vivendi tradit, est practica, cur non illa, quæ intellectui regulas bene cognoscendi? utraque enim dirigit.

2. Negando paritatem: actus intellectus, quos Logica dirigit, non sunt praxes, bene autem actus voluntatis: cur isti præ illis? quia ex sua natura sunt operativi; bonum enim, quod est objectum voluntatis, ad agendum trahit, & ideo agere est volentis non scientis: cognitio ergo, quæ dirigit voluntatem, practica est, quia primam radicem, clavemque operandi movet. Alias, si directio cujuscumque actus etiam merè intellectivi ad scientiam practicam pertinet, omnis habitus, omnis scientia, quæ actum suum facit, & intellectum in veri cognitione dirigit practica erit, & omnium maxime Metaphysica, quæ regulas, & principia universalia omnibus scientiis suppeditat.

*Obijciunt* 2. Actus intellectus ut regulabiles, v. g. in Syllogismum reducibiles sub sunt liberæ electioni, & imperio voluntatis.

rito Præludia. §. VI. An Logica sit Scientia practica ?

ratis, nemo enim nisi volens argumentatur ; ergo ut sic sunt praxes eorúmque habitus est practicus.

Re. Hoc Argumento probari omnes scientias esse practicas, nemo enim nisi volens est physicus, Methaphysicus, Mathematicus, &c. Voluntas ergo argumentandi, ut honestè fiat, hoc est, debito modo, loco, fine, tempore, ad Ethicam & Prudentiam pertinet, Actualis Argumentatio ut artificiosè fiat, ad Logicam : illa verò Argumentatio cùm sit actus intellectûs nec dirigat voluntatem, non est praxis, nec ejus habitus est practicus.

Obijciunt 3. Logicæ objectum non est verum cognoscere (hoc enim ad alias & particulares scientias pertinet) sed parare instrumenta sciendi, & intellectum, ne à vero exeret dirigere ; ergo finis Logicæ non est scire, sed aliquid facere, ergo non est speculativa.

Re. Ad Scientiam practicam non sufficere, ut quocunque modo dirigat, sed insuper, ut habeat praxin pro objecto, Logica verò praxin pro objecto non habet, sed actus intellectûs, v. g. Syllogismus, & Syllogismus Conclusionem, quæ & ipsa cognitio scientifica est ; tota ergo directio Logica tandem resolvitur in scire. Nam si sola directio practicum facit, nulla est ratio cur directio effectiva, quæ magis in opus influit, non magis practicum faciat, quàm doctrinalis : & si illa sufficit, cur non omnis scientia sit practica, cùm omnis actum efficiat, omnis intellectum dirigat, ne unum pro alio intelligat ? imò directio doctrinalis in actu exercito, quâ intellectus principia & regulas accipit unam cognitionem ex alia deducendi, ne quidem Metaphysicæ deest, quæ omnium minimè practica est : tam enim hoc principium : *repugnat idem esse & non esse intellectum* dirigit ut concludat : *Petrus vivit, ergo non est mortuus* : quam illud Logicum : *dictum de omni dicitur de particularibus ; ergo si omnis homo est animal, etiam Petrus est animal* : cùm ergo utrûmque principium æquè intellectum aliasque scientias dirigat, cur aut non utrumque, aut neutrum est practicum ? & tamen illud est Metaphysicæ, istud Logicæ.



§. VII.

De Arte, & an Logica sit ars ?

Summaria.

1. *Quid sit ars ?*
2. *Qua artis divisionis ?*
3. *Quis ordo inter artes ?*
4. *Conditiones, & proprietates artis exponuntur.*
5. *Qua sit artium origo ?*
6. *Experientia usus, & utilitas.*
7. *Logica est ars liberalis.*
8. *Logica artificium in quo eluceat ?*



Risariani usurpatur nomen Artis ; tum pro omni habitu Intellectus verum attingente etiam speculativo, quâ ratione Mathematica ars dici potest : tum pro solis habitibus practicis etiam scientificis : tum denique & strictissime pro sola arte effectiva, quæ operando transit in externam materiam.

I. *Quæritur 1. Quid sit ars ? Resp. Ars ab Aristotele l. 6. Eth. c. 4. bene definitur : Habitus recta cum ratione factivus. Si per habitum*

habitu factivum intelligas, qui ad extra operatur, certum est, ad scientias non extendi: sed *factivum* laxius intelligere possumus pro *activo*; nam etiam cognoscere est agere, & ita, ut videbimus, non repugnat eundem habitum & artem & scientiam esse. Quomodo Definitio hæc sit intelligenda, ex dictendis patebit. Aliam & magis receptam Artis definitionem tradit Galen, c. 5. *intraduct.* *Arts est collectio multarum de una re comprehensionum ad finem aliquem utilem vite.* Hæc definitio non excludit scientias practicas, nam & istæ utiles sunt vitæ intellectuali, quam perficiunt, & errore eximunt.

Dicitur 1. *Collectio multarum comprehensionum*, quia habitus nec uno actu generatur, nec ad unum actum, sed multis præceptis, regulis ac actibus continetur. *Comprehensiones* pertinent ad intellectum, & ita excludunt omnes habitus extra Intellectum, v. g. voluntatis, &c. Excluduntur etiam habitus intellectus defectivi, qui errare possunt, v. g. errores, falsaque opinionones: quamvis enim sint cognitiones, non tamen veræ: nomen autem absolute positum pro vero supponit, sicut aurum pro vero auro, imago pro vera imagine, &c. quia hæc nomina sunt rebus veris non falsis imposita.

Dicitur 2. *De re una*: unius enim habitus unum objectum formale est, ut supra dictum, & præsertim quia artis est ordinare; unde in objecto & artefacto unitas ordinis, proportionis & symmetriæ. Hæc verò unitas objecti non est singularis, sed communis; regulæ enim artis v. g. pictoriæ non pro una tantum, sed pro omnibus imaginibus faciunt, secus ac prudentia, & experientia, quæ de singularibus sunt, feruntur enim in hunc numero actum: at pictoria & architectonica non in hanc numero imaginem, aut in hanc numero domum.

Dicitur 3. *Ad finem aliquem utilem vite.* Hic artes à theoria & scientijs contemplativis distinguuntur: hæc sui gratiâ, illæ utilitatis causâ & inventæ & exercitæ. Artes maleficæ aut ideo artes non sunt, quia non certis regulis, sed fallacibus & merè contingentibus utuntur (ut magicæ & Astrologiæ judicariæ) aut ideo, quod non tam intellectui perhciendo, ac veritati, quam passionibus, malèque affecto animo serviant, & ideo nec sint homi-

homine dignæ, ne discendæ. *Ceterum* si per regulas naturaliter certas procedant, v. g. certis modis venena temperare, artes omnino sunt, *tum* quia intellectum perficiunt cognoscendo, *tum* quia officium artis non est operantem bonum facere, sed opus regulis conforme; inò per hoc artes à prudentia differunt, quòd hæc requirat appetitum bene affectum & dirigat in ultimum finem; artes bonum tantùm artificij & naturalem operis perfectionem, abstrahendo an beatæ vitæ conducat. Vide S. Thom. 1. 2. q. 52. a. 3. & 4. Patet jam ex dictis, quomodo ars ab alijs quinque virtutibus intellectualibus differat: Ab Intellectu, quia non est de per se notis, primisque principijs. A Scientia, quia ars ut sic procedit quidem per regulas certas, sed non laborat de istarum causis. Novit Agricola aptissimum tempus cædendis arboribus Autumnum esse, & lunâ decrescen- te; causam non curat, hujus enim cognitio parum lignationi conducit. A Sapientia, quia hæc est de veritatibus per se notis & per se non notis. A Prudentia, quia hæc considerat veritates practicas ad ultimum finem conducentes.

II. *Quæritur* 2. Quotuplex sit ars ? *æ.* Variæ sunt artium divisiones; cum enim ars sit regula defectibilium, quales sunt actiones humanæ, sicut istæ sunt variæ, ita etiam artes oportuit varias esse. Operationes ergo humanæ aut sunt immanentes aut transeuntes. Immanentibus artes activæ, transeuntibus factivæ deserviunt. Inter operationes immanentes præcipuæ sunt actus rationis eorūque signa, hoc est, voces externæ. Hinc artes rationales & sermocinales, Logica, Grammatica, Rhetorica. Historia ad Rhetoricam, Poëtica item ad Rhetoricam revocantur. Ars Saltatoria ad activas & immanentes pertinet. Artes factivæ aut opus post se relinquunt ut Pictoria, Statuaria, aut non relinquunt: ut Musica, Nautica, &c. Inter factivas aliæ sunt imitativæ, aliæ non. Imitativæ omnes, quæ constituunt imagines rerum, & ideo plus delectationi, quàm utilitati serviunt, v. g. pictoria, statuaria, &c. Non imitativæ varia opificia ad utilitates humanas, vel etiam delectationem pro fine habent, quæ cum ordinariè per-



machinas, aut instrumenta quædam corporea exerceantur, mechanica appellantur, & sunt septem.

*Secunda* artium divisio est à fine : alias esse practicas, alias theoricæ : hæc pro fine habent contemplationem & veritatem, illæ operationem ; & subdividuntur in activas & factivas : activæ in intellectivas & appetitivas : istæ voluntatem, ut scientia moralis, illæ intellectum ut Logica dirigunt. Moralis in Ethicam, quæ homini, Oeconomicam quæ familiæ, Politicam, quæ Reipub. præest : ad hanc ultimam spectant Jurisprudentia tum canonica tum civilis. Effectivæ aut dirigunt sermonem externum ( Grammatica & Rhetorica ) aut res alias extra nos, ut Pictura : & hæc vel opus post se reliquunt, vel non relinquunt. Ars Contemplativa in Physicam, Mathematicam, & Metaphysicam, sive Theologiam dividitur. Physica una est, ad quam Medica reduci potest. Mathematica subdividitur in purè Mathematicam & mixtam, hoc est Physico-mathematicam : hæc cujus objectum partim naturale, partim mathematicum, hoc est, quantitas aliquo modo materiæ sensibili & mutabili affixa, & sunt Perspectiva, Musica, Cosmographia, quæ Astronomiam & Geographiam continet : Perspectiva enim seu Optica est de lineis visualibus, quæ procedit per principia & Geometrica & Naturalia, ex angulis & oculo petita. Musica est de numeris & proportionibus, ut in voce & sono repertis. Cosmographia agit de magnitudine mundi eiusque partibus ac motibus : præcipuas demonstrationes capit ex sensibilibus observationibus. Purè Mathematicæ sunt, quæ agunt de quantitate seu ente extenso ejusque affectionibus, abstrahendo ab omni materia sensibili, tales sunt Arithmetica, & Geometria, quæ numerum, & magnitudines ut sic, non ut in numeris, aut corporibus inveniuntur, considerant.

*Tertio*. Dividuntur artes in superiores & inferiores. Superiores sunt Physiologia, Ethica, Theologia. Inferiores sunt quatuordecim, quarum septem Liberales ( quod animum excolant, partem hominis liberam ) septem verò serviles, quod versentur in opere mercenario, & corpore exerceantur, parte hominis subdita. Inter has ipsas serviles sunt aliquæ præstantiore

tiores & Liberis proximæ , quòd plus ingenio quàm viribus valeant. Liberales & serviles artes duobus his versibus continentur.

*Lingua, tropus, ratio, numerus, tonus, angulus, astra,  
Rus, nemus, arma, rates, vulnere, lana, faber.*

III. *Queritur* 3. Quis sit ordo inter artes ? *Resp.* Ordinem artium quod attinet, is vario respectu varius est. *Certitudine prima est* Mathematica, tum Philosophia, tandem Metaphysica. Demonstrationes enim Mathematicæ duplicem habent evidentiam, sensibilem & intelligibilem, v. g. globum terræ respectu firmamonti punctum esse probat Mathematica, quia ubique terrarum nobis apparet media pars cœli, perinde ac in centro media pars circuli à centro ad peripheriam æquales lineas duci, quia centrum ab omnibus peripheriæ partibus æqualiter distat, quæ omnia & oculo, & rationi manifesta sunt. Physiologia secundum certitudinis locum tenet, est enim de materia sensibili, v. g. matutino tempore, quamvis sol vicinior, majus est frigus quàm nocte, quia longior solis absentia, quia matutino tempore ros, & pruina cadunt, quia concocto jam cibo, & stomacho inani frigus magis sentitur: ubi vides, principia hujus physicæ demonstrationis sub sensum cadere, qui objecto ritè applicato, rarò fallitur. Metaphysica cùm sit de rerum essentijs, formisque separatis, quæ in sensum non cadunt, parum certa est; sicut enim oculus ita & intellectus à remotis decipitur.

*Ordine disciplina* primæ sunt Mathematicæ. 2. Physicæ. 3. Metaphysicæ. Sicut facilius videntur quæ clariora & vicina, ita facilius intelliguntur, quæ certiora; à facilitioribus autem initium discendi. Plato Academiæ portis inscripserat: *Qui Geometriam nescit, huc non intret.*

*Ordine dignitatis* prima Metaphysica. 2. Physica, 3. Mathematica. Dignitas enim essentialis ab objecto tanquam à specieativo sumitur, non à certitudine, evidentia, aut facilitate secundum nos. Quòd enim objectum est altius & perfectius, eò etiam secundum se est clarius, certius & evidentiùs, ut patet in Deo; & stellæ, quòd altius posita, plus habent

lucis, magisque spectabiles sunt, quamvis quæ vicinæ sunt, magis nobis luceant, & grandescant. Obscuritas ergo & inevidentia objecti Metaphysici non est ipsius objecti, aut scientiæ secundum se, sed nostri intellectûs: quoddam ergo Metaphysica, secundum se clara & certa, nobis sit obscura & dubia, nihil ejus dignitati derogat, sicut nec stellæ ideo minus claræ, quia nobis minus vicinæ, minusque apparent.

*Dicitur:* Nobilitas & perfectio imaginis aut picturæ non ex eo est, quoddam rem pulchriorem aut nobiliorem repræsentet, sed ex modo & arte: sanus ægro præstat, & tamen tabula ægrotantis ab Apelle picta, & teste Plinio laudata, ac ab Attalo Rege 100. talentis empta (talentum Atticum 600. nostratibus aureis valet) prælata est multis valentium imaginibus. Sic ergo nobilitas scientiæ, quæ ipse ipsa imaginum est, non erit ex objecto, sed ex modo tendendi magis minûsve perfectio desumenda.

*Æ.* 1. Metaphysicam secundum se perfectissimo, & certissimo modo in objectum suum ferri, inevidentiam verò & incertitudinem non esse ex natura ipsius scientiæ, sed intellectûs, in quo recipitur, semper enim verum est, elemento aquæ perfectissimam figuram, hoc est, rotundam deberi, quamvis figuræ vasis aptetur.

2. Scientia & cognitio sunt imagines veri, sed naturales & perfectivæ; anima enim cum naturaliter sit veri appetitiva, eoque delectetur, quod pulchrius est verum, eò magis sariat delectatque, amorem aliòsque motus in anima ciet, nec impedit, illud verum non ita clarè certoque cognosci; nam facies pulchra, & velata plùs amatur, placetque, quàm turpis & detecta; & in speculo tantò pulchrior imago, quanto pulchrius objectum, licet fugacius, & speculo imperfecte, hoc est, mutabiliter unitum: & forma plantæ multò magis perficit ornâque materiâ, quàm forma lapidis, quamvis ista stabiliùs materiæ uniatur, illa fluxius & in brevius tempus. Sicut ergo nobilitas absoluta compositi ex forma non ex modo, quo unitur subjecto, desumenda est, ita nobilitas cognitionis & scientiæ ex objecto, quod est forma intelligibilis & idealis, non ex modo, quo intellectui objectum unitur magis minûsque claro, evidenti  
certum

ceteroque, alioqui nobilior esset muscæ prætervolantis contemplatio, quæ certa est evidensque, quàm stellæ polaris, quæ obscura, difficilis, nec intuitiva.

*Inter alias artes quæ præster, ex sequentibus regulis collige.*

1. Artes, quæ facultatibus animæ potiùs, quàm viribus corporis exercentur, præstantiores sunt: pictoria enim, sculptoria, architectonica, in quibus plus ingenij, quàm roboris est, nobiliores sunt agriculturâ, pistoriâ, lignaria, &c.

2. Quæ imperant, perfectiores, quàm quæ exequentur, v. g. architectonica nobilior mechanicis, nautica remigatorijs, imperatoria militari, medica chirurgicis aut pharmaceuticis, &c.

3. Artes quæ corpus fœdant, ignobiliores sunt illis, quæ non fœdant, v. g. pistoria, agricultoria, coquinaria, &c.

IV. *Quæritur* 4. Quæ sint conditiones, & proprietates artis ?

1. Ex dictis colligi, multa esse, quæ partim ad essentialiam, partim ad proprietates artium spectant: nam *Primò* Ars est virtus intellectualis, hoc est, habitus, qui facit bonum habentem, & actum ejus bonum reddit; bonum dicitur quod fini accommodatum est, actus bonus qui cum fine, aut his quæ sunt ad finem conjungitur; finis intellectus est cognitio & possessio veri, ad hanc ars immobiliter & indefectibiliter disponit, ergo est virtus.

Eodem modo intelligi debet & applicari definitio, quod *Ars sit dispositio perfecti ad optimum. Secundò*. Artis regulæ sunt certæ & infallibiles, quibus si opus respondeat, semper rectum est, & ex voto Artificis; imago enim ex præscripto pictoriæ semper erit pulchra; domus ex præscripto architectonicæ semper bona: quodsi opus aliquando deficiat, id erit aut ex ignorantia Artificis non omnes regulas bene applicantis, aut quia opus non est totum in potestate Artificis, nec ex ejus sola peritia, sed alijs causis dependet, & ita finis artis non tam opus ipsum est, quàm operatio recta: ita non omnis qui optimè nectetur, semper curat: nec omnis qui optimè navigat, semper applicat, quia

curare, & portum subire non sunt effectus solius artis, sed etiam caloris nativi & ventorum, quæ artem & solertiam fugiunt, & ideo Medici finis non est sanare, sed rectè mederi: nec finis nauticæ est portum subire, sed rectè navigare. Est tamen aliquod discrimen inter artem & prudentiam: utrique non semper opus responder, sed tamen regulæ artis semper sunt infallibiles & certæ, quia necessariæ; ventis enim contrarijs cedendum esse præceptum nauticæ necessarium est. Regulæ prudentiæ sunt contingentes, nec infallibiles, quia ex libera hominum voluntate, quæ mutari potest: v. g. regulæ prudentiæ est: *Veterem qui fert contumeliam, invitat novam*: Hæc non est certa vindictæ regula, quia sæpe indulgentia amorem in offendente & pœnitudinem genuit.

3. Quod rectè fit, sed absque arte, casus est. Protopogenes cum spumam currentis canis non satis ad naturam exprimeret, penicillum varijs coloribus imbutum iratus tabulæ impingit, & ecce spumam ex ore anhelantis pendentem, qualem natura fecisset. *Canem*, inquit Plinius, *ita Protopogenes monstravit & casus*. Idem de Nealce pictore in spuma equi legitur.

4. Ars mater est ordinis. Vix enim aliud ars facit, quàm ut quæ natura dedit, in ordinem colloket. Disputabit aliquis, perorabit sine arte, sed vix ordinatè. Ordo claritati & facilitati servit, ac præsertim memoriæ. Hæc veritati certò, clarè, distinctè, brevèque intelligendæ cum faciant, ad artem pertinent.

5. Ars nunquam in falsum, sed semper in verum fertur: aut enim opus regulæ responder, & est rectum verumque; aut non responder, & ut sic non pertinet ad objectum artis: Si ergo error contingat, non ille est artis, sed Artificis, & ignorantix. Vide S. Thom. 1. 2. q. 57. a. 3. & 4.

6. Ars naturam imitatur & perficit. 7. Non consultat ars, utrum istis an illis medijs ad obtinendum finem uti velit, sunt enim jam certa & determinata, & extra consilium. Quod si aliquando consultet, id per accidens est, & quia aliquid artifex ignorat. Sicut Medicus consultat de medicinis, quando dubitat de morbo, & Nauclerus deliberat de modo navigationis, v. g. mediõne pelago feratur, an oram legat, quando dubitat

bitat de ventis : & per hoc ars à prudentia differt , cujus media ad finem non sunt determinata , sed arbitraria.

8. Ars sine ulla pugna affectuum & appetitûs operatur.

9. Artifex non ab intentione , sed ipso opere laudatur ; nec vituperatur ; si deditâ operâ aberreret , cùm possit aliter operari ; sed tantùm si ex ignorantia & invitus. Contrarium in habitu prudentiæ contingit , ubi peior est , qui volens peccat , quàm qui ignorans.

V. *Quartur* 4. Unde artes natæ sint ? *Resp.* Variæ sunt cause , quæ initium artibus dedere. *Prima est* admiratio ; cùm enim viderent homines aliquos à natura effectus , eosque vitæ humanæ , aut utiles , aut saltem delectabiles , eos primùm admirati sunt , deinde causas indagârunt , & inventas imitati sunt , & ideo ars finia naturæ dicitur. *Secunda* Necessitas , naufragijs natæ , frigore & æstu vestiri , fame coquere , injurijs bellare didicimus. *Tertia* & præcipua experientia. De hac Aristoteles 1. *Metaph. c. 1. Experientia artem genuit , in experientia fortunam.* Experimento v. g. compertum est , rhebarbarum radicem purgasse choleram Socrati , Platoni , Alcibiadi , &c. Ex hac observatione experimentali notitia universalis nata est , rhebarbarum choleram purgare , & sic de alijs ; cùm enim intellectus sit tabula rasa , nec cognoscat , nisi sensu movente ; sensus verò sit singulare , oportet experientiam , quæ est singulare , priorem esse arte & scientiâ , quæ sunt universalium ; nec potest intellectus judicare , omnibus hominibus aliquid convenire , quod non prius huic & illi convenire judicaverit.

VI. Circa experientiam *Notandum* 1. Experientiam latè sumptam dici posse perceptionem cujuscunque rei singularis , etiam semel tantùm acceptam ; potest enim dici aliquis expertus esse , quod vinum inebriet , etiamsi id semel tantùm passus , aut in alio viderit. Oportet ergo ad veram & propriam experientiam non semel tantùm , sed sæpius eundem effectum experiri ; imò neque hoc sufficit , sed oportet intellectum unum effectum cum alio conferre , & observare , an omnimoda similitudo & confluxus circumstantiarum interveniat , & tunc judicium formare universale : experientia ergo à sensu incipit , sed per-

perficitur in Intellectu, idem de omnibus & in similibus circumstantijs judicante: defectu hujus collationis & judicij experimentum ab Hippocrate fallax dicitur, nec brutis propriè convenit.

*Notandum 1.* Prima & universalissima principia cognosci etiam ab inexpertis posse: oportebit tamen experientiam aliquam accedere, ex qua intellectus terminos apprehendat, eorúmque significationem intelligat, & ideo cæcus huic principio assensum dabit: *Impossibile est aliquid esse & non esse*: sed non huic: *Impossibile est solem lucere, & non lucere*, quia nunquam expertus est solem & lucem, & ideo terminorum significationem non apprehendit, cujus defectu nec assensum principijs præstat. Etrusco aut pueris prima principia exemplis non tam probamus quàm explicamus; nescit enim quid sit totum, quid pars, nisi exemplo ostendas civitatis v. g. magnâ turri, aut hominis magno capite instructi; & ideo experientia etiam primis principijs valde utilis est, quæ tamen non tam est ratio assentiendî quàm applicatio objecti: sicut præsentia & debita situatio coloris illuminati non est ratio videndi, sed tantum conditio sine qua non, & applicatio objecti. Principia verò particularium scientiarum, v. g. materiam esse incorruptibilem, quæ non tantum cum inventione, sed etiam cum disciplina acquiruntur, experientiâ indigent; nemo enim certum & indubitatum assensum illi principio dabit, nisi qui expertus fuerit omni corrupto corrupto aliquid remanere; & ex nihilo nihil generari; & his experientijs ductus rationem à priori indagare conabitur, hanc videlicet: *Nihil corrumpitur nisi à contrarijs: materia non habet contraria* (cùm omnes formas appetat, omnes recipiat) quæ tamen præmissæ partim experientiâ, partim naturali lumine notæ sunt. Semper ergo est verum, ex experientia omnibus artibus, etiam primis principijs aut necessariam aut valde utilem esse.

*Sed dices*: quî fieri potest, experientiam, quæ non est omnium singularium, causam esse judicij & notitiæ universalis! qui enim dicit: Omnis ignis naturaliter calidus est, non omnes est expertus: quis novit in Æthiopia, ubi corui sunt albi, non esse ignes frigidos?

¶. Si-



*¶* Sicut ex ungue leonem, ex vestigio corpus, & avem ex cantu, ita ex aliquot singularibus universalia colligi: quæ naturæ talia non sunt, videmus, saltem mutatis circumstantijs, mutari: ignis nunquam calorem, nec hyeme nec æstate mutatur; est ergo naturaliter calidus. Si frigidus in Æthiopia sit, alius speciei à nostro erit: Sicut si sol ibi esset lucis & caloris expertus, nolo prius credere ignes frigidos dari, quàm tangas, tanges fortè difficilius quàm dicas.

VII. *Quæritur* §. An Logica sit ars liberalis? *Resp. affirm. Ratio.* Quia est habitus recta cum ratione factivus; procedit enim per regulas certas & indefectibiles: dirigit operationes intellectûs, quæ ex sua natura rectæ aut obliquæ esse possunt: & denique habet quidquid artis est: & quamvis sit de particularibus & contingentibus, quantum ad opus (nec enim fit syllogismus nisi in particulari, eumque fieri contingens est, cum possit non fieri) regulæ tamen & præcepta sunt universalia, omnibus applicabilia & necessaria. Nec repugnat eundem habitum scientiam & artem esse; Scientia enim est quatenus regulas suas earumque causas & principia necessaria examinat; ars, quando regulas non examinat, sed operi applicat, sic enim facit, quod proprium artis est.

VIII. Consistit verò Logicum artificium in multis. I. Quod Logica non navim ut Nautica, non lineas visuales ut Optica, non penicillum ut Pictoria, sed intellectum dirigat, potentiam nobilissimam quidem, sed juxta erroribus obnoxiam, nam post lapsum primorum Parentum sapissimè fallitur, nisi regulis intelligendi juvetur, ad quas continuò respiciat: Sicut gubernator ad pyxidem nauticam, cum in alto vela facit: & quoad hoc melior est sensuum conditio, quorum in cognoscendis objectis major est certitudo, minorque hallucinatio. Deinde intellectus facilius universalia intelligit, quæ nullis temporum, locorum, personarum circumstantijs determinata sunt, & ideo circa particularia tum sensuum testimonio, tum regulis Logicæ opus habet, ut rectè singularia ex universalibus colligat. Non intelligit momento, sed certo ordine & intervallis: Ló-

gica ordinem & gradus præferibit, per quos feratur ; hinc prædicamenta , definitiones , argumentationes.

2. Apparet artificium Logicum in secundis notionibus ; Conceptus rem ipsam & objectum exhibens v. g. hominem, est prima notio. Conceptus verò quo intelligo ipsum modum concipiendi ( concepi enim hominem ut naturam quandam Petri, Paulo, &c. communem ) vocatur notio secunda , quæ, ut dixi, non supra objectum ipsum , sed supra modum concipiendi appellat, & his notionibus secundis Logica nomen generis, speciei, &c. imposuit; unde patet, secundas notiones tam non esse entia rationis, quam non est ipse conceptus & cognitio hominis. Quod ergo in Nautica est acus magnetica , ventorum plagis & ortus designans : in Astrologia circuli sphaeræque, in Gnomonica umbræ horarum indices ; hoc sunt in Logica secundæ notiones : Sicut enim v. g. pyxis nautica , quam compassum vocant, non continet ipsos ventos reales, nec eorum regiones, sed imaginem tantum ventorum regionumque, & tamen navigationem dirigit ; ita genus, differentia, aliaque notiones Logicæ regulas quasdam & vim directricem habent, quâ in tanta rerum confusione & difficultate verum cognoscendi intellectus ne aberraret, continetur, & à falso abducitur.

3. Tribus præsertim defectibus mens in cognoscendo laborat, quod à vero aberraret, aut si verum tangit, quod obscure ac velut per nebulam & intra corticem, quod confusè & absque ordine ; ineditur omnibus Logica.

4. Per Logicam scimus nos scire, unde maxima animi voluptas & lætitia ; potest enim aliquis scire, & tamen hoc ipsum nescire, quemadmodum rectum cursum navigando tenere, nec tamen hoc scire, nisi pyxide inspectâ.

5. Ab alijs tractata in suas partes & membra aptè resolvit, unde claritas & facilitas intelligendi ; nec corporis humani fabrica meliùs quàm anatomia spectatur.

6. Insidias & fallacias impugnantium veritatem reteggit & palam exponit ; quod fit ut faciliùs vitentur, & agnita contemptui habeantur.

7. Denique, ut alia multa omittam, aliz Scientiæ sine Logica imperfectæ sunt; nam teste Alberto M. 1. 1. sup. c. 9. similes sunt igni, urenti quidem, sed qui nescit se urere; aut cæco rectè ambulanti, sed hoc ipsum ignorant, quia ambulandi normam, hoc est, lucem, non videt.




## §. VIII.

De Platone, Aristotele, & Philosophia  
Aristotelica.

## Summaria.


1. Platonis ortus & educatio.
2. Philosophia Platonica à SS. PP. commendata.
3. Errores Platonici.
4. Plato excusatus.
5. Aristotelis ortus, adolescentia, studia, nuptiæ.
6. Alexander M. sub Aristotelis disciplina regis virtutibus imbutus.
7. Aristoteles occisus Alexandri M. à Plinio accusatus, sed immerito.
8. Extincto Alexandro M. Athenas Aristoteles secedit, moritur. Lis de causa mortis, virtutes & vitia.
9. Progressus doctrina Aristotelica usque in nostra tempora.



**M**agna pars in Deo providentiæ fuit, multis exemplis, quantum in omne virtutum, ac scientiarum genus naturæ liceret, quantumque deficeret, ostendere, ut Naturæ, etiam cum summa est, defectus gratiam commendarent, quæ una abjectissimis quoque unôque momento plus sapientiæ ac virtutum contulit, quàm Natura multo studio multoque labore, etiam maximis. In Seneca quantum virtutis potuit exeruit, in Alexandro quantum fortitudinis, in Lycurgo quantum justitiæ, in Scipione quantum pudicitæ, sed in Platone & Aristotele quantum ingenij habuit, quantum sapientiæ. Utriusque vitam & Philosophiam breviter dabimus, turpe enim est, auctorem nescire, cujus opus celebramus.

I. Natus est Plato Athenis Olympiade 87. hoc est Anno Mundi 3625. ante Christum 428. quamvis enim ludi Olympici ab Hercule Idæo instituti fuerint Anno Mundi 2849. varijs tamen de causis per annos ferè 430. intermissi sunt, & ab Iphiro Elæorum Rege restituti anno 3278. ante Christum 775. ante conditam Urbem annis ferè 24. à quo tempore Olympiades sæculò numerari cœptæ.

Ferunt Platoni nato è cœlo imbrem aureum venisse, è terrâ apes advolâsse, quæ melle in pueri labrum depositum futuræ eloquentiæ præluderent : & verò tanta hæc fuit, & tam dulcis, ut vulgò jactaretur, Jovem si loqui Atticè vellet, non alio quàm Platonis ore locuturum. Primam ætatem inter Pictores & Poëtas duxit ; postea immenso philosophandi amore captus Socrati, Cratilo, Hermogeni Philosophis, Euclidi, Theodoro Mathematicis, Philolao & Theodoro Pythagoræis adhæsit : in Indias iturus ad Gymnosophistas, nisi bello prohiberetur ; flexit ergo in Ægyptum : hinc Sacras Scripturas didicisse testis est Clemens Alexand.



Alexand. 1. *Stromat.* à quibus tantum luminis & sapientiæ hau-  
sit, ut vulgò *Moyſes Aihenienſium* audiret.

II. S. Augustinus lectione Platonis vehementer se ad  
virtutem inflammatum esse in libris confessionum testatur: Cato  
de immortalitate animæ Platonem legens tadio præsentium &  
amore futurorum pugionem in pectus metſit, tanta illi vis &  
facundia ſcribendi, dicendique fuit. Creditur in Myſterium.  
SS. Trinitatis penetrâſſe, ſive hunc ab ingenio, ſive à Sacris Lit-  
teris radium acceperit, de quo vide S. Th. 1. p. q. 32. a. 1. ad 1.  
& ad Annibald. in 1. d. 3. q. 2. a. 2. Planè de divinis adeò ſub-  
limiter ſenſit, ſcripſitque, ut Divinus Plato diceretur. Vide S.  
Aug. l. 2. *Confess.* Quæ cauſa fuit, ut plerique Patrum Plato-  
nicam Philoſophiam complecterentur, & ab illa ad Catholicam  
fidem facile & quamplurimi tranſirent. Aug. de vera Relig. c. 4.  
Imò tanta Platoniciæ cum Chriſti doctrina cognatio fuit, ut paſ-  
ſim jactarent Academicæ, Chriſtianos, ipſumque Joannem Evan-  
gelistam ſuas opiniones à Platone conduxiſſe, cui abſurdo errori  
S. Amb. librum de Philoſophia oppoſuit. Plato peregrè rever-  
ſus Scholas in Academia aperuit, locus is erat mille paſſus pro-  
cul Athenis, arboribus, umbrisque lætus, & ſtudijs amicus, ſol-  
itudine animum à curis avocante; hinc Secta Academica. Quid-  
quid pulchri & eximij in alijs Philoſophis Plato obſervaverat,  
in ſuam Philoſophiam contulit, in Moralibus Socratem, in Lo-  
gicis Pythagoram, in Phyſicis Heraclitum ſecutus, ex omni-  
bus flore delibato. Sic docet, miſcètque ſententias, ut in quam  
ipſe ſelectat neſcias; hinc natum Academicorum dogma, de om-  
nibus dubitantium, nullâ veri certitudine aut ſcientiâ. Vitam  
ſiniſt nuptijs accumbens annos unum & octoginta natus.

III. Varij magnique hujus Philoſophi errores ſunt, adeò  
remotâ fide etiam ſummis ingenijs omnia in lubrico & obſcuro  
jacent. Voluit rerum omnium ideas univerſales & ſeparatas da-  
ri, quibus in cornibus lunæ domicilium fixit, v. g. roſam ali-  
quam univerſalem, cui ſpinæ quoque, odor colôrque univer-  
ſalis eſſet, hyeme, æſtate, autumno florentem, occaſus, ortus-  
que expectem. Venire animas in mundum reſertas rerum om-  
nium ſpeciebus, nec eas aliter corpori, quàm aurigam curru;

Navarchum clavo adesse, substantias videlicet morrices tantùm; non formas corporum. Dari palingenetiam, idemque corpus sæpius phœnicem esse, nasci videlicet renascique, mori, resurgere. Animarum in corpora descensum per orbés mundanos gradatim fieri; aliquando vitam ætheream animæ apud eam stellam esse, cui maximè naturâ vel affectu vicina; aliquando dæmoniacam in igne, heroicam in aëre, humanam in terris; imò in bestias transire, sed illas, quas moribus referrent, Cantorum in lusciniâs, audacium in leones, simulantium in vulpes, Homeri in pavonem, Orphei in cygnum, Thamyra in philomelam, Agamemnonis in aquilam, Therfitis in simiam. Vide S. Aug. in *Gen. ad Litter. c. 10.* Nihil novi animam discere, sed reminisci tantùm. Magno anno revertente, quem propterea Platonicum dixere, estque annorum 49000. (quo videlicet spatio nona sphaera gyatur) omnia eo statu reditura, quo aliquando fuerant; Academiam videlicet cum iisdem frondibus, umbris, subfellijs, Platonem cum iisdem discipulis, eodem gestu, eadem voce disputantem; me quoque qui hæc scribo, vosque qui legitis, eadem facie in orbem prodituros, eo fermè modo, quo sol circumacto anno in eadem signa recurrit: hinc malorum supplicia æterna non fore, qui etiam Origenis error fuit. Dæmonibus corpora esse, & ideo in amores ac venerem rapi, quæ sententia multis Sanctorum Patrum placuit, Basilio videlicet, Irenæo, Hilario, Ambrosio, Gregorio, Bernardo, Augustino, Tertulliano, Origeni, Cajetano in *c. 2. ad Ephes.* Cœlis animam dedit & musicam, singulisque orbibus suam Syrenem velut cantûs moderatricem.

IV. Irascitur more suo Platoni eiusque Philosophiæ Terullianus, quod ex illo Hæretici in Ecclesiam armarentur. Sed quid ab Hæreticis tutum? nam multò magis Sacris Litteris quàm Platone abutuntur, num ergo florem porius quàm araneam damnabis, quæ venenum ab innoxio fugit? Negari non potest, in veritatem sæpe multùmque Platonem offendisse, imò & in præcepta morum, sed quid aliter potuit fidei Catholicæ expers? quid ille non fecisset, non scripisset, si hunc Solem vidisset? nunc verò tam densâ nocte, & in tam lubrico ad tenuem facem, quam

Natura accenderat, ambulantiem, quid mirum eum impegiſſe aliquando, & lapſum eſſe? non Platonis hic caſus ſed noctis fuit. Inò & hos errores modetiâ Plato correxit; ſolebat enim diſcipulis dicere, ſuam de virtutibus doctrinam tenerent, donec ſanctiorem alium reperirent, qui meliora eos doceret, tunc enim Platoni veritatem praeferrent. Et verò virtutes adeò coluit, easque non ſibi tantum, ſed & alijs adamavit, ut cum parum Athenis proficeret, in Siciliam, in Italiam, in Aegyptum iret imbuendis hominum moribus operam locaturus. Cum ad Dionyſium Tyrannum navigaret, rogatus quò curſum? Ad Siciliam, *inquit*, curandam, malè ex capite laborantiem. De hoc itinere ſic Plinius: *Platoni Sapientia Antuſtitu Dionyſius Tyrannus, aliàs ſavitia ſuperbiaque natus, vitatam navim miſi obviam, ipſe quadrigis albis egredientem in litore exepit.* Felicem Platonem, ſi tantum fidei, quantum ſcientiæ habuiſſet, nunc verò nemo in Catholica religione tam indoctus rudique eſt, qui non multò plura quàm Plato de Deo diviniſque cognoſcat, & quæ in illo pro maxime habentur, noſtrorum elementa ſunt, ludique pueriles. Nunc de Ariſtotele dicamus.

V. Ariſtoteles genere Macedo, patriâ Stagyrites, Olympiadis 99. anno 1. ante Chriſtum 383. ab Orbe condito 3670. natus eſt. Parentes habuit copioſos, & arte medicâ florentes, à quibus & ipſe illius artis elementa accepit, ſolitus dicere: *Medicus ſum, ut & meis amicis prodeſſe poſſim.* Variè cum Ariſtotele Fortuna luſit. Primam adoleſcentiam & patrimonium inter epulas & voluptates conſumpſit; hinc rerum omnium inopia, cui ſarciende, militiæ adſcribitur. Bellum infeliciter dum caderet, Delphos tranſit, & Oraculum conſulit. Reſponſum, caſtra ſcholis, ferrum calamo mutaret, Marte delicatum militem avertante. Ergo Athenas migrat, totuſque in Philoſophiam intentus duodeviginti annos natus Platoni inſtituendum ſe tradit. Sunt qui Socratis diſcipulum faciant, ſed malè, Socrate Olympiade 95. hoc eſt, multò priùs extincto, quàm Ariſtoteles naſceretur. Platonem ergo 20. annos audivit. Tantam continuò indolem, ſubrilitatem, induſtriam prodidit, ut illum Plato Magiſter jam *Menſem Academia*, jam *Philoſophum veritatis* appellaret. Plato-



Platonici etiam *Damonium*, ob ingenij præstantiam, Plinius *Virum immensa subtilitatis*, Averroës *Terminum humana intelligentia*. Cibi parcissimus fuit, inopiâ etiam parsimoniam augente; ferunt enim odorati pulveris mercaturâ, parvôque quæstu vitam sustentâsse, dum Athenis discipulum ageret. Clemens Alex. & Eusebius testantur Athenis cum Judæo sermonem contulisse, à quo dum veram de Deo sententiam audiret, librôsq; Mosis legendos susceperet, dixisse ferunt: *Pulchra profectò his Barbarus scribu, si ea probaret*. Perpetuus hic Aristoteli labor, & æstus fuit, rerum causas appetere, nec aliter acquiescere, adeò ut cum morbo laboranti Medicus poculum daret, nollet priùs accipere quàm causam medicinæ aperiret, *Philosophum*, inquit, *non brutum curas, causam expone*. Quæ nimia causas omnes persciendi cupido mortem illi attulit, si vera sunt, quæ de Eurippo dicuntur. Somnum libabat potiùs quàm caperet, manu æneam pilam gestante, cujus in subjectam pelvim casu sonôque vigilias repeteret. Studium & lectio tam pertinax, ut illum Plato Anagnosten, hoc est, Lectorem appellaret. Libros scripsit 400. quorum pauci ad nos pervenerunt: versus (nam & Poëticen coluit) 45 300. hoc est, quadragies quinquies mille trecentos, teste Laërtio. Jam quintum decimum annum sub Platonis disciplina egerat, cum alia sentire à Magistro cœpit; hinc Platonis querelæ, ingratum discipulum, pullumque calcitrantem appellantis. Sed veritas Aristotelem, non æmulatio agebat, integra semper Magistro reverentia, quam erecta dedicatâque Platoni ara ostendit, adiecitque scripturam obsequii & venerationis plenam: *Hic est cui reverentiam & amorem omnes debent*. Platone è vivis sublato Athenas deseruit, & in Mysiam ad Hellepontum, ubi Hermiam regnare acceperat jam olim amicum, secessit. Ibi non hospitium modò, sed & thalamum invenit, Pithiâ Regis sorore in uxorem ductâ, tantumque adamatâ, ut velut numini thus adoleret, indignum Philosopho facinus, cui lectus pro ara, voluptas pro numine fuit. Adeò ne Aristoteli quidem amare & sapere concessum est; sed nec longa felicitas fuit, Hermia à Persis victo, captoque. Ergo Aristoteles iterum exul in Lesbion insulam, & Mytilenen transit, illic aliquan-

quamdiu moratus tantum ubique docendo, scribendoque commendationis, & famæ collegit, ut exilium in aulam mutaret: Litteris à Philippo Macedonum rege invitatus Alexandro instituendo Magister datur. Epistola Philippi hæc fuit. *Natus mihi filius, Philosophæ Aristoteles; quo quidem vehementer laetor, sed non tam quod natus, quam quod eo potissimum tempore natus, quo tu tantus talisque Philosophus ei praeire potes ad sapientiam & virtutem, ac dignum efficere dignitatis potentia, mea successione.*

VI. Agebat tunc Alexander quartum decimum ætatis annum. Octo annos regius adolescens sub Aristotele meruit, ab eoque Eloquentiâ, Physicis, Moralibus, Politicis, arcanisque artibus (quas huic uni commississe Plutarchus tradit) imbutus est, tanto profectu, ut Aristoteli Philippus, & Olympias Reges statuas, & publica monumenta sponerent: ipse verò Alexander omni moralium virtutum genere, quæ illud fastigium decebant, adeò præcelleret, ut parem inter reges non haberet. Summa in Parentes Deosque pietas, liberalitas tanta, ut etiam regna donaret: perpetuus periculorum, mortisque contemptus: summa animi magnitudo, adeò ut etiam in hoste virtutem laudaret, & præmio afficeret. Democrito plures mundos asserente lachrymas fudit, quod in uno adhuc bellaret, nec planè subegisset. Supra ætatem, supra fidem pudicus, pulcherrimas Persarum, quas in potestate & captivas habebat, ne aspexit quidem, sed maritis reddidit intactâ formâ, quod in Juvene, in Milite, in Rege, in Victore miraculum fuit, & facinus dignum Orbis terrarum imperio, quod à Deo in præmium accepit tantarum virtutum. Testis Darius Persarum Rex, qui sæpe ab Alexandro acie victus, regnòque exutus, cum inter vulnera, quæ à Bello acceperat, ultimum spiritum duceret, hæc locutus fertur: *Alexandro, inquit, Dñ pro summa in meos clementia ac humanitate gratias referant, cui hoc fidei regia uniuersum dextra pignus pro me dabis; hæc dicentem vita destituit.* Darij morte Alexandro nuntiata, ad corpus demortui perveniens, tam indignam illo fastigio mortem lachrymis prosecutus est, demptaque sibi chlamyde corpus illius contexit, atque regio ornatum cultu ad Matrem Sisygambin patrio regioque more sepeliendum misit, Dubium non est, ab

Aristotele tam præclaras virtutes Alexandrum accepisse, quas ille in suis Ethicorum libris etiam posteris reliquit. Sed nimia felicitas tot bona in Alexandro corrumpit, & ducta à Philosopho lineamenta deterfit, quem devicto jam Orbe terrarum Babylone omnium gentium legatos audientem mors absolvit. Vide de illius virtutibus Salianum ad annum M. 3730. n. 25. & Cornel. in *Daniel*.

VII. Curtius veneno extinctum scribit, quod illi Antipater propinaverat, præfecturâ Macedoniæ ob querelas Olympiadis Matris exutus. Sunt qui referant, conscium mortis Aristotelem fuisse; hunc enim, cum inter primos Callisthenis Philosophi amicos esset, Callisthene ab Alexandro, cui divinos honores abnuerat, interfecto, Aristotelem vehementer indignatum esse, præsertim cum se quoque Regi suspectum videret: partim ergo ob amici necem irâ incensum, partim metu, ne eodem fato caderet, Rege in suspiciones & iras præcipiti, cum Antipatro conjurasse. Plinius lib. 30. *histor. natur. c. 16.* hæc habet: *Ungula tantum mularum reperta, neque alia ulla materia, qua non perrodatur à veneno Sygis aqua: cum id dandum Alexandro M. Antipater mitteret, nemoria dignum magnâ Aristotelis infamiâ excogitatum.* Verum excepto Curtio, omnium ferè Historicorum sententia est, Alexandrû non veneno, sed vini intemperantiâ, febrique ac delirio ex potu orto sublatum esse; maximè cum epulas epulis adderet, & nativum temperamenti calorem, quod ardentissimum erat, in immensum ætas & vinum auferent. Audi Plutarchum: *Alexander cum regio convivio Nearchum excepisset, atque inde more suo locus subitum iret, ad Medicum obnixè rogantem commessatum ivit; cumque in sequentem diem perpotasset, febris tentatus fuit, ex qua cum vehementi sui cruciaretur, vinum potavit, itaque in phrenesin incidit; ac trigesimo mensis Dasij (qui Junio respondet) vitâ excessit.* Addit, etiam in defuncto magnam totius corporis fragrantiam ex nativo calore durasse, illudque sine ullo aromatum præsidio in septimum usque diem incorruptum ac sine tæbe conservatum esse, quæ omnia argumento sunt, mortem non ex veneno, sed morbo fuisse, eaque præter Curtium omnium ferè sententia fuit, Arriani videlicet, Plutarchi, Justinî, Athenæi, Livij, Diodori, Orosij, Sui-

Suidæ, Valerij Max. Solini, &c. vide Salianum l. c. & præsertim Diarium morbi Alexandri apud Plutarchum in Alexandro. Deinde si Aristoteles Antipatro complex & socius fuit, cur, rogo, defuncto Alexandro, & Antipatro rerum ac Græciæ, & præsertim Athenarum potito Aristoteles Athenis fugit, metûque mortis sponte in exilium ivit? quid à socio & amico metuebat? & cur non potiùs obviàm processit, præmiùmque ab eo expectavit, cui regnum consilio paraverat? *Ceterum Alexander Præceptorem suum adeò dilexit, coluitque, ut illius memoriæ statuas poneret, collapsam Stagyram civitatem restitueret, aliquot millia hominum in totius Græciæ, Asiæque tractu parere illi juberet, omnium videlicet, quos, inquit Plinius lib. 8. c. 16. venatus, aucupia, piscatûque alebant; quibûsque vivaria, armenta, alvearia, piscina, aviaria in cura erant, quos percunctando quinquaginta ferme volumina illa præclara de animalibus condidit.* Cui labori 800. talenta liberalissimus Alexander in sumptus adscripsit, qui teste Budæo summam nostratis monetæ reddunt quater centies & octuagies mille aureorum (480000.) talentum enim Atticum valet 600. aureos.

VIII. Alexandro in Persas profecto, Athenas Aristoteles secessit, ubi Lycæum à Magistratu accepit: illic apertæ scholæ, & secta Peripateticorum instituta, sic dicta, quod toleret Aristoteles globo discipulorum cinctus disputare inambulando. Post Alexandri mortem æmulorum invidiâ apud Hierophontem Sacerdotem accusatus, quod Deorum multitudine damnatâ unum assèreret, causam dixit, & mox Chalcidem profugit; metuebat enim, ne Socratis exemplo ob eandem causam damnari mori cogeretur. Chalcide secundo ab Alexandri obitu anno mortem oppetiit. Cùm morientem circumstantes discipuli rogarent, cui Lycæum relinqueret; Theophrasto Lesbio an Menedemo Rhodio Philosophis? vino labrum admovit, libatòque Lesbio Rhodiòque; *Firmum & jucundum, inquit, est Rhodium, sed Lesbium jucundius:* quo dicto Theophrastum prætulit. Tandem in lachrymas & suspiria doloris plena solutus fertur primi Entis clementiam, cujus causâ exulabat, his verbis implorâsse: *Ents entium miserere mei.* Vide Cælium l. 16. c. 34. Explevit annum

63. De causa mortis variant Historici ; alij dolore confectum scribunt, quòd causam Eurippi novies quotidie reciprocantis assequi non posset : alij veneno , alij viscerum doloribus consumptum. Fabula est, mari haustum esse , quòd Eurippi motus non caperet ; id enim à nullo historicorum traditur. *Primus omnium*, inquit Strabo l. 3. *congestus libris bibliothecam composuit, idque Aegypti Reges facere docuit.* Docuit Mundum fuisse æternum: non posse Deum, nisi mutetur, alios mundos creare, & quem creavit, necessitate, non sponte creâsse. Fuit Aristoteles staturâ corporis parvâ, nec conspicuâ, quam tamen ut arte juvaret, odoramentis, balneis, annulis, culrûque supra Philosophum insigni emendabat, aded ut Platoni à luxu displiceret. Valetudine tam firmâ ac immensi laboris patiente, ut semel tantum morbo tentaretur. Mores tanto Philosopho pares, qui amorem non tam provocarent, quàm extorquerent. Summa in illo humanitas ac benignitas. Injurijs à quodam & contumelijs appetitus, *Non*, inquit, *adverteram.* Iudoles gravis, & abomni obsceno ac ridiculo aliena. Gratitude maxima. Platoni Magistro, quavis a mulo, statuas posuit. Protogehem laudatissimum pictorem hortatus est, ut alijs onissis, Alexandri victorias pingeret, *propter immortalitatem operum*, inquit Plinius. Proxenis Curatoris sui prolem & bonis artibus instruxit, & testamento filium adoptavit. Liberalitas tanta, ut domi suæ quam plurimos pauperum aleret, & libertate donaret. Animus utriusque par fortunæ, & æqualiter in prospera & adversa libratus, quem nec ista frangerent, nec illa extollerent. Libertas Philosopho digna: Alexandrum quòd Calisthenein innocentem leonibus objecisset, acriter objurgavit, hinc suspensiones in illum, & Regis indignatio concitatæ. Pietas denique in Deum, quantum illi supersticio & tenebræ permittebant. Testatur Laetius libellum de votis & precationibus scripsisse. Summam felicitatem in Dei contemplatione constituit. Unum Deum agnovit, docuit, eaque de causa iudicium & exilium tubije, cujus etiam clementiam & misericordiam moriens appellavit. Nec vitia tamen inter virtutes abfuerunt. Amoribus nimium & æmulationi dedit. Cùm Alexander amplis muneribus Xerocratem, qui

Iycz.

Lycro præsidebat, donasset, Aristotele præterito, ferunt hunc invidiâ percitum de tollendo Alexandro cum Antipatro convenisse, quod suprà refutatum est. Cùm audisset Isocratem aperto Rhetoricæ ludò summis laudibus extolli, & ipse Rhetoricam docere aggressus est, *Non est æquum, inquit, me tacente Isocratem loqui.*

IX. Sectæ ac doctrinæ Peripateticæ hic ordo, & progressus fuit. Theophrasto, quem inter discipulos charissimum Aristoteles habuit, suos libros commisit, cavîtque, ne unquam in publicum proferret. Theophrastus, cùm vivis excederet, Neleo tradidit, amico æquè & discipulo. Neleus filijs reliquit, qui Attallicorum Regum metu omnes libros instruendæ bibliothecæ conquirentium eos terræ infoderunt: illic 160. annos latuere, tinea, humi tóque corrupti, Appelliconi Teio magno argento venditi. Appellicon exscribi curavit, sed scribarum imperitiâ infinitis erroribus referti sunt. Præius Sylla Romanæ detulit. Imperante Antonino Pio Alexander Aphrodisæus insignes in Aristotelem commentarios edidit. Secutus Ammonius Alexander anno Christi 210. qui magno Christianæ rei bono publicè Philosophiam etiam Ethnicos docuit, & Platoniam miscevit Aristotelicæ. Anno 360. floruit Themistius Philosophus Peripateticus, quamvis Ethnicus, tamen Christianis amicus, Constantio, Juliano, Theodosio Imperatoribus præclarus magnisque dignitatibus auctus. Sub Valente Imperatore Catholicorum causam præclarâ Oratione contra Arianos egit: Gregorio Nazianzeno inter primos amicos, & ut omnia complectar, Augustini Magister: hujus ergo ingenium & Philosophiam tot hæreticorum victicem Aristoteli debemus. Scripsit Themistius insignes in Aristotelem commentarios, & laudatissimam ac pulcherrimam in posteriora analytica paraphrasin.

Circa annum 400. Magnus Augustinus securus est, nescias major Philosophus an Theologus: de illo Trithemius: *Tanta scripsit, ut neminem crediderim omnia posse vel legere, vel habere; cunctos enim scriptores & numero librorum & utilitate præcedi, qui plus quàm mille Tractatus scripsit.*



Vix annum vigesimum ingressus Categorias Aristotelis publice exposuit. Circa annum 500. & 600. Boëtius Senator & Consul nobilissimus ex Aniciorum stirpe primus in aula Theodorici Regis Aristotelis libros Latinos dedit, & ita Peripateticam doctrinam Occidenti vulgavit. A Theodorico Rege in suspicionem vocatus & carceri inclusus, libros de consolatione philosophica scripsit, quibus ostendit magnam esse Philosophiæ vim ad ferendas calamitates, & animum contra fortunam munendum. Circa annum 800. S. Joannes Damascenus Philosophiam Aristotelis in compendium collegit. Circa annum 1150. Averroës & Avicenna Arabes Philosophiam Aristotelicam totâ Africâ & Hispaniâ, quâ potiebantur Arabes, celeberrimam reddidere, instituto Cordubæ collegio, in quo doceretur, multisque editis commentarijs, quorum tamen tanta barbaries est, ut vix intelligantur, & ea in nostros etiam Philosophos, Theologosque decurrerit, quibus fœditas sermonis tanquam merx peregrina & ex Arabibus ducta in pretio est. Circa annum 1210. Americus Doctor Parisiensis dum Aristoteli, præter lineam fidei Catholicæ, adhæreret, in hæreses lapsus est, Aristotelis doctrina, quæ in Parisiensem Universitatem jam venerat, damnata, ejusque libri in flammam conjecti. Sed tandem sub annum 1250. Peripatetica doctrina operâ, studio, pulcherrimisque commentarijs Alexandri Avenis, SS. Alberti M. Bonaventuræ, & præsertim Thomæ Aquinatis toto Orbe decantari cæpta, sola in triumphum ducta, reliquis Philosophorum sectis longè præteritis. Patritius in libro de Peripateticis discussionibus testis est, circa annum 1400. tantâ omnium Doctorum emulatione illustrandæ Philosophiæ Aristotelicæ certatum esse, ut supra 12000. voluminum typo impressorum in Aristotelem circumferrentur. Jam nulla est Europæ Universitas, quæ Aristoteli cathedram non posuerit. Parisiensis anno 1611. publico decreto illius se doctrinæ obstrinxit. Negari hand potest, Patres Ecclesiæ primitivæ Aristoteli ejusque libris insensos fuisse, quod videlicet nimium rationibus & sensui tribueret, quod Christianæ fidei adversum videbatur, supra omnem rationem sensumque positæ: sed postmodum experienciâ paruit, maximè Arianâ hæ-



res grassante, mysteria nostræ fidei sine Aristotelis Philosophia credi quidem posse, sed non explicari, non defendi contra inipugnatores, non reduci ad principia & rationes naturales, quæ ad fidem disponunt, & quantum hujus natura permittit, obscuritatem illustrant. Hinc in Concilio Nicæno tanta Patrum cura, ne cum Philosophis hujus scientiæ imperiti, quamvis aliàs sanctissimi, concurrerent. Nihil ferè in tota Theologia est, præsertim cùm de Deo & Trinitate ac virtutibus agit, quod intelligi aut explicari possit tacente Aristotele. Lege hujus libros Moraliùm ac Politicorùm, & videbis omnium virtutum naturam & proprietates tam distinctè, & ad vivum expressas, ut à Christiano nihil expressius & elegantius potuerit, & cùm Theologica Scientia duabus præmissis nitatur, unâ naturali, alterâ fidei, idem est Philosophiam, quæ est scientia naturalium, quod Theologiam tollere.



## §. IX.

## De Methodis.

## Summaria.

1. *Quid inter Methodum & Ordinem intersit.*
2. *Divisio Methodi.*
3. *Regule Methodi generales.*
4. *Regule pro Methodo synthetica.*
5. *Regule pro Methodo analytica, quæ scientijs practicis deservit.*

I. Sunt,



## I.



Unt, qui distinguant inter Ordinem & Methodum. Ordo enim est dispositio partium secundum prius & posterius; abstrahendo an hic ordo inserviat aut non inserviat ad maiorem rei cognitionem, an deducat, aut non deducat ex notis ad notitiam ignoti; Ordo enim ad plura conducit: ad rei pulchritudinem, ad delectationem spectantis, ad victoriam, ad sanitatem, ad doctrinam, &c. Methodus verò est modus à ratione ordinatus procedendi in veritatis indagine, ut Galenus definit. Methodus ergo est species Ordinis, & ab hoc distinguitur, quia Methodus ad solius veritatis indaginem refertur, & quia ex notis deducit ad cognitionem ignoti; ac tandem, quia ordo est etiam in rebus & artefactis, Methodus verò tantum in cognoscente & Artifice. Vide latissimè Zabarellam de Meth. Finis ergo Methodi est, optimè facillimè & clarissimè rem aliquam cognoscere, aut scientiam acquirere, alijsque cognoscendam tradere. Advertit tamen Hippocrates lib. *de homin. nat.* non opus esse methodo in ijs, quæ experienciâ discere volumus, nam sine alia Methodo tacto igne cognoscis esse calidum; si autem ratiocinando probare de igne velis, quoddam sit calidus, quia rarus, subtilis, lucidus, &c. Methodo locus erit.

II. Varia & multiplex est Methodi divisio. Methodus arbitraria & inartificialis est, quæ non tam ex ordine naturæ & regulis artis constituitur, sed pro varijs discentis & docentis circumstantijs captui, aut delectationi accommodatur; est enim quædam ars artem negligere, & quidam ordo ordinem confundere, ut patet in remedijs empyricis, in orationibus patheticis, & in alijs quibusdam, ubi ipse neglectus ordinis est quidam ordo.

do, hoc est, dispositio ad finem aliquem consequendum apta, de quo vide Aristotelem, & ibi S. Thom. l. 2. *Metaph. circa fin.*

Methodus artificialis est, quâ juxta rerum naturam normâque artis partes inter se disponuntur. Methodus universalis est, quâ integrum systema scientiæ alicujus eîusque partium ordinatè aptèque collocatur.

Methodus particularis, quâ utimur in tractatione unius tantum, vel alterius quæstionis, non verò totius Scientiæ.

Methodus Synthetica seu Compositionis est, in qua progredimur à simplicioribus & prioribus ad magis composita & posteriora, & hoc quatuor modis fieri potest. *Primo*, cum procedimus à simplicioribus ad magis composita. Grammaticus à Literis ad syllabas, ad nomina, ad verba, ad integras orationes: Logicus à terminis ad propositiones, ad Syllogismos: Physicus à principiis corporis naturalis in genere ad principia in specie, ad ejus proprietates; *tum* ad species corporis naturalis. *Secundo*, cum procedimus à magis ad minus universalia, ut si acturi de animalibus prius de animali in genere, tum de eius speciebus agamus. *Tertio*, cum à causis ad effecta, sicut Physicus prius de anima quàm effectibus agit: & acturus de eclipsi prius de terræ interpositione, de umbra terræ, de concursu luminarium in ecliptica agas, quæ sunt causæ eclipsis. *Quarto*, quando progredimur de medijs ad finem, quomodo Medicus prius remedia ægro applicat, quàm sanitatem conferat.

Methodus Analytica seu resolutoria est, cum à posterioribus, magisque compositis ad priora magisque simplicia procedimus: & hoc æquè quatuor & oppositi modis Methodo Synthetica. His prænotatis singulis Methodis suas regulas assignabimus; præsertim duabus ultimis, quæ majorem in scientiis usum & locum habent.

III. *Dico 1.* Pro Methodo in genere observandæ sunt regulæ sequentes.

*Regula 1.* Nulla pars desit, nulla abundet & superflua sit, superflua enim mentem confundunt, necessaria, si desint, ignorantiam pariunt. Contra hanc regulam plerique modernorum peccant, qui tam multa inutilia, ac levia nullique usui

valitura Theologiæ & Philosophiæ miscent; tam multa necessaria scitu omittunt, ut neccias defectu, an excessu magis noceant discitentibus.

*Regula 2.* Partes antecedentes & consequentes inter se distinctæ in certo principio & fine seu scopo conveniant; quod fiet, si Scientia certum objectum respiciat, qua stio, ejusque resolutione certum finem, intra quem sistat; alioqui si nullum scopum præfigas, evadet omnis disputatio vaga, exerrans, confusæ, & fastidiosè proluxa.

*Regula 3.* Partes ita connectendæ, ut lectori vel auditori appareat priora posterioribus coherere.

*Regula 4.* Partes Methodi sint omnes homogeneæ, non heterogeneæ, hoc est, Logica de rebus Logicis, non Metaphysicis agat; Physica de Physicis, non Logicis, &c. idemque esset extra objectum & limites scientiæ ferri, ordinemque turbare.

*Regula 5.* In omni materia pertractanda ratio habeatur, tum rerum quæ tractantur, tum etiam auditorum quibus proponuntur; nec enim res omnes eodem argumentorum, & rationum genere probandæ & confirmandæ sunt; res enim sempiternæ, mutationis expertes, Mathematicæ, &c. exactissimæ & evidentes demonstrationes admittunt: morales & humanæ, variisque casibus obnoxia, solùm probabiles & verisimiles. Vide eleganter S. Th. in l. 2. *Metaph. Lect. 5.*

Sic etiam alia est disputandi ratio cum eruditis, sapientibus, præcelso ingenio præditis: alia cum vulgo, ineruditis, literarum expertibus, &c.

*Regula 6.* Denique speculum Methodicæ doctrinæ videre est in summa Theologica S. Thomæ Aquin. in qua omnes doctores exquisitissimæ Methodi reperies, Ordinem, claritatem, majestatem Theologo dignam, brevitatem, decorum, suavitatem, varietatem, probandi efficaciam, & denique quidquid desideres ab Angelica manu, ut meritò de illo Joannes XXII. dixerit, tot miracula fuisse, quot annos scripserat, & Cardinalis Palavicinus sibi ipsi indignetur, quod aliorum Auditorum lectioni 30. annos

- inimp-

insumpserit, qui tandem omnia multoque plura in D. Thoma legerit, hinc uni deinceps se, & ingenium, & oculos sacraturum.

IV. *Dico* 2. Pro Methodo Synthetica & compositionis hæ sunt regulæ.

*Regula* 1. Methodus Synthetica inservit Scientijs tum tradendis tum inveniendis: qui ergo Scientiam alicujus rei comparare vult, v. g. hominis, oportet, ut prius de materia, forma, uniore hominis agat, hoc est, prius de partibus, principijs & causis, & tunc demum de toto: prius de simplicibus, tum de magis compositis. Quam Methodum Aristoteles egregie in octo libris observavit, ubi

1. Agit de Methodo procedendi in hac Scientia, eamque assignat, ut à causis & principijs ordiamur, & inter ipsa principia ea assumantur, quæ nobis sunt notiora & manifestiora: manifestiora autem esse universalia particularibus, confusa distinctis.

2. Agit de principijs in genere, & præmittit ab omnibus admissa, tum ad dubia progreditur.

3. Agit de principijs in particulari. 4. De natura; cum enim Physica sit de principijs naturalibus, postquam de principijs in genere actum est, oportuit etiam de naturali agere.

5. De causis, & primò de magis notis, tum de\*minùs notis, casu videlicet & fortuna.

6. De effectibus & proprietatibus corporis naturalis, & primò de motu, utpote notissimo, & de hoc quidem, tum in communi eiusque affectionibus, tum in specie & partibus; ac tandem de ejus affectionibus & mensuris extrinsecis, hoc est, loco & tempore, & absoluta consideratione motus assurgit ad ipsa moventia, primùmque motorem; de cujus æternitate infinitate, immutabilitate ac unitate præsertim tam multa, & præclare dixit, ut mirum non sit Aristotelem eâ causâ exilio damnatum, quòd proscriptâ Deorum turbâ unum agnosceret, docerèque, crimen ab Atheniensibus pro magno habitum, nec impune auditum.

7. A Corpore Naturali eiusque affectionibus in genere pergit ad species, & primò quidem de universalissimo, hoc est,

de Mundo, & primò in genere (an sit perfectus, an omnes ejus partes eadem materiâ consent, an possint plures Mundi quàm unus produci, an perpetuò duraturus, &c.) tum de ejus partibus, videlicet de cælo ejusque proprietatibus, de elementis, de mixtis, & primò imperfectis, hoc est, meteoris: tum perfectis, sed inanimatis, hoc est, metallis, lapidibus, deinde animatis: & primò de anima in genere ejusque proprietatibus: de anima in specie Vegetativa, Sensitiva, Rationali, &c. Ubi vides, perpetuum hunc esse Aristotelis ordinem, curamque, ut de principiis ad composita, de imperfectis ad perfecta, de partibus ad totum, de universalibus ad particularia, de genere ad species deveniat, quæ planè est methodus Synthetica, & Scientiæ contemplativæ necessaria; & ratio est, *tum* quia scire est rem per suas causas & principia cognoscere; prior ergo est notitia partium & causarum, quàm Scientia; qui enim prius non cognovit terram soli ac lunæ interponi, & umbram à terra usque ad lunam pertingere, nunquam sciet eclipsin; videbit quidem lunam obscurari, sed nisi causa præcognita, nesciet; & ita cognitio distincta & confusa præcedit movetque desiderium sciendi, causasque indagandi: deinde sequitur causarum indagatio & inventio, ac tandem fit applicatio & comparatio causarum ad effectum, hunc ex illa deducendo, & hoc est scire: *tum* etiam quia cognitio confusa & universalium prior est cognitione distinctâ & particularium, ut patet in ijs, quæ procul videntur, & alibi ostendimus, docetque Aristoteles *lib. 1. Phys. c. 1.* facilius siquidem ea, quæ multis communia sunt, cognoscimus, quàm quæ singulis propria. Asinum esse animal sciunt omnes, sed quomodo ab equo distinguatur, pauci: quæ multis communia sunt, sæpe multumque in oculos & intellectum incurrunt, & ita facilius in experientiam, & ab hac in intellectum transeunt.

*Regula 2.* Ad Methodum Syntheticam pertinent subiectum Scientiæ, causæ & principia, ac tandem affectiones. De Subiecto præcognosci debet quòd sit, quid sit, & ut habeat certas proprietates, quæ de illo demonstrantur; cum enim Methodus sit via ad scientiam, sicut Scientia, ita & Methodus præsupponunt,

nunt, subjectum de quo aliquid demonstrandum est, jam præcognosci, quid significet & quid sit. Si enim nescias quid sit Saturnus, quomodo de illo demonstrabis, esse sidus ferale, noxium, exasperans, octavo mensi præsidens, & ideo octimestri partui infaustum? Expediit tamen, Scientiam aliquam aggrediendi, v. g. de anima, objecti definitionem præmittere, ejusque omnes partes explicare, ut ita distinctius clariusque pateat, quid sit anima, & tantò facilius demonstrari de illa possint proprietates.

V. *Dico 3.* Pro Scientijs operatricibus & practicis ( quatenus docent, & regulas tradunt, non quatenus operantur ) hæc regula est, ut in ijs discendis tradendisque procedatur Methodo analyticâ & resolutivâ, ita videlicet ut à notione finis progressus fiat ad cognitionem principiorum, seu mediorum, quibus ad finem pervenitur, & cum finis in scientijs practicis sit, quod objectum in speculativis, etiam de fine prænosci oportet, *quod sit & quid sit*: militaris enim præsupponit, vinci posse, & tantum de medijs vincendi consultat: Medica supponit corpus sanari posse, supponit etiam sanitatem esse bonam rotius corporis habitudinem, & ideo de sanitate nihil demonstrat, aut si demonstrat, ex principijs Physicæ demonstrat. Ratio Conclusionis est: *tum* quia cum ars operatrix sit circa finem, quem supponit, & de quo non consultat, sed tantum de medijs, oportet finem esse medijs notioiem; sed omnis doctrina à notioribus incipit: *tum* quia finis est mensura & regula omnium mediorum; nec agimus de medijs, nisi ut proportionem ad finem habent; prius ergo de fine agendum est, & tum de principijs & causis illius: sicut qui agit de mensurato, prius agit de mensura, & qui agit de regulato, prius de regula, alioqui nec mensuratum nec regulatum intelligi possent: *tum denique* exemplo omnium artium, Architectonica in opere quidem ipso compositivè procedit, à partibus videlicet domûs ad totam domum, sed in doctrina prius de tota domo ejusque usibus, & postea de partibus domûs, & ideo bene monuit Aristoteles l. 7. *Metaph. text. 23.* domum fieri à domo, hoc est, domum realem à domo ideali. In arte Medica tradenda Averroës Methodi observantissimus res



Medicinæ partes constituit : *Primam*, in qua de subiecto operationis, hoc est, corpore humano agitur ; nisi enim artifex aliquam subiecti cognitionem habeat, v. g. Medicus corporis humani, Architectus lapidum, nunquam circa illud ritè operabitur, neque enim omne lignum recipit formam Mercurij, nec omne membrum eadem medicamenta, modumque curandi : dentes si doleant, evelli expedit, non tamen caput & cor, quamvis acerrimè doloribus crucientur. *In Secunda* parte de fine tractatur, qui est sanitas. *In tertia* de medijs & principijs adipiscendæ sanitatis, quæ sunt velut conclusiones ex fine ipso deductæ. Vide Zabarellam eleganter de *Meth. l. 2. à c. 12.* Sed omnium pulcherrima est Methodus resolutiva, quam S. Thomas observavit in Theologia practica à Prima Secundæ, quâ planè nulla pulchrior, & exquisitior, suisque numeris absolutior aliquando visa est. Illam vide, & si potes, non admirare : ausim ego de illa quod Scriptura de folio Salomonis dicere : *Non est factum tale opus in universis terris.*

*Regula 2.* Ad Methodum resolutivam revocari potest Methodus definitiva : cum videlicet acturi v. g. de Medicina, ejus definitionem ponimus, ejusque omnes partes explicamus ; sicut enim à centro duci possunt lineæ ad totam circumferentiâ circuli, quia totus circulus virtualiter est in centro ; ita à definitione duci potest tota aliqua & scientifica disputatio, quia definitio est virtualiter tota scientia ; nam sicut definitio hominis est totus homo, & homo virtualiter continet omnes suas proprietates & accidentia, ita eadem definitio hominis est virtualiter tota scientia & cognitio hominis, & complectitur, quidquid dici de homine, cognoscique potest. Sic Aristoteles in *L. de Interpret. & L. prior. & poster. Analyticorum*, à definitionibus exorsus est. Sic omnes Mathematici ; sic Galenus Medicinam definiit *Artem salubrium, insalubrium & neutrorum* : deinde hanc definitionem dissolvens, Primò de salubribus egit, tum de insalubribus, tandem de neutris.

Sed adverte, eam Methodum aptissimam esse, quæ proposito maximè deservit, conducitque veritati : quæ autem ea sit, non

non tam regulis, quàm experientiâ & iudicio opus esse; *sæpe* enim multarum regularum observatio impedimento potiùs, quàm usus est; sicut & mularum struthioni pennæ, non volatui sed oneri sunt; & experientiâ didici, eos qui pulcherrimè regulas tradunt, pessimè uti, ingenio ad plura dissentio, aut multitudine oppresso, & ideo nec plura de Methodo.



## LOGICÆ PARS I.

### EA QUÆ SPECTANT AD PRIMAM MENTIS OPERATIONEM, EJUSQUE DIRECTIONEM.



Res sunt mentis operationes: Apprehensio, Iudicium, Discursus.

*Prima* Objectum cognoscit, sed de illo nihil asserit, nihil negat, & instar simplicis imaginis solum hoc habet, ut repræsentet.

*Secunda* De objecto aliquid asserit, aut negat; nec enim linguâ tantum, aut vocibus, sed etiam intellectu, & conceptibus Anima loquitur: & hæc Secunda cum componat, hoc est, prædicatum subiecto nectat (nec enim aliter affirmare aliquid aut negare possumus) supponit Primam; nemo enim potest prius de Æthiope dicere, quoddam sit niger, quàm Æthiopem & nigredinem conceperit.

*Tertia* Non solum de subiecto aliquid asserit negativè, sed etiam ex assertis & negatis aliquid infert, & hæc Tertia duas Primas

mas supponit, ut patet. Cùm ergo tres sint operationes Mentis, tres etiam sunt Logicæ partes, cujus prima primæ operationi inservit, eamque dirigit. Quia verò Apprehensio, simplicesque conceptus sunt partes & termini propositionum, & ex illis error ac confusio nasci possunt, si eorum suppositio varie-tur, unus pro alio accipiat, &c. *Rursus*, quia termini alij sunt universales, alij particulares; ipsique simplices concep-tus rem aliquam repræsentant secundum perfectiones, aut plu-ribus communes, aut singulis proprias: *Deinde*, quia tunc Ap-prehensio est recta, quando rem, ut est, repræsentat, & sæpe intellectus fallitur apprehendendo substantiam eo tempore & loco, quo accidens v. g. apprehendi deberet, cui cavendo er-rori maximè conducunt Prædicamenta, hoc est, classes quædam & loculamenta omnium rerum, ex quibus quæ res sint sub-stantia, quæ accidens apparet, quæ genera, quæ species. &c. Ac tandem, quia omnium perfectissima est Apprehensio, quæ rerum essentiam exprimit, quod fit Definitione, ideo tota hæc prima Logicæ pars agit de Terminis, de Universalibus, Prædi-camentis, ac Definitione, quæ Methodus utique Analytica est, procedens à fine in intentione (qui est dirigere Apprehensio-nem) ad finem in executione (qui est actualis ipsa & perfectis-sima ac definitiva apprehensio) per media huic fini conducen-tia, quæ sunt genera, differentia, prædicamenta, &c.

Alij Logicam sic dividunt. Cùm Logica de modo disse-rendi agat, & tres sint modi differendi, Definitio, Divisio, Discursus, Prima Logicæ pars est de Definitione eiusque partibus, hoc est, Terminis, Universalibus, ac Prædicamentis, in quibus genera, differentia, species, &c.



Caput



## CAPVT I.

## §. I.

## DE TERMINIS.



## Summaria.

1. *Definitio Termini.*
2. *Non convenit vocibus extra propositionem positis.*  
     *Eam tamen meretur vox non significativa.*
4. *Sicut & Copula est materialiter sumpta.*
5. *Celebriores Termini divisiones.*
6. *De Univocis &quivocis.*
7. *Dari analogia ab univocis &quivocis distincta ostenditur.*
8. *Eorum definitio & divisio.*
9. *Quanam conditiones ad analogia attributionis requirantur.*
10. *Analogiam proportionalitatis propriae admittendam esse auctoritate, & rationibus evincitur.*
11. *Quae illius conditiones.*
12. *Transcendentia tollit univocationem.*
13. *Solvuntur objectiones.*

T

14. Si

14. *Sicut & dependentia.*
15. *De concretis, & abstractis eorumque significatis.*
16. *De denominante, & denominativo.*
17. *Denominatio extrinseca perperam ens rationis dicitur.*



Termini vox est ambigua, aliquando finem significat, aliquando limitem : hic pro simplici conceptu nihil affirmante, nihil negante accipitur, & quem simplicibus etiam vocibus exprimere solemus, quales sunt : *homo, animal rationale, &c.* tales enim voces sunt velut limites quidam, intra quos tota clauditur propositio.

I. *Quæritur ergo 1. Quid sit Terminus Logicus ? Resp. Terminus est extremum, in quod resolvitur propositio tanquam in prædicatum & subiectum.* Ita definit Aristoteles 1. prior. c. 1. Dicitur *extremum*, quo modo terminus cum puncto lineæ extremo, cum lapide limitari, alijsque extremis convenit, quæ tamen non sunt extrema propositionis, quod soli termino, de quo agimus, convenit : & quia etiam integræ propositiones possunt esse prædicatum & subiectum ( ut si dicas : *Hæc propositio : Omnis homo est animal, est affirmativa* ) ideo possunt etiam termini esse. Melius, hoc est, essentialius alij terminum definiunt, quod sit *extremum propositionis* : licet enim tam posse destrui, quam posse produci sit essentialiter rebus corruptibilibus, & maxime artificialis, corruptibilitas tamen est consequens ad productibilitatem & hanc supponit, sicut ipsum *corrumpi* supponit *produci* : non autem est absurdum, essentiam gradus habere, & ordinem aliquem per respectum ad aliquos effectus priores & posteriores : sicut ergo in alijs rebus, ita & in terminis, prius est esse partem *compositionis* quàm *resolutionis* ; licet utrumque sit termino essentialiter ; sed Aristoteles per resolutionem definiit, quia factâ re-

soluzione partes magis innotescunt, cum redeant ad suam & simplicem naturam, sicut facta per corruptionem, aut anatomiam compositione corporis, magis istius partes, ossa, nervi, viscera in oculos cadunt.

*Dices* : Æquè obscurum est quid sit propositio, quàm quid terminus, malè ergo hic per illam definitur.

*Resp.* Cum terminus sit pars, & pars sit totius, non posse partem nisi cum respectu ad totum definiri, & totum sæpe est notius parte quoad nos & confusè ; qui enim procul velificantem navem spectat, totam videt & nullas partes distinctè. prior ergo & notior est confusà, notitia totius quàm distincta partium.

II. *Quæritur* 2. An voces extra propositionem positæ sint Termini ?

*Resp.* Voces extra propositionem positæ non sunt termini ; quia actu non terminant.

*Ratio est*, quia licet in physicis & naturalibus determinatio fiat ab aptitudine naturali, non ab actu, sicut anima hominis separata est, & dicitur forma, quamvis non informet, sensitiva, quamvis non sentiat, &c. in artificialibus tamen & ex arbitrio ac institutione hominum pendensibus sola aptitudo non denominat ; quamvis enim truncus aptus sit esse statua, non ideo & antequam elaboretur est statua : & lapides, quamvis apti sint uniri & fieri domus, antequam tamen uniantur, non sunt domus : & *disparitas est*, quia certa & determinata denominatio debet fieri à certo & determinato actu : lapis verò v.g. aut lignum non habet aptitudinem magis ad domum quàm non domum, ad statuam quàm non statuam, sed est in statu neutro, & illa aptitudo nimis remota est, nec essentialiter ad formam statuar ordinata, & ideo si nunquam statua fiat, non ideo erit in statu violato, aut præternaturali ; imò sæpe perfectiones naturales amittit, dum recipit artificiales. Sic etiam nullum lignum dicitur ulna, quamdiu est in statu purè naturali, nisi ab arte aliquam determinationem ad metiendum potius, quàm ad aliud recipiat. Secùs est in potentijs & formis naturalibus, quæ aptitudinem naturalem habent, & determin-



tionem ad certum actum, à qua denominantur, etsi non agant: intellectus enim est determinatus ad cognoscendum, voluntas ad volendum, forma ad informandum, essetque contra istorum naturam, si ad aliud applicarentur. Cum ergo voces extra propositionem non sint naturaliter determinatæ ad componendam propositionem potius, quàm non componendam; nec actu component, aut terminent, nisi Logicâ ordinante, tamdici non debent termini, antequam Logica eos uniat, & locum prædicati aut subiecti tribuat, quàm lapides, & ligna non dicuntur domus, nisi ab Architecto ordinata: & sicut aptitudo lapidis non facit domum, aut statuum, ita non facit terminum, nec prædicatum aut subiectum, sic etiam sola vocis aptitudo ad aliquid significandum non facit nomen, nisi aliquid significet, quia significare est effectus artis, qui à sola aptitudine non habetur.

III. *Quæritur 3.* Utrum voces non significantivæ sint termini?

*Resp.* Etiam voces non significantivæ, v. g. *blidr*, *slyndapsis*, &c. sunt termini: quamvis enim nihil significant, potest tamen de illis aliquid affirmari aut negari, ut si dicas: *blidr est vox nihil significans*; ergo possunt esse extrema propositionis, ergo termini: & talis propositio quamvis constet subiecto nihil significante, dici tamen simpliciter potest significantiva (sicut homo simpliciter corporeus) quia de subiecto aliquid significat.

*Quæritur 4.* An copula *est*, sit etiam terminus? *Resp.* Copula *est* materialiter sumpta etiam terminus est, quia significari de illa aliquid potest; formaliter verò, ut est in propositione, connectitque prædicatum cum subiecto, non est terminus, sed unio; quomodo enim terminus, cum non sit extremum, sed medium propositionis? Unio hominis non est homo, Unio lapidum non est lapis, ergo nec unio terminorum est terminus.

Si dicas cum aliquibus esse *terminum Quo*, quia est ratio, quòd aliqua vox sit prædicatum, aut subiectum, & hæc applicat, ut sint termini; cur non etiam dicis unionem materiæ & formæ esse hominem *ut quo*, quia est ratio, cur materia recipiat & forma



ma informet, & hæc ad componendum applicat? Aliquando tamen verbum est duplici officio, copulæ videlicet & prædicati fungitur, ut si dicas: *Petrus est*: quæ sic resolvitur: *Petrus existens est*. Et hæc de terminis in genere, nunc ad terminos in specie.

V. *Quæritur 5. Quotuplex sit Terminus?* *Resp.* Terminus dividitur primò in *mentalem, vocalem, & scriptum*; nam & propositio alia est mentalis, alia vocalis, alia scripta. Mentalis propositio cum sit actus & cognitio spiritalis, nec partes, nec terminos habet, nisi virtualiter & æquivalenter ad terminos vocales; quod enim uno actu mens concipit, hoc pluribus vocibus lingua profert. Terminus mentalis alius est *ultimatus*, alius *non ultimatus*. Terminus non ultimatus est conceptus, quo ipsa vox percipitur, non ejus significatum: ultimatus, quo etiam significatum vocis. Rusticus audiens hanc vocem Latinam *homo*, ejus tantum conceptum non ultimum format; qui verò Latine novit, etiam ultimum.

2. Terminus vocalis alius est *significativus*, alius *non significativus*. Significativus est signum instrumentale ex instituto, quod prius cognitum in alterius cognitionem deducit: quâ ratione à signo formali, & à signo instrumentali naturali distinguitur, quod latius infra explicabitur, ubi de signis.

3. Terminus significativus alius est *prima*, alius *secunda intentionis*. Primæ intentionis est, qui rem significat ut est, v.g. *homo, equus*. Secundæ, qui significat rem ut apprehenditur, non ut est, v. g. *genus, species*; nec enim homo est species, hoc est, una natura, quæ pluribus individuis sit communis, sed ita apprehenditur, & ea denominatio speciei ex eo nascitur, quodd cum Petrus v. g. apprehendat hominem, ut naturam communem, tu naturam à Petro sic cognitam speciem vocas. Sic *linea, circuli, poli, Zona* Mathematicorum appellari possunt secundæ intentiones Mathematicæ; spatia enim cælestia non sunt in lineas & puncta distincta, sed sic concipiuntur.

*Nota.* Secunda intentio hic accipitur, non pro ente rationis Logico, cujus esse objectivum est solum in intellectu, quia

rale ens non agnoscimus, sed solum pro denominatione extrinsecâ desumpta ab actu potentia cognoscitivæ, tendentis in objectum : quæ denominatio est ens reale, quia à parte rei existit, sicut ipsa forma denominans, nimirum cognitio, & tamen constituit Universale, Genus, Speciem, &c. non quidem in essendo, sed in representando.

4. Terminus primæ intentionis aut est *categorematicus*, aut *syncategorematicus*, aut *mixtus*. Categorematicus est, qui etiam solus & sine alio termino positus aliquid perfectè significat, v. g. *homo, equus, sol, &c.* Syncategorematicus, qui solus in propositione non habet perfectum sensum nisi alteri jungatur, & qui eum audit, nullius rei perfectam cognitionem formatur, v. g. *omnis, nullus, valde, &c.* & comparatur consonantibus aut ciphris numerorum. Terminus mixtus utrumque, categorematicum & syncategorematicum complectitur, v. g. *semper, nemo*, quæ hæc æquivalent; *Omni tempore, nullus homo, &c.* Adjectiva v. g. *albus, justus*, revocantur ad terminos syncategorematicos, quia sola perfectam significationem non habent : & qui audit hunc solum terminum *justus*, tam hæret aliudque expectat, quàm qui audit hunc; *Nullus, &c.*

*Nec obstat*, quòd abjectivum *albus* v. g. formam albedinis perfectè significet, possitque sine addito prædicatum fieri, secus ac illa Syncategorematica *omnis, nullus, &c.*

¶ 1. Album significare formam quidem albedinis, sed per modum adjacentis, & ideo imperfectè, quia nullum subjectum exprimitur cui adjaceat; alioquin etiam *omnis* & *nullus* significarent aliquam formam universalitatis, nec tamen hoc sufficit.

¶ 2. Adjectiva se solis fieri prædicata, sed non se solis significare; & hoc sufficit, ut non sint termini categorematici, qui sunt species termini significativi; cum enim adjectiva sint essentialiter termini concreti, formam quidem perfectè, sed non subjectum perfectè significant.

§. Terminus alius est *finitus*, alius *infinitus*. Infinitus est, cui præponitur negativa *non*, v. g. *non homo, non lapis*. Finitus, cui non præponitur, v. g. *homo*. Si negativa præponatur copu-

*læ est*, reddit propositionem negativam, v. g. *lapis non est homo*. Si præponatur non copulæ, sed tantum prædicato, reddit propositionem affirmativam, v. g. *lapis est non homo*, hæc enim de lapide asserit, non negat aliquid. Dicitur terminus infinitus, quia negatio de infinitis rebus prædicari potest, omnia enim, excepto homine, sunt *non homo*, & ideo Aristoteles voces infinitas negat esse nomina scientifica, quia Scientijs non inserviunt, nec enim scit lapidis naturam, qui scit esse non hominem, & eum in scientijs non detur processus in infinitum (sistunt enim intra causas & principia per se nota) voces infinitæ usui non sunt.

6. Terminus *complexus* est, qui sine verbo constat duobus terminis propriam inter se retinentibus significationem, v. g. *homo albus*, *animal rationale*, *nemo* (hoc enim virtualiter est idem ac nullus homo.) Ad terminum complexum hæc sunt conditiones necessariæ.

*Primo*. Ut partes intra compositionem eandem significationem retineant, quam extra; hinc *dominus* non est terminus complexus, licet enim syllabæ separari possint, & separatæ aliquid significant, non idem tamen, quod conjunctæ.

*Secundo*. Ut partes aliquo modo inter se uniantur, sive per particulam conjunctivam &, sive per Grammaticalem conjunctionem v. g. *homo iustus*: hæc igitur nomina *Petrus*, *Paulus*, terminum complexum non faciunt.

*Tertio*. Ne uterque idem omnino eodemque modo conjunctum significant, est enim compositio diversorum unio; non ergo est terminus complexus, sed duo incomplexi, *Marcus Tullius*. Dicunt aliqui, hunc terminum, *Cajus Caligula*, esse terminum complexum, quia licet eundem hominem significant, non tamen eodem modo conceptum; nam *Cajus* nomen erat gentilium, *Caligula* appellativum, ex moribus deductum, quod bellis caligis uteretur.

*Quarto*. Ut duos conceptus formales & expressos significet, non solum implicitos & confusos; & ideo nomina concreta & connotativa, v. g. *albus*, non sunt termini complexi; quamvis plu-

ra significant, subiectum & formam, hanc expresse, distincteque, illud confuse tantum.

*Quintò* denique, ut terminus complexus verbum non contineat, alioqui non terminus, sed oratio erit. Est verò terminus complexus triplex; *voce tantum*, v. g. animal rationale, qui pluribus vocibus rem unam complectitur, & cuius significatum simplici termino efferri potest. *Significatione tantum*, qui constat unâ voce pluribus æquivalente, v. g. nemo. *Voce & significatione*, v. g. homo doctus.

7. Alia est divisio termini in communem & singularem. Communis seu universalis, qui rem aut naturam unam significat, sed de pluribus prædicabilem, v. g. homo, equus, sol: licet enim sit unus sol, tamen plures esse possunt. Singularis est, qui rem unam significat, nec de pluribus prædicabilem, ut *Joannes*. Hic subdividitur in *determinatum*, *demonstrativum*, *vagum*, & *collectivum*. Collectivus tamen, v. g. Populus, Exercitus, &c. ut de pluribus prædicari potest, est etiam universalis. Concreta v. g. album, quamvis plura significant, non tamen sunt collectiva, quia non significant ut multa, sed ut unam, nec numerum facientia. Differt, strictè loquendo, terminus communis ab universalis, quia terminus universalis dicit naturam pluribus *univocè* communem: communis dicit naturam pluribus etiam analogicè communem.

VI. *Ostend.* Celebris est divisio termini in *Univocum*, *Æquivocum*, *Analogum*. *Univoca* sunt, quorum nomen commune est, ratio per nomen significata omnino eadem. *Æquivoca* sunt, quorum nomen commune est, ratio per nomen significata penitus diversa: *Analogia*, quorum nomen commune est, ratio per nomen significata partim eadem, partim diversa. Univoca talia sunt, quamvis res diversas significant, modò diversitas per nomen non significetur; v. g. animal est nomen univocum, quamvis enim sit genus, totumque potentiale, & diversas habeat differentias, illæ tamen per nomen non significantur, & ideo nec impediunt univocationem. Idem proportionaliter de æquivocis, & analogis dicendum est, in quibus oportet diversitatem ipso nomine exprimi. Univoca alia sunt univocantia, alia

uni-

univocata; alia participata, alia participantia: alia essentialia, alia accidentalia. In rebus ipsis dantur univoca saltem fundamentalia, hoc est, naturæ pluribus communes, quæque communi nomine appellari exigunt. Idem dicas de Analogis. Æquivoca, quantum est ex parte diversitatis, patet in rebus dari, non autem quantum ad exigentiam unius nominis, nam diversa diversum potius nomen, quam unum idemque exigunt; & ideo plerique dicunt, æquivoca idem nomen à casu, analogà à consilio habere.

Dividunt communiter æquivoca in *æquivoca à casu*, à *consilio*, à *spe*, à *memoria*, &c. Vide Fons. *instit. L. 1. c. 19*. Plerumque æquivoca ex prædicato, aut alijs circumstantijs univoca evadunt, ut si dicas, *canis latrat*; prædicatum enim *latrat* restringit vocem canis ad unum significatum, alijs exclusis; alij enim canes, stella v. g. non latrant.

*Nota*, etiam in rebus æquivoca dari; nam fumus v. g. hoc est, vapor niger, & teter est signum naturale, & tamen non solum ignem, sed calorem & simum significat, cum non à solo igne, sed etiam ex animalium visceribus calore æstuantibus & ex simo procedat: & sicut voces æquivocæ ad unum significatum ex circumstantijs determinantur, ita fumus ex circumstantijs habet, ut unam potius causam, quam aliam significet. Putant aliqui, etiam in conceptibus & cognitionibus æquivocum dari; eadem enim species, eadem cognitio in Angelis, multoque magis in Deo repræsentat multa & diversissima objecta; Sicut ergo vox æquivoca est, *cujus nomen commune est*, ratio verò per nomen significata omnino diversa, ita conceptus æquivocus est, *qui pluribus communis est*, ratio verò per conceptum significata omnino diversa. Si enim vox plura repræsentant æquivoca, quare non conceptus? Sed negandum est, in conceptibus æquivocationem esse; nec enim sufficit ad æquivocationem plura significari, sed oportet cum confusione significari, ita ut intellectus hæreat, nec ullum determinatum conceptum formare possit, aut si formet, errori sit obnoxius; audità enī hac propositione æquivocā, *video canem*; nescis animal an stellam intelligas; & si velis determinatè de animali intelligere, falli potes; quidū enim stellam viderim? Philippus

Macedo iussus à quadrigis oraculo abstinere, curtus intellexit cavique, sed deceptus est; cum enim gladio Pausaniæ cecidisset, quadriga ferro incisa apparuit, hanc oraculum intellexit, Bruto & socijs oraculum responderat, eum Romæ potiturum, qui primus matri osculum figeret. Socij matres osculati sunt, Brutus tertiam; illi æquivoco decepti sunt. Patet ergo proprium esse æquivocorum, ut plura significant, sed confuse & cum periculo erroris. Sed species aut cognitio Angelica licet plura repræsentent, repræsentant tamen distinctè, & cum proprijs prædicatis, & ideo sine confusione, & periculo errandi. Sic imago aliqua, in qua plurimum personarum pictura est, non ideo est æquivoca, quia virtualiter est multiplex, & sine confusione & periculo erroris singula distinctè proponit.

*Quæres, an terminus æquivocus sit unus vel plures?*

*R.* Unum esse, quamvis diversas habeat significationes, quia unitas concreti accidentalis sumitur ab unitate subiecti, sicut homo pluribus scientijs aut artibus instructus dicitur, unus artifex, non plures 3. p. q. 3. a. 7. ad 2. Imò etiam concreta substantialia, si forma substantialis multiplicetur, & non suppositum, nec ipsa multiplicantur, & ideo si una Divina Persona plures Humanitates assumeret, esset unus homo, non plures, S. Th. 1. 2. c. 1. cont. gent. c. 33. Quia tamen naturaliter loquendo multe formæ substantiales multa habent supposita, ideo absolute dicit S. Thomas, concreta substantialia à formis multiplicari 1. p. q. 39. a. 4.

*Quæritur 6. An præter terminum univocum, & æquivocum detur verus terminus analogus?*

*Resp.* Affirmative cum communi. Terminus enim æquivocus omnino diversa significat, analogus partim eadem, partim diversa; hic enim terminus v. g. *sanus* de medicina & de corpore dicitur, & diversam sanitatem significat, nam sanitas corporis est debita quatuor humorum temperatura, quæ in medicina est qualitas quædam activa temperandis humoribus apta, herbisque & radicibus inhzrens. Sanitas tamen medicinæ & corporis in hoc conveniunt, quòd utraque in humorum temperie consistat, corporis quidem sanitas *formaliter*, medicinæ

verò



verò *effectivè*. Una ergo sanitas ad aliam eam proportionem habet, quam causa ad effectum, & ideo licet analogata non sint unum unitate *aqualitatis*, sunt tamen unum unitate *proportionis*. Non desunt tamen, qui omnem analogiam dicant esse speciem æquivocationis præter analogiam proportionalitatis, de quo vide Cajet. in *Opus. de Analog.* Sed non est à communi sententia recedendum toties à S. Thoma & Aristotele traditâ, & cujus aperta est ratio; semper enim inter duo extrema datur medium, ut in qualitatibus, in elementis, in figuris, in motibus patet, ergo etiam inter omnino diversa & omnino similia dabitur medium de utroque aliquid participans, hoc est, partim simile, partim diversum, & hoc ipsum vocamus analogum, si eodem nomine exprimitur: differtque ab univoco, quod eandem prorsus naturam habet, eodémque modo definibilem: ab æquivoco, quod diversas omnino naturas, diversoque modo definibiles sine ullo respectu, connexionem, proportionem, aut commensurationem unius naturæ ad alteram: quam enim habet Gallus homo ad gallum avem? at verò analogi dicunt quidem diversas naturas, sed tamen cum mutuo respectu & connexionem unius ad alteram, ut patet in sanitate, quæ homini, medicinæ, & colori tribuitur. Impugnat Baro Scotista *Actiōe 2. de Antepredic.* Distinctionem analogorum ab æquivocis, sed tam frigide, ut pigeat cum glacie pugnare. Circa Analogiam Nota, communiter dividi solet in Analogiam *proportionis & proportionalitatis*; & hæc subdividitur in *proportionalitatis propria & impropria seu Metaphorica*. Addunt aliqui analogiam etiam *inaequalitatis*, quando enim gradus superior participatur inæqualiter ab inferioribus & cum excessu perfectionis, dicitur analogum inæqualitatis, sed proptiè univocum est, ut patet in animali, quod perfectius ab homine, quàm bruto participatur, quæ tamen perfectio cum proveniat à solis differentiis, nec exprimitur nomine aut definitione animalis, propriam univocationem haud impedit. Analogia proportionis alio nomine etiam *Attributionis* vocatur, hoc quidem quia ab uno principaliori analogato fieri solet denominatio & attributio unius ad aliud: à sanitate enim corporis medicina, cibis, colorque sana denominantur, in quibus cum aliqua pro-



portio appareat, hoc est, commensuratio & habitudo unius ad aliud, vocatur etiam analogia proportionis, & hæc contingere potest in omni genere causarum, unde nata analogiæ divisio *ad unum* (hoc est, finem, sicut medicina, cibus, ambulatio sana sunt propter sanitatem corporis) *ab uno* (hoc est efficiente) *in uno* (hoc est subiecto, quo modo accidens analogice est Ens per ordinem ad subiectum in quo est) ex uno exemplari seu prototypo, quo modo homo pictus est analogice homo propter similitudinem, quam habet cum vero homine, quem repræsentat.

VIII. Definiuntur ergo analogia Attributionis, *quorum nomen commune est, ratio verò per nomen significata eadem est secundum terminum, diversa secundum habitudinem ad terminum.*

Analogia proportionalitatis, *quorum nomen commune est, ratio verò eo nomine significata simpliciter quidem diversa, proportionaliter eadem.* Differt ergo ab Analogia Attributionis, quod nullum alium respectum dicat ad principale analogatum, quam meræ proportionis expressæ per particulam *sicut*. Observandum enim est, nomen *proportionis* arithmeticum esse, & a numeris ad terminos Logicos transferri; in numeris enim aut alijs quantitativibus *proportio æqualitatis* est, cum duæ quantitates æquales comparantur, v. g. 6. ad 6. palmus ad palnum; & hæc frequentius æqualitas, quam proportio appellatur: & potius dicimus, palnum palmo, senionem senioni æqualem, quam proportionalem esse, quia proportio aliquam dicit inæqualitatem. *Proportio ergo inæqualitatis* est, cum duæ inæquales quantitates ejusdem tamen generis ad invicem comparantur, v. g. 6. ad 1. habet sextuplam proportionem, quia sexies unum includit: 6. ad 4. habet proportionem sesquialteram, quia semel quaternarium includit & adhuc ejus dimidium. *Proportionalitas* verò est æqualitas proportionum: differt ergo à proportionem, quod hæc sit quantatum, illa proportionum: Proportionalitas quatuor terminos, proportio duos tantum habent.

Erit ergo Proportionalitas, non proportio, si dicam: sicut se habent 6. ad 3. ita 4. ad 2. est enim proportio dupla. Sicut se habet 6. ad 4. ita 15. ad 10. est proportio. sesquialtera.

Eo-

eodem igitur modo proportionalitas Logica inter 4. terminos versatur, & exprimitur per particulam *Sicut*. v. g. *Sicut se habet pes hominis ad hominem, ita pes scammus ad scammum, uterque enim sustentat, &que pars infima.*

Subdividitur Proportionalitas Analogia in propriam & impropiam. Proportionalitas propria est, cum ratio proportionalitatis similis intrinsecè reperitur in omnibus analogatis, ut ratio principij respectu fontis & cordis, ratio Entis ex sententia Thomistarum in Deo & creaturis: & hanc analogiam aliqui negant, dicuntque univocationem esse, de quo vid. Suar. in *Metaph.* & nos infra. Proportionalitas impropria seu Metaphorica est, quando ratio proportionalitatis intrinsecè & propriè in uno reperitur, in alijs improprie & metaphoricè, ut *risus* in prato & homine, *pes* in scamno & animali: hanc Thomistæ negant esse veram analogiam.

IX. *Quæritur* 7. Quæ conditiones ad analogiam attributionis sint necessariæ?

*Resp.* Varix sunt conditiones ad analogiam Attributionis requisitæ. *Prima est*, ut ratio significata per nomen analogum intrinsecè sit in solo, & principali analogato, in alijs verò extrinsecè & per denominationem. Ita S. Thom. 11. *Metaph.* l. 3. & 1. *Eib.* l. 17. & 4. *Metaph.* l. 1. & 1. 2. q. 20. a. 3. ad 3. & 1. p. q. 16. a. 6. & 4. Aristot. expressè l. 4. *Metaph.* text. 1.

*Ratio est.* Quia si forma denominans in omnibus analogatis intrinsecè reperitur, ergo ab hac denominabuntur, & non per attributionem ad primum analogatum, v. g. si medicina, & color sana dicuntur ab aliqua forma intrinseca, & non à sanitate extrinseca corporis, ergo denominabuntur per se, & non per attributionem à sanitate corporis; ergo tollitur Analogia Attributionis, sicut quia cygnus albus est à forma intrinseca, non est talis per Attributionem & proportionem cum alio.

*Deinde* virtus sanativa quæ est in herba, à qua, ut dicis, herba vocatur sana, vel ordinem aliquem dicit ad primum analogatum, hoc est, sanitatem corporis, vel nullum dicit? si nullum, non ergo est terminus analogus, sed merè æquivocus; dicit enim sanitatem omnino diversam ab ea, quæ est in cor-

U ;

pore,

pore, & nullo modo illi subordinatam. Si dicit ordinem & proportionem ad primum analogatum, utique tamquam ad terminum & mensuram istius proportionis; ergo jam prima forma mensurans proportionem & analogiam est in solo primo analogato, quod intendimus. Tandem, si forma denominans sit intrinsicè in omnibus analogatis æqualiter, & in nullo magis principaliter, nec ut aliorum mensura, sed cum mutua tantum similitudine & proportionem, resultabit analogia Proportionalitatis propriæ, quam tamen Adversarij negant esse veram analogiam, sed meram univocationem, ergo si hanc conditionem non admittunt, nec analogiam Attributionis. Exemplum est in hac voce *principium*; hoc enim de fonte & corde dicitur, ita tamen ut utrique æquè principaliter & intrinsicè, ac sine mutua dependentia conveniat; sublato enim omni fonte adhuc verum est dicere: *cor est principium*.

*Nec obstat*, Ens esse analogum analogiâ Attributionis. S. Thom. in 1. p. q. 16. a. 6. & q. 6. a. 4. & cont. Gent. c. 32. & tamen ratio entis intrinsicè in Deo & creaturis, in substantia & accidente reperitur.

¶ Omnino reperiri, sed non ideo creaturas analogicè per Attributionem ad Deum denominari, quia intrinsicè entia sunt; nam si per impossibile vera entia non essent, adhuc entia dicerentur per Attributionem ad Deum, tanquam hujus imaginis, signa & effectus, quemadmodum statua, aut imago hominis analogicè homo dicitur, licet verè & intrinsicè homo non sit. Creatura si ens non esset, nec Dei effectus, nec imago, nec signum esset, sed nihil: ratio ergo intrinseca entis non est forma analogizans, sed fundamentum, sine quo analogia Attributionis esse non posset: sicut nec colores aut pictura sunt imago, sed fundamentum imaginis.

*Observa.* Hanc primam conditionem etiam analogis Proportionalitatis Metaphoricæ, quæ parum distant à analogis proportionis, competere.

*Secunda* conditio analogiæ Attributionis est, quod ratio per nomen analogum significata sit una numero, nec realiter in analogis multiplicetur. sicut ratio univoca animalis realiter in equo & homine mul-

multiplicatur: forma verò sanitatis denominans corpus & medicinam est una in corpore, nec in medicina, herbis, aliisque multiplicatur, licet multiplicentur fundamenta, & rationes denominandi; nam alia est ratio cur herbæ, alia cur color sana dicantur. Hæc conditio sequitur ex prima; si enim forma analogizans est in uno tantum, ergo est una, ergo non multiplicatur. Vide S. Th. 1. 2. q. 20. a. 3. ad 3.

*Tertia* Conditio est, quod in hac analogia Attributionis primum analogatum ponitur in definitione cæterorum; si enim definias medicinam aut colorem, in quantum sunt sana, dices, esse artem, aut signum sanitatis, & ideo sublatâ corporis sanitate, nec medicina nec color nomen sani, aut analogiam retinerent. Vide S. Thom. 1. p. q. 13. a. 6. hinc natum apud Logicos axioma: *Analogia absolute pronuntiata pro famosiori significato supponere.*

*Quarta* conditio est, ut analogia Attributionis unum conceptum objectivum, seu unam rationem formalem non habeant, qua cognosci per modum unius possit, sicut potest ratio animalis.

*Ratio est 1.* Quia sanitas animalis, & medicinæ non est una in utroque, sicut animal in bruto & homine, ergo abstrahit ab utroque & de utroque prædicari eodem modo non potest, de uno enim necessariò prædicatur intrinsicè & de altero extrinsicè, si non de utroque, & eodem modo, hoc est, intrinsicè esset prædicabilis, jam non esset analogia per attributionem, sed per proportionalitatem vel univocè: & licet sanitas medicinæ sit aliquo modo una, hoc est, ordine, ipse tamen ordo est alius & alius: aliter enim se habet medicina ad sanitatem corporis, aliter ista ad medicinam, non ergo possunt concipi analogia, nisi ut alia & alia, ergo ut multa.

2. Analogia tam Attributionis quàm Proportionalitatis essentialiter, ut supradictum, consistunt in mutuis proportionibus; sed proportio non resultat ex ratione aliqua una communique, sed ex rationibus specificis & differentialibus, quæ sunt multæ; ergo nec analogia. *Minor probatur*, si enim numeros v. g. 4. & 6. sub ratione communi consideres, ut sunt videlicet numeri, nulla in illis est proportio, sed mera æqualitas & univocatio; uterque enim æquè est numerus; sed tota analogia

analogia & proportio *sesquialtera* quæ in illis est, oritur ex specifica illorum differentia; numerus enim senarius, non ut præcisè est numerus, sed ut est senarius, semel quaternionem, ejusque dimidium continet; nam si senarius non esset, sed quaternarius v. g. jam non haberet eandem proportionem sesquialteram ad 4. Sicut ergo in numeris proportio essentialiter ex multis oritur, in multis est, & sine multis concipi non potest, ita nec in rebus analogia: proportio enim medicinæ ad sanitatem corporis, & prati ridenti ad risum hominis, non fundatur in aliqua ratione, quæ medicinæ & corpori, prati & homini sit communis (sic enim non proportio & analogia, sed omni-modæ æqualitas, & univocatio esset) sed in differentiis particularibus, quæ solæ fundant inæqualitatem, & ut tales non sunt unum, sed multa.

*Quinta* Conditio, quæ ex quarta deducitur, est, ut *analogia proportionis, seu attributionis assimiletur numeris inæqualibus*, qui quamvis sint inæquales primòque diversi, in quantum dicunt proportionem, unus tamen eorum dependet & mensuratur ab alio; quatuor enim semel sumpta & media ex parte repetita faciunt 6. ita nomen analogum significat diversa in quantum diversa, unum primariò & distinctè, aliud secundariò & confuse, cum aliqua tamen dependentia & habitudine mutua.

*Sexta* Conditio, *Analogæ Attributionis & Proportionalitatis Metaphorice non possunt esse medium Demonstrationis.*

*Ratio est*, Quia medium debet æqualiter extremis applicari; & si non æqualiter, sed secundum diversa applicetur, oritur fallacia amphibologiæ: sed analogum Attributionis non potest æqualiter omnibus analogatis applicari, cum significet diversa ut sic, &c. ergo.

X. *Quæritur* 8. An detur vera analogia proportionalitatis propriæ?

*Resp.* Præter Analogiam Attributionis & Proportionalitatis Metaphoricæ datur etiam vera analogia Proportionalitatis propriæ. Negat hanc cum RR. Suar. in *Metaph. d. 28. & 32.* sed asserit S. Th. 2. de verit. a. 11. & 1. Eth. l. 7. & in 1. d. 19. q. 5. a. 2. ad 1. & q. 7. de pot. n. 7. Arist. 12. *Metaph.* ubi S. Th. loc. 4.

*Ratio*

*Ratio est* 1. Ex auctoritate S. Thomæ & Aristotelis locis allegatis; malumus enim istos duces quàm alios sequi, qui nec tantum habent auctoritatis, nec tantum ingenij, doctrinæque; nec rationem aliquam afferunt, quæ intellectum trahat, multò minùs quæ convincat, ut patebit.

2. Quia analogia proportionalitatis in rebus & vocibus deducta est ab analogia proportionalitatis in numeris, alijsquè quantitativis: sed in numeris omninò æqualibus, & quorum unus intrinsecè tantus est, quantus alter, datur proportionalitas; ergo etiam in vocibus, & rebus æqualiter & intrinsecè rationem analogam participantibus. *Major* est certa & ipsum nomen analogiæ ostendit; quod idem est ac proportio, hæc verò est propria quantitatis, nec minor est convenientia & habitudo rei ad rem, quàm numeri ad numerum, soni ad sonum, magnitudinis ad magnitudinem. *Minor* æquè est certa ex Eucl. l. 5. *Elementor* S. Th. l. 5. *Metaph.* l. 17. ubi proportionem dividunt in eam, quæ est æqualitatis, & inæqualitatis, & ita inter 2. & 2. palmum & palmum, proportionem agnoscunt; uterque enim numerus bis unitatem includit, uterque est par, uterque palmus eandem habet extensionem, tantumdem loci occupat, &c. Eodem igitur modo licet ratio *principij* æquè & intrinsecè in fundamento, & corde reperiat, quia tamen non eodem omnino modo principiant, non sunt univoca: nec penitus diverso modo, & ideo nec æquivoca, sed cum aliqua proportionalitate, erunt analogæ proportionalitatis, ut magis paulò pòst explicabitur.

3. Non repugnat dari naturam aliquam, quæ pluribus infir, nec tamen æqualiter omnibus communicetur, sed uni perfectiùs alteri minùs perfectè, ita ut hic excessus non se teneat ex parte solius differentię, aut subiecti, sed ex parte ipsius formę communicatę, ut exemplum est in anima rationali, quæ secundum aliquos non est in omnibus æqualis perfectionis: si ergo nomen aliquod detur, quo ea forma eiusque inæqualis participatio significetur, quid deerit analogiæ intrinsecę & proprię proportionalitatis? & quid hic repugantię? Sic in sententia Thomistarum Ens est analogum proportionalitatis respectu Dei & creaturę; nam & creatura, & Deus sunt Ens, hoc



tamen non competit Deo & creaturæ æqualiter, sed tantum proportionaliter, quia ens *ut sic* dicit totam plenitudinem essendi, ergo *ut sic* dicit aliquam perfectionem & inæqualitatem, non quidem Deo sed creaturæ repugnantem. Idem dicas de principio respectu cordis & fundamenti. Quodsi neges, *principium & ens* talia nomina esse, quæ hanc proportionalitatem & inæqualitatem exprimant, lis tantum de nomine erit, re salvâ; cur ergo nominis tantum causâ à D. Thoma & Aristotele discedas? tantû hæc victoria non est.

*Nec Obscur. 1.* In hoc nomine *principij* aut *entis* nullam apparere differentiam, aut inæqualitatem, quæ enim illa est? Sed tota inæqualitas nascitur ex differentiis *creati & increati: cordis & fundamenti*; ergo principium, & ens *ut sic* non dicunt veram analogiam, sed meram univocationem. Idem dici posset de omnibus alijs analogis proportionalitatis, siqua afferrentur; sed nulla alia afferri possunt; non datur ergo analogia Proportionalitatis.

æ. Etiam nomine *canis* aut *risus* absolute prolatis nullam differentiam, aut diversitatem explicari, cum tamen certum sit, unum esse æquivocum, aliud analogum; sufficit ergo tam ad æquivoca quam ad analogia talia esse, ut eorum nomine nulla ratio aut forma significetur, quæ omnibus analogatis æqualiter applicetur, sed semper cum aliqua diversitate, & proportionem, quæ non tantum ex parte subjecti, & analogati, sed ex ipsa forma inæqualiter communicabili oriatur.

*Explic. 1.* Gradus animalis æqualiter, & sine omni excessu perfectionis homini & bruto communicatur; in ijs enim, quæ sunt animalis, spectantque ad vitam sensitivam, eodem modo homo, & brutum est animal, & sensibus utitur, & siquæ est diversitas, major minorque perfectio, ea non à gradu animalis provenit, nec in operationibus sensitivis exercetur, sed rationalibus; ab his ergo non ab illis tota differentia. Aliud est in ente & in principio: ens enim *ut ens* dicit perfectionem, & plenitudinem essendi soli Deo, non creaturis communicabilem; ergo ens, *ut ens*, dicit inæqualem communicabilitatem

*Rursus*



*Rursus*, imperfectio creaturæ etiam in *ratione entis* exercetur; nam etiam in *ratione entis* est dependens, limitata, ad nihil reducibilis, &c. Sic etiam *fundamentum* & *cor* in ratione principij, & principiandi differunt, & non tantum in ratione carnis, figuræ, coloris, effectuum, &c. *fundamentum* enim domum principiat eam sustentando, non influendo, *cor* influendo, non sustentando, &c. & ita in ipso principio est quædam difformis uniformitas, & proportio inæqualitatis, adeoque radix analogiæ.

*Non obstat* 2. Admissâ analogiâ Proportionalitatis omnia univoca analogari, possum enim dicere: Sicut equus se habet ad gradum animalis, ita & homo: Sicut lapis se habet ad suum esse, ita & homo, ergo *esse* & *animal* erunt termini analogi respectu hominis & equi, quod est absurdum.

2. *Negando consequentiam*, quia terminus univocus non solum dicit proportionalitatem cum univocatis, sed omnimodam convenientiam & æqualitatem, adeo, ut quantum est ex parte animalis v. g. nulla inæqualitas, aut difformitas appareat, & ideo animali etiam contracto ad hominem tota diversitas est in *rationinari*, non in *sentire*, secus in analogis, ut ostensum.

XI. *Queritur* 9. Quæ conditiones requirantur ad analogiam proportionalitatis?

*Resp.* Conditiones Proportionalitatis propriæ sunt:

*Primò*, ut *ratio significata nomine Analogia proportionalitatis propria* intrinsecè reperiatur in omnibus analogatis, non quidem omnino eadem, ut in univocis, nec omnino diversa, ut in æquivocis, sed partim diversa, partim eadem proportionaliter, sicut 4. & 8. sunt numeri primò diversi, sed proportionaliter similes.

*Secundò*. In *Analogia Proportionalitatis propria* secunda analogata non definiuntur per primum, sicut in *analogia Attributionis & Proportionis Metaphorica*. S. Th. de verit. q. 2. a. 11. ad 7. & 1. p. q. 13. a. 6. Sic *cor* non definitur per *fundamentum*, nec intellectus per *oculum*: & *ratio* est, quia licet proportio unius ad aliud debeat per aliud definiri, sicut simile per suum terminum, res tamen ipsæ proportionatæ à se mutuò non dependent, ita nec per se mutuò definiuntur.

*Dices*: Accidens definitur, quòd sit *entis ens*, hoc est, substantiæ: creatura quòd sit ens à Deo productum: sed ex sententia Thomistarum ens est analogum ad Deum & creaturam, ad substantiam & accidens analogiâ proportionalitatis, ergo, &c.

*Re.* Id fieri non quia analogia proportionalitatis propriæ, sed quia analogia Attributionis.

*Tertiò.* In analogis proportionalitatis propriæ non habet locum axiomæ Logicum: Analogum stat pro famosiore: quia omnia analogata quoad proportionem æqualia sunt; tam enim fundamentum, v. g. suo modo principiat quàm cor suo modo; cur ergo principium cor potius quàm fundamentum significet?

*Quartiò.* Analogum proportionalitatis propriæ potest esse medium Demonstrationis, quia verè, intrinsecè, & necessariò de extremis prædicari potest; verè enim & intrinsecè cor est principium, sed non verè & propriè medicina est sana; nec potest dari definitio sanitatis corpori & medicinæ communis, sicut potest dari definitio principij cordi æquè ac fundamento communis.

*Quintiò.* Licet dari possit conceptus communis in analogis proportionalitatis propriæ, is tamen intrinsecè dicit diversam applicabilitatem ad analogata servatâ proportionem, & hoc modo differt ab univocis: principium enim alio modo applicatur fundamento, alio cordi; in utroque tamen servat proportionem: animal verò eodem modo homini, eodem bruto.

*Sextiò* denique, Analogia Attributionis dicunt dependentiam & subordinationem ad primum analogatum, à quo in suo esse dependent, & à quo, ut supradictum, in omni causarum genere dependent, sublata enim sanitate hominis, nec medicina, nec color, nec cibus sana dici possunt. In analogis proportionalitatis propriæ hæc dependentia non reperitur, nisi alia analogia aut ratio dependendi subsit; esto enim nullum cor, aut nullus fons possibilis esset, adhuc fundamentum erit, & dicetur principium domus, non erit tamen analogum, nec dicit proportionem ad cor & fontem. Sic quaternarius numerus dicit proportionem ad octo, & tamen sublato numero octonario non ideo quaternarius aufertur, licet ipsa

ipsa proportio cesset ; *Ratio est*, quia analogia proportionalitatis ut sic non dependet à primo analogato in esse, sed tantum in proportionari, ut patet in numero quaternario respectu octonarii, à quo ille non accipit esse, sed tantum *proportionem*. Hæcenus de Natura, Speciebus, Conditionibus, & Proprietatibus Analogiæ, nunc de eius causis.

XII. *Quæritur 10.* Utrum transcendentia entis impediatur ejus univocationem, & inducat analogiam ?

*Re. Affirmative*, contra RR. cum S. Th. 3. *Metaphys. lect. 8. & in 1. d. 19. q. 5. a. 3.*

*Nota:* Transcendentia est duplex, *re & ratione* : illud realiter transcendit, quod cum alio realiter identificatur, v. g. animal transcendit rationale. Transcendit ratione, sine quo aliud ne concipi quidem potest, sic ens omnes differentias transcendit.

*Ratio Conclusionis nostra est 1.* Quia ens transcendens dicit essentialiter aptitudinem & exigentiam, ut cum differentiis identificetur & intumescit in illis imbibatur, adeò, ut de illis etiam in abstracto prædicari possit ; dico enim, rationalitas est ens, animalitas est ens, &c. ergo essentialiter, & quoad exigentiam est aliud & aliud, cum proportionem tamen ; ergo est analogum, quia sic est unum, ut tamen non solum aptitudine sit aliud & aliud, sed etiam exigentiâ, & hunc radicalem & connaturalem entis in suas differentias illapsam, & velut transformabilitatem tunc maxime advertimus, cum rationem entis applicamus differentiis, quibus continuò ens miscetur, in easque transit : hæc ergo transcendentia causat analogiam ; ens enim transcendens & est *unum* unitate proportionis, quia dicit esse in quo omnia conveniunt, potestque unâ definitione comprehendere, quo modo ab æquivocis distinguitur : & est *diversum* sive aliud ; hoc ipso enim, quod est transcendens, dicit essentialem ordinem & exigentiam, ut aliter se habeat in homine v. g. aliter in bruto ; aliter in accidente, aliter in substantia, &c. qui respectus & diversa entis applicabilitas distinguit analogam ab univocam ; hæc enim eodem modo respiciunt inferiora, eodem modo illis applicantur : animal enim idem est in bruto, idem in

X ;

homi-

homine, nec plura bruto prædicata, aut perfectiones, quàm homini tribuit, aut econtrà: at verò ens non est idem in utroque, nec æquè applicatur; homini enim dat esse rationalis, non bruto; & illud esse est formalissimè ens; hæc ergo inæqualis applicabilitas entis cum certa proportionè in omnibus differentiis reddit ens analogum, hoc est, ut ostendi, illud ab *equivocis* & *univocis* distinguit.

XIII. *Dices* 1. In ente ut sic nulla diversitas, aut inæqualitas apparet, ergo nec analogia.

*R.* 1. Analogia definiri, quæ partim sunt eadem, partim diversa, non quæ *apparent*; multa enim sunt quæ non apparent: stellæ moventur, nec apparent; magnæ sunt, nec apparent: influunt, nec apparent, nisi Mathematicæ peritis; esto igitur analogia tibi non appareat, malè inferes, Ergo non est; crede potius doctioribus eam non videntibus, & decantantibus, D. Thomæ & Aristoteli.

*R.* 2. Eum qui videt ens transcendere differentias (quis autem non videt?) necessariò etiam analogiam videre: est enim idem transcendere, & dicere inæqualem applicabilitatem ut dictum est. Non ergo nobis quæstio est, quid tibi de analogia videatur, sed quid naturæ, & hanc habemus.

*Dices* 2. Diversa illa applicabilitas, & inæqualitas entis non provenit ab ente *ut sic*, sed à differentiis enti, ergo non causat analogiam entis *ut sic*: *consequentia* est clara, *Antecedens probatur*: Ens *ut sic* dicit tantum esse, & hoc æqualiter habet brutum & homo, Deus & creatura: quòd verò Deus perfectior sit creaturâ, homo bruto, non est quia Deus est ens, sed quia Deus est: nec homo perfectior bruto quia ens, sed quia homo; tota ergo inæqualitas & excessus à differentiis est, non ab ente.

*R.* Ens *ut sic* est transcendens, ergo *ut sic* est aliter accidenti, aliter substantiæ communicabile (substantiæ enim communicatur secundum gradum perfectitatis, qui est ens, cum non sit nihil) ergo *ut sic* jam dicit *aleitatem* & inæqualitatem.

*Rursus* ens *ut sic* dicit conditionem aliquam æquivocis & univocis repugnantem, ergo *ut sic* est analogum: *antecedens* de æqui-

æquivocis patet, de univocis *probat*ur, tum quia dicit diversam, & inæqualem applicabilitatem, quam univoca non dicunt: tum quia contrahitur, &, ut ita dicam, differentiatur per ens (omnes enim differentiæ sunt ens, quia sunt aliquid) animal verò quod est univocum, non differentiatur aut contrahitur per aliud animal: tum *denique* quia univoca cum suis differentiis faciunt compositionem metaphysicam, ens non facit; compositum enim dicit duas partes, quarum una alia non est; sed omnis differentia est ens, ergo differentia & ens non sunt duæ partes, quarum una non sit alia: patet ergo in ente *ut sic* & transcendente semper inveniri aliquas condiciones, quæ impediunt univocationem & afferunt analogiam. Et hoc maxime patet, si ens comparetur ad Deum & creaturam; ens enim *ut sic* semper dicit aliquam differentiam, & inæqualitatem analogizantem, hoc est, plenitudinem essendi, quæ creaturæ repugnat.

*Dices* 3. Si transcendentia impedit univocationem, ergo jam nullum genus erit univocum, nam ratio generica imbibitur in omnibus differentiis: sicut enim ens quia transcendit, petit aliter, & aliter substantiæ, & accidenti communicari, hoc est, plures gradus entis in unum quàm alium derivare, & ideo est analogum; ita etiam substantia petit inæqualiter, in lapidem, & equum descendere, pluresque gradus substantiæ equo quàm lapidi communicat, videlicet gradus vegetativi, sensitivi, hincibilis, &c. quæ omnes sunt differentiæ substantiales & in prædicamento substantiæ ponuntur, ergo hæc transcendentia, aut in ente non causat analogiam, aut etiam in alijs generibus.

æ. Differentias substantiales merito poni in prædicamento substantiæ, quia verè & realiter sunt substantiæ; irrationale enim realiter animali, sensitivo, substantiæ, &c. identificatur; formaliter tamen inferior differentia superiorem non includit ex communi sententia, quia qui concipit equum, non concipit *personatam* substantiæ, sed *hincibilitatem*: si enim possum concipere animal non concipiendo brutum aut hominem, quamvis nullum animal sit, quod nec homo, nec brutum sit, quare non possum equum concipere non concepto

cepto gradu substantiæ, quamvis nullus sit equus, qui non sit substantia? præsertim quia concipio equum in ordine ad effectum hinniendi, qui distinctus est ab effectu perseverantis.

*Aliud est in ente, quod non realiter tantum, sed etiam formaliter transcendit differentias, adeò ut nulla sine ente concipi possit nec pronuntiari: cum enim dicis, rationale est substantia; dicendo est dicis ens; malè ergo à transcendentia reali argumentaris ad formalem.*

XIV. *Queritur II. Utrum etiam dependentia causet analogiam?*

*Resp.* Dependentia per nomen analogum significata causet analogiam; secus si non significetur. v. g. sanitas medicinæ, ut sanitas, dependet à sanitate corporis etiam ut tali, ergo sanitas est terminus analogus. Econtrà tam intellectus quàm voluntas sunt qualitates, & voluntas in operando ab intellectu pendet; non ideo tamen qualitas est analogum respectu intellectus & voluntatis, quia voluntas ut qualitas non pendet ab intellectu, ut qualitas est, sed ut bonum voluntati proponit. Sic etiam ens absolute prolatum dicit totum esse, sicut mare totum mare, & non tantum guttam aut sinum maris, ergo etiam dicit *Aseitatem*, non verò dicit hujus carentiam; (carentia enim aseitatis est privatio entis, quam ens non dicit, sicut nec ignis dicit carentiam ignis, nec aqua carentiam aquæ, nec lux carentiam lucis) ergo ens ut sic magis est applicabile Deo quàm creaturæ, & ideo proprium nomen Dei dicitur; ergo dicit aliquam inæqualitatem & independentiam Deo non creaturæ convenientem, ergo non est univocum sed analogum.

*Dices*, imò erit æquivocum: si enim dicit aseitatem, hæc tam non potest creaturæ convenire, quàm non potest rationalitas bruto: ergo sicut ens increatum dici non potest univocè de Deo & homine, ita nec ens, si hoc dicit aseitatem.

*R.* Ens dicere aseitatem non quidem explicitè (aliàs quæ diceret ens diceret Deum) sed implicitè. Sicut cum à longè rhedam video sex equis tractam, & rhedam & equos video, sed confusè ob debilitatem actus & imperfectionem specierum. Et  
in

In visione beatifica alij alijs magis Deum vident, non quòd plus, sed quòd clariùs videant. Dicitur ergo ens analogum, quia partim est *idem* unitate confusionis omnes differentias entis includente (Aleitatem tamen magis, quàm hujus carentiam; hanc enim non dicit nisi per accidens, ut conjunctam & intrinsecam alicui perfectioni creatæ) omnesque dependentias; partim *diversum*, quia explicitè consideratum est radix & principium omnis diversitatis, quidquid enim aliud diversificat, est ens, & si non esset ens, esset nihil, ergo nec diversificaret; cum ergo tota ratio diversificandi sit ab ente explicitè concepto, parer quomodo ens partim sit *idem* partim *diversum*: & quomodo dependentia aut independentia ab ente descendens causet analogiam, non æquivocationem.

Cæterum hæc dicta sint, datâ hypothesi, quòd ens sit transcendens & analogum; nolumus enim hic quidquam definire, sed hoc supposito ostendere, quomodo analogia ex transcendentia & dependentia oriatur. De entis verò analogia in Metaphysica dicitur, cujus modò limites non invadimus. Nunc ad reliquas termini divisiones.

XV. Celebris etiam est divisio termini in *Concretum* & *Abstractum*, *Absolutum* & *Connotativum*. *Concretus* est, qui significat per modum compositi, etiam si res ipsa significata composita non sit, sed simplex, v. g. *album, Deus*: qui termini in istos resolvuntur: *res habens albedinem*: *res habens Deitatem*, &c.

*Terminus Abstractus*, qui significat per modum formæ absque materia, quamvis aliàs res ipsa composita sit, v. g. *albedo, humanitas*, &c.

*Notandum* 1. Circa hanc divisionem, Concreta accidentium principaliter ac fermè unicè solam formam significare, v. g. *album* significat non subjectum, sed formam albedinis, subjectum verò tantum insinuat, & connotat, hoc ipso quòd ex modo significandi formam exprimat per modum adjacentis, non per se stantis. Ita Aristot. *cap. de subst.* S. Thom. *scrpè 7. Metaph. lect. 1.* & in *1. d. 12. q. 1. a. 2.* & in *1. p. q. 3. a. 3.* & ratio est, tum quia significare est rem intellectui proponere, ergo id principaliter, & magis significatur, quod magis proponitur, sed



hoc nomine *album* magis proponitur forma albedinis, quia hæc sola distinctè apprehenditur, subiecto ignoto & latente: *sum* quia aliàs concreta accidentium essent entia per accidens & indefinibilia, nec in prædicamenti ponerentur contra omnium sententiam: *sum* quia *album* simpliciter aliud significat quam *nigrum*, & qui utrumque terminum audit, omnino diversos conceptus format: sed subiectum læpè est idem, ergo non subiectum sed forma significatur: *sum* quia cùm dico: *Omne dulce est sensibile, omne lucidum est visibile, omne album est qualitas*, hæc propositiones de sola forma verificantur, ergo solam formam significant, connotando tamen subiectum. Concreta accidentalia etiam connotativa vocantur. Abstracta verò significant formam quasi per se stantem, non quia est, sed quia intelligitur non intellecto subiecto; potest enim intellectus conjuncta separare cognoscendo unum sine alio. Vide S. Thom. *Opus.* 4. c. 19. Idem ferè dicendum videtur de concretis substantialibus & artefactis: *homo* enim formaliter significat humanam naturam, implicite & connotative suppositum, & ideo in rigore hæc propositio est falsa: *Deus assumpsit hominem*. Statua formaliter & principaliter significat formam artificialem statuae, connotando tamen materiam illi formæ idoneam.

*Notandum* 2. Abstracta esse talia per seipsa, Concreta verò talia sunt per Abstracta. Vide S. Thom. *Opus.* 69. *Lect.* 2. albedo enim ut sit talis, non habet à subiecto, sed subiectum ut sit album, habet ab albedine.

*Rursus*: Abstractum dicit formam puram, alijsque qualitatibus impermixtam, albedo enim solam albedinem significat; Concretum verò non excludit alias formas accidentales, aut substantiales; album enim v. g. dicit albedinem connotando hujus unionem cum subiecto, ergo non excludit alias qualitates, aut formas subiecti, & maxime quæ illi unioni sunt necessariae, & ita possum quidem dicere; *album est quantum, album est dulce*, sed non *albedo est quantitas, albedo est dulcedo, &c.* albedo enim significat tantum, id quo aliquid est album; sed solâ albedine summa talis. Tandem Abstracta ex modo significandi sumuntur ut partes, concreta ut totum; album enim significat rem, quæ habet  
albo-

albedinem, hanc principaliter, & ex parte rei significatz, illam connotativè, & impliciter ex modo significandi. Vide S. Th. 1. p. q. 3. a. 3. & 3. p. q. 2. a. 2. quo fit, ut abstracta de concretis prædicari non possint, quia pars non prædicatur de toto, cum non sit totum.

*Terminus Absolutus est*, qui significat per modum per se stantis, etiamsi à parte rei adiaceat subiecto; nec enim modus existendi attenditur, sed significandi: tales termini sunt v. g. *albedo*, *homo*, *nihil*, *cacitas*. *Terminus verò Connotativus seu adjectivus* significat per modum adjacentis, sive à parte rei adiaceat, sive non, v. g. *justus*, *humanus*, &c.

XVI. Dividitur etiam terminus in *Denominantem & Denominativum*. Denominativa sunt, qua ab aliquo nominis appellationem accipiunt, ita tamen ut differant casu. Aristot. L. 1. Categor. v. g. *albus* ab albedine, *visus* à visione; &c. Sunt verò Denominativa alia voce tantum, ut *Roma* à *Romulo*; alia re non voce, ut *studiosus* à virtute: alia re & voce, sed non terminatione, ut *Musica mulier* à *Musica arte*: alia denique re, & terminatione, ut *albus* ab albedine, & hæc sunt proprie Denominativa.

*Notandum 1.* Licet forma denominans sit accidens respectu subiecti denominati, est tamen pars essentialis totius concreti & termini denominativi: album enim est concretum & compositum, sed compositum dicit partes suas essentielles.

*Notandum 2.* Quando in rerum natura datur nova denominatio, signum evidens est, factam esse in rerum natura aliquam novam mutationem, à qua nova illa denominatio oriatur, alioquin idem manens idem semper facit idem: & hoc etiam in divinis verum est, mutatione aliquà non quidem in Deo, sed in natura resultante: sicut enim mutato situ mutantur colores, qui à luce sunt (ut patet in plumis columbar, & angulis vitri) nulla facta lucis, aut solis mutatione, & hoc ideo, quia lux virtualiter, & eminenter est color, & ideo mutato tantum subiecto ipsa varios effectus & denominationes tribuit; ita in Deo, qui eminenter est omnia.

XVII. *Notandum 3.* Falsam esse opinionem aliquorum existimantium omnem denominationem extrinsecam esse ens ratio-

nis, v. g. video parietem; ab hac mea visione paries dicitur & denominatur extrinsecè visus, dicunt hanc denominationem visi nasci non posse, nisi aliquis fingat, visionem esse formam parieti inhzrentem. Ita Fonseca §. *Metaph. 6. 7.* sed malè, *tum* quia nemo id credit, cujus contrarium certò novit, & credit: sed nullus est, Philosophorum saltem, qui non certò noverit formam visi esse parieti extrinsecam, ergo nemo credit esse intrinsecam; si non credit, cui ergo fingit? sibi? at nemo seipsum decipit, alijs? ergo impostor est, qui dicit, & docet quod non credit. *Dices*, phantasiz id apparete, intellectu etiam invito, ut cum stellæ videnti sine motu apparent, cum tamen intellectus moveri sciat.

¶. 1. Ens rationis in phantasia non esse. 2. Potiùs denominationem fieri debere ab intellectu & veritate, quàm phantasia & errore: Sicut ergo phantasia non denominat stellas immotas, quia decipitur, ita nec visum dicet esse formam intrinsecam parieti, & ens rationis, quia decipitur: *tum* quia etiam à leone, aut urso dicitur homo esse visus, esto ipse homo solus sit, & dormiat; quis tunc homine dormiente ens rationis confecit? nam in bestias non cadit. *Tum denique* quia eadem visione, quâ homo videt, seclusâ omni fictione vel aliquid videtur, vel nihil videtur? Si nihil videtur, ergo homo videt, & nihil videt; idem enim est nihil videre, & nihil videri; sicut idem est nihil me comedere, & nihil à me comedi. Si eadem visione quâ videt, aliquid videtur, ergo seclusâ omni fictione datur denominatio visi, & quidquid huic superadditur, planè vanum est & superfluum, cum sine omni fictione totum habeamus, quod necessarium est, ut ego videam parietem, & paries à me videatur. Vide Suar, *disp. ult. Metaph. sect. 2. & d. 6. sect. 17.*





§. II.

De Proprietatibus Terminorum.

Summaria.

1. Octo terminorum proprietates assignantur, quarum Primus Suppositio. Declaratur ejus natura.
2. Et divisio.
3. Quanam sint regula Suppositionem distributivam ab alijs discernendi?
4. De Statu & reliquis terminorum passionibus.
5. Status & Ampliationis,
6. Alienationis & Appellationis regula exponuntur.



Terminorum proprietates sunt octo : Suppositio, Status, Ampliatio, Restrictio, Alienatio, Diminutio, Distractio, & Appellatio.

Suppositio varia significat : hic accipitur pro acceptione seu usu terminorum vocalium, quibus utimur ad aliquid cognoscendum, vel differendum.

I. Quæritur 1. Quid sit Suppositio? Resp. Bene definitur Suppositio, quod sit usus termini in oratione pro se, vel pro suo significato. Circa hanc definitionem

Y 3

Not-

*Notandum 1.* Cum non possimus res ipsas in disputationem adducere, illis supponimus, hoc est, substituimus voces, quæ proinde melius dicuntur supponi pro aliquo, quam supponere.

*Notandum 2.* Eandem vocem posse multas habere suppositiones, & ex varietate suppositionum dubia & æquivocationes nasci, nisi distinguantur, multitudo enim cum similitudini jungitur, facile decipit: v. g. cum dico: *Petrus est animal*, prædicatum supponi potest pro omni animali, & pro aliqua specietantum animalis, in hac suppositione illa propositio est vera, secus in alia.

*Notandum 3.* Aliud esse significationem, aliud suppositionem. S. Thom. q. 9. de potent. a. 4. & in 3. sent. d. 6. q. 1. a. 3. suppositio enim restringit, limitatque significationem ad unum, v. g. *homo* absolute significat naturam humanam omnesque homines; sed cum dico, *homo est albus*, supponit pro determinato homine. Si dico: *Antichristus fuit malus*, vox Antichristi significat certum hominem, & tamen est propositio de subiecto non supponente, quia nullus est talis homo, cui intellectus eam qualitatem, & prædicatum mali possit applicare.

*Notandum 4.* Etiam in propositionibus falsis dari suppositionem; cum enim dico: *homo est lapis*, si homo non supponit nec pro humana natura, nec homine aliquo in particulari, ergo non est falsa propositio, eum non possis dicere respectu cuius sit falsa.

*Notandum 5.* Propriè loquendo extra propositionem terminos significare quidem, sed non supponere, suppositio enim, ut dixi, est limitatio significationis, sed hæc vox *homo* v. g. extra propositionem non habet unde limitetur, nec potes dicere, humanam naturam potius an hominem in particulari designet; & in hac; *Plato Philosophus*, potest esse suppositio materialis aut formalis, utra vera sit non apparet, nisi propositio fiat & copula accedat.

II. *Quæritur 2.* Quotuplex sit Suppositio? *Resp. 1.* Suppositio alia est *propria*, alia *impropria*. Propria est acceptio termini pro re, quam propriè significat, v. g. *leo rugit*. Impropria est accep-

acceptio vocis pro re quam improprie significat, v. g. *prata ridens*, ubi ridere item significat, quod florere, non absolute tamen, sed cum proportione & annotatione ad risum: unde sicut in statutis, ædificijs, sonis, &c. ita in vocibus magna ex Metaphoris ob proportionem delectatio; & ideo terminos metaphoricos frequentius Poëta & Rhetor, qui delectando movent, usurpare solent; rariùs verò Philosophus aliæque artes, quæ veritatem querunt.

Re. 2. Suppositio propria alia est *formalis*, alia *materialis*. Materialis est, cum vox aliqua seipsam, & non rem aliam significat, ut in his exemplis: *homo est vox*; *homo est nomen generis masculini*: *vox est sonus*, &c. quamvis in hoc ultimo exemplo, & alijs similibus Suppositio sit mixta, partimque materialis & formalis; significat enim non solum seipsam, sed etiam omnes alias voces. Formalis Suppositio est, cum vox supponit pro re significata. Voces ergo non significativæ supponunt tantum materialiter.

Re. 3. Suppositio formalis, alia est *simplex*, alia *personalis*. Simplex est, quæ rem significat, prout subest secundis intentionibus, v. g. *Petrus est individuum subijcibile*: *Homo est species*: hic Petrus & homo simpliciter supponunt. Intellige per secundas intentiones, non entia rationis Logica, & objectiva, sed denominationes extrinsecas ab intellectu desumptas, ut supra notatum §. 1. n. 5. Personalis est usurpatio vocis pro re, ut à parte rei independenter à secundis intentionibus existit, v. g. *homo est animal*, *Petrus est homo*, *Petrus currit*: in his propositionibus subjectum personaliter supponit. In Suppositione simplici fieri etiam potest descensus, sed sub terminis secundæ intentionis, v. g. *& hoc genus est universale*: *vel hoc animal est species*; *vel hoc &c.* In Suppositione personali fit descensus sub terminis primæ intentionis, v. g. *& Petrus est animal*, *& Paulus est animal*. &c.

Resp. 4. Suppositio Personalis alia est *discreta seu singularis*, cum terminus pro aliquo singulari supponit, v. g. *Petrus currit* *hu homo docet*: alia *communis*, quando nomen commune pro suis inferioribus supponit, & hæc est quadruplex, *Distributiva*, *Co-*  
*pula-*

*pulata, Determinata & Confusa.* Distributiva seu universalis est acceptio termini communis pro suis significatis copulativè seu distributivè sumptis : est verò acceptio distributiva & copulativa ; quæ integras propositiones conjungit ; v. g. *omnis homo est animal* ; homo distributivè supponit, sic enim resolvitur. *Et Petrus est animal & Paulus est animal.* At cùm dico : *Omnia principia sunt tria*, signum illud *omnia* non distribuit, quia non potest repeti prædicatum ad singula inferiora, nec enim possum dicere, *ergo & materia sunt tria, & privatio sunt tria, &c.* Distributiva alia est *Absoluta*, alia *Accommodata* : alia *pro singulis generum*, alia *pro generibus singulorum*.

*Suppositio Copulata* seu *collectiva* est, cùm terminus accipitur pro suis inferioribus copulativè sumptis, ita ut prædicatum ad singula inferiora repeti non possit, v. g. *omnia elementa sunt quatuor.*

*Suppositio Determinata* seu *disjunctiva* est *usus termini communis vel nullo vel particulari signo affecti pro suis inferioribus disjunctivè enumerandis.* Tunc fit disjunctiva enumeratio, cùm particula disjungens singulis propositionibus, & non tantùm singulis, & simplicibus terminis applicari potest, v. g. in hac propositione, *Leo rugit*, sic fit descensus ; *vel hic leo rugit, vel ille leo rugit*, ita ut aliquem in particulari designare possis, qui rugiat ; si enim nullum possis designare in particulari, descensus fiet disjunctim, & particula vel simplices tantùm terminos non integras propositiones efficiet, eritque *Suppositio confusa*, ut in hac : *Aliquis oculus necessarius est ad videndum*, resolutio hoc modo fit : *vel hic, vel hic oculus est necessarius*, sic tamen ut nullum in particulari designare possis, de quo verum sit dicere : *Hic est necessarius, sed vel hic vel ille.*

### III. *Quæritur 3. Quæ sint Regulæ Suppositionum ?*

*Resp.* Regulæ Suppositionis distributivæ sunt istæ.

*Regula prima: Signum universale affirmativum distribuit terminum proximum, cui immediate præfigitur : signum verò universale negativum distribuit omnia, quibus tam proximè quàm remotè, mediatè vel immediatè præponitur.* Nota, signa universalitatis affirmativa esse ista : *Om-*

*nis* .



*nis, Quilibet, Totus, &c.* Negativa: *Nullus, Nemo, Non, Nec, &c.* Mixta sunt: *Contingens, Probabile, Tantum*; hæc enim sic resolvuntur: *Contingit hominem esse album*: hoc est, *potest esse albus, potest non esse albus*: *Probabile est, Turcam victum iri*, hoc est, *potest esse, ut vincatur, potest esse, ut non vincatur*: *Tantum homo est risibilis*, hoc est, *solus homo ridet, & nullum animal præterea*.

*Ratio Regula est*, quia si signum universale affirmativum non distribuit totum subjectum cui præponitur, sequeretur duas contradictorias esse veras, videlicet has: *Omnis homo est animal, aliquis homo non est animal*.

*Rursus*, si tam subjectum, quam prædicatum propositionis negativæ, adeoque tota propositio non sumatur distributivè, iterum verificarentur contradictoriæ, hæc videlicet:

*Nullus homo est lapis, aliquis homo est lapis: Petrus non est doctus, Petrus est doctus*; ut enim sit doctus, sufficit in aliqua arte, vel doctrina doctum esse. Accedit, si negatio *Non* distributivè vel supponit, ergo vel *collectivè*, vel *disjunctivè*, vel *disjunctim*; nihil autem horum. Non *collectivè*, quia alioquin hæc esset vera, *Petrus non est homo*; verum enim est, non esse & hunc & hunc hominem. Non *disjunctivè*, quia iterum illa propositio, *Petrus non est homo*, esset vera; verum enim est non esse aliquem hominem determinatum, v. g. Aristotelem. Non *disjunctim*, quia aliàs hæc propositio, *Petrus non est lapis*, in nullo determinatè lapide verificaretur, cum tamen de omni etiam determinato lapide verissimum sit, Petrum non esse vel hunc vel illum lapidem.

*Ratio autem à priori inter affirmationem, & negationem est*, quia forma positiva excludit quidem omnem oppositam formam, sed non includit omnes formas, & ideo si omnis homo est animal, falsum est quòd aliquis homo non sit animal; non ideo tamen homo est omne animal. Privatio verò dicitur catentiam omnis omnino formæ; cæcitas enim est privatio omnis visionis, tenebræ privatio omnis lucis; qui enim uno tantum oculo non videt, non est cæcus, & qui unam tantum scientiâ non callet, alias verò callet, non est indoctus. Est tamen ad circumstantias adverendum, quæ affirmationem, aut negationem

nem sæpè limitant, ut in istis apparet: *Cælum legit omnia: Omnis animal fuit in arca Noë: Nullus homo sine peccato, &c.*

Notandum præterea, omnem casum obliquum, ad quem terminatur dictio superlativa, vel comparativa aut diversitatem importans, habere Suppositionem distributivam, v. g. *Leo fortissimus bestiarum*, hoc est, *omnium bestiarum*, adamas gemmarum durissimus, id est, *omnium gemmarum*, nec igni, nec ferro cedit. *Vulpes astutior lupo*, id est, *omni lupo*. *Tantum crocodilus superiorem maxillam movet*, cum mandit, hoc est, *omnis crocodilus*: vel potius *omne quod superiorem maxillam movet est crocodilus*. *Milvus differt ab accipitre*, hoc est, *ab omni accipitre*. *Omne metallum*, præter aurum, igni consumitur, hoc est, *nullum aurum, &c.*

Regula 2. Prædicatum propositionis affirmativæ tam universalis quàm particularis supponit *disjunctivè & determinatè*, non verò *disjunctum seu confusè*, est contra Summulistas, Fonseca l. 8. c. 31. Tricu. tr. 2. p. 3.

Ratio est, tum quia in Suppositione confusa nunquam deveniri potest ad unum determinatum inferius: sed potest in hac propositione, *Omnis homo est animal*: possum enim aliquod certum animal assignare quod conveniat homini, videlicet rationale, reliquis omnibus exclusis. Tum quia propositio convertens ut sit vera, non debet plus continere quàm conversâ: sed illa propositio, *Omnis homo est animal*, convertitur per hanc: *aliquod animal est homo*, quæ utique est determinata, & plus continet quàm confusa, signum videlicet determinationis: & regula conversionum habet, ne varietur Suppositio: si ergo convertens est disjunctiva & determinata, ergo & conversâ. Tum denique quia Suppositio, & propositio disjuncta & confusa non est contradictoria negativæ distributivæ (utraque enim est vera: aliquis oculus est necessarius ad videndum: nullus oculus est necessarius ad videndum, si hæc distributivè illa confusè supponat) sed tantum Suppositio determinata. Sed hæc dux propositiones: *Omnis homo est animal*, *Aliquis homo non est animal*, sunt contradictoriæ, ergo non potest animal in prima confusè, in secunda distributivè supponi, hæc siquidem Suppositiones, ut dixi, non causant contradictionem.

Regula

*Regula 3.* Omnis terminus nullo signo affectus, aut signo particulari, supponit determinatè, v. g. *homo disputat, aliquis homo est doctus*, idque in propositione de utroque extremo verum est.

*Limita 1.* tamen, nisi propositio aliqua ex hisce vocibus constet: *desidero, appeto, debeo, polliceor, promitto, necessarium est, &c.* Hæ siquidem voces inducunt confusionem, v. g. *polliceor tibi equum*, hoc est, *vel istum vel illum, &c.* nullum tamen determinatè.

*Limita 2.* In materia naturali, in qua terminus nullo signo affectus supponit distributivè, v. g. *homo est animal*, æquivalent isti: *Omnis homo est animal.*

*Regula 4.* Varia poni solent Suppositionis confusæ indicia & notæ.

*Alij dicunt*, Prædicatum universalis affirmativæ confusè supponi, sed hanc regulam refutavimus suprâ.

*Alij dicunt*, Signis universalibus æquivalere adverbia numeralia *bis, ter, &c.* & ideo si ponantur in enuntiatione, prædicatum confuse supponi, perinde, ac si signo universali affirmativo constaret, v. g. *bis dedi pauperibus obulum*, obulum confuse supponi. Sed hæc regula nititur falso fundamento de prædicato universalis affirmativæ: deinde cum possit determinari aliquis obulus, qui datus est, non erit Suppositio confusa, sed Determinata. *Alij*, in propositionibus de extremo conjuncto ex parte subjecti prædicatum confundi, v. g. *Aristoteles & Plato sunt Philosophi: In Austria & Hungaria venditur vinum.* Sed etiam hic certum vinum determinari potest quod venditur, hoc verò repugnat Suppositioni confusæ, ut mox dicitur.

*Alij*, Subjectum, cui præfigitur exclusiva *solùm, tantùm, &c.* supponi confusè, v. g. *tantùm homo est doctus.* Sed iterum urget, posse in hac propositione deveniri ad aliquem hominem in particulari, qui sit doctus: & si nullus designari posset, ea propositio esset falsa.

*Rursus*: Ea propositio sic convertitur: *Omnis doctus est homo*: Sed prædicatum universalis affirmativæ, ut sæpe dictum, supponit determinatè. Optima ergo regula est, si dicas, eum ter-

minum supponi confusè, qui nullum habet determinatum inferius, imò ne quidem à Deo determinabile, de quo prædicatum verificari determinatè possit, v. g. *aliquis oculus est necessarius ad videndum*, ne Deus quidem determinare potest, dexter ille an sinister sit: & de utroque tam dextro quam sinistro negari potest esse determinatè necessarium: secus est in propositione determinata; si enim vera est hæc: *aliquis homo est doctus: aliquis homo currit*: poterit ad aliquem deveniri, de quo verum sit dicere: *hic homo est doctus, hic homo currit*: aut si nullus designari possit, evadet falsa, tunc enim hæc erit vera: *nullus homo currit*: ergo ejus contradictoria est falsa: *aliquis homo currit*. Notæ verò & signa hujus confusionis sunt ea verba: *Oportet, necessarium, polluceor, opto, debeo, &c.*

*Dices 1.* In hac propositione: *Sol est Mundo necessarius, Anima est necessaria viue*, Suppositio est determinata.

*R.* Esse per accidens determinatam, quia in uno Mundo non sunt plures soles, in uno corpore non plures animæ: & ideo, si Petro dextrum oculum excutias, verum erit dicere: *Sinister oculus est Petro necessarius ad videndum*: & ratio est, quia omnis confusio ex pluralitate oritur, non ex unitate.

*Dices 2.* In hac propositione, *Tantum homo est doctus*, etsi à parte rei ille homo sit determinatus, non tamen ex parte cognoscentis, qui illum determinatè ignorat, ergo hoc sufficit ad Suppositionem confusam, voces enim supponunt præteritis, non ut sunt, sed ut cognoscuntur.

*R. 1.* Si valeat consequentia, tolli ferè omnem Suppositionem determinatam, v. g. *aliquis homo est albus, aliquis homo est Papa, aliquis homo est in pugna mortuus*, sunt omnes determinatæ, etiamsi pronuntians nesciat, nec possit determinare, quis sit ille albus, ille Papa, ille mortuus?

*R. 2.* Sufficit ergo ad suppositionem determinatam, ut scias, aliquem esse determinatum hominem, cui prædicatum *doctus* conveniat, quamvis illum determinare non possis; tunc enim adhuc verum est, voces supponere de rebus prout cognoscuntur: quodsi calu illam propositionem effutias, dicāsque:

*ali-*

*an* quis homo est mortuus, nesciāsque, an verè sit mortuus, non possum ex tua cognitione suppositionem metiri quam nullam habes, sed ex communi loquentium sensu.

*Regula 5.* Quando prædicatum numerum significat, subiectum supponit copulativum, v. g. *omnia elementa sunt* 4. *omnes Apostoli sunt* 12. &c.

*Regula 6.* In propositionibus tam affirmativis quàm negativis non est bona consequentia à sensu distributivo ad collectivum; non enim valent istæ consequentiæ: *possum ferre istum lapidem, & istum, & istum, &c. ergo omnes*: *iste cibus non est ad vitam necessarius, nec iste: nec iste, &c. ergo nullus*: *iste bonus, & iste, & iste jejuniū non frangit, ergo nec omnes collectivè sumpti.*

*Ratio est*, quia omnis consequentia in præmissis continetur, & ex præmissis deducitur: sed sensus collectivus non continetur in distributivo, hoc est, in singulis particularibus: plures enim sunt omnia, quàm singula sigillatim: sicut nec unitas continet decadem; sed bene decas unitatem.

IV. *Quæritur* 4. Quid de reliquis terminorum proprietatibus sentiendum sit?

*Resp.* *Status termini est*, quando sumitur pro uno aut pluribus suppositis solùm existentibus secundùm differentiam temporis adsignificatam per copulam propositionis principalem, v. g. *homo currit*, supponit tantùm pro hominibus præsentibus, non futuris, aut præteritis.

*Ampliatio est* extensio termini ad plures temporis differentias quàm copula significet, v. g. *homo est animal*, tò *homo* supponit pro præsentibus, præteritis, & futuris, *possibilibus, & imaginabilibus.*

*Restrictio est*, per quam amplior termini significatio ad minorem, & strictiorem limitatur, v. g. *homo justus*: tò *justus* limitat hominem, ne pro omni homine intelligi possit.

*Alienatio est*, cùm terminus adjectione de proprio ad improprium significatum traducitur, v. g. *homo marmoreus vanit*: & non valet consequentia de termino alienante ad absolutum, v. g. est *homo marmoreus, ergo est homo.*

*Diminutio* est, cum termini totalis, & absoluta significatio additione ad partem restringitur, v. g. est *homo albus secundum dentes*.

*Appellatio* est applicatio significationis formalis unius termini ad significatum formale vel materiale alterius termini, v. g. *Aristoteles est Philosophus magnus*, tò *Magnus* appellat Philosophum formaliter ut talem, sive Aristotelem non secundum corpus, aut quantitatem, sed secundum scientiam Philosophicam. Si verò dicas: *Aristoteles Philosophus est magnus*, tò *Magnus* appellat super materiale, ut sensus sit, Aristotelem fuisse corpore non Philosophiâ magnum.

V. *Queritur* §. Quæ sint Regulæ Statûs, & Ampliationis?

*Resp.* 1. Regula Statûs est ista. Omne subjectum propositionis affirmativæ, ac præsentis temporis, cujus prædicatum non potest convenire subjecto, nisi suppositâ existentia subjecti, habet statum præsentis temporis, v. g. *omnis homo est albus*, supponit tantum pro existentibus, quia accidens non est, nisi alteri insit. Hæc verò: *homo est animal*, supponit pro præteritis præsentibus & futuris, quia rerum essentia sunt æternæ, nec requirunt existentiam.

2. Regulæ Ampliationis sunt istæ.

*Regula 1.* In propositionibus constantibus copulâ de præterito, subjectum ampliatur ad id, quod est, vel fuit: prædicatum verò ad id tantum quod fuit. v. g. *Petrus fuit albus*, Petrus supponit pro eo qui est, aut qui fuit: aut qui est & fuit; semper enim de illo verificari potest, fuit albus; album tamen verificatur tantum de præterita albedine, nam de præsentis dicendum erit: est albus. Et in hac: *Adamus mortuus est*, hoc est, *Adamus qui olim fuit, & adhuc est*. Et in hac: *Omnis senex fuit puer*, hoc est, *omnis qui est, & qui fuit senex*. Eodem modo si copula sit de futuro, subjectum ampliatur ad futuram, & præsens tempus: prædicatum verò est de futuro tantum, v. g. *Petrus erit doctus*, templum adificabitur, muri corruent, omnes homines morientur, hoc est, *Petrus qui est, & qui erit, aliquando doctus erit: templum quod est & quod erit, adificabitur, &c.* Eodem modo istæ exponendæ sunt: *puer senuit, vir adolescet, &c.*

hoc

hoc est, qui est vel fuit puer senuit; qui est vel erit vir adolescet &c.

*Regula 2.* Terminus inceptionem rei significans ampliat omnes alios terminos ante se & post se ad id quod est & quod erit: significans verò dissolutionem, ad id quod est vel fuit. v. g. *aestas incipit*: motus lapidis incipit; dies oritur; Sol occidit: id est, *aestas* quā modò est & erit, incipit esse & erit seu durabit, &c. Sol qui luet & qui luxit, occidit. Idem est si terminus significet actionem incipiendi vel corrumpendi, prioritatem vel posterioritatem, v. g. *Petrus adspicit basilicam*, destruit domum, &c.

*Regula 3.* Verbum *potest* & *possibile*, quando cadunt supra existere vel proprietates essentiae, ampliant subiectum & prædicatum ad omnes terminos possibiles. Idem dicas de aptitudine, quæ & ipsa est quædam possibilitas, v. g. *homo potest esse albus*. *Petrus est generabilis*, & *corruptibilis*, *Petrus est risibilis* & *intellectivus*, hoc est, homo qui est, & qui esse potest, omnem albedinem quæ est, aut quæ produci potest, recipere valet, &c. Terminus tamen significans actionem non ampliat subiectum, sed intelligitur tantum de præsentibus, v. g. *Petrus currit*. Sic etiam subiecta propositionum negantium ampliantur etiam ad possibilia, v. g. *quidam homo non sedet*; hæc enim propositio de Nerone qui fuit, de Antichristo qui erit, de Joanne qui esse potest, verificatur: & in hoc casu hæc duæ propositiones, *omnis homo sedet* (factâ hypothese, quod sedeant omnes) *aliquis homo non sedet*, non sunt contradictoriæ, quia diversam habent ampliationem; prima enim de existentibus tantum loquitur, secunda de præteritis & futuris.

*Regula 4.* In affirmativis procedendo ab amplo ad non amplum, sive à non restricto ad restrictum, valet consequentia, posita tamen distributione ampli & constantiâ (hoc est, affirmatione existentie) non ampli, v. g. *omnis homo est albus*, ergo *Petrus est albus*, & *Petrus est*. In negativis non est opus constantiâ restricti, v. g. *nullus homo est albus*, ergo *nec Petrus est albus*: nec opus est ut addas, & *Petrus est*, negatio enim formæ non supponit existentiam subiecti sicut affirmatio; quod cum omnino non est, multo magis non est tale.

Rur-



*Rursus.* A non amplo ad amplum in affirmativis valet consequentia, modò anplum sine distributione & sine constantia non ampli accipiat: in negativis verò valet consequentia à non amplo ad amplum sine distributione ampli, & cum constantia non ampli, v. g. *Petrus disputat, ergo homo disputat: Petrus non disputat, & Petrus est, ergo aliquis homo non disputat*; si enim non addas *Petrus est*, posset consequens esse falsum: si enim solus Paulus esset in mundo, & is disputaret (cum quibus verò? secum aut calamo contra mortuorum errores?) verum esset Petrum non disputare, est enim mortuus; falsum verò; *aliquis homo non disputat*; disputaret enim Paulus, qui solus esset in hac hypothefi homo. Cæterum hæc parvi sunt momenti, habentque suas instantias. Illud verum est, nullam esse consequentiam tam in negativis quàm affirmativis à sensu non amplo ad amplum distributum, v. g. *homo disputat, ergo omnis homo disputat: aliquis homo non disputat, ergo nullus homo disputat.*

VI. *Resp. 3.* Regula Alienationis est ista. Terminus alienans ponitur ex parte prædicati; nam si ponatur ex parte subiecti per modum adjectivi, non alienat, sed tantum restringit, nec reddit propositionem impropriam, sed propriam, v. g. *homo pictus est imago.*

*Resp. 4.* Regula Appellationis sunt istæ.

*Regula 1.* Quando subiectum ponitur substantivè, & adjectivum ex parte prædicati, prædicatum stat formaliter, & subiectu materialiter, caditque appellatio in suppositum substantivi, v. g. *Medicus est magnus, album est dulce, hic homo est æternus* (designando Christum) sensus est: Medicus est magnus homo, vel magnum corpus: lac quod est album est dulce: Persona Christi est persona æterna. Vide S. Th. 3. p. q. 16. a. 7. & 9. & ideo hæc est falsa: *Christus est factus*, quia, ut dixi, prædicatum adjectivum aut per modum adjectivi appellat supra suppositum.

*Dices 1.* In hac propositione, *homo est species predicabilis de multis*, appellatio non potest cadere supra certum & incommunicabile suppositum, sed supra naturam in communi.

¶ Nos

8. Nos de prædicatis primæ, non secundæ intentionis locutos esse.

Dices 2. Si prædicatum adjectivum, aut quasi, cadit supra suppositum, hæc propositio non erit falsa, *Essentia divina generat*, quia tò *generat* cadet supra personam, quod verum est.

Re. Illud complexum, *Essentia divina*, non exprimere suppositum, sed tantum naturam, & ideo propositionem esse falsam.

Regula 2. Quando substantivum & adjectivum, vel quasi, ponuntur ex parte ejusdem extremi, appellatio est formalis, caditque supra formale subiecti, v. g. *Petrus est magnus Logicus: magnus Logicus disputat*; sensus est, Petrus ut Logicus est magnus, &c.


Limita 1. Non procedere in terminis disparatis, v. g. *Petrus est niger Logicus*; paret enim non esse nigrum ut Logicus est; quippe Logica non est nigra nec alba.

Limita 2. Non procedere si prædicatum supposito non conveniat; sufficit autem ut supposito ratione aut sui aut formæ adjunctæ conveniat; non valet ergo ista, *Christus est peccator magnus*, quia hæc magnitudo tam respectu Humanitatis quam Divinitatis repugnant: valet verò ista, *Christus est mortuus*, quia supposito divino mors convenit respectu assumptæ humanitatis.

Regula 3. Voces significantes actum animæ tum cognoscendi tum appetendi, appellant formale significatum earum rerum, in quas feruntur, v. g. *cognosco venientem*, *appeto dulce*; hoc est, cognosco venientem, ut veniens est, quamvis eum aliàs non agnoscam: appeto dulcedinem, &c. Si tamen dicas, *venientem agnosco*, hic cognitio videtur super materiale appellare.

Regula 4. Variatâ appellatione non valet consequentia, v. g. *homo est species, ergo & Petrus est species: Christus est mortalis, ergo Deus est mortalis, &c.*





## CAPVT II.

### DE V. PRÆDICABILIBUS.

#### §. I.

### DE PORPHYRIO ET UNIVERSALI SECUNDUM SE.

#### Summaria.

1. Porphyrij ortus, apostasia, & scribendi de s. Prædicabilibus methodus.
2. Acceptio, & definitio Universalis.
3. Non sola voces, sed res ipse sunt, & denominantur universales.
4. Formale Universalis est unitas;
5. & 6. Ejus Definitio, & Divisio.
7. Universale non constituitur per unitatem numericam.
8. Nec per unitatem formalem, reddentem naturam secundum se indifferentem, ut voluit Fonseca.
9. Diluuntur objectiones.
10. Idea Platonica explicantur, & refutantur.
11. Dari à parte rei realem unitatem similitudinis, ostenditur.

12. *Solus Intellectus naturam secundum se sine conditionibus individuuantibus potest concipere;*
13. *Hoc tamen omnibus potentis cognoscitivis non convenit.*
14. *Licet à parte rei natura sit apta inesse multis, multiplicata unitate numerica;*
15. *Non tamè datur à parte rei unitas formalis natura positiva,*
16. *Aut privativa.*
17. *Neque Intellectus facit unitatem, aut aptitudinem ad Universale Philosophicum necessariam, sed supponit à parte rei;*
18. *Univatem quidem similitudinis, & convenientia, aptitudinem verò realem, quâ non repugnat plures naturas valde similes existere.*
19. *Natura Universalis potest conservari in omni Suppositione copulativa, & copulata, disjunctiva, & disjuncta.*
20. *Etiâ tunc, cum ab unico individuo abstrahitur.*
21. *Imò etiam si plura individua repugnent.*



Gimus de terminis, quibus primos nostros conceptus exprimere solemus. Quia verò res ipsas aut secundum eas rationes concipimus, quæ pluribus communes sunt, aut secundum rationes magis, magisque particulares, quibus à se invicem differunt, ideo de utrisque jam agendum, præsertim, cum nihil ferè de rebus Dialecticis, imò Philosophicis sciri ab illis possit, qui Universalia, Genera, Species, &c. ignorant, hoc est, mundi intelligibilis elementa.

I. Egit verò de 5. Prædicabilibus accuratè Porphyrius in Tractatu ad Chrysiorium Patricium Romanum, quem in Sicilia scripsit. Floruit Porphyrius sub finem seculi tertij à Christo nato, natione Judæus, aut, ut alij malunt, Tyrius. Nomen illi Malchus, quod Longius Magister in Porphyrij mutavit, quòd crederet Regi (hoc enim Malchus significat) purpuram deberi. Christianam fidem amplexus est, sed cum eam virijs fœdaret, venere præsertim, & impetu in iras præcipiti, nec Episcoporum oburgationes ferret, quibus ad meliora revocabatur, Gentilium errores amplexus est fide desertâ: hinc pertinax illi in Christianos odium, quos & 15. libris infectatus est, rabie & calumnijs potiùs, quàm argumentis ferox: combusti illi sunt Theodosio jubente. Si huic homini impietatem, & calumniandi impetum demas, negari haud potest, inter tui temporis Philosophos Platonicos principem fuisse, & ideo nec Ecclesia nec sancti Doctores dedignati sunt, quæ benè, utilitèrque scripsit, in suos usus transferre, exarmato videlicet hoste, & spolijs in victricem veritatem collaris. *Philosophi qui vocantur, inquit S. August. l. 2. de doctr. Christi c. 40. Si qua forte vera, & fidei nostra accommodata dixerunt, maxime Platonicæ, non solum formidanda non sunt, sed ab eis tanquam ab injustis possessoribus in usum nostrum venduanda.* Vide quæ in Decreto Gratiani eleganter habentur post c. legimus. & in c. qui de mensa. c. relatum est. d. 17. Observavit Porphyrius in hoc suo Tractatu seu Isagoge methodum elegantem, Naturæ videlicet & doctrinæ.

*Natura* quidem, quia hæc primò materiam præparat, disponitque, tum inducit formam, ex hac, & materia totum compositum resultat: ex composito primò proprietates, tum accidentia communia. Sic genus materiæ respondet, differentia formæ, species toti, & ex specie proprietates & accidentia; hoc enim modo Porphyrius in præfatione quinque prædicabilia enumerat, quamvis in ipso opere priùs de specie agat quàm differentia, secutus videlicet methodum arbitrariam, quia species est correlativum generis.

*Ordo doctrinæ* in eo est, quòd Porphyrius syntheticè, & viâ compositionis procedat à simplicioribus videlicet, ad magis com-

composita, & ab essentialibus ad magis accidentalia. Ejus vestigijs insistendum nobis est, si prius tamen de Universali secundum se aliquid dixerimus; aliquid, inquam, nec enim, quæ ad Metaphysicam pertinent, Logicæ dabimus.

II. *Quæritur 1.* Quid, & quodplex sit Universale?

*Resp.* Universale omne id dicitur, quod cum sit unum, ad multos tamen pertinet, & dici de multis potest. Sic dicimus, bellum esse calamitatem universalem, panaceam esse medicinam universalem, solem causam universalem, &c. quæ omnia, ut patet consideranti, dicunt aliquod unum, quod est in multis; sicut econtra particulare, seu singulare ita est unum, ut non sit in multis, v. g. particulare bonum, quod ad multos non spectat: causa singularis, quæ ad multos effectus non extenditur, &c. Eodem modo Philotophi naturam universalem dicunt, quæ cum sit una, de multis tamen dicitur, sive jam ea unitas, & multiplicabi ita sit realis, sive intentionalis, sive mixta, de quo infra. Sic *homo* est vox universalis, quia naturam humanam significat, quæ & est una & est multiplex; una, quia homo *ut sic* nullam dicit diversitatem, & unâ definitione comprehenditur: multiplex, quia in multis est, imò cum multis identificatur, in Petro enim est Petrus, in Paulo est Paulus, &c. nec enim in Paulo aliud est esse Paulum, aliud esse hominem, sicut in unitate non aliud est esse unitatem, aliud esse numerum, aut principium numeri. Est verò Universale multiplex, videlicet *in essendo, in significando, in causando, & in prædicando*. Nos de Universali tantum in essendo, & prædicando agimus; quamvis enim esse ad Metaphysicum pertineat, ut tamen est radix prædicationis, eiûsque cognitio ad hujus cognitionem necessaria, etiam ad Logicum pertinet. Definitur ergo Universale ab Aristotele, 5. *Metaph. text. 45. Unum aptum inesse multis. & 1. l. Perihermen. Unum aptum prædicari de multis.* Quæ definitio tam materiale quam formale Universalis significat. Materiale est res ipsa, seu natura, quæ denominatur Universalis: Formale est ipsa forma, quâ redditur Universalis. Procedemus ergo in hac materia Universalium methodo resolutivâ & definitivâ, singulas partes definitionis explicando & examinando.

III. *Quæritur* 2. An voces sint materiale significatum Universalis?

*Resp.* Non solæ voces aut nomina sunt significatum materiale Universalis, hoc est, non solæ voces denominantur universales, sed etiam res ipsæ & naturæ.

*Ita communis* contra Ochamum Principem Nominalium, (quem propterea Venerabilem Inceptorem & Doctorem appellârunt) & faciem belli civilis, quo Ecclesia diu cum imperio luctata est, tribus summis PP. Joanne XXII. Clemente VI. & Benedicto XII. contra unum Ludovicum Imperatorem, diris & ferro armatis. Ferunt Ochamum, cum ad Ludovicum confugisset, dixisse: *Tu Imperator me gladio defende, ego te calamo contra Pontifices tuebor.* Fecitque plus, quàm vel Philosophus debuit, vel Monachus decuit. Ante mortem respicit, petitæque, ac obtentâ à Summo Pontifice absolutione paulò post pœnitens excessit. Hujus ergo opinio fuit, nihil esse in rebus universale, sed solas voces, & vocem *homo* v.g. non significare naturam aliquam universalem, sed omnes homines singulares collectivè. Contraria est communis cum S. Anselmo *l. de Incarnat. c. 2.*

*Ratio est* 1. Quia cum dicimus dari naturam aliquam universalem, nihil aliud dicimus, quàm dari aliquam naturam, quæ licet sit una similitudine, & convenientiâ prædicatorum, ea tamen non in uno tantùm, sed in multis reperitur: at hujusmodi naturam dari certum est, ut patet in *homine & bruto, &c.* Si ergo hoc Universale admittunt Nominales, nobiscum sentiunt: si aliud quàm hoc impugnant: iterum nobiscum pugnant, qui aliud Universale à parte rei non agnoscimus. Si verò hanc ipsam naturam, quam & nos & ipsi admittimus, negant universalem dici debere, litem de nomine ferunt, & imprudenter faciunt, qui vocis causâ bellum omnibus indicunt; quid enim criminis esset, si ut cum pluribus sentiunt, cum pluribus etiam loquerentur?

2. Cum dico, *Petrus est animal, Jacobus est animal. &c.* quid de multis prædico? rem an vocem animalis? si rem; ergo datur res aliqua pluribus communis, & consequenter uni-

versa.



versalis : Si nomen , falsum est Petrum esse vocem animalis.

3. Scientiæ & definitiones sunt de rebus, non de vocibus ( nec enim Astrologia considerat vocem Stellæ, solis, cœli, &c. earumque vocum definitiones, quæ ad Grammaticum spectant ) vel ergo de rebus particularibus, vel universalibus? non de particularibus, hæc enim sunt corruptibilia, fluxa, existents, cum tamen scientiæ sint perpetuæ, de rebus, ut abstrahunt ab existentia, à materia sensibili, particulari, & intelligibili : & quamvis proprietates etiam de singularibus demonstrentur v. g. risibilitas de Petro, non tamen quæ talibus, sed ut participant naturam specificam ; differentię enim individuales aut non habent proprietates, aut si habent, non sunt cognoscibiles : de singularibus ergo ut sic non est scientia ; ergo de rebus universalibus ; ergo dantur res aliquæ universales.

4. Cum dico : *Petrus est animal*, tacendo rationalitatem, ea propositio vel est vera, vel falsa? non utique falsa (aliàs ejus contradictoria *Petrus non est animal* erit vera) ergo est vera, ergo conformis est objecto, ut est à parte rei, hoc enim est esse verum ; ergo datur à parte rei animal conceptibile sine rationali, & rationabile à parte rei conceptibile sine Petro & Paulo : Sicut enim visibilitas coloris in pomo est à parte rei, etiamsi saporem pomi non percipias, ita conceptibilitas animalis, etiamsi rationale non concipias : rem autem esse conceptibilem sine singularitatibus, est esse materialiter & fundamentaliter universalem, quod solum contendimus ; nec enim cum Platone aut Scoto de formali certamus.

Ubi advertit ex D. Th. 1. *Metaph. lect. 10.* ideo intellectum cognoscere unum sine alio, quia omne quod est in alio, est per modum ejus in quo est, & ideo ex natura intellectus, quæ est alia à natura re intellecta, necessarium est quod alius sit modus intelligendi, quo intellectus intelligit ; & quo res existit ; & ideo species intelligibilis per quam intellectus objecto assimilatur, non oportet ut eodem modo sit in intellectu, quo objectum existit.

5. Cum

5. Cùm dico, *homo currit*, *Petrus est animal*, si termini universales, *homo*, *animal*, ex sententia Ochamini dicunt omnes homines, omnia animalia collectivè sumpta, sensus propositionis erit: omnes homines currunt; Petrus est omne animal; quod falsissimum est; nomina enim collectiva v.g. exercitus, domus, omnes suas partes, non unam dicunt.

*Dices* 1. Si res aliqua est universalis, vel ante operationem intellectus est talis, vel post? non ante, quia singularis est; non post, quia conceptus rem non mutat, nec sufficit ut aliquid dicatur esse. Concipe Petrum esse Papam, non ideo verum est dicere, Petrus est Papa; ergo si concipias animalitatem esse unam, & pluribus speciebus aptam inesse, non ideo verum erit dicere; animalitas est natura pluribus inesse apta; sed tantum, animalitas est natura apta de pluribus concipi.

2. Ex dictis Animal v. g. à parte rei multiplex esse, ut constat: & unum, non quidem identitate, sed uniformitate prædicatorum, & conceptibilitate, & hoc sufficere, ut dicatur saltem fundamentaliter Universale. Et ita expressè docet S. Th. *opusculi*. 42. c. 7. & *opusculi*. 55. & hæc etiam est ratio, quòd homo vel animal unâ definitione definiri possit.

*Dices* 2. Res vel sunt essentialiter singulares & pluribus inidentificabiles, vel non sunt essentialiter tales? *sic hoc*, ergo per absolutam saltem Dei potentiam dari aliqua natura poterit, quæ non sit nec hæc, nec illa, sed realiter una, & pluribus identificata, quod est admittere in creaturis mysterium Trinitatis, quale nec in Deo, si absit fides, concipi potest. *Si primum*, ergo nulla res concipi potest sine eo, quod est de illius essentia, v. g. homo sine anima, triangulus sine angulis, album sine albedine; multò minùs homo cum irrationalitate, &c.

2. 1. Singularitatem non pugnare cum multiplicabilitate in convenientia & uniformitate prædicatorum, quam solam in rebus agnoscimus.

2. 2. Rem quamlibet, licet formaliter à parte rei sit una, virtualiter tamen esse multiplicem, tum quia pluribus æquivaler, ut homo brutis, & Angelis; tum quia est radix plurium

rium operationum specie distinctarum; *tum*, quia duplicem statum habet, unum *in quo est*, alterum *in quo intelligibilis est*, qui status rem sequitur non semper ut *est*, sed ut *cadit sub intellectum*, qui ex sua natura est præcisivus, & accommodatur speciei impressæ, quæ non semper adæquat objectum, ut etiam in potentia visiva cernere est; sæpe enim videmus stellam sine motu, colorem sine differentia, vel potius distinctione coloris. Jam ergo res, ut realiter sunt, existuntque, essentialiter sunt singulares, nec potes ut existentes concipere, nisi conceptâ, saltem implicite, singularitate, est enim existentia, & productio singularium. Eadem tamen res, ut virtualiter multiplices non sunt essentialiter singulares, quia ut sic distinguuntur à gradu individuali, & induunt similitudinem, & convenientiam in prædicatis essentialibus, adeoque abstrahunt objective à differentiis singularibus, quæ impediunt assimilationem, & inducunt diversitatem: Petrus enim ut Petrus non convenit cum Paulo, quâ talis est, sed potius differt. Idem dicas de rebus, ut intelligibiles sunt, sic enim, quia sunt repræsentabiles per species inadæquatas, quæque unum gradum sine alio, unam perfectionem sine alia repræsentant, non sunt essentialiter singulares, sed indifferentes, ut cum, vel sine singularitate concipiantur: quo modo intelligendus est S. Th. qui sæpè docet res nec esse essentialiter singulares, nec essentialiter universales, sed indifferentes. Sicut tabula rasa nec est essentialiter Cæsar, nec essentialiter non Cæsar, sed indifferens. Vide S. Th. c. 4. *de Ente & Essent.* Ad Objectionem ergo in forma dico, res ut existunt, sive, ut loquuntur, *in statu realis existentia*, ut sic esse essentialiter singulares, nec aliter concipi posse. Res verò secundum se consideratæ, & *in statupura essentia*, ut dicunt virtualement distinctionem & æquivalentiam, sicut etiam in statu conceptibilitatis objectivæ esse indifferentes, ut sint Universales, vel singulares, & ideo utrôque modo concipi posse.

*Dices 3.* Cùm dico, *Petrus est animal* vel prædico animal quod est in Petro, vel quod non est in Petro? *si hoc*, falsa est propositio; quomodo enim dicere possum, Petrum esse id quod

non est? Si primum, illud animal non est Universale, quia cum Petro identificatur.

℞. Prædicari de Petro animal, quod diverso respectu est universale, & singulare: singulare, quia Petro identificatur: Universale, quia Paulo & alijs hominibus identificari etiam potest, servatâ semper unitate similitudinis, convenientiæ, æquivalentiæ & uniformitatis: & hoc dicimus esse Universale saltem fundamentaliter sumptum.

Dices 4. Si nihil aliud est Universale, quàm natura ita singularibus identificata, & multiplex, ut tamen retineat unitatem similitudinis & convenientiæ cum multis, sequitur, ut sicut de Petro verè dicitur, *Petrus est animal*; etiam dici possit, *Petrus est genus*.

Probatur consequentia, quia genus nihil aliud est, quàm natura uni conveniens per identitatem, pluribus verò speciebus per similitudinem, & uniformitatem: atqui Petrus verè pluribus speciebus in gradu animalis assimilatur, cur ergo non possit dici genus?

℞. Cum dico, *Petrus est animal*, animal representari secundum statum realis existentie, & ut differentiatum Petreitate, & ita non ut genus; hoc enim dicit naturam conceptibilem sine omni mixtura differentiarum; h. e. secundum statum meræ conceptibilitatis: & ideo sicut tabula picta, aut materia informata non potest dici indifferens ad omnes imagines, aut omnes formas, ita nec animal Petreizatum; ut sic enim non est pluribus communicabile, ergo nec propriè & formaliter genus.

IV. Quæritur 3. Utrum Universale benè definiatur: *Utrum.*

Resp. Affirmativè. Ut enim suprâ notatum, omnis universalitas involuit aliquam unitatem, & hæc unitas pertinet ad formale Universalis, sicut & aptitudo inexistenti multis. Certissima autem est (priùs enim expediemus certa, quàm ad incerta procedamus) entia per accidens, æquivoca, analoga attributionis, voces complexas, artefacta, &c. non esse Universalia, hæc enim omnia ut talia sunt simpliciter multa, ergo non Universalia. Quærimus ergo unitatem propriam & essentialem Universalium.

V. Quæ-

V. *Quaritur* 4. Quid, & quotuplex sit Unitas? *Resp.* Unum ab Aristotele 5. *Metaph.* 6. 6. definitur: *quod quatenus tale dividi non potest in plura, quæ sint ejusdem rationis cum diviso.* Sic Petrus est unus homo, quia licet possit in animam, & corpus dividi, non tamen in plures Petros. Cum ergo Unitas sit quædam indivisibilitas, quantum hæc major, tantò & Unitas major. Summa ergo indivisibilitas, & unitas in eo est, quodd neque est pars, nec ex partibus compositum; quod enim constat ex partibus, habet esse divisum in plures partes: quod est pars, habet complementum essendi ab alia comparte. Deus ergo ut summè indivisus, sic summè & simpliciter est unus, & causa omnis Unitatis, imò & distinctionis & numeri, tum ad intra tum ad extra, est enim proprium Unitati esse principium numeri, imò omnis numerus, & omne compositum tandem ex unitatibus simplicibus componitur, ne procedatur in infinitum. Unitas verò composita partibus constat, quæ quantum magis sibi uniuntur, quantumque magis sibi communicantur, tantò perfectior Unitas, magis est enim homo unum, quàm domus, aut exercitus: & quò major est Unitas, eò major & perfectior entitas, ut inductione universalissimà in Deo, Angelis, hominibus, animalibus perfectis, infectis, vegetativis, elementis, usquè ad materiam primam ostendi potest, in quibus quantum major est separabilitas & divisibilitas stante formà, tantò major est imperfectio, e contra quæ simpliciora, etiam perfectiora. Quod intellige de simplicitate Unitatis, non privationis; alioquin elementa sunt simpliciora mixtis, quia non habent tot qualitates; non ideo tamen perfectiora, & Unitatis retinentiora, cum dividi possint in partes infinitas.

VI. Tres verò Unitates in natura aliqua v. g. humana considerari possunt; *Numerica*, *Formalis*, & *Præfensi*. Numerica est, quæ individuis convenit, Petrus enim dividi in plures Petros non potest. Formalis est, quæ naturæ ut sit, nec individuæ con enit; in quocunque enim statu naturam aliquam ut ens consideras, non potes unitatem excludere, quæ entis est proprietas. Unitas ergo formalis est, quæ naturam aliquam in plures species aut naturas indivisam facit, homo enim est

una species, nec potest natura humana in plures species dividi. Unitas denique præcisionis est, quæ naturæ non quâ tali convenit, sed quâ conceptæ; cùm enim intellectus hominem concipit sine singularitate, natura sic concepta evadit una, & si poneretur, aut poni posset in rerum natura, qualiter concepta est, omnino esset una, nec differentijs individualibus, quæ multitudinem & divisionem faciunt, distincta: & sic posuit Plato ideas.

VII. *Queritur* §. An Universale constituatur per Unitatem numericam?

*Resp.* Unitas numerica non sufficit ad Universale, imò repugnat.

*Ratio est* 1. Quia Unitas numerica resultat ex differentia numerica; hæc verò repugnat Universali, Petrus enim *ut talis* non potest de Paulo & Joanne dici.

2. Sic se habet differentia & unitas numerica ad naturam humanam, sicut forma ad materiam primam, figura, aut imago Cæsaris ad tabulam pictoriam; sicut ergo materia jam informata & tabula jam picta non sunt capaces alterius formæ, aut imaginis, ita nec natura humana jam individuata est capax alterius individuationis, ergo non est universalis; Universale enim dicit indifferentiam & aptitudinem ad plura.

3. Singulare ut singulare tam non potest esse Universale, quàm album ut album non potest esse nigrum; ergo sola Unitas singularis nihil facit ad Universale, sed potius illud destruit; quærenda est ergo alia.

*Dicit*: Petrus ut Petrus est homo (quid enim aliud est? certè non rapa) ergo Petrus *ut Petrus* dicit convenientiam, & similitudinem in gradu specifico cum omnibus individuis, ergo Petrus ut Petrus dicit naturam pluribus communicabilem, hoc est, Unitatem Universalem.

*R.* Petrum ut Petrum esse hominem non qualemcumque, sed singularizatum, & ita, quâ talem non dicere radicem conveniendi, sed dissidendi ab alijs hominibus, & ideo quâ talem excludi à conceptu Universali, sicut materia prima informata quâ

quà talis non est capax plurium formarum, sed potius hæc conjunctio cum forma capacitatem & latitudinem materiæ restringit.

VIII. *Queritur* 6. An detur à parte rei Unitas aliqua formalis?

*Resp.* Unitas non datur à parte rei aliqua formalis, quæ à numerica sit distincta, & per quam natura constituatur secundum se indifferens, ut sit particularis, aut universalis, in Petro, aut in Paulo, &c.

*Est communis* contra Fosecam: hic docuit naturam v. g. humanam Petri esse quidem à Petro indistinctam, retinere tamen aliquem ordinem realem horum graduum essentialium, ita videlicet ut prius sit prioritate ordinis, & naturæ esse animalis, esse hominis, quàm esse Petri, & in illo priori hominem ut hominem non dicere gradum Petri, sed nec illum excludere. & ideo esse indifferentem, ut positivè sit universalis, aut singularis. Quemadmodum in Deo idem est amare, & intelligere, ordine tamen aliquo, ita ut si possent separari illi actus, prius esset intelligere, quàm amare, & intelligere est causa, & regula amoris; non ergo identitas excludit prioritatem ordinis, aliàs in Deo non esset ordo, qui tamen est magna perfectio.

*Contra* hanc sententiam sic explicatam vana sunt argumenta quæ passim obijciuntur, videlicet eam Unitatem formalem, cum naturam sequatur, illique realiter insit, æquè singularibus communicatum iri, ac alia prædicata naturæ essentialia; ergo singularia jam fieri Universalia, & beneficio illius Unitatis communicabilia, quod impossibile est.

*Rursus.* Eam Unitatem formalem æquè multiplicari in inferioribus ac reliqua naturæ prædicata; ergo si natura habeat Unitatem formalem genericam, sicut verum est dicere, *Petrus est animal*, ita verum erit dicere, *Petrus est genus*: & si habet Unitatem formalem specificam, sicut verum est dicere, *Petrus est homo*, erit etiam verum, *Petrus est species*, hoc est, habet Unitatem specificam, & genericam, quæ ante omnem mentis operationem na-



turaliter gradum animalis, & hominis consequuntur; omne siquidem ens suam unitatem connaturalem tecum fert tanquam proprietatem inseparabilem. Verùm hæc argumenta scopum non tangunt, nec Fonseca feriunt; dicit enim quod sicut materia prima est indifferens ad formam A. & formam B. & tamen hanc actualem & proximam indifferentiam amittit, quantum primum informatur, forma videlicet eam indifferentiam & communicabilitatem tollente; adeo ut de materia habente formam A. non possim absolute dicere: *Materia est indifferens ad formam B.* sed *Materia secundum se est indifferens, proximam vero hanc indifferentiam, & communicabilitatem recipiendo formam A. plane amisit*; ita, & multo magis de unitate formali; natura enim hominis secundum se est indifferens ad plura, sed hanc indifferentiam proximam amittit factâ identificatione cum singularibus, sic tamen ut verum sit dicere etiam de natura singularizata: natura hominis in Petro quantum ex se est, habet, retinetque remotam indifferentiam, & communicabilitatem ad plura. Alij sergō rationibus Fonseca impugnandus.

1. Nos quaerimus unitatem Universalis, per quam natura ita sit una, ut tamen sit apta multis inesse; talis verò non est unitas illa formalis; hæc enim cum identificetur singularitati, ita naturam facit unam, ut tamen reddat immultiplicabilem: *nec interest* quod natura hoc habeat, non quia talis, sed ut singularizata; undecunque enim id habeat, est immultiplicabilis, & ideo repugnat universalitati. Sicut enim ignis non est calidus ut substantia, absolute tamen est calidus, & ita malè diceret, qui negaret ignem esse calidum, inultoque peius qui igne uti velleret ad refrigerandum; ita natura hominis Petro identificata absolute est singularis, multoque magis, quam ignis sit calidus, cum singularitati identificetur, non verò ignis calori, ergo malè dicit, qui negat eam esse singularem, multoque peius qui asserit esse universalem, saltem *negative*, hoc est, non singularem; eodem enim jure, imò potiori dixeris, hominem cæcum videre, claudum ambulare, mortuum vivere posse, quia nihil istorum homini quia tali convenit.

2. Ad

2. Ad hoc ut aliquis dicatur & sit beatus, aut justus, non sufficit, quòd esset beatus, aut innocens, nisi à miseria, & peccato impediretur, sed requiritur, ut absolutè habeat beatitudinem, aut justitiam, alioqui nemo damnatorum, aut peccatorum non beatus dici posset; ergo etiam ut natura humana sit una & universalis, non sufficit, quòd haberet unitatem, nisi impediretur à singularitatibus quibus identificata est, sed requiritur ut de facto non impediatur: impeditur autem semper, cum ne divinâ quidem potentiâ aliter quàm singularis esse possit.

3. Natura humanâ in illo priori naturæ vel erat indifferens *disjunctivè*, ut videlicet esset in Petro aut in Paulo: vel erat indifferens *collectivè*, ut esset in Petro & in Paulo? *non hoc*, quia nulla est indifferentia & aptitudo ad impossibilia; sicut bos non est indifferens naturaliter ad volandum vel non volandum; sed eandem naturam pluribus realiter distinctis identificari multò impossibilius est, quàm bovi volare, daretur enim in natura miraculum supra naturam, imò supra Deitatem, in hac enim tantum tres uni naturæ identificantur, in nostra verò hypothesi infiniti ferè homines moribus, loco, tempore distinctissimi. Si verò natura humana tantum indifferens erat, ut vel in Paulo esset vel in Petro, jam hæc unitas non sufficiens esset Universalis, propositio enim disjunctiva non est universalis, sed particularis, ut cum dico, *aliquis currit*, resolvitur in hanc: *vel Petrus currit, vel Paulus currit, &c.* non verò in hanc; *Omnis homo currit*; disjunctio ergo ad Universale non sufficit.

IX. Dices 1. Deus est indifferens, ut producat humanitatem in Petro, aut in Paulo, ergo etiam humanitas est indifferens, ut producat in Petro vel in Paulo, ergo est Universalis.

2. Negando omnes consequentias; cum enim sit impossibilis homo, qui non sit Petrus, aut Paulus, aut aliud individuum; sicut est impossibile quòd Petrus sit indifferens ut sit Paulus, ita est impossibile, quòd sit possibilis aliquis homo, qui nec sit Petrus, nec Paulus, &c. Quando enim dicis; Datur aliquis homo indifferens, ut sit Petrus vel Paulus, &c. *quare*  
de

de quo homine id dicas ? de universali, aut particulari ? *si de Universalis*, nego esse possibilem ; & ita propositio est de subiecto non supponente : *De particulari* ? nego esse aliquem hominem possibilem in particulari, quitamen nec sit Petrus nec Paulus, &c. *Sed demus* dari hominem indifferentem, ut sit Petrus vel Paulus, adhuc non erit Universalis, quia, ut dixi, pluralitas disjunctiva non facit naturam Universalem.

*Dices 2.* Natura humana possibilis in statu possibilitatis est aliquid ( nec enim est merum ens rationis ) nec tamen est singularis, cum necdum existat, ergo est Universalis.

*Re.* Naturam humanam in statu meræ possibilitatis fuisse aliquid possibile, & eo modo singularem, quo erat, hoc est, in potentia, sicut enim erat possibiliter, ita erat singularis possibiliter ; nec enim aliter est, aut esse potest, quam singularis.

*Deinde*, etiam in statu possibilitatis non erat apta esse in multis collectivè.

*Dices 3.* Si natura Petri & Pauli non est una, ergo differunt in natura, hoc verò absurdum est.

*Re.* Petrum & Paulum naturâ *distingui*, sed non *diffirre*, sunt enim similes ; sicut ovum ab ovo non differt, sed tamen distinguitur.

*Dices 4.* Si natura Petri, & Pauli sine differentiis singularibus poneretur, omnino esset una & indistincta natura, ergo natura ex se dicit hanc Unitatem, licet jam de facto impediatur ; quemadmodum aquam naturaliter esse frigidam, lapidem naturaliter esse gravem ex eo colligimus, quod sublatâ causâ impediende aqua frigoris recipit, lapis deorsum movetur.

*Re. 1.* Quidquid de hoc sit, de facto eam Universalitatem impediri naturâ necessariò, imò essentialiter individuatâ.

*2.* Si natura Petri & Pauli sine omnibus differentiis singularibus poneretur, fieret aliquid quod fieri nullâ potentiâ etiam divina potest : quid autem mirum, dato uno impossibili aliud impossibile sequi ? sicut autem *ex falso*, ita *ex impossibili*

bili falsum sequitur, cum nihil sit falsius quam quod nec est, nec esse potest: mala ergo est cautio, cui à falsis & impossibilitatibus patrocinium.

3. Sed demus hanc chimericam hypothesin: illa natura sic exuta singularitatibus adhuc non esset Petro & Paulo, sed Petro vel Paulo communicabilis, & ideo nec Universalis.

*Dices 5.* Materię primę capacitas unius formę adventu non tollitur, sed impeditur, ergo nec capacitas remota unius naturę ad plura singularia

*R.* 1. Supponi, quod probandum erat: supponitur dari in natura capacitatem ad plura singularia sed hoc negamus; de capacitate materię ad plures formas omnium consensu & experientia constat.

2. Negatur paritas inter materiam respectu formarum & naturam respectu singularitatum; materia enim non identificatur formę, & ideo suam essentiam, suamque communicabilitatem retinet, qualem habuit priusquam formam reciperet, nec in hujus naturam & incommunicabilitatem transit. Natura verò humana v. g. Petro identificatur, & ideo in hujus naturam, essentiam, & immultiplicabilitatem transit.

*Dices 6.* In Petro duplex est Unitas; formalis, per quam Petrus cum omnibus hominibus convenit: numeralis, quę distinguitur; quid operatur ergo illa Unitas formalis, aut quomodo à numerali clucet, si non reddit naturam pluribus communicabilem?

*R.* Unitatem illam formalem hoc operari, ut natura omnium hominum sit una similitudine & conceptibilitate, non verò identitate, aut prædicabilitate, imò similitudo excludit identitatem. Et si non aliam Unitatem, quàm similitudinis intelligunt, petuntque, libenter illis damus, nec litem porro contestamur.

*Dices 7.* Magis humanę naturę convenit, quod *ut tali* quàm *ratione alterius* illi convenit: sed esse incommunicabilem illi non convenit, *ut natura*, aut *ut humana* est, sed *ut singularis*, ergo esse incommunicabilem minus illi convenit, quàm esse principium discurrendi, ratiocinandi, &c. Sicut enim homini quę est a-

nimal non convenit esse discursivum, sed esse sensitivum, ita quæ homini non convenit esse incommunicabilem. Quæ dicitur esse sententia Scoti & Cajetani à parte rei aliquam Unitatem negativam admittentium, quæ natura constituitur non quidem positivè pluribus communicabilis, sed negativè tantum, hoc est, non singularis. Sicut tabula rasa non est positivè imago Cæsaris sed negativè, quia non habet repugnantiam, ut sit talis,

22. Naturam v. g. humanam considerari dupliciter posse; *ut est*; & *ut conceptibilis est*: nam ut suprà ex §. Th. notatum, n. 3. modus concipiendi est omnino alius à modo essendi; modus enim intelligendi dependet à specie repræsentante, hæc verò ob sui imperfectionem, vel ob distantiam, aut etiam æquivalentiam objecti sæpe non rem totam, sed ejus partem repræsentat, & ita separat, quæ à parte rei sunt conjuncta. Sic qui videt stellam, non semper videt magnitudinem & motum realiter illi conjuncta: & facies, quæ realiter est una & recta in speculo polygono, multiplex & inversa apparebit, speciebus videlicet objectum aliter quàm est repræsentantibus. Sicut ergo sine errore aliter est, aliter videtur (verum est enim stellas moveri, sed sine motu apparere) ita sine mendacio res aliter est, & aliter intelligitur. Si ergo naturam humanam consideres *ut est*, quidquid illi convenit ut singularis est, convenit ut natura realis est, eo siquidem modo quo est, etiam singularis est; si enim est tantum possibilis, est etiam possibiliter singularis: si est existens, est etiam in existendo singularis; & hoc tam essentialiter naturæ humanæ convenit, quàm esse humanam; sicut enim repugnat humanam esse, & non humanam, ita humanam esse, & non singularem: ideo enim natura humana essentialiter est humana, quia humanitas illi identificatur, Sic etiam singularitas humanæ naturæ identificatur, & ideo sublatâ singularitate etiam humana natura non esset. Nulla ergo major est repugnantia quàm esse hominem v. g. & non esse id quod est idem ac homo; ergo à parte rei, quàm homo est essentialiter homo, tam est essentialiter singularis. Si verò rem consideres non ut est, sed *ut conceptibilis est*, verum est humanitatem sine singularitate considera-

ri, & intelligi posse, quia, ut dixi, intellectus non semper intelligit rem ut est. Sicut enim hæc duæ propositiones vocales veræ sunt, *Homo est animal, stella est corpus lucidum*, licet non omnia exprimant, quæ realiter cum homine & stella conjunguntur, ita veræ sunt propositiones mentales eisdem correspondentes, cur enim mentales potius, quàm vocales sint falsæ? & hinc orta Platonis, Fonsæ, & Scotistarum hallucinatio, eodem modo rem aliquam esse, & concipi, unde paralogismus à re ut conceptibilis est, ad rem ut est.

*Dices*: Si homio à parte rei est essentialiter singularis, & in Petro idem est humanitas, quod singularitas; ergo qui conciperet hominem non conceptâ singularitate, conciperet hominem & non conciperet: illud ex hypothefi, hoc quia non concipit aliquid cum homine identificatum: Sicut qui conciperet hominem sine rationalitate, hoc ipso non conciperet, quia rationalitas homini identificatur.

*Re.* Qui concipit hominem sine singularitate, non concipere hominem *adaquatè* & totaliter, sed partialiter tantum & *inadaquatè*; licet enim in Petro v. g. ut est, non sit aliud Petreitas, aliud Humanitas, neque hæc illius sit pars, ut tamen Petrus est conceptibilis, sic habet partes, quia unum sine alio concipi potest, & unum latius patet, quàm aliud, non quidem quòd in esse rei Petrus sit aliud & aliud, sed in esse conceptibili; Petrus enim & convenit cum brutis, & sic concipitur, ut animal, & differt à brutis, sed convenit cum omnibus alijs hominibus, & sic concipitur, ut homo, & denique differt etiam ab alijs hominibus, & sic concipitur, ut Petrus. *Confirmatur.* Non magis videntur contradictoria *separari & non separari* quàm *habere partes & non habere*, sed quæ à parte rei separari non possunt, possunt in esse visibili, ut patet in motu stellæ; ergo etiam quæ à parte rei non habent partes, habere possunt in esse conceptibili.

*Dices*: Si homo concipitur ut pars Petri, & Pettus ut pars hominis, ergo non possunt hominem prædicare de Petro, pars enim de parte non prædicatur, v. g. pes de capite, anima de corpore.

¶. Partem in concreto posse de toto prædicari, quia concretum ex modo significandi totum significat, licet enim non possim dicere, *Petrus est albedo*, possum tamen dicere, *Petrus est albus*. Non possum dicere *pes est caput*, quia pes est & significatur per modum partis, nec enim hic terminus resolvi hoc modo potest, *pes est quod habet pedem*, sicut homo resolvitur, quod habet humanitatem. Cur ergo non possum hominem concipere sine rationalitate, sicut possum sine singularitate, quæ æquæ ac illa homini identificatur? quia homo & in esse rei & in esse conceptibili dicit rationalitatem; qui enim hominem concipit ut hominem, utique tanquam distinctum à bruto, non autem, ut omnino convenientem concipit. Sicut ergo terminus vocalis *homo* non significat indifferenter quaecunque animal, sed tale, ita & terminus mentalis.

Dices 8. Istæ duæ prædicationes, *Petrus est homo*, *Petrus est hic homo*, differunt, & secunda plus dicit quàm prima, ergo homo ut homo non dicit singularitatem.

¶. A parte rei semper Petrum esse hunc hominem, non tamen semper concipitur cum hoc respectu, & ut differt ab alijs hominibus, & hunc respectum & differentiam dicit secunda propositio.

Dices 9. Natura creata v. g. humana aliter est una, & minus quàm natura divina; sed hæc est una unitate numerica, ita ut implicet dari duos Deos; ergo natura humana in Petro non ita est essentialiter una & singularis, ut implicet non esse singularem, ergo divinitus saltem potest dari aliqua natura humana, quæ negativè sit universalis, hoc est, non sit necessariò, & determinate singularis.

¶. Unitatem divinam non in eo majorem esse creatâ, quòd Deus sit essentialiter hic; nam & Petrus est talis, sed quòd omnes partes tam physicas quàm metaphysicas, tam reales quàm accidentales excludat.

Dices 10. Petrus & Paulus à parte rei sunt sibi similes (magis enim Petrus cum Paulo, quàm cum leone aut lupo convenit) ergo à parte rei in aliquo conveniunt, sed non in Petreitate, hæc enim est radix differendi, ergo in humanitate, er-



go à parte rei humanitati prædicatum aliquod convenit, quod non convenit Petreitati, videlicet esse radicem, & fundamentum similitudinis, & convenientiæ; ergo à parte rei humanitas non est Petreitas, nec alia singularitas (de omni enim singularitate idem argumentum procedet) ergo humanitas à parte rei habet Unitatem formalem distinctam à numerali, & positivè sufficientem ad universalitatem; eâ siquidem Unitate positâ natura est una à parte rei Unitate formali, & apta inesse multis per conjunctionem ad plures Unitates numerales.

¶. Hic est Scotistarum Achilles, sed qui plures terruit, quàm vicit. *Concedo* Petrum, & Paulum à parte rei sibi similes esse, & in aliquo convenire, sed *nego* hujus similitudinis radicem non esse Petreitatem, hæc enim cum humanitate identificatur (ut modò supponimus) ergo quâ identificata cum humanitate est radix conveniendi cum alijs hominibus; si enim eadem realiter forma non possit, ut virtualiter distincta, & cum respectu & connotatione ad plura, esse radix similitudinis, & dissimilitudinis, erunt formæ in infinitum multiplicandæ; cygnus enim est similis cygno, & eadem albedine quâ est similis, est dissimilis corvo: sicut corvus eadem nigredine quâ est similis alteri corvo, est dissimilis cygno.

*Rursus.* Cygnus eadem albedine, quâ est dissimilis corvo, est etiam similis, in ratione videlicet qualitatis & entis; oportebit ergo dicere in cygno aliam esse albedinem, quâ sit albus, aliam quâ sit qualitas, aliam quâ sit ens, &c. Si ergo eadem albedo est ratio conveniendi & differendi in cygno, ita eadem humanitas est ratio conveniendi & differendi in Petro. Hæc responsio supponit, gradus metaphysicos realiter non distinguere, de quo in Metaphysica. *Sed demus* distinguere distinctione Scotisticâ reali, sed non realissimâ, sequetur quidem humanitatem Petri habere aliquam Unitatem formalem à parte rei, sed non universalem; quia humanitas in Petro sicut realiter à Petreitate distincta, ita tamen est huic affixa & realissimè ex sententia Scoti identificata, ut ne divinitus quidem separari à Petro possit, ergo est ad unum determinata, ergo non est ad plura realiter determinabilis, ergo non est realiter universalis. Hæc

nus non ad Foscæ tantum, sed omnium argumenta respondimus, qui Unitatem aliquam universalem à parte rei admittunt: nunc ad Platonem.

X. *Quæritur* 7. An dentur Idææ Platonice constituentes Universale Philosophicum?

*Resp.* Non dantur Idææ Platonice Universales à singulis separatæ, in eo videlicet sensu, qui Platoni vulgò adscribitur. Negabat Heraclitus scientiam rerum mundanarum dari, has quippe mutabiles, corruptibiles, fluxûsque esse, & quotidie in alios vultus componi. Sicut ergo impossibile est, aquam fluvij decurrentis bis tangere, quia dum credis eandem te aquam tangi, illa jam defluxit, & nova successit; ita intellectus dum aliquid de re aliqua mutabili pronuntiat, putatque talem esse, jam alia est, & mutationem subijt. Vide Arist. *l. 4. Metaph. text. 22.* Nulla ergo certa cognitio de rebus incertis, sicut nullus certus ac destinatus in scopum ictus, metâ semper vagante, & nusquam fixâ. Plato ut hunc errorem refelleret, & scientias stabiliret, ac istis perpetuum ratumque objectum daret, distinxit inter res Universales, & singulares, istas mori, illas perpetuas esse; v. g. aliud esse *rosam*, aliud *hanc rosam*; rosas singulares nasci, interire, deflorere, carpi, meti, succidi-que: *rosam* verò nec nasci, nec mori, non hyeme nivibus, non æstate caloribus opprimi, & ideo quovis anni tempore, imò post 100. post mille annos veras esse has propositiones, *Rosa est flos, rosa habet vim refrigerandi, rosa locis omnibus sicca, quàm humidis odoratio, &c.* Quæ propositiones non semper, nec omni loco de hac rosa dici possunt; hæc enim in hyme est falsa, *Hæc rosa est flos.* Rosam ergo illam Universalem Ideam omnium rosarum appellavit Plato, eique hæc attribuit:

1. Quòd Idea siringenerabilis, & incorruptibilis, intelligence respectu causæ secundæ, non respectu Dei, sicut cælum & materia primæ.

2. Quòd in concavo lunæ hæreat, hoc est, in loco à corruptionibus tuto, & tamen rebus sublunaribus vicino & generationibus opportuno.

3. Quòd

3. Quod à rebus singularibus distinguantur realiter , urpote immateriales , & incorruptibiles.

4. Et nihilominus omnibus rebus materialibus assistant , & essentiam tribuant , hanc rosam v. g. suam essentiam à rosa ideali habere , hunc hominem ab homine ideali : Sicut Idea domûs cum sit una , mille domibus faciendis servit , & istis planè destructis illa perperat. Sicut etiam sigillum , licet unum sit , nec cerâ , glutinè , aut aliâ fluxâ , molliq; materiâ coalescet , omnibus tamen rebus fluxis figuram imprimit , sed non duritiem , aut chalybem sigillo proprium ; nec mirum esse , Ideam illam nec mori , nec loco uni affixam esse , quia cum sit universalis , omnem locum & tempus excedit ; quæ enim sunt in loco determinato , sunt determinata : & quæ corrumpuntur , ab agente determinato corrumpuntur , & certo , ac determinato loco ac tempore , quæ in Ideas Universales non cadunt.

5. De his Ideis scientias esse , quia semper , certæque sunt. Sunt qui negent alias à Platone Ideas , quàm divinas admitti , easque Universales in *causando* & *representando* esse , sicut alix artium Ideæ. Ita S. Aug. l. 83 *quest. quest. 46.* & l. 22. *de Civit. c. 26.* & 7. *de Civit. c. 28.* Sed Aristoteles , qui Platonem 20. annis audivit , Ideas creatas ab eo assertas tradit , refutatque. Vid. l. *Eth. c. 6.* Idemque habet S. Th. 1. p. q. 15. a. 1. & q. 84. a. 1. Qui tamen *opusc. 20. l. 4. c. 4.* fatetur , graves Auctores Platonem de Ideis divinis interpretari solitos. Anno 1632. Ideas Universales , quales Platoni attribuuntur , dictavit ac publicè defendit Marcus Marci in Academia Pragensi Medicinæ Professor , easque , postquam Consistorij examen feliciter vicissent , anno 1635. publico typo dedit. Nec multum ab eis abhorrent Fonseca , Cajetanus , Scotistæ ; quamvis enim non admittant Ideas & naturas Universales separatas , admittunt tamen conjunctas : & quidquid isti pro se , hoc totum pro Platone dicunt ; nec ferè aliud à Scotistis Platonis crimen est , quàm quod Ideas lunæ affixerit. Nullus ferè est qui Platonem non oppugnet , sed nullus qui vel eum perstringat ; adscribunt enim Ideis , quæ nunquam Plato somniavit , & ita non tam quod iste sensit refellunt , quàm quod ipsi somniarunt , ut patet ex natura Idearum paulò antè descripta. Aliquas

quas ergo rationes dabimus, quæ non dari Ideas in sensu Platónico ostendant.

*Prima est.* Ideæ, quas tu asseris, vel sunt increatæ, vel à Deo creatæ? Si primum, utique verum dicis; verum est enim dari Ideas increatas, divinas, effectrices, & exemplaria omnium, quæ sint: sed istæ Ideæ cum sint natura divina, non sunt Universales, sed maxime singulares & immultiplicabiles. Si à Deo creatæ? ergo idem Deus, qui creavit Ideam hominis Universalis, potuit creare hominem singularem; rota enim ars est in Idea, & qui pinxit imaginem idealem & archetypam, multo magis poterit alias imagines ad primæ imitationem. Si ergo Deus Ideam hominis sine alia Idea fecit ad sui tantum imitationem, cur non æquè potuit ac voluit omnes æquè homines ad sui imitationem tantum facere, & non alterius Ideæ? & si ad hoc, ut omni tempore etiam domo destructâ vera sit hæc propositio, *Domus habet tectum & fundamenta*, non requiritur alia domus Universalis & idealis (à quo enim hæc facta?) sed sufficit Idea in mente Artificis, nunquam domum sine tecto & fundamento concipientis, cur etiam ad hoc ut dicere omni tempore possis, *Homo est animal rationale*, non sufficiat Idea Creatoris, nunquam hominem aliter quam cum animalitate & rationalitate intelligentis, & condentis? Sicut ergo ante domum factam sufficit Idea Artificis, ita ante hominem factum sufficit Idea Creatoris, maxime, quia cum hic sit artis & virtutis infinitæ, non eget aliâ Ideâ aut exemplari, quod insipiat, quam seipso, nulla ergo est utilitas aut necessitas Ideæ.

*Dices* Deus non eget sole ad illuminandum, & tamen utitur illo, sic Idea

8. Fac ut videam Ideas sicut stellam & solem video, & mox admittam; jam verò nec oculo eis video, nec intellectu (ratio enim, quam allegas, nulla est, ut ostendimus) cur ergo credam esse?

2. Si Petrus est homo per participationem hominis, & Ideæ Universalis, quæro quomodo hanc participet? vel enim per identitatem, vel per unionem realem, vel per influxum causæ  
effi-

efficientis, aut exemplaris? *Non per identitatem*, quia Petrus est res corruptibilis, temporalis, distincta ab omnibus alijs individuis, non ergo potest identificari cum re perpetua, incorruptibili, Universali, indistincta ab omnibus individuis, in concavo luna existente, &c. alioquin idem realiter erit corruptibile, & incorruptibile, distinctum, & non distinctum, &c. quæ si vera sunt, quæ tandem contradictoria non sunt vera? & demus vera esse, quid opus ideis Universalibus, si conjuncta singularibus in hæc transeant, & cum his identificentur? & consequenter nihil singularibus addunt, nihil demunt? Quemadmodum si animam, cum conjungitur corpori ad formandum hominem, aut figura, cum conjungitur marmori ad formandam statuam, nihil corpori, nihil statui adderent demerente, sed cum corpore & marmore identificarentur, quid marmore opus esset, quid animâ? *Non per unionem realem*, tum quia quæ distant, & præsertim tam magnis intervallis, realiter non uniuntur; nec enim donum facies ex lapidibus, quorum aliqui sint in America, aliqui in Germania, Oceano divisi. *Et si dicas*, Ideam replicari sicut Corpus Christi in diversis distinctisque hostijs, aut facies in diversis speculis. *Contra est*, quia illa replicatio est miraculosa & supernaturalis, nec aliter quàm fide cognita; nos autem de homine, & statu naturali loquimur, nec quid Deus supra naturam facere possit, sed quid juxta naturam faciat. Unio verò intentionalis, qualis est objecti cum speculo, non facit aliquid realiter tale, sed tantum repræsentativè, & similitudinaliter; non ergo Petrus erit verè & realiter homo, non verè & realiter videbit, tangeret, dolebit, intelliget, sed tantum repræsentativè (ut vultus in speculo) omnia enim hæc habent suas ideas & naturas Universales, quid verò absurdius? tum etiam quia si tota essentia hominis est Idea, Petrus verò Idea tantum conjungitur realiter, non potero dicere, *Petrus est homo*, sed solum *Petrus habet humanitatem à se realiter distinctam*, ergo humanitas Petro tantum accedit; sicut forma equi accedit materiæ. Quid ergo est Petrus ut realiter ab Idea distinctus? est enim homo per Ideam hominis, est animal per Ideam animalis, est substantia per Ideam substantiæ, est ens per Ideam entis, quid er-

go est ipse Petrus, ut ab ideis distinctus, nihil an aliquid? si nihil, ergo singularia sunt nihil; quid ergo videmus, quid tangimus, quid audimus? hæc enim sunt aliquid, & sunt singularia, non Ideæ.

*Rursus.* Quid nascitur, quid moritur? non Ideæ, ergo singularia, ergo hæc sunt aliquid, quod enim est nihil, nec nascitur nec moritur. Si ergo Petrus ut realiter ab Idea hominis distinctus est aliquid, quæso quid est? si enim sine Idea, à qua realiter distinguitur, est aliquid, v. g. ens, sicut hoc esse realiter ab Idea distinctum habet, ita poterit habere *esse substantia, esse animalis, esse hominis*, quò ergo Ideæ? Ut ergo materia habet esse distinctum à forma, & ideo aliquid est quod non est forma, & hoc esse possum nominare, ita & Petrus respectu Ideæ.

*Dices:* Esto materia prima habeat aliquod esse à forma distinctum, ut tamen hoc esse realiter existat, oportet materiam formæ uniri; & colores licet habeant aliquod esse distinctum à luce, ut sint visibiles, oportet eos cum luce uniri; ita licet Petrus & alia singularia habeant esse distinctum ab Idea, ut tamen realiter existant, oportet Ideæ realiter conjungi.

*Contrà.* Materia unita formæ est aliquid, quod non est forma: color unitus luci est aliquid, quod non est lux; Petrus ergo unitus Ideæ hominis, Ideæ animalis, Ideæ entis, erit aliquid, quod non est homo, non est substantia, &c. Quid ergo est? & si Petrus *quà talis* est ens, est animal, &c. neque hoc habeat ab Idea entis & animalis, quare non eadem ratione quæ Petrus sit homo, neque hoc esse habeat ab Idea hominis? Ideæ enim ponuntur ad salvandas propositiones necessarias, essentialis, ac perpetuas; & quia videmus naturas Universales intelligi: atqui hæ rationes quæ in hisce duabus propositionibus, *Petrus est ens, Petrus est homo* locum habent, & ita aut ad utrasque, aut ad neutras ideis opus est. *Non etiam singularia*, v. g. *Petrus patitur* ab ideam hominis, tanquam causam efficientem, & exemplarem, tum quia ad hoc sufficiunt Ideæ divina, quæ sunt infinitè operatrices & imitabiles; tum quia aliud est Ideam esse causam hominis, aliud esse hominem; & sicut Deus est causa effectiva hominis, Cæsar est causa exemplaris suæ imaginis, nec tamen pro-

propterea dici potest, homo est Deus, imago est verè Cæsar; sic nec Petrus, si solum est homo per participationem effectivam, & exemplarem hominis idealis, dici potest homo: quod si aliquam aliam essentiam hominis habet, quàm participationem Ideæ, eamque perpetuam & intelligibilem, cadit totum fundamentum Idearum. Pro Platone

*Obijciunt* 1. Sicut oculus, qui est materialis, non potest videre immaterialia, ita nec intellectus, qui est spiritualis, potest intelligere non spiritualia, hoc est, materialia; ergo præter hominem materialem, sensibilem & singularem, datur alius immaterialis, insensibilis, Universalis, & hunc vocamus Ideam hominis.

2. Intellectum esse potentiam altiolem, & ideo universaliorem sensu, potest ergo objecta sensus attingere, non econtrà: sicut circulus quò altior, est etiam latior & inferiores complectitur, non econtrà. Nec ideo tamen intellectus est sensus, quia objecta sensibilia non sensibilibiter sed intelligibiliter attingit, hoc est, modo spirituali & perfectiori: Sicut non ideo circulus major est minor, nec figura circularis est quadrangula, quia idem centrum habent; objectum enim materiale non specificat, sed formale.

*Obijciunt* 2. Scientia est cognitio certa, perpetua, & quæ aliter esse non potest, aliàs erit opinio, ergo debet certum & perpetuum objectum habere; quod enim non est certum, sciri certò non potest: nulla singularia sunt certa, & immutabilia (Petrus enim nunc est homo, nunc homo non est, nunc sanus, nunc æger, &c.) ergo sola Universalia; si ergo datur scientia de homine v. g. dabitur homo aliquis, qui non sit singularis, sed Universalis.

3. 1. Multa singularia esse perpetua & immutabilia, ut cæli, Angeli, animæ, materia prima, stellæ, &c. sufficit ergo scientias de his dari: & si alterutrum admitti debeat, an non faciliùs admittes de homine scientiam non esse, quàm hominem Ideam esse? Malè ergo ut incertius probaret, certius Plato exclusit, perinde ac si solem tollas, ut lucernam accendas.



Aliud est rem incertam esse, aliud non certò cognosci; etiam de incertis est certitudo, etiam de mutabilibus est veritas immutabilis, modò incertitudinis, & mutabilitatis certæ sunt causæ, & ideo eclipses, tempestates, motus demonstrari possunt, quæ tamen sunt mutationes. Plerùmque etiam de rebus non tam operationes demonstramus, quæ sunt contingentes, quàm facultates, & inclinationes Operandi, quæ sunt necessaria, de igne v. g. certò scimus non quòd jam calefaciat, hoc enim falsum esse potest, sed quòd vim habeat calefaciendi. Cùm dico *Petrus est homo*, non ideo hæc propositio est vera, quia semper est Idea hominis; hæc enim Idea cùm sit Universalis, ingenerabilis, insensibilis, est tantùm æquivocè ille homo, qui de Petro cognoscitur, & prædicatur, nec scientiæ nostræ sunt de Ideis, earumque prædicatis nunquam visis, ignotisque, sed de prædicatis, & affectionibus hominum, quos nasci morique videmus; alioqui si ad veritatem perpetuam hujus propositionis, *Petrus est homo*, oporteret dari hominem aliquem perpetuum & Universalem, oporteret æquè Petrum aliquem perpetuum dari, & ita non Universalia modò sed etiam singularia perpetuari, sensus ergo illius propositionis est: Petrus in quocunque statu consideretur, est essentialiter homo; Petrus enim possibilis est essentialiter possibilis homo; Petrus realiter existens est essentialiter realis, & existens homo.

*Obijciunt.* 3. Cùm de homine aliquid demonstramus, non de hoc, aut illo, sed de homine *ut sic* demonstramus; ergo hominem concipimus non conceptà singularitate, ergo datur talis aliquis homo, alioqui cognitio, & demonstratio erit falsa, quia concipit aliquid quod non est, ergo non conformatur objecto quod est esse falsum.

3c. Hæc tota Platoni hallucinandi causa fuit; credebat rem concipi ut est, esse ut concipitur: sed hoc est falsum, ut patet ex dictis; alio enim modo sunt colores in flore, alio in speculo, in oculo, in imagine, in intellectu: in flore semel tantùm sunt, paulatim producuntur, odori & alijs qualitativis miscentur, corrumpi possunt carpique, secùs in speculo, &c. Semper ergo verum est, objectum esse aliter in cognoscente, aliter

liter in reipsa; alias enim causas effectivas & materiales habet in esse cognito, species videlicet & potentiam cognoscitivam; alias in esse rei; variatis autem causis variatur esse. Non ideo tamen est falsa cognitio: sicut nec falsa Cæsaris imago, quæ caput solum & thoracem ostendit, non crura, pedesque. Falsitas enim est, cum subiecto tribuis quod non est, non autem si de subiecto aliquid taceas aut non cognoscas: tunc enim non dicis de subiecto aliquid quod non est (quod esset falsum) sed tantum aliquid non cognoscis, quod in subiecto est, & hoc est verum; tota ergo negatio & Universalitas seu abstractio tenet se ex parte actūs, nec in subiectum redundat, unde illud apud Logicos pronuntiatum: *Abstrahentium non est mendacium.*

*Obijciunt* 4. Idea operis facti præcedit opus factum: sed omnes homines singulares sunt facti; ergo præcedet aliquis homo Universalis omnium singularium Idea.

Respondeo. Sufficere Ideam divinam, alioqui dabitur Idea Ideæ: & licet artifices præter Ideam mentalem etiam aliam materialem, & sensibilem adhibeant, tanquam normam & regulam, quia deficere in operando possunt, non ita tamen Deus natura Magister, & Architectus, qui effectus naturales per causas necessarias, & indefectibiles operatur, nec errori subiacet: alioqui si velis ab artifice creato ad increatum arguere, opus etiam erit præter Ideas Universales etiam instrumentis, & Ideæ particulari; nec enim Ideæ artificiales in essendo sunt Universales, sed tantum in representando.

**XI. Quæritur** 8. Qualis ergo à parte rei Unitas sit admitenda?

Respondeo. Certum est, ante omnem mentis operationem dari realem aliquam, & communem in rebus Unitatem, non quidem identitatis, sed similitudinis, & convenientiæ. Ita communis cum D. Th. *opusc.* 42. c. 7. & negari vix potest.

1. Quia similia dicuntur, quæ conveniunt in una qualitate; at duo homines non in una tantum qualitate, sed plurimis conveniunt.

2. Dic mihi, cur ovum sit ovo simile, radius radio, & non homo homini?

3. Quæ non similia, sunt dissimilia, & discerni possunt, ut corvus à cygno, viride à nigro, &c. Abstrahæ jam mihi & separa à Petro & Paulo omnia accidentia, sine quibus realiter uterque esse potest, & tunc Petruin à Paulo discerne; tam difficile hoc poteris, quàm ovum ab ovo, radium solis à radio, spicam à spica; si discerni non possunt, ergo sunt similes.

4. In dissimilibus potest prædicatum aliquod assignari quod unus habet, alter non habet: sed Petrus quia homo non habet aliquod prædicatum, quod Paulus non habeat; ergo Petrus quia homo est similis Paulo, & licet à parte rei non sint omnino similes (quia humanitas Petri dicit esse determinatam & identificatam Petro, non Paulo, & econtra) hæc tamen omnimoda similitudo non requiritur, ut absolutè unum dicatur alteri simile; aliàs nec ovum erit ovo simile, quia unum altero rotundius, candidius, obrutius, mollius, lævius. &c. & albedo ovi A est determinata & affixa ad ovum A, ita ut naturaliter non possit esse in B. Imò omnis similitudo essentialiter dicit aliquam dissimilitudinem, hoc est, carentiam alicujus prædicati, quod alius habet, alioqui similia essent eadem, ut infrà dicetur; tantum ergo abest ut similia debeant esse omnino talia, ut potius oporteat aliquo modo non esse talia, sed differre.

*Obijciatur 1.* Omnis similitudo ex Aristotele fundatur in Unitate; si ergo Petrus & Paulus v.g. in ratione hominis sunt similes, dabitur aliqua Unitas similitudinem antecedens.

2. Aliud esse, similitudinem fundari in Unitate, aliud similia esse unum; hoc Aristoteles, non illud dixit. Imò Unitas repugnat potius similitudini, hæc enim est relatio, & inter duos (nihil enim sibi simile, aut æquale) quæ ergo ratione aliquid est unum, eâ non est simile. Aliud ergo est uniformitas, aliud est unum: relatio ergo similitudinis fundatur in uniformitate *convenientia*, non in Unitate *simpliciter*: & ideo si duo parietes haberent unam albedinem, non essent similes in ratione albedinis. Sicut in SS. Trinitate Filius non est Deitate similis Patri, sed Idem.

*Obijciatur 2.* Non potest à parte rei idem esse alteri simile, & dissimile (hæc enim aut sunt contradictoria, aut involvunt

contradictionem, dissimile enim non est simile) sed à parte rei totus Petrus est dissimilis Paulo, ergo à parte rei non est similis. *Minor probatur* : Petreitas est omnino & adæquatè ratio differendi à Paulo (aliàs differentia individualis non esset ultima, imò esset tantum specifica, quia in illa plura individua convenirent) sed quidquid est in Petro à parte rei, est Petreitas, ergo quidquid est in Petro à parte rei, est ratio disconveniendi, ergo Petrus nulla in re convenit cum Paulo, nec ullum fundamentum talis convenientiæ assignari à parte rei potest.

¶ Petrus à parte rei, sicut totus est Petrus, ita totus est homo, & humanitas tam illi radix est similitudinis quam Petreitas dissimilitudinis. Eadem ergo res, ut à parte rei *virtualiter & eminenter* multiplex, repugnantes effectus habet. *Tota* ergo Petreitas est radix dissimilitudinis, sed *non totaliter* sumpta, quia totaliter sumpta identificatur homini, & sic cum Paulo convenit. Tam sibi opponuntur *forsum & deorsum*, quam *simile & dissimile*. Sicut ergo eadem anima respectu diversarum partium est *forsum & deorsum*, ita eadem & simplex entitas seu Petreitas est similis & dissimilis secundum diversas connotationes, comparabiles, & conceptibiles, quæ omnia sunt à parte rei, & fundantur in distinctione virtuali; si enim distinctio virtualis sufficit ad effectus realiter oppositos simul & semel ponendos, v. g. in anima ad operationes vegetativas & non vegetativas, ad motus *forsum & deorsum*, cur non ad similitudinem & dissimilitudinem? numquid eadem albedo à parte rei dat esse simile & dissimile respectu diversorum? cur non Petreitas respectu diversarum operationum & conceptibilitatum? Si hoc non admittitur, nulla amplius similitudo datur: nam duæ albedines sunt sibi similes, & ut singularizatz ac individuz sunt dissimiles (individuatō enim tam est principium disconveniendi in albedine, quam in humanitate) sed totæ sunt singularizatz, ergo totæ dissimiles. Hæc responsio supponit dari distinctionem virtuales, non autem formalem Scotisticam inter gradus Metaphysicos, de quo infra.

*Obijciunt* 3. Hæc Unitas similitudinis vel sufficit ad Universale, vel non sufficit? *Si sufficit*, ergo datur Universalitate à parte rei,

rei, ergo duo similia prædicari de se invicem possunt dicendo v. g. albedo A. est albedo B. est enim prædicabilitas proprietas Universalis, quæ tamen sunt absurda. *Si non sufficit*, ergo alia Unitas querenda est.

*Res.* Nondum à nobis quæri, quæ Unitas sufficiat ad Universalæ, quæ non ( hoc enim paulò post decidetur ) sed quænam à parte rei detur : sed esto sufficiat, utrique dabitur Universalæ à parte rei, & idem homo prædicabitur de multis, quia multis realiter inest, & tamen est unus Unitate similitudinis; non enim dico, *Petrus est homo*, quasi Petrus sit tantum similitudine homo, sed quia verè est homo : sicut & Paulus & Joannes, & omnes.

Ratio ergo, & natura hominis & est multa in multis identitate, & est una similitudine.

Circa hanc ipsam similitudinem notentur sequentia.

*Notandum 1.* Omnis similitudo, ut distinguitur ab identitate, aliquà dissimilitudine miscetur : nam omnimoda & adæquata similitudo est identitas. Quod enim distinguitur, habet aliquod prædicatum, quod non habet aliud, v. g. Petrus dicit taleitatem, quam non habet Paulus, ergo non convenit cum Paulo, ergo *ut sit* non est similis, similitudo enim est participatio ejusdem qualitatæ, vel prædicati. Quotiescunque ergo, & quomodo cunque omnis dissimilitudo ab aliquibus abstrahitur, eo ipso fiunt unum : si abstrahitur realiter, erunt unum realiter; si ratione, erunt unum ratione. Hinc est quod conceptus hominem sine differentiis representans sit unus, & rem unam representent, nec magis ad Petrum, quàm Paulum pertinentem; quia sublatæ differentiis numericis nulla amplius dissimilitudo in humana natura relinquitur; sublatâ verò omni dissimilitudine inducitur identitas, & indistinctio.

*Rursus.* Præcisæ differentiis numericis natura evadit per unum conceptum, unamque speciem representabilis, nec amplius potest intellectus discernere, quænam natura sit Petri, quænam Pauli; licet enim sint distinctissimæ realiter, ea tamen distinctio non apparet, sublatæ, aut non attentis differentiis characteristicis.

*Notam-*

*Notandum* 2. Hæc Unitas similitudinis multò est minor Unitate numerali ; numeralis enim excludit omnem multipliciter, similitudinis non tantum non excludit, sed necessario involuit. Numeralis non admittit separationem, nec enim Petrus ab homine separari potest : similitudinis admittit, mortuo enim Petro, non extinguitur Unitas similitudinis, quæ in alijs individuis naturam humanam comitatur. Et hæc de Unitate reali, nunc ad Unitatem rationis.

XII. *Quæritur* 9. An possit Intellectus concipere naturam non conceptam singularitate?

*Resp.* Potest intellectus concipere aliquam naturam v. g. humanam, non conceptis singularitatibus. *Est omnium*, & patet ab experientia. Medicus enim, cum agit de corpore humano, non agit de corpore Petri vel Pauli, sed de corpore, *ut sic*, similiter & aliæ scientiæ.

2. Differentiæ individuales non sunt nobis notæ, nec habent proprietates notas ; dic enim mihi, per quid Petrus substantialiter à Paulo distinguatur, & quæ sint Petri proprietates ? de illis ergo nec scientiæ nec cognitio, tanquam de incognoscibilibus non curant.

3. Licet Anima Intellectiva ut forma corporis debeat in essendo, & operando à corpore, & ideo nihil sit in intellectu, quod non prius fuerit in sensu, ut tamen spiritualis, immaterialis, multòque perfectior corpore (ut eleganter S. Th. 1. p. q. 14. a. 1.) absolute non dependet in esse à corpore, sed potius corpus ab anima ; & ideo etiam in operando supra corpus & sensum elevatur, ac multa intensivè, & extensivè cognoscit, quæ sensus non potest ; modus enim operandi sequitur modum essendi, ergo poterit naturas cognoscere independentem à singularitatibus, & accidentibus naturalibus loci, temporis, figuræ, &c. maxime cum hæc sint accidentia realiter quidem coniuncta, sed tamen realiter distincta, quæ etiam à sensibus possunt non cognosci, ut cum oculus stellam videt, non ejus motum ; colorem poi ; non saporem. Differentiæ verò individuarum substantiales sunt incognoscibiles, potest ergo ab utrisque intellectus abstrahere.

*Obijciunt* 1. Intellectus non potest cognoscendo naturas rerum immutare; si enim cognoscas mel ut amarum, non ideo erit amarum; si Petrum ut Papam, non ideo erit Papa; ergo etiam cognoscendo naturam ut abstractam à singularitatibus non ideo abstractam reddit, & universalem.

*R.* Concedendo totum; hæc enim intellectus facit naturam Universalem, sed cognoscit universaliter, & velut unam, non cognitis singularitatibus, quæ naturam multiplicat: & hic modus Universaliter cognoscendi est magna perfectio intellectus, quia nascitur ex immaterialitate, & illimitatione ac simplicitate; quanto enim perfectior est natura, tanto magis est nata fieri omnia (ut eleganter videri potest apud S. Th. l. 3. de Anima. text 37. & 1. p. q. 14. a. 1. & 1. p. q. 55. a. 3.) & per hoc naturæ cognoscitivæ à non cognoscitivis distinguuntur, hæc siquidem ad unam formam limitantur.

*Obijciunt* 2. Hæc abstractio non conducit ad perfectionem scientiæ, ergo saltem ad scientias comparandas est inutilis. *Antecedens probatur*, tum quia scire est rem cognoscere ut est, non verò ut non est: imò fictio sicut veritati, ita scientiæ repugnat; tum quia scientia de singularibus est clarior, de Universalibus verò est confusa, & cognitio quò universalior est imperfectior, & in homines etiam rudissimos cadit; quis enim nescit cælum, & hominem esse aliquid? tantò verò perfectior cognitio, quanto magis etiam in ultimas, & singularissimas differentias rerum penetrat, & ideo Dei scientia non est de Universalibus, sed singularibus.

*R.* Aliam esse abstractionem *totalem*, cùm differentiæ specificæ à genericis abstrahuntur, & hæc parit in objecto abstracto confusionem, potentialitatem, & minorem intelligibilitatem: & quamvis quod sic abstrahitur, quoad nos sit magis, & prius notum, quoad se tamen est minus intelligibile, v. g. quò plures differentias specificas ab homine abstrahis, eò minus intelligis quid sit homo. Vide S. Th. 1. p. q. 3. a. 3. Cajet. de Ente & Essent. c. 1. q. 1. & ratio est, quia hæc abstractio tollit specificas actualitates (differentia enim actualitatem genus sicut forma materiam, lux colores) actus autem secundum se est notior potentia, ut experi-  
entia



entiâ patet, & videri potest S. Th. 9. *Metaph. text. 20.* Alia verò est abstractio *formalis*, quâ tota essentia, & species abstrahitur à singularibus, & hæc est valde utilis scientijs, *tum* quia reddit objectum scibile, & necessarium, nam propositio, cujus extremum aliquod est singulare, semper involvit aliquod contingens, & mutabile, ut in hac, *Petrus est homo*, tò Petrus dicit aliquod existens, & prout à nobis cognoscitur, mera accidentia (nec enim assignare poteris, per quid substantialiter Petrus à Paulo differat) quæ omnia à scientijs earumque objectis aliena sunt. *Tum* etiam quia singularia *ut sic* à nobis explicari non possunt, nisi per merè contingentia, figuram videlicet locum, tempus, &c. quæ causas necessarias non habent, & ideo sciri non possunt: non etiam habent aliquas proprietates individuas, & inseparabiles (nam quænam illæ?) ut sic ergo non sunt demonstrabilia. Cum ergo separatio à singularitatibus removeat contingentiam, & differentias naturaliter incognoscibiles, reddit objectum magis scibile & illuminatum.

*Dices:* Intellectus utique cognoscit etiam singularia, Petrum & Paulum, aliàs deterior esset sensibus: & scientiæ aliquæ etiam de singularibus agunt, v.g. de hoc sole, de hac luna, &c. de hoc triangulo quòd habeat angulos æquales, &c.

æ. Singularia ut sic cognosci, sed non sciri. Mathematicus cum de Sole, Luna, Cælo, &c. accidentia aliqua demonstrat, quæ tamen sint immutabilia, hanc immutabilitatem deducit non ex gradu solis individui (nam alijs etiam solibus, si essent, talis incorruptibilitas compereret) sed specifico, quia corpus cæleste, & incorruptibile. Deus verò, cum singularia cognoscit, illa tamen non scit, quamvis perfectissimè cognoscat, quia propter necessariam suam ac intrinsecam existendi contingentiam, & defectum proprietatum, quæ de illis *ut sic* demonstrari non possunt, cum nullas habeant, sciri non possunt; nulla verò est imperfectio nescire nescibilia, sicut non posse impossibilia; maxime cum Deo alia & perfectior cognitio singularium non desit, simplex videlicet intuitio. Non ideo tamen negamus cognitionem singularium esse utilem; à singularium enim experientia, & inductione ad notitiam Universalium perveni-

tur tanquam ab imperfecto ad perfectum. Et singularia sunt nobis propinquiora, & ideo notiora, notitiâ exprimente, quid *per accidens* sint, Universalia verò sunt magis nota, scientiâ exprimente, quid sint *per se* & essentialiter.

*Obijciatur* 3. Objectum præcedit actum potentix; sed abstractio à singularibus pertinet ad objectum intellectûs, ergo præcedit omnem actum intellectûs, ergo non fit ab intellectu. *Major* est certa, cum objectum sit causa efficiens & exemplaris actuum, eosque specificet; causa verò est prior causato. *Minor* est æquè certa, saltem quoad actus scientificos; singularia enim non sunt scibilia, ut modò dictum.

*Re.* Universalia esse objectum scientiæ, & ideo scientia non abstrahit objecta, sed supponit jam abstracta; non ita quidem, ut res cognita à parte rei non sit singularis, est enim, sed quia species ab objecto resultans singularitatem non repræsentat: *tum* quia species non semper repræsentat omnia, quæ in objecto sunt. *Tum* quia singularitas substantialis non est cognoscibilis, ut sæpè dictum; *tum* quia esse abstractum est esse separatum à differentiis numericis, & multiplicantibus, & ita esse unum; sed natura v.g. humana hanc Unitatem similitudinis habet ante omnem actum intellectûs; *tum* quia objectum creatum beneficio virtualis distinctionis potest inadæquatè cognosci: *tum* denique, quia species rerum, antequam perveniant ad intellectum possibilem, & cognoscentem, transeunt per intellectum agentem, & ibi secundum D. Thomam elevantur ad gradum perfectionis repræsentandi sine singularitatibus. Vide 1. p. q. 14. a. 11. ad 1. & q. 79. a. 3. & q. 85. a. 1. ad 3. & 4. & 2. contra Gentes c. 77. Cajet. in c. 4. de Ente & Ess. post. q. 6. patet ergo objectum prius liberari à statu singularitatis quàm evadat scibile.

Cæterum circa hanc abstractionem *Notandum* est, non agi de abstractione negativa, hæc enim cum contineat errorem, & falsitatem, omnino scientiæ repugnat; talis est si dicas: *Nix non est candida; Natura realis non est singularis.* Abstractio verò *præcisiua* alia est absoluta, alia comparativa, & hæc iterum, *simplex*, aut *composita*.

Per has autem omnes cognitiones, & abstractiones natura concipitur sine singularitatibus, ac ut universalis, Univer-

salitate saltem scientificâ, hoc est, quæ sufficiat, ut de aliquo objecto scientia dari possit: an verò hæc omnes abstractiones, vel quænam illarum constituat Universale Metaphysicum, aut Logicum, proprium aut improprium, quæstio levissima est, merique nominis, nec mihi aut vacat, aut lubet araneorum more cum muscis luctari, & umbras in pilo quærere.

•XIII. *Quæritur 10.* An hæc abstrahendi facultas se extendat ad omnes potentias cognoscitivas?

*Resp.* Non omnis potentia cognoscitiva abstrahit objectum à singularitatibus.

Non 1. Intellectus divinus, quia hæc abstractio semper est conjuncta limitationi, & confusione; abstrahere enim est cognoscere unum sine alio; sed cognoscere unum & non aliud, est imperfectè & limitatè cognoscere. Intellectus tamen Angelicus potest, quia sicut habet limitatum esse, ita potest habere limitatum cognoscere.

2. Non potentia imaginativa, quia cum hæc habeat esse materiale, ita & cognoscere, non ergo potest abstrahere ab omnibus accidentibus materialibus loci, temporis, figuræ, coloris, &c. per quæ natura evadit hæc, & distincta ab alijs singularibus. Quia tamen imaginatio v. g. lupi est de absentibus, & non existentibus, negari non potest eam incompletè abstrahere.

3. Non Potentiæ sensitivæ; hæc siquidem sunt immersæ materiæ, & de rebus existentibus, sed hæc sunt singularia.

*Rursus.* Omnes potentiæ materiales sunt in bonum naturæ, & ejus conservationi inserviunt: sed cognoscere aliquid sine hîc & nunc, nec conservationi nec praxi inservit; equus enim qui videret avenam, sed non hanc, neque hîc, pressus licet fame, determinari haud posset, ut potius hæc, quàm illac, antrorsum, quàm sinistrorsum, hodie, quàm cras ad eam sibi comparandam moveretur.

*Dicas.* Quando in magna distantia oculus rem aliquam videt, utique colorem videt, hoc enim est objectum visûs: &

tamen nullum colorem distinctè, non viridem, non rubrum ; &c. ergo etiam oculus abstrahit, hoc est, videt rationem genericam coloris sine specifica.

3. Si abstractio nihil sit aliud, quàm confusio, hoc est, cognitio obscura, non distinguens unum ab alio, negari non potest etiam sensum abstrahere, nunquam tamen completè ab omnibus singularitatibus, sicut abstrahit intellectus; nam in dato casu color videtur ut hic & nunc, cum tali modo existens, &c. intellectus verò potest colorem concipere sine hic & nunc, sive alio modo, alijs conditionibus essentia extrinsecis.

4. Voluntas æquè ac intellectus abstrahit, sed suo modo, hoc est, proportionaliter ad suam naturam; sicut enim intellectus cognoscit verum *ut sic*, ita voluntas amat bonum *ut sic*, prius tamen intellectus quàm voluntas abstrahit, amat enim rem ut ab intellectu propositam. Et hæcenus de Unitate Universalis tum reali, tum rationis; nunc ad aptitudinem essendi in multis, quæ est altera conditio ad Universale necessaria.

*Nihil autem est aliud hæc aptitudo*, quàm naturam aliquam posse cum multis singularibus identificari (ita ut verum sit dicere, *hoc est hoc*, ) & in illis singularibus multiplicari. Sic natura humana est apta inesse & identificari multis, quia verum est dicere, *Petrus est homo, Paulus est homo, & multi homines esse possunt*. Natura verò divina non habet hanc aptitudinem Universalem, quia licet possim dicere; *Pater est Deus, Filius est Deus, &c.* non tamen possum dicere, *& multi sunt Dij*, cum natura divina multiplicari non possit.

*Dicitur*: In hac predicatione *Socrates est albus*, prædicatum cum sit accidens, non identificatur Socrati, ergo quantum saltem Universale non requirit aptitudinem identitatis.

3. Sensum illius predicationis esse hunc; *hoc album est album*, ubi iam apparet identitas; nec propterea tamen est prædicatio speciei de individuo, quia hæc fit in abstracto *hæc albedo est albedo*. S. Thomas & Aristoteles dicunt ad Universale satis esse, ut unum sit aptum pluribus inexistere, quod etiam accidenti respectu subiectorum convenit. His suppositis

XIV. *Quæritur* 11. An, & qualis detur à parte rei aptitudo multis inestendi?

*Resp.* Datur à parte rei ante omnem operationem intellectus aptitudo, ut natura pluribus identificetur, non tamen servata Unitate numericâ. *Est certa.* Optimè enim ab actu ad potentiam, & aptitudinem arguimus: sed defecto natura humana est multa in multis, ergo habet aptitudinem non quidem, ut sit una, sed multa in multis. *Nota;* hanc aptitudinem non esse propriè loquendo potentiam aliquam positivam, sed tantum negativam, & non repugnantiam: naturam enim humanam esse aptam multiplicari nihil aliud est, quam non repugnare multis homines esse, sicut repugnat esse multos Deos.

An verò aptitudo essendi, & aptitudo prædicandi sint distincta, vel una, parvi momenti quæstio est. *Volunt alij* esse duas & distinctas, quia tot sunt negationes, quot formæ negatæ, aptitudo autem hæc cum sit *non repugnantia*, est negatio.

*Alij* esse unam, quia eadem forma positiva sufficit ad plures actus subordinatos; corruptio enim formæ est etiam corruptio proprietatum.

XV. *Quæritur* 12. An detur à parte rei Unitas aliqua *formalis positiva* necessaria ad Universale Philosophicum?

*Resp.* Non datur à parte rei natura apta esse in multis cum Unitate formali positiva. Pater ex dictis, ubi hanc Unitatem formalem positivam reiecimus, quæ à multis Scotistarum admittitur, à multis negatur; intelligunt verò per Unitatem formalem positivam, quæ humanitas v. g. Petri, & Pauli ita est una: ut si auferrentur hæcceitates (quæ à natura realiter formaliter distinguuntur) omnino eadem, & indistincta natura appareret; sicut v. g. facies humana in multis speculis multiplex apparet, & pro istorum varietate, magnitudine, coloratura & ipsa facies varia est, sublatis tamen speculis in unam colligitur, ergo in se est una, in speculis multiplex; ita, inquit, natura humana & hæc Unitas formalis, cum pertineat ad prædicata essentialia, aut ex his oriatur, etiam in statu contractionis retinetur; sicut indifferentia materiæ in statu informationis; duæ ergo reales Unitates in  
filii-

singulis rebus dantur, *formalis*, & *numerica*, hæc tamen major formali, quia reddit naturam penitus unam, & omnino indivisibilem; non tamen denominat naturam *positive* Universalem, sed tantum *negative*, hoc est, secundum se non singularem; quia secundum se natura nec dicit conjunctam esse singularibus, nec ab illis separatam; sicut nec materia secundum se dicit informari formâ equi, aut non informari, nec annulus cum gemma adamantis conjungi, vel non conjungi, sed indifferentiam ad utrumque; licet enim separari, & non separari sint contradictoria, non tamen separari secundum se, & secundum se non separari; hæc enim non sunt immediatè opposita, cum habeant medium, videlicet *secundum se esse indifferentem*. Sicut paries secundum se nec est albus (aliàs semper esset albus) nec secundum se est non albus (aliàs semper esset non albus) sed secundum se est ad utrumque indifferens. Hæc est quorundam Scotistarum, ut dixi, sententia, quam alij aliter impugnant: *Aliquis* sic: Eâ admittâ daretur in creatis mysterium longè difficilioris mysterio Sanctissimæ Trinitatis, una videlicet realiter natura non tantum cum tribus suppositis, & personis, sed cum ter millibus, imò infinitis naturis singularibus identificata.

*Respondent* Scotiste, Quò magis aliquid est unum, eò difficilior pluribus identificari: Unitas verò Deitatis est numerica, humanitatis est formalis, non excludens aliam divisionem, videlicet numericam, & ideo longè difficilior & mirabilior esse Deitatem unam numero identificari pluribus Personis, quàm humanitatem unam formaliter pluribus individuis.

*Sed contra*. Sicut natura divina est una *numero*, & ideo non dividitur in plures naturas divinas, sed tantum in plures Personas; ita natura humana secundum se est una *formaliter*, & ideo non dividitur in plures naturas humanas, sed tantum in plures hæcceitates; ergo non major est Unitas numerica in Deo, quàm tua formalis in homine, in utroque videlicet divisio naturæ; ex altera verò parte tua longè prodigiosior, quæ non tribus tantum, sed mille identificatur, moribus, loco, tempore disjunctissimis; longè autem difficilior est disjunctissima & re-

pu.

puenancia conjungi, quàm intima, & similia. *Rursus*, cùm dicis Unitatem formalem hominis minorem esse numericâ Dei, & ideo minùs mirabilem; quia admittit adhuc aliam divisionem individualement, *Quaro*, illa Unitas formalis *vel* dividitur per hæceitates, *vel* non dividitur? *Si dividitur*, falsum est ergo, eam in singularibus durare, sicut falsum est, ramum divitum unum esse ramum. Falsum est etiam, eam Unitatem esse realem & ante omnem operationem mentis; quod enim realiter est divitum, realiter non est Unum: sed illa unitas realiter & semper est divita per hæceitates, ut admittis, ergo definit esse Unitas. *Si* verò Unitas formalis in statu contractionis non dividitur, sed manet perinde formaliter una, ac ante contractionem, quid ergo minus habet Unitas *formalis* in homine, quàm Unitas *numerica* in Deo? utraque enim dicit indivisionem naturæ; imò plus erit miraculi in hac tua natura formali, hæc enim identificatur pluribus naturis numero distinctis, hoc est, Petreitati, Pauleitati, &c. quæ non sunt meræ relationes: divina verò non identificatur pluribus naturis, sed tantum pluribus relationibus, & Personis, quod minus est: pluralitas enim relationum non repugnat summæ simplicitati, & Unitati, sicut pluralitas numerica: sed quò magis aliqua sunt plura & recedunt ab Unitate, eò majus miraculum est ea uni identificari, ergo in tua natura, & Unitate formali plus est miraculi, quàm in SS. Trinitate.

*Aliud* contra eandem Unitatem est argumentum. Petreitas ut Scotisticè distincta (sic voco distinctionem realiter formalem) ab humanitate, *vel* est aliquid, *vel* est nihil? *Si nihil*, ergo non multiplicar numericè naturam, quod enim nihil est, nec numerum facit, nec multitudinem. *Si aliquid*, *vel* est natura, *vel* non est natura? *si hoc*, cur magis facit multitudinem numericam, quàm relationes in Trinitate? *Si est natura* ergo Petreitas, & Pauleitas, ut distinctæ à natura humana inducunt divisionem non tantum numericam, sed natura & formalem.

*Rursus*. Dabitur processus in infinitum; hæceitas enim, ut tu dicis, est natura, & utique humana (alias Petrus. ut Petrus, non esset homo, quid ergo? petro an papa? ) ergo *hi natura* convenit cum Paulo, disitque novam Unitatem forma-



lem & pluribus communem, ut *hic* differt à Paulo, & de hac hæceitate eadem quæstio in infinitum repetitur. Quod si Petreitas ut Scotisticè distincta à natura est natura, quæso quid opus est aliâ naturâ, ut sit natura? Sicut si mel est summè dulce, non opus erit alio melle, ut evadat dulce. Et si triangulus, ut triangulus habet tres angulos, non opus alio angulo habebit, ut triangulus evadat.

*Tertio*: Natura in Paulo tota perseverat mortuo Petro, ergo separatur realiter à Petro, ergo realiter distinguitur à Petro ( nullum enim majus est signum distinctionis realis quàm separatio ) ergo natura Pauli non est una in Paulo & Petro, quæ enim in Petro est, illi identificatur, non verò ab eo distinguitur, ut tu ipse concedis. Si dicas naturam humanam, quæ realiter Petro identificatur, posse à Petro separari, quia cùm sit universalis, non est ad Petrum limitata, sed etiam Paulo unitur, ergo etiam cum hoc superstes est. *Contra*, etiam natura divina non est limitata ad Patrem, & tamen à Patre separari non potest, quia cum hoc identificatur, ergo illimitatio non præjudicat juribus identitatis. Si dicas naturam divinam, licet non limitetur ad Patrem, separari adhuc à Patre non posse, quia Pater est immortalis, & indefectibilis. *Contra*. Ideo Pater quia talis est immortalis, quia identificatur realiter cum natura immortali, hoc est, divina; hæc enim est tota radix immortalitatis, Personæ enim ut sic non sunt æternæ, aut immortales, aliàs in Deo tres essent æterni & immortales, &c. ergo eodem modo, si Petrus & Paulus identificantur cum natura humana, sicut hæc à principio usque ad finem mundi est incorruptibilis & immortalis, erunt & ipsi incorruptibiles & immortales, dicis enim identificari cum una & indefectibili natura.

*Quarto*. Si eadem est natura Petri & Pauli & Judæ, ergo eadem res naturaliter potest esse in cælo, & in terra, infelix & beata, mortua & vivens, quæ omnia sunt absurda.

*Dices*. Hæc repugnare naturæ singulari, non universali, quia Universalis est illimitata, & virtualiter multiplex, & ita non oportet ut quod uni convenit statim etiam alteri conveniat; sicut licet Humanitas Christi sit realiter conjuncta divinitati, non ideo

ideo tamen sequitur, ut ubicunque est Deus, illic etiam sit Christus. *Contra:* Nulla creata illimitatio potest major esse, quàm sit divina, & tamen quia hæc Personis identificatur, fieri non potest, ut alicubi sit natura, ubi non sit Persona, & quia ubique est natura, non etiam ubique sit Persona. Nec sufficit, ut natura humana, quæ Scotisticè à Petreitate distincta, sit *virtualiter* multiplex, & ideo in pluribus locis esse possit; nam etiam homo est *virtualiter* multiplex, æquivalétque pluribus creatis entibus, non ideo tamen in pluribus locis esse potest. Nulla ergo aut illimitatio, aut virtualis multiplicitas contra clarissimam experientiam hanc Unitatem formalem eximere ab his absurdis potest.

*Quind.* Non potest admitti distinctio realis formalis Scotistica, quæ hujus Unitatis fundamentum est.

*Sextid.* Nihil de novo creati posset, nihil annihilari; creatio enim est productio ex nihilo, sive totius substantiæ; annihilatio est corruptio totius substantiæ, nullo penitus remanente: sed si in anima Petri Petreitas tantum creatur, planè hæc non est productio totius, sed minimæ solum partis, totâ naturâ & essentiâ animæ præcedente. Idem proportionaliter de annihilatione dicendum.

*Dices.* Totam Petreitatem produci, & ideo creari. *Contra.* Eadem ratione sequeretur formam equi creari, quia tota forma producitur; annihilari, quia tota corrumpitur.

*Septimè.* Singularitas est essentialiter incommunicabilis, ergo hunc effectum formalem tribuit naturæ, sicut lux æri esse lucidum incompatibiliter ad tenebras; ergo licet natura diceret aliquam communicabilitatem in plura individua, eam amitteret factâ contractione: Sicut ær amittit obscuritatem receptâ luce, undecunque hæc veniat, etiamsi ab extrinseco.

*Dices 1.* A parte rei & remotâ omni fictione bona est hæc consequentia: *Petrus est, ergo homo est*: mala verò hæc: *Homo est, ergo Petrus est*; ergo à parte rei *homo ut sic* habet aliquam prioritatem in *subsistendi consequentia*, & aliquam independentiam à singularitate, & hæc aliquam dependentiam ab homine *ut sic*; ergo non identificantur, ergo sunt duæ res, ergo habent duas Unitates,

tes, homo videlicet, *ut sic* formalem, Petrus *ut sic* numericam.

R. Illam consequentiam bonam esse remotâ omni fictione, sed non remotâ omni operatione intellectûs, mirum enim, & novum sit sine intellectu argumentari: quia ergo vox *homo* ex impositione est vox Petro & Paulo communis, ideo conceptum excitat utrique communem, & ideo non potest intellectus inferre: *homo est, ergo Petrus est*, quia illatio esset contra regulas Logicæ, imò & luminis naturalis, videlicet à suppositione indeterminata ad determinatam, perinde ac si diceret: *Petrus vel est Papa vel non est Papa? ergo est Papa*.

Econtrâ vox Petrus significat hominem determinatum, & conceptum hominis determinati excitat, ergo bona est consequentia, *Petrus est aliquis homo, ergo est homo*; quia utrobique eadem suppositio determinata servatur; & de qua totum affirmatur, etiam partes: Sicur enim hæc valet: *Triangulus habet angulos duos & unum, ergo triangulus habet angulos duos*; ita hæc: *Petrus est homo, & est aliquis homo, ergo est homo*. Ceterùm si modum significandi, & concipiendi tollas, certum est prius esse individua, quàm species; ex individuis enim infertur species tanquam *consequens ex antecedente*: & sicut Unitas prior est ac principium multitudinis, ita singularia sunt priora, ac principium universalitatis: & ratio Universalis à singularibus abstrahitur: ergo prius sunt singularia ac status contractionis, quàm Universalis ac status abstractionis. Sicut prius est aliquid componi, quàm dividi, nec enim dividi potest, quod non est conjunctum.

Dices 2. Petrus & Paulus habent unam essentialem definitionem, ergo etiam unam essentiam; si enim duas haberet essentias, cur non duas definitiones?

R. Si loquamur de *objectiva* definitione, sicut habent duas distinctas essentias, ita duas distinctas definitiones *objectivas*: *formalem* verò definitionem habent unam, quia simul omni, & individuatō substantialis, quæ naturas discriminat, intellectum latet: sicut enim eadem imago ovi omnia ova; eadem imago leonibus omnes leones representat, quia aut nullam habent aut vix  
no-

notabilem dissimilitudinem, & ideo non opus est aliâ imagine quæ repræsentet ovum A. alia ovum B. Econtrâ verò corpora, & facies humana diversissimis imaginibus pingi debent, nec eadem omnibus servit, quia dissimillimæ sunt, ut pulchrè notat Plinius l. 7. c. 12. *Plures, inquit, in homine, quàm in cæteris animalibus differentia, quoniam velocitas ægitationum, animique celeritas, & ingenij varietas multiformes notas imprimit, cum cæteris animalibus immobiles sint animi, & similes omnibus, singulisque in suo cuique genere: Eodeni modo quia essentia hominum, præcis accidentibus individualibus, simillimæ sunt, unâ definitione velut unâ imagine pinguntur: & si ponas Petrum & Paulum habere differentias individuales omnino similes, non ideo tamen unum dici poterunt, tum quia similitudo excludit omnimodam Unitatem, qualis est individua, tum quia implicat esse differentias numericas, & non esse plures, (omnis enim numerus dicit pluralitatem) esse duos homines, & esse unum. Alias objectiones jam supra solvimus, ubi contra Fonsecam & Platonem.*

XVI. *Queritur 13. An detur à parte rei aliqua Unitas formalis privativa ad Universale Philosophicum necessaria?*

*Resp.* Non datur à parte rei natura apta inesse multis cum Unitate aliqua *privativa*. Hæc Unitas *privativa* in eo ponitur, quòd natura secundum se non est singularis, nec universalis, nec una nec multiplex, sed ad utrùmque indifferens: sicut materia prima secundum se nec dicitur esse sub forma leonis, nec non esse sub forma leonis, sed indifferentiam ad utrumque. Sed Conclusio præter superius dicta probatur.

1. Quia hæc Unitas *privativa* naturæ secundum se competit; sed natura secundum se & in statu abstractionis à parte rei, & extra intellectum non datur, ergo nec illa Unitas *privativa*.

*Dues:* Etiam materia prima à parte rei vel determinatè est sub forma leonis, vel determinatè non est sub forma leonis, & tamen secundum se à parte rei est indifferens, & ad neutrum determinata, ergo idem de natura dici potest.

2. Summam esse disparitatem: materia enim sub quavis forma semper suum & distinctissimum à forma esse retinet, & ideo

deo indifferentiam sibi essentialē nunquam amittit, & ita illa reduplicatio *materia secundum se* bene habet locum, quia aliud est materia, aliud forma. Sed natura humana non distinguitur à Petro à Petreitate; & ita jure identitatis, quidquid Petro, etiam naturæ repugnat; sed Petro repugnat non esse rem singularem, ergo & naturæ, & ideo illa reduplicatio *secundum se* naturæ extra intellectum non convenit, quia natura nullum *esse suum* habet distinctum ab esse singularitatis.

2. Esse indifferentem est esse aptum ad plura: sed nulla natura est apta, ut sit Universalis, & expers hæcceitatis, cum hoc repugnet, & nullâ potentiâ, etiam divinâ, fieri possit (implicat enim idem separari à seipso, hoc est, idem non esse idem) ergo nulla natura est ad illud indifferens, aliàs daretur possibilitas ad impossibile.

3. Naturam esse unam negativè est non esse divisam in multa, sed à parte rei omnis natura est divisa in multa per singularitates. *Nec repetas* non esse singularizatam *secundum se*; jam enim respondi, hanc reduplicationem à parte rei locum non habere: nihil enim magis alicui *secundum se* convenit quàm sua essentia, & *idem esse idem*: sed omnis natura est idem cum hæcceitate, ergo *secundum se est hæc*. Si verò *secundum se* appellat super naturam ut conceptam sine singularitatibus; verum est eam non esse singularem; sed tunc hæc Unitas *negativa* & indifferentia non est realis, sed rationis. Objectiones jam suprâ solvimus.

XVII. *Quæritur 14.* An Intellectus naturæ tribuat Unitatem requisitam ad Universale Philosophicum?

*Resp.* Natura nullam ab intellectu Unitatem, & aptitudinem essendi in multis recipit, quæ sit necessaria ad Universale Philosophicum, & scientificum, & ita reuotâ omni operatione intellectûs, omnique præcisione haberi potest, quidquid ad obiectum scientiarum, ad prædicationes essentialēs, ad veras, & perpetuas definitiones, hoc est, ad Universale Philosophicum necessarium est.

*Nota:* Philosophi curam, & studium esse non chymeras venari, sed veritatem. Quidquid ergo de Universalibus dicitur, scribitur, disputatur, ad somnia pertinet, & deliria animi

ægotantis, si non veritati serviat. Dici non potest quàm multæ, quàm variæ sint de Universalibus Doctorum sententiæ, omnibus novi aliquid somniare certantibus. *Aliqui* tunc fieri dicunt Universale, cùm natura ab intellectu præscinditur, tunc enim & esse unam, & aptam in multis. *Alij* Universale ponunt in specie ab intellectu agente facta, & hoc dicunt esse Universale Metaphysicum. *Alij* Universale Metaphysicum à cognitione præcisiva & absoluta accipiunt, cùm videlicet res ipsa secundum se comparatur, non comparando illam ad inferiora. *Alij* Universale Logicum actui comparativo tribuunt simplici, non composito. *Alij* actui comparativo composito & per modum judicij seu prædicationis. *Alij* in relatione rationis, quæ ex natura præcisiva, & inferioribus comparata resultat. Quis non crederet tam vatio certamine pro Helena & Troja pugnari?

Sed probatur Conclusio 1. Universale definitur *unum aptum inesse multis*; quæ definitio tam est antiqua, quàm Philosophia peripaterica, & in omnibus scholis recepta. Vel ergo intellectus præscindens tribuit naturæ aliquam Unitatem & aptitudinem realem, quæ in rem transeat, vel tantum intentionalem, quæ in natura non sit, sed in sola cognitione? Si primum, scire velim, quis intellectui, & quando hanc facultatem tribuerit naturas transformandi; ut quæ prius non erat una, ab intellectu, & realiter fiat una? an non eodem modo, si possum cognoscendo naturam facere unam, quæ non est una, potero Petrum cognoscendo facere Papam, qui non est Papa? Si verò intellectus naturam non facit unam, sed tantum cognoscit ut unam, ergo Universale malè definitum est, *unum aptum inesse multis*, sed definiri debet, *unum aptum cognosci inesse multis*; longè enim aliud est cognosci, aliud esse, & ineptissimus esset hic modus definiendi; perinde enim ac si Papam definiret: *Papa est: qui apprehenditur esse Vicarius Christi: Dives est qui apprehenditur multum auri argenti-que habere.* Et quis credat Aristotelem torque post illum Philosophos voluisse Universale definire, *per unum aptum in esse multis* & non potius *per aptum concipi de multis*, si hæc aptitudo & Unitas est merus conceptus, & non res?

2. Natura Universalis ponitur ut necessaria ad prædicationes essentielles, & perpetuas, & ideo prædicabilitas est proprietas Universalis; ideo enim aliquod unum prædicatur de multis, quia unum inest multis. *Jam sic argumentor: vel prædictio ista & Unitas Universalis ab intellectu facta est necessaria, ut una natura de multis verè prædicetur, vel ut falsò & non verè? si ut falsò, nocet potius Universale, quàm profit Philosophia, quæ est scientia veri; & quid potest absurdius dici, quàm propositiones falsas esse necessarias veritati intelligendæ? & verò Unitas Universalis est necessaria, ut unum verè de multis prædicetur, ergo hæc Unitas & aptitudo non tantum est in conceptu, sed etiam in re. Probatur hæc consequentia, quia ad hoc ut dicam verè, Petrus est hoc, non sufficit Petrum sic concipi, sed oportet Petrum sic esse, & nisi sit, conceptus est falsus; ergo prædicabilitas Universalis non est in intellectu (hic enim non potest facere rem aliquam verè prædicari, si à parte rei non est prædicabilis) sed in re.*

*Confirmatur: Deus verissimè de Petro & Paulo prædicat animalitatem, & humanitatem, & cognoscit pluribus inexistere, & tamen non abstrahit, ergo Unitas abstractiva non est necessaria ad veras prædicationes, nisi majorem aliquam Unitatem quæras, quàm in Deo sit.*

*Dices. Deum non præscindere ob perfectionem intellectus divini, hominem verò præscindere ob imperfectionem.*

*Contrà. Verum est intellectum præscindere, & unum sine alio cognoscere, & ideo facere Universale in representando, illa enim cognitio, dum naturam representat sine singularitatibus, planè representat naturam Universalem, & ideo facit Universale in representare, non in esse, de quo nobis quæstio: cum enim cognoscis humanitatem, non cognita hæcitate, non mutas esse ipsius humanitatis; ergo hoc esse vel ante tuum conceptum si i Universale, vel si fuit singulare, etiam post tuum conceptum manet singulare, ergo Universale in esse & in prædicari, hoc est, tam Logicum, quàm Metaphysicum non est per aliquam Unitatem, & Universalitatem rationis, sed rei; Universale verò in representare est per Unitatem rationis.*

*Dices*



*Dices.* Ante præcisionem dari tantū Universalē remotū & fundamentale, non verò proximū & formale, tria enim dicit Universalē: *Subiectum* quod denominatur Universalē, & hoc dicitur Universalē remotū: *Fundamentum proximū* relationis Universalis, quod est Unitas præcisa ab inferioribus cum aptitudine, seu non repugnantia ad essendum in illis: & *Forma denique relativa*, quā respicit, & comparatur ad illa plura, ergo sublatā præcissione manet solū Universalē *fundamentaliter non formaliter* sumptum.

*Contrā.* De quo Universalī dicunt naturam esse tantū Universalē remotū, de Universalī in *representando*, an in *essendo*? Si de Universalī in *representando*, verum est; obiectum enim est fundamentum cognitionis, ideo enim sic cognoscitur, quia sic est. Si de Universalī in *essendo*, falsum est, illud tantū in cognitione formaliter reperiri, cognitio enim non dat *esse*, sed *concupi*; aliud verò est concipi, aliud esse.

3. Unitas præcisionis facit naturam esse vel potius concipi, ut unam, & identificabilem multis, sed hoc repugnat, ergo & illa Unitas. Major est confessio Adversariorum certa; volunt enim naturam Universalem multis inesse, non accidentaliter ut albedo parieti; nec partialiter, ut brachium corpori, nec localiter, ut aqua in vase, sed identicè, ut essentia essentiatō, quæ Unio identica explicatur per copulam *est*, & prædicatum *substantivè* sumptum, non tantū *adjectivè*, dicendo v. g. *Petrus est homo*; qui modus prædicandi est identicus, & ideo non possum dicere *Petrus est corpus*, sed tantū *Petrus est corporeus*. Minor probatur. Sic se habet Unum *intentionaliter ad multa intentionaliter*, sicut Unum *realiter ad multa realiter*: sed repugnat idem realiter esse Unum, & realiter esse multa, ergo etiam repugnat idem intentionaliter esse unum, & intentionaliter multa, sive unum concipi identificatum multis: Sicut enim implicat, non solū parietem esse album, & non esse album, ita implicat, non solū eandem naturam esse unam, & non esse unam (hoc est multas) sed etiam concipi esse unam, & non esse unam, hoc est, multis identificatam: si verò implicat, ergo natura sic concepta sub statu præcisionis non habet

aptitudinem, ut sit una, & multis identificata, quia non est aptitudo ad impossibilia.

*Dies* implicare ut unum manens unum, sit multa, non tamen ut unum designat unum esse, & fiat multa; nam quantitas bipalmaris v. g. est una, & tamen in multas partes dividi potest, videlicet in duos palmos & quatuor semipalmos.

*Contra.* Cum ergo Universale in sua singularia dividitur & de singularibus prædicatur, v. g. *Petrus est homo*, autly *homo* retinet suam Unitatem Universalem, aut non retinet? Si retinet, ergo sensus illius propositionis erit, *Petrus est homo Universalis*; dicis enim eam Universalitatem cum homine ad Petrum descendere.

*Rursus.* Semper erit verum, quod unum manens unum identificetur cum multis, videlicet Petro, Paulo, Jacobo, &c. quod diximus implicare. Si verò, quando prædicatur homo de Petro & Paulo, *amittitur Unitas Universalis*, ergo falsum est Universale esse unum aptum inesse, hoc est identificari multis; quod enim non est, non potest cum alio identificari, sed in actuali prædicatione illud *Unum*, & illud *Universale* nunquam est, ergo non potest identificari cum singularibus: dic ergo, quando illa aptitudo essendi in multis cum Unitate præcisionis reducatur in actum? & si nunquam reducitur, aut reduci potest, qualis sit illa potentia, & quid commodi habeat, si nunquam in actum exit, nunquam exire potest? Aliud est de quantitate bipalmaris, hæc enim cum dividitur, non manet una, nec de partibus prædicatur, nec tantum est in partibus quantum est in toto: sed cum dico, *Petrus est homo*, manet prædicatio Universalis, speciei videlicet de individuo: manet Unitas præcisionis: manet totum quod concipiebatur ante prædicationem, ut communiter fatentur Adversarij. Semper ergo verum est, eam Unitatem præcisionis implicare.

4. Ut albedo de Petro sit prædicabilis, multoque magis, ut actu prædicetur, non sufficit, ut albedo possit Petro inesse, sed requiritur, ut actu insit, aliàs falsum erit dicere, *Petrus est albus*: ergo eodem modo, ut natura aliqua universalis apta sit de multis prædicari, requiritur ut actu multis insit: sed per hoc quod

quòd natura cognoscatur non cognitis hæcceitatibus, non ideo multis inest, ergo non ideo potest de multis prædicari, ergo falsum est prædicabilitatem esse proprietatem naturæ ut præcise.

*Dices:* Natura præcisa cognoscitur ut apta multis inesse: sed ex aptitudine inessendi sequitur aptitudo prædicandi, quod enim aptum est esse ignem, est etiam aptum calefacere, & sursum moveri.

*Contrà.* Cognitio non facit rem ita esse, si antè non erat, & ideo nec facit rem verè prædicari, si antè non erat prædicabilis: singe, concipe, quantum lubet, hominem esse hinnibilem, aut quadrupedem, non ideo tamen est hinnibilis, nec ideo quadrupes, nec ideo hinnibilitas de homine prædicari potest.

*Deinde.* Si ex aptitudine essendi sola sequitur aptitudo prædicandi, & etiam actualis prædicabilitas, potero de ligno dicere: *Lignum est naturaliter calefactivum: ligni centrum est in concavo lune:* quia lignum potest esse ignis, & ignis est naturaliter calefactivus, ac centrum proximè lunam habet.

XVIII. *Quæritur 15.* Quam igitur Unitatem natura habeat à parte rei, quæ sufficiat ad Universale Philosophicum?

*Resp.* Natura nullam aliam à parte rei Unitatem habet, quàm *similitudinis, convenientiæ, & uniformitatis.* Nullam etiam aliam habet aptitudinem essendi in multis, quàm illam realem, per quam non repugnat plures naturas valde similes existere, unàque specie representabiles. Et hæc Unitas & aptitudo realis sufficit ad Universale Philosophicum, & scientificum.

*Ratio est 1.* Universale est *unum aptum inesse multis*, ex quo sequitur *posse prædicari de multis*: sed nulla alia Unitas in esse datur quàm similitudinis, & conceptibilitatis: Unitas verò præcisionis non pertinet ad Universale in esse, sed tantum in significari. ergo, &c.

1. Hæc Unitas sufficit ad omnes effectus Universalis; ideo enim potes de Petro, & Paulo hominem prædicare, quia uterque à parte rei est verus homo: ideo hæc prædicatio *Petrus est homo*, est

perpetuæ veritatis, quia in omni statu hæc hypothetica est necessaria; *Si est Petrus, est homo*: vel *Petrus realiter existens est realiter homo*; *Petrus possibiliter existens est possibilis homo*: ideo Petrus & Paulus sunt ejusdem speciei, quia habent similem naturam quoad prædicata illis per se convenientia. Ideo de singularibus *ut sic* non datur scientia, quia nobis non constat de rationibus substantiabilibus, quæ duo individua per se distinguant: constat verò de rationibus essentialibus, per quas duo individua convenient. Ideo Universalia sunt æterna & incorruptibilia, singularia verò corruptibilia, quia licet moriatur, & corrumpatur Petrus, non tamen omnes homines corrumpuntur, & moriuntur Petro similes. Nihil ergo Unitas præcisiva in Universali Philosophico operatur, quod non æquè operetur Unitas realis, & similitudinis; aut si aliquid plus operatur, quid illud est?

3. Unitas præcisiva non est in natura, sed in sola cognitione, ita ut cognitio licet sit in esse singularis (existit enim, & est hæc, quod singularium est) in *representando* tamen est universalis, quia non representat naturam *hanc & illam*, sed naturam *ut sic*: tota ergo Unitas præcisiva est Unitas intentionalis, & cognoscitiva, ergo est Unitas similitudinis & imaginis (cognitio enim nihil aliud est, quàm similitudo, & imago objecti) si ergo Unitas naturæ intentionalis sufficit ad Universale, cur non Unitas similitudinis realis? hæc enim major est; plus enim est verè, & realiter similem esse, quàm similem apparere.

*Confirmatur.* Sint duo homines facie simillimi (quales gemini illi quos eximiâ formâ, & similitudine 200 sestertijs, hoc est, monetæ nostræ florenis 12500. ab Antonio Triumviro emptos Plinius scribit *lib. 7. c. 12.*) horum unus Petri alius Pauli nomen habeat; hi unâ picturâ, aut imagine exprimantur (cur enim exprimi non possint, cum nullâ re differant, sicut propterea unâ imagine duo ora simillima coloribus adumbrari possunt) quis jam dicat propter Unitatem illius imaginis has propositiones veras esse, *Petrus est Paulus, Paulus est Petrus*: vel *Petrus & Paulus sunt unus homo*? aut si istæ propositiones veræ sunt, non ideo veras esse, quia Petrus & Paulus unâ imagine representantur, sed quia verè, & ante omnem imaginem sibi similes sunt? Sic  
*omni-*

*omnino*, ut Petrus & Paulus sint unus homo; non sufficit tua præcisiō, hoc est, ut in tuo intellectu unam imaginem habeant; aut si hoc sufficit, multo magis erunt unus homo, quia sibi realiter similes sunt, quàm quia unam imaginem in tuo intellectu habent, hæc enim Unitas est tantum apprehensionis, in quo error esse potest, illa realitatis, in qua error esse non potest.

*Obijciunt* 1. S. Thomas quamplurimis locis docet, Universale in intellectu non rebus esse; & fieri cognoscendo unum non cognito altero, hoc est, præciscendo. Videatur præsertim in opusculis de Ent. & Essent.

2. S. Thomas videtur expresse loqui de Universali non in *esse*, sed in *representare*, & ita nobiscum sentire. Pondera illius verba: *Ipsa enim natura habet esse in intellectu abstractum ab omnibus individuantibus & habet rationem uniformem ad omnia individua, prout essentialiter est imago omnium, & inducens in cognitionem omnium, in quantum sunt homines.* Et intra: *Hæc natura intellecta habet rationem Universalis secundum quod comparatur ad res, quæ sunt extra animam, quia est una similitudo omnium.* Et paulò post: *Non est Universalitas forma intellecta secundum hoc esse quod habet intellectum, sed secundum quod ad res refertur, ut similitudo rerum: sicut si esset una statua corporea representans multos homines, constaret, quòd illa imago habet esse singulare, & proprium, secundum quod est in hac materia; sed haberet rationem communem, secundum quod esset commune representativum plurium.* Ex his verbis S. Doctoris multifariam pro nostra sententia argumentari licet.

1. Intellectum præciscendo facere Universale tantum in *representando*, non in *essendo*; esse enim imaginem, esse similitudinem, quid sunt aliud, quàm repræsentare? & sicut artifex statuum fingens, quæ plurium hominum sit imago; aut vocale verbum pronuntians, quod æqualiter plura significet, non facit Universale in *essendo* (aliàs dicendum erit, *imaginem leonis*, & vocem *animalis* esse propriè dicta Universalia) ita nec intellectus; nam & ipse cognoscendo loquitur, pingitque objectum: cur ergo imago intellectualis constituat potiùs Universale in *esse* quàm corporea, cum utraque sit imago, nec aliud faciat, quàm repræsentare?

2. Si cognitio præcendens ex doctrina S. Thomæ ideo constituit verum, & scientificum Universale *in esse*, quia est similitudo rerum inter se convenientium, hoc est, similitudo similitudinis naturalis, cur non potius hæc ipsa similitudo naturalis hoc præster? semper enim major est prima similitudo, quam similitudo similitudinis, quæ est magis remota, & à prima recedens, sicut in picturis plus semper est pretij & similitudinis in autographo, quam in autographo, hoc est, in originali, quam in copia, & nulla est similitudo artificialis, quæ adæquet naturalem: si ergo ex S. Thoma similitudo Universale facit, potius id faciet naturalis, quam artificialis & intentionalis, quæ est in intellectu.

3. Unitas similitudinis, ut relata ad plura, ex S. Thoma facit Universale: si ergo similitudo sit in representando, faciet Universale in representando: si verò sit similitudo in essendo, faciet Universale in essendo: sed similitudo, quam dicit cognitio præcendens, est tantum in representando ( ut patet ex S. Thoma & ex natura cognitionis ) & similitudo, quæ est in natura, est in essendo, ergo relatio similitudinis naturalis, quæ est in Petro respectu omnium hominum, facit, & est formaliter Universale in essendo. Et si, ut docet idem S. Thomas *opusc. 41. c. 7. & opusc. 55. ratio communiter ab intellectu præcendente concepta redditur una, in quantum habet uniformem respectum ad omnia individua, quæ sunt extra animam, & ratione hujus uniformitatis plures homines sunt unus homo*, quanto magis ratione uniformitatis naturalis plures homines erunt unus homo? si enim verè dicitur niger, qui videtur, aut concipitur niger: multò magis verè dicitur niger, qui est niger. Ita si verè dicitur Universalis natura, quæ apparet, & concipitur uniformis, multò magis quæ verè, & realiter est uniformis: hæc autem uniformitas est à parte rei, ergo & Unitas Universalis.

*Obijciatur 2. Ex reali uniformitate resultat tantum Universale fundamentaliter sumptum, non formaliter, hoc enim est in solo intellectu. Addit Cornæus, Universale Aristotelicum extra intellectum non esse, & citat l. 1. de An. text. 8. eos verò, qui aliud Universale ponunt, obstinatè loqui, & litem nominis ferere.*

2. Uniformitas realis non tantū constituit Universalē *fundamentaliter* sumptū, sed etiam *formaliter*; quid enim deest? qui dicit aliquid ædificiū esse tantū fundamentū domūs, non ipsam domū; aliquem fruticem esse radicem tantū arboris, non ipsam arborem, debet ostendere quid ergo illi ædificio desit, ne sit domus, tectū, fenestæ, scālæ, patietes? quid illi frutici, ne sit arbor, caudex, truncus, flagella, cortex? ita qui dicit, uniformitatem realem Universalī Philosophicō, & scientifico formaliter sumpto non sufficere, debet dicere, quid ergo illi desit; habet enim Unitatem, habet aptitudinem essendi in multis, & utramque, positivā & realem, multoq; maiorem, quā sit merē intentionalis, & in solo conceptu; dicant ergo, cur sufficiat, quod est minus, & non sufficiat, quod est plus? Ad Corneij instantiam respondēdo, idem Aristotelem, quod S. Thomam docere, eodēque modo intelligendū: & textus ibi citatus communiter ab omnibus sic exponitur: *Animal Universalē, aut nihil est, aut posterius*, id est, *animal Universalē, quale à Platone ponebatur, separatū videl. & ideale, aut nihil est, aut si aliquid est, est posterius*, individuīs videl. prius enim est individua, & singularia esse, quā esse similia, & uniformia, sicut prior est unitas multitudinē, & prius parietem esse album, quā pluribus parietibus similem.

Neque hoc est obstinatum esse, sed cum multa ratione, ut suprà ostensum est, aliquid dicere, & rationem ab alijs, cur aliter sentiant, expetere, quā cum assignare non possint, merito illos deferimus, quia Philosophi munus, & partes sunt aut tacere, aut probare. Nec litē nominis intendimus, sed abusum & rei & nominis impugnāmus. Tu verum Cæsarem dicis, quod tantū imago est Cæsaris, non verò ipsum Cæsarem: ego illum Cæsarem dico, qui Cæsar est, qui verò pictus est, imaginem tantū Cæsaris; uter melius sentit, melius loquitur? Eādē omnino ratione *Universalē in esse* ego in natura pono, tu verò idem Universalē ponis in cognitione, quæ non facit aliquid esse: ego nigrum esse dico, qui niger est, tu illum, qui apparet; uter nostrū obstinatus est? sed Corneio sic placuit loqui, quia nec potuit veritatem vincere, nec voluit cedere.



*Obijciunt* 3. Universale proximum, & formaliter sumptum dicit naturam abstractam à singularibus, & indifferentem, ut de multis prædicetur: sed ante omnem operationem intellectûs, & per solam uniformitatem unius individui cum alio non redditur abstracta, & sic indifferens, ergo &c.

*Minor probatur*, tum quia illa uniformitas est à parte rei; quidquid autem consideratur, ut est à parte rei, non est abstractum à singularibus, sed intinè, hoc est, identicè illis conjunctum: tum quia similitudo est essentialiter inter duo, & inter res distinctas, ergo non tantum differentias numericas, à quibus fit numerus, & distinctio, non excludit, sed potius essentialiter includit; cum enim consideras Petrum & Paulum, ut similes, hoc ipso consideras, ut duos, & ut alium & alium; ergo jam consideras non solam formam humanitatis (. hæc enim non est alia & alia, nec dicit principium aliquod distinctionis &c.) sed etiam differentias illius, hoc est, singularitates; ergo per solam uniformitatem non constituitur natura Universalis.

&c. Nullum Universale, etiam quale ab Adversarijs admittitur, per Unitatem præcisionis excludere omnem respectum ad singularia; hoc ipso enim, quòd à singularibus abstrahitur, & de singularibus est prædicabile, duplicem respectum ad ista dicit, tanquam videlicet terminos à quo & ad quem; neque hoc impedit Universalitatem; nam etiam conceptus relationis dicit duos terminos numero distinctos, nec ideo tamen non est Universalis; sufficit ergo Universalitatem, ut est forma à suis terminis distincta, nullam differentiam involvere, unaque specie esse representabilem, & talis est natura humana in Petro & Paulo; nullam enim dicit differentiam nobis notam, quâ unus ab alio differat, sed omnimodam convenientiam, unamque conceptibilitatem. Ad Argumentum in forma *responderetur*: Quidquid est à parte rei, non est abstractum à singularibus, ita ut realiter sit separatum à singularibus, *concedo*; ita ut à parte rei dicat aliquam differentiam individualement nobis notam, quâ unum singulare ab alio per se, & non merè accidentaliter distinguatur, *nego*. Alio etiam modo dici potest humanitas abstrahere à differentiis, quia Petrus & Paulus v. g. in quantum à parte rei dissimiles, non sunt similes, & ut similes non sunt dissimiles: sed

sed sunt similes in natura & essentia, dissimiles in hæccitatibus; ergo natura non includit hæccitates, ergo ab illis abstrahit. *Vel* tandem responderi optimè potest distinguendo: Universale ut est unum, abstrahit à singularibus, *concedo*; ut est aptum inesse multis & defacto multis inest ac prædicatur, abstrahit à singularibus, *negō*: nec enim potest aliter esse in multis & plurificari, quàm per singularia. Natura ergo humana, ut dicit Unitatem similitudinis, non dicit differentias singulares, & características, & sic illas excludit: ut verò est in multis, utique illas dicit, imò cum illis identificatur. Est ergo una *similitudine*, sed multiplex *identitate*. Ut autem eadem natura uno respectu sit similis, alio dissimilis, sufficit virtualis distinctio, de qua alibi.

XIX. *Quæritur 16.* An Universale conservetur in omni Suppositione?

*Resp.* In omni Suppositione, *copulativa* videlicet & *copulata*; *disjuncta* & *disjunctiva* conservari potest Universale, saltem in representando.

*Ratio.* Quia in omnibus hisce propositionibus, *omnis homo est animal*; *aliquis homo est animal*, tam *homo*, quàm *animal* concipiuntur sub ratione, in qua conveniunt, & quæ alijs est communicabilis; non verò sub ratione, in qua differunt, & quæ est incommunicabilis: & licet signum *aliquis*, & tota propositio sit particularis, terminus tamen *homo* est Universalis, licet particulari applicetur; non enim repugnat de particularibus naturam Universalem prædicari, sed potius hoc pertinet ad proprietatem Universalis.

XX. *Quæritur 17.* An Universale possit ab unico individuo abstrahi?

*Resp. Affirmative.* *Ratio est*, quia natura considerata *ut sic* (hoc enim est abstrahere) jam est una & apta esse in pluribus, ac omnino indifferens.

XXI. *Quæritur 18.* An natura sit Universalis, quamvis plura individua repugnent?

*Resp.* Potest dari natura Universalis, licet à parte rei non possit esse in pluribus numero distinctis, v. g. in sententia S. Thomæ natura Angelica Michaëlis est una specie, & numero,

licet ne per divinam potentiam quidem plures numero Michaëles esse possint sibi in natura similes ; distinctio enim numerica ex sententia S. Thomæ sumitur per ordinem ad subiectum , vel materiam , quo sublato sola superest distinctio specifica ; sicut v. g. distinctio figuræ , ut figuræ , numeri , ut numeri est specifica , qualis est figura rotunda , & quadrata ; numerus ternarius , & binarius , &c. intra verò eandem figuram , & numerum non datur distinctio numerica , nisi per ordinem ad aliquod subiectum , v. g. lignum rotundum , aurum quadratum , &c. Hanc verò naturam Michaëlis , licet multiplicari numero non possit , veram esse speciem , verumque Universale docet S. Th. 1. p. q. 13. a. 9. & q. de spirit. creat. & c. 5. de Ent. & Essent. & 1. p. q. 50. a. 4. & contr. Gent. q. 3.

Ratio est 1. Quia in Michaële v. g. duo sunt ; natura specifica , quæ differt ab alijs , & singularitas ; & hæc duo *realiter formaliter* sunt unum , sed *virtualiter* duo , & distincta ; ut singularis est , dicit relationem , & respectum ad existere , ad subsistentiam , & alia accidentia extrinseca , quæ singularitatem committantur : ut natura verò Angelica est , dicit esse subsistentiam spiritualem completam , irreceptibilem in materia , cum sphaera intelligibili ut septem v. g. ( ponamus enim hanc esse differentiam specificam Michaëlis ) & abstrahit ab illis connotatis extrinsecis. Natura ergo Angelica & specifica Michaëlis , licet quæ singularis ex sententia D. Thomæ non possit esse in pluribus , nec admittat plures Angelos similes , potest tamen ut natura est : *tum* quia naturam esse communicabilem & fecundam est perfectio , & proprietas boni , cur ergo negetur naturæ Angelicæ , quæ longè perfectior est humana ? *tum* quia nulla est natura , aut ratio magis immaterialis , magisque excludens imperfectionem , quàm quæ in Deo est : sed ratio personæ in Deo non repugnat distinctioni numericæ , ergo nec ratio naturæ immaterialis in Angelo ; *tum* quia non habere sibi similem in natura est perfectio , & prerogativa solius Dei , & ex eo nata , quod Deus sit infinitus , ergo repugnat creaturam infinitè à Deo distantem illi similem esse ; omnis enim similitudo est quædam vicinitas , nec potest dici absolute similis , qui in aliquo gene-  
re

re est alteri infinitè dissimilis ; nec enim æthiops est similis nivi , quantumvis non infinitè sit dissimilis , dentibus enim cum nive certat.

2. Datâ repugnantîâ , & impossibilitate unius relativi non continuò sequitur impossibilitas alterius correlative ; est enim in sole vis illuminandi infinitos homines ; sed implicat infinitos esse ; est in Deo infinita imitabilitas & participabilitas suatum perfectionum ; & tamen implicat ab aliqua creatura infinitè participari. Eodem modo natura Angelica ut natura est , potest in pluribus individuis esse , licet hæc implicent ; si non implicarent , esse posset.

*Dicitur* : Species Angelica habet repugnantiam , ut prædiceretur de pluribus , & hoc ab intrinseco , quia secundum Thomistas ejus immultiplicabilitas provenit ex gradu puræ immaterialitatis , qui excludit omnem ordinem ad materiam , & consequenter omnem divisibilitatem in plura individua , ergo.

*R.* *Distinguendo Antecedens* : Angelus ut est natura , dicit repugnantiam ad plura individua , *nego antecedens* , nam etiam ratio Personæ in Deo est summè immaterialis , & tamen admittit distinctionem numericam , non ergo hæc immultiplicabilitas est à natura , nec à conceptu naturæ. Angelus , ut est *hic* , & *singularis* , dicit repugnantiam ad divisionem in plura individua , *concedo antecedens* ; ergo natura Angeli est essentialiter immultiplicabilis ut natura & species est , *nego consequentiam* , ut singularis est , *concedo consequentiam*. Adverte igitur immaterialitatem , & irreceptibilitatem in materia esse tantum *radicem remotam* , non verò *rationem formalem* , ut Angeli nequeant esse plures : Sicut ergo natura humana , quamvis radix risibilitatis sine hac concipi potest , imò realiter à proxima aptitudine ridendi distinguitur ; & sicut ens est radix veri & boni , & tamen ab his virtualiter distinguitur & sine his concipi potest , ita carentia materiæ in Angelis est radix numericæ immultiplicabilitatis , sine hac tamen concipi potest , quia virtualiter ab hac distinguitur tanquam essentia à sua proprietate , prius enim est Michaëlem esse , quàm singulare esse , quia singularitas desumitur per respectum ad

connotata extrinseca hypostasis, existentia, &c. Unde ergo Angelis formalis immultiplicabilitas?

*Respondetur*, ex singularitate. Expressè S. Th. q. de spirit. creat. a. 8. ad 4. Sicut enim forma cælorum explet totam capacitatem materię, ut aliam non appetat: & amor beatificus totam capacitatem voluntatis, ut præter Deum nulli alteri bono adhereret, ita singularitas & hypostasis Angelica explet totam capacitatem naturę, ut alteri supposito, aut individuo nequeat communicari. Hęc tamem à nobis ita dicuntur, non quidem ut negemus plures Angelos numero distinctos dari posse, sed solum ut hoc, ex principijs Thomistarum semel admissis, ostendamus, non implicare naturam aliquam Universalem esse, nec tamen posse multiplicari.



### §. II.

## De Proprietatibus Universalis.

### Summaria.

1. Universalis sicut aterna, sic incorruptibilia sunt.
2. Proxima Universalis Metaphysica proprietas est predicabilitas.
3. Ad quam tamen absoluta apprehensio non sufficit, sed requiritur comparatio.
4. Actualis predicatio Universalitatem à natura non tollit.
5. Quid, & quotuplex sit predicatio?

6. Traduntur Regula veritatem prädicationum cognoscendi.
7. Item circa prädicationes abstractorum, & concretorum.



Ost explicatam naturam Universalis ad ejus proprietates procedimus, & primò quidem ad eas, quæ illius esse, tum quæ ejus prædicabilitatem consequuntur.

I. Prima ergo proprietas est, quòd Universalia sint æterna, & incorruptibilia. S. Th. 1. p. q. 10 a. 3. ad 3.

*Ratio est*, quia licet ab æterno nulla sit creatura, Universalia tamen tribus modis dici possunt æterna & incorruptibilia.

*Primò hypotheticè*; semper enim verum fuit; Si Petrus existit, est animal rationale, non autem, est *albus*, vel *doctus*, vel tale aliquid, quo nos unum hominem ab alio distinguimus, & ut singularem apprehendimus.

*Secundò negativè*. quia Universalia *ut sic* nullum habent principium corruptionis, & generationis; omnis enim corruptio est existentis: Universalia *ut sic* non existunt: generatio verò terminatur ad existentiam, quam Universalia non habent.

*Rursus*. Natura secundùm gradum Universalem nullam dicit diversitatem, sed perfectam Unitatem & concordiam, & tota diversitas oritur ex gradu individuante & naturas characterizante; ergo Universalia sunt æternæ veritatis *negativè*, & semper dicere potero, *Petrus est animal*, hoc est, nulla est diversitas inter Petrum, & animal (qualis est inter Petrum & Paulum) & hæc est identitas negativa fundans æternam veritatem inter prædicatum & subiectum.

*Tertio.* Universalia sunt æterna, quia species non intereunt; sed tantum individua; nec enim mortuis Petro & Paulo natura humana mortua esse dicitur. In his ergo propositionibus, *Petrus est homo*, *Petrus est animal*, copula est non significat existentiam, quæ est temporalis, sed essentiam, quæ est æterna; quocunque enim loco & tempore Petrum concipias, non potes aliter, quam cum animalitate concipere. Idem dicas de hac propositione: *Homo est vivens*; quamdiu enim est homo, tamdiu vivit; & si ab æterno esset homo, ab æterno esset vivens, nec concipi potest homo, quin concipiatur vivens.

II. Ex eo quod natura sit Universalis, hoc est, apta esse in multis, sequitur tamquam altera proprietas, quod eadem natura prædicari possit de multis, & ita prædicabilitas proxima est proprietas Universalis Metaphysici.

*Ratio est*; prædicari est cognosci, ergo posse prædicari est posse cognosci; sed hoc est proprietas consequens esse; sicut veritas est proprietas entis, & visibilitas est proprietas coloris.

III. *Queritur circa hanc Universalis proprietatem I.* An ad prædicationem sufficiant duæ apprehensiones, vel requiratur comparatio?

*Resp.* 1. Ad prædicationem requiritur aliqua comparatio inter prædicatum & subjectum, nec sufficiunt duæ apprehensiones absolutæ; qui enim v. g. cognoscit, & apprehendit, quid sint pulmones & quid sint pisces, non idè cognoscit pisces pulmones habere, vel non habere, neque hæc duplex apprehensio magis intellectum determinat ad negandum vel affirmandum, non ergo sola apprehensio simplex, & non comparativa sufficit ad prædicationem.

2. Prædicatum est forma intentionalis subjecti, sicut anima v. g. est forma realis corporis; sed forma non unitur realiter materiæ nisi realiter disposita aptæque, ergo nec prædicatum, nisi subjecto intentionaliter disposito aptoque, est verò intentionaliter tale, cum cognoscitur ejus proportio ad subjectum, & contrà &c.

3. Plus est, & difficilius cognoscere aliquid esse idem cum alio, quam esse simile & æquale; similitudo enim non dicit conveni-



venientiam omnium prædicatorum, sicut identitas; & ita multi Ariani, qui sciebant Filium esse similem Patri, ignorabant, esse unum cum Patre, & omnes fatentur colorem Iridis, esse vero colori similem, sed multi dubitant, an sint veri; plus ergo est esse, quàm similem esse, & difficilior cognitio identitatis, quæ plura complectitur, quàm similitudinis: sed ut quis cognoscat unum esse alteri simile, æquale, conveniens, proportionatum &c. requiritur cognitio comparativa unius cum alio; ergo multò magis, ut cognoscatur unum esse idem cum alio, quod fit in prædicatione.

4. Isti tres actus, *cognoscere aliquid, istud cum alio comparare, & tandem unum de alio prædicare*, sunt tres actus subordinati: sed in actibus subordinatis non fit transitus de uno ad alium præterito medio.

5. Denique intellectus nisi compararet unum cum alio, omnino est indifferens, ut unum prædicet, aut non prædicet, affirmet, aut non affirmet de alio; siquidem non cognitâ proportionem subiecti ad prædicatum non cognoscitur totum subiectum, cuius pars est illa proportio, & ideo qui cognoscit phœnicem esse avem, & spatium 500. annorum esse tempus diuturnum, non continuo sciet phœnicem vivere 500. annos, nisi prius unum cum alio conferat; ergo hæc comparatio est necessaria, ut intellectum determinet, ad unum potius, quàm ad aliud prædicandum.

IV. *Quæritur 2. An Universale maneat in actuali prædicatione?*

*Resp. Affirmativè*: Cum ergo dicis, *Petrus est homo*, terminus *homo* est Universalis, & repræsentat naturam humanam pluribus individuis communem.

*Ratio est 1.* Univerſale definitur *unum aptum prædicari de multis*, hoc est, quod à parte rei est in multis individuis, & tamen est unum similitudine: sed cum dico, *Petrus est homo*, ly *homo* ita est in Petro, ut tamen etiam sit in Paulo, in Jacobo, in Joanne, &c. servatâ tamen in omnibus unitate similitudinis, quid ergo deest, ut non sit Universalis?

2. Cum dicis *Petrus est homo*, vel in ly *homo* repræsentatur Petreitas, aut alia singularitas, vel nulla? si nulla, ergo est terminus

minus verè Universalis : *si aliqua*, quæ illa ? an Petreitas ? ergo illa propositio erit planè identica & trivola, nec ulli scientiæ apta ; perinde enim sonabit ac ista : *Petrus est Petrus, &c.*

3. Hæc propositio, *Petrus est homo*, est speciei de individuo, ergo Universalis ; cùm enim dicitur, *Petrus est homo, Paulus est homo, &c. vel* in hoc prædicato illa duo individua conveniunt, *vel* disconveniunt ? *si conveniunt*, ergo illud prædicatum est Universalis, nam terminus singularis est radix & nota diversitatis : *si disconveniunt*, quæro quid ergo homo in Petro dicat, quod non sit in Paulo ?

4. Universale est unum aptum inesse & prædicari de multis, ergo potest esse in multis, & prædicari de multis, nec enim actus tollit potentiam, nec proprietas essentiam.

*Dices* : Palmus est una quantitas apta dividi in plures partes, v. g. in duos semipalmos, ita tamen ut factâ divisione non ampliùs retineat Unitatem ; sic Universale factâ prædicatione, & applicatione ad singularia amittit Unitatem, & consequenter Universalitatem.

*Resp.* 1. Falsum supponi ; Unitas enim Universalis est Unitas similitudinis, & convenientiæ, quæ, ut probavimus, manet in actuali prædicatione.

2. Universale dicitur *unum aptum esse in multis* per identitatem, oportet ergo illud aliquando esse multa, hoc verò fit in sola applicatione ad singularia, nam extra hæc non potest esse in multis ; non ergo applicatio ad singularia repugnat actuali Universalitati. *Secus* est in palmo, qui non dicitur esse aptus dividi in plures partes, ita ut totus sit in partibus, & cum his identificetur ; implicat enim totum esse partes : at Universale prædicatur de singularibus ut totum potentiale, potentia verò etiam sub actu conservatur.

6. Denique terminus *homo* ante prædicationem est Universalis, ergo etiam post prædicationem ; quid enim plus minùsve dicit aut repræsentat ? dicit quidem contractionem cum Petro, sed *nego* hanc obstare Universalitati, quia illa est extrinseca & ex parte subiecti ; prædicatum enim, ut prædicatum, dicit aptum hominem *ut sit*, & in illo nullus character, aut nota con-

contractionis existit : Sicut materia formæ unita adhuc est pura potentia , quia in ratione materiæ nullum actum dicit.

*Dices 1.* In hac propositione : *Petrus est homo* : prædicatum dicit Suppositionem confusam , aut determinatam , non ergo manet Universale ; illæ enim Suppositiones semper dicunt aliquam notam singularitatis.

*Re.* Suppositionem nihil facere ad Universale ; nulla est enim suppositio tam Universalis , quæ non resolvatur in signa particularia , ut patet consideranti : ut ergo illud prædicatum sit Universale , sufficit nullam in eo notam disconvenientiæ , & difformitatis apparere , sed omnimodam similitudinem , quæ est forma Universalitatis.

*Neque* hoc signum *aliquis* , aut *singulare* tollit Universalitatem , nisi exprimat distinctam aliquam diversitatem ; ipsa enim singularitas in actu signato de pluribus dicitur , & fundat similitudinem : sicut v. g. color albus , & niger sunt absolute qualitates dissimiles ; in hoc ipso tamen sunt similes , quod sicut albus niger , ita niger albo sit dissimilis. Eodem igitur modo cum dicis , *Petrus est aliquis homo* , hoc signum non destruit communitatem , & convenientiam , quam aliàs dicit *ly homo* , nam & Petrus est aliquis homo , & Paulus est aliquis homo , & Joannes , &c. & hæc est expressa S. Thomæ sententia 1. p. q. 30. a. 4. ubi dicit , quod *Individuum Vagum* , *aliquis homo* , significat naturam communem cum determinato modo essendi , non quidem ut genus , aut species , sed sicut *Individuum Vagum* ; non ergo suppositio confusa aut determinata semper destruit Universalitatem. Videatur S. Th. & præsertim in 1. d. 25. q. 1. a. 3.

*Dices 2.* Natura Universalis nec est hæc nec illa , sed ab omnibus abstracta : sed cum dico , *Petrus est homo* , natura humana non concipitur ut abstracta , sed ut contracta ad Petrum , alioqui sensus esset , *Petrus non est hic homo* ; vel *Petrus est omnis homo* , &c. quæ propositiones sunt falsæ.

*Re.* 1. Falsum supponi , quod videlicet Universale fiat per Unitatem abstractionis , cum tamen fiat per Unitatem similitu-

dinis realis, & ideo illius propositionis hic est sensus: *Petrus est homo, & similis natura cum Paulo.*

Re. 2. In ea propositione naturam humanam concipi, ut contractam ex parte subiecti, non ex parte predicati, & ita extrinsecè; in ipso enim prædicato hominis nulla nota contractionis.

Dices 3. Natura Universalis debet posse de multis prædicari: sed natura humana, quæ est in Petro, non potest de multis prædicari, cum non multis identificetur, sed soli Petro.

Re. Naturam Petri esse similem naturæ Pauli, & hanc similitudinem exprimi per ly *homo*: sufficit verò eandem similitudine naturam de pluribus posse prædicari, ut suprà demonstratum. Vel dic hanc contractionem, & identitatem hominis cum Petro non esse ex parte hominis, qui de Petro prædicatur, & qui ut sic concipitur ut indifferens ad plura individua, sed ex parte subiecti.

V. Quæritur 3. Quid, & quomplex sit prædicatio?

Resp. 1. Prædicatio nihil aliud est, quàm assertio aut negatio unius de alio. Fundamentum ergo prædicationis est tum identitas extremorum, tum modus rem concipiendi, eamque significandi: identitas significatur per copulam *est*: diversitas concipiendi eandem rem per prædicatum, & subiectum; in quolibet enim propositione affirmativa requiritur, ut subiectum & prædicatum significant id quod aliquo modo est idem secundum rem, & diversum saltem ratione. Vide S. Th. 1. p. q. 13. a. 12. & 1. p. q. 39. a. 4. & 5. Modus verò eandem rem concipiendi, & significandi præcipuè in hoc relucet, quòd aliquid significetur per modum abstracti, aut concreti, per modum totius, vel partis; abstracta enim nihil significant extranei, sed solam essentiam, v. g. humanitas solam formam hominis: albedo solam formam albi: cujus ratio est, quia humanitas significat tantum id, quo aliquid est homo: albedo, quo aliquid est album, non est autem aliquid homo formaliter loquendo, nisi per id, quod ad rationem hominis pertinet: nec aliquid album formaliter, nisi per id, quod pertinet ad rationem albi, & ideo abstracta diversarum specierum nequeunt de se invicem præ-

prædicari, quamvis reperiantur in eodem subjecto, hæc enim est falsa, *albedo est dulcedo*, quamvis utraque in eodem lacte reperitur. Vide S. Th. *opusc. 69. Lect. 2.* Concreta verò non significant formas impermixtas & simplices, sed potiùs conjunctas, permixtasque alijs qualitativis, & accidentibus; *homo* enim significat, quod habet humanitatem, *album*, quod habet albedinem, subjectum verò quod habet albedinem, etiam habet alia accidentia, nec enim quia habet albedinem prohibetur alias qualitates habere albedini non oppositas, & ideo concreta prædicari de se mutuo possunt; hæc enim est vera: *album est dulce*, quia non repugnat subjectum, quod habet albedinem, etiam habere dulcedinem, ut patet in lacte.

*Rursus.* Licet abstracta, & concreta eandem rem explicitè, & in recto significant (tam enim album, quàm albedo explicitè significant qualitatem sensibilem, nullum verò subjectum explicitè in concreto notatur, qui enim audit album, scit quidem sermonem esse de albedine, sed nullum explicitè subjectum intelligit (non nivem, non saccharum, non olorem) abstractum tamen significat ut partem, hoc est, ut formam, quàm aliquid est; concretum ut totum, hoc est, ut formam conjunctam subjecto, & ideo sicut pars de toto defectu identitatis, ita abstractum de concreto prædicari non potest: non tamen requiritur, ut res per abstractum significata sit verè pars, aut in concreto significata sit verè totum, sufficit per modum partis, aut totius concipi, & significari, quia prædicatio est de re non ut est, sed ut intelligitur: sicut imago rem exhibet non ut est, sed ut pingenti apparet. Vide S. Th. *1. p. q. 3. a. 3. & 3. p. q. 2. a. 2.*

*Tandem.* Terminus abstractus dicit abstractionem formalem non totalem. *Abstractio formalis* est, cum forma abstrahit à materia, actus à potentia, pars actualis à sua comparte. Sic albedo dicit abstractionem formalem, quia ex modo significandi excludit subjectum. *Abstractio totalis* sive *potentialis*, quàm superius abstrahit ab inferioribus, commune ab individujs, etiam in concreto reperitur; animal enim *ut sic* abstrahit à speciebus, & tamen prædicari potest de speciebus: quamvis enim *explicitè* dicat tantum rationem sensitivi (quomodo est pars, & de toto præ-

dicari non potest ) *implicitè* tamen dicit id , quod habet rationem sensitivi , hoc est , formam , à qua ille gradus sensitivi , sive jam ab eadem forma solus gradus sensitivi , sive plures proveniunt ,

*Resp. 2.* Prædicatio dividitur in *identicam* , *disparatam* , & *Mediam*. Prædicatio identica alia est *materialiter* , alia *formaliter*. *Identica materialiter* , quando prædicatum est realiter idem cum subiecto , significationes tamen diversæ , v. g. album est dulce , ex parte materiæ est identica ( licèt ex parte formæ disparata ) homo est animal rationale : Misericordia in Deo est justitia. *Identica formaliter* , in qua idem est prædicatum & subiectum , idemque modus utrumque significandi , v. g. homo est homo ; ens est gladius , &c.

*Prædicatio disparata* , quæ constat ex terminis disparatis , nullamque inter se convenientiam habentibus , v. g. *homo non est lapis* , hæc quidem propositio est vera , prædicatio tamen est disparata. Et hæc ( *homo non est homo* ) propositio est falsa , prædicatio tamen est identica. In propositionibus tamen affirmativis prædicatio disparata semper est falsa , identica semper vera.

*Prædicatio Media* est , in qua subiectum & prædicatum habent sufficientem connexionem , sed non omnimodam identitatem , quia unum videlicet significatur per modum formæ , aliud per modum materiæ , vel subiecti , v. g. *Petrus est homo : Ignis est calidus* , &c. Prædicatio media subdividitur in *directam* & *indirectam*. *Directa* est , in qua , quod se habet ut forma , prædicatur ; quod se habet ut materia , hoc est , ut recipiens , subijcitur. *Indirecta* verò in qua prædicatur quod se habet ut materia , subijcitur quod se habet ut forma. Ut ergo prædicatio sit directa , oportet , ut prædicatum sit superius , vel saltem æquale , & per modum partis , superius enim cum se habeat ut receptum & ut pars , retinet locum & vices formæ. Propositiones directæ sunt hæc : *Petrus est homo : homo est risibilis , homo est rationalis : ignis est calidus* , &c. & secundum aliquos etiam istæ sunt directæ : *album est dulce* , &c. quia subiectum , & prædicatum ex una parte habent sufficientem connexionem , ex alia verò non dicunt omnimodam identitatem ; concretum enim accidentale positum ex parte

te subiecti supponit *substantivè*, ex parte prædicati sumitur *adjectivè* & per modum partis, ac formæ adjacentis. Hæc verò propositio, *hoc animal est homo*, si ex parte subiecti designetur Petrus, erit directa; quia licet ex parte rei significatæ significet animalitatem, ex modo tamen significandi denotat individuum hominis, & ideo prædicatum est superius.

VI. *Quæritur* 4. Unde veritas propositionum possit cognosci?

*Resp.* Ad veritatem prædicationum cognoscendam notentur hæc regulæ.

*Regula* 1. Ad veritatem propositionis affirmativæ non requiritur, ut ea quæ importantur in obliquo ex parte subiecti, sint realiter idem cum recto vel obliquo prædicati, hæc enim est veta, *album est dulce*: & tamen albedo & dulcedo non sunt idem: & ratio est, quia copula *est* cadit tantum super rectum, nihil enim in obliquo aut prædicatur aut subijcitur.

*Regula* 2. Ad veritatem propositionis affirmativæ necessæriæ sufficit subiectum & prædicatum conditionatè identificari, hoc est, posito quòd subiectum & prædicatum existant, v.g. in hac, *Leo est animal*, non affirmat, quòd defacto leo & animal existant, sed habet sensum conditionatum: *Si leo existeret, esset animal*. Et ideo hujusmodi propositiones dicuntur abstrahere ab omni temporis differentia, & esse veritatis æternæ.

*Regula* 3. Ad veritatem propositionis affirmativæ in materia contingente, quæ vocatur de tertio adjacente, requiritur ut subiectum & prædicatum habeant existentiam & identitatem, pro illo tempore, quod importatur à copulâ. Hæc ergo absolutè est falsa, *Antichristus est impius*, quia est de subiecto non supponente. Econtrà hæc est vera, *Antichristus non est impius*; cùm enim non sit, nec est pius, nec impius. Eadem regulæ proportionaliter valent pro propositionibus negativis.

VII. *Quæritur* 5. Quomodo abstracta de concretis, & concreta de abstractis prædicentur?

*Resp.* Circa prædicationes abstractorum & concretorum notentur sequentes regulæ.



*Regula 1.* Concreta substantialia de substantialibus, accidentalibus de accidentalibus verè prædicantur, v.g. *homo est animal: homo est albus: album est coloratum &c.*

*Ratio est*, quia nihil est in subiecto, quod non etiam sit in prædicato; res enim habens v.g. humanitatem est etiam habens animalitatem & è contrà: hæc enim est natura concreti, ut ita explicite dicat unam formam, ut non excludat aliam non oppositam primæ. Vide S. Th. de Ent. & Ess. l. 3. Hæc regula est certa.

*Dices.* Animal est pars hominis, est enim genus: coloratum pars albi; ergo non bene prædicantur de suis totis.

*Resp.* Animal secundum rationem explicitam esse tantum partem actualem Metaphysicam: secundum implicitam esse totum potentiale omnes species includens. Qui dicit: *Hoc est materia*, excludit formam: qui verò dicit: *Hoc est animal*, non excludit hominem, brutum, equum &c. Alio igitur modo animal, alio materia est pars hominis.

*Regula 2.* Abstracta non prædicantur de concretis, nec concreta de abstractis. Vide S. Th. 3. de Ent. & Ess. & 1. p. q. 3. a. 3. Falsæ sunt ergo hæc propositiones: *homo est humanitas; album est albedo*; est certa: *Ratio est*, quia ad veram prædicationem requiritur, ut subiectum sit prædicatum & è contrà: sed pars non est totum, nec totum est pars, ergo, &c.

*Excipe* prædicationes identicas in divinis, ubi nec est pars nec totum, imò implicat aliquid in Deo concipi per modum partis, & ideo istæ sunt veræ: *Deus est Deus, Pater est Paternitas.* S. Th. 2. p. q. 3. a. 3.

*Excipe 2.* Transcendentia; istæ enim sunt veræ: *Ens est entitas: Unum est Unitas: Bonitas est bona &c.* S. Th. 1. 2. q. 55. a. 4. ad 1. & q. 21. de veris. a. 4.

*Ratio est*, quia in transcendentibus forma transcendens non tantum est id, quod est, sed est etiam id quo aliquid est, nec potest concipi per modum partis; totum enim includit aliquid præter unam partem: sed bonum v. g. nihil includit quod non sit bonitas, ergo bonitas non potest concipi ut pars boni.

*Excipe 3.* Quantitatem, veræ enim sunt istæ propositiones, in quibus concretum de abstractis prædicatur, v. g. *linea est quantitas*,  
ia,

*ta, superficies est quanta &c. & Ratio est, tum quia ex communi loquendi usu illi termini linea, superficies, usurpantur tam pro concretis, quam pro abstractis: tum quia linea v. g. non tantum est in mensura substantiæ, sed & ipsa per aliam quantitatem mensurabilis est, quod est proprium quantitatis. Vide S. Th. 5. Metaph. Lect. 15.*

*Regula 3.* In accidentibus prædicata superiora de inferioribus prædicantur in abstracto: est certa. Veræ sunt ergo hæ propositiones: *Albedo est color: color est qualitas: Logica est scientia &c. & ratio est*, quia accidentia significant in abstracto solam formam, & nihil aliud extraneum; ex altera parte gradus superior identificatur cum inferiori, & ideo nihil est in prædicato quod non sit in subiecto, & econtrà, & ideo accidentia de suis inferioribus prædicantur ut totum de toto.

*Regula 4.* Ab abstractum substantiale non potest prædicari de alio abstracto substantiali, si ad hujus essentiam non pertinet, & de hac in quid prædicari nequit. Falsæ sunt ergo hæ propositiones: *humanitas est risibilitas: rationalitas est animalitas; animalitas est rationalitas.* Falsæ etiam, cum abstractum differentię prædicatur de abstracto speciei, aut abstractum differentię superioris de abstracto differentię inferioris, quales sunt istæ: *Humanitas est rationalitas; rationalitas est sensibilitas &c.*

*Ratio* istorum est, quia in prædictis propositionibus ex modo significandi, aut pars de parte, aut pars de toto, aut disparata, sequæ non includentiæ prædicantur; nec enim differentia inferiori superiorem includit, ut infra dicitur.

*Regula 5.* Potest unum abstractum substantiale superius de suo inferiori verè prædicari: veræ sunt ergo hæ propositiones: *Humanitas est animalitas; animalitas est corporeitas, &c.*

*Ratio est, tum quia illa propositio: humanitas est animalitas, æquivaleret huic: hæc animalitas est animalitas: sed hæc est vera, ergo & illa. Minor probatur.* Hæc propositio, *omnis animalitas est animalitas* resolvitur in has: *hec animalitas (puta hominis) est animalitas: illa animalitas (puta equi) est animalitas &c. tum quia humanitas in abstracto habet aliqua prædicata essentialia quæ illi competant & quæ prædicari de illa in abstracto possunt: sed tale prædicatum est*

est animalitas, cur enim non? *tum denique, & à priori*, quia animalitas, ut reliqua abstracta dicit tantum abstractionem formalem, non verò totalem & potentialem, & ideo prædicari de inferioribus potest (sicut albedo, licet ex modo significandi abstrahat à subiecto, prædicari tamen de suis inferioribus potest) ergo animalitas respectu suorum inferiorum se habet ut totum potentiale, ergo sufficientem habet cum inferioribus identitatem, & de illis prædicari potest. Si verò animalitas consideretur sub abstractione totali, & ut præscindens à suis inferioribus, subibit rationem partis, nec poterit de illis prædicari: & hæc est ratio, cur hujusmodi abstracta substantialia in prædicamento directè non ponantur, quia non significant substantias completas in suo genere, sicutè contrà abstracta accidentium directè in prædicamentis ponuntur exclusis concretis, & hoc modo est intelligendus S. Thomas in 4. cont. Gent. c. 18, & de Ent. & Ess. c. 3. & 4. ubi docet abstracta substantialia de abstractis substantialibus, v. g. animalitatem de humanitate non prædicari, quia licet à parte rei non sint duæ, sed una res, ut tamen præcisioni, & conceptui substantiæ, ratio unius non est ratio alterius, alioquin ubi esset animalitas, esset etiam humanitas; si ergo animalitas concipiatur ut pars humanitatis, prædicari de hac non poterit. In hoc ergo Syllogismo: *Humanitas est id quo homo est homo: humanitas est animalitas; ergo animalitas est id quo homo est homo*, consequentia est falsa, quia variatur appellatio; in Majori enim humanitas significatur præcisivè & ut distincta ab animalitate tanquam totum à parte: in minori verò humanitas significatur, ut pars subiectiva animalitatis.





## §. III.

De Divisione Universalis in 5. prædicabilia,  
& de Genere.

## Summaria.

1. *Divisio Universalis in 5. prædicabilia, bona & adequata est.*
2. *Ac generis in species, consequenter univoca dicenda.*
3. *Quid sit genus, ut est totum potentiale?*
4. *In ejus definitione principaliter definitur Universalitas, natura verò tantum connotativè.*
5. *Respondetur ad objecta.*
6. *Obtinèturque in eâ definitione natura locum generis.*
7. *Genus diverso respectu & totum & pars est.*
8. *Genus à materia, & differentiam à forma sumi declaratur.*
9. *Partes integrantes cum Physica, tum Metaphysica reducivè tantum rationem generis participant.*
10. *Genus differentias non actû, sed potentiâ claudis.*
11. *Quod etsi Metaphysicè acceptum necessario plures species requirat, Physicè tamen sumptum in una specie, imò individuo salvari potest.*
12. *Implicat tamen individuum genericum à parte rei.*



## I.



*UARIUNT* 1. An, cùm Universale dividitur in quinque prædicabilia, videlicet, *Genus*, *Speciem*, *Differentiam*, *Proprium*, & *Accidens*, hæc divisio bona sit, & adæquata?

*Resp. affirmativè.* Ratio est 1. Quia tradita, & recepta ab omnibus retrò Philosophis: at quæ hujusmodi sunt, aut temerariè mutantur, aut inutiliter: Poterant Geographi aliter orbem terrarum, quàm in 4. partes, Africam, Asiã, Europam, & Americam dividere, sed hæc divisio tanto jam tempore recepta, & in tot libros sparsa mutari sine magna confusione non posset: semper ergo novitas periculosa, esto enim boni aliquid afferat, majus tamen ex confusione est malum.

2. Universale est unum aptum inesse multis, tot ergo Universalia, quot modi essendi; hi verò sunt quinque: *vel* enim est tota essentia, & hoc est Species: *vel* pars essentia materialis, & hoc est Genus: *vel* pars essentia formalis, & hoc est Differentia: *vel* necessariò ad essentiam consequitur, & hoc est Proprium: *vel* merè contingenter, & hoc est Accidens.

3. Hic numerus optimè rebus, ut à parte rei sunt, respondet; quidquid enim est, *aut* est forma, *aut* materia, *aut* totum, *aut* proprietas ab intrinseco & necessario, *aut* accidens ab extrinseco & contingenter.

4. Optimè deservit fini Logicæ, qui est *scire & opinari*: scientia verò generatur per demonstrationem, & hæc *aut* per totam definitionem, hoc est, genus & differentiam: *aut* per solam partem formalem definitionis, hoc est, differentiam: *aut* per neces-

cessarias proprietates. Accidentia verò deserviunt opinioni & Syllogismo probabili.

*Dices 1.* Analogum est Universale, quod de multis prædicatur, & tamen nec est genus, nec species &c.

*Resp.* Analoga deficere à ratione Unitatis, & ideo non propriè Universalia esse, sed tantum *reductivè*.

*Dices 2.* Individuum Vagum, v. g. *aliquis homo*, est Universale, cum de multis prædicetur, nec tamen genus, aut species, &c.

*R.* Individuum vagum non esse simpliciter Universale, cum præter naturam communem dicat aliquam, & incertam individuationem, & prædicetur *tum* essentialiter, *tum* accidentaliter, prædicatur enim ut nobis innotescit; sed ratio individualis non innotescit, nisi per qualitates, & accidentia merè extrinseca, Vide S. Th. 1. p. q. 30. a. 4.

II. *Queritur 2.* An hæc divisio sit Univoca?

*Resp.* Hæc divisio est generis in suas species, adeoque univoca.

*Ratio est*, quia omnibus 5. prædicabilibus æqualiter convenit esse Universale, hoc est, esse unum in multis: quamvis enim accidens non identificetur subiecto, & contingenter illud afficiat, verè tamen multis contingenter inest, & prædicari de multis potest. Ipsum verò Universale *ut sic* licèt sit genus, dividi tamen in genus potest, quia Universalitas gradus habet, potèstque aliquid esse alio Universalius. Dividitur ergo ut genus generalissimum in genus minùs generale; & cum sit intentio transcendens, non est mirum, si umbibatur in membris dividendis, suisque differentiis, non quidem secundum totam latitudinem, & potentiam suæ universalitatis, sed se cundum partem; differentia enim v. g. est Universale, sed limitatè, non cum illa plenitudine, & indifferentia, quas habet Universale *ut sic*.

III. *Queritur 3.* Quid sit Genus ut est totum potentiale?

*Resp.* Genus ut est totum aliquod potentiale, bene definitur, id quod prædicatur de pluribus specie differentiibus in *Questione Quid*  
 K k 2 est.

est. Vel adhuc magis essentialiter : quod est aptum inesse pluribus specie differentibus. Per hanc definitionem genus distinguitur ab individuis, quæ de pluribus numero non prædicantur : à specie, quæ prædicatur de pluribus numero tantum : à differentia, quæ prædicatur essentialiter quidem, sed per modum adiacentis, & ideo in quale quid : à proprio & accidente, quæ prædicantur in quale tantum.

*Obijciunt* 1. Etiam differentia genericæ prædicantur de pluribus specie differentibus, non ergo solum genus.

æ. Differentias genericas prædicari in Quale, nec hoc habent præcisè ut sunt differentia.

*Obijciunt* 2. Nihil potest definiri nisi per species, quæ sola est totum : sed genus non est species, ergo.

æ. Genus esse speciem Universalis, & ut sic definiri, estque totum potentiale continens species: animal v. g. ut est natura subtrata genereitati, est genus, quia de pluribus speciebus prædicatur, & est species subalterna, quia constat genere & differentiâ; idémque dicendum de omnibus generibus subalternis, usque dum venias ad prima genera. Ipsa verò secunda intentio seu genereitas, quam vocamus *Genus formaliter sumptum* sive ut Quo, est absolutè species Universalis, & denominat naturam sibi substratam genus, quia facit, ut illa de pluribus specie differentibus prædicari possit.

*Obijciunt* 3. Genus prædicatur non tantum de differentibus specie, sed etiam genere & numero, veræ sunt enim istæ propositiones: *Substantia est genus; Qualitas est genus, &c. Petrus est substantia, &c.*

æ. Cùm dico, *Substantia est genus*, substantia secundò intentionaliter accipitur; & hoc prædicatum est substantiæ extrinsecum, & accidentale, accidit enim substantiæ, ut sub præcisione concipiatur & comparetur ad inferiora. Animali intrinsecum est esse substantiam sensitivam; esse verò prædicabile de multis est extrinsecum, & hoc est esse genus. Generi ergo est essentialiter prædicari de multis specie differentibus, substantiæ verò aut animali accidit. Hæc itaque propositio, *Substantia est genus*, habet hunc sensum: *Substantia ut genus est genus*. Genera summa prædicantur de



de pluribus genere differentibus, v. g. qualitas de sono, & colore, non ut sunt genera, sed species subalternæ. De Individuis, v. g. *Petrus est animal; hoc animal est animal*, prædicatur genus non immediate, sed mediante specie, quamvis hæc non exprimitur; Individua enim prius speciem quam genus participant, & ideo de individuis *ut sic* non est scientia, sed de individuis, ut sunt sub specie.

*Nota*: Per secundam intentionem hoc, & alijs locis intelligi denominationem extrinsecam desumptam ab intellectu, quatenus res vel actu cognoscitur, vel saltem conceptibilis est sine differentijs numericis.

*Obijcies* 4. Pars de toto non prædicatur: sed genusest pars speciei, ergo.

*Re.* *Distinguendo Majorem*; Pars de toto in concreto non prædicatur, nego Majorem, dicimus enim *homo est albus, est doctus, &c.*

*Rursus*. Pars ut pars non prædicatur: pars ut totum prædicari potest: tale est genus, quod est totum potentiale continens in confuso omnes species animalis, & consequenter etiam hominem: & ideo Aristoteles 7. *Metaph. c. 12.* dicit: *genus esse formam suarum specierum*, quia videlicet est quoddam totum, hoc autem est forma partium, & ideo in prædicatione directa genus occupat locum prædicati, tanquam forma subiectum determinans & perficiens, quia tamen est forma totalis, & subsistens, nec significatur per modum adjacentis, ideo prædicatur *in quid*, non *in quale*.

IV. *Queritur* 4. Quid in hac definitione obtineat locum definiti?

*Resp.* Definitum in hac definitione generis est Universalitas generica, sive ipsa genereitas, ut connotans naturam substatam genereitati, ita videlicet ut Universalitas ipsa definitur principaliter, natura verò connotetur tanquam fundamentum ipsius Universalitatis.

*Nota* ex supra disputatis, Universalitatem nihil aliud esse, quam ipsam realem relationem similitudinis, quâ homo v. g. in gradu animalitatis convenit cum equo, & leone, &c.

*Ratio est 1.* Quia concretum accidentale principaliter & unitè significat formam accidentalem, subjectum verò tantum connotativè, aded ut album v. g. idem significet, quod albedo, hoc est, ipsam formam, connotando tamen subjectum in quo est: sed genus est concretum accidentale ex natura, & Universalitate, ergo genus principaliter significat genericitatem non naturam, ergo genericitas est quæ definitur, non natura, nisi tantum indirectè & connotando.

*Minor probatur.* Quia genus duo dicit, naturam videlicet animalis & ejus Universalitatem, hoc est, relationem convenientiæ cum homine & bruto: natura verò animalis, & relatio similitudinis pertinent ad diversa, & distincta prædicamenta; ergo ex illis resultat ens per accidens, quod videlicet & rebus & nominibus diversorum prædicamentorum significatur.

*Major probatur, tum auctoritate S. Thomæ 5. Metaph. Lect. 9. & in 1. d. 18. q. 1. a. 2. ad 3. & 7. Metaph. Lect. 10 & præsertim c. 7. de Ent. & Ess. & Aristotelis c. de subst. ubi expressè, Nomen albi, inquit, nisi qualitatem nihil significat: tum, quia significare nihil aliud est, quàm rem alteri explicare seu exprimere; illud ergo principaliter significatur, quod principaliter & maximè explicatur, seu exprimitur: sed in concretis accidentalibus sola qualitas est, quæ explicatur, sola quæ exprimitur, sola quæ sui imaginem, & conceptum in mente pingit, subjecto latente; cum enim audis hanc propositionem, *Album est coloratum, album currit, &c.* scis de qua qualitate mentio fiat, nescis de quo subjecto, hoc ergo non explicatur, ergo nec principaliter significatur. Tum quia tota definitio concreti accidentalis cadit supra formam accidentalem, non verò supra subjectum ejus; si enim definias album, dices: *Album est corpus coloratum disgregans visum*: ubi non ipsum corpus definitur (definiretur enim idem per idem) sed sola qualitas albedinis: si ergo sola qualitas definitur, ergo sola significatur, res enim definiuntur, prout nominibus significantur. Tum denique quia hæc Propositio, *Petrus est albus*, est merè accidentalis, ergo res significata per illud prædicatum est solum accidens: quia tamen significatur in concreto, & consequenter per modum adiacentis, modus ipse significandi subjectum in recto importat, acci-*

accidens in obliquo; quod enim significatur, ut *adjacens*, non potest significari, ut *per se stans*, & ideo hæc propositio, *Petrus est albus*, in hanc resolvitur, *Petrus est res habens albedinem*: non ideo tamen hic modus significandi obstat, quò minus res significata sit sola albedo, adiacere enim, vel non adiacere, sedere, vel stare non mutat rem ipsam, sed tantum modum & situm rei; & quod verè adiacet, potest significari ut stans, & è contrà, re ipsa immutatà, ut patet in hisce duobus terminis: *albedo*, *humanus*.

2. In hac definitione principale definitum nec est natura v. g. animalis substrata genericitati, nec constatum ex utroque, ergo sola Universalitas generica, ut connotans naturam. *Probat*ur *Antecedens*: non sola natura, quia naturæ animalis accedit esse genus, & ideo hæc propositio est accidentalis, *animal est genus*: si-ve enim Universalitas sit relatio rationis, si-ve relatio realis convenientiæ, si-ve præcisio mentalis, semper accedit naturæ, non ergo hæc definitio cadit supra naturam, tanquam partem definiti principaleni.

*Dicit*. Sensem definitionis esse: Natura v. g. animalis in quantum secundæ intentioni subijcitur, est Universale, est genus, est species, &c. quæ definitiones sunt æquè essentielles acci-stæ: *Paries in quantum subijcitur albedini, est albus vel disgregans visum* &c.

*Resp.* Hæc objectione probari, non solam principaliter naturam, sed & naturam, & secundam intentionem definiri, & hanc principaliter, sicut cùm dicis: *Corpus album in quantum habet albedinem, disgregat visum*: certum est non solum corpus defini-ri, sed etiam albedinem, & hanc præcipuè, huic enim soli com-petit disgregare, non corpori.

*Demde* huiusmodi reduplicatio est inutilis & vana, facit enim hunc sensum; corpus album est album: genus est genus: quid enim est aliud corpus ut recipiens albedinem quàm album, natura ut subijcitur genericitati quàm genus?

*Sed demus* has propositiones, nihil tamen evincunt; cùm e-nim dicis, *Natura ut est genus, est predicabilis de multis, &c.* vel illa red-u-plicatio cadit principaliter super secundam intentionem, & for-mam genericitatis, & hoc ipsum intendimus; vel æquè principa-liter

liter super naturam & formam genereitatis; ergo non super solam naturam, quod probandum erat: vel denique super solam naturam, & tunc negari non potest hanc definitionem merè accidentalem fore, perinde ac si hominem defines, *animal doctiorabile, aptum sedere in cathedra Petri*: quantumcunque enim reduplices naturam animalis, semper illi accidit posse de multis specie prædicari; subiectum quippe semper est pars compositi accidentalis, ergo semper extra essentiam formæ tanquam suæ compartis, alioquin istæ propositiones, *homo est risibilis: equus est binnibilis*, essent essentielles, quia æquivalent hisce: *homo ut homo est risibilis; equus ut equus est binnibilis*: nihil ergo reduplicatio subiecti facit ad propositionem essentialem reddendam.

Non etiam definitum principale potest esse totum ex natura & secunda intentione conflatum, quia hoc est unum per accidens, nec potest unâ definitione definiti; sicut nec alia concreta accidentalia.

Deinde. Falsum est, totum hoc aggregatum prædicari de multis specie differentibus; nec enim de homine & bruto aliisque speciebus dici potest, quod sint genus &c. Vide Cajet. in c. de genere. & in c. 4. de Ent. & Ess.

3. Definitio generis & aliorum prædicabilium est de rebus ut ad Logicam, non verò ut ad Physicam, vel Metaphysicam pertinent: sed ad Logicam naturæ pertinent, ut sunt prædicabiles, ergo ut tales definiuntur. Paret ergo ex dictis, naturam esse definitum ut *Quod* ex modo significandi; illi enim convenit ut *Quod* definitio generis, in quo exercetur effectus formalis secundæ intentionis: huic verò definitio convenit ut *Quo*.

V. Obijcies 1. Secunda intentio non est id *quod* prædicatur de pluribus specie differentibus, sed *quo* natura prædicatur; ergo ipsa natura est id, *quod* prædicatur de pluribus specie differentibus, ergo potius ipsa natura quàm secunda intentio est definitum. Sic in hac definitione, *animal rationale*, homo est definitum, quia ipse est animal rationale, non verò *humanitas*, quæ est animal rationale.

¶. In concretis accidentium ex modo significandi ipsum quidem subiectum esse, quod recipit formam accidentalem eamque sustentat, nunquam tamen esse id, quod propriè definitur; cum enim dico: *album est coloratum disgregans visum*, definitio hæc ad albedinem pertinet, non ad parietem, aut nivem, aut alia subiecta coloris: ipsum tamen subiectum dicitur definitum *denominativè*, quia ipsum est quod accidens sustentat, ipsum in quo albedo, ejusque definitio effectum suum formalem exercet. Ergo in definitionibus accidentium concretorum non reperitur propriè definitum *Quod essentialiter*, sed tantum denominativè & definitum *Quo*, seu ratio formalis denominans. *Neque hoc mirum*, quia concreta accidentium perfectè definiri non possunt, sed tantum imperfectè & cum additione extranei, cum enim significant formam ut adjacentem, & subiectum ut per se stans, hoc in recto, illa in obliquo significatur; & ideo bene *nota*, quod res significata per hoc concretum *album est albedo*, sed ex modo significandi adjectivè (qui maximè in prædicationibus attenditur) supponitur in recto pro subiecto, & ideo resolvitur hoc modo: *album est res habens albedinem*. Si velis propriè accidentia definire, termini concreti in abstractos vertendi sunt, sola enim abstracta propriè & rigorosè definiri possunt, hoc est, non miscendo naturam extraneam in recto, sed tantum in obliquo & connotativè, teste S. Th. *de Ent. & Ess. c. 7. & opus. 42. c. 19.* Si ergo velis propriè album definire, id facies ponendo loco generis gradum communem, & proximum albedinis cum respectu ad proprium albedinis subiectum, aut si hoc ignoratur, cum respectu ad proprium effectum, dicendo: *Albedo est color disgregativus oculi*. Vide S. Th. *c. ult. de Ent. & Ess.* Eodem modo similitas definietur per ordinem ad suum proprium subiectum: *Similitas est curvitas nasi*: *Catarrhus est defluxio humoris excrementitij ex capite in partes subiectas*: *Dolor est passio præter naturam sensus, tactus potissimum*, ab objecto improporcionato producta: *Genericitas est Universalitas natura essentialiter contrahibiles*, &c.

*Obijcies 2.* Sola est natura v. g. animalis, quæ prædicatur de pluribus specie differentibus, de homine, de bruto, &c. non verò genericitas, ergo sola est natura, cui competit illa definitio

tio ; ergo sola & principaliter definitur. Vide S. Th. 4. de Ent. & Ess.

Re. Solam naturam prædicari de speciebus, quia universalitas & genericitas animalis limitatur & restringitur ab incapacitate subjecti : Sicut enim anima rationalis & intellectiva est in oculo, non ideo tamen dici potest, oculus est organum intelligibile & rationale, ita &c. Licet ergo genus non prædicetur de speciebus, est tamen ratio formalis, ob quam natura animalis prædicari de illis possit, & ideo genericitas est definitum ut *quo*. Sic species est ratio videndi, ipsa tamen non videtur ; sic color est ratio pingendi, ipse tamen non pingitur : & centrum est ratio & causa motus, nec tamen movetur.

VI. *Queritur* 5. Quodnam sit genus in definitione Generis ?

Re. Naturam habere locum generis ; ita ut sensus sit : *Genus est id, hoc est, Natura de multis speciebus prædicabilis* : & ratio est, quia in concretis accidentium id quod ponitur loco generis, est subjectum accidentis proprium ; *simum* enim definitur *nasus curvus* : *album* definitur *corpus disgregans visum* : & ita perpetuò docent S. Th. & Arist. ille quidem 7. *Metaph. Lect. 1. & Lect. 4. & de sensu & sensato Lect. 6. c. ult. de Ent. & Ess. & eleganter 1. 2. q. 53. a. 2. ad 3. & opusc. 46. c. 1. & opusc. 42. c. 19.*

Et Ratio est, tum quia in concretis accidentalibus forma significatur adjectivè, ergo subjectum necessariò significatur ut per se stans ( quod enim adjacet, stanti adjacet ) sed tale est genus, ergo subjectum ponitur loco generis, & in recto : tum quia concreta habent modum significandi compositum, ita ut subjectum sit loco materiæ : sed genus sumitur à materia, ergo subjectum ponitur loco generis. Si verò concreta accidentium definiantur in abstracto, proprium subjectum ponitur loco differentiæ, v. g. *Simitas est curvitas nisi : genericitas est Universalitas natura essentialiter ad plures species contrahibilis, &c.*

Et Ratio est, quia sicut cum dico, *Simum est nasus curvus*, nasus ponitur loco generis, quia est subjectum commune multis alijs figuris quæ eidem subjecto insunt, videlicet rectilineæ & aquilinæ ; ita cum dico : *Simitas est curvitas nasi* : *Genericitas est*

Uti-

*Universalitas natura ad multas species contrahibilis*, curvitas & Universalitas subeunt vices generis: respectus verò ad subjectum proprium tenet locum differentię, quia per hunc respectum, & similitas distinguitur à curvitatibus aliarum partium, & Universalitas generis ab alijs Universalitatibus: quia tamen proprium subjectum cujuslibet accidentis ferè ignoratur, ideo plerumque accidens in abstracto loco differentię definiendum erit per respectum ad proprium aliquem effectum, vel objectum, ut fatetur S. Thomas c. ult. de Ent. & Eff. & patet in illa celebri definitione: *Similitas est curvitas nasi*: hæc enim non distinguit similitatem ab aquilinitate, nam etiam hæc est curvitas nasi. Sive tamen definias accidens in abstracto per respectum ad proprium subjectum, aut effectum aut objectum, semper verum est definiri per respectum intrinsicum, & subjectum vel effectum tantum connotari, sicque definitionem accidentis in abstracto perfectam esse, quia pertinet ad unicum prædicamentum. Ad Objectionem ergo factam dicendum est, Genus definiri in concreto, & ideo loco generis in ea definitione poni naturam non ut gradum superiorem ad primum prædicabile, sed ut subjectum secundæ illius intentionis.

*Dices*: Respectus ad proprium subjectum non potest esse differentia ullius accidentis, cum multa & diversa accidentia eidem subjecto insint, ergo per respectum ad idem subjectum accidentia conveniunt, non differunt, ergo respectus ad subjectum malè ponitur loco differentię, calor v. g. levitas, siccitas eidem subjecto, hoc est, igni insunt, esse ergo in igne, vel respicere subjectum ignis non est accidentibus radix differendi.

✱. Multa accidentia eidem subjecto inesse, sed aliter & aliter; igni v. g. aliter levitas inest, aliter calor, &c. levitas enim est in igne ut in elemento & corpore sursum mobili, calor, ut in elemento maximè activo, & transformativo, quæ transformatio maximè fit congregando ea, quæ sunt ejusdem generis, & disgregando ac dissolvendo, quæ diversi generis, ac passum sibi assimilando, & ideo calor definitur, *qualitas activa congregans homogenea, & disgregans heterogenea*. Siccitas ut in corpore



pore summè calido , & propriam figuram retinente , alienam verò respuente &c. Si ergo velis propriè levitatem v. g. definire , dicendum erit : *Levitas est qualitas corporis sursum mobilis &c.*

Et ratio est , quia ignis v. g. quamvis realiter unum , virtualiter multiplicatur , & ideo subiectum proprium levitatis non est substantia ignis secundùm omnia sua prædicata , sed ut est corpus sursum agitable , sic enim respondet & proportionatur levitati.

*Inflabis* : Meliùs exprimitur differentia accidentis per respectum ad proprium effectum quàm per respectum ad suum subiectum , ergo potius per effectum , quàm per subiectum definiri debet ; meliùs enim & formalius essentia levitatis explicatur , si dicas , *est qualitas quâ corpus sursum movetur* , quàm si dicas , *est qualitas corporis sursum mobilis* ; nam & calor est qualitas corporis sursum mobilis.

¶ Cum omnis differentia accidentis sit necessariò & essentialiter accidens , suumque effectum formalem subiecto tribuat , & ut sic cum subiecto proportionetur , longè meliùs & perfectiùs subiectum in definitione poni quàm excludi ; quia tamen , ut sæpè dictum est , proprium , & specificum subiectum ignoratur , solus ad effectum respectus loco differentie ponitur.

VII. *Quæritur 6.* An Genus etiam habeat rationem totius , & partis ?

*Resp.* Genus alio & alio respectu est & totum , & pars : totum potentiale , & pars actualis. Quamvis propriè loquendo in toto & composito metaphysico non tam partes reperiantur ( hæc siquidem distinctionem dicunt , mutuamque exclusionem , & separabilitatem ) quam gradus magis , minúsve communes. Totum , quia tam ex parte rei significatæ , quàm modi ipsius significandi significat implicite totam speciem , & ideo in species dividitur , & de specie identicè prædicatur , quod fieri non posset , si ut pars , & non totum significaretur : animal v. g. dicit totam essentiam hominis , sed gradum sensitivi explicite , rationalis implicite , quia hunc non excludit , imò includit ut  
par-

partem subjectivam, & gradus sensitivi concipitur ut identificabilis cum differentiis, quod est implicite includere; licet enim qui concipit animal, non continuo hominem aut alias species concipiat explicitè, concipit tamen implicite; quia si cognoscit totam animalis latitudinem, cognoscit illam ut identificabilem & contrahibilem ad omnes differentias specificas, & hoc est cognoscere genus ut totum potentiale, non verò ut totum actuale. Est verò pars actualis, quatenus consideratur secundum id solum quod explicitè dicit, hoc est partem contrahibilem & actuabilem à differentia. Si ergo genus accipitur ut pars, non potest prædicari de sua specie; si verò ut totum, hoc est, secundum ea, quæ dicit explicitè & implicite, potest: & cum dicis, *homo est animal*, sensus est, homo est natura sensitiva, quæ ut sic identificari cum bruto & homine potest.

Et Ratio est, quia sicut repugnat aliquid realiter esse partem, & realiter totum, ita repugnat concipi aliquid realiter ut partem, & eadem ratione ut totum; ergo genus ut totum potentiale de specie prædicari potest, non verò ut pars. Eodem modo genus non potest prædicari de differentia prædicatione formali, sed tantum identicâ, quia differentia licet realiter à genere non distinguatur, semper tamen ut pars concipitur; hæc ergo propositio formaliter non est vera, *Rationale est animal*. Vide elegantè S. Th. 3. de Ent. & Ess. & ibi Caiet. & 7. Metaph. Lect. 12.

VIII. QUÆRITUR 7. Utrum genus desumatur à materia, & differentia à forma?

Resp. affirmativè. Ita sapissimè Aristoteles & S. Thomas, &que commune Philosophorum axioma contra Vasquez. 1. p. q. 19. c. 1. Intelligi verò sic debet, non quòd genus dicat solam materiam, id enim falsum est; nam animal dicit gradum vitæ sensitivæ, qui est ab anima, & expressè fatetur S. Th. q. de Spiritu creat. 4. 1. ad 24. Sed quia genus dicit naturam ut perfectibilem, perficitur verò natura recipiendo, & patièdo formas, sicut tabula rasa perficitur recipiendo colores: sed recipere, & pati formas pertinet ad materiam: Rursus sicut materia est potentia de se indifferens, ut limitetur, & determinetur per formam, ita genus per differentiam. In substantiis simplicibus genus sumitur

tur non à materia quâ carent, sed ab eo quod in illis est potentialius, & quod magis materiam imitatur, hoc est, ab intellectualitate finita & limitata, ac per maiorem vel minorem accessum ad actum purum; hic verò major accessus consistit in maiori uniformitate intelligendi, ac simplicitate specierum, quæ proinde substantias simplices & Angelicas differentiat. Vide Angelicum 1. p. q. 50. a. 2. ad 1. In accidentibus genus sumitur non à materia intrinseca, quam non habent, sed extrinseca & subiectis quibus inhxrent, qui respectus ad subiectum, quò latior est minúsque perfectus, eò magis fundat gradum genericum.

IX. *Quæritur 8.* An partes integrantes etiam participant rationem generis?

*Resp.* Partes integrantes & Physicæ, ut anima, forma, pes, manus; aut etiam Metaphysicæ, ut differentiæ, propriè loquendo non habent rationem generis, sed tantum reductivè.

*Ratio est,* quia licet istæ prædicationes, *hæc manus est manus: hæc rationalitas est rationalitas: hæc sensibilitas est sensibilitas, &c.* sint essentielles, & gradus aliquis communis de minùs communi prædicetur, nihilominus tamen tam subiectum quàm prædicatum important naturam incompletam, ergo non habent rationem veræ speciei (quæ est totum Metaphysicum) ergo nec rationem veri generis. Abstracta tamen substantialia cum dicant substantiam completam, habere possunt rationem veri generis & speciei; humanitas enim componitur ex animalitate & rationalitate, ergo est vera species. Sunt tamen qui concedant, partes Physicas posse genera, & species esse; quamvis enim materia v. g. sit pars totius, si tamen sumatur in communi, & conferatur cum hac & illa materia, totum quoddam est, perinde ac animal. Sed est questio parvi momenti, sicut & illa, An privationes & negationes, an entia rationis esse possint genera & species? Possunt reductivè: quo enim modo imitantur ens, eo modo possunt induere rationem generis. Sicumbra, ut corpus imitantur, motum, & figuram, & species habent.

X. *Quæritur 9.* Quomodo Genus in se contineat differentias?

*Resp.* Genus continet differentias *non actu, sed potentiâ.*

*Ratio est,* tum quia aliàs genus esset aut æquivocum, aut analogum, sicut ens quod differentias entis continet: *tum* quia duo opposita & contradictoria in eodem subiecto essent: *tum* quia genus à differentiis abstrahit, non ergo actu illas habet.

XI. *Quæritur 10.* Utrum Genus possit conservari in unicâ specie?

*Resp.* Quamvis genus physicè acceptum in unica specie salvari possit, imò in uno individuo, v. g. tota ratio animalis in solo Petro, genus tamen metaphysicè acceptum, ut totum potentiale ad multas species referibile esse non potest, nisi multæ species aut sint aut esse possint; si ergo una tantum species animalis foret, v. g. homo, nec alia esse posset, animal non esset genus. S. Th. expressè in 1. poster. lect. 12. & in 1. d. 19. q. 4. a. 2.

*Ratio est,* quia genus Metaphysicè acceptum est natura apta in species plures multiplicari; sed sublati omnibus differentiis etiam possibilibus genus hanc aptitudinem non habet, nec enim habet à differentiis, quia istæ, ut supponis, impossibiles sunt, nec habet ex se, quia genus est essentialissimè potentia; hæc verò ex se, nisi aliud accedat, non est radix multiplicabilitatis; multiplicari enim dicit distinctionem, distinctio dicit differentiam, & actum: *Rursus* actualis divisio reddit quantitatem palmarem v. g. actu multam, ergo potentialis divisio reddit multiplicabilem; tota ergo ratio multitudinis & multiplicabilitatis est ab actu vel exercito vel possibili, ergo si divisio in partes nec actu nec potentiâ est, nulla amplius est ratio, & radix multiplicabilitatis.

2. Communicabilitas est perfectio boni ut est in statu perfecto (prius enim est rem sibi, quàm alijs perfici, & ideo nec animalia, nec arbores generant, nisi jam perfecti; nec essentiarum proprietates habent, nisi jam completæ, & ut loquitur S. Bernardus, concha nisi aqua plena non redundat) sed genus ut sic nisi accedat differentia, non est in statu perfecto, ergo genus ut sic non est radix communicabilitatis, sed differentia; ergo sublati omnibus differentiis specificis redditur omnino incommunicabi-

cabile, & ideo nec est genus: & quamvis etiam forma & differentia ut sic sint partes, nec entia perfecta, sunt tamen radix perfectionis; in tantum enim est aliquid perfectum, in quantum est in actu (nec enim perfecta est imago, quæ potest esse, sed quæ est; nec perfecta navigatio, quâ potes in portum appellere, sed quâ appellis) ergo actus est radix perfectionis, non potentia, ergo actus est radix communicabilitatis, non potentia; sed formæ & differentia habent essentialiter rationem actus, genus rationem potentia, ergo sublatis omnibus differentiis specificis etiam possibilebus genus non est pluribus communicabile.

*Dices:* Genus à se, non à differentiis habet, quod sit actu genus; sicut materia à se habet, non à forma, quod sit actu materia, & potentia, ergo genus sublatis omnibus differentiis jam est perfecte genus, habetque quidquid necessarium est, ut sit radix communicabilitatis.

*Contrà.* Genus est essentialiter prædicabile de multis per modum potentia & partis perfectibilis, non perfectiva, ergo semper dicit essentialiter imperfectionem, ergo ut sic non est radix communicabilitatis; si enim omne illud perfectum dicis, cui nihil in suo genere deest, nihil amplius erit imperfectum, quidquid enim est, in suo genere, essentialiter perfectum est; nam si essentialiter perfectum non est, omnino non est: imperfectum ergo dicimus, quod se habet ut perfectibile, & tale est genus ac materia prima, quam dicimus omnium entium imperfectissimam, quamvis in genere materia nihil ei desit; & ideo dicunt, materiam non esse bonam, nisi in potentia, nec esse substantiam appetibilem, sed appetentem: forma enim licet appetat esse in materia, non ideo appetit materiam, quia ab hac non perficitur. Sicut nec pictura est in tabula rasa tamquam in perficiente, sed perfectibili: nec statarius appetit truncum, ut ab eo perficiatur, sed illum perficiat

3. Nullum genus datur à parte rei, quod habeat unicam speciem, multæ autem species, quæ habent unicum individuum, ut sol, luna, phoenix, singuli planetarum, &c. ergo signum ab ipsa natura habemus, posse speciem in uno individuo salvari, non verò genus in una specie,

*Obijciunt* 1. Species ut sit Universale, non requirit plurā individua, ne quidem possibilia, ut patet in Angelis ex sententia D. Thomæ; ergo nec plures species ne quidem possibiles.

*Re.* Multas & magnas esse disparitates inter genus & speciem, & ita malè à specie ad genus argumentum duci. In rerum natura nullum est genus sine multis speciebus, multæ verò species cum unico individuo. Natura per se intendit multitudinem specierum, non verò multitudinem individuorum, nisi propter conservationem speciei. Vide S. Th. 1. p. q. 47. a. 2. & q. 85. a. 3. ad 4. Ultima naturæ intentio non est ad genera tanquam imperfecta, sed ad species. S. Th. 1. p. q. 85. a. 3. Non sequitur ergo, ut si species non requirat plura individua, nec genus requirat plures species. Et ratio disparitatis est, quia genus est natura de multis prædicabilis per modum perfectibilis; sed sublati differentiis specificis nulla ampliùs superest ratio hujus multiplicabilitatis.

*Secus* est in specie & differentia specifica, quæ cum sit actus & forma metaphysica, est ex se radix communicabilitatis & multiplicabilitatis, & si desint individua, cessat quidem multiplicabilitas extrinseca & exercita, non tamen intrinseca & radicalis, & ideo supposita sententiâ negantium in Angelis pluralitatem individualem (quam tamen non admittimus) adhuc natura Angelica est species prædicabilis, quia si inadæquatè subconceptu naturæ & speciei consideretur, est radicaliter communicabilis, quamvis actu communicari non possit ex defectu materiæ recipientis, & materialiter dividens, & ideo species Angelica assimilatur materiæ primæ rei incorruptibilis, quæ sub una forma intelligitur plenè perfecta, & actuata, nec habet appetitum ad aliam.

*Obijciunt* 2. Demus, nullum præter hominem aliud animal esse, aut existere posse, adhuc posset illa ratio animalis considerari ut genus, & prædicabile ab alijs prædicabilibus distinctum, ergo genus formaliter ut tale non requirit pluralitatem specierum.

*Antecedens probatur*, quia ratio animalis conciperetur nec ut proprium, nec ut accidens, nec ut differentia in *quale*, nec

ut tota essentia, ergo ut genus, hoc est, ut pars de Petro in quid prædicabilis; & per differentiam perfectibilis seu actualis.

*R.* Animal in data hypothesis fore perfectum genus physicè, quia haberet omnes perfectiones veri animalis, non autem erit verum genus metaphysicè, & logicè, quia non erit pluribus speciebus communicabile; nec etiam erit perfectum, & completum genus in ratione totius potentialis, & ad omnes differentias specificas contrahibilis, quia ut sic pro forma & termino adæquato respicit non unam tantum, sed omnes differentias, à quibus perficiatur: sicut ergo non est perfecta, & completa harmonia sub una tantum differentia soni, ita nec genus ut totum potentiale sub una differentia specifica.

*Sic* est de natura specifica, hæc enim cum essentialiter sit completa, non respicit differentias individuales ut essentialiter perfectivas.

XII. *Quæritur II.* An admittendum sit aliquod Individuum genericum?

*Resp.* Non potest dari à parte rei aliquod individuum genericum, quod sub nulla specie infima sit; v. g. non potest dari aliquod animal quod nec sit homo, nec bos, nec equus, nec piscis, nec avis, &c. nec rationale, nec irrationale, &c.

*Ratio est,* quia tale animal vel haberet aliquam differentiam, per quam ab alijs animalibus distingueretur, vel nullam: si aliquam, ergo jam erit in aliqua specie: si nullam, quæro unde oriatur hæc negatio & repugnantia habendi aliquam differentiam? non ab animali ut sic, hoc enim non dicit repugnantiam ad aliquas differentias, & varias operationes præter merè sensitivas; ergo hæc repugnantia aliunde est, ergo jam supponit aliquod principium specificum præter gradum animalis.







## § IV.

## DE SPECIE

## Summaria.

1. *Quid sit Species subijcibilis ?*
2. *Quā talis non est Univerſalis.*
3. *Quid sit Species pradicabilis ?*
4. *Distinctio ſpecifica non ſemper inſert inæqualitatem per-  
fectionis.*
5. *Occurritur Objectionibus.*
6. *Eliminatur ea regula, quā dicitur illa ſpecie differre,  
quā prudentium arbitrio notabiliter differunt.*
7. *Regula ad diſcernendas Species ex differentijs inter Species,  
& Individua deſumenda eſt.*



## I.

Uarietur 1. *Quid ſit ſpecies ſubijcibilis ?*



*Reſp.* Species ſubijcibilis bene definitur : quæ ſub aſſignato genere per ſe, & immediate in quid prædicatur. Cum genus definitur per ſpeciem, & ſpecies per genus, non comittitur circulus vitioſus, quia

relativa cùm habeant esse reciprocum, debent etiam habere definitiones reciprocas; nec est vitium, si definitio naturæ respondeat, sed potius prima definitionis virtus, maxime cùm aliunde constet, quid sit genus, & ita species definitur per aliquid notius. Est quidem genus *materialiter* sumptum prius naturâ, quàm species, quia dicit gradum essendi Universaliorē, & imperfectiorem, *formaliter* tamen ut ad speciem refertur, est cum hac more relativorum simul naturâ.

II. *Quæritur 2.* An species, quâ subijcibilis constituitur secundum prædicabile?

*Resp. negativè.* Ratio est, tum, quia Universale est unum aptum inesse multis; sed species, ut subijcibilis non est apta inesse, aut prædicari de multis, sed illi potius inest genus, de eoque prædicatur, nec plura ut plura respicit, sed unum. Tum quia prædicari de multis est respicere inferiora (in prædicatione enim directâ superius prædicatur de inferioribus) sed species subijcibilis quâ talis respicit genus, cui subijcitur tamquam superius, ergo per respectum ad genus non constituitur Universalis, & prædicabilis: Tum denique, quia prius est esse speciem prædicabilem & Universalem, quàm subijci; hoc enim ex eo est, quod species sit quoddam prædicatum limitatum, minusque Universale, quàm genus: species ergo, ut correlativum generis, est subijcibilis, ut verò Universalis non est formaliter subijcibilis.

III. *Quæritur 3.* Quid sit species prædicabilis.

*Resp.* Species prædicabilis bene definitur, quæ de pluribus numero differentibus prædicatur in eo quod quid est. Hæc definitio propriè convenit speciei infimæ, non subalternæ, hæc enim sola constitui secundum prædicabile, & à reliquis prædicabilibus distinguitur, significat enim totam naturam, & essentiam inferiorum, de quibus etiam prædicatur in quid completè. Explicatio hujus definitionis patet ex ijs, quæ de genere dicta sunt.

IV. *Quæritur 4.* An ea, quæ specie distinguuntur, sint semper inæqualis perfectionis? *R.* Probabiliorem esse negativam.

Ratio est, quia nulla repugnantia apparet, ut duo sint species distinctæ, & tamen æqualis perfectionis; esto enim species

A. non habeat omnem perfectionem, quam habet species B. poterit tamen habere perfectionem æquivalentem, quid enim hic implicantiæ? & pater in moralibus: pretium auri non est pretium argenti, & tamen potest argento aliqua imperfectio vel ab arte, vel à nostro argento accedere, per quam æqualeat auro. Sic gravitas, & levitas sunt distinctæ qualitates, & tamen possunt ita attemperari, ut æquantur, & quantum una deprimit, tantum altera attollat, corpore æquilibrato, nec in unam magis, quàm aliam partem pendente. Sic voluntati duo specie distincta motiva & rationes proponi possunt, quæ tamen sint æ qualis perfectionis, quibus ad amandum, & non amandum invitetur, ad bellandum, & non bellandum, quo casu voluntas in æquilibrio stabit, nec magis in unam, quàm aliam partem inclinare poterit; ergo in his & similibus casibus una species non habet quidem omnem perfectionem alterius speciei, sed tamen habet æquivalentem, & ideo neutra in operando vincit, aut vincitur.

2. Træ personalitates divinæ specie distinguuntur, & tamen nulla illarum est perfectior; licet enim Pater non sit Filius, habet tamen perfectionem, quæ Filiationi æquivaler: si hoc in relativis fieri potest, cur non in absolutis? si enim probatum semel est, non repugnare dissimilitudinem æqualitati, nulla amplius nec in relativis, nec in absolutis assignari ratio potest, cur species dissimiles æquales esse non possint.

3. Esse aliqua specie distincta, est essentialiter esse dissimilia: sed non repugnat, quæ sunt dissimilia esse æqualia, duo enim parietes albus & niger sunt dissimiles, & tamen possunt æquales esse, hoc est, æquè magni. pulchri, solidi, &c.

4. Esse perfectum est distare à non ente (quo enim plures gradus entis res aliqua habet, eo perfectior est) ergo esse æqualiter perfectum, est æquè distare à non ente ac aliud, sive tot gradus entis habere, quot alia res habet: sed non repugnat duas species maximè diversas æqualiter à non ente distare, & consequenter æquales esse, ut patet in polo arctico & antartico, qui æqualiter à centro mundi & linea æquinoctiali distant: eodem

dem modo duæ species æqualiter à non ente distare possunt, quæ catu æqualiter erunt perfectæ.

5. Plerumque concipimus res aliquas esse specie distinctas, v. g. dulcedinem & albedinem, nihil determinando aut cogitando, an sint æqualis, vel inæqualis perfectionis, ergo species ut species non dicit inæqualitatem, unde ergo hæc oritur? Sicut enim quia homo est essentialiter rationalis, implicat hominem concipi non conceptâ rationalitate; ita si albedo & dulcedo, hoc ipso quòd sunt species distinctæ, sunt essentialiter inæquales, implicabit concipi ut duas species, & non concipi ut inæquales.

6. Duæ species diversissimæ possunt æquate perfectionem tertie alicuius speciei, ergo & una species hoc poterit.

*Consequentia probatur*, potest enim una species duabus æquivalere, ut patet in anima rationali, respectu vegetativæ & sensitivæ: & cum duæ species æquæ à tertia distinguantur, quàm prima à secunda, non est ratio cur duæ species possint tertiam æquare, & non etiam una aliam.

*Antecedens probatur*, quia numerus ternarius & quinquarius sunt numeri ab octonario distinctissimi, & tamen æquales perfectione sunt, duæ enim illæ numeri species conjunctim tot habent Unitates, quot habet octonarius.

7. Annus præteritus & annus præsens sunt species durationum distinctæ (duratio enim præsens à præterita distinguitur sicut esse à non esse) & tamen æqualis sunt perfectionis, cum æqualem perfectionem ab æternitate divina participant, illique æqualiter coextendantur; dic enim mihi quid plus perfectionis habeat duratio horæ hesternæ, quàm hodiernæ? possunt ergo duæ perfectiones creatæ æqualiter participare divinam naturam, & tamen dissimiles esse, quia alio & alio modo participant; alio rosa, alio lilium, alio color flavus, alio viridis, æqualiter tamen: sicut ex eodem fonte æqualiter aquam duo haurire possunt, & tamen dissimiliter, alius vid. manu, alius ore, alius conchâ: & duæ lineæ æquales ab eodem centro, sed tamen dissimiliter, alio Orientem, alio Occidentem versus; ita duæ perfectiones æquales, & tamen dissimiles ab eodem Creatore.

§ Denique, esse æqualem alteri perfectione non est habere unam eandemque perfectionem, sed potius distinctas, nihil enim sibi æquale est: ergo æqualitas dicit, non excludit distinctionem, ergo nec excludit differentiam, ergo nec excludit dissimilitudinem, ergo æqualitas in essentia non excludit dissimilitudinem in essentia, ergo æqualitas in essentia non excludit distinctionem specificam, quæ nihil aliud est quàm dissimilitudo in essentia. Non ergo repugnat duas naturas æqualis esse, & tamen dissimilis perfectionis.

V. *Obijciunt* 1. Species sunt sicut numeri; sed hi sunt perfectione inæquales.

✎. Retorqueri Argumentum posse; ostendimus enim supra, posse numeros specie distinctos æquales esse.

Deinde species numeris comparantur non in omnibus, sed in hoc, quòd nec numeris addi aliquid demique, nec speciebus possit. Disparitas verò in eo est, quòd numeri essentia constat ex unitatibus, & distinctio numeri ex eo, quòd plures, aut pauciores unitates habeat, & ideo si duo numeri æquales unitates habeant, non distinguuntur Specie. Distinctio verò entium specifica non in hoc consistit, quòd una species plures gradus entis habeat, quàm alia, sed quòd notabiliter diversos: diversitas verò specifica potest consistere cum æqualitate graduum: sicut v. g. calor ut quinque, & frigus ut quinque sunt qualitates specie distinctæ, salvâ graduum æqualitate.

*Obijciunt* 2. Quæ sunt æqualia, commensurari possunt: sed quæ sunt diversæ rationis, non possunt commensurari, ergo nec sunt æqualia: cum ergo species distinctæ sint diversæ rationis, non possunt æquales esse.

*Majus* est certa, *minus* æquè: ideo enim ulna panni cum libra ferri, aut mensura vini commensurari, aut eidem mensuræ subesse non possunt, quia non sunt ejusdem rationis; nam in panno longitudo, in ferro pondus, in vino multitudo spectatur.

✎. Si hoc Argumentum aliquid prober, evincere species distinctas nec æquales dici, nec inæquales dici posse, inæ-

inæqualitas enim ex commensuratione dicitur, & ideo ulna panni libræ ferri nec æqualis nec inæqualis est, quia non commensurantur, nec sunt ejusdem rationis: mensura verò vini est amphoræ vini, aut aquæ inæqualis, quia ejusdem sunt rationis, cum in hisce liquoribus multitudo in mensuram cadat. Sicut ergo aqua & vinum sunt liquores distinctæ & diversæ rationis, & tamen commensurari & æquales esse possunt, quia in illis metimur quantitatem molis; ita duæ species distinctæ æquales esse possunt, quia in illis metimur quantitatem perfectionis: potest verò æqualis esse perfectio, licet diversa & dissimilis entitas, quia ut suprâ diximus, æqualitas non excludit dissimilitudinem. Et licet aquila v. g. non habeat gradus entis, quos habet phoenix, potest tamen habere alium, aut alios gradus entis, qui conjuncti æquent perfectionem phoenixis: sicut in numeris & pretijs metallorum patet. Et dari etiam aliud exemplum potest in caloribus solis & ignis; calor enim solis non habet activitatem caloris ignei: possunt tamen uniri tot gradus caloris, & radiorum à sole, ut tandem æquent calorem igneum.

*Obijciunt* 3. *Experientia; videmus enim omnia, quæ specie distinguuntur, inæqualis etiam perfectionis esse.*

ꝛ. Mirum esse, si possis inæqualitatem in omnibus speciebus ostendere: quænam inter colores? inter pisces, volucresque omnes? musca volat, formica repit, sed formica in hyemem providet, muscâ negligentē. Pulchrior pavoni pluma, turpior lusciniæ, sed cantu præcellit, nec tamen, ut pavo prævidet tempestates. Quis elephantem leoni præferat, aut hunc elephanti? ergo in omnibus cum elementis tum corporibus mixtis perfectiones miscentur imperfectionibus, ac invicem compensantur, sit temeritas sit dicere, hoc perfectius illud imperfectius esse: prius ergo probanda, & ostendenda est omnium specierum inæqualitas, quàm asserenda, & axiomatis instar proponenda.

*Obijciunt* 4. *Demus species leonis, & tauri esse æquales, v. g. perfectas ut quatuor, ergo differentia specificæ rugibilis & mugibi-*

gibilis non sunt primò oppositæ, sed ut differentiæ conveniunt in gradu æqualitatis, & perfectionis.

Æ. Differentias quâ ratione dividunt genus, semper oppositas esse; sicut enim albedo ut octo, & nigredo ut octo sunt primò diversæ, imò quo utrinque magis intenduntur, & intensione magis æquantur, eò sibi magis opponuntur, magis enim albedini ut octo opponitur nigredo ut octo, quàm ut quatuor, quia quò intensior, eò magis à suo contrario distat: ita rugibile & mugibile quâ ratione dividunt animal, primò sibi opponuntur, non verò dividunt, ut habent rationem entis, aut materialis, aut æqualitatis, sed ut dicunt taleitatem animalis, & ut sic primò sibi opponuntur.

*Obijciat* 5. Lineæ in circulo æquales sunt, quæ à centro æqualiter distant, ergo etiam species æquales sunt, quæ æqualiter à non ente & primo ente distant; si ergo leo & taurus t.g. sunt species æquales, ergo æquè à primo ente distant, ergo æqualiter primo enti assimilantur, ergo non erunt diversæ, & dissimiles species, ergo nec distinctæ; illa siquidem specie distinguuntur, quæ habent naturam dissimilem: sicut ergo duæ imagines Cæsaris, si Cæsari æqualiter similes sunt, sunt etiam sibi æqualiter similes, ita duæ naturæ, si æqualiter à primo ente distant, aut potiùs æqualiter ad primum ens accedunt, æqualiter primo enti sunt similes, ergo & sibi: & si sibi sunt similes, non sunt species distinctæ.

Æ. Possè duas imagines æqualiter distare, aut æqualiter accedere ad suum exemplar, & tamen sibi dissimiles esse, quia non totum exemplar referunt, sed aliam & aliam ejus partem: sicut si una imago Cæsarem ut militem in equo, alia ut Imperatorem in throno exhibeat, utraque imago æqualiter ad Cæsarem accedit, & tamen dissimilis est; ita duæ species distinctæ possunt duas æquales in Deo perfectiones participare, & tamen virtualiter diversas, & ideo dissimiles sibi esse; nam, ut sæpe dixi, æqualitas non excludit dissimilitudinem.

*Obijciunt* 6. In accidentibus æqualitas & similitudo distinguuntur, quia æqualitas est quantitatis, similitudo qualitatis, at non in essentia, quia tam æqualitas, quàm similitudo fun-



datur in natura, & ideo idem est, æqualis esse & similis naturæ.

2. Negando etiam in substantijs eandem rem esse æqualitatem, & similitudinem: in divinis sunt æquales, sed dissimiles relationes: in creatis ex diversitate naturarum & operationum colligimus earum inæqualitatem, ergo aliud est diversitas, aliud inæqualitas: differentiarum individuales sunt diversæ, & tamen æqualis perfectionis. Dicuntur ergo species & naturæ æqualis perfectionis, quæ æquè ad divinam perfectionem infinite imitabilem accedunt: dissimiles verò, quæ aliter & aliter, diversisque operationibus; sicut enim diversis vijs æqualiter ad urbem aut portum accedi potest; & per infinitas lineas æqualiter ad idem centrum, & tamen sibi oppositas; ita Deus æqualiter, & tamen diversis, ac oppositis modis in creaturas derivatur. Dici etiam potest, excessum aut æqualitatem perfectionis, de quo agimus, esse majorem, aut æqualem conducentiam rei in ordine ad bonum Universi, ob quam unum est alio magis appetibile, unde etiam magis patet, posse duas species æqualiter perfectas esse, quia æqualiter conducunt ad bonum Universi, sicut aqua & ignis, cor & cerebrum, polus arcticus & antarcticus, color viridis & flavus, &c.

VI. *Quæritur* 5. Quæ sit Regula discernendi, aut inveniendi distinctionem specificam?

*Resp.* Non placet illa regula, quæ communiter afferri solet ad distinguendas species, ea videlicet specie differre, quæ arbitrio prudentum notabiliter differunt, & ideo v. g. phœnicem, & aquilam esse specie distinctas aves, quia notabiliter differunt.

*Ratio est* 1. Quia hoc ipsum quæritur, quid sit notabiliter differre? quod enim tibi notabilis & magna differentia, alteri parva & contemnenda videbitur.

2. Si notabilis & specifica differentia arbitrio prudentum taxanda, & æstimanda est, ergo assignandum est aliquod fundamentum, & ratio prudentialis, quæ prudentes moveat ad iudicium ferendum de specifica distinctione (nec enim prudentis est sine ratione, & momentis rerum iudicare) de hoc ipso

au-

autem fundamento & ratione judicandi quærimus, quænam illa sit?

3. Si notabilis differentia ex accidentibus petenda est, quàm multa hominum individua specie different, v. g. vir, & mulier, Æthiops, & Europæus, Pygmæus, & Gigas? Si verò notabilis differentia non est ex accidentibus petenda, unde constat aquilam specie à columba differre? color enim, velocitas, magnitudo sunt mera accidentia: esto enim in aquila certæ accidentium series notentur, quæ aquilæ semper adsunt, nunquam columbæ, & hinc colligi, esse in aquila gradum aliquem specificum, cui illa series debeat, non in columba, idem de individuis hominum dici poterit, esse v. g. in Æthiopibus, in mulieribus certam seriem accidentium, quæ his solis, & nullis alijs adsint, ergo esse in illis gradum aliquem naturæ specificum, cui illa series debeat: & si tu varia Æthiopum & mulierum accidentia temperamento, aut genituræ adscribas, idem ego de aquila, & columba dicam; & discrimen assignandum erit, cur accidentia aquilæ, v. g. velocitas, perspicacia, plumarum simplex coloratura, rostri & falcularum aduncitas, &c. arguant distinctionem specificam, & non accidentia in Æthiope & muliere reperta, quæ tamen nec numero nec varietate minora sunt. Audi quæ Plinius l. 7. c. 1. & 2. alijsque de varia hominum natura scribunt, & judica, an distinctio specifica ex notabili accidentium differentia peti possit.

*Quis, inquit, Æthiops antequam cerneret credidit? aut quid non miraculo est, postquam in notitiam venere?*

In convalle magna Imai montis silvestres vivunt homines avertis post crura plantis, eximie velocitatis, passim cum feris vagantur: hi in alio non spirant cælo, adeoque ad finitimos reges trahi non possunt. In Albania gignuntur quidam glauci oculorum acie, à pueritia statim cani, qui noctu plus quàm interdiu cernunt. In Africa gens Pŷllorum est, quorum corporibus ingentium virus exitiale serpentibus, ut cujus odore eos sopiant; liberos genitos eorum lævissimis obijciunt, qui si non fugiant, partus pro adulterino est. In eadem Africa familiæ sunt

quædam effascinantium, quarum laudatione commendata interest, ant, arescant arbores, emoriantur infantes.

In Triballis & Illyricis ejusdem generis sunt, qui visu quoque effascinent, interimantque quos diutius intueantur, iratis præcipue oculis, in quorum lingulis binas pupillas habent, mergi non possunt, ne vestibus quidem degravati. Pyrrho Regi pollex in dextro pede lienosis tactu medebatur, nec cremari cum reliquo corpore potuit. Gymnosophistæ Indorum Philosophi ab exortu ad occasum perstant solem contuentes immobilibus oculis, totumque diem ferventibus arenis alternis pedibus insistant. In multis autem montibus genus hominum capitibus caninis ferarum pellibus velantur; pro voce latratum edunt, unguibus armantur, horum supra centum viginti millia fuisse Ctesias scribit. Sunt & Monoscæli, quibus singula tantum crura, mira velocitas ad saltum: in majori æstu humi jacent resupini, umbræque pedum se protegent, hinc Sciopodes vocantur. Ad extremos fines Indiæ ab Oriente circa fontem Gangis Astomorum gens degit sine ore, halitu tamen vivunt & odore, quem naribus trahunt: nullus illis cibus, nullusque potus: tantum radicum, florumque varios odores & silvestrium malorum hauriunt, quæ secum portant longiori itinere, ne desit olfactus: graviore paulò odore exanimantur.

De Pygmæis Ctesias, Aristoteles, Plinius hæc tradunt, nigro corpore esse: qui maximi sunt, duos cubitos, reliqui & plerique dimidium longitudinis habent: barba in sinum demissa, capilli infra genu: his dorsum, barbâ pectus pedesque, reliquum corpus pilis (ponte enatis involvunt, nec alia vestis; anno ætatis quinto jam gignunt: casas luto pennisque, & ovorum putaminibus æruunt: sagittis armantur, quas & peritissimè jaciunt, arietum caprarumque dorsis insidentes, veris tempore universo agnine ad mare descendunt cum gruibus pugnaturi, & ova pullosque earum alitum consumunt: ternis expeditionibus hoc bellum conficitur, non aliter gruum abundantibus copiis pares futuri: lepores & vulpes non canibus, sed corvis, milvis, cornicibus & aquilis venantur: oleo ex sesamo, nucibus, ex lacu quodam vivunt, qui octingenta stadia complexus, cum

venit.

ventis non agitur, oleum supremis aquis infusum egerit. *Hæc* inquit Plinius citatus, *atque alia ex hominum genere sibi ludibria, nobis miracula ingeniose fecit natura.* Consideret jam cui lubet, an non major magisque notabilis accidentium differentia inter Pygmaeos reliquosque homines intercedat, quam inter aquilam, & columbam; & tamen aquila specie à columbis distinguitur, non tamen Pygmaei à ceteris hominibus, non ergo notabilis dissimilitudo character est distinctæ speciei.

4. In multis reperitur notabilis differentia, quibus tamen una species est: econtrà nulla notabilis differentia apparet, ubi tamen certum est species distingui, ergo malè assignatur regula distinguendarum specierum.

*Antecedens probatur.* Ossa v. g. & sanguis magis notabiliter inter se differunt, quam aqua & terra, aquila & columba, & tamen ossa & sanguis specie non distinguuntur, cum in homine eadem formâ & secundum eundem gradum informantur, in Thomistarum, aliorumque sententia, formas partiales abdicantium. Colores apparentes in iride v. g. tersave crystallo, æquè notabiliter differunt ac veri colores (quid enim minus habent, quam quòd faciliùs vanescunt?) & tamen specie non distinguuntur, cum illorum forma sit unica lux in corpore diaphano variè fracta.

Econtrà certum est, omnes numeros v. g. septenarium, & octonarium specie distingui, & tamen non differunt notabiliter, quia unâ tantum Unitate; hæc verò differentia tam parva est, ut minor esse non possit. Sic etiam figura ovalis specie à rotunda distinguitur, & tamen adedò notabiliter non differt, ut discerni à rotunda vix possit.

5. Differre notabiliter videtur idem esse, quod differre in prædicato præcipuo, vel nobilissimo; & differre non notabiliter idem quod non differre in prædicato præcipuo: sed multa differunt specie, quæ tamen non differunt in prædicato præcipuo, ergo non differre in prædicato præcipuo non est nota ejusdem speciei. *Minor probatur*, quia Angeli non differunt in prædicato præcipuo, quod est *esse intellectuale*: nec bruta in prædicato præcipuo, quod illis est *esse sensivum*: nec sensationes in prædicato præcipuo, quod est *esse cognoscitivum*; & tamen hæc omnia specie distinguuntur.

VII. Ut ergo certa regula discernendis speciebus constituatur, aliquæ differentię inter species, & individua notandę sunt.

*Prima est*, quod species pertineant ad perfectionem essentialem Universi, non verò individua. S. Th. 2. *cont. Gent.* 6. 84. tolleretur enim Universo aliqua perfectio, si tota species aquilarum interiret, non si aliqua individua; & ideo providit natura, ut species essent perpetuę, individuis omnibus pereuntibus.

*Ratio est*, tum quia sicut tota perfectio artis, & ingenium artificis in forma & figura est, non autem in materia, subjectoque artis, quamvis si pretium materię accedat, tantò pulchrius fuerit opus, non tamen tantò artificiosius; subinde enim ex vilitate ac parvitate materię artificium crescit, quale fuit Ilias Homeri in nucē scripta, Callicratis ex ebore formicę, & alia tam parva animalia, ut eorum partes cerni ab alijs vix possent, & Myrmecidis quadriga, ac navis, quarum unam musca, aliam apicula pinnis, alisque integerent: & denique Lysippi ex arte Alexandri statua, quam maurari iussu Nero, deinde cū pretio perisset gratia artis, detractum est aurum. Plin. l. 34. c. 7. Sicut ergo totum pretium, & laus artis in figura est, nec ideo pulchrior, quia in ebore, aut ligno ducta, ita tota perfectio Universi essentialis in speciebus & essentijs est, non verò in specierum individuis, quę speciei nihil addunt, præter materiam cum respectu ad certam seriem accidentium; sic enim se habent individua ad species, sicut aurum & argentum ad figuram circularem; circulus enim aureus & argenteus solā materiā differunt: & quamvis negari haud possit, individua, præsertim hominum, multum conferre ad pulchritudinem Universi (unde enim nisi ab individuis tot artes, scientiæ, virtutum exempla?) ea tamen principaliter reducitur ad differentiam specificam; instrumentaliter verò ad formas accidentales; sicut tota laus pretiūque picturę non in colores, aut telam, aut penicillos, sed in Pictorem redit; tum etiam quia sublata specie tolluntur etiam omnes perfectiones tam accidentales, quā individuales, quę speciem comitantur; sublatis verò individuis, sed specie superstite, durat potentia & radix omnium earum perfectionum, aut saltem æquivalentium, quę post

post certas temporum vices, & quantum pulchræ varietati sufficit, foras erumpunt. Sicut ergo perfectio horti, aut pomarij non ex floribus aut fructibus æstimatur, hi siquidem variant, multisque casibus subjacent, nec semper sunt; sed ex arboribus fructuum feracibus: ita perfectio Universi ex speciebus, quæ novis semper perfectionibus, & individuis abundat, ipsamque inæqualitatem individuorum varietate, utilitate, aliisque maximis bonis compensat; ergo durante specie humanâ nunquam individua deerunt, nunquam ingenia, artes, virtutes, & alia quæ huic Universo ornameto sunt; patet ergo perfectionem essentialem hujus Universi ex speciebus, non individuis esse.

*Secunda differentia est*, Quodsi ex speciebus naturalibus vel una abesset, quæ saltem in alijs non continetur, Mundus jam non esset perfectus; sicut si perfectæ harmoniæ vel unicuique sonum, pulchræ orationi vel unicam partem, corpori humano vel unicum membrum demas, tota istorum perfectio, & symmetria turbatur.

*Ratio est, tum*, quia sicut si speciei partem aliquam adimas, v. g. cervo cornua, corvo plumas, aut cantum lusciniæ, mox evadit defectuosa; ita si Universo species aliqua decedat: quælibet enim species est pars, & membrum Mundi; *tum* quia quæ ad invicem proportionem aliquam & ordinem, ac habitudinem habent, si vel unum absit, mox proportio illa, & pulchritudo defectum patitur, ut patet in sonis, figuris, numeris, &c. sed omnes species & partes Universi mutuam proportionem habent, omnia enim fecit Deus *in ordine, pondere, & mensura*: & Eccles. 28. *Non est minuere neque adjicere, nec est invenire magnalia Dei*, & hinc est, ut ex ungue leonem, & ex vestigijs animal dignoscere liceat, & ex mensura digiti humani propter exactam proportionem totum corpus, ejusque quantitas deprehendi possit. Sicut ergo pars corporis ad totum corpus exactam habet proportionem, ita pars universi, hoc est, species ad totum Universum; est enim sapientis artificis non solum partem parti aptare, sed etiam partem toti: & sicut parte corporis sublata totum corpus foedatur, ita specie Universo ademptâ. Hæc verò mutua specierum proportio duobus potissimum constat: *primo* quod quælibet spe-



species Deum, ejusque bonitatem, & pulchritudinem speciali aliquo modo manifestet: deinde quòd homini, quæ hujus Mundi præcipua & dominans creatura est, speciali aliquâ ratione deserviat, sic corvus v. g. (ut in vilissima avium exemplum ponam) maximam Dei providentiam ostendit, qui corvorum pullos à matre in nido desertos, ejectosque (cùm enim necdum exortis plumis albescant, pro alienis habentur) vermiculis pascit & cœlesti rore: ad trigelimum & quadragesimum annum viventes jura conjugij servant, uno defuncto, alter viduus degit, castusque: augurijs homini prolunt: cùm per agros gregatim feruntur, signum est fertiles esse, cùm bini, sterilitatem notant: cùm locum aut provinciam aliquam deserunt, inauspicatum signum est, pessima verò significatio, cùm vocem glutiant velut strangulati: singultu quodam latrantes seque concutientes, si continuabunt, ventos, si verò carptim vocem resorbent, ventosum imbrem, serenitatem, si contra solem hiantes manè per arborum ramos plumas alasque pandunt. Vocem ita mutant, ut 64. vocum differentias expriment: articulatim loqui ediscunt. Tiberio Principe corvus maturè sermoni assuefactus omnibus matutinis evolans in forum, Tiberium, dein Germanicum & Drusum Cæsarem nominatim, mox transeuntem Populum Romanum salutabat: extincto funus celebratum, inquit Plinius l. 10. c. 43. innumeris exequijs: constratus illi lectus supra Æthiopum duorum humeros, precedente tibicine, & corvis omnium generum: Sutor qui illum exanimaverat, plebis consternatione iraque primò pulsus, mox interemptus est. Amicitias corvi cum ciconijs colunt, quibus maria transvolantibus duces se præbent; inimicitias verò cum noctuis & mustelis gerunt, istis nidos diripiunt, illis ova sub meridiem absument: Verbenacam supinam nidis imponunt, ut ab iisdem blattas, aliasque bestiolas abigant, &c.

En tibi in una & minima avium specie quantum divina providentia, bonitas & sapientia, & quàm multa castitatis, amicitiae, pietatis documenta homini præbentur! Idem de alijs speciebus dicas, in quibus triplex ordo & proportio semper reperitur



ritur, ad Deum, ad hominem, & ad se mutuo. Cùm ergo ideo Mundus conditus sit, ut divinas perfectiones manifestet, idque in certo numero & mensura, certum est, vel unâ specie sublatâ Mundum imperfectum fore, quia minùs quàm antè Deum manifestabit: sicut in temperatissima cithara si vel una chorda rumpatur; sonus & harmonia evadent imperfecta: & in rubis opticis, quibus cælum & stellas, ac longinqua spectamus, quæque pluribus speculis instruuntur, si vel unicum vitrum desit, jam magnus in instrumento defectus est, nec fini suo perfecte deservit.

*Tertia differentia est*, Quòd natura primariò intendat generationem speciei eiusque conservationem, non individui; ideo enim effectus assimilantur causæ, & filij parentibus quoad speciem, non quoad individuationem: ideo remedia providit, quibus species essent perpetuæ, non individua: ideo ubi species sunt incorruptibiles, aut nulla sunt individua, ut in Angelis ex sententia S. Thomæ: aut singula tantùm, ut in Sole, Luna, Planetis, &c.

*Quarta differentia*, cùm interrogamus, *quid sit Petrus* v. g. respondetur per prædicata specifica tanquam per totam essentiam: cùm verò interrogamus, *quis sit Petrus?* respondetur per prædicata accidentalialia & individualia; est doctus, germanus, &c.

*Quinta differentia*. Individua in omnibus prædicatis suis sunt similia, præterquam in ijs, quæ sunt necessaria, ut forma aliqua sit in certo subiecto, materia, loco, tempore, à certa causâ aliisque circumstantijs, quæ propterea vocantur individuantes. Exempli causâ, circulus argenteus & aureus in ratione circuli numero tantùm distinguuntur, non specie, quia respectus & adaptatio figuræ rotundæ ad aurum vel argentum non est necessarius rotunditati ut sit, sed solùm ut in hoc subiecto sit. calefactio ignis & solis specie non differunt, quia esse à sole non est prædicatum soli absolutè necessarium, sed tantùm ut ab hoc, non alio principio sit, oportet enim plures causas calefactivas esse, alioquin quomodo calefacies absente sole? Sic duo homines &c. numero tantùm distinguuntur, quia cùm unus homo non possit semper nec ubique esse, oportuit pro pluribus

locis, & temporibus, & parentibus, &c. plures homines esse: hæc autem adaptatio & respectus ad locum, tempus, causam, &c. fundat differentiam numericam, non specificam, ut etiam patet in divinis, ubi distinctio personarum est tantum numerica, per respectum ad origines.

Patet jam ergo, quid sit numericè tantum & individualiter distingui, id enim nihil aliud est, quam distingui, & dissimilari in prædicatis convenientibus per accidens, & cum adaptatione sive respectu ad certas circumstantias loci, causarum, temporis, subjecti, &c. Differunt verò specificè, quæ in alijs etiam prædicatis formalibus, & per se convenientibus discrepant, qualis est figura ovalis, & rotunda, quæ præciso omni respectu ad circumstantias dissimiles sunt. Sicut verò in circumstantijs, ita in differentijs individualibus datur latitudo secundum magis & minus; magis enim differunt individua, quæ magis dissimilia sunt; sunt verò magis dissimilia, quæ circumstantijs magis dissimilibus aptantur.

Cæterum species rerum nobis haud aliter, quam per respectum ad accidentia notæ sunt; quid aliud enim in aquila vides, quo à columba distinguatur, præter accidentia? & ideo dari hæc regula potest: Illa specie distinguuntur, quæ respectum constantem, nullòque tempore, aut loco variabilem dicunt ad certam accidentium & operationum seriem. Hæc nota characteristica in omnibus speciebus, & extra species non reperitur, ut consideranti patebit.

Aristoteles & S. Thomas sæpè notant, differentiam specificam à forma desumi, non ab ultima formæ differentia: differentiam verò genericam à materia. Sic omnes formæ sublunares sunt ejusdem generis, quia conveniunt in eadem materia successivè ab una in aliam formam transmutabili. Angeli conveniunt inter se genere physico, quia in illis datur compositio, non quidem ex materia & forma, sed ex essentia, & existentia, vel saltem duratione. Deus utpote omnino simplex & extra omnem compositionem, supra omne genus est, nec aliquid potentia dicit.



## §. V.

## DE INDIVIDUO.

## Summaria.

1. *Varia acceptiones Individui, juxta quas variè definitur.*
2. *Potest ratio aliqua abstrahi omnibus individuis communis, puta analogicè, non verò univocè.*



## I.

Ueritur 1. Quid sit Individuum?



*Resp.* Individuum variè definitur; ex parte enim subijcibilitatis definitur, *Quod immediatè continetur sub specie.* Ut est prædicabile, *Quod de uno tantum prædicatur;* Individuum enim de se ipso identicè tantum, & non formaliter prædicatur, secùs ac Species & genus, quæ de suis inferioribus prædicari possunt, non verò Individuum, cujus, utpote ultimi infimique, nulla sunt inferiora. Aliter etiam Individuum primò intentionaliter sumptum à Porphyrio definitur, *Quod ex proprietatibus constat, quarum collectio nunquam in alio eadem est.*

Hæc autem collectio accidentium hoc versu' comprehenditur.

*Forma (complexio) figura, locus, stirps, nomen, patria, tempus.*

Hæc definitio complectitur sola Individua substantiarum, & quidem completatur ex supposito, hæc enim solùm nominantur, &c. Hæc autem definitio videtur descriptiva; si enim individuatio sit ratio quædam intrinseca ultimò essentiam determinans, siue dicat materiam signatam quantitate, semper illa collectio accidentium pertinet ad connotata extrinseca. Posset quidem supernaturaliter fieri, ut eadem collectio accidentium in duobus individuis reperiretur, maneret tamen inclinatio & exigentia naturalis ad alia & distincta, saltem ad distinctam præsentiam localem. Nomina, quibus specialiter significamus individua substantiæ, sunt hæc; hypostasis, substantia, res, natura. Nomina verò omnibus individuis communia sunt, singulare, particulare, individuum, hoc, istud, &c. De quibus vide S. Thom. in 3. *Sent. ad Annibald. d. 6. q. un. a. 1. & in 1. d. 26. q. 1. a. 1.* Idem S. Tho. individuum essentialiter sic definit. *10. Metaph. Lect. 11. Quod est indivisum in se, & dividi nec formali divisione, nec materiali potest.* Hæc definitio intelligenda est de divisione adæquata, non verò de inadæquata & in partes: quodlibet enim individuum corporis v. g. aut aquæ in partes heterogeneas, & homogeneas dividi potest, quæ tamen divisio inducit corruptionem totius, nec est divisio individui in individua, sed in partes individui. Quæ verò sit radix individuationis, alibi dicitur. Vide Cajet. *De ent. & ess. c. 2. circa fin.*

II. *Quæritur 2.* An possit abstrahi aliqua ratio, quæ sit communis omnibus individuis?

R. Possè, sic tamen, ut illa ratio abstracta semper includat aliquam radicem, & notam dissimilitudinis, adeoque sit analogicè tantùm, non univocè communis.

*Ratio est 1.* Individua omnia definiuntur unicâ definitione, ergo habent unum conceptum communem definibilem, & omnibus adaptabilem,

2. Hic

2. Hic syllogismus est bonus & in *Darj*: *Omne individuum est incommunicabile: Petrus est individuum, ergo est incommunicabilis*. Ergo terminus *ly individui* non est equivocus.

3. Individua in multis conveniunt, quod non possint communicari, quod non sint Universalia, quod speciem contrahant, & speciei subijciantur.

4. Quia tamen esse individuum intimè imbibitur in rationibus diversificantibus, quia dicit incommunicabilitatem, quia dicit exclusionem alterius, quia collectionem accidentium in alijs naturaliter non reperibilem; ideo ratio individui, quomodo-cunque sumatur, nunquam evadet perfectè communis; quomodo enim commune, quod est necessariò incommunicabile? ergo ratio individui semper inducit aliquam notam differendi, & supponit pro particularibus, non pro ipsa ratione abstracta, de hac enim falsum est, quod sit collectio accidentium, &c. Sicut ergo albedo & nigredo sunt qualitates primò dissimiles, in hoc ipso tamen, quod sint dissimiles, conveniunt; sic individua. Quando igitur individuum de pluribus prædicatur, v. g. Petrus est individuum, Bucephalus est individuum: individuum propriè dicendo ad nullum prædicabile pertinet, quia sola Universalia inter prædicabilia censentur, Universale verò dicit exclusionem individuationis. Reduci tamen potest *tum* ad genus, si de pluribus specie differentibus prædicetur, v. g. Bucephalus est individuum, Petrus est individuum, &c. *Tum* ad speciem, si de pluribus numero differentibus, v. g. Petrus est individuum, Paulus est individuum, &c. *Tum* ad proprium, quia individuum dicit ultimam unitatem, quæ est proprietas entis.





## §. VI.

## DE DIFFERENTIA.

## Summaria.

1. *Quid nominis, & quotuplex sit Differentia?*
2. *Et quid, ut est tertium pradicabile?*
3. *Quod constituit non per ordinem ad speciem, quam constituit, sed per respectum ad inferiora.*
4. *Differentia infima nec genus, nec differentiam formaliter continet.*
5. *Quibus semper est perfectior.*
6. *Refutantur, qui negant differentias infimas.*
7. *Non obstante, quòd quadam entia per solam negationem differant, qua tamen propriè differentia non est.*



## I.



*Uariur i. Quid & quotuplex sit Differentia?*

*Resp.* Differentia nihil aliud est, quàm *forma faciens differre*. Aliud verò est differre, aliud diversum esse. Diversa sunt, quæ in nullo penitus conveniunt: Sic prædicamenta sunt primò diversa. Differunt, quæ in aliquo conveniunt: Sic brutum & homo differunt, quia

quia conveniunt in genere animalis, & discrepant per rationale & irrationale. Quia verò omnis forma faciens differre aut est essentialis, aut accidentalis, & hæc vel separabilis vel inseparabilis, ideo differentia est triplex; *propriissima*, *propria*, & merè *accidental*. Differentia individualis revocatur ad accidentalem, quia advenit essentiz jam completæ & constitutz, & datur per respectum ad signaturam accidentalem. Viderur tamen ratio differendi respectu differentiz essentialis, & accidentalis analogæ tantum non univoca esse; sicut enim Essentia dat simpliciter esse, Accidens dat esse secundum quid, & ideo ex sententia S. Thomæ accidens, & substantia analogicè tantum conveniunt in ratione entis; ita differentia essentialis tollit absolutè identitatem, & facit *simpliciter* differre: differentia verò accidentalis non tollit simpliciter identitatem, & facit differre tantum *secundum quid*.

Aliud est de conceptu prædicabilis, hic enim univocè prædicabili essentiali generico v. g. & accidentali convenit, quia prædicari de multis est prædicatum subiecto applicari, & unum esse in multis, sive unum sine singularibus considerari, quod æqualiter intellectus circa prædicata essentialia, & accidentalia facit: differre autem est effectus realis inæqualiter participatus, & ab intellectu independens; differre enim est absolutè differre, & non secundum quid: sicut esse album est simpliciter tale esse, & non secundum dentes.

II. *Resp. 2.* Differentia, quæ tertium prædicabile constituit, bene definitur, *Qua prædicatur de pluribus specie differentibus in quale quid est.* Ita Porphyrius definivit. In quale quid prædicari denotat non realitatem differentiz, sed modum prædicandi; differentia enim ut à proprio & accidente distinguitur, ad essentiam non ad qualitatem pertinet: prædicatur tamen in quale, quia adjectivè & connotativè, & quia generi, *ut sic* accidit, sicut forma materiæ; sicut ergo anima, ita rationalitas adjectivè tantum de homine prædicantur.

*Obijciunt* 1. Hæc definitio pertinet ad species tantum subalternas, & genericas, non ad infimas & específicas, non ergo est bona.



Re. 1. Differentias infimas non esse nobis notas ; quæ est enim differentia ultima leonis , elephantis ? &c.

2. Etiam individua unius speciei ab individuis alterius speciei inter se specie differunt , virtualiter ergo hæc definitio complectitur etiam differentias atomas.

3. Sensus hujus definitionis hic est : differentia est , quæ prædicatur de pluribus in quale quid , etiamsi illa plura specie differant.

*Obijciatur* 2. Differentia non habet aliam differentiam , ergo definiri non potest , *Antecedens probatur* , quia daretur alioqui differentia differentiæ , & ita processus in infinitum , &c.

Re. Differentiam , ut est tertium Universale , utique constare ex genere & differentia , est enim Universale , & essentialiter tale Universale , & hæc taleitas differentiæ non potest dari per aliam differentiam essentialem , sed tantum explicari , aut etiam definiri per proprietates & accidentia : sicut ergo homo definiri potest , imò debet per ens humanum ( quale est rationalitas ) nec tamen datur processus in infinitum , quia implicitum per explicitum definitur , ita in definitione differentiæ ; sicut enim impossibile est differentiam non esse differentiam , ita impossibile est differentiam non definiri per differentiam.

*Obijciatur* 3. Homo differt à lapide per animal , & cælum differt ab homine per materiam , ergo animal & materia sunt differentiæ , nec tamen prædicantur in quale.

Re. Esse differentias physicas , non metaphysicas.

III. *Quæritur* 2. Quo respectu differentia constituat tertium prædicabile ?

*Resp.* Differentia non constituitur Universalis per ordinem , & respectum ad speciem , quam constituit , sed per respectum ad inferiora.

*Ratio est*, tum quia differentia ut *Universalis* respicit plura , & inferiora : sed species habet rationem non plurium , sed unius , nec inferioris , sed æqualis : tum quia differentia generi addita , v. g. irrationale additum animali non prædicatur de specie differentibus , nam genus non continet actu species ; continet quidem potentiâ , sed hæc continentia potentialis non suffi-

sufficit ad salvandam prædicationem universalem, alioquin irrationale prædicari etiam de rationali posset, quia hanc quoque differentiam animal in potentia continet. Inferiora igitur, de quibus differentia prædicatur, sunt inferiora ipsius speciei, v. g. rationale est tertium prædicabile respectu non huius vel illius rationalis (cùm enim dico, hoc rationale est rationale, non est prædicatio, in quale, nec incompleta, sed in quid & completa) sed respectu Petri & Pauli, de quibus in quale & incompletè dicitur.

*Obijciunt* 1. In hac propositione, *homo est rationalis*, fit prædicatio tertij prædicabilis, ergo tertium prædicabile immediatè respicit speciem, quam constituit, non verò individua speciei.

*Rursus*. Rationale non immediatè Petrum, sed hominem & naturam qualificat, ergo natura est immediatum correlativum differentie specificæ.

*R.* Aliud esse prædicari, aliud esse Universale: potest æquale prædicari de æquali, sed non potest Universale dici tale, nisi respectu inferiorum: eodem modo differentia immediatè qualificat speciem, sed non est immediatè Universale respectu, & intuitu speciei.

*Obijciunt* 2. Differentia prædicatur tum de specie, tum de individuis prædicatione formali, species verò de solis individuis, ergo differentia de pluribus prædicatur, quàm species, ergo est universalior, ergo species respectu differentie habet rationem inferioris.

*R.* Differentiam specificam, quatenus de specie prædicatur, prædicari non ut de inferiori, sed ut de æquali.

*Obijciunt* 3. Species continet individua, ergo quando differentia specifica prædicatur de specie, virtualiter de pluribus prædicatur.

*R.* Virtualement continentiam non sufficere ad Universalem prædicationem, tum quia illa virtualis continentia non est radix pluralitatis sed univertis, nec repræsentat plura, ut plura, (quod tamen ad Universale requiritur) sed plura ut unum tum quia etiam genus continet species, & tamen hoc non sufficit,

ut hæc prædicatio, *homo est animal*, sit prædicatio specifica.

IV. *Queritur 3.* An differentia *formaliter* includat genus?

*R.ß.* Differentia infima non includit *formaliter* genus, neque differentiam genericam, *sive* subalternam; v. g. rationale non includit *formaliter* animal, vel sensitivum. *Formaliter* inquam, nam *realiter* eadem res est animal, & rationale.

*Ratio est 1.* Formaliter aliquid non esse aliud, nihil aliud est, quàm aliquid perfectè concipi sine alio posse: sed rationale perfectè concipi potest non concepto sensitivo, aut animali; concipitur enim ut radix & principium operationis intellectualis, & discursivæ, quæ realiter distinguitur ab operatione sensitiva: Sicut ergo tota operatio rationalis concipi potest non conceptâ operatione sensitivâ, ita totum principium ratiocinandi non concepto principio sentiendi.

2. Formaliter distingui est formaliter non includi (distinctio enim est exclusio, sicut identitas est inclusio) sed sensitivum & rationale formaliter distinguuntur: illa enim formaliter distinguuntur, quæ virtualiter: illa virtualiter distinguuntur, quæ pluribus realiter distinctis æquivalent: sed rationale & sensitivum duabus formis realiter distinctis æquivalent, animæ videlicet rationali, & merè sensitivæ, si enim in homine duæ formæ & animæ realiter distinctæ darentur, una merè sensitiva, altera mere rationalis, hoc ipsum præstarent, nec plus, nec minus, quàm duæ illæ formalitates realiter identificarentur.

3. Rationalitas, aut includit eandem animalitatem, quæ ponitur loco generis, aut aliam? non eandem, quia animalitas, quæ ponitur loco generis, est contrahibilis, est potentialis, est indifferens ad differentias oppositas, quorum nullum cadit in differentiam infimam. Non aliam, quia alias in homine duæ animalitates, duo genera conciperentur, cum tamen unum sufficiat. Imò differentia jam conciperetur ex genere, & differentia esse composita, & ita non ut differentia, sed ut species,

4. Si differentia, v. g. rationale est formaliter animal, ergo differentia ut differentia est radix similitudinis, & convenientiæ (brutum enim & homo in gradu animalis conveniunt) ergo differre est formaliter convenire & similem esse, quid absurdius?

5. Per differentiam v. g. rationalitatem illud intelligimus, quo brutum & homo præcisè & formaliter differunt: sed non differunt formaliter animalitate, nec animalitas est principium operationum, quæ soli homini, non bruto conveniunt.

6. Rationalitas v. g. vel includit solum animal, vel insuper aliquid aliud? si solum animal, ergo differentia jam erit genus, nec faciet differre: si aliquid aliud præter animal, hoc aliquid aliud vel includit animal formaliter vel non? si includit, in infinitum proceditur, de hoc enim, redibit prima quaestio: si non includit, hoc dico esse differentiam, & hoc ipso apparet genus non includi necessariò in differentia, cum aliqua differentia designari possit, quæ genus excludit.

7. Tota ratio, ob quam dicitur genus in differentiis includi, est, quia differentia, v. g. rationalitas concipi non potest, nisi ut substantia vel non substantia, ut corporea vel non corporea, &c. sed nequit concipi ut non substantia, id enim falsum est, ergo ut substantia, ergo cum aliqua ratione generica: at hæc ratio nulla est; nam nec Pater sine Filio, nec Creator sine creatura, nec vita sine aliqua duratione concipi possunt, & tamen hæc omnia realiter distinguuntur: si ergo ex eo capite non destruitur distinctio realis, quantum minus rationis?

Deinde nego rationale sine gradu substantiæ aut viventis concipi explicitè non posse; concipio enim principium radicale ratiocinandi nihil cogitando explicitè de perfectitate, ut experimenti patet, & in hoc casu concipio rationalitatem, non quidem negando de illa perfectitatem, sed abstrahendo; nam inter esse & non esse à parte rei non datur medium, datur tamen ex parte cognitionis, quod est præscindere: sic à parte rei pomum vel est dulce, vel non est dulce; ex parte tamen cognoscentis aut etiam loquen-

tis potest concipi & pronuntiari pomum, nihil affirmando aut negando de illius dulcedine. Rationalitas ergo non est formaliter substantia, sed identicè & consecutivè, imò & subjektivè, nec enim potest in alio quàm in ente substantiali reperiri. Cùm ergo differentia *ut sic* sit principium differendi tantùm, & non conveniendi, est conceptus simplicissimus, nec *formaliter* in plures & superiores resolubilis, non ideo tamen est actus purus, cùm intret compositionem, sitque ens parziale & incompletum.

*Obijctur.* Hic Syllogismus est bonus: *Omnis homo formaliter est sensibilis, omnis homo formaliter est rationalis, ergo aliquod rationale formaliter est sensibile.*

*Re.* Ex præmissis veris non semper oportere, ut conclusio deducta sit *formaliter* vera, sufficit, si identicè, ut patet in hoc Syllogismo: *Omne lac est album, omne lac est dulce, ergo aliquod dulce est album.* Nec obstat, quòd in primo illo Syllogismo majori, & minori extremo addatur *formaliter*; non enim necessarium est omnem modum, & qualificationem præmissarum in conclusione repeti, ut patet in hoc, *Omnis homo est formaliter rationalis, omnis homo est formaliter animal, ergo aliquod animal formaliter est rationale*: falsum enim est, aliquod animal *formaliter, ut animal*, rationale esse, alioquin omne animal esset tale. In talibus ergo Syllogismis variatur suppositio, & appellatio; in majori enim & minori *formaliter* appellat super totum hominem, in conclusione super solum animal: nam si appellat super totum suppositum, & non super animal solum, vera est consequentia, sed nihil contra nos.

*Adverte* enim ex S. Thoma, differentiam dupliciter sumi posse, *materialiter* pro omni eo, quod tam implicite, quàm explicite dicit, & ita includit genus ac differentias genericas, rationale enim contrahit ac determinat genus per communicationem non solum Unitivam, & informativam, sicut forma materiæ, sed etiam identificativam, & ideo quidquid est ingenere, est etiam in differentia, & econtrà.

Si verò differentia *formaliter* accipiat, hoc est, ut formaliter & præcisè facit differre, & prout actuat genus, sic non includit genus, sicut nec forma materiam, nec actus potentiam.

*Alij*

*Alij aliter hoc ipsum explicant, dicunt enim, differentiam generis univoci non includere in suo conceptu genus tamquam id quo formaliter est, sed tamquam id quod determinat. v. g. rationalitas non est formaliter animalitas, aut sensitivitas, sed determinatio animalis; sicut simitas dicit in suo conceptu nasum, quem ad hanc, non aliam figuram determinat.*

V. *Quæritur* 4. An differentia specifica sit perfectior suo genere.

*Resp. Affirmative:* semper enim eidem addit aliquam novam perfectionem, sicut omnis Unitas addit aliquam novam perfectionem numero, omnis figura artificialis aliquam perfectionem tabulæ rase, aut rudi marmori, & *denique* omnis forma materix.

*Ratio est* 1. quia una perfectio creata semper minor est duabus perfectionibus.

2. Ens indifferens, & potentiale semper imperfectius est ente determinato & actuato, quia illa indifferencia nascitur ex privatione, & conjuncta est cum motu, & appetitu ad formam, aut perfectionem debitam.

3. Species est perfectior genere, tamquam totum respectu suæ partis, sed species formaliter est talis per differentiam.

*Obijciunt* 1. Sapientia *ut sic* est nobilior sapientiâ creatâ, cum hæc non sit perfectio simpliciter simplex.

*Re.* Esse creatum non dicere differentiam positivam, sed tantum negativam, dicit enim negationem Aseitatis, æternitatis, & absolutæ necessitatis: ex quo capite volitio libera *ut sic* est perfectior volitione liberâ defectuosâ & pravâ, quia in sententia S. Thomæ ratio peccati est *privatio recti ordinis ad legem æternam*; nos autem loquimur de differentijs positivis.

*Accedit*, quod sapientia non est genus, sed analogum ad creatam & increatam: sapè autem secunda analogata deficiunt à perfectione primi analogi.

*Obijciunt* 2. Aliquæ species animalium carent aliquâ perfectione sensitivâ, quâ non caret animal *ut sic*, ergo aliquæ species animalium sunt imperfectiores ipso genere.

*Antecedens probatur*, quia pisces carent olfactu, talpæ visu, &c.

*Res.* Animal *ut sit* non dicere principium proximum omnium sensationum, sed tantum radicale, quod etiam in piscibus, & talpa reperitur, quibus ex organi, aut materiæ defectu accidit aliquo sensu carere; semper autem melior est radix floribus & fructu abundans, quam sola: maxime cum defectum alicujus sensationis alia operationes, & proprietates compensent, quæ in piscibus, & talpa reperiuntur.

VI. *Quæritur* 5. Utrum in omnibus speciebus dentur differentia infimæ convertibiles?

*Resp.* Probabilius est, in omnibus speciebus dari aliquam ultimam & convertibilem differentiam, quâ una species ab alia distinguatur, sicut datur in homine; rationalitas enim, hoc est, principium sentiendi cum conversione ad phantasmata est differentia ultima hominis, & cum hoc convertibilis. S. Th. 2. *poster. Lect.* 3. & 7. *Metaph.* l. 12.

Fuerunt Philosophi, qui differentias infimas negarunt, hominem v. g. non distingui ab alijs omnibus per hoc, quod sit rationalis, hoc est, intelligens cum conversione ad phantasmata (idenim etiam Angelis convenire, saltem in sententia plurimorum Patrum, qui Angelos corporeos esse voluerunt) sed per hoc, quod sit animal *rationale mortale*, ex quibus tamen binis differentiis neutra est ultima, & convertibilis, neutra hominem ab alijs speciebus distinguit, nisi una alteri jungatur: similiter de alijs speciebus philosophabantur, in quibus definiendis tot volebant differentias conjungi, quot sufficiunt uni speciei ab alijs omnibus distinguendæ.

Conclusionis nostræ *ratio est* 1. quia sicut omnes species habent unam formam, aut animam specie distinctam, sic & unam differentiam: si enim anima bruti v. g. aut se totâ, aut aliquo gradu distinguitur ab anima hominis, ergo aut se totâ, aut aliquo gradu est radix, ex qua homo à bruto differt, ergo aut se totâ, aut aliquo gradu est differentia hominem à bruto distinguens.

2. Nulla est species, quæ non habeat operationes aliquas proprias, quas alia species non habet, ergo oriuntur ab aliquo gradu entis, qui in nullo alio est, & hoc dicimus differentiam  
ulti-



ultimam, & convertibilem, principium videlicet & radicem propriam & specificam alicujus operationis ad nullam aliam speciem pertinentis.

3. Genera à generibus unicâ & convertibili differentiâ distinguuntur, v. g. animal à planta, cur non etiam animal ab animali, planta à planta?

4. Tu dicis v. g. hominem ab alijs omnibus speciebus non distingui unâ tantum differentiâ, sed pluribus, v. g. per *intellectuale mortale*, sed hoc ipsum est una differentia, conjunguntur enim, & uniuntur, imò identificantur, & ita illud complexum, & similtas est ut unica forma, ita unica differentia: sicut enim corpus, & anima unita faciunt unam simplicem speciem, ita complexum ex intellectuali, & mortali faciunt unicam simplicem differentiam, maximè cum experientia constet, prædicata & gradus entis non temerè, sed ordinatè conjungi, & per modum determinantis, & determinabilis, sicque ad unum reduci; v. g. gradus viæ vegetativæ advenitenti corporeo, hocque determinat, eoque utitur ad operationes & motus vegetabiles, &c. Idem dicas de sensitivo & rationali.

VII. *Queritur 6.* An utrum ab altero solâ negatione possit differre?

*Resp.* Negari haud potest, aliqua solâ negatione ab alijs differre. Sic creatura quâ talis differt à Deo per solam negationem; omnis enim perfectio ut perfectio in Deo est (perfectio enim ut talis Deo non repugnat, imò maximè convenit, quippe infinite perfectio: non verò esset infinite perfectus, si aliqua illi perfectio deesset, multoque minùs si aliqua repugnaret) ergo si in Deo non est, est imperfectio: sed imperfectio est defectus & negatio perfectionis, ergo quidquid à Deo distinguitur, imperfectioe & negatione distinguitur, & ideo creatura à Deo differunt non tam in eo quod sunt, quàm in eo quod non sunt, & ut sic non tam sunt entia quàm non entia & nihil. Sic etiam equus ab homine differt non tantum hinnibilitate, sed etiam negatione rationalitatis. Propriè tamen differentia purè negativa non debet dici specifica, quia species importat pulchritudinem & actua-

actualitatem ac perfectionem, & ideo malum ut malum non habet speciem, quia consistit in defectu; & Aristoteles notat, species avium non bene constitui per pennatum & impennatum. Eodem modo cognitio solius hominis differt à cognitione hominis & equi solâ negatione, ubicatio Angelica mille passuum ab ubicazione 500. passuum, numerus binarius à ternario, substantia Angelica minùs Universaliter cognoscens à magis Universaliter cognoscente; hæc omnia, inquam, solâ negatione differunt.

*Dicitur.* Cognitionem A. repræsentantem solum hominem, & non equum, hoc ipso dicere perfectionem aliquam positivam, quia non dependet ab equo, nec ab eo specificatur, quæ est perfectio estimabilis, & Deo conveniens. *Idem dicitur* de binario, qui hoc ipso quod caret tertiâ unitate, est simplicior & à paucioribus dependens.

*Et.* Independentiam & simplicitatem merè negativam non esse perfectionem, aliàs nihil esset perfectius, eo quod nihil est, hoc enim à nemine dependet, nullis partibus constat, nemini quidquam debet, &c. Nec in Deo hæc perfectio est à nemine pendere, sed omnia habere, nec tamen ab alio: omnia esse, & sine partibus, semper & ubique esse, extra tamen tempus & locum.





S. VII.

DE PROPRIO.

Summaria.

1. *Quot modis accipiatur Proprium?*
2. *Tantum quarto modo sumptum ad quartum predicabile pertinet.*
3. *Quod si consideretur ut emanans à specie, refertur ad solam speciem, sicut Universale ad sola individua.*
4. *Divisio Proprij in 4. species à Porphyrio enumeratas est analoga.*
5. *Qua tamen alias Proprij divisiones non excludit.*



I.

*Varitur 1. Quot modis accipiatur Proprium?*



*Resp. Proprium quatuor modis accipitur. 1. Pro eo, quod convenit alicui speciei soli, non tamen omnibus ejus individuis, v.g. esse Medicum, Geometram, &c.*

2. Quod convenit omni individuo alicujus speciei, nec tamen soli, v. g. esse bipedem.

3. Quod convenit soli speciei, & omni individuo, non tamen omni tempore, v. g. canescere: canescunt quidem, & alia animalia, cum causa canitiei sit humor putrescens in radicibus pilorum, qui vi caloris naturalis consumi nequit, & ideo canitiem etiam in brutis agnoscunt Aristot. *l. 3. de histor. anim. c. 11.* & Plin. *l. 11. c. 37.* præsertim verò in equis, quibus cum cranium seu testa capitis mollior, quàm cæteris animalibus sit, humor pituitosus cessante ob senectam calore naturali faciliùs exhalat, suoque colore pilos intingit. Frequentiùs tamen canities homini accidit, tum ob curas & labores, quæ capitis calorem absument: tum quia respectu reliqui corporis majus omnibus animalibus cerebrum habet, & plus humido abundat ac pituitâ, cujus color subalbus, nitensque capillos inficit: tum denique, quia cum homini sit cor calidissimum, natura eidem cerebrum frigidissimum adjunxit, & ideo solus inter animalia pessimi odoris est, mediùmque vitæ dormiendo absorbit: humidum verò frigore adstrictum albescit, ut patet in nive & grandine, & ideo qui Zonas frigidas inhabitant, cani nascuntur. Has ergo ob causas Porphyrius canitiem propriam esse homini dicit.

4. Proprium dicitur, quod soli, omni, & semper convenit, & cum specie convertitur, v. g. risibile est proprium homini, rugibile leoni, &c. Ad hoc proprium quarto modo dux conditiones requiruntur.

*Prima*, ut non tantum extrinsecis causis, sed etiam intrinsecis emanet, & ideo nec albedo est proprietas cygni, nec nigredo corvi, quia non ab essentijs manant, sed à certa qualitate temperatura, & potiùs materiam, quàm formam continentur. Sic calor aquæ ab igne, lux æris à sole derivata non sunt proprietates aquæ & æris, quia ab extrinsecis causis.

*Secunda* conditio, ut essentia sit adæquata causa proprietatis, alioqui cum essentia non convertetur, & ideo calor in gradu remisso non est proprietas ignis, quia etiam æri competit.

II. Qua-

II. *Quæritur* 2. Quodnam ex dictis Proprijs quantum prædicabile constituat?

*Resp.* Proprium quarto modo sumptum pertinet ad quantum prædicabile.

*Ratio est* 1. Quia alia propria sunt potius accidentia, nec tam speciem comitantur, quam complexionem, & signaturam individualement; licet enim aptitudo v. g. ad esse Medicum, Philosophum, &c. si *radicaliter* accipiatur, aut sit essentia hominis, aut vera proprietas, aptitudo tamen & inclinatio particularis ex complexione individua, & organica nascitur. Sicut enim diversitas & differentia tonorum ex diversa qualitate, & figura fistularum nascitur, per quas sonus emittitur, ita diversitas inclinationum in anima ex diversa complexione, & organizatione corporum, in quibus, & per quæ anima operatur.

2. Quia Proprium quarto modo est maxime proprium, cum soli & semper speciei conveniat.

III. *Quæritur* 3. An Proprium per ordinem ad speciem, vel individua constituitur in ratione quarti prædicabilis?

*Resp.* In proprio duo consideranda sunt 1. quod emanet à specie, & de specie immediatè prædicetur: *deinde*, quod sit Universale. Quoad *primum*, immediatè Proprium refertur ad speciem, quia cum hac non cum individuis convertitur, & à complexione specifica non individua oritur; & ideo prius proprium prædicatur de specie, quàm individuis, prius enim homo est risibilis, quàm Petrus: sicut *contra* in accidentibus communibus prius accidens prædicatur de individuo, quàm de specie, prius enim Socrates est albus, quàm homo. In ratione verò Universalis prius individua Proprium respicit, quàm speciem, quia ut Universale refertur ad plura, & non ad unum, ut suprà de differentia diximus. Hæc ergo propositio, *homo est risibilis*, est quarti prædicabilis, sed non quarti Universalis; Proprium enim ut quantum prædicabile definitur, quod prædicatur de pluribus in questione quale est, *accidentaliter, & necessariò*. Non quidem proprietas semper naturam comitatur quoad actum, quia hic est merum accidens, sed quoad existentiam, & quantum est ex parte principij formalis, li-

cet ex parte principij materialis ejusque defectu contingat actum abesse, sic aliquibus animalibus aliquis sensuum abest; sic frigus aquæ, &c. Multò magis poterit Deus passiones realiter distinctas à subjecto separare, v. g. animam condere, quæ non liberè agat, aut quæ potentiâ visivâ careat: ignem sine calore, solem sine luce: manebit tamen in tali subjecto semper exigentia, & impetus ad suam proprietatem, ita ut sublato impedimento mox redundet, quod secùs est in alijs accidentibus merè communibus, quæ à forma non procedunt, nec naturaliter illi debentur; si enim naturaliter debeantur, non erunt mera accidentia, sed aliquid habebunt proprietatis.

IV. *Quæritur* 4. An divisio Proprij in quatuor species prædictas sit univoca?

*Resp.* Esse analogam, non univocam, & ideo nec in proprias species.

*Ratio est:* Proprium simpliciter duas condiciones requirit: conjungi uni saltem quoad convenientiam, & excludere alia: sed nullum præter quartum Proprium simpliciter uni convenit, cum sæpè speciem deferat, & alijs communicetur, ut consideranti patet. Sunt tamen propria secundùm quid, quia bipes v. g. habet radicem in natura, nec unquam speciem deferit, minùsque quàm accidentia merè communia vagatur, mutatur, & magis ac minus recipit.

V. Nota tamen, præter divisiones Proprij à Porphyrio allatas etiam alias esse, quæ pro materia demonstrationis notari debent. Proprium ergo aliud *realiter* à suo subjecto distinguitur; ut calor ab igne, intellectus ab anima: aliud tantùm *formaliter*, ut bonitas & veritas ab ente. Aliud quod *immediatè* ab essentia fluit, ut intellectus ab anima: aliud quod *mediatè*, ut figura à corpore, quæ resultat mediante quantitate.


*Rursus;* Aliæ sunt proprietates, quæ *absolutè* subjecto conveniunt, ut risibilitas homini: aliæ quæ conveniunt *factâ suppositione*, ut animali convenit potentia sensitiva ex suppositione organi competentis: aliæ in certo tantùm statu, ut lapidi quiescere, sed in centro, moveri, sed medio non impedito: aquæ com-

peti





folio 309.



petit frigus, sed in statu connaturali: homini Deum intuitivè videre, sed in statu gloriæ, &c.

*Denique* aliquando propria passio non est accidens determinatum, sed disjunctivum, ita ut quodlibet determinatè sit accidens, illud verò disjunctum sit quod per se convenit, v. g. par vel impar respectu numeri, verum vel falsum respectu propositionis, &c. Vide S. Thom. 1. postler. Lect. 10. circa finem.



## §. VIII.

## DE ACCIDENTE.

## Summaria.

1. *Quid sit Accidens, ut est quintum prædicabile?*
2. *Constituitur tale per ordinem ad subiecta.*



## I.



*Ueritur* 1. *Quid sit Accidens ut est quintum prædicabile?*

*Resp.* Agimus hîc de Accidente prædicabili, non prædicamentali, hoc enim est, quod inhaeret sub-

jecto, & opponitur substantiæ. Accidens verò prædicabile est omne prædicatum contingens, etiamsi substantiale, v. g. aurum accidit vasi, rationale accidit animali. Definitur à Porphyrio, *Quod adest & abest sine subjecti corruptione*: ab alijs, *Quod prædicatur de pluribus in quale contingenter*. Has definitiones sic intellige: Accidens tam separabile (v. g. calor aquæ, lux æris) quàm inseparabile (v. g. nigredo corvi, albedo cygni) potest à subjecto abesse, non quidem *physicè* & naturaliter (ideo enim dicitur accidens inseparabile, quia naturaliter abesse non potest) sed *Logicè* & salvâ totâ subjecti essentiâ; fac enim corvum non esse nigrum, nec ei nigredinem deberi, num ideo corvus non erit corvus? tota enim accidentium inseparabilitas non ex principijs essentiæ oritur, sed ex complexione individuali, & ideo sublato accidenti inseparabili, eiusque exigentiâ, subjectum non erit quidem idem numero, sed erit idem specie, v. g. si Deus nivem aliquam creet, aut tu nivem aliquam concipias, quæ neque sit candida, neque candorem petat, Nix erit adhuc essentialiter nix, hoc est, aqua frigore adstricta, neque enim candor est de essentia aquæ, aut frigoris, ut pater: tota ergo illa albedo ex particulis æris nascitur, quæ nivi miscentur, levémque & spumofam reddunt, & ideo solutâ in aquas nive, & aëre avolante candor etiam emoritur; hæc omnia ergo sunt substantiæ nivis extranea, & ex solis circumstantijs individuis pendent, & ideo nives vetustate rubescunt, testibus Arist. *l. 5. de hist. animal. c. 29.* & Plin. *l. 11. c. 35.* & in Armenia nives rubicundæ cadunt, minio, quo illud solum abundat, se illis miscente. Aliter se res in Proprio habet: esto enim igni æternalem calorem adimas, semper tamen exigentiâ, & debitum manet, nec tolli potest incorruptâ essentiâ, quia immediatè cum essentia convertitur. In igne v. g. non aliud est exigentiâ caloris ut octo, quàm ipsa ignis essentia connotans cum ipsum calorem, si ergo essentiæ hoc debitum, & exigentiâ auferas, ipsam essentiam tangis, illique prædicatum valde intrinsecum tollis. Ac tandem cum Proprium semper & toti speciei adlit, ei repugnat naturaliter saltem separari, quod non est in accidente, cuius inseparabilitas, si aliqua est, non ex specie, sed ab extrinseco,

aut ex gradu individuationis nascitur, & ideo abesse potest, non quidem absolute, si sit accidens inseparabile, sed cum addito, hoc est, absque subjecti corruptione; sive enim Æthiops sit albus, sive niger, æquè homo est: & essentia, v. g. animal rationale, sive existat, sive non existat, eadem essentia est.

*Dices:* Mors est accidens hominis, & tamen adesse non potest sine hominis corruptione, non ergo bene definitur accidens, quod potest adesse sine corruptione subjecti.

*Re. 1.* Mortem abesse saltem posse subjecto incorrupto, non tamen Proprium.

2. Ea definitio accidentis competit solum accidentibus positivis, non privativis, quæ sufficit, si subjecto integro & salvo abesse possint, cum Proprium non possit.

3. Mortuo individuo non mori prædicata essentialia, hæc enim sunt incorruptibilia, & quolibet individuo extincto eadem manet definitio hominis: mors ergo corrumpit subjectum *physicè*, non *metaphysicè*, & quoad prædicata essentialia, quæ sunt æterna; non ergo mors homini repugnat, sed potius convenit; quid enim convenientius mortali quàm mori?

4. Nego tandem mortem esse accidens hominis; accidens enim est, quod subjecto *vel* inest, *vel* inesse potest: sed mors nec inest, nec inesse homini vel momento potest, cum sit privatio hominis; sicut ergo nec momento potest aliquid esse, & non esse, ita nec potest esse, & sui privationem habere; hæc ergo propositio, *homo est mortuus*, est vera tantum ampliativè, hoc est, terminum hominis ad tempus præteritum ampliando, *qui fuit homo*. Cujus ergo accidens mors, si non hominis? illius subjecti, quod formâ hominis privat, hoc est, materiæ vel corporis, sicut enim cæcitas est accidens oculi, quia oculi impotentiâ visivâ privat, & umbra est accidens illius corporis, quod privat formâ lucis, ita mors cum sit privatio, est accidens illius corporis, aut materiæ, quod privat vitâ.

*II. Quæritur 2.* Respectu cuius Accidens constituat quantum Prædicabile?

*Resp.* Accidens constituitur quantum prædicabile respectu subjectorum, de quibus in concreto dicitur, v. g. albedo est quin-

quintum prædicatum respectu non hujus vel illius albedinis ( de istis enim albedo essentialiter prædicatur tanquam species de suis individuis ) sed respectu Petri, Pauli, parietis, lactis, nivis, cygni, & aliorum subjectorum, de quibus in concreto, & denominativè, ac contingenter prædicatur: quamvis enim albedo in abstracto ab uno subjecto abstrahi possit abstractione formali ( si vid. subjectum v. g. lac sine forma albedinis consideretur ) quæ ad Universale non sufficit: Si tamen abstrahatur abstractione totali, considerando videl. albedinem, ut in concreto de pluribus subjectis æqualiter & contingenter prædicabilem, nihil illi ad quintum prædicabile deest.

*Dices:* Omnis prædicatio dicit identitatem, cum fiat per copulam *est*: sed accidens nullam habet cum subjecto identitatem.

*R.* Accidens in concreto tantum de subjecto prædicari, & ut sic habet sufficientem identitatem *denominativam* cum subjecto; *album* enim est habens albedinem; ergo cum dico, *Petrus est albus*; in subjecto & prædicato est identitas suppositi. Vide *S. Th. 1. p. q. 13. a. 12.* Imò si subjecta actu non existant, sed solum existere possint, adhuc respectu possibilitum retinet accidens suam Universalem, & contingentem prædicabilitatem, & ideo accidens est quintum prædicabile etiam respectu possibilitum subjectorum: sicut enim accidens in esse physico sine subjecto existere potest, qualia sunt accidentia Eucharistiæ, multò magis in esse Metaphysico & Universali; Universalitas enim dicit solam aptitudinem, non actum essendi in pluribus.

*Dices:* Hæc prædicatio, *albedo potest, vel est apta Petro inesse*, est albedini essentialis, non contingens, non ergo aptitudo sufficit ad salvandam prædicabilitatem merè contingentem.

*R.* Aptitudinem inessendi pluribus esse accidenti in recto essentialem, nihil enim est aliud ea aptitudo, quàm ipsum accidens; in obliquo tamen & connotativè esse merè contingentem, respicit enim actum merè accidentalem, qualis est actualis conjunctio albedinis cum Petro, cum econtra aptitudo, quam dicit genus aut differentia, essendi in pluribus, respiciat actum non contingentem, sed essentialem, qualis est conjunctio Petri cum gradu animalis & rationalis.



## CAPVT III. DE PRÆDICAMENTIS.

### § I.

#### De Prædicamentis in genere.

##### Summaria.

1. *Finis & utilitas prædicamentorum.*
2. *Enodantur singula d. finitionis particula.*
3. *Prædicamenta etsi decem numerentur,*
4. *Non tamen necesse est, omnia inter se realiter distingui.*



### I.



Rimus Aristotelis in Logica labor, & liber *Prædicamenta* sunt. Negarunt aliqui auctorem hujus operis Aristotelem esse, sed convincuntur stylo, subtilitate, obscuritate, perpetuis hujus Philolophi notis, & quæ Auctorem produunt.

R r

Ope-

Operis inscriptio, *Categoria*, à Græco κατηγορέω, quod significat enuntiare, seu prædicare. *Finis* hujus libri est, res omnes in suas classes, & series disponere, ita ut primo intuitu statim Intellectui appareat, quæ res substantia, quæ qualitas, aut quantitas sit; cum enim à parte rei multa & distinctissima sibi conjungantur, & mixtim consistant, & in sensum involutè confusèque incurrant: oculo v. g. pomum proponitur cum figura, colore, substantia, relatione, quantitate, motu, & sexcentis alijs, quæ in unum confunduntur, & instar unius exhibentur, facile fuit intellectum falli, & unum pro alio accipere, ideo discerniculo juvandus fuit, cujus beneficio diversa separaret, & rem quamlibet, ut in se est, cognosceret, cognitam definiret, definitam subderet discursui, & de illa proprietates demonstraret. Multiplex ergo est Prædicamentorum utilitas.

1. Res in se confusas distinctè & ordinatè proponit, omnia ergo commoda, quæ ex distinctione & ordine, etiam Prædicamentis proveniunt, omnia verò confusionis incommoda virantur: Quanta medentibus confusio, quanta infirmis perniciës, si omnia medicamentorum genera, radices, flores, pulveres, sales, succos, olea in unam pyxidem conferant! Non minus intellectui & Philosophiæ malum, si entia permisceantur, nec in distinctas classes collocentur.

2. Ex Prædicamentis veræ & falsæ propositiones faciliè colliguntur; propositio enim prædicat gradum superiorem de inferiori; qui verò gradus superior, qui inferior sit, ex Prædicamentis constat.

3. Serviunt definitionibus, subministrando genera, & differentias proximas. His præmissis

## II. Quæritur 1. Quid sit Prædicamentum?

*Resp.* Prædicamentum est series alicujus generis summi, realis, per se, univoci, finiti, completi, incomplexi, & eorum, quæ sub ipso sunt, naturalis dispositio.

*Dicitur 1.* Alicujus generis summi. Est genus summum, quod supra se nullum aliud genus habet univocum, ad quod reduci possit.

*Dicitur*



*Dicitur 2. Realis.* Non agit de rebus, ut sunt, nec illarum contemplationi absolute insistit, hoc enim Physica & Metaphysica faciunt, sed tantum ut Logicæ artificio, & directioni serviunt: sicut enim aurifex v. g. non considerat aurum absolute, sed tantum ut malleabile, & in varias figuras, ac vasa ductile est, sic Logica non considerat substantiam, ejusque proprietates absolute, sed tantum ut directioni Logicæ servit, v. g. ut de illa veræ, aut falsæ prædicationes fieri possunt, ut genere & differentiâ constet, ut definibilis, ut materia Demonstrationis, &c. Excluduntur ergo entia rationis ficta, irrita, chymica, merèque imaginaria; sicut etiam privationes, & negationes, quæ formaliter nihil sunt.

*Dicitur 3. Per se.* Entia per accidens & artificialia, v. g. navis, exercitus, domus, &c. hinc excluduntur, quia non sunt unum, sed plura, & ideo nec ad unum, sed plura prædicamenta spectant. Aristoteles tamen non exclusit concreta accidentium; nam sæpè in Metaphysica pro prædicamentis ponit *Quale & Quantum*.

Et ratio est, quia concretum accidentale principaliter significat solam formam, subjectum verò minus principaliter, quamvis in recto pro subjecto supponant, tamquam pro sustentante formam accidentalem.

*Dicitur 4. Univoci;* quia æquivoca, & analogæ sunt ambigua, & plura significant.

*Dicitur 5. Entis.* Intellige de ente simpliciter finito; unde excluditur, aut potius intra Categoriarum limites non concluditur ens simpliciter infinitum; hoc enim nec potest esse genus, quia genus est ens imperfectum, & potentiale; nec species, quia hæc admittit compositionem metaphysicam, partes tam potentiales, quam & actuales, prædicabilitatem de pluribus individuis, quæ omnia enti simpliciter infinito repugnant: nec individuum, quia differentia individualis nullum gradum essentialium addit speciei: ens verò infinitum infinitos essentialium gradus cuilibet speciei creatæ adderet. Multò minus ens simpliciter infinitum ponitur indirectè in prædicamento, quia nec est pars, ut anima, & punctum, nec ens imperfectum. Linea tamen

infinitæ longitudinis poni in prædicamento posset, si daretur; quia simpliciter est finita, nec illi repugnat compositio ex genere & differentia, ex actu & potentia, qui sunt termini, & fines entis creati.

An ergo Deus in prædicamento ponitur?

*R.* Non poni, *tum* ex dictis, *tum* quia nulla est ratio communis Deo, & creaturis, quæ de istis ut distinctis speciebus prædicetur, cum creaturæ non differant à Deo specie & perfectione, sed negatione speciei & perfectionis; non enim homo v.g. differt à Deo per aliquod esse, sed per aliquod non esse; nam cum Deus sit pelagus entis, hoc est, ens infinitum, nullus est gradus entis, qui non sit in Deo. *Tum* quia Deus non potest componi ex genere & differentia cum fundamento in re, fundamentum enim compositionis metaphysicæ est compositio physica. S. Th. 1. p. q. 3. a. 5. *Tum* quia nullum prædicamentum, nullum genus includit perfectiones omnium generum & prædicamentorum ut includit Deus, qui proinde est supra omne genus & prædicamentum, quia prædicamentum Aristotelicum ponit pro primo gradu prædicamentali substantiam creatam, sub qua Deus poni non potest. *Tum* quia Dei, & creaturæ nullum est genus univocum, ut ex dicendis patebit. *Tum* denique, quia implicat Deum concipi, ut non Deum, ergo implicat concipi cum prædicato, quod Deo repugnat (sicut implicat triangulum concipi cum duobus tantum angulis) ergo implicat concipi ut compositum ex potentialitate & imperfectione (hæc enim sunt prædicata Deo & Actui puro repugnantia) sed si poneretur in Prædicamento, & consequenter sub aliquo genere, conciperetur in Deo aliquid ut potentiale, & imperfectum, atque actuabile.

*Dices:* Deus ponitur sub genere entis, & substantiæ, æquæ enim ac creatura est ens, & substantia.

*Contrà.* Ens ut sic dicit omnem gradum entis, & exclusionem non entis (sicut animal omnem gradum animalitatis & exclusionem non animalis) quod enti creato non convenit.

*Rursus.* Ens ut sic dicit potentialitatem, quæ enti increato repugnat. Idem dicas de substantia ut sic.

*Dicitur 6. Complet.* In linea enim prædicamentali directæ

ponuntur solum entia completa, hoc est, genera & species; genus enim est totum potentiale: differentia genericæ & speciicæ ponuntur in prædicamento lateraliter: partes verò physicæ, heterogeneæ, & modi substantiam aut accidens intrinsecè complentes (v. g. unio substantialis, subsistentia, inhærentia, puncta copulancia & terminantia quantitatem) reductivè ponuntur in prædicamento v. g. unio substantialis in prædicamento substantiæ, &c. Reliqui verò modi, qui substantiam extrinsecè complent, v. g. Ubi, situs, &c. Possunt habere proprium Prædicamentum. Multi hic anxie laborant, disputantque, quid sit pars, & quæ regula partium? quæ questio perinde se habet, ac si quæreres, quid sit sol, & quæ sit regula cognoscendi solem; tam enim quotidie solem, quàm partes videmus, ut non major sit de uno, quàm de aliò dubitandi ratio. Pars ergo definiri debet, *Qua non est totum, sed ex qua totum componitur.*

Nulla est pars aut physica aut metaphysica, aut substantialis aut accidentalis, cui hæc definitio non competat: dubitari quidem potest in particulari, an hoc vel illud sit pars, sed nunquam dubitari poterit, an omnis pars non habeat datam definitionem: sicut nemo dubitat hominem esse animal rationale, in particulari tamen à multis dubitatur, num Tritones, Sirenes, Satyri aliæque monstra hominum faciem præferentia sint veri homines ac vera animalia rationalia.

*Dicitur 7. Incomplexi.* Terminus enim complexus aut significat aggregatum per accidens, v. g. homo albus; aut si rem unam significat, tamen per modum rerum duarum, & tamquam ex genere & differentia explicitè constantem, v. g. animal rationale, & ideo sufficit semel genus, tum differentiam poni.

### III. *Quæritur 2. Quot sint Prædicamenta?*

*Resp.* Prædicamenta sunt decem. *Est communis.* Poterant plura, poterant pauciora poni, nec magis est ratio mathematica quærenda, cur decem sint prædicamenta, quàm cur quatuor sint partes Orbis terrarum, poterat enim Mundus in plures, aut pauciores partes distingui.

*Ratio* probabilis decem Prædicamentorum est, quia omne ens creatum aut est substantia aut accidens; si substantia, hæbe-

inus prædicamentum *substantia* : si accidens substantiæ inhzrens , aut determinat substantiam eam extendendo , & est *Quantitas* : aut qualificando , & est *Qualitas* : aut ad aliud purè referendo , & est *Relatio* : aut referendo ad aliud ut agens ad patiens & effectum , & habemus *actionem & passionem* : aut referendo ad locum , & est *Ubi* : aut referendo ad tempus , & est *Quando* : aut situando , & est , *Situs* , aut vestiendo , & est *Habitus*. Vide S. Thom. 5. *Metaph. lect. 9.* & 3. *Phys. lect. 5.* Qui etiam notat ex prædicamento habitûs in homine fieri prædicationes merè accidentales , v. g. homo galeatus , palliatus , &c. in brutis verò prædicationes esse substantiales , quia in illis vestes sunt partes corporis. Audi Plin. *Proemio l. 7.* *Hominem natura alienis velat opibus , cæteris animalibus variè tegumenta tribuit : testas , cortices , coria , spinas , villos , feras , pilos , plumam , pennas , squammas , vellera. Truncos etiam arboresque cortice interdum gemino à frigidibus & calore tutata est : hominem tantum nudum & in nuda humo natali die statim abjicit ad vaginus & ploratus , nullumque tot animalium aliud ad lachrymas , & has protinus vita principio , ut non satis sit aestimare , parens melior homini , an tristior noverca fuerit. Falleris Plini : parens homini natura , non noverca fuit : nec hominem alienis , sed suis opibus velat ; quidquid enim aut pulchri in Mundo aut pretiosum est , homini servit ; suo igitur patrimonio , non alieno vivit.*

Deinde manus illi & ratio antè omnem vestitum sunt , & ideo non unâ tantum , sed omnium vestibus utitur , idque pro arbitrio & necessitate : alijs cum calet , alijs cum riget , alijs cum vigilat , alijs cum dormit , alijs cum ruri , alijs cum domi est , alijs in castris , alijs in aula : ponit , assumitque , ut lubet ; quando hoc reliquis animalibus datum ? Ergo naturam Plinius pro matre , non noverca haberet , si squammatum illum , aut plumatum fecisset ? Sic Senator Romanus & Philosophus sapuit ? ô votum piscibus avibusque , non homine , non Philosopho dignum !

Comprehenduntur decem hæc Prædicamenta duobus hisce versibus :

*Arbor sex servos ardore refrigerat istos ,  
Ruri cras stabo , nec tunicatus ero.*

*Nota*

*Nota*, Aristotelem, cùm ens in 10. prædicamenta divi-  
sit, non præmisisse, ut aliàs fieri debet, definitionem entis; quia  
sicut lux est ex se visibilis, & omnia alia videri facit: & tol  
est corpus lucidissimum, & ideo non potest per aliud lucidum  
magis illuminari; ita ens & ratio essendi non habet clariorem  
conceptum quo explicetur: *tum* quia quidquid cognoscimus &  
explicamus, explicamus per *esse*, imò & negationes, ergo om-  
nis explicatio supponit notitiam *entis*, ergo ens est primò & ma-  
ximè per se notum: *tum* quia in explicationibus non est proce-  
dere in infinitum, ergo deveniendum est tandem ad aliquid  
quod est notissimum, & in quo sistat explicatio; quid illud, si  
non est ens? *tum* quia conceptus minùs Universalis temper de-  
finitur per conceptum magis Universalem, v. g. homo per ani-  
mal, animal per vivens, &c. sed ens est conceptus Universali-  
ssimus, ergo explicatissimus. Ens tamen quoad inferiora, quæ  
includit, habet conceptum confusissimum, & ideo explicari de-  
buit per divisionem in membra inferiora.

IV. *Queritur* 3. An omnia Prædicamenta realiter inter se  
distinguantur?

*Resp.* Non est necesse, omnia Prædicamenta realiter inter  
se distingui. Sic ex multorum sententia, *Relatio* & *Substantia*, *Passio*  
& *Actio*, &c. realiter non distinguuntur.





§. II.

DE SUBSTANTIA.

Summaria.

1. Substantia bene dividitur in primam & secundam.
2. Divisi locum in illa obtinet essentia & realitas Substantia.
3. Estq; analogi in analogata.
4. Ratio essentialis substantia in perfectitate existentia consistit.
5. Cujus proprietates sunt variae.
6. In predicamento substantia ponitur omnis substantia completa, cujus natura est communicabilis, sive illa sit corporea, sive incorporea.



Ccipimus substantiam non pro quidditate & essentia rei, sed prout opponitur accidenti, hoc est, prout est ens per se existens completum.

I. Quamvis 1. Quotuplex sit Substantia?

Resp Substantia bene dividitur in Primam & Secundam. Substantia prima vocantur individua, hæc enim primò in se solum in

cur-

currunt, ijsque sublati pereunt etiam substantiæ secundæ, quæ sunt Universales. Prima ergo substantia definitur, *Qua neque est in subiecto, nec de subiecto dicitur.* Secunda, *Qua non est in subiecto, sed de subiecto dicitur.* Non esse in subiecto est negatio, sed infert affirmationem; quod enim est, nec in subiecto est, utique per se existit.

II. *Quæritur 2.* Quidnam obtineat locum divisi in divisione substantiæ?

*Resp.* Divisum in hac divisione est ipsa essentia & realitas substantiæ, hæc enim aut primò existit & substat accidentibus, & sic est individuum; aut posteriùs & mediâtè existit, & talia sunt genera & species; prius enim est aliquid realiter, quàm in intellectu existere, nec substantia universalis est principium sustinendi accidentia, 'nisi quatenus identificatur substantiæ particulari. Videtur ergo hæc divisio esse subiecti in sua accidentia, substat enim mediâtè aut immediâtè sunt duo modi, qui substantiam afficiunt.

*Dues:* Divisum in hac divisione vel est substantia in particulari, vel in communi; sive hoc sive illud divisum coincidet cum aliquo ex membris dividendis.

*æ.* Dividi substantiam in communi, quæ nec est prima, ut patet, nec secunda *positivè*, sed tantùm *negativè*; cùm enim substat mediâtè vel immediâtè sint modi accidentales substantiæ *ut sic*, substantia *ut sic* bene potest in primam & secundam dividi; est enim hic sensus: Substantia quâ ratione accidentibus substat, alia primò substat, scilicet particularis; alia secundò, scilicet Universalis. In hisce verò prædicationibus, *Petrus est prima substantia*, *Paulus est prima substantia*, non prædicatur species aut genus de individuo, sed tantùm individuum aliquod vagum; sicut cùm dico, *Petrus est aliquis homo*, *Paulus est aliquis homo*.

III. *Quæritur 3.* An hac divisio sit univoca?

*Resp.* Hæc divisio est analogi in analogata. *Ratio*, quia ratio substandi non æqualiter descendit ad primam & secundam substantiam (secunda enim substantia substat dependentè à prima, imò nec absolutè substat, cùm sit in prima tanquam prædicatum in suo subiecto.



IV. *Quæritur* 4. In quo consistat essentia substantiæ?

*Resp.* Substantia est essentialiter ens per se existens, hæc verò perieitas substantiæ non consistit in negativo, sed in positivo.

*Ratio est* 1. Esse in alio quod convenit accidenti, dicit perfectionem positivam, ergo etiam esse per se, quia hoc est perfectius: sola autem negatio non est perfectio, sed potius imperfectio, cum dicat non esse.

2. Perseitas & negatio essendi in alio tanquam in subiecto inhæsionis aut est merum nihil, aut fundatur in aliquo positivo? non illud, quia substantia nihil esset: Si fundatur in aliquo positivo, quodnam illud? ens *ut sic*? ergo etiam accidens est ens per se existens, quidquid enim convenit enti *ut sic*, convenit etiam accidenti. Aliquis gradus entis? & hunc dicimus substantiam, cui conveniat Perseitas, ex qua consequitur negatio essendi in alio. Sicut ex irrationalitate positiva bruti consequitur negatio rationalitatis, quæ negatio non est essentia bruti, sed ad ejus essentiam consequitur, sunt enim multa, quæ defectu vocum non possunt nisi per negationem explicari.

3. Esse per se est à subiecto inhæsionis independere; sed independentia non est pura negatio, alioqui Deo non conveniret, & melius esset dependere quàm non dependere; sicut melius est esse quàm non esse.

*Obijciunt* 1. Cum dicitur, Substantia est ens per se existens; vel per se existere aliquid enti addit, vel nihil? si nihil, ergo perseitas est negatio: si aliquid, ergo hoc erit ens: sed ens non superadditur enti, alioquin erit inutilis repetitio.

*R.* 1. Hæc obiectio impugnat non solum perseitatem substantiæ, sed etiam inhærentiam accidentis, omnesque entis differencias.

2. Perseitas est ens, sed conceptu & realitate non superadditâ enti, sed magis explicatâ, quàm ens *ut sic*: ens ergo *ut sic*, & ens tale differunt tantum per magis vel minus explicatum; sicut volumen serici involuti & explicati non sunt duæ res, sed una, sic tamen, ut in serico evoluto & explicato plura in oculum

calum cadant, & objectum magis ac perfectius cognoscatur. Vide S. Thom. q. 1. de verit. a. 1.

*Obijetur 2.* Etiam accidentia separata in Eucharistia existunt per se.

*R.* Accidentia separata ita per se existere, ut tamen dicant intrinsecam aptitudinem & exigentiam subjecti inhaesionis, cum econtra substantia dicat intrinsecam repugnantiam ad inhaerendum.

*Nota*, quod posse accidentibus subistere, non sit essentia & quidditas substantiae, tum quia prius est substantiam per se esse quam subistere; tum quia si daretur per impossibile aliqua res, quae subistere accidentibus non posset, & tamen per se existeret, esset utique vera substantia.

V. *Quaeritur 5.* Quae sint proprietates substantiae?

*Resp.* Variæ sunt proprietates substantiae, quamvis non in toto rigore substantiae dici possint.

*Prima*, Non esse in subjecto inhaesionis: esse enim in subjecto informationis substantiae etiam incompletæ convenit. Non posse in subjecto inhaesionis esse, est essentia substantiae: actu non esse, est proprietas.

*Secunda*, univocè & essentialiter de primis substantijs predicari. Hæc convenit solis substantijs secundis, & omnibus.

*Tertia*. Omnis substantia prima significat hoc aliquid, id est, individuum: substantia verò secunda quale aliquid.

Et *Ratio est*, quia substantiae secundae induunt rationem Universalitatis & prædicati, & ita nunquam liberantur ab omni qualitate, quia prædicatum est quædam qualificatio subjecti, & Universalitas quædam qualificatio naturæ. Propriè tamen loquendo cum prædicas genus aut speciem de subjecto, non est prædicatio in quale quid, quia non prædicatur pars, sed totum aut potentiale, aut actuale.

*Quarta*: Substantia nihil est contrarium. Substantiae aliquid quidem opponitur, v. g. homo non homo: rationale, irrationale, sed nihil est contrarium.

*Ratio*, quia ad propriè dicta contraria inter alias conditiones requiritur, ut in eodem subjecto vicissim recipiantur, inten-

dantur, remittantur, se mutuo expellant agendo, & patiendo, quæ omnia in substantijs non reperiuntur, & ideo substantiæ non immediatè à seipsis corrumpuntur, sed tantum consecutivè desinunt esse ad corruptionem accidentium.

*Radi aliter* dici possunt substantiæ sibi contrariæ, quia sunt radices qualitarum contrariarum in se mutuo agentium, & ita dicimus ignem esse elementum aquæ contrarium.

*Quinta: Substantia non suscipiant magis & minus.*

*Ratio est 1.* quia *magis* & *minus* propriè dicitur de eo, quod habet gradus intensiōis, quod proprium est qualitati; impropriè verò de illo, quod habet gradus perfectiōis, quo modo Deus est magis substantia, quàm homo, anima rationalis magis vivificat, quàm vegetativa, quia tribuit plures gradus & operationes virales.

2. Quia quæ *magis* & *minus* recipiunt, diverso tempore possunt dici magis talia, v. g. manus magis hodie calida, quàm heri, &c. Sed Petrus non est hodie magis homo, quàm heri, nec magis est ens per se uno quàm alio tempore.

3. Esse substantiam est esse ens per se existens: esse autem per se dicit exclusionem & independentiam ab omni subiecto, sed quod essentialiter semper dicit *omne & nullum*, non potest crescere, nec recipere *magis* & *minus*. Potest tamen substantia crescere & augeri extensivè, ut in pueris pater.

*Sexta: Substantia eadem manens potest contraria suscipere.*


*Ratio est 1.* quia accidentia sunt, quæ propriè sunt contraria: sed omnia accidentia sunt susceptibilia in substantia, ergo etiam contraria.

2. Licet etiam quantitas in S. Eucharistia recipiat contraria, frigus & calorem, non tamen ut subiectum quod & ultimum ac connaturale, hoc enim competit solis substantijs primis, & secundis, quatenus identificantur cum primis. Imò etiam Angeli, & Cœli quamvis sint substantiæ incorruptibiles, recipiunt tamen motus contrarios, & ad loca contraria, & contrarios affectus sentiunt, odij, amoris, &c.

VI. *Queritur 6.* Quæ substantiæ in prædicamento substantiæ ponantur?

*Resp.*

200 - 100



*Resp.* In Prædicamento substantiæ ponuntur omnes substantiæ completæ tam corporeæ, quàm incorporeæ, tam corruptibiles quàm incorruptibiles, v. g. Cœli, Angeli, &c. in his enim omnibus reperitur compositio saltem Metaphysica ex genere & differentia.

Christus etiam in Prædicamento ponitur, quatenus constat naturâ verè humanâ & creatâ: poni enim in Prædicamento absolute & principaliter ad naturam, non ad suppositum pertinet, natura siquidem est communicabilis, & ideo potest habere rationem generis ac speciei; suppositum verò est incommunicabile, redditque naturam singularem, & ideo hæc propositio, *Christus ponitur in Prædicamento*, est absolute vera, quia prædicatum cadit supra naturam, hæc verò, *Christus est creatura*, est absolute falsa. S. Th. 3. p. 9. 16. quia creari cadit absolute supra suppositum; creatio enim sicut & quælibet actio terminatur ad naturam ut completam & singularem, ergo ut est suppositum. Coordinatio Prædicamenti Substantiæ est, prout adjecta tabula exhibet.



## §. III.

## De Accidente Prædicamentali ut sic.

## Summaria.

1. De essentia accidentis prædicamentalis ut sic non est inherencia actualis.
2. Sed apitudinalis.

3. *Est naturaliter nullum accidens spirituale à subiecto corporeo possit educi,*
4. *De potentia tamen Dei absoluta potest accidens corporeum in subiecto spirituali poni, & econtrà.*
5. *Subiectum quod omnium accidentium materialium non materia, sed totum compositum est.*
6. *Solvuntur objectiones.*
7. *Accidentis divisionem in 9. predicamenta adequatam esse ostenditur.*



## I.

**Q**uæritur 1. In quo consistat essentia Accidentis Prædicamentalis?

*Resp. 1.* De essentia accidentis prædicamentalis, ut distinguitur à substantia, non est actualiter subiecto inhxere. Est certa & de fide ex Mysterio S. Eucharistiæ, ex quo patet, Quantitatem saltem à substantia realiter separatam existere, ergo de essentia accidentis *ut sic* non est actualiter inhxere.

Et *Ratio* est, quia dependentia accidentis à substantia non est intrinseca per modum materiæ aut formæ intrinsecè quidditatem accidentis componentium, sed extrinseca per modum conservantis existentiam; ergo tota causalitas substantiæ in accidentis nullam dicit imperfectionem, ergo suppleri potest à Deo, quam rationem insinuat S. Thom. 3. p. q. 77. a. 1. Sicut ergo calor naturaliter ex subiecto educitur, & tamen sine subiecto merèque effectivè

effectivè produci à Deo potest; & sicut ferrum sustentatur à terra tanquam in subiecto, & tamen per concursum merè effectivum etiam sine subiecto à magnete sustentatur, ita accidens à Deo ꝑ concursus enim Dei effectivus quidquid poterat cum substantia creata, potest se solo, cùm solus non minoris sit efficaciz, quàm cum causa secunda.

II. Resp. 2. Accidens essentialiter est ens aptum seu natum esse in subiecto inhaesionis. *Est communis.*

Sed quid est esse in alio tanquam in subiecto inhaesionis?

Re. Non quidem esse in alio tanquam partem in toto, nam hoc modo etiam substantiæ incompletæ & partiales sunt ut partes in toto: non etiam esse in alio tanquam formam in subiecto informationis, nam etiam formæ materiales sunt in materia tanquam in subiecto informationis, à quo dependent in fieri, esse, conservari & operari: sed esse in alio tanquam in subiecto jam substantialiter actuato, & cui vi formæ substantialis certæ ac determinatæ, fixæque proprietates & accidentia debentur, quibus in esse conservetur, v. g. calor est accidens subiecto inhaerens, quia advenit igni aut aquæ jam substantialiter constitutæ & actuatæ; ille verò est actus substantialis aquæ, cui debentur omnes proprietates & accidentia, quæ naturaliter aquam comitantur, quæque illi conservandæ sunt necessaria; cur enim v. g. frigus semper & naturaliter aquam, non verò ignem, lignum aut alia comitatur, nisi quia in aqua est aliquod principium radicale, quod non est in igne? Hæ ergo sunt notæ accidentis & inhaerentiæ.

1. Accidens facit cum suo subiecto unum per accidens, & non per se.

2. Accidens advenit subiecto jam substantialiter perfecto & actuato.

3. Accidens non est radix omnium accidentium, quæ sunt in subiecto, sed supponit aliam & substantialem radicem; v. g. in lacte reperiuntur dulcedo, albedo, liquiditas, &c. certum verò est, dulcedinem non esse radicem connaturalem illorum accidentium, cùm frequenter sine illis reperiat, nunquam verò lac; alia ergo est forma lactis, cui illa debentur, alia forma albedinis, cui non debentur.



*Dices* : Accidens est ens absolutum , aptitudo verò ad in-  
hærendum est ens relativum : sed nulla relatio est de essentia  
entis absoluti, &c.

*Res.* Aptitudinem inherendi subjecto esse relationem non  
*prædicamentalem* , sed *transcendentalem* , cum respiciat subjectum non  
ut purum terminum , sed sub ratione sustentantis : relatio autem tran-  
scendentalis non repugnat enti absoluto , cum nullum ens crea-  
tum sit absolutum simpliciter , sed dicat indigentiam & depen-  
dentiam ab alio ente tum creato tum increato , ut consideran-  
ti patebit.

III. *Queritur* 2. An Accidens spirituale possit naturaliter  
educi ex subjecto corporeo ?

*Resp. Negativè.* *Nota* : Educi ex potentia materiæ , seu sub-  
jecti est formam aliquam fieri , conservari , & operari dependen-  
ter ab influxu subjecti materialiter concurrentis.

*Ratio conclusionis est* 1. quia si talis potentia naturalis esset ,  
aliquando utique in actum erupisset , cur enim hæc solà poten-  
tia sterilis , ubi reliquæ omnes pariunt ? & quid faciet in rerum  
natura hæc potentia segnis & otiosa ? & unde constat eam dari ,  
si signum illius aut effectum experimur nullum ? nemo enim  
prudenter crederet solem aliquem esse , si nunquam legisset , au-  
disset , vidisset orientem.

2. Illud accidens esset spirituale , ut supponitur , & non  
esset , quia naturaliter in fieri , esse , conservari & operari à ma-  
teria dependeret ; sed sic à materia dependere est esse ens mate-  
riale , aut dicatur quid aliàs sit ens materiale ? quod si non ita  
dependet , ergo nec educitur , ergo creatur , ergo non datur na-  
turalis potentia ad tale accidens , quia creatio naturaliter non est  
possibilis.

*Dices* : Anima spiritualis naturaliter est in corpore , ergo e-  
tiam accidens spirituale potest naturaliter esse in subjecto cor-  
poreo.

*Res.* 1. Si fides non doceret , dubitarent aliqui de spiritua-  
litate animæ.

2. Anima non educitur , sed creatur , ergo non pender  
à corpore tanquam causâ materiali : secus accidens quod è po-  
ten-

entia materiæ educeretur ex hypothesi ; ergo à materia tanquam causa dependeret , ergo oportebit suæ causæ proportionari , non autem est proportio inter causam materiale & effectum spiritualem.

IV. *Quæritur* 3. An Accidens corporeum de potentia Dei absoluta poni possit in subiecto spirituali ? & econtrà ?

*Resp.* Potest Deus ponere accidens spirituale in subiecto corporeo , v. g. gratiam sanctificantem in lapide , quantitatem in Angelo.

*Ratio* , quia nulla est repugnantia , ut ex solutione objectionum patebit.

*Obijciunt* 1. Quod dependet à subiecto materiali , est ens materiale : sed tale accidens subiecto materiali inhxrens ab hoc dependeret , ergo esset ens spirituale ex hypothesi , & materiale , quia dependeret à materia.

*Minor probatur* , quia accidens dependet in esse & in fieri à suo subiecto.

2. Tale accidens spirituale tantum unitum iri subiecto corporeo , sicut animam corpori , retentâ naturali inclinatione ad suum connaturale & spirituale subiectum ; si enim potest supernaturaliter accidens esse sine omni subiecto , quanto magis esse quidem in subiecto , sed ab illo non aliter dependere , quàm à subiecto meræ inhxrensionis sine alia dependentia : sicut enim non repugnat formæ substantiali esse in alio tanquam in subiecto meræ informationis , ita nec formæ accidentali esse in alio tanquam in subiecto meræ inhxrensionis.

*Obijciunt* 2. Quantitas in nullo ente spirituali subiectari potest , ergo nec aliud accidens materiale , omnia enim accidentia materialia recipiuntur mediâ quantitate , ergo subiectum , quod quantitatis non est capax , nec aliorum accidentium materialium capax erit.

*Antecedens probatur* : Effectus formalis quantitatis est partes subiecti extendere , & facere , ut una sit extra aliam : sed Angelus non habet partes , quæ extendantur , ergo quantitas non potest hunc effectum Angelo tribuere , quid ergo in Angelo faciet ?

¶. 1. Aliud esse quantitatem in Angelo recipi, aliud communicare Angelo suum effectum, hoc enim non potest, nisi subjecto capaci: numquid animæ rationalis proprius & formalis effectus est vivificare, reddere subjectum intellectivum? & tamen hos effectus anima non communicat toti corpori quod informat, quia totum corpus non est capax hujus effectus.

¶. 2. Effectum formalem quantitatis non esse, ut actus extendat ( potest enim divinâ virtute in punctum redigi, & tunc non extendet ) sed ut apta sit extendere: hanc verò aptitudinem quantitas retinet, etiam si Angelo uniatur, semper enim est apta extendere, si aptum subjectum reperiat: Angelus ergo quantitatem recipiens erit quantus, sed non actu extensus, subjecti incapacitate hunc effectum remorante.

*Obijciunt* 3. Si forma spiritualis recipi in subjecto corporeo potest, quid obstat habitum amoris beatifici, ipsamque visionem beatificam bovi v. g. infundi? tunc ergo bos Deum amabit; at verò quid possit dici absurdius, quàm bovem Deum amare, in etasini & contemplationem rapi?

¶. 1. Visionem & amorem beatificum esse actus vitales, & quidem primæ classis; vita enim intellectiva est perfectissima, cum sit principium motus intrinseci ad omnem formam; anima enim amando & cognoscendo fit omnia; actus verò vitales negamus à suo principio separari posse; si enim separaretur, jam non erit motus à principio intrinseco, ergo non erit motus vitalis: sed de hoc in libris de anima.

¶. 2. Demus amorem beatificum animæ bovis uniri, non ideo tamen bos amabit, quia hujus effectus anima bovis capax non est; talis enim amor intellectivus, & spiritualis erit ab extrinseco, hoc est, impressus, non natus, unde nec verus amor, nec vitalis erit, amor enim & vita sunt ab intrinseco, & ideo non amat qui cogitur amare, nec vivit qui ab alio tantum non à se movetur; sicut ergo, ut ait Plinius l. 16. c. 25. *planta quædam sunt tristes, quæque non sentiunt gaudia annorum, nec ullæ flore exultantur, quales sunt ilex, pinus, juniperus, &c.* istis si florem aliquem arte incidas, inserasque, non propterea dici possunt

Be-

florere, quamvis florem habeant; ita nec bos amare, quamvis ab extrinseco amorem habeat.

V. *Quæritur 4.* Quodnam sit subiectum completum omnium accidentium materialium?

*Resp.* Subiectum Quod & completum inhesionis omnium accidentium materialium, etiam quantitatis, non est materia prima, sed totum compositum; albedo v. g. non inhaeret soli materiæ primæ nivis, sed toti nivis; lux solis non soli materiæ solis, sed toti soli, &c. non ita quidem, ut duo sint subiecta partialia, quibus accidens inhaereat, materia videlicet, & forma, sed ita ut unicum sit subiectum integrum & completum inhesionis, materia quidem ut radix recipiendi, forma verò ut constituens materiam in esse connaturali & substantialiter actuato, sine quo apta non esset recipere accidentia tanquam formas secundarias inhaerentes, & quæ ut à materia sustententur, supponunt hanc in suo esse naturali completam: Sicut hederæ supponit arborem, quâ fulciatur.

*Nota*, duplex esse subiectum, unum *inhesionis*, alterum *denominationis*, vitio v. g. soli oculo, non pedi aut manui inhaeret, & tamen totum hominem & simpliciter videntem denominat: albedo in Æthiope solis dentibus inhaeret, & tamen Æthiopem totum album denominat, non quidem simpliciter, sed secundum quid, quia ex se albedo non uni tantum parti est addicta sicut visio oculo; sed est nata in toto subiecto recipi.

Dicimus ergo totum compositum esse subiectum completum & connaturale omnium accidentium materialium, non tantum *denominationis* (de hoc enim nemo dubitat) sed etiam *inhesionis*.

*Ratio est 1.* quia ita docet infinitis ferè locis S. Thomas, cujus auctoritas etiam in Philosophicis magni instar argumenti est, cum nemo Aristotelem melius intellexerit, & pluribus ac doctioribus libris explicaverit, ut planè desipiat, qui cum nec ingenium, nec studium, nec lectionem, nec lumen D. Thomæ habeat, plus tamen hoc sapere velit, & maiorem sibi Aristotelicæ Philosophiæ notitiam promittat, perinde ac si de luce aut natura solis noctua cum aquilis contendat,

2. Subiectum connaturale inhæſionis eſt illud, cui nihil deſt, ut accidentia connaturaliter recipiat ( ſi enim aliquid deſit, non erit ſubiectum connaturale, ſicut ferrum non eſt ſubiectum connaturale lucis, quia ei diaphaneitas deſt: & aqua non eſt ſubiectum connaturale caloris, quia ei deſt raritas & levitas, & principia caloris conservativa ) ſed tam materiæ primæ, quàm formæ materiali aliquid deſt, ut accidentia connaturaliter recipere poſſint; materia enim prima, quæ eſt potentia ſubſtantialis & pars compoſiti eſſentialis, priùs reſpicit formam ſubſtantialem tanquam actum ſibi proportionatum & eſſentialem ac primarium, quàm formam accidentalem, quæ eſt actus tantum ſecundarius, conſequens, nec ejuſdem cum materia ordinis.

*Rurſus*, forma eſſentialis dat eſſe ſimpliciter & explet capacitatem materiæ, ut aliam ſubſtantialem formam ſimul habere non poſſit; forma verò accidentalis dat eſſe tantum ſecundum quid, nec explet capacitatem materiæ, ſed plura accidentia ſimul compatitur: materia ergo prima ſi abſque forma ſubſtantiali conſideretur, non eſt in ſtatu connaturali completòque, ut recipiat accidentia. Eodem modo forma materialis extra materiam non eſt ſubiectum connaturale accidentium, quia nondum eſt in ſe completa, nec in ſtatu fixo, ſibi que proportionato, ut ſic ergo non habet omnes conditiones ſubiecti inhæſionis connaturalis. Accidens ergo ſoli quidem materiæ inhæret ut ſubiecto *quo*, & principio omnis potentialitatis, ac receptionis, dependenter tamen à forma ut principio actualitatis, & materiam in ſuo eſſe connaturali complente: ſolum ergo compoſitum ex materia & forma tanquam ex duobus principijs inhæſionis conſtans eſt ſubiectum connaturale accidentium materialium.

3. Sicut quia forma ſubſtantialis eſt eſſentialiter actus primus, & ideo connaturaliter non advenit materiæ, niſi omnia iâ formâ ſubſtantiali nudæ, ita forma accidentalis, quia eſt eſſentialiter actus ſecundus, connaturaliter non advenit ſubiecto, niſi actum primum, hoc eſt, formam ſubſtantialem jam habenti; ergo ſubiectum connaturale accidentis eſt materia non nuda, ſed  
actua.

actuata per formam substantialem, ergo subjectum connaturale accidentis est compositum.

VI. *Obijciunt* 1. Possunt multa accidentia tam spiritualia, quàm materialia recipi in sola forma substantiali (v. g. intellectus, voluntas, potentia sensitiva in sola anima: proprietates ignis, v. g. calor, levitas, &c. in sola forma ignis) ergo non in toto composito: & si sola forma substantialis potest recipere accidentia, cur non sola materia? Neutra enim extra compositum est in statu naturali: & major est proportio materiae ad recipientem, quàm formæ, quia recipere est effectus potentia, non actus, quæ talis.

R. 1. Conclusionem nostram esse de forma materiali, non verò de spirituali: hæc potest sola recipere quædam accidentia, quia licet, si à materia & corpore separaretur, in ratione formæ non sit in statu completo & connaturali, est tamen in ratione substandi; cum enim sit naturaliter immortalis, & spiritualis, est etiam naturaliter independens à materia & ab unionem corruptibili, nihil ergo illi deest, quò minus sola quibusdam accidentibus substat, præsertim verò suis proprietatibus, quæ æquè ac forma ipsa independent à materia.

2. Calorem & alias proprietates formarum materialium quod attinet, nego in sola forma recipi, recipiuntur enim in materia, cum æquè ac ipsa forma sint materiales, dependenter tamen à forma tanquam radice proprietatum, & materiam ipsam habilitante quoad effectum recipiendi; si enim formam substantialem excludas, jam, ut dixi, materia non est connaturale subjectum inhesionis.

*Obijciunt* 2. Materia prima habet vim se solâ formas substantiales sustentandi, cur non formas accidentales? hæc enim sunt minoris & debilioris entitatis, & præsertim quantitatem, quæ dicitur corvæ materiae, & æquè incorruptibilis, cum contrariis careat.

R. Esse manifestam disparitatem; materia enim prima connaturaliter respicit formam substantialem tanquam actum primum, & à quo recipit primam actualitatem, non ergo respicit aut recipit mediante alio actu, Accidentis verò respicit ut

actum secundum, ergo mediante prinio. Hoc ipso ergo quod materia prima est pura potentia, respicit formam substantialem sine alio actu; formas verò accidentales non respicit ut pura potentia, sed ut in actu: & idem dicas de quantitate, quæ illo tantum sensu dicitur cœva materiæ, quia comitantur solas res materiales, & æquæ ac materia non est activa, estque medium alia accidentia materialia recipiendi, nec corrumpitur nisi per accidens, corrupto subiecto, hoc est, composito. Propriè verò loquendo quantitas non est proprietas entis materialis *ut sit*, sed corporei, qui gradus est à forma, ab hac igitur, non à materia quantitas redundat.

*Obijciatur* 3. Actio productiva leonis v. g. est accidens, ergo recipitur in toto composito, ergo prius erit compositum naturâ ipsâ actione productivâ, hoc verò est absurdum, cum actio productiva sit efficiens compositi, ergo prior composito.

R. Actionem productivam leonis esse in toto leone tanquam in subiecto *quod*: ibi enim est actio productiva, ubi producit, producit autem totum: dependet ergo totum compositum leonis ab actione productiva efficienter, actio verò productiva dependet à composito materialiter & subiectivè: neque hoc absurdum, quia hæc mutua causalitas subiecti ad formam non dicit ullam prioritatem, sed meram simultatem; recipiens enim ut recipiens non est prius, sed simul cum recepto; actio ergo productiva leonis est in genere causæ efficientis prior leone, quia huic dat esse, non recipit: in genere verò causæ materialis ut in leone recepta non est posterior leone, quia licet recipiatur, plus tamen dat quam accipit, & ideo plus causat, quam causatur; dat enim in duplici genere, causæ formalis & efficientis: in genere verò causæ formalis nullam exercet, ut dixi, posterioritatem, simul enim sunt informare & informari, nec oportet prius intelligi materiam recipere quam formam recipi, multò minùs leo ut recipiens actionem productivam oportet ut prius existat quam actio, sed ut simul.

*Obijciunt*



*Obijciunt* 4. Si accidentia in toto Composito reperiuntur, ergo & quantitas & alia accidentia materialia etiam in anima rationali, hæc ergo quanta, extensa, calida, frigida, &c. dici poterit.

¶ 1. Aliud esse subjectum *inhæſionis* ut *Quod* & *Comple-* tum, aliud recipere: materia est, quæ recipit ut *Quo*, sed redditur subjectum proportionatum & connaturale ad recipiendum per formam, & ita forma constituit, integratque totum subjectum connaturale *inhæſionis*, licet non sit immediatum principium recipiendi, sola ergo materia recipit, sed dependenter à forma; & ideo sola materia non est adæquatum subjectum *inhæſionis*,

2. Demus quantitatem recipi in anima, non ideo anima est quanta, quia licet sit capax, ut quantitati uniatur, eamque sustentet, non tamen est capax, ut extendatur: sicut licet anima rationalis & immortalis corpori uniatur, non ideo tamen corpus reddit immortalē, quia hujus effectus capax non est; & lux quamvis aëri uniatur, non tamen reddit visibilem, quia hujus effectus capax non est, cum non sit corpus terminatum. Sicut ergo animæ spirituali non repugnat esse principium vegetandi & sentiendi, ita nec esse principium recipiendi accidentia materialia, id enim facit, quia eminenter corporea.

*Obijciunt* 5. Videmus eandem numero quantitatem, figuram, colorem in cadavere perdurare, quæ in corpore vivo, ergo illa accidentia soli materiæ, non formæ inhærebant, alioqui si formæ, hæc migrante & illa vanescerent, nisi velis accidentia Tartarorum more sedes semper mutantium de subjecto in subjectum vagari.

¶ 2. Dato Antecedente, de quo tamen maxima apud Philosophos quaestio, *negando consequentiam*; subjectum enim *Quo* & inadæquatum recipiendi semper idem est, materia videl. prima, in quam unâ formâ decedente, continuò, eodémque instanti alia intrat, idémque officium præstat, materiam videl. actuandi, eandémque ad recipienda & sustentanda accidentia habilitandi; cum enim, ut sæpè dictum, forma substantialis sit actus primus, hæ-

habilitat materiam, eamque constituit in esse connaturali ad recipiendum actum secundum, hoc est, accidentia.

*Obijciunt* 6. Accidentia disponunt materiam ad recipiendam formam, v. g. calor & siccitas disponunt lignum ejusque materiam ad recipiendam formam ignis, ergo prius sunt in materia quàm forma; sicut quia mollities disponit ceram ad recipiendam figuram sigilli, prius est in cera quàm forma sigilli, ergo materia est sufficiens subiectum accidentium.

R. Sicut nunquam materia est sine forma, ita nunquam recipit accidentia nisi dependenter à forma, nullum ergo instans reale dari potest, in quo accidentia sint in materia independentem ab aliqua forma; sic etiam quando accidentia aliqua educuntur ex materia ut principio *Quo*, verè dici possunt educi ex composito ut principio *Quod*, quia materia nunquam est sufficiens principium, aut recipiendi, aut sustentandi accidentia, nisi ut informata, ob datas rationes.

*Obijciunt* 7. Multæ sunt relationes, quæ soli materiæ conveniunt, v. g. relatio similitudinis, aut dissimilitudinis, quam materia ad similem aut dissimilem formam dicit, &c. hæc ergo saltem relationes, quæ utique sunt accidentia, soli materiæ insunt.

R. Si sermo sit de relationibus transcendentalibus, istæ non sunt accidentia, & ideo de illis quæstio non procedit: si verò sermo sit de relationibus materiæ prædicamentalibus, illæ toti composito secundum rationem accidentis inhzrent, & ideo totum compositum denominatur subiectum & sustentans, non verò totum compositum relativè denominant, quia totum compositum non est capax hujus relationis. Sicut v. g. lux inhzret aëri, eumque denominat subiectum lucis, non verò denominat obiectum visibile, quia hujus denominationis aër capax non est.

*Obijciunt* 8. Quantitas est sufficiens subiectum aliorum accidentium, ergo multò magis materia: hæc ex sua natura ut est pura potentia, est magis receptiva; ut verò substantia est, magis substantiva accidentium.

*Antecedens* patet ex Mystério SS. Eucharistiæ, in qua omnia accidentia quantitati inhzrent, & nova etiam ex quantita-

te educuntur ; cùm enim in hostia consecrata novus calor v. g. educitur , oportet aliquid ejus subjectum assignari , & hoc quoddam , si quantitas non est ?

*Re.* Sermonem hîc esse de subjecto accidentium naturali , non supernaturali , quale est quantitas in Eucharistia , & quando nova accidentia in hostia consecrata producuntur , quid obstat illa creari , non ex subjecto educi ? an quia hoc miraculum esset ? esto : sed quid absurdi , si tot miraculis , quæ Deus in Eucharistia operatur , etiam hoc addas ? demus huic mari etiam hanc guttam , nec ideo majus erit aut redundabit.

*Deinde.* Ideo accidentia non possunt soli materiæ inherere , quia hæc si à forma separaretur , non est subjectum recipiendis accidentibus proportionatum. At verò quantitas materiæ inherens , cùm non sit actus purus , sed mixtus potentiæ , nihil ei deest , quò minùs immediatè reliquis accidentibus subistere possit. Si verò à materia separaretur , ut in Eucharistia , Deus influxum materiæ quantitatem sustentantis effectivè supplet.

VII. *Quæritur* 5. Utrum divisio Accidentis in novem Prædicamenta sit sufficiens , & adæquata ?

*Resp. Affirmativè.* Est communis omnium Philosophorum. Vide S. Thom. 5. *Metaph. lect. 7.*

*Ratio est* 1. Quia accidens vel *intrinsecè* afficit substantiam vel *extrinsecè* : si *intrinsecè* , aut *absolutè* aut *relativè* : si *absolutè* , aut ratione *materiæ* , & est *Quantitas* : aut *formæ* , & est *Qualitas* : si *relativè* , est *Relatio*. Si verò substantiam afficit *extrinsecè* , aut in ordine ad potentiam activam , & est *Actio* , aut passivam , & est *Passio* : aut per modum mensuræ quantitatis absolutæ , & est *Ubi* aut per modum mensuræ cum certo ordine partium , & est *Situs* ; aut per modum mensuræ durationis , & est *Tempus*. Si verò non habet rationem mensuræ , erit *Habitus*.

2. Tria sunt accidentia intra substantiam , *Quantitas* , *Qualitas* , *Situs* : Tria extra , *Ubi* , *Quando* , *Habitus* : tria partim intra , partim extra , *Ad aliquid* . *Actio* & *Passio*.

3. Ex omnibus effectibus , quos experimur , non innotescunt nobis plura genera accidentis quàm novem , hæc verò

primò diversa esse, nec in alio convenire, quàm genere entis; patebit ex solutione difficultatum.

*Obijciunt 1.* Ad multiplicanda prædicamenta accidentium vel requiritur distinctio realis ( ad quam etiam modalis pertinet ) vel sufficit distinctio rationis? si realis, multò pauciora sunt genera accidentium, nam relatio à fundamento, actio & passio, locus à superficie, hoc est, quantitate, &c. non distinguuntur. Si sufficit distinctio rationis, poterunt plura prædicamenta assignari; quid enim obstat, ut plura concipiantur?

æ. Distinctionem realem non esse necessariam, ut bene probatum est, sed sufficere distinctionem rationis cum fundamento in re, v. g. distinguimus actionem à passione, quia videmus aliquam esse, quæ patiuntur & non agunt, & econtrà; hæc ergo separabilitas est fundamentum distinguendi: nec habet intellectus fundamentum distinguendi plura summa genera accidentis, si enim potest, assignentur,

*Obijciunt 2.* Novem hæc prædicamenta conveniunt in ratione accidentis absoluti, aut respectivi, corporei aut incorporei, ergo non sunt primò diversa.

æ. 1. Negando novem prædicamenta in ratione accidentis univocè convenire, tum quia non omnia æquè propriè & verè insunt; quis enim credat æquè propriè vestem æthiopi ac nigredinem inesse? Idem de actione transeunte dicas: tum quia aliqua ex prædicamentis non sunt verè ac realiter accidentia, ut ex probabilissima sententia relatio, duratio, &c. tum quia accidens est verè ens, accidens tamen reale est magis ens quàm accidens modale, quod est ens valde diminutum & dependens, adeò ut ne quidem per Dei omnipotentiam separari à subiecto possit: tum denique & universaliter, quia accidens completerum dicit impliciter omnem differentiam accidentis, & prædicamentalem, cum omnes sint intrinsecè accidentia: accidens verò incompletum sunt ipsæ differentiæ prædicamentales, quæ dicunt aliquam, non omnem rationem accidentis, semper ergo accidens dicit aliquam *aleiutatem*. Secus est de substantia completa, quæ est genus univocum ad suas species & differentias; substantia enim  
in

in genere substantiæ non completur per hoc quòd sit animal, sed per hoc quòd sit per se, & det primum esse, in quo omnes substantiæ conveniunt: accidens verò non completur per hoc quòd inhereat, vel possit inherere (hoc enim pertinet ad existentiam & communicabilitatem accidentis, in quo omnia accidentia conveniunt) sed per hoc quòd substantiam afficiat eique commensuretur, quæ commensuratio, ut patet, est diversa, & constituit diversa prædicamenta. Analogia verò accidentis ad novem prædicamenta est analogia proportionalitatis propriæ, quæ dicit formam intrinsecam omnibus analogatis; & ratio est, quia ibi est analogia proportionalitatis, ubi non est alia unitas, quàm proportionalitatis: Sed ita est in novem prædicamentis, ut ostensum. Aliud in univocis est; licet enim etiam in equo & bove reperiatur hæc analogia, ea tamen non est sola, sed præter illam datur vera unitas & convenientia perfecta in gradu animalis.

Æ. 2. Esto ratio accidentis sit ad novem prædicamenta omnino univoca, non sequitur tamen esse genus, quia genus propriè habet differentias extra sui rationem; sicut v. g. rationale & irrationale sunt differentiæ ipsius substantiæ, non quidem in ratione substandi & existendi per se, sic enim potius conveniunt quàm differant, nec aliter substat & per se existit irrationale, aliter rationale. At verò differentiæ accidentis differunt in ipsa ratione accidentis; aliter enim modificat substantiam quantitas, aliter qualitas, &c. & in hac ipsa modificatione & commensuratione ad substantiam consistit ratio accidentis, quod essentialiter est ens incompletum & secundarium, & ideo definitur entis ens.

Æ. 3. Ad alia verò communia genera accidentis, quæ obijciuntur, dico illa esse genera transcendentia, quæ de substantijs æquè ac accidentibus prædicantur.

Plura circa hanc divisionem accidentis in novem prædicamenta vide apud Suar. *disp. 39. Metaph. à n. 32.*



## §. IV.

## DE ENTE MODALI.

## Summaria.

1. *Ens modale dari ostenditur.*
2. *Ejus definitio.*



**D**iximus dicendum est aliquid de ente modali, quàm ad prædicamenta accidentis in particulari pergamus; est enim Modus entitas aliqua inter substantiam & accidens media; alij enim sunt modi substantiales, v.g. subsistentia, unio, &c. alij accidentales, ut inhaerentia, actio, &c. Generaliter omnis qualitas Modus appellatur. S. Th. 1. 2. q. 49. a. 2. & ideo etiam differentia prout qualificat genus & in quale prædicantur, illudque ad certam speciem determinant, modi appellantur. Magis strictè Modus appellatur omnis determinatio & limitatio unicuique rei juxta ejus mensuram præfixa. Vide S. Thomam 1. p. q. 5. a. 5. & 1. 2. q. 85. a. 4. Hic de Modo agimus in sensu philosophico, prout vid. est ens diminutum, addens substantia aut accidenti non tam no-

vam entitatem ( adeò enim exilis est, ut vix nomen entis mereatur ) quàm potius ultimò substantiam, aut accidens in suo statu & existentia determinans.

1. *Queritur*, An & quid sit Modus?

*Resp. Et Dico 1.* Datur ens reale minutum, quod Modus appellatur. *Ratio est 1.* quia certum est substantiam esse rem aliquam à natura realiter distinctam, ut patet ex mysterio Incarnationis, & tamen subsistentia non est nisi modus, non enim potest existere sine natura, cujus est subsistentia, non indiget aliâ subsistentiâ, ut naturam terminet, aliàs processus daretur in infinitum; non potest aliam naturam quàm hanc numero afficere, qui omnes sunt characteres entis modalis, ut mox videbimus. Idem quamplurimi tradunt de relationibus, unionibus, ubicationibus &c.

2. Subsistentia naturæ humanæ est aliquid, nec tamen est vera & completa entitas, alioqui verbum Divinum non assumpsisset integram naturam humanam; ergo est ens medium, quod modale vocamus.

II. *Dico 2.* Modus bene definitur, *Entitas qua non potest esse, quin uniatur alteri intrinsecè, quod potest esse sine illa.* Sensus est, modum esse entitatem essentialiter determinativam subiecti indifferents, adeò ut ne divinitus quidem existere possit sine subiecto, quod determinat, sicut motus non potest esse sine mobili, sessio sine sedente, unio sine materia quam unit, licet materia possit esse sine hac unionem, mobile sine motu, sedens sine sessione. Sic etiam albedo non est essentialiter determinata, ut actu inhæreat vel subiectum dealbet, ut patet in S. Eucharistia: ipsa verò inhærentia albedinis est actualis ejus determinatio, ut implicet dari inhærentiam, quin forma aliqua inhæreat, subiectoque unia-  
tur. Licet verò creatura existere non possit sine Deo, nec unum relativum sine tuo correlativo, non ideo tamen creatura est modus Dei, nec relativum est modus sui correlativi, quia non intrinsecè determinant, nec uniuntur. Ex hac verò natura modi sequitur ejus omnimoda, & indispensabilis inseparabilitas à suo subiecto, ita videlicet ut hæc numero sessio v. g. separari ne divinitus quidem ab hoc numero subiecto possit; & ratio est, quia



si (esset v. g. esset vera entitas, & non modus tantum entis, non haberet tantam ab alio dependentiam, quæ per infinitam saltem potentiam suppleri non posset; siue enim subiectum exerceat in aliquam veram entitatem causalitatem materiale, siue efficiens, certum est suppleri à Deo posse, potest enim Deus sine sole illuminare, & accidentia panis sine pane conservare.

*Dicitur* : Actus vitalis v. g. visionis non potest esse extra potentiam aut formam vitalem, & tamen non est modus.

¶ Hanc inseparabilitatem non ex eo provenire, quod actus vitalis sit essentialis determinatio subiecti indeterminati, sed quia motus vitalis est essentialiter à principio intrinseco, ergo non potest esse vitalis, ubi non ponitur principium intrinsecum. Quænam verò res in particulari sint & dicantur modi, patebit ex operis decursu.



## § V.

## DE QUANTITATE.

## Summaria.

1. *Quantitatem à substantia realiter distingui contra Nominales ostenditur.*
2. *Ejus essentia male constituitur in ratione mensura.*
3. *Pecus in indivisibilitate aut aliâ quavis extensione actuali in ordine ad locum.*

A. Optin

4. Optime verò in extensione partium in ordine ad totum.
5. Adversariorum argumenta dissolvuntur.
6. In rigore philosophico Numerum directe non poni in predicamento quantitatis, auctoritate & rationibus convincitur.
7. A quo etiam majori jure Oratio excluditur.
8. Sed Locus, quia à superficie non distinguitur, justum sibi locum in eo vendicat.
9. Linea, Superficies, & Corpus sunt vera Species quantitatis.
10. De nonnullis proprietatibus quantitatis.



Quantitas subinde pro perfectione, aut virtute sumitur, & hoc sensu magnam scientiam, fortitudinem appellamus; strictè verò & philosophicè significat molem, seu extensionem corporum, & hæc est quantitas molis. De utraque acceptione vide S.

Thomam 1. p. q. 42. a. 1. ad 1.

Nos de posteriore tantum agemus.

I. *Quantur* 1. Quomodo Quantitas distinguatur à Substantia?

R. Quantitas realiter distinguitur à Substantia. Platonici & Stoici unam rem esse docebant. Idem Nominales; eandem enim rem ut subsistat accidentibus, substantiam, ut habet partes extra partes, quantitatem vocari: sic & alia accidentia uno respectu v.g. qualitatem, alio quantitatem esse.

Sed

Sed probatur Conclusio 1. ex Sacramento Eucharistiæ, ubi destructâ substantiâ panis tota quantitas superest. *Nec duas* superesse solam quantitatem aliorum accidentium, coloris, saporis, &c. patet enim ad sensum peractâ consecratione totam omnino quantitatem panis perdurare, quæ prius erat, nullumque penitus notari decrementum, quod utique notaretur panis quantitate subductâ. *Deinde* vanum est dicere aliam esse quantitatem, quæ substantiam panis, aliam quæ colorem, & alia accidentia extendat; cum enim omnia accidentia eodem subjecto recipiantur, una pro omnibus quantitas sufficit, alioquin eodem modo dicendum erit, aliam esse albedinem, quæ materiam, aliam quæ formam, aliam quæ quantitatem nivis coloret, eamque visibilem reddat; quod si una qualitas pro omnibus, cur non una quantitas? Si accidentia Eucharistica in uno aliquo communique subjecto non colligantur, hoc est, quantitate, quæ ergo sit, ut uno accidente moto & alia moveantur, uno calefacto & alia calefiant?

*Rursus.* Omnia accidentia Eucharistica ante & post consecrationem æquæ sunt in uno eodemque loco, & ita penetrantur, non ergo habent diversas quantitates, hæc enim saltem ante consecrationem penetrari non potest, cum quantitas naturaliter penetrationi resistat, aut si quantitates propriè accidentium Eucharisticorum se mutuò penetrant, quid ergo causæ est, ut duæ hostiæ consecratæ se mutuò penetrare non possint? admittis enim quantitates consecratas penetrationi haud resistere, ergo aut in omnibus hoc verum, aut in nullo.

2. In eodem Eucharistiæ Sacramento Christus Dominus est sub speciebus consecratis cum tota sua naturali quantitate, & tamen non habet extensionem partium in ordine ad locum, ergo falsum est, quod dicunt Nominales, quantitatem esse ipsam substantiam, ut habet extensionem partium.

3. Et efficacius experientiâ patet, materiam, formam, aliasque qualitates intimè penetrari, & eundem locum occupare; non ita verò unam partem integram cum alia, v.g. dextram cum lava; ergo hæc repugnantia penetrationis non est à substantia aut qualitatibus, sed aliunde; à quo verò nisi à quantitate

tate distincta? *Quodsi dicas*, solam quantitatem materiæ, utpote crassiorem magisque compactam impenetrabilem esse, non verò formæ aut aliorum accidentium, hanc enim esse tenuiorem & nullius molis, unde ergo quantitati Eucharisticæ impenetrabilitas? unde aquæ, æri, igni, alijsque rebus tenuissimis? & ridiculum est, quantitatem dicere nullius molis, si enim motum non habet, quantitas non est.

4. Cum qua substantia quantitatem identificas? cum materia sola, & non cum forma? atqui æquè forma materialis & accidentia sunt apta loco extendi, ut patet in Eucharistia, & alia corpora loco excludere: cum sola forma? idem argumentum recurrit; cum utraque? ergo duæ quantitates saltem partiales se mutuo penetrabunt, cur ergo non possint etiam duæ quantitates partium integralium se mutuo penetrare?

5. Cur potius quantitatem cum substantia identificas; quàm cum colore, sapore, calore? eodem enim pacto dicere possis, substantiam materiæ aut formæ esse idem realiter cum colore, quatenus est visibilis, cum sapore quatenus gustabilis, &c.

*Obijciunt.* Effectus quantitatis est, materiam v. g. reddere extensam, hoc est, partes extra partes & diverso in loco: atqui materia habet hoc secluso quovis alio accidente, partes enim substantiæ sunt substantia, nec enim negabis, manus, pedes, oculos substantiam esse; hoc ipso autem quòd sint partes distinctæ, possunt esse in distinctis locis, ergo extensæ, ad quid ergo opus quantitate?

¶ Substantiam seclusa quantitate posse in diversis locis esse, sed non necessariò, ut in Angelis patet, qui possunt & loco separari & penetrari; ergo esse in loco cum necessaria impenetrabilitate & ordinatione effectus est quantitatis, quâ divinitus sublatâ redderetur substantia penetrabilis tum cum alijs substantijs, tum etiam cum suis partibus; & patet in substantia Angelica. Inò potest etiam ipsa quantitas, etsi maxima, aut per condensationem, aut penetrationem partium in punctum colligi, restringique, sed hoc supernaturaliter fiet, ut in Eu-

charistia, & quantitate aptitudinalem adhuc extensionem, quæ sola est ei essentialis, retinente. Vide S. Th. 3. p. q. 77. a. 2.

II. *Quæritur* 2. In quo consistat ratio formalis quantitatis?

*Resp.* 1. Ratio essentialis quantitatis non consistit in hoc, quodd sit mensura.

*Nota*; Mensura propriè loquendo est, quæ rei quantitas cognoscitur: sic ulna est mensura panni, &c. quantitas est mensura intrinseca substantiæ, per quam coaptatur mensuræ extrinsecæ, hoc est, loco; cum enim quantitas non sit mensura simpliciter indivisibilis, ut punctum & unitas, est mensura ut etiam sit mensurabilis & mensurata; nam & ulnam palmo & palmum puncto metiri possumus; mensuratio ergo est applicatio mensuræ ad mensuratum tanquam mediæ ad cognoscendam rei quantitatem. Hæc verò mensuratio aut sit unâ applicatione, si videlicet mensura mensurato adæquetur, aut si non adæquatur, proportionem saltem cognosci ex æquatione aut defectus mensuræ & mensurati possit: aut sit repetitione, si videlicet mensuratum sit numerus, aut saltem cum numero partium concipiatur: sic ulnam repetitis palmis metimur, quia plures habet palmos: pondera verò rerum non tam repetitione & additione ponderis, quàm adæquatione. In quantitate verò perfectionis species perfectissima est mensura aliarum specierum, quæ per excessum aut recessum ad illam magis, minúsve perfectæ sunt: sic objectum est mensura scientiæ, exemplar imaginis, Deus mensura exemplaris & effectiva omnium creaturarum. Vide S. Th. in 1. d. 8. q. 4. a. 3. & 1. 10. *Metaph. lect.* 2. & 1. *posler. lect.* 26. quibus locis ostendit in omnibus generibus quantitatis, hoc est, in tribus dimensionibus, in ponderibus & in motibus (nam etiam hæc ut comparantur ad magis aut minús gravia, habent aliquam rationem quantitatis) id quod est unum & indivisibile esse mensuram cæterorum in eodem genere; quantitatem enim puncto, numerum unitate, motum instanti, qualitatem gradu, creaturas Creatore, qui maximè est unus, metimur.

*Ratio* ergo Conclusionis est 1. Vel Quantitas est mensura substantiæ quam afficit, vel sui? Non est mensura substantiæ, quia

quia non ejusdem rationis & homogenea ; sicut enim pondus non metimur longitudine , hoc est , ulnâ , nec longitudinem pondere , quia non sunt ejusdem rationis , ita multò minùs substantiam quantitate metiri possumus ; nec applicatio quantitatìs potest me inducere in cognitionem substantiæ : applica mihi ulnam purpuræ , an ideo cognoscis , quid sit purpura ? Non etiam Quantitas est mensura sui , quia mensura & mensuratum dicunt relationem æqualitatis , quæ necessariò est inter duo. Est quidem quantitas cognoscibilis , sed hoc est esse objectum intellectûs , non mensuram sui , nec cognoscibilitas potest esse essentia quantitatìs , cùm etiam substantia aliæque entia sint cognoscibilia.

2. Quantitas est accidens absolutum , mensura relativum ( mensura enim est alterius mensura ) ergo quantitas ; non est essentialiter mensura.

3. Quantitas est quidem mensura activa substantiæ , quia reddit illam aptam , ut res alias mensuret , & est etiam mensura passiva , quia quod est quantum , mensurari potest : sed tam esse mensurabilem quàm esse nimensurativum supponit extensionem ( mensuræ enim indivisibiles sunt tantùm unitas & punctum ) ergo extensio est aliquid prius quàm mensura , ergo ratio mensuræ non est quantitatì essentialis.

4. Mensura , ut sit proximè talis , requiritur , ut sit *nota ; certa & fixa* ( cùm comparetur ad mensurandum sicut principium ad Conclusionem ) ut sit *parva quantitatìs , & homogenea* , quæ omnes conditiones , ut patet , sunt extra essentiam quantitatìs.

5. Esse mensuram non pertinet ad solam quantitatē ( nam etiam motum , gravitatem , & alia mensuramus ) ergo esse mensuram non est essentia quantitatìs.

6. Denique esse mensuram non convenit rei nisi ex hominum accommodatione , ut patet in omnibus mensuris , nec enim lignum v. g. est essentialiter mensura panni , &c. Et quamvis lignum ex natura sua sit aptum ut mensuret , hæc tamen aptitudo terminatur ad extrinsecum , & ita priùs explicari debet quid sit lignum , quàm an sit mensura : eodem modo *est* quantitas sit mensura , explicandum tamen restat , per quid quanti-

tas in se constituatur, reddaturque apta ut mensuret, & de hoc procedit questio. Quando ergo S. Thomas docet, quantitatem essentialiter esse mensuram, intelligendus est de mensurâ radicali; hoc ipso enim quod quantitas est extenta, redditur apta ut sit mensura & mensurabilis, si enim esset punctum, non indigeret mensurâ, cum statim sit notum, quid sit & quantum sit punctum: nec esset mensura, quia punctum indivisibile non est mensura longitudinis, utpote inextensum, & quod milles etiam sumptum non facit longum, sicut atomus etiam milles sumpta non est apta metiendo plumbi centenario.

III. *Resp.* 2. Formalis ratio quantitatis non potest consistere in proxima divisibilitate aut actuali repletionem loci, actuali impenetratione, aut alia quavis extensione in ordine ad locum.

*Ratio* est, quia proxima divisibilitas in partes quantitativas supponit partium quantitativarum extensionem, ergo hæc est prior divisibilitate, actualis verò repletio loci, aut impenetratio, est tantum effectus quantitatis, qui salvâ quantitate abesse potest, ut patet in S. Eucharistia. Vide S. Thom. 3. p. q. 76. a. 4.

IV. *Resp.* 3. Tota & formalis ratio quantitatis est extensio partium in ordine ad totum, adde, ut sublatâ quantitate corpus humanum v. g. non haberet partes actu extensas, sed tantum virtualiter & in potentia extensibiles, multò minù haberet unam partem supra, aliam deorsum, sed efficeretur substantia omnino indivisibilis, quia careret omni extensione, & consequenter omni principio divisibilitatis; sicut sol omni luce destitutus redderetur omnino invisibilis, quia careret omni principio visibilitatis. Hæc est sententia D. Thomæ infinitis locis. Vide *opusc.* 72. q. 5 a. 3. ad 3. *opusc.* 42 c. 16. *opusc.* 48. c. 4. & *Quodlib.* 9 q. 4 a. 1 & l. 4. cont. *Gent.* c. 65. & l. p. q. 50. a. 2. & *Valq.* l. p. q. 196. c. 3.

*Nota*, in corpore humano v. g. reperiuntur multe partes substantiales, caput, oculi, manus, &c. quæ utique non habent à quantitate suam esse substantiale; quantitas enim cum sit accidens, non potest formaliter esse aut constituere substantiam.



riam, sed illud habent à quantitate, quòd sint ordinatæ, inconfusæ, impenetratæ, extensæque, adeò ut sublatâ quantitate nihil quidem corpori humano substantiæ decederet, solveretur tamen ordo ille & evolutio actualis partium, nec posset dicere, hic est caput, hic manus, hic oculi, &c. sed ubique manus, ubique oculi, &c. ordine partium & mutuâ colligatione sublati; ordo enim & colligatio, & divisibilitas, in partes actuales à quantitate sunt. Sicut ergo marmor rude & impolium nullas habet partes actuales, non brachium, non oculum, non pedem, &c. sed illas ab arte accipit, cum in statuum formatur, formâ verò deletâ & complanatâ continuò partes marmor amittit & tantum in potentia retinet, ita omnino de materia sentiendum, quæ ut marmor ab arte, sic illa partes à quantitate recipit: est verò ea disparitas, quod marmor non figuratum adhuc quantitatem habet, & ideo etiam aliquas partes in quas dividi potest; materia verò aut alia substantia in data hypothefi nullam habet quantitatem, & ideo nullas omnino actus partes.

*Ratio Conclusionis* sic explicatæ est 1. Partes esse extensas, evolutas, & ordine sibi colligatas nihil aliud est, quam unam partem non esse intra aliam, nec cum alia penetrari, sed potius unam alteri quoad solas extremitates uniri (si enim caput v. g. & pedes se mutuò penetrarent, seque totis uniantur, certum est nullam fore extensionem, nec distinctionem localem) sed hæc impenetrabilitas, evolutio & coordinatio partium est à sola quantitate; substantia enim non est principium impenetrationis & evolutionis partium, ut in Angelis patet, & forma, etiam materialis, quæ cum materia intimè penetratur.

2. Si substantia est entitativè ante quantitatem extensâ, habetque partes extra partes, ergo est principium impenetrationis (partes enim penetratæ non extenduntur) ergo sicut resistit penetrationi unius partis continuè cum alia, ita resistit penetrationi unius contigui cum alio (faciliùs enim penetrantur magis unita quam minùs unita, eadem ergo vis quæ resistit magis penetrabilibus, multò magis resistit penetrationi minùs penetrabilium) ad quid ergo & ad quem effectum ponitur Quantitas?

totam enim extensionem, quam à quantitatè expectas, jam substantia ex se habet; si enim ex se habet partes extra partes, jam etiam petit naturaliter locum replere, hoc est, alium & alium locum occupare, cum naturaliter non possint partes extensæ, quarum una est post aliam, in eodem loco esse. Corpus quidem Christi Sacramentatum à quantitate sua habet partium intra se ordinationem, illæ tamen eundem locum supernaturaliter occupant, quia hæc actualis loci repletio est effectus secundarius quantitatis, qui suppleri divinitus potest.

*Dices*, adhuc quantitatem esse necessariam, quia *esse* substantia habeat partes entitativè extensas & evolutas, adhuc illæ non peterent naturaliter diversum locum, sed essent naturaliter in eodem loco, sicut defacto materia & forma naturaliter penetrantur; actualis ergo loci repletio est effectus formalis secundarius quantitatis, aptitudo verò & exigenti ad locum replendum, quam uno verbo molem vocamus, est essentia quantitatis.

*Contra*: Ideo quantitas est naturaliter loci repletiva, & naturaliter locum replet, nisi divinitus impediatur, quia naturaliter habet partes extra partes, extensasque, ex quo naturaliter repletio loci nascitur, unde enim aliàs? ergo si, ut tu dicis, etiam substantia habet naturaliter partes extra partes, extensas, evolutas, impenetrabiles, æquè erit principium replendi locum naturaliter, quò ergo & in quem finem quantitas?

3. Sublatà quantitate tota substantia, ejusque omnes partes loco penetrantur, & in punctum colliguntur, ergo saltem physicè & sensibiliter redduntur indivisibiles, punctum enim dividi non potest, aliàs punctum non esset, imò penetraretur cum ferro v.g. dividente, & ita conatum eluderet.

4. Substantia si ante quantitatem habet partes, ergo petit naturaliter aliquod *ubi*, quidquid enim est, naturaliter alicubi est: quale ergo *ubi* naturaliter peter? divisibile, ut pars substantiæ parti loci respondeat? an indivisibile, ut pars substantiæ sit tota in toto loco & tota in qualibet parte? non hoc, quia naturaliter locus locato commensuratur, & ita substantiæ divisibili ac partes extra partes habenti locus æquè divisibilis & partes suas habens debetur: non illud, quia si substantiæ sublatà quantitate de-

debetur *ubi* divisibile, ergo debetur ut una pars substantiæ sit in uno loco, alia pars in alio loco, ergo illi debetur naturaliter extensio etiam quoad locum, ad quid ergo quantitas distincta?

5. Denique nulla est necessitas ponendi in substantijs partes aut ordinem & extensionem actualem à partibus quantitatis distinctam, ut patebit ex solutionibus objectionum, ergo ponenda non sunt, natura enim parci est genij, & à superfluis abhorret.

V. *Obijciunt*. Animal cum nutritur, novas substantiæ partes acquirit, quas ante non habebat, ergo in substantia partes dantur, substantia enim, quæ acquiritur, non potest illa esse, quæ prius & ante nutritionem habebatur.

æ. Cum animal nutritur, substantia quidem alimenti, panis v. g. transit in substantiam carnis, sed tamen ea substantia & cum erat sub forma panis, & cum transijt in formam carnis, semper sub quantitate erat, & à quantitate partes actuales fortiebatur, semper ergo partes substantiæ à quantitate sunt. Nec nos negamus in substantia infinitas ferè partes substantiales designari posse, sed actualem designationem quantitati adscribimus, quâ subductâ cessat actualis partium designatio, & confunditur, ipsa verò substantia velut convolvitur, nec amplius actu habet partes, sed tantum potentiâ, hoc est, potest quantitatem recipere, & ab hac in partes integrales dividi, ordinarique. Eodem modo una materia potest esse major alterâ, v. g. materia & substantia elephantis major, quàm substantia apis, & formicæ, non quidem actu, cum magnitudo molis pertineat ad quantitatem, non substantiam, sed potentiâ & radicaliter, quia materia elephantis est receptiva majoris quantitatis (quanta videlicet formæ elephantis servire possit) & ideo est in plures & majores partes divisibilis. Sic etiam si Sacerdos medietatem tantum hostiæ consecrare intendat, peribit quidem medietas substantiæ integrâ totâ hostiæ quantitate, quia sicut substantia sub quantitate partes habet, ita potest in partes dividi & partes amittere; quantitas tamen in dato casu divinitus conservatur, naturaliter enim peteret cum destructa substantia & ipsa destrui;

nam

nam corruptio substantiæ naturaliter non fit nisi corruptis accidentibus & dispositionibus, cum substantia per se non habeat contrarium, corruptio autem fit à contrarijs. Quod si Deus medietatem illam hostiæ non consecratam conservaret destructâ quantitate, illa jam se non haberet ut pars coordinata & colligata alteri medietati utpotè consecratæ, quam coordinationem & colligationem per quantitatem fieri diximus.

*Obijciatur* 2. Substantia est subiectum quantitatis, vel ergo substantia materialis recipit quantitatem ut subiectum divisibile, vel ut indivisibile? non hoc, quia concipi nequit, quomodo quantitas divisibilis recipiatur in subiecto indivisibili, alioqui, quid obstat quantitatem etiam in Angelo recipi? Si verò substantia recipit quantitatem ut subiectum divisibile & quantitati proportionatum; ergo jam antecedenter partes habebat.

*R.* Substantiam esse virtualiter divisibilem, quia potest naturaliter quantitatem recipere, & mediâ quantitate in partes extendi; sicut enim murus non albus potest albedine colorari, & ær non lucidus potest luce illustrari, ita substantia actualiter non extensa potest quantitate extendi: sicut enim subiectum albedinis non est subiectum album, sed dealbabile, ita subiectum quantitatis & extensionis non est substantia actu extensa, sed extensibilis.

*Quid ergo*, si Deus quantitatem à corpore humano auferat? num ideo partes corporis humani, manus, brachia, caput, oculi peribunt, absumentur?

*R.* Manebit tota Substantia illarum partium, sed totus ordo confundetur, nec amplius ulla distributio & distinctio partium apparebit, ordinatio enim partium à quantitate velut conditione pendet; nec enim dicimus entitatem & realitatem partium substantialium à quantitate esse, sed illarum tantum ordinationem & actualem distinctionem seu inconfusionem, & hinc est quodd cælum habet maiorem substantiam, quàm granum frumenti, quia ut est sub forma cœli, maiorem postulat quantitatem, & consequenter maiorem extensionem actualem: licet ergo plus substantiæ sit in cœlo quàm in grano, non ideo ta-

men

men cœlum habet majorem extensionem actualem, sed tantum radicale, si quantitatem excludas.

*Obijciunt* 3. Nudet Deus Oceanum omni quantitate, quid illo fiet? confluet in punctum? bibi poterit? quidni enim possit cum sit minor gutta?

R. Mirum esse, à nobis rationem eorum peti, quæ nunquam visa, nunquam audita, nunquam facta, nunquam futura sunt: Nudetur prius omni quantitate Oceanus, & sic oculis ac experientiæ subdatur, tunc dicemus, an in punctum colligi, an ebibi possit, balenæ saltem & delphines & tor ostrearum milia stomacho incommodarent. Certè datâ eâ hypothesi quantitate careret, nec partes haberet actu, essetque punctum entitativum, non quantitativum, quia quantitas omnis abesset, nec per motum ad illud punctum conflueret, sicut fieri solet, cum mare refluit, seque ipsum colligit, sed per meram privationem, quæ instantanea est. Sicut si Deus corpori solari omne lumen adimat, desinet esse lucidum privativè, unicòque instanti. Sed piget de rebus dicere, quæ intra velum latent; aperi theatrum & scenas explica, nam prius de comœdia ferri sententia non potest.

*Obijciunt* 4. In corpore humano certum est, jam aliam substantiam esse caput, aliam manus, auferat Deus quantitatem, aut tunc caput & manus distinguuntur, aut non distinguuntur? si hoc, sequitur id quod aliquando erat distinctum ab alio, identificari cum eo posse, id verò impossibile est, fieri enim non potest, ut Joannes sit Petrus & econtrà. Si verò ablatâ quantitate partes illæ distinguuntur, ergo ablatâ quantitate dantur actuales in substantia partes.

R. Partes corporis sub quantitate unitas non esse plures substantias, sed plures partes substantiæ, & ita sublatâ quantitate manent una substantia, sed desinunt esse partes actuales, fiuntque unum aliquod confusum & in potentia in partes ordinabile. Adhuc ergo corruptâ quantitate substantiæ manû non est substantia pedis: sed tamen substantiæ illæ cum penetrentur, confundantur, non habeant sursum & deorsum, non prius nec posterius, non figuram, non situm, amittunt esse ac-



VI. *Quæritur 3. An Numerus ponatur directè in prædicamento Quantitatis?*

*Resp.* Numerus strictè loquendo non est ens unum per se, sed tantum per accidens, nec ponitur *directè* in prædicamento, sed *reductivè*, sicut domus & artefacta: idque ratione ordinabilitatis plurium quantitarum, per quam acquirit aliquam unitatem scibilem, & ab Arithmetica considerabilem. Circa hanc Conclusionem aliqua prænotentur.

*Nota 1.* Numerum à parte rei & realiter dari; quis enim neget à parte rei magnum esse stellarum & arenarum numerum? nec enim aliud est numerus, quàm plures unitates, & pluralitas confurgit ex divisione quantitatis, quæ omnia à parte rei sunt.

*Nota 2.* Nec etiam dubitari potest, quin numerus pertineat ad quantitatem discretam, quantitas enim est, quæ habet partes extra partes, & est aliorum mensura: nihil autem magis habet partes extra partes quàm numerus, & nulla est quantitas continua, nullus metris, nullumque pondus, quod numero non mensuretur, pluresque quantitates & pondera discreta unam quantitatem aut pondus continuum adquant. Verum quidem est, etiam in Angelis & substantiis immaterialibus ac quantitate destitutis numerum inveniri, si per numerum nihil aliud intelligas, quàm multitudinem ab intellectu numerabilem, sed hic numerus est *transcendentalis* non *prædicamentalis*; sicut ergo unitas transcendens non pertinet ad prædicamentum quantitatis, ita nec multitudo transcendens: & ideo in divinis licet numerus ternarius, de quo æquè ac de alijs ternarijs quantitativis ac materialibus omnes proprietates numerorum arithmetice demonstrari possunt, non tamen est quantitas discreta. Sic etiam materia & forma & accidentia omnia, quæ in eodem composito reperiuntur, eandemque quantitate extenduntur, non componunt propriè numerum, qui spectet ad quantitatem discretam. Numerus ergo prædicamentalis non dicit quantilibet multitudinem unitatum, sed multitudinem unitatum, quæ ex natura sua exigant separationem, non tantum entitativam, sed etiam localem & impenetrabilitatis.



*Nota 9.* Numerus alius est *numeratus*, alius verò *numerans*. Numeratus sunt res, quæ in numerum cadunt, ut 4 elementa, 7 planetæ, &c. Numerus numerans est ipsa forma numeri, à qua res denominantur, ut quaternarius, ternarius, &c. Sed hæc forma numeri quid est? ipsa multitudo unitatum ut est ab intellectu numerabilis; prius enim est numerus, quàm ab intellectu cognoscatur & numeretur, nec enim planetæ sunt septem, & principia sunt tria ab intellectu, alioqui penes hunc esset numerum augere aut minuire, sicut in artefactis.

Et *ratio* est, *tum* quia datis tribus unitatibus v. g. aut numerus est aliquid præter collectionem earum unitatum quantitativarum, aut nihil? Si hoc, habemus intentum, si aliquid præter collectionem quantitatum; illud ipsum aut est quantitas, aut non est? si est quantitas à tribus distincta, ergo & ipsa facit, augétque numerum, & jam non sunt tria, sed quatuor: aut si aliqua quantitas continua est, quæ per seipsam non per aliud facit unitatem & numerum, idem dicendum erit de omnibus quantitativis, cùm omnium eadem sit ratio. Si verò illud, per quod collectio trium quantitatum divisarum, v. g. trium palmorum, evadit numerus, est aliquid à quantitate distinctum, quomodo fieri potest, ut *formaliter* & essentialiter constituat quantitatem discretam, hoc est, numerum? sicut enim quod non est albedo, non potest *formaliter* dealbare aut aliquid constituere in esse albi, ita quod non est quantitas, non potest *formaliter* constituere numerum in ratione quantitatis. *Tum* quia datis tribus palmis divisis v. g. si id per quod constituuntur in ratione numeri ternarij, est aliquid à collectione eorum palmorum, denique illud aliquid, sive sit modus sive res, ab illis palmis separari, aut saltem præscindi, an tunc illæ res unitates non facient numerum ternarium? quem ergo facient? sunt enim plures; forè binarium? at mirum sit ex tribus unitatibus binarium fieri. *Tum* quia sicut quantitas continua solâ indivisione est una, ita solâ divisione fit multiplex. & consequenter numerus, omnis enim multitudo finita est numerus determinatus, licet non semper à nobis illa determinatio multitudinis cognoscatur, utin stellis & acervo tritici. *Tum denique* quia numerus prædicamentalis nihil addit numero trans-

scendentali præter quantitatem, ut supradictum: sicut ergo unitas transcendentalis Angeli v.g. nihil aliud est quàm substantia Angeli in se indivisa, & numerus Angelorum nihil aliud, quàm collectio ipsorum Angelorum; ita unitas prædicamentalis & quantitativa est ipsa quantitas continua & indivisa, numerus verò est collectio ipsarum quantitarum divisarum. Patet ergo numerum addere quidem aliquid substantijs numeratis, ipsam videl. quantitatem, quantitati verò nihil addere, sed esse ipsas quantitates collectivè sumptas, & ita S. Thomas intelligendus est. Vide Suar, d. 3. & 41. *Metaph.* His notatis,

*Ratio Conclusionis est 1. Auctoritas S. Thomæ 7. Metaph. Lect. ult. ubi, Compositum, inquit, sortitur speciem ab aliquo uno, quod est vel forma, ut patet in corpore mixto; vel compositio, ut patet in domo; vel ordo, ut patet in syllaba vel numero, &c.* Hoc loco expressissimè docet S. D. numerum esse unum unitate ordinis sicut domus, &c. at quæ tantùm sunt unum unitate compositionis artificialis, aut ordinis, certum est esse entia per accidens, nec poni in prædicamento, sicut nec domus, nec exercitus: dici tamen possunt unum per se *comparativè* ad illa multa, quæ nullum penitus ordinem habent, ut acervus, populus, ut ibi monet S. Th. Imò ne quidem unitatem ordinis numerus essentialiter habet, cum in numero nulla sit unitas, quæ petat prima aut secunda esse: & quam rogo unitatem ordinis habeant tres reges tot spatij terrarum divisi, Galliz, Hispaniz, Daniz? cur ergo numerus v.g. binarius magis unus magisque in prædicamento ponatur quàm acervus? quia acervus ut acervus non dicit determinatam aliquam multitudinem ut numerus quilibet finitus. Idem S. Th. c. 7. de Ent. & Ess. & opus. 42. c. 19 & q. 3. de verit. c. 7. ad 2. docet, concreta accidentium v.g. album poni tantùm *reductivè* in prædicamento, quia non sunt unum per se, at magis sunt unum quàm numerus, cum albo dicat intrinsecam & connaturalem unionem cum subjecto; in numeris autem nulla est unio; esto enim unitates omnes sint ejusdem prædicamenti, & habeant determinatam multitudinem, hoc non sufficit, ut numerus sit unus.

2. Quod est unum, vel est unum *simplicitate*, ut anima, vel unum *compositione & unione*: sed numerus binarius v. g. duorum

rum regum Gallix & Hispaniæ, nec est unus unitate simplicitatis, habet enim partes, nec unitate unionis realis, quæ enim est illa? imò quantitati discretæ unio repugnat.

*Dices*, esse in numero aliquam unitatem ordinis.

*Contra*; Hæc non sufficit ad constituendum ens per se, & prædicamentale, ut patet in exercitu & omnibus artefactis.

*Deinde*, si numerus consideretur ut in se est, ante omnem operationem intellectûs, nullum ordinem habet, nulla enim unitas, nullum granum in acervo v. g. 1000. granorum, & primum aut secundum, & quod à numerante primò accipitur, poterat secundò, poterat tertio, &c. quis ergo à parte rei in numero potest esse ordo, ubi nulla est ratio prioris & posterioris?

3. Multitudo transcendentalis entium, v. g. lapidum, non est ens per se unum, nec constituit veram aliquam speciem entis: entia enim non sunt ens: & multa non sunt unum; ergo nec multitudo prædicamentalis quantitatum constituit unum prædicamentale.

4. Ponamus numerum centenarium: hic numerus aut est unum per se omnibus unitatibus, aut unâ? non omnibus, quia impossibile est multa ut multa esse unum: non unâ aliquâ unitate, *quæ* enim quâ? primâ aut secundâ? & cur potius hæc quàm illâ? nec enim major est ratio de una, quàm de alia.

*Dices*, ideo numerum centenarium esse simpliciter unum, quia exigit determinatam multitudinem, nec potest illi vel unum addi adimive, quin tota species numeri, omnesque proprietates varientur: secùs in exercitu, acervo, &c. quod verò est essentialiter determinatum & formaliter indivisibile, utique est unum: quæ verò sunt indifferentia & divisibilia, vel sunt multa, vel ad multa.

*Re.* Hinc colligi tantum unitatem secundum quid: sicut enim linea centumipedalis esto sit finita & intra certos terminos conclusa, nec possit esse major minörve, non ideo tamen non est longa, & quia est longa & extensa, non potest esse non extensa. Ita & numerus centenarius esto habeat determinatam

eam multitudinem unitatum, tamen habet multas & divisas: si divitas, si multas, ergo simpliciter non est unus, implicat enim unum esse, ubi nec est unitas, nec est unio, imò nec aliquis ordo.

*Obijciunt* 1. Auctoritas S. Thomæ, qui multis locis dicit, numerum esse unum per se, non per accedens, & poni in predicamento. Vide 5. *Metaph. lect. 15.* & 1. 2. *lect. 3.* & 9. *de pot. 4.* 7. & 1. p. q. 11. a. 1.

R. S. Thomam concedere numero unitatem per se non absolute, sed comparative ad plura omnino non ordinata, ut populus & acervus, ut ex ipso S. Thoma jam supra ostensum. Idem quoque S. Thomas sapientissime docet, quod ultima unitas dat numero speciem & unitatem, quod si intellige, non quod in numero binario [v. g. sit à parte rei aliqua unitas, quæ magis sit ultima quàm alia, nulla enim talis est, sed quia binarius essentialiter habet aliquam unitatem ultimam, quæcunque illa sit, & terminativam, ultra quam addi alia non possit, salvâ numeri specie: & ideo illa unitas ultima habet rationem formæ, quia numerum determinat ad certam speciem, nec aliam unitatem post ultimam patitur, sicut nec forma aliam formam: ad hoc verò non requiritur, ut aliqua determinata sit unitas, quæ numerum claudat, sufficit numerum talem esse, ut essentialiter aliquam requirat: sicut & circulus essentialiter principium, medium, & finem habet, nulla tamen pars determinata in circulo est, cui ratio principij & finis debeat, quælibet sufficit: & materiæ debetur naturaliter aliqua forma, non tamen hæc, nec illa determinare. Hæc est mens D. Thomæ, hæc unitas numeri, ob quam sufficienter esse objectum Arithmeticæ potest, fundatque varias & demonstrabiles proprietates. De mirabili numerorum natura & proprietatibus vide Plutarch. *de plur. Philosoph. l. 1. c. 3.* & in libello de particula c. 1. Gell. l. 3. c. 10. S. Aug. l. 2. *de ord.* ubi multis laudibus effert Pythagoræ disciplinam, circa hui. Arith. l. 2. *de Coelo text. 51.* & 57 item 1. *Metaph.* & fusiùs l. 13. & 14 *Metaph.* & 3. *phys. text. 26.* ubi D. Th. Pier. l. 4. *phys. c. 7.* Corimbr. l. 1. *de Coelo c. 1. in explan. textus.* Plin. l. 28. c. 2. Galtruch. *Instit. Math. p. 3. c. 2.*

VII. *Queritur* 4. An Oratio ponatur directè in prædicamento Quantitatis?

*Resp.* Multò minùs Oratio est vera species quantitatis, sed tantùm metaphorica, eò quòd & ipsa habeat partes extra partes, tempore mensuretur, sit brevis aut longa, &c. consequenter nec ipsa directè ponitur in prædicamento.

*Ratio* est: In oratione hæc reperiuntur: *Sonus, vox, significatio, motus, tempus*, &c. At sonus & vox non sunt quantitates, sed qualitates. *Significatio* pertinet ad rationem signi ex humana institutione, quæ utique non est quantitas, sed denominatio extrinseca: *motus & tempus* aut non sunt species propriæ quantitatis, aut si sunt, quantitatis tantùm continuæ & successivæ.


VIII. *Queritur* 5. An Locus distinguatur à superficie, Tempus à Motu, Motus à mobili?

*Resp.* Locus non est distincta species quantitatis à superficie corporis ambientis: ambire enim non dicit novam quantitatem, sed tantùm applicationem & conjunctionem superficiæi ambientis. Vide S. Thom. 5. *Metaph. lect. 15.* Eodem modo nec Tempus, nec Motus sunt species quantitatis per se; sed tantùm per accidens, & *ratio* est, quia Motus non habet partes extra partes fluentes, extensâsque nisi per accidens, aut ratione formæ, quæ per partes fit, sive jam hoc ex imperfectione agentis proveniat, qui ob limitatam agendi vim non possit totam producere, sive ex resistantia contrarij: aut ratione fluxûs, moræque quâ partes decurrunt, & hic fluxus ac mora non à Motu sed Tempore sunt; Tempus verò non quantificat Motum, cùm parvo tempore magnus Motus & econtrâ fieri possit: aut denique ratione spatij, cujus magnitudo & distantia non vincitur nisi extensione, sive jam distantia sit localis, ut in Motu locali, sive gradualis, ut in Motu alterationis, & productione qualitatis. Quodsi nulla sit distantia (ut inter privationem & formam) non erit Motus aliquis & extensio, sed mutatio instantanea, cùm ergo Motus sit transitus de uno ad alium terminum, in tantum erit extensus, habebitque rationem quantitatis, in quantum est divisibilitas & distantia inter terminos, ergo Motus est quantus solùm per accidens. Et hæc ipsa est ratio, cur nec Tempus sit distincta species



Prædicamen =

tum Quan





cies quantitatis; Tempus enim nihil aliud est, quàm duratio Motûs, ergo tota extensio temporis est à Motu, ergo Tempus est quantum & extensum per accidens. Licet ergo Tempus habeat suam instantia successiva & fluentia, hæc tamen non sunt alia ab instantibus & indivisibilibus Motûs, quæ sunt ipsum *mutatum esse* in Motu: indivisibilia verò & instantia Motûs localis sunt ipsa indivisibilia spatij, vel termini acquisiti in spatio, connotando tamen successionem. Tota ergo extensio Temporis & Motûs tandem resolvitur in extensionem termini, & ita sunt quanta solum per accidens.

IX. *Queritur 6.* An Linea, Superficies, & Corpus sint veræ species quantitatis?

*Resp. Affirmative.* Ratio est, quia Linea est extensa secundum longitudinem, superficies secundum latitudinem, corpus secundum profunditatem; nec linea habet suam extensionem à superficie, sed potius econtrà: linea ergo non ideo est species Quantitatis, quia dicit carentiam latitudinis, hoc enim est mera negatio, sed quia dicit positivam longitudinem, eamque communicat superficiei: nec implicat ut una species ingrediatur compositionem alterius, nam & binarius componit senarium, & linea recta componit triangularem; nec enim implicat, ut species respectu sui completa & perfecta respectu alterius sit imperfecta & incompleta, & ita partes materiæ subeat, nam & quantitas, quæ est forma respectu figuræ aut alterius qualitatis, quam sustinet, est subiectum & materia.

Arbor Prædicamentalis Quantitatis præsentî schemate exhibetur.

X. *Queritur 7.* Quæ sint proprietates Quantitatis?

*Resp. Prima Quantitatis proprietas est, non habere contrarium.* Ratio est, quia contraria sunt, quæ sub eodem genere maximè distant, & se mutuo expellunt; species autem Quantitatis, quæ sub genere Quantitatis sunt, non se mutuo expellunt, sed potius se mutuo componunt, ut patet in linea, superficie, & corpore: imò cum Quantitas non sit activa, ut patet, sed sit commune subiectum omnium accidentium, omnibus potius amica, omniumque pariens, quàm contraria est. augmentatio quidem & diminutio sunt motus ad Quantitatem tendentes, sed

tamen non contrariè, sed privativè opponuntur; diminutio enim est amissio & corruptio ac delibatio Quantitatis jam habita.

*Secunda proprietas Quantitatis est, quod non recipiat magis & minus secundum intensiorem, bene autem secundum extensionem; una enim res pedalis non est magis quanta quam alia, & cum quantitas constituat partes extra partes, non potest intendi, sed tantum extendi, intentio enim est major & major penetratio, quo enim magis qualitas intenditur, eò magis ejus partes in subiectum penetrant. Est tamen aliquid in Quantitate, quod intensiōni & remissioni assimilatur, condensatio videlicet & rarefactio, levitas & gravitas, quæ quantitatem comitantur. Vide S. Th. 1. 2. q. 52. a. 2. ad 1. & 2. 2. q. 24. a. 5. ad 1.*

*Tertia Quantitatis proprietas est aequalitas, vel inaequalitas. propriè loquendo, quæ in specie conveniunt, vocantur unum, quæ in qualitate, similia, quæ in quantitate aequalia, quæ in alijs predicamentis, absolute convenientia. Aequalitas ergo propriè pertinet ad quantitatem, imò prout est fundamentum actualis relationis æqualitatis, nec distinguitur à quantitate: ipsa verò actualis relatio æqualitatis, quæ est inter unam & aliam quantitatem, non est utique proprietas quantitatis; si enim in mundo esset unum tantum corpus, nulli esset æquale: si duo, essent tantum æqualia aut inæqualia: æqualitas ergo & inæqualitas actualis non est proprietas quantitatis, sed tantum aptitudinalis. Vide de hac relatione æqualitatis Conimb. de predicam. quantitatis c. 3. a. 2. Duo pondera, sicut & duo motus, dicuntur æquales, partim propriè, ratione multitudinis & extensionis successivæ, partim impropriè, ratione ponderis & velocitatis: sicut enim datur quantitas perfectionis, ita & æqualitas perfectionis.*

*Aliæ sunt etiam proprietates quantitatis, ut esse mensuram, esse divisibilem, esse finitam, & infinitam, &c. quantitas enim tam continua quam discreta ex se nullum habet certum, fixumque terminum magnitudinis, aut multitudinis, quin augeri semper magis magisque possit; da enim mihi numerum tam magnum, cui unitas aliqua, aut lineam cui palmus adjungi non possit.*

Quan-

Quando ergo S. Thomas 5. *Metaph.* c. 13. lect. 15. & 1. p. q. 7. a. 3. dicit, infinitatem quantitati repugnare, intelligendus est de infinitate actuali, ut infra dicitur.



## §. VI.

## DE RELATIONE.

## Summaria.

1. *Varie Relationis divisiones.*
2. & 3. *An & quid sit Relatio?*
4. *Etsi negari haud, possit aliquas saltem Relationes realiter à suo fundamento remoto distinguere.*
5. *Gravis id tamen ita ampliatur, ut etiam realiter, aut modaliter à fundamento proximo asserantur distinguere.*
6. *Rationes adversariorum rejiciuntur.*
7. *Contingit sapius, plura unius Relationis subiecta subordinata esse.*
8. *Et econtrà plures Relationes in eadem substantia fundari, in quo casu Relatio cum substantia identificatur.*
9. *Relationes non inferunt processum in infinitum.*
10. *Rationem fundandi in utroque extremo Relationis distinguere necesse est.*

11. *Ex triplici fundamento referendi rectè & adequatè triplex relativorum genus confurgit.*
12. *Relatio predicamentalis requiritur necessario terminum actu existentem.*
13. *Terminus formalis Relationis non est altera Relatio, sed aliquid absolutum, tunc maxime, quando Relationes mutua non sunt.*
14. *Relatio specificam suam distinctionem à fundamento simul, & termino sumit.*
15. *Perfectius de Deo loquuntur, qui omnes Relationes reales ad creaturas ab ipso excludunt.*
16. *Quid inter Relationem predicamentalem & transcendentalem distinguat?*
17. *Relationes quâ tales etiam quoad conceptum Ad dicunt perfectionem, si supponas esse modos realiter à subiecto distinctos.*
18. *Varia relativorum proprietates.*



Erum creaturarum aliæ sunt *absoluta*, aliæ *relativa*: imò vix aliquam reperies, cui non aliqua ad aliam relatio sit, mutuo enim aut amore junguntur, aut discordiâ separantur: ab utroque relatio mutua, & respectus exurgit; hinc rerum omnium mirabilis connexio se mutuo aut amplexantium, aut repellentium, nam & cum repellunt junguntur. Sicut ergo in templo Salomonico Dei

Arcam duo Cherubini inumbrabant junctis invicem alis, defixisque in inutuū aspectū vultibus, ita in hoc Universo vix creaturam aliquam invenies, quæ non in aliam respiciat, & hunc mutuū aspectū, sœdusque creaturarum se incurrentium *Relationem* vocamus: album enim albo est simile, nigro dissimile: pollex pollicis æqualis, sed brachio inæqualis: ignis aëri amicus, aquæ inimicus, & infinitæ aliarum relationes.

I. *Quæritur* 1. Quotuplex sit Relatio?

*Resp.* Variæ sunt Relationis divisiones. Relatio *rationis* est, quæ rebus non inest, sed fingitur tantum inesse: tales sunt relatio Creatoris ad creaturam, similitudinis inter divinas Personas, speciei ad genus, individui ad speciem, &c. Relatio *realis*, quæ verè ac realiter rebus inest; verè enim Pater ad Filium refertur, simile ad aliud simile, &c.

Relatio *realis* alia est *secundum dici*, alia *secundum esse*, utraque *realis* est, sed cum discrimine: *secundum dici* verè refert unum ad aliud, sed tamen non distinguitur realiter à subjecto quod refert. Sic cognitio refertur ad objectum, imago ad prototypon, causa ad effectum, & tamen respectus cognitionis ad objectum est realissimè ipsa cognitio, hæc enim per se & immediatè est imago objecti.

Relatio *secundum esse* refert unum ad aliud, & realiter distinguitur ab eo quod refert, quia non immediatè fundatur in eius essentia; una v. g. albedo est alteri similis, quæ relatio non est albedo, potest enim esse albedo quæ non sit similis, ut si unica albedo in mundo divinitus ponatur: potest esse homo qui non sit pater; non autem potest esse vel una cognitio, quæ non sit imago objecti. Vide S. Th. 1 p. q. 13. a. 7. ad 1.

Relatio *secundum dici* est *transcendentalis*, quia cum rebus omnibus identificatur, & nihil est quod non dicat relationem saltem effectus aut causæ.

Relatio *secundum esse* est *pradicamentalis*, & plerumque sequitur relativa transcendentalia, quæ propriè loquendo sunt absoluta: ex eo enim quod cognitio sit essentialiter imago objecti, sequitur aliqua relatio similitudinis inter cognitionem & objectum.

Relatio prædicamentalis alia est *mutua*, ut inter patrem & filium: alia *non mutua*, ut relatio servitutis creaturæ ad Deum. Mutua alia est *Æquiparantia*, ut similitudinis, alia *Disquiparantia*, ut Paternitatis.

II. *Quæritur* 2. An dentur Relationes reales?

*Resp.* Dantur à parte rei veræ aliquæ relationes, sive jam illæ à fundamento distinguantur *realiter* sive non, de hoc enim nondum quæritur; aliud enim est dari substantiam aliquam realem, quæ sit rationalis, aliud eam distingui ab animali.

*Ratio est* 1. Negari non potest, à parte rei dari ordinem, dependentiam, convenientiam, similitudinem unius cum alio; atqui hoc est referri ad aliud.

2. Dantur in Deo veræ relationes, quibus una Persona Divina ab alijs realiter & relativè tantum distinguitur, ergo relatio *ut relatio* est aliquid reale, quæ si Deo non repugnat, multò minùs creaturæ, huic enim tanquam magis indigæ imperfectæquè minùs repugnat ad aliud referri, & ab alio dependere; & Pater in divinis ideo dicit relationem realem ad Filium, quia hunc generat: atqui eadem ratio in creatis militat.

3. Certum est dari ordinem in universo, qui tamen est perfectio accidentaria rebus addita, potestque salvâ earum substantiâ mutari; quid enim Saturno decedat, si sit infra solem? aut homini si non sit pater? ordo autem est relatio secundum prius & posterius, nec est ens rationis, sed reale, cum habeat rationem magni boni, ut patet in omnibus cum naturalibus tum artificialibus: si ordinem partium in homine turbes, erit monstrum, atqui bonum est non esse monstrum, ergo ordo bonus est.

Ex quo etiam patet, Relationem non esse denominationem merè extrinsecam, *tum* quia denominatio extrinseca non est ad aliud, sed in alio; esse enim visum est in colore, licet supponat actum visionis in vidente; *tum* quia denominatio extrinseca non habet ullam rationem boni & perfectionis, sicut relatio, ut patet in divinis, & etiam creatis. Vide S. Th. 1. p.

q. 13. a. 7. & q. 28. a. 1. & 2. & de Potent. q. 7. a. 9. & q. 2. a. 2.

*Dices* : Probabile est relationem à fundamento non distinguui, nec aliud esse relationem similitudinis duorum parietum in ratione albi, quàm coëxistentiam duarum albedinum, ergo probabile est, non dari ullum ens relativum; albedo enim & quodlibet fundamentum Relationis, est ens absolutum.

*Re. Negando consequentiam*; esto enim relatio similitudinis nihil aliud sit, quàm duæ albedines, istæ tamen, ut tunc si illes, non accipiuntur *absolute*, sed *relative*, & cum connotatione termini extrinseci: sicut ergo non sequitur: Forma rationalis in homine idem est quod forma sensitiva, ergo in homine non datur forma rationalis; ita, &c. Et quamvis similitudo sit idem quod albedo, potest tamen dici accidens albedini, quia huic accedit aliam albedinem esse, cui assimilatur, & terminus hujus relationis est extra albedinem, sicque denominatio similis absolute albedini contingit: sicut rationale dici potest accidens animalis.

III. *Quæritur* 3. Quid sit Relatio Prædicamentalis?

*Resp.* Relatio bene definitur, *Accidens, cum totum esse est ad aliud*. Per tò *ad aliud* excluduntur Relationes divinæ, & rationis: per tò *ad aliud* distinguitur Relatio prædicamentalis à transcendentali: utraque est ad aliud, sed diverso modo; Prædicamentalis enim est ad aliud ut purum terminum, quia nihil aliud circa terminum agit, quàm respicere, totum ergo esse illius est respicere, & respici: Transcendentalis verò est quidem ad aliud, sed non ut ad purum terminum; respicit enim vel causando, vel movendo, vel representando, vel uniendo, &c. & ita semper mutat perficive terminum: non ita prædicamentalis, paries enim albus dum aliteri assimilatur, eum nec perficit, nec mutat, &c. Unius ergo respectus sterilis est ac otiosus, & similis aquæ sollem spectanti, nec curanti: aliterius verò actuosus, sœcundusque, & quilibet struhioni esse dicitur, qui pullos videndo excludit; & iris, quæ solem respicit, & aspectu pingitur. In hoc ergo Relatio ab alijs accidentibus differt, quia non solum dicitur *in*, sed



etiam *ad*, quamvis enim tota sit accidens, & tota subiecto inheret, inherendo tamen subiectum ordinat, dirigitque ad aliud extrinsecum, quod non faciunt alia accidentia absoluta, & hoc est *totum esse ad aliud*.

IV. *Quæritur 4.* An Relatio distinguatur à suo fundamento remoto?

*Resp.* Non est dubium, aliquas saltem Relationes distinguí realiter à suo fundamento remoto, quod est subiectum Relationis. Ita S. Thomas pluribus locis, & est communis. Tales sunt relationes *æqualitatis, similitudinis, mensura, &c.*

*Nota*, ad Relationem hæc concurrere, 1. *fundamentum remotum*, seu subiectum Relationis, quæ subiectum denominat, v. g. paries albus denominatur alteri parieti æquè albo similis, ergo paries est subiectum huius relationis & fundamentum remotum.

2. *Ratio fundandi*, quæ est radix, ex qua relatio nascitur, & ob quam subiectum ad aliud ordinatur, v. g. albedo est ratio fundandi relationem similitudinis inter unum & alium parietem album.

3. *Fundamentum proximum* est ipsum fundamentum remotum unà cum ratione fundandi, v. g. paries ut albus.

*Ratio ergo Conclusionis* est, quia relatio v. g. similitudinis inter duos parietes nascitur ex albedine, sed albedo distinguitur à pariete realiter, ab eoque separari potest, ergo multò magis relatio similitudinis. Nec aliud voluit S. Thomas, ut proximè dicetur.

V. *Quæritur 5.* Quomodo Relatio distinguatur à ratione fundandi proxima?

*Resp.* Relatio non distinguitur necessariò nec *realiter*, nec *modaliter* à ratione fundandi proxima, similitudo v. g. quæ paries albus A est similis parieti albo B nihil aliud est, quàm ipsa albedo parietis A, ut connotans suum terminum: sive nihil aliud est, quàm coëxistentia duarum albedinum.

*Ratio est 1.* Auctoritas S. Thomæ in 1. d. 26 q. 2. a. 1. ad 3. *Cessat*, inquit, *Relatio, nullà factâ, mutatione in re ipsa, qua refertur. & opus.* 48. c. 2. de Relat.

*Relatio similitudinis non est alia res ab albedine.* Et de potent. q. 7. a. 8. in corp. Sine aliqua mutatione ejus, quod ad aliud refertur, potest relatio definire ex sola mutatione termini: hoc autem fieri non potest, si relatio esset modus superadditus: sicut enim quia albedo est aliquid superadditum homini, fieri non potest, ut homo desinat esse albus nec mutetur, & quia secundum Thomistas existentia est modus essentiae additus, fieri non potest, ut equus desinat existere, nec mutetur.

*Idem dicas de Relatione.* Si ordo in exercitu, si symmetria in partibus, si proportio in sonis, si in oculis similitudo cesset, fieri non potest, ut non illa omnia mutantur; nec enim major est mutatio de non albo in album, quam de non ordinato in ordinatum, de dissono in consonum, &c. Et 5. Phys. textu 10. Nihil advenit mihi de novo per hoc, quod incipio esse alteri aequalis per ejus mutationem. Idem repetit 3. p. q. 16. a. 6. ad 2. Sed omnium clarissimus est locus opusc. 48 c. 2. ubi: Cum dico quod similitudo Sortis habet albedinem ejus pro fundamento, non est intelligendum, quod similitudo Sortis est aliqua res alia ab ipsa albedine, sed solum est ipsa albedo ut se habet ad albedinem Platonis ut ad terminum: si enim similitudo adderet supra albedinem, nullo modo posset aliquis alicui fieri similis sine sua mutatione. Ita S. Thomas, ut mirari satis non possum, Capreolum, Cajetanum, Bannez, Complutenses, Joannem à S. Th. aliosque primæ notæ Thomistas contrarium docere, neque hoc tantum, sed etiam S. Doctorem in suas partes trahere, quasi vero hoc sit discipulum esse, magistrum trahere, non sequi. Allegant illi quidem S. Doctorem 1. p. q. 28. a. 2. & in 1. d. 33. q. 1. & d. 4. q. 1. a. 1. ad 3. sed planè solem in meridie quærunt: nec enim aliud locis citatis docet, quam increatis omne relativum includere absolutum, & ab hoc distingui: in rebus creatis aliud esse relationem, aliud substantiam, qua refertur, & ideo ex relatione & substantia resultare compositionem accidentis, secus ac in divinis: Relationes divinis non differre ab essentia, bene autem in creatis, &c. Quæ verba, ut cuilibet videre pronum est, indicant solam distinctionem Relationis à subiecto, non à ratione fundandi; hanc enim non distingui à Relatione, conceptis verbis docet S. Thomas opusc. 48. ut, quod opusculum D.

Thomæ legitimum partum esse agnoscit alijs negantibus Joannes à S. Thoma *hæc a. 4. & denique D. Thomas non esse*, quid facient tot alijs testimonijs, quæ opusculo consonant? Hanc ipsam ante S. Thomam sententiam tradidit S. Damasc. *in Diff. c. 50. S. Aug. l. 5. de Civ. c. 16. S. Ansel. in Monol. c. 24.*

2. Positis duobus albis, nullaque alia relatione, continuò & necessariò ad se referuntur, suntque similia, adeò ut nec concipi possint sine similitudine, nec ista divinitus impediri; impediri autem posset, si ab albis distingueretur, ut patet in omnibus realitatibus & modis; nulla ergo est necessitas distinguendi relationes à fundamento proximo, imò nec utilitas, ergo distinguenda non sunt; si enim sapiens nihil frustra operatur, imò prima ejus cogitatio ante opus est operi scopum, finemque præfigere, quantò magis Deus & natura Dei ministra? Si ergo relatio similitudinis inter duo alba sit modus distinctus ab albedine, aut dicatur, cur Deus non possit positis albis eum modum, suspendendo influxum, impedire, quò minùs resulteret: & si non resulteret, an illa duo alba non æquè sint futura similia ac nunc? & si non, quid illis desit, quid minus habeant, ut similia non sint? Non, *inquit*, se mutuò respicient, non ordinem reciprocum habebunt, verbo, non erunt *formaliter* similia, sed tantùm *fundamentaliter*, quia carent modo Relationis distincto, quo *formaliter* assimilantur.

*Contrà.* Pone ex una parte duos parietes albos omninò similes, & unà distinctum illum modum, quem ad formalem relationem necessariū esse dicis, ex altera parte pone duos alios parietes æquè albos, æquè similes, sed absque illo modo Relationis distincto, quæro jam, an duo ultimi parietes, quos dicis tantùm *fundamentaliter* esse similes, non æquè sint albi, non æquè sint similes ac priores? quodsi æquè albi, æquè similes, cur non æquè *formaliter* similes & relati ac priores? quæ enim *fundamentaliter* & *radicaliter* tantùm sunt talia, multùm ab ijs differunt, quæ *actu* & *formaliter*; quis enim non videat, palpètque discrimen inter domum formalem, & fundamentum domus? inter radicem floris, ipsūque florem? & si ferrum; aut alia quævis materia æquè calida esset sine actuali calore, cum

solo potenciali, quid opus esset ferrum calefacere? Cùm ergo duo patietes albi & què sint similes, impedito illo distincto Relationis modo, ac non impedito, non est ratio, cur potius uno modo sint *formaliter* similes, quàm alio: & cur distinctus ille modus sit necessarius aut utilis.

3. Relatio prioris & posterioris est utique vera, realis que relatio, consistit enim in ordine, additque magnam perfectionem ac pulchritudinem & toti universo (ut patet in motibus solis diurnis, & annuis, diei, noctisque alternatione) & multis rebus in particulari, ut in sonis, saltibus, picturis, &c. atqui hæc relatio non potest esse modus superadditus, hic enim ex sententia Adversariorum resultat ex positione termini: atqui terminus hujus relationis sæpè non est: ego v. g. sum posterior S. Petro & prior Antichristo, at neuter est, unde ergo novus ille modus relationis in me resultat potuit ex terminis non existentibus? nec enim mecum genitus est, cùm ad relationem non deur per se motus, unde ergo in me natus? aut ubi hæc relatio tot annorum decursu latuit, ut à Sancto Petro relicta mihi ex inopinato adhæreret? nec mihi tantùm, sed tot alijs hominum millibus? In nostra verò sententia id facile explicatu est, dicor enim posterior S. Petro, quia durationem habeo, quæ relationi posterioritatis identificatur, nec requiritur terminum existere, quia duratio successiva essentialiter dicit esse & non esse. Sunt qui dicant modos istos ad futura & præterita relativos, esse velut infinita specula, in quibus & futura & præterita & maximè distantia videri possunt, si Deus illa humano intellectui aperiret: sic Prophetis factum: Isajas v. g. vidit Messiam incarnandum in speculo Relationis modalis, quam Ezechias rex unus ex Messie progenitoribus ad hunc dicebat: sic in extremo judicio in cœlesti patria omnium relationum, quæ in quolibet infinitæ sunt, apertis speculis omnia nudatum, visumque iri. Magnum utique naturæ arcanum, si verum est.

*Alij sic* explicant: Relationes sunt libri historici & physici omnium eventuum, omniumque rerum, & præsentium & futurarum & præteritarum, tot verò volumina quot creaturæ, & in

singulis creaturis tot paginæ quot relationes, v g. Siquis Petrum ejusque relationes perfectè cognosceret, hoc ipso vitia & virtutes Alexandri perspecta haberet; aut enim est torrior aut timidior Alexandro? aut illi colore, temperamento, staturâ, vitij, virtutibus peior, meliorvè, similis, aut dissimilis? si similis, ergo cognitâ hâc relatione cognosceret omnia in quibus illi similis, item si dissimilis: sicut cognosci non potest duos parietes esse similiter albos non cognitâ utriusque albedine, sic posita hypothesis, Petrum in ijs circumstantijs futurum, in quibus Alexander cum Darii vicir; aut Petrus æquè fortiter ac Alexander pugnâset, aut non pugnâset? si æquè fortiter, qui videret hanc æqualitatem hypotheticam, videret una Alexandri fortitudinem &c.

Relationes ergo sunt impressi à natura rerum omnium animales, qui modò velut sub theca latent, tunc legendi, & videnti, cum *videbimus Deum* & naturam *sicuti est*. Hinc etiam sequitur, quòd non possit vel unica relatio cognosci, nisi cognitis omnibus quæ in mundo sunt; quidquid enim est, habet ordinem & proportionem cum toto Universo, & singulis universi partibus, sicut in concentu Musico unus Sonus dicit proportionem & harmoniam ad omnes sonos, & ita vel uno à debita consonantia exerante tota Musica corrumpitur, nec potest unius soni proportio in sensum cadere, quin cadant & alij soni.

4. Cum nascitur flos in India, ego relationem ad hunc florem dico æqualis distantia, dissimilitudinis, &c. At quæ causa productiva huius novæ relationis ostendi potest? mea enim substantia indifferens erat, quis eam determinavit, ut tam subito conciperet, parerétque? terminus fortè huius relationis tanquam conditio necessaria ut relatio resulter? at quomodo potest conditio tam distans determinare? & quidem uno momento? & ad infinitas relationes? *demde* quomodo terminus fundamentum determinat ad huiusmodi productionem? ut causa? ut objectum? at hæc in tantam distantiam, & per tot impedimenta non agunt: ut putus terminus? ergo nihil agit circa fundamentum, sed relinquit æquè, ut antea indifferentem, indeterminatum adhuc modum producendum vel non producendum: etiam actio est  
mo-

modus, & tamen quis dicat, agens aliquod creatum v. g. arborem determinari ad modum actionis, & germinationis per motum, calorem, influxumque solis apud Antipodas æstatem agentis? quod si sol apud Antipodas lucens non potest determinare arborem ad modum actionis, quare possit musca apud Antipodas volans determinare non unam tantum sed mille arbores ad productionem relationis, similitudinis, dissimilitudinis, distantie? & ubi sunt signa & experientia rei tam incredibilis, prodigiosa, ac sine exemplo? Sol quidem & objecta suam lucem ac species sensibiles per infinita spatia momento diffundunt, non tamen si obstant corpora opaca, aut alia impedimenta diffusioni; & ideo sol infra horizontem immersus nobis non lucet: multò minùs nullo per medium influxu rem distantissimam, nullòque à se radio aut influxu tactam determinat ad agendum, quæ tamen miracula omnia, & Relationi, & hujus termino conceduntur.

5. Anima rationalis est imago Dei, ut fides docet; aufer ab illa omnem modum relationis distinctæ, aut saltem mente præscinde, & relinque solam animæ substantiam, tunc sic argumentor: Substantia animæ præciso omni modo distincto est intellectiva, ergo præciso omni modo est magis Deo similis, quàm formica, ergo præciso omni modo dicit relationem similitudinis.

*Dices*, esse magis similem *fundamentaliter*. *Contra*: similitudo *formalis* est convenientia in eadem forma specifica, saltè *analogicè*: atqui præciso omni modo distincto Deus est intellectualis, & anima rationalis est intellectualis (nec enim hoc à modo habent) ergo præciso omni modo Deus & anima conveniunt in eodem gradu analogico, ergo præciso omni modo sunt *formaliter* similes, aut dicatur, quid ergo sit *formalis* similitudo, si non est convenientia in eadem forma specifica?

6. Homo per suam entitatem præciso omni modo *formaliter* non est equus, ergo per suam entitatem præciso omni modo distinguitur *formaliter* ab equo (nihil enim est aliud *formaliter* distingui quàm *formaliter* unum non esse aliud) ergo per suam entitatem *formaliter* præciso omni modo dicit relationem distin-

tionis, & diversitatis, nec enim minùs est relatio distinctio-  
nis unius ab alio, quàm dissimilitudo, diversitas, inæqualitas,  
&c.

*Dicitur*, præciso modo Relationis hominem ab equo *fundamen-  
tali* tantum distingui.

*Contra* *Primo* facit argumentum positum, quod convin-  
cit de formali.

*Secundò*. Si præciso omni modo homo tantum *fundamen-  
tali* ab equo distinguitur, ergo actu non distinguitur, quid  
absurdus?

*Tertiò*. Esse idem est non distingui; perinde enim est si dicas:  
*Animal est idem quod rationale: &: Animal non distinguitur à rationali;*  
ergo esse idem & distingui sunt termini contradictorij, & cui  
unus terminus non convenit, alter conveniet: si ergo homo  
tantum *fundamentali* & *virtuali* ab equo distinguitur, non ve-  
rò actu & *formali*, ergo actu & *formali* est idem cum equo;  
quod enim non distinguitur actu, est idem actu; sicut lux so-  
lis quia *virtuali* tantum est calida, non actu, ideo actu est non  
calida, hoc est, caret actuali calore: & quia Petrus Cardi-  
nalis actu non est Papa, sed tantum *virtuali*, ideo actu est  
non Papa, hoc est, caret Papatu. Similiter si homo præciso  
modo distincto relationis adhuc est homo, & tamen actu & *for-  
mali* ab equo non distinguitur, sequitur quòd homo manens  
homo sit actu & *formali* idem quod equus (quidquid enim *for-  
mali* & actu ab equo non distinguitur, *formali* & actu est i-  
dem cum equo) quid autem posset absurdius & fabulosius,  
quàm hoc dici? posse videlicet hominem vel esse, vel concipi,  
qui sit actu idem cum equo?

7. Pone in duas lances ejusdem libellæ duos nummos,  
aureum & semiaureum; præscinde ab illis omnem modum di-  
stinctæ relationis, eritne semiaureus inæqualis aureo, an non  
erit? si erit, ergo relatio inæqualitatis non est relatio à duobus  
quantitatibus distincta: si non erit, cur igitur aureus lam-  
cem degravat, & semiaureum attollit? cur plus in uno pon-  
deris, quàm alio?

*Dicitur*.



*Dices*, sublatâ relatione aureum tantum *fundamentaliter* esse semiaureo æquale, non *formaliter*.

*Contra*: Esse *formaliter* inæquale est unum plus quantitatis habere, quàm aliud: sed sublato omni modo distinctæ relationis aureus adhuc plures partes quantitatis habet, quàm semiaureus.

*Dices*, æqualitatem *formaliter* dicere ordinem unius ad aliud, hunc verò ordinem *actu* non esse, sublato eo modo distinctæ relationis.

*Contra*: Sublato omni modo distincto aureus habet maiorem quantitatem quàm semiaureus, ergo sublato omni modo aureus est *formaliter* maior, ergo aureus sublato omni modo dicit ordinem ad semiaureum, ergo sublato omni modo distincto aureus dicit relationem ad semiaureum.

8. Multæ Deo relationes adveniunt deceduntque Deo immutato, & ab illo indistinctæ ex sola termini positione, dicitur enim Deus major Petro, quem creavit, perfectior, dissimilis, &c. cur ergo non æquè possint creaturæ advenire, & ab ea non distingui? Quamvis enim relatio similitudinis à Petri albedine non distinguatur, non ideo Petrus erit Deus: sicut non ideo anima rationalis est Deus, quia habet unionem indistinctam, & gradum sensitivum à rationali æquè indistinctum.

VI. *Obijciunt* Aristoteles, alijque Philosophi, qui contra Zenonem & Ochamum relationes defenderunt, id utique defenderunt, quod illi negabant: sed negabant tantum relationes à suis fundamentis distinctas; ergo Aristoteles, alijque affirmant dari Relationes distinctas. *Minor probatur*; nemo enim illorum fuit tam insanus, oculis ac mente captus, qui negaret dari duo alba, & hæc esse similia.

*Idem*. Zenonem & Ochamum negasse relationes prædicamentales, à transcendentalibus distinctas, quæque consisterent in puro meròque respectu, & ideo ab Aristotele, alijsque impugnatos.

*Obijciunt* 2. Ex omnium Philosophorum sententia Relatio habet esse minimum, debilissimum & tenuissimum, ergo est modus;

duſ; alioqui ſi eſſet ſubſtantia aut accidens abſolutum, eſſet omni ente, modaliter ſaltem, perfectior.

*Re.* Relationem ut diſtingitur *ratione & virtualiter* à fundamento abſoluto, meritò vocari ens imperfectiſſimum, quia *ut ſc* eſt mera formalitas, non verò realitas: imperfectio igitur & tenuitas Relationis in hoc conſiſtit, quòd ſit ens fluens, mutabile, vagum, momentaneum: quòd nullos habeat ſenſibiles effectus, non agat, non mutet, dependeat à termino extrinſeco, ſitque merus reſpectus ad aliud tanquam purum terminum, nihil accipiendo, nihil dando. Vide S. Thom. *l. 4. cont. Gent. c. 24.*

*Obijciunt* 3. S. Thomas multis locis docet relationem eſſe accidens, & per hoc à relationibus divinis diſtingui, ergo S. Thom. ſentit relationes à ſubjecto diſtingui. *Antecedens probatur ex 1. ſent. d. 2. q. 1. a. 5. ad 2. & d. 20. q. 1. a. 1. & d. 21. q. 1. a. 2. & præteritum l. 4. cont. Gent. c. 14.*

*Re.* S. Thomas *q. 7. de pot. a. 8.* expreſſè negat relationem eſſe accidens diſtinctum à fundamento, ut ſuprà oſtenſum; in locis verò citatis nihil aliud vult, quàm pleraſque relationes creatas à ſubjecto tantum & ſubſtantia (ſemper enim his terminis utitur) non verò à fundamento diſtingui, quod veriſſimum eſt; ſerè enim ſemper relatio creata ſubjecto mutationem aliquam intrinſecam affert, extrinſecam verò ſemper ex parte termini, quæ mutatio extrinſeca licèt ſubjectum non afficiat, ſemper enim arguit ejus imperfectionem, ut patet in relatione diſtinctionis, per hoc enim quòd homo non ſit equus, multis perfectionibus caret, quæ ſunt in equo; ſecùs in Relationibus divinis, ubi ne quidem ex parte termini reperire eſt aliquam contingentiam; non enim accidit Deo Patri habere Filium, vel dari Filium, ſicut accidit Petro dari Paulum, à quo actu realiter diſtinguatur. Hæc mens S. Thomæ.

*Obijciunt* 4. Pone duos parietes albos utrimque ut *b. ſi* utrimque addas unum gradum albedinis, creſcet albedo, ſed non creſcet ſimilitudo (duo enim parietes albi ut *b* ſunt æquè ſimiles ac duo albi ut *7*) ergo relatio ſimilitudinis non eſt item quod duæ albedines, aliàs iſtis creſcentibus creſcerent & illæ. *Rurſus ſi* duo parietes ſint æqualiter albi ut *b* & uni addas unum albedi-

nis gradum, augetur albedo, decrefcit relatio, ergo hæc non eft illa. Sic in corpore humano v.g. in pulchra facie, fi uni oculo major perfectio, quàm alteri accedat, v.g. fit major, purior, micantior altero, crefcit pulchritudo unius, & tamen decrefcit proportio, & ordo totius vultûs, ergo non eft idem pulchritudo *absoluta & relativa* oculi, alioquin hæc non deficeret crefcente illâ. Sicut quia album *formaliter* eft albedo, implicat auctâ albedine non fieri aliquid magis album. *Eodem modo*, efto res aliqua abfolutè & feorfum fumptæ fint minimæ, poteft tamen effe maxima pulchritudo, ordo & perfectio partium relativa. Quid minus puncto? in illo tamen totus orbis libratur: quid minus extremo narium mucrone? fi demas, tota in facie perijt pulchritudo: quid femitonio exilius? ex illo tamen tota Muficæ pendet harmonia: cùm ergo perfectio abfoluta & relativa prædicata contradictoria habeant, non poffunt identificari, poteft enim perfectio abfoluta effe maxima, relativa minima, & *econtra* perfectio abfoluta poteft crefcere, & relativa decrefcere, &c.

R. Cùm dicimus relationem fimilitudinis inter albedinem A, & albedinem B, effe idem cum fundamento, non intelligimus identificari cum folo A, vel cum folo B, fed cum A. ut connotat B, & nihil aliud effe, quàm albedinem A. ut connotantem albedinem B. fi ergo albedini B. gradum addas, qui non fit in A. quoad hunc gradum B. eft diffimilis A. quia non reperit in A. gradum fibi correfpondentem, fed potiùs ejus negationem, quæ fundat diffimilitudinem. Dux albedines ut 4. & dux ut 8. funt æquè fimiles, quia ultimum par albedinum eft primo fimile per hoc, non quòd fit major aut minor albedo, fed quòd utraq; fit relatio ad terminum omnino correfpondentem: albedo ergo *per accidens & materialiter* fe habet in relatione, quæ eft inter duas fimilitudines: Nota ergo fimilitudinem inter duo alba effe convenientiam in una qualitate, quantò ergo major unitas qualitaris, & graduum, tantò major fimilitudo: fi verò omnimoda graduū unitas & paritas, erit omnimoda & fumma fimilitudo, quæ nec divinitus augeri poffit; duo verò alba ut 4. funt fumme fimilia, & ideo duo alba ut 8. non poffunt magis effe fimilia, utrimque enim & perfectâ & omnimoda eft unitas & paritas graduum: crefcente ergo albedine utrimque à gra-

du 4. usque ad 2. non crescit similitudo, quia hæc non est simpliciter albedo, sed albedo ut connorans terminum, terminus autem non permittit augeri similitudinem, aut minui, quia cum participet eandem qualitatem, totidémque gradus, fundat omnimodam similitudinem, æquè ac duo alba ut 4. quæ etiam sunt summè similia, & ideo non admittunt maiorem similitudinem: hæc ipsa est ratio, cur quatuor sint æquè numerus par, ac octo, etsi octo plures numeros pares includit. Minima perfectio absoluta potest facere maximam relativam, quia potest considerari cum respectu ad omnes partes & sine: si cum respectu ad omnes partes, jam istæ sunt terminus & conditio, ex cuius positione resultat illa major pulchritudo, non ut modus distinctus (stultum enim sit dicere pulchritudinem: quæ est flos quidam & pretium rerum, & maxinia universi, naturæ, omniumq; artium perfectio, mater admirationis & amoris, in modo consistere, qui omnium confessione est imperfectissimus & vilissimæ entitatis, & vix cadit in cognitionem) sed ut entitas ipsa absoluta, comparata tamen ad terminum ut ad *conditionem sine qua non*, perfectio illa in rebus esset: si enim lux in tor colore pulcherrimè vertitur ex sola dispositione speculi, aut vitri cui incidit, & si Genius ille à Parrhasio pictus varijs spectatoribus varius apparebat, flens, ridens, blandus, torvus, mitis, ferox, puer, senex, prout hinc, vel illinc directis, aut obliquis oculorum radijs tangebatur, cur non idem de ente absoluto dicatur, quod ex varia ad suum terminum applicatione aliam & aliam perfectionem explicat, ostenditque, quam non ostenderet sublato termino. Non tamen requiritur physica termini applicatio, quia relatio à loco non pender, sed dicitur solum duorum coexistentiam, & ideo filius distantiam non definit esse filius, nec paries parietis similis.

*Obijciunt* 5. Sint duo parietes similes albedine, paries A, & paries B. destructo pariete B manet tota albedo parietis A: non tamen manet similitudo, & relatio; ergo hæc separari potest ab albedine, ergo non identificatur, separatio enim est signum distinctionis realis

R. 1. S. Thomam expressè docere; posse Relationes à fundamento proximo separari, nullà facta mutatione in ipso fundam-

fundamento, sed solum ex parte termini, si autem non mutatur fundamentum, ergo nihil illi cessante Relatione decedit, ergo Relatio non est accidens distinctum à fundamento. Vide 3. p. q. 16. a. 6. ad 2. Potestque hæc S. D. Sententia probari quamplurimis exemplis, quæ negari haud possunt. Columna eodem modo stans & immutata deambulante solum homine aut muscâ circumvolante sit dextra aut sinistra: eadem numero comestio sub meridiem facta prandium est, quæ ad vesperam sumpta cæna fuisset: Deus jam creat, jam non creat nullâ sui mutatione: eadem actio creativa sit conservativa, variato solum tempore: eadem entitas, idem actus in Deo est amor & odium creaturâ solum mutatâ, &c.

Et ratio istorum est, quia quando aliquod nomen ita utrumque significat, ut alterum consignificet, destructo connotato, nomen ne principale quidem connotabit, v. g. creare significat Deum principaliter ut creantem, & creaturam; hujus productione cessante Deus non ampliùs creans denominatur, quamvis ei nihil decedat.

§. 2. Destructo igitur pariete albo B, paries A non ampliùs dicitur similis, non quia modus aliquis aut realitas ei decessit, sed quia terminus & connotatum sublata sunt: tota ergo Relationis entitas in pariete A superstes est, sed effectum suum formalem & actum ac denominationem non exerit defectu necessariæ conditionis, & connotati, hoc est, termini; cum enim ille effectus sit relativus & ad aliud, conditio sine qua non est necessariò extrinseca: exemplum est in anima rationali, quæ licet tota sit in oculo, non tamen oculum denominat ens intellectivum & rationale: & gratia sanctificans licet realiter & entitativè lapidi uniatur, non reddit lapidem Deo gratum. Posito termino Relationis continuò suum effectum formalem Relatio producet, & reddet parietem A similem parieti B. Sicut ergo eadem anima subiectis variè dispositis varios effectus formales & denominationes tribuit, aliud enim informat tantum, aliud vegetat, aliud sensu, aliud ratione, aliud omnibus donat: & sicut lux in nubem aut crystallum trigonam varièque dispositam excepta alias partes aliter & aliter colorat, ita qua-

litas pro varietate termini & connotati subjectum aliter aliterque ordinat refertque, & si dispositiones sint intrinsecæ, subjectum intrinsecè perficit; si extrinsecæ: perficit extrinsecè, & hanc vocamus Relationem.

*Obijciunt* 6. Eodem igitur modo dicemus intellectum de novo cognoscere, voluntatem amare, &c. per solas connotationes objecti, specierum, organizationis potentiar, &c.

*R.* Negando paritatem, hi enim sunt actus vitales, vita autem consistit in motu ab intrinsecò, & non in sola relatione ad aliud, aut connotatione.

*Negant* quidem aliqui has connotationes, & dicunt Relationem v. g. patris ad filium non esse solum patrem, sed esse patrem & filium, & cum utroque identificati. Sed melior est sententia connotata statuentium; in divinis enim perfectissimæ sunt relationes, & tamen certissimum est, Patrem in divinis ut Patrem non includere Filium, sed realiter à Filio distinguui, nec esse unam, sed duas relationes Patris & Filij.

*Deinde* si Relatio similitudinis v. g. identificatur cum albedine *A* & *B*. sequitur contra omnium Philosophorum sententiam, in relatione nullum posse terminum aut subjectum assignari; non enim erit albedo *A* terminus relationis, quia ante & præter albedinem *A* nulla est relatio, quæ terminetur: idem dicat de albedine *B*. nec major ratio erit cur potius *B*. sit terminus quàm *A*. cum utrumque sit relationi identificatum.

*Denique* Relatio non erit ens unum, sed essentialiter ex multis compactum, quemadmodum fascis illa sagittarum, quas Turcæ, cum Thessalonicam obsiderent, in urbem coniecere, quæque alendo igni totum mensem sufficere: paries enim *A* non tantum est similis *B*, sed infinitis rebus albis, ergo essentialiter in tua sententia componitur ex omnibus illis; ergo relatio non est una res, ut hætenus omnes sensere, sed actus ex rebus infinitis composita.

Breviter suprà notavimus, ad relationes tria requiri, subjectum, fundamentum, terminum: jam de singulis dicendum.

VII. *Quæritur 6.* Utrum possint esse plura subjecta ejusdem Relationis?

*Resp.* Possunt esse plura subjecta unius Relationis, sed subordinata & diversarum rationum, v. g. Relatio similitudinis proximè est in qualitate, remotè in quantitate, remotiùs in substantia: & ita verissima est sententia D. Thomæ, relationes à subjecto distingui: propriè tamen relatio proximum subjectum afficit & adæquatum, quod est compositum ex supradictis.

VIII. *Quæritur 7.* Utrum etiam substantia possit esse fundamentum proximum Relationis?

*Resp.* Multæ relationes fundantur immediatè in substantia, & non in accidentibus, in quo casu relatio identificatur cum substantia. Ita S. Thomas 1. p. q. 28. a. 1. ad 2. & q. 7. de pot. a. 9. ad 4.

Et ratio est, quia tanta est convenientia inter duas naturas substantiales ejusdem speciei, tanta proportio, quanta inter duas albedines & quantitates: rursum tanta est diversitas inter duas formas substantiales speciei distinctas, quanta inter nigredinem & albedinem, quantitatem palmarem & bipalmarem, ergo æquè inter substantias, præcisè etiam accidentibus, admittenda est relatio identitatis, proportionis, diversitatis, distinctionis, ac inter accidentia admittitur relatio similitudinis, dissimilitudinis, &c. Et relatio creationis formaliter sumpta est prædicamentalis, teste S. Thom. q. 7. de pot. cit. & tamen immediatè in substantia creaturæ fundatur, quæ à Deo dependet, ejusque actionem terminat.

*Dices:* S. Thomas q. 8. de pot. a. 2. ad 1. & 4. cont. Gent. c. 14. negat ullam relationem creatam posse idem cum substantia esse, sed esse necessariò accidens substantiæ.

*R.* Jam suprà dixi, quæ mens sit D. Th. quando dicit omnem relationem creatam esse accidens, intelligendus est vel de relationibus, quarum ibi est mentio, videl. Paternitate, Filiatione, &c. vel ut dicit in Corp. a. cit. quia Relatio ut talis dicitur Ad hoc est, rem subjecto extrinsecam, & ei planè contingentem, quâ ratione verissimum est, omnem relationem creatam in suo conceptu formalissimo & specifico Ad semper involvere aliquid contingens & extrinsecum subjecto quod refertur: secus est in relationibus divinis & notionalibus.

IX. S.



IX. Nota. In relationibus non dari processum in infinitum. S. D. 1. p. q. 42. a. 1. ad 4. sequitur ex dictis, & ratio est, tum quia relatio identificatur cum suo fundamento, fundamenta vero non sunt infinita, sed unum, nec enim in uno pariete v. g. sunt infinitæ albedines: tum quia fundamentum est causa relationis, causatum autem series non potest esse infinita, aliàs deveniri nunquam ad effectum posset, cùm infinitum pertransiri non possit.

X. *Queritur 8.* An ratio fundandi in fundamento debeat esse distincta à ratione fundandi in termino?

*Resp.* Oportet rationem fundandi in utroque Relationis extremo *realiter* distingui: si ergo eadem numero albedo divinitus in duobus parietibus ponatur, non erit illic relatio realis. S. Th. 1. p. q. 42. a. 4. ad 3. Ratio est 1. quia alioquin admittenda esset relatio æqualitatis inter divinas personas, quæ sit realis, non obstante identitate essentiz, quod meritò negat S. Thomas citatus.

Ratio 2. Relatio non distinguitur à ratione fundandi, sed alia est relatio in pariete A. ad B. alia B. ad A. sibi enim relativè opponuntur, ergo & alia ratio fundandi. Relatio ergo ejusdem ad seipsum non est relatio realis, sed rationis: & idem dic de relatione inter duos parietes eadem numero albedine imbutos, erit enim illic identitas, non similitudo.

XI. *Queritur 9.* Quot sint fundamenta, ex quibus oritur Relatio?

*Resp.* Bene Aristoteles 1. 5. *Metaph.* c. 15. ex triplici fundamento tria genera relativorum constituit, & ad illa omnes relationes revocavit. Vide S. Thom. 1. p. q. 13. a. 7. & q. 25. a. 1. & 2. contra Gent. c. 11.

In primo genere sunt relationes, quæ fundantur in Unitate vel Multitudine. In unitate fundantur *æqualitas, similitudo, identitas specifica, presentia, propinquitas*. In Multitudine seu numero fundantur omnes relationes, quæ aliquo modo ab unitate recedunt: ab unitate, inquam, non tantum *quantitativa*, sed etiam *entitativa*: tales sunt relationes, & proportioniones inter numeros inæquales, v. g. *excedens, multiplex, dupli, tripli*. Vide Aristot. 5. *Metaph.* c. 15. & ibi S. Thom. *lect.* 17. Item relationes *disjunctivæ*,  
dantis,

*divis, inaequalitatis, distinctionis, diversitatis, &c.* Relatio ergo æquantivus v. g. in hoc fundatur, quod unus paries v. g. non plures habeat partes quantitatis quàm alter; ratio verò inæqualitatis, quod unus paries habeat plures, quàm alter: similitudo in hoc, quod unus paries v. g. habeat eandem formam specificam, quàm alter, & quamvis *non habere tot partes*, sit negatio, unitas etiam specifica dicat negationem, & secundùm aliquos non sit realis, sufficit tamen fundamenta istarum negationum & unitatum esse realia. Sufficit etiam ad similitudinem imperfectam unitas generica. S. Thomas 1. p. q. 26. a. 1. ad 2. Sicut enim diversitas individualis non tollit unitatem & similitudinem specificam, ita nec diversitas specifica tollit unitatem & similitudinem genericam. Sicut tamen unitas specifica includit genericam, ita similitudo specifica genericam. Imò & unitas analogica sufficit in analogis eandem rationem analogam intrinsecè participantibus, habet enim similitudo suos gradus, & creatura est imago & similitudo Dei. Vide S. Thom. 1. p. q. 4. a. 3. ad 4. & q. 93. a. 1. ad ult. & de pot. q. 7. a. 6.

In secundo genere Relationum ponuntur illæ relationes, quæ fundantur in potentia agendi, & patiendi, vel in actionibus earum, v. g. calefactivum & calefactibile subiectum: calefaciens & calefactum: aliæ verò fundantur in præsentī, v. g. calefaciens & calefactum: aliæ in actione præterita, ut relatio patris; aliæ in futuro, v. g. quod est calefacturum & quod est calefaciendum. Hæc sunt exempla Aristotelis s. *Metaph. c. 15*. Ceterùm relationes, quæ fundantur in actione futura, non sunt reales, sed tantùm rationis & metaphoricæ, quia carent fundamento reali, actio enim futura nihil est.


*Relatio Paternitatis* immediatè recipitur in substantia patris, hæc enim absolutè denominatur, & non potentia aut actio generandi: & si à patre omnia alia præscindas, solamque eius substantiam & filij relinquant, verè & propriè pater denominabitur. Quamvis ergo generatio activa sit ratio fundandi hanc actionem, ut docet S. Thomas multis locis, in ea tamen relatio non recipitur, quia est forma imperfecta & transiens, nec est necessaria relationi in facto esse, sed tantùm in fieri, id enim commune est omni


omni causæ univocæ, qualis est pater respectu filij, ut ab ea effectus non dependeat, nisi tantum in fieri. Mortuo filio velut sublato termino definit relatio paternitatis, quod etiam commune est omnibus relationibus prædicamentalibus; non ergo est, sed fuit pater. Eadem ergo relatio, quæ in instanti generationis patrem, ut agentem, & ut patrem ad filium ut filium & effectum refert, eadem transactâ generatione perseverat, & partem denominat non amplius ut agentem, sed ut patrem, quia relatio paternitatis cum ab actione in conservari non pendeat, eâ transactâ non est ut cesset, vel in aliam mutetur.

*In tertio genere Relationum* ponit Aristoteles relationes mensurabilis ad mensuram, v. g. scientiæ ad scibile, intellectus ad intelligibile, aspectus ad spectabile, &c. Huc ergo pertinent omnes relationes creaturæ ad Deum, & objectorum ad suas potentias, habitus, actus, &c. omnium quoque specierum ad primam & perfectissimam speciem tanquam regulam & mensuram illarum perfectionis: ratio ergo fundandi in hisce relationibus est intima cujuscunque rei perfectio, secundum quod est mensurabilis ab aliqua perfectiori; esto enim color v. g. sit qualitas imperfectior visione, ut tamen huius est causa exemplaris & specificativa, est utique perfectior, & mensura visionis, & ideo relationes huius tertij generis ex parte tantum unius extremi sunt reales, visio enim refertur ad colorem, color verò non refertur ad visionem tanquam mensurabilis, nam tanquam causa & simile refertur; sed ut sic dicit relationem secundi & primi generis. Hic ergo mensura sumitur non prout est medium, quo deducimur in cognitionem alicujus ignotæ quantitatis (sic enim ratio mensuræ nihil addit reale) sed prout dicit habitudinem aliquam transcendentalem & dependentiam unius ab alio, in quo respectu transcendentali fundatur deinde relatio prædicamentalis huius tertij generis, modò tamen terminus vel objectum, quod dicitur esse mensura, existat, alique conditiones relationi prædicamentali necessariæ, quod pro omnibus relationibus bene notandum est.

Ex his jam patet Divisionem Relationis in tria illa membra sufficientem & adæquatam esse, nulla enim est relatio prædicamentalis

## Prædicator





dicamentalis, quæ revocari eò non possit, & desumitur ex tribus modis universalibus entis, qui sunt *idem & diversum: potentia & actus: perfectum & imperfectum.*

XII. *Quæritur 10.* Utrum ad Relationem prædicamentalem sit necessarium, terminum actu existere?

*12.* Ad Relationem prædicamentalem requiritur terminus actu existens, nec sufficit possibilis. Est communis. Vide S. Thom. 1. p. q. 13. a. 7. & q. 28. a. 1. ad 2. & 2. contra Gent. c. 12. ratione 3. & q. 3. de pot. a. 3. ad 5.

*Ratio est 1.* Quia per hoc distinguitur relatio prædicamentalis à transcendentali: utraque quidem est ordo unius ad aliud: est nexus unius cum alio; sed transcendentali non repugnat esse ad aliud quod actu non est, quia potentia est ad ens possibile, & durat actu impedito, & ideo scientia est de non existentibus, & potentia de non productis.

*Ratio verò dispariatur* est, quia relatio transcendentalis non est pura relatio, sed est formativa sui objecti, non ergo ab huius existentia pendet; relatio verò prædicamentalis non facit terminum, sed ab eo purè dependet.

2. Relatio prædicamentalis in re est ipsum fundamentum, indifferens tamen ad denominationem relativam, quam subinde habet, subinde non habet, ut verò habeat, oritur ab existentia & positione termini connotati, quo sublato perit denominatio relativa.

3. Relatio prædicamentalis ne concipi quidem, nec definiri sine termino actuali potest, & ideo est communis omnium sententia, terminum pertinere ad conceptum quidditativum Relationis, nec divinitus dari posse relationem sine termino actuali, quia relatio nihil aliud est, quàm fundamenti & termini coexistentia.

4. Denique quia relatio prædicamentalis non resultat ex fundamento, sed ex termino, fundamentum enim separari potest à relatione, ergo terminus necessarius est: non ergo albedo actu existens dicit realem relationem ad albedinem tantum possibilem.

XIII. *Quæritur II.* Utrum Relatio tendat ad terminum ut absolutum, vel ut respectivum?

*Resp.* Relationis terminus *formalis & essentialis* non est altera relatio, sed aliquid absolutum, saltem in relationibus non mutuis, v. g. creatura refertur ad Deum Creatorem, non quod in isto sit aliqua relatio ad creaturam; nulla enim est, sed quia Deus illam creat.

*Nota*, terminum Relationis prædicamentalis 'duo dicere, unum quod actu terminet, alterum rationem, ob quam terminat; nec enim quodlibet est aptum relationem terminare', v. g. lapis non est aptus terminare relationem paternitatis; Angelus non est aptus terminare visionem corpoream.

*Primum*, hoc est, actu terminate, est denominatio extrinseca à relatione, quæ in terminum tendit; sicut enim esse vitum, esse amatum sunt denominationes extrinseca à forma, quæ non est in objecto viso, sed in oculo vidente, ita etiam terminare & respici est denominatio extrinseca à relatione, quæ non in termino, sed in fundamento est; quoniam modum à relatione servitutis, quæ est in creatura, Deus vocatur Dominus, & à relatione, quæ est in visione, color denominatur visus; sicut ergo prior est visio, quàm denominatio objecti visi, ita prior est relatio ad terminum, quàm ut terminus dicatur terminare vel respici à relatione.

*Tota ergo difficultas est* de ratione & causa formali, ob quam terminus est terminativus relationis, & de hac quærimus; an oporteat illam esse *formaliter relativam*, an verò *absolutam*, v. g. an pater referatur ad filium, ut est substantia genita, an verò ad filium ut dicit relationem mutuam; visio an ad colorem referatur ut color est, quod est aliquid absolutum, an verò ad colorem, ut dicit relationem objecti, adeò ut si color maneret color, & tamen relatio objecti impediretur, nihilominus terminaret relationem visionis?

*Ratio Conclusionis sic explicata est* 1. Auctoritas S. Thomæ, quæ saltem de relationibus non mutuis videtur certa in 5 Metaph. c. 15. 1. p. q. 13. a. 7. ad 6. & q. 7. de pot. a. 8. ad 1. & a. 10. ad 4. & 3. p. q. 35. a. 5. 2. In



2. In relationibus non mutuis, qualis est relatio creaturæ ad Deum, est vera & realis relatio ad Deum ut terminum; in Deo autem nulla relatio realis ad creaturam, sed tantum rationis & extrinseca denominatio, ut eleganter S. Thomas 7. de pot. a. 10. ad 4. ergo ea relatio terminatur ad aliquid absolutum.

*Dicunt* aliqui in Deo dari relationem rationis ad creaturam, aut denominationem relativam extrinsecam à relatione intrinseca creaturæ proveniente, & ad hanc terminari relationem non mutuum creaturæ ad Deum: sed hæ sunt inutiles tergiversationes; quærinus enim de relationibus, ut sunt à parte rei, non ut finguntur: sicut cum quærimus, quis sit electus Papa, de vero Papa, non de illo, quem tu aut alius somniavit, quæstio est, nec scire est somnare, sed vigilare & res videre ut sunt, non ut delirantibus aut saltem errantibus apparent.

*Deinde* relationes rationis non possunt terminare relationem realem: extrinsecæ verò denominationes consequuntur ad formam intrinsecam, & supponunt jam totam relationem, & consequenter jam terminatam; non ergo terminant relationes intrinsecas, sed supponunt jam terminatas. Ex relationibus verò non mutuis bona fit consequentia etiam ad mutuas, relatio enim ut relatio non terminatur necessario ad aliam relationem, quod ergo terminus sit relativus, *per accidens & concomitanter*, non necessario & essentialiter se habet, & ideo si paries albus A refertur ad album B, etiamsi B concipiatur sine reciproca relatione, adhuc erit verus terminus relationis parietis A, & hic verè & formaliter dicetur similis parieti B.

3. Terminus est conditio & origo, ex cuius positione resultat relatio, ergo est prior naturâ & origine relatione, ergo terminus non est formaliter correlativus, relativa enim sunt simul, & una relatio non est origo suæ correlationis, v. g. paries A albus est similis parieti B. & paries B similis parieti A. similitudo autem B, non est origo similitudinis A, sed hæ relationes sunt simul naturâ.

4. Relatio essentialiter duo dicit; *rationem formalem fundandi & terminum*: Sicut ergo ratio formalis, ob quam paries A refertur ad parietem B, est albedo, non verò relatio similitudinis,

nis, ita ratio formalis, ob quam *B* terminat similitudinem *A*, est æquæ albedo, nec vera est hæc propositio: Ideo paries *B* est terminus similitudinis patietis *A*, quia est ei similis, sed quia est albus; tota ergo ratio terminandi est quid absolutum, non relativum.

Favet etiam communis loquendi modus, nec enim album dicitur simile alteri simili, sed alteri albo: & unum quantum non dicitur æquale alteri æquali, sed alteri quanto.

§. Etiam in relativis vitandus est circulus vitiosus, hoc est, ne idem per idem, obscurum per æquæ obscurum, ignotum per æquæ ignotum explicetur & definiatur. Ita expressè Aristoteles §. *Metaph. c. 15.* ubi S. Thomas, & *1. p. q. 25. a. 2.* Vasq. *1. p. q. 159. c. 6.* & ideo si nescienti, quid sit similitudo, eam hoc modo explices: *Est ordo ad sibi simile*, meritò hæc explicatio pro illutoria habebitur: Sed si relatio formaliter ad relativum referatur, definienda erit per æquæ obscurum & æquæ ignotum, imò per seipsam; dicendum enim erit: *Simile est quod refertur ad sibi simile: pater est qui refertur ad filium, hoc est; ad eum qui refertur ad patrem, &c.*

*Obijciatur 1.* Relativa formaliter sunt sibi opposita relativè, ergo terminus dicit formaliter relationem ad suum correlativum seu fundamentum: si enim in relatione & similitudine *A* ad *B*, paries *B*. non dicit relationem ad *A*, quomodo ergo parieti *A* relativè opponitur?

¶. Parietem *B* relativè opponi parieti *A*. non quia dicit relationem ad *A*, sed quia est terminus relationis *A*. terminus autem relationis pertinet ad relationem, nec identificatur cum eo quod terminat; nulla enim res potest ad seipsam referri tanquam ad aliud: & patet in relationibus non mutuis; Deus enim est terminus cognitionis & amoris creati, nec tamen ad hæc refertur.

*Obijciatur 2.* In divinis Pater dicit relationem realem ad Filium formaliter ut relativum, non ut absolutum, Pater enim realiter à Filio distinguitur, non autem in absolutis & essentialibus, aliàs in divinis essent duæ naturæ, duæque essentia: si hoc in divinis, cur non æquæ in creatis? æquæ enim in creatis Pater est filij

filij pater, ac in divinis. Et si Dicat hoc provenire ex infinità Dei perfectione, in quo relatio & essentia Filij sunt una res. *Contrà est*, quia terminari ad relativum, *formaliter* ad relationem, non essentiam pertinet; esse verò *infinitum, illimitatum, identificatum, simplex*, sunt proprietates essentix, non relationis (esse enim *infinitum illimitatum, &c.* non est ad aliud referri) ergo quodd in Divinis Pater referatur ad Filium sub ratione correlativa, provenit ex conceptu *relationis ut sic*, ergo idem in creatis locum habebit.

¶. Idco Patrem in divinis referri ad relationem, non substantiam & essentiam Filij, quia nihil est in divinis, ad quod aliàs Paternitas referri possit; ad essentiam enim & naturam referri non potest, quia hæc cum Patre identificatur, nec generatur: & ideo etiam in creatis relatio ad relationem referri potest, quando aliàs nullus relationi terminus esset; v. g. paternitas Petri est similis paternitati, quæ est in Paulo, & proportio inter 4 & 8 est similis proportioni inter 6, & 12. hoc est, dupla.

*Obijciunt* 3. Proprietates Relativorum sunt, ut sint *simul cognitione, definitione, natura*, hoc est, ut unum non sit origo alterius, uno posito & aliud ponatur, uno ablato & aliud auferatur, &c. sed si relativa ad absolutum referuntur: cessant hæc proprietates: v. g. similitudo parietis A. ad B. ex eo resultat, quod ponatur albedo B. ergo albedo in B. est causa & origo similitudinis, quæ est in A. ergo albedo in B. non est simul naturâ & cognitione cum similitudine A. sed potius est ejus causa, priórque, ergo quærendum est aliquid in B. quod sit naturâ simul cum relatione A. hoc verò nihil aliud est quam mutua relatio B. ad A.

¶. 1. In Relationibus non mutuis æquè reperitur *simultas natura, cognitionis & definitionis*, sunt enim proprietates relativorum, & tamen in termino non est mutua relatio, non ergo illæ proprietates ex mutua termini relatione nascuntur.

2. Ex termino tanquam ex conditione necessaria, imò secundum aliquos, qui modos admittunt, tanquam ex causa oritur relatio: si ergo terminus est *formaliter* relatio, sequitur, relationem

nec. n. quæ terminat, esse causam relationis terminatæ; quomodo ergo relationes simul naturâ?

3. Dicuntur ergo Relativa simul naturâ, quia relationes mutux eodem tempore confurgunt, & tamen concomitanter tantùm se habent, nec una ab alia pender; & hoc modo simul naturâ dici possunt; v. g. paries albus *A.* est similis parieti albo *B.* & *B.* similis *A.* nec tamen similitudo *A.* pendet à similitudine *B.* sicut creatura est similis Deo, non econtrâ, ut docet *S. Thom.* in 1. p.

Relationes verò non mutux ideo simul naturâ dicuntur, quia cùm relatio tota sit *ad aliud*, nec esse nec cognosci potest sine termino: terminus verò licet in actu primo & sub formali ratione terminandi constitutus sit prior relatione, ut tamen actu terminans simul est cum relatione, & ab hac velut à forma exinsecâ denominatur: sicut videre & visum esse in hoc sensu sunt simul naturâ.

*Nota ergo*, Pater ut homo generans est fundamentum paternitatis relativæ, & sic est prior filio ut homine genito, est enim hujus causa: filius verò ut homo genitus est posterior generante, quia huius effectus. Idem filius ut homo genitus est prior patre ut tali, quia filius genitus est terminus paternitatis; terminus verò est origo & causa vel saltem conditio relationis. Filius verò ut actu terminans relationem paternitatis, cum hac est simul naturâ, nec enim potest intelligi pater nisi filij pater, nec filius nisi patris filius.

XIV. *Quæritur 12.* Unde desumenda sit distinctio specifica Relationum?

*Resp.* Distinctio specifica Relationum sumitur à fundamento, & termino. *S. Thomas* multis locis.

*Ratio est 1.* Relatio identificatur cum fundamento, ergo ab isto sumit realem suam specificationem; quidquid enim est, specificatur ab eo quod est, non ab eo quod non est, hoc est, à sua forma intrinseca, quam habet, non ab ea, quam non habet.

2. Similitudo parietis *A.* ad *B.* est proportio albedinis *A.* ad *B.* proportio verò albedinis est ipsa albedo, eique essentialiter & intimè immersa.

3. Quia

3. Quia tamen tota relatio est *ad aliud*, ideo terminus concurrir per modum causæ extrinsecæ specificantis & complentis relationem; nihil enim novi, eandem rem à pluribus causis partialibus pendere. Multum tamen differt specificatio termini relativi & objecti, quia hoc specificat actum communicando illi omnia sua prædicata in *esse intentionali* & *effektivè* concurrente, & ideo primas partes specificandi obtinet: non ita terminus relativus, qui est purus terminus.

*Obijcies 1.* Eadem albedo est fundamentum relationum specie distinctarum, ergo specificatio non detumitur à fundamento.

*Antecedens patet*, quia eadem albedo dicit relationem similitudinis ad aliam albedinem, dissimilitudinis ad nigredinem, creaturæ ad Creatorem, mensuræ ad species colorum imperfectiores.

*Re.* Has relationes non distingui specie reali, sed tantum formali seu virtuali, identificantur enim cum una re, hoc est, fundamento, sed tamen aliter & aliter sumpto, ac secundum diversas formalitates considerato; eadem enim albedo *ut est ens* ab alio totaliter & in solidum dependens, est creatura: *ut est eadem specie qualitas*, est similis alteri albedini; *ut verò habens aliam specie qualitatem*, est dissimilis; *ut colorum perfectissimus*, (oritur enim ex redundantia lucis, quæ est objectum maxime & per se visibile) est mensura aliorum colorum, &c.

*Obijciunt 2.* Si terminus specificat relationem, ergo est hujus causa, ergo prior, ergo non simul naturâ, cum tamen relativa sint simul.

*Re.* Terminum specificare non ut actu est terminus terminans (sic enim dicit denominationem extrinsecam ad relationem, & ita ab hac potius specificatur quam ut eam specificet) sed ut proximè constitutus in ratione & proportionem terminandi, v. g. paries albus *A.* est similis parieti albo *B.* & hic specificat similitudinem parietis *A.* non quia actu eam terminat, sed quia est albus & eadem specie qualitate imbutus cum pariete *A.*

*Obijcies 3.* Terminus est oppositus Relationi, non ergo specificat relationem; quod enim specificat, non repugnat, sed maxime convenit relationi, imò hanc constituit.

*Re.* Equi-

12. *Æquivocationem* in terminis esse, quando enim dicimus terminum opponi suæ Relationi, *sensus est*, terminum necessariò à relatione distingui, & ab alio extremo cujus est terminus: distinctio, autem non repugnat specificationi, ut patet in objecto & forma, imò amicitia, & similitudo, & omnis convenientia supponit distinctionem extremorum.

*Obijcies* 4. Filius unicâ relatione ad patrem & matrem refertur, qui tamen sunt termini & relationes specie distinctæ, ergo relatio non sumit unitatem specificam à suo termino. *Antecedens est* S. Th. 3. p. 1. q. 35. a. 5.

13. Unam esse filij relationem ad utrumque parentem, quia relatio filij habet pro termino non relationem paternam, & maternam sed naturam utriusque parentis, quam constat esse unam specie: & fundamentum quoque est unum[specie, generatio videl. activa. Sed demus fundamenta & relationes patris, matrisque distingui specie, sunt tamen subordinata, & conveniunt in hoc, quòd utriusque generatio sit origo viventis in similitudinem naturæ specificæ: sub hac ergo unitate & convenientia specificant unam relationem: sicut colores & veritates specie distinctæ specificant unam potentiam visivam & intellectivam, quatenus conveniunt in una ratione visibili & intelligibili. Si verò dicamus ex sententia aliorum esse in uno filio duas relationes numero tantùm distinctas ad patrem & matrem, nihil absurdi fuerit, cùm istæ relationes à fundamento realiter non distinguantur, & ita solâ ratione inter se distinguuntur: sicut in divinis relatio Paternitatis & spirationis activæ sunt unica numero relatio & tantùm ratione distinctæ. Hactenus de natura, requisitis & distinctione Relationum, nunc de speciebus agendum.

XV. *Queritur* 13. An in Deo sint admittendæ Relationes ad creaturas?

*Resp.* Probabilius est, nullas in Deo dari relationes reales, nec prædicamentales, nec transcendentales ad creaturas. S. Thomas 1. p. 1. q. 13. a. 7. & 2. contra Gent. c. 7. & de pot. q. 7.

*Ratio est* 1. Relatio est ordo unius ad aliud: Deus autem non ordinatur ad creaturâs, quia non est ejusdem ordinis cum creaturis, ejusdem enim ordinis sunt, quæ se mutuò perficiunt,

com-

complent, connectuntur, conservant, ornant, &c. quæ in Deo respectu creaturarum non sunt.

2. Esse absolutum est esse non connexum cum alio, & tale ut possit esse sine alio: esse verò relativum est esse cum alio connexum, & quod dari non possit sine alio, aut dicatur quid ergo sit esse absolutum, & relativum? Sed Deus cum nulla creatura ut actu existente connexus est, ut patet: nec etiam cum ulla creature possibili, quia possibilitas rerum est ipsa divina essentia, et causa exemplaris, & effectiva rerum omnium: sicut possibilitas domus nihil aliud est, quàm ars ipsa & idea architecti, quâ subiatâ domus fieri non potest.

XVI. *Quæritur 14.* Quomodo distinguantur Relatio prædicamentalis, & transcendentalis?

*Resp.* Multæ sunt differentix inter relationem prædicamentalem & transcendentalem.

1. Transcendentalis non respicit terminum ut purum terminum, sicut prædicamentalis.

2. Prædicamentalis relatio per se non intenditur, nec per se fit, sed resultat posito fundamento & termino, quia est merus respectus, nec destinatur ad aliquod peculiare officium: secus transcendentalis, cum enim sit rebus intima & innata, & perfectivè circa terminum versetur, ut patet in cognitione objecti, maximè intenditur à natura, nec resultat ex termino, cum separari ab hoc possit.

3. Prædicamentalis non est activa, sed otiosa, segnis: que: secus transcendentalis, ut patet in Scientia, Potentia, Habitu.

XVII. *Quæritur 15.* An Relatio, ut Relatio dicat aliquam perfectionem?

*Resp.* Suppositâ sententiâ, quæ dicit relationes esse modos realiter à subjecto distinctos, dicendum omnino est, relationes quæ tales etiam quoad conceptum *Ad* dicere perfectionem.

*Nota* Conclusionem procedere non solum de perfectione transcendentali (quâ ratione illud omne perfectum est, cui nihil deest in suo genere) sed etiam prædicamentali, quæ perficit subjectum.



*Ratio est 1.* Auctoritas S. Thomæ, qui cum Aristotele *1. Ethic. c. 6.* docet in prædicamento relationis æquè ac in alijs prædicamentis bonitatem & perfectionem reperiri: & *1. p. q. 28. a. 2. ad 3. & q. 9. de pot. a. 5 ad 23. & opus. 1. contra errores Græcorum.* quibus locis expresse fateretur processionem & originem in Deo, quæ sunt formalissimè relationes, ad magnam perfectionem pertinere.

2. Omnes proportionēs arithmeticæ, musicæ, architectonicæ, naturales corporum, artificiales statuarum & imaginum, &c. sunt meræ relationes, & consistunt in respectu, & coaptatione ad aliud, adeo ut si v. g. imagini magnam aliquam perfectionem absolutam addas, quæ tamen prototypo non respondeat, imperfecta evadat, & pulchritudinem ac pretium amittat, quod totum in eo est, ut quàm proximè ad prototypon accedat; Quis verò neget proportionēs & ordinem magnam esse universi perfectionem? turba ordinem, & videbis quid mundo decedat: imò prima pulchritudinis pars est ordo & proportio, & hæc sunt relationes.

3. Similitudo & dissimilitudo sunt formalissimæ relationes, ista delectationis, illa amoris mater, hinc sympathiæ & antipathiæ rerum: fac omnia similia, quantum erit fastidium! quanta rebus sterilitas! nihil enim agit in simile: fac omnia dissimilia, quanta hostilitas, cladèque rerum semper in se mutud pugnantium, seque refugientium!

*Dices*, perfectionem similitudinis v. g. & dissimilitudinis non versari in esse respectivo, sed tantum in absoluto & fundamentali, v. g. perfectionem imaginis non esse in eo quòd ad prototypon referatur, sed in eo, quòd habeat quidquid habet prototypon, & non habeat quidquid istud non habet.

*Contrà*, eodem pacto negari omnis relatio realis poterit: sicut enim, ut tu dicis, relatio in *esse Ad* nullam dicit perfectionem, sed tantum in *esse In*; ita ego dicam, relatio in *esse Ad* nihil est, sed tantum in *esse In*: similitudo v. g. nihil aliud est, quàm duæ qualitates, duæ albedines, &c. quæ est sententia Nominallium olim proscripta.

*Deinde*

1. Deinde similitudo & proportio v. g. dicunt perfectionem etiam in esse *Ad*, ergo etiam in esse relativo.

*Antecedens* probatur, quia crescente perfectione absolutâ potest decrecere perfectio proportionis relativæ, v. g. in homine perfectæ statuiæ hæc est proportio, ut longitudo ad latitudinem sit sexupla, ad crassitiem decupla, ad cubitum quadrupla, ad extensionem utriusque brachij æqualis, ad pedem exportectum sextupla: hæc autem proportio planè exquisita est, & magnæ specimen sapientiæ non singula tantum spectantis, sed omnia conferentis: tribue nunc singulis partibus etiam minoribus æqualem cum majoribus quantitatem, jam absoluta singulorum perfectio erit major (perfectior enim est quantitas magna, quàm parva, sicut perfectior est calor intensus remisso) & tamen relativa & proportionalis erit minor; ergo non eadem est perfectio relativa & absoluta, imò relativa subinde præfertur absolutæ, quia hæc est singulorum, illa omnium, ut patet in allato exemplo.

4. Nulla ex omnibus rebus creatis assignari potest, quæ non tantum sit absoluta & perfecta in se, sed etiam quæ toti Universo congruat, eique aliquam notam perfectionis addat, ut discurrenti per omnia constat, aded ut etiam monstra & peccata, quæ absolute sunt mala, dicant tamen aliquam perfectionem relativam respectu universi (oppositio enim mali ad bonum est causa, ut hoc magis cognoscatur, ametur, appetatur) Ob quam à Creatore permittuntur, ejusque providentiâ in bonum ordinantur, quemadmodum & in picturis nulla est colorum gratia sine umbris, & in concentu musico perit vocum harmonia, quæ ex perfectis & imperfectis tonis contextitur, aded ut regula Musicorum sit, ne dux consonantiæ perfectæ se immediatè conseqantur. Vide S. Thomam 1. p. q. 22. a. 2. & 3. contra Gent. 4. 71. Si ergo rebus omnibus, etiam malis, etiam peccatis aliqua perfectio relativa inserta est, cur solis relationibus, quæ malæ non sunt, eam neges?

5. Denique Myſterium SS. Trinitatis perfectionem utriusque & maximam dicit, aded ut teste S. Athanasio Deus sine verbo esset mutus, & sine Spiritu S. non viveret: Trinitas verò

ut talis dicit numerum, ergo ut talis non dicit perfectionem absolutam & essentialem ( in Deo enim quidquid pertinet ad essentiam, unum & simplex est ) ergo ut talis dicit perfectionem relativam.

*Obijciunt* §. S. Thomas multis locis docet, quòd relatio quæ talis & ut dicit *Ad* non est aliquid: ex quo infert, quòd in divinis quidquid habet Pater perfectionis, habet etiam Filius: si non est aliquid, nec essentia addit perfectionem, ergo non dicit perfectionem.

*nz.* S. Thomam expressè locis pro Conclusionem citatis faciter Relationem & esse aliquid, & esse bonum: & planè negari haud potest; si enim prout dicit *Ad* non est aliquid, ergo est nihil: si nihil, ergo incidimus in sententiam Nominalium toties à S. Thoma rejectam, qui negant relationes: idem verò est non esse & nihil esse.

*Rursus* si relatio ut dicit *Ad* est nihil, ergo subjectum non refert ad terminum; quod enim nihil est, non potest referre & ad aliud ordinare; & idem est non referre & nihil referre: cum ergo Relatio formalissimè dicat *Ad* & respicere, respicere verò sit aliquid, non potuit negare S. Thomas relationem, quæ talem esse aliquid. Nihil aliud ergo vult S. Doctor, quàm in divinis relationem Patris esse idem cum essentia Patris, totam verò essentiam esse in Filio, & ideo quidquid est in Patre, etiam huius relativam perfectionem esse in Filio, mediatè videl. & eminenter, ac per circuminsessionem, sicut radius est in sole, & calor in flamma. Quòd verò Filius non sit formaliter Pater, hoc non est carere perfectione Paternitatis ( sicut solem distinguì à radijs non est carere radijs, & arborem distinguì à floribus, non est esse inflopidam ) sed tantùm distinguì à Patre: hæc verò distinctio necessaria est, ut Filius habeat omnes perfectiones etiam relativas Patris, quia si relationes non distinguerentur, in divinis nec origines, nec Pater, nec Filius essent. Hæc videtur mens & argumentatio S. Thomæ.

XVIII. *Queritur* 16. Quæ sint proprietates Relativorum?

*Resp.* Multæ sunt proprietates Relativorum. 1. Relativa sunt simul naturæ; patet ex dictis suprâ,

*g. Re-*

2. Relationi, *quà tali*, nihil est contrarium, relativa enim sibi relativè opponuntur, non contrariè: relativa non agunt nec corrumpunt: relativa non se mutuò expellunt etiam in eodem subjecto, idem enim subjectum est simile & dissimile respectu diversorum terminorum.

3. Relatio suscipit magis & minus, *quod intellige* non quòd relatio consistat in divisibili, habeatque latitudinem graduum, ut qualitas (Relatio enim nec per se intenditur, cùm per se non fiat aut corrumpatur, nec ad intensionem fundamenti; æquè enim sunt similia duo alba ut quatuor, & duo alba ut octo) sed quia licet consistat in indivisibili, dicitur tamen major aut minor propter recessum aut accessum ad perfectum terminum, v. g. parieti 7 pedum paries 5 pedum, & paries 6 pedum sunt inæquales, quia æqualitas consistit in indivisibili; paries tamen 5 pedum dicitur magis inæqualis, quia magis recedit à pariete 7 pedum. Idem dicas de relatione similitudinis.

4. Relativa omnia etiam transcendentalia dicuntur ad convertentiam.





## §. VII.

## DE QUALITATE.

## Summaria.

1. *Definitio Qualitatis ab Aristotele tradita tenenda est.*
2. *Rectè dividitur in 4. Species.*
3. *Quid sint singula ?*
4. *Et quas habeant proprietates ?*



## I.



*Ueritur 1. Quid sit Qualitas ? Resp. Aristoteles Qualitatem sic definit: Qualitas est, quâ dicimur quales.*

*Nota difficilem esse cognitionem & explicationem Qualitatis in genere, tum quia est genus summum, nec habet aliud genus, per quod definitur: tum quia ut sic abstrahit à spirituali & materiali, sphaera autem nostri intellectus pro hoc statu sunt tantum materialia & sensibilia; tum quia species subalternæ & infimæ qualitatum sunt*

sunt penè infinitæ, unde difficultas nascitur talem definitionem formandi, quæ omnibus aptari possit: artis & laboris magni est imaginem pingere, quæ unam faciem referat, quid si centum, quid si mille referre debeat? Sustineri ergo potest Aristotelis definitio; nec omnino idem per idem declarat, quia *Quale* cum sit concretum, est sensibus magis expositum, magis etiam notum est quàm *Qualitas*.

Deinde qualificare idem est, quod rem indifferentem ac indeterminatam ad certum aliquem modum & mensuram revocare: hoc verò facit *Qualitas*, determinat enim & actuat substantiam tum in existendo, tum etiam in operando ad certum genus entis, v. g. ignem ad calefaciendum, quantitatem ad certam figuram, ordinem ac pulchritudinem; &c. qui modus qualificandi in cæteris prædicamentis non reperitur; quantitas enim non perficit substantiam, nec habilitat ad agendum, sed tantum extendit; extensio autem non est perfectio, sed tantum collocatio partium, nec enim si extendas v. g. holosericum, aut aliud velum arte plumariâ pictum, propterea perfectius erit, aut novum gradum entis artefacti acquirit.

*Relatio*, *Ubi Duratio*, non intimè perficiunt substantiam, sed cum ordine ad extrinsecum: nec determinant ad certum gradum entis, esse enim simile, aut in loco, aut in tempore, omni substantiæ, relationi, quantitati, qualitati, &c. convenit, non verò esse lucidum, esse calidum, esse sanum, &c. Ex quo discursu jam patet, bene fuisse *Qualitatem* à S. Thoma 1. 2. q. 49. a. 2. definitam: *Qualitas est accidens modificativum substantiæ.* & 1. p. q. 28. a. 2. *Qualitas est accidens dispositivum substantiæ.*

## II. Quæritur 2. Quoruplex sit *Qualitas*?

*Resp.* *Qualitas* bene dividitur in quatuor species, videlicet. *Habitu* & *dispositionem*, *Potentiam* & *Impotentiam*, *Passionem* & *Patibilem qualitatem*, *Formam* & *Figuram*. Ita communis cum Aristotele.

*Ratio* Divisionis est 1. *Qualitas* est quædam dispositio substantiæ: vel ergo est dispositio interior, vel exterior? si interior, vel est per se primò sensibilis, vel non est per se primò sensibilis, si primum; est *Passio* aut *Patibilis Qualitas*; si secundum?

vel

vel disponit tanquam principium innatum operandi, & sic est *potentia* aut *impotentia*: vel est principium non innatum, sed ab extrinseco veniens, & est *habitus* vel *dispositio*. Vel denique est dispositio exterior, nec per se primò sensibilis, & erit *figura* & *forma*.

2. Qualitas ordinatur vel ad ornandam substantiam, vel agendum? si ad agendum, vel advenit substantiæ ut principium, vel intrinsecum vel extrinsecum? si intrinsecum, est *potentia*, vel *impotentia*: si extrinsecum, est *habitus* & *dispositio*; si ut terminus operationis & alterationis, est *passio* & *passibilis qualitas*: si verò ordinatur ad ornandam substantiam, erit *forma* vel *figura*. Vide S. Thomam 1. 2. q. 49. a. 2.

*Nota* calorem cum essentialiter sit terminus alterationis, pertinere ad tertiam speciem Qualitatis, quatenus tamen est proprietas alicujus naturæ, ut in igne, aut concurrat ad corporis & sanitatis temperamentum, potest per accidens ad dispositionem pertinere: sicut etiam habitus propter sui imperfectionem, potest esse facile in subiecto mobilis, & ita statum passionis inducere, sed in his qualitatibus incerta specie constituendis attendi semper debet, quid *per se* qualitati, non quid *per accidens* conveniat.

III. *Quæritur* 3. Quid sint habitus, & dispositio, potentia, & impotentia, &c. & quomodo inter se distinguantur?

*Resp.* *Habitus* qui pertinet ad primam speciem qualitatis, distinguitur à potentia, *tum* quia non omnis habitus est operativus, ut patet in sanitate, pulchritudine, gratiâ sanctificante, &c. *tum* quia habitus non est principium agendi innatum; *tum* quia habitus etiam operativus non datur substantiæ aut potentiæ immediate ut agat, sed ut potentiam in suo esse & statu naturali perfecte constituat & compleat; sicut forma, quamvis sit prima radix operandi, principaliter tamen datur ad esse, non ad operari. Vide S. Thomam 1. 2. q. 49. a. 3. & q. 50. a. 1.

Ad Habitum quoque pertinent omnes species impressæ intellectûs & sensuum interiorum, excepto sensu communi; omnes scientiæ, artes, &c.

*Dispo-*



*Dispositio* ab habitu distinguitur, quia hic ex natura sua est *difficile* mobilis, dispositio *facile*: potest dispositio diu durare, sicut lux in aëre, visio actualis, &c. sed hoc est ab *extrinseco*, hoc est, à causa conservante, vel oculum applicante; ab *intrinseco* tamen nulla sunt principia fixa & immobilia, quæ lucem aëri adstringant. Potest ex adverso habitus facile à subiecto moveri, ut si sit imperfectus, & tamen erit habitus, qui ex sua natura pendet à principiis stabilibus. Tota ergo distinctio habitus & dispositionis non in eo vertitur quod, *facile* aut *difficile* moveantur, sed quod ex *sua natura* talia sint, ut *facile* aut *difficile* moveri petant.

Sed unde hæc habitui ad subiectum alligatio?

*Respondeo* 1. *Vel* quia habitus est actus primus, dispositio actus secundus, actus verò primus (nisi aliunde deficiat causa conservans, ut in speciebus intentionalibus sensuum externorum) ex sua natura est stabilis, cum non pendeat ab actu secundo, & potentiâ etiam cessante non ideo desinat esse. *Vel* quia *Habitus* nititur principiis ex sua natura perennibus & mutationis expertibus; sicut habitus scientiæ, qui à principiis evidentibus & æternæ veritatis: habitus virtutis, qui à principiis cum lege naturali & divina connexis oriuntur: *Habitus* verò opinionis & erroris habent quidem *statum* & *superficiem* habitus, non verò *essentiam*, quia nituntur principiis ex sua natura falsis aut fallibilibus, & quotidie mutantur, aut mutari possunt. *Vel* quia *Habitus* in fieri tantum à causa efficiente & mutabili pendet, non verò in conservari, ut sunt species intellectuales, *Dispositio* verò etiam in conservari, ut sunt actuales cognitiones, sensationes, &c. Vide S. Thomam 1. 2. q. 49. a. 2. ad 3. & 1. 2. q. 51. a. 3. & 53. a. 1. & q. 7. de malo a. 2.

*Resp.* 2. *Potentia*; quæ ad secundam speciem Qualitatis pertinet, accipitur pro solo principio proximo innato & accidentaliter operandi, quodque principaliter à natura institutum est; & adscriptum operationi: tale principium operandi proximum sunt intellectus, voluntas, sensus interni, externi que &c.

*Excluduntur* ergo ab hac specie 1. omnes *habitus acquisiti*, quia non sunt principia *innata*, nec dant *simpliciter posse*.

Ecc

2. Ha-

2. *Habitus infusi*, quia nec ipsi ab intrinseco sunt, sed maximè ab extrinseco, & quamvis dent *simpliciter* posse, supponunt tamen potentiam naturalem.

3. *Species sensibiles & intelligibiles*, nam & istæ ab extrinseco sunt, & licèt necessariæ, supponunt tamen potentiam proximam, eamque complent & perficiunt, & ideo ad Habitus revocantur.

4. *Prima qualitates*, v. g. calor, frigus, &c. quamvis enim sint principia activa, immediatè tamen non ordinantur ad agendum, sed ut sint proprietates formam consequentes, eiusque unionem cum materia conservantes, & ideo nec suam specificationem & perfectionem intrinsecam ab effectu, & actu recipiunt, ut aliæ potentia.

5. *Qualitates objectivæ*, quæ videlicet sunt objecta sensuum, quamvis enim species activè producant, non id tamen eorum primarium officium & munus est.

*Gravitas & Levitas*, sicut etiam *Impulsus*, constitui solent in hac specie. Ad hanc etiam speciem Qualitatis pertinet *potentia passiva accidentalis*, qualis reperitur in potentijs immanenter operantibus & species intentionales recipientibus.

*Impotentia* hoc loco non accipitur pro privatione & carentia potentia, sed pro potentia, quæ est debilis, imbecilla, hebesque, v. g. intellectus *passivè* segnis, torpènsque, complexio & temperamentum invalidum: sic etiam potentia videndi est impotentia audiendi, &c. hinc patet, potentiam & impotentiam non esse species distinctas.

*Resp. 3. Patibiles Qualitas* hoc loco accipitur pro qualitate sensibili, quæ ex alteratione oritur, v. g. color, sonus, odor, sapor, calor, frigus, molle, durum, &c. Si hæ qualitates habent *statum permanentem*, proptèr *patibiles qualitates* vocantur: *si transeuntem*, ut rubor ex verecundia, frigus ex metu, sonus & lux in aëre, *passiones* vocantur: non tamen semper specie differunt, idem enim est rubor ex verecundia, qui subitò vanescit: & rubor ex temperamento sanguineo, qui rad cem figit duratque: & quando qualitas aliqua ex sua natura nec statum permanentem, nec transeuntem exigit, sed alterutro natura-

turaliter contenta est, patibilis qualitas & passio specie non distinguuntur: eadem enim lux in sole durat, in aëre & luna variat, fugi: que, vide S. Thomam 1. 2. q. 5. a. 1. & opusc. 48. c. 5. & 5. Metaph. Lect. 16.

Resp. 4. *Figura* nihil aliud est, quàm *modus & dispositio resultans in corpore ex terminatione quantitatis*. Et hæc est aut interna, quæ partes quantitatis per se afficit, & mutato quantumlibet situ semper manet invariata (quantumcunque enim manum contrahas, aut explices, sub quovis situ manet sua manui figura, ovalis videl. nec eam corpus Christi etiam in Eucharistia amittit) & hæc pertinet ad qualitatem. *Alia* est figura externa & sensualis in ordine ad locum, quæ hujus Prædicamenti non est. Distinguitur figura à forma, quòd hæc dicat figuram physicè & in concreto sumptam, cum alijs videl. accidentibus coloris, proportionis, &c. figura verò magis abstractè, quo modo Mathematici figuram omnibus alijs accidentibus nudam in varias species dividunt.

#### IV. Queritur 4. Quæ sint proprietates Qualitatis?

Resp. Proprietates Qualitatis sunt istæ.

1. *Propria Contrarietas* in qualitatibus reperitur v. g. calor & frigus; contraria enim sunt quæ se mutuo expellunt, expellere autem ad qualitates spectat, quæ solæ sunt operativæ. Non tamen hæc proprietas omnibus qualitatibus competit; non figuræ, non medijs coloribus, &c.

2. *Qualitas propriè intenditur & remittitur*; sola enim qualitas gradus habet, & ideo intendi potest etiam in eadem parte subjecti, ut patet in calore. Quantitas verò habet partes, non gradus, & ideo extendit solum, nec possunt plures partes quantitatis in eadem subjecti parte peneirari. Sunt tamen aliquæ qualitates, quæ non intenduntur, v. g. potentia, figura, &c.

3. Secundùm qualitatem *simile* aliquid aut *dissimile* dicitur; unitas enim formæ substantialis & specificæ causat identitatem, unitas quantitatis æqualitatem, unitas qualitatis similitudinem. *Intellige* autem de similitudine *apertudinis*, & propria; similitudo enim *æqualis* est relatio, & metaphorica non est solius qualitatis. Hæc verò proprietas soli & omni & semper qualitati convenit: non

tamen sufficit ad similitudinem unitas gradualis aut generica, aliàs nigredo ut 4 & albedo ut 4 essent qualitates similes; sed necessaria est convenientia naturæ specificæ, intra quam quo maior est proportio & convenientia graduum, eo etiam major erit similitudo; albo enim ut 6 magis est simile album ut 4 quàm album ut 2.

Arbor Qualitatis.




### §. VIII.


## DE ACTIONE ET PASSIONE.

### Summaria.


1. De concurrentibus ad actionem creatam.
2. Inter agens & effectum non necessario intermedat causalitas ab utroque distincta.
3. Quod tamen non est universaliter intelligendum.
4. Actio formaliter non consistit in relatione extrinsecus adveniente.
5. Sed est modus specialis ab effectu modaliter distinctus.
6. Et quod ead differentiam suam numericam aequaliter a principio, & termino pendet.
7. Specificatur non à sola distinctione principiorum.
8. Nec ex solo modo agendi.
9. Sed ex terminis specie distinctis.

10. Qua







## Tabula :























10. *Qua sit differentia inter Specificationem actionis, & habituum, cognitionis. &c.*
11. *Actio inchoativè est in agente, consummativè in termino.*
12. *Et posteriori modo sumpta realiter à passione non distinguitur, sed tantum distinctione rationis.*
13. *Quam solam etiam inter motum, actionem & passionem agnoscimus.*



## I.

*Uarietur 1. In quo consistat Actio creata ?*



*Resp.* Dari aliquas creatas actiones, nemo est qui dubitet, quid enim in hoc mundo non agit ? non patitur ? sed quæ sit actionis & passionis natura, major labor est & difficultas explicare.

Multa sunt in creatis agentibus, quæ ad productionem alicujus effectus necessaria sunt, ut v.g. calorem ignis producat, 1. substantia ignis requiritur. 2. Vis ipsa & potentia productiva seu calefactiva. 3. Effectus seu calor productus. 4. Motus, mediante quo lignum transmutatur & transit de non calido in calidum. 5. Relatio transcendentalis, quo agens refertur ad effectum vel passum non ut ad purum terminum, sed ut ad effectum productum & subjectum transmutatum. 6. Relatio prædicamentalis, quâ agens refertur ad effectum & passum ut purum terminum, & quæ resultat ex illa transcendentali; omnis enim actio & productio est alicujus productio.

De his omnibus dubitari potest, an illorum aliquid sit actio.

Ecc ;

So-

*Scotus* actionem constituit in respectu seu relatione extrinsecus adveniente, quâ agens & producens refertur ad productum. Vocat relationem extrinsecus advenientem, quâ positus fundamento & termino non resultat necessariò; sicut posito igne & ligno non sequitur semper actio, sicut sequitur relatio intrinseca similitudinis, positis in quacunque distantia [duobus albis, & hoc maximè patet in agente libero, quod positis omnibus ad agendum necessariò requisitis potest agere & non agere, & sæpè non agit; & in agentibus necessarijs de potentia Dei absoluta, cum tamen in relationibus intrinsecis, positus fundamento & termino nulla potentia relationem morari possit. *Ockhamus* cum Nominalibus dicit, actionem nihil addere distinctum ab agente & effectu producto, illuminationem v. g. nihil esse præter solem, & lucem productam.

II. *Quæritur 2.* Utrum inter Agens, & effectum semper intermediet causalitas aliqua distincta?

*Resp. 1.* Non semper est necesse inter causam agentem ejusque effectum dari actionem aliquam mediam ab utroque distinctam, sed potest effectus immediatè ab agente sine alia causalitate distincta prodire.

*Ratio est 1.* Ita fit in emanatione proprietatum & ipsius actionis, quæ utique est à causa, & tamen immediatè.

2. Ut causa, quæ antè non agebat, dicatur agere, & effectus, qui antè non egrediebatur, dicatur nunc egredi, non opus est enitate aliquâ mediâ, ut patet de ipsa actione & causalitate, quæ immediatè ab agente pendet: sicut ergo actio potest immediatè denominationem agentis tribuere, cur non effectus?

3. Deus creans dicitur verissimè agere, & tamen non agit per actionem creativam à termino distinctam; actio enim creativa cum sit ex nihilo, non potest educi ex subiecto, & tanquam modus à subiecto pendere, hoc enim ipso non esset ex nihilo.

III. *Resp. 2.* Omnis effectus, qui ita pendet à causa secunda, ut potuerit ab alia causa secunda vel immediatè à Deo pendere, indiget mediâ & distinctâ actione; v. g. calor in ligno productus ita est ab igne, ut idem potuerit esse à sole, multò magis à solo Deo, ergo hic calor indiget mediâ actione, per quam  
ab

ab igne & non aliunde procedat: calor verò qui est proprietas ignis, non potuit ab alio, quàm igne, cuius proprietas est, prodire, non ergo mediâ actione opus habuit. Vide S. Thomam 2. contra Gent. c. 35. & 1. p. q. 25. a. 1. ad 3.

*Ratio est* Calor ab igne productus non pendet *necessariò* & *essentialiter* ab igne, ergo pendet *accidentaliter*, ergo dependentia caloris in ligno est aliquid calori superadditum, ergo & actio est aliquid superadditum, nihil enim aliud est actio, quàm dependentia effectûs à sua causâ.

*Dicitur* : Relatio non distinguitur realiter à fundamento, & tamen hoc denominatur jam relatum, jam non relatum, ex sola positione termini, ergo etiam actio denominabit causam agentem ex sola positione termini & effectûs, & terminus denominabitur productus ex sola applicatione circumstantiarum.

*Contra*. Applicatis omnibus circumstantiis potest causa libera adhuc non agere, ergo ut agat, debet determinari formaliter per aliquid à circumstantiis distinctum, & hoc vocamus actionem.

*Deinde* cum dicis causam denominati agentem à termino, quæro à quo termino? producto an improducto? non ab hoc, quia calor ab igne non productus non potest igni denominationem producentis tribuere: à calore producto? ergo priùs oportet terminum produci ab igne, quàm ut hunc denominet producentem, ergo productio præcedit terminum, ergo non identificatur cum termino: imò potest totus terminus permanere sublatâ actione, & dependentiâ, quam dicebat ad causam producentem; ergo non est eadem res terminus & actio productiva.

2. Impossibile est novam aliquam denominationem realem provenire absque reali forma, quæ illius sit causa: cum ergo ignis lignum calcfacit, à qua forma, vel intrinseca, vel extrinseca ea denominatio nascitur? ab igne solo? à calore solo? ab utroque simul? at verò potest ignis *A* & calor *A* simul existere, quin ignis *A* denomineetur agens, si videlicet calor *A* ab alia causa, v. g. sole vel igne *B* productus fuisset; si enim potest

test calor *A* conservari sine igne *A*, cur non produci? & saltem eundem numero calorem *A* potuisse à solo Deo produci non est dubium; cum Deus omnes virtutes operativas tam numericas quàm specificas *eminenter* complectatur: sicut ergo fieri non potest, ut quod antè non erat visibile, postea fiat realiter visibile: quod antè non erat lucidum, postea fiat lucidum nullâ factâ mutatione reali; ita etiam fieri non potest, ut quod antea non erat agens, postea fiat agens sine aliqua mutatione & nova forma reali: nulla verò assignari potest præter actionem à termino distinctam, ut modò dictum.

*Dices 1.* Potest actio immediatè ab agente prodire, cur non effectus?

*R.* Quia actio est essentialiter dependentia ab hoc agente, v. g. calefactio ignis *A* est immediata dependentia caloris ab igne *A*. quod autem essentialiter & determinatè est tale, non potest non esse tale: calor v. g. non essentialiter pendet ab igne *A*, sed potest pendere ab igne *B*, à sole, à solo Deo, &c. ergo ut pendeat ab igne *A*, indiget aliquâ formâ realiter distinctâ, & hanc dicimus actionem esse.

*Dices 2.* Posito sole in omnibus suis circumstantiis naturalibus (inter quas præcipua est Decretum Dei volentis cum sole ad agendum concurrere) impossibile est aërem v. g. non illuminari, ergo sol jam est sufficienter determinatus, ut positis omnibus necessariis agat; ergo præter circumstantias necessarias non est opus aliâ actione, quæ solem ad agendum determinet; si enim Deus voluerit concurrere cum sole ad illuminationem *A*, v. g. jam & agens & effectus sunt determinati, & illuminatio *A* non potest à sole non pendere.

*R. 1.* Eodem argumento probari potest ignem nihil aliud esse quàm calorem, & ex Dei volitione posse ignem esse calidum sine calore, parietem album sine albedine, &c. Quod si naturaliter saltem fieri non potest, cur possit causa denominari agens sine actione distincta? nec enim agere est minùs denominatio realis, minùsque separabilis à subjecto, quàm album aut calidum esse.

**Q. 2.** Hoc ipso quòd Deus vult concurrere cum sole ad lumen *A*, necessariò etiam vult concurrere ad aliquam actionem distinctam à sole & lumine: sicut cum vult concurrere ad dealbandum parietem, vult necessariò concurrere ad aliquam qualitatem, quæ sit à pariete distincta.

*Probatur hoc;* quando enim lumen *B* in aëre productum dependet à sole, necessariò hic datur aliqua dependentia luminis à sole, ergo datur aliquid, quod sit essentialiter dependentia (sicut cum datur album, datur aliquid, quod essentialiter est albedo) sed neque sol est essentialis dependentia à calore *B*, nec calor *B* est essentialis dependentia à sole (cum potuisset ab alia causa pendere quàm sole, modò Deus voluisset, nec enim hujus voluntas potest essentias mutare) ergo assignandum est aliquid aliud, quod essentialiter sit dependentia, & hoc dicimus esse actionem.

**IV. Queritur 3.** An Actio consistat in Relatione extrinsecâ?

*Resp.* Actio non consistit in relatione extrinsecus adveniente, qualem constituit *Scotus*.

*Ratio est 1.* Relatio extrinsecus adveniens ex doctrina Scoti positus fundamento & termino non resultat necessariò (aliàs ab intrinsecis non distingueretur) sed relatio quam dicit actio, positus fundamento & termino necessariò resultat; fundamentum enim proximum est ipsa actio, quâ positâ continuo effectus ad causam, & causa ad effectum refertur.

*Quodsi dicas,* actionem non esse fundamentum, sed ipsam relationem, *primò* gratis hoc dicis & petis principium: *deinde* quodnam ergo erit hujus relationis fundamentum proximum? non effectus, quia hic est terminus: non virtus productiva, quia hac est fundamentum remorum, quid ergo?

**2.** Cum dicis Actionem esse Relationem, quam relationem intelligis? *predicamentalem* an *transcendentalem*? si hanc? verum dicis, sed relatio transcendentalis fundatur in aliquo absoluto, dicendum ergo superest, quodnam sit illud absolutum, in quo ea relatio fundatur? Si verò dicas esse relationem predicamentalem, *obstat*, quòd actio nec ad effectum nec causam agentem referatur tanquam ad puros terminos: non ad effectum, quia hunc facit, non verò supponit, nec ab effectu rel-

sultat, sed potius ab illa effectus: non ad causam, quia & hujus est effectus, saltem *ut quo*, & incompletus.

3. Si actio est relatio extrinsecus adveniens, & ab alijs relationibus intrinsicis distincta, cui ergo hæc relatio magis extrinsecè advenit, quàm relationes alia quas Scotus intrinsicè vocat? æquè enim similitudo parieti albo extrinsecè advenit, quàm actio agenti: & sicut similitudo ideo est relatio prædicamentalis, quia fundamento & termino positis necessariò resultat, ita actio ideo non potest esse relatio, quia posito agente termino sive effectu non necessariò actio resultat.

*Dicitur*: Actio essentialiter dicit respectum ad agentem, ergo actio essentialiter est relatio, & ideo definitur, quòd sit *actus agentis*.

*Contrà*: etiam visio & cognitio quælibet dicit essentialiter respectum ad objectum, nec ideo tamen visio est mera relatio prædicamentalis; sic nec Actio, quia non respicit causam agentem ut purum terminum, sed ut causam, à qua resultat effectivè, secùs ac aliæ relationes prædicamentales à suis terminis. Actio ergo dicit respectum transcendentalem ad causam agentem, & posito effectu resultat quoque relatio prædicamentalis inter effectum & causam, quæ tamen relatio cum ex effectu resultat supponit actionem, & naturà est multò actione posterior, & ideo nec potest esse constitutivum actionis.

V. *Queritur* 4. Utrum Actio sit modus ab effectu distinctus?

*Resp.* Actio ergo est specialis modus *modaliter* ab effectu distinctus, quo effectus redditur ab hac & non ab alia causa formaliter dependens; posita enim hæc dependentià & præcisè alijs omnibus causa dicitur actu agere, & effectus actu à causa egredi.

De Actionibus immanentibus, quæ nullum terminum extra finem causæ effundunt, quales sint actus vitales, negat S. Thomas esse prædicamentales l. 1. *contra Gent.* c. 100. & *opusc.* 43. c. 1. & l. p. q. 34. a. 1. & 3. sunt enim potius qualitates, quæ immediatè siue alia origine, processu, motuque à potentijs pendunt,

ent, & ideo vocantur actiones tantum *grammaticales*, aut etiam virtuales, quia cum immediate à potentia egrediantur, actionem imitantur; in hoc tamen ab actione deficiunt, quod actio sit transitus ad aliud: actus verò immanentes sunt in esse quieto, nec tendunt ad alium terminum, sed in illis potentia acquiescit.

Suar. *Metaph. d. 48. sect. 2. n. 12.* agnoscit etiam in actionibus immanentibus veram & prædicamentalem actionem, verumque terminum, sed res est parvi momenti.

VI. *Quæritur* 5. Unde Actio differentiam suam numericam sumat?

R. *sp.* Actio quoad individuum & numericam suam differentiam æqualiter à principio agendi, & à termino pendet, addè ut variato vel principio, vel termino, variari quoque actionem numericam oporteat.

*Ratio est*, Actio essentialiter à principio pendet (actio enim est *actus agentis*) & a què essentialiter à termino, est enim *fieri ipsius effectus*, nec potest dari actio productiva sine effectu productivo, ergo facta mutatione in alterutro oportet actionem mutari, nec esse unam, eandemque; *probatur consequentia*, quia actiones numericè distingui nihil aliud est, quàm in una actione esse aliquem respectum & notam essentialem, saltem ex parte materiæ, quæ non est in alia; & unitas numerica cum sit maxima, maximè etiam consistit in indivisibili, & mox corrumpitur sublato quovis caractere, & respectu essentiali; sic v. g. non potest eadem numero actio esse hominis *generatio* & *creatio*, quia sunt à diversis principiis, creatio à Deo, generatio ab homine.

VII. *Quæritur* 6. Unde actio differentiam specificam sortitur?

R. *sp.* 1. Distinctio specifica actionis non potest desumi à sola distinctione principiorum, si terminus sit illem, ejusdemque rationis; potest ergo eadem specie calefactio à sole, ab igne, à Deo esse. S. Th. 1. p. q. 25. a. 1. & q. 45 a. 1.

*Ratio est* 1. Quia nullæ actiones ostendi possunt, quæ à solis principiis specie distinguantur, siquæ enim essent, utique *creatio* &



*generatio* hominis essent: sed hæ non distinguuntur ex solis principiis, sed etiam ex parte termini, in creatione enim totus terminus, totusque homo creatur; in generatione anima creatur, sed non materia, non unio; hæc generatur, illa creationi antea supponitur. Eodem modo creatio & generatio ignis distinguuntur, quia in creatione sola causa efficiens concurrat ad productionem ignis: in generatione verò etiam materia, ex qua forma ignis educitur. Multò minùs aliqua specifica & notabilis differentia in calcificationibus advertitur, quæ à sole, ab igne, à Deo proveniunt: & quis dicat motum & gyrationem primi mobilis ab Oriente in Occidentem, si fiat ab Angelis specie distinctis, specie distinguat?

2. Lux & calor corporum cœlestium & sublunarium est ejusdem speciei, ut docet S. Thomas in 4. d. 44. q. 2. a. 4. vide Conimb. de Cœlo l. 2. c. 6. q. 3. ergo & actio illuminativa & calefactiva, & ideo tam calor, quàm calefactio Cœlestis easdem habent cum sublunari calore & calefactione proprietates.

3. Quando sol & ignis v. g. eundem specie calorem producant, ideo producant, quia illum *eminenter* continent, ergo jam agunt non ut *duo formaliter*, sed ut *unum* principium, utraque enim causa habet hanc eminentialem virtutem, & secundum hanc eundem specie effectum producant, eandemque actionem, nam & hanc eminenter continent.

4. Idem specie principium diversissimas specie actiones producit, ut patet in Intellectu, voluntate, aliisque causis materialibus; ergo principium à quo non specificat, sed instar materię se habet, quæ una specie distinctissimas formas admittit; sicut ergo distinctio specifica non potest à sola materia desumi, ita, &c.

5. Etiam in artefactis nemo dixerit circulos perfectè rotundos, tetragonum perfectè quadratum, ideo specie distinguat, quia unum ab homine, aliud ab Angelo descriptum est.

6. Specifica effectuum distinctio nec sumi potest à duobus principiis & causis univocis, quia hæ sunt eusdem speciei, & eundem specie effectum producant: nec ab æquivocis, quia  
istæ

istæ sunt indifferentes & indeterminatæ ad plures specie effectus : ab indeterminato autem quâ tali non sumitur determinata specificatio ; ergo illa ipsa virtus productiva causæ æquivoce à termino determinatur , quia istum non se totâ producit , sed prout *eminenter* terminum continet , & huic proportionatur.

*Dices* : Actio vitalis à non vitali , v. g. locutio & comestio Angeli in corpore assumpto à locutione & comestione hominis per hoc unice distinguuntur , quod vitalis sit à principio intrinseco , non vitalis ab extrinseco.

R. 1. Actiones immanentes ex sententiâ communi non esse propriè dictas actiones.

R. 2. Actionem vitalem non ut actio est , sed ut vitalis est , ab intrinseco principio pendere ; vivere enim est ab intrinseco , non extrinseco moveri.

R. 3. Imò actio vitalis etiam ex termino distinguitur , quia hæc terminum sibi , & intra se gignit.

VIII. *Resp.* 2. Ex solo modo agendi , si termini actionum sint ejusdem speciei , non potest actio specie distingui.

*Ratio est* 1. Ab inductione : Motus rectus & circularis ad idem punctum specie non distinguuntur ; sicut enim linea recta & circularis *accidentaliter* tantum differunt , ita , &c. nec enim major est ratio , cur curvas , & rectitudo non inducat specificam distinctionem in substantiam , v. g. virgam , quàm in quantitatem , aut motum , aut actionem. Frigefactio quoque , quæ in aqua se ad nativum frigus recipiente est ab intrinseco , & per modum emanationis , non distinguitur à frigefactione aëris , quæ est ab extrinseco : *idem dicitur* de luce & calefactione instantanea , & successiva , quæ modo quidem , sed non specie differunt.

*Nec refert* quod obijci solet , posse creationem & generationem ad eandem specie substantiam , diminutionem & augmentationem ad eandem quantitatem terminari , & tamen esse actiones specie distinctas : nam de creatione jam suprà dixi. De Diminutione verò dicendum est , eam maximè ex termino distinguï ; quando enim quantitas tripalmaris ad bipalmarem decre-

scir, terminus hujus actionis non est quantitas bipolaris, sed privatio & corruptio quantitatis palmaris.

*Dues.* Datur in igne potentia obediæntialis ad producendum idem specie frigus, quod naturaliter ab aqua productur: at in hoc casu terminus est unus specie, habetque omnes proprietates frigoris naturalis, & tamen ea productio cum sit supernaturalis, specie distinguitur à productione & actione naturali; specificatio igitur non est à termino, sed à modo in terminum tendendi.

*R.* In hoc casu productionem illam supernaturalem specie distingui non formaliter *ut actio est*, sed *ut ens est*; cum enim esse hujus actionis egrediatur à potentia, & concursu supernaturali, est esse supernaturale; nec enim causa potest aliud esse dare, quàm id quod habet.

*Ceterum* hæc supernaturalitas non constituit actionem. Idem suprà de actione vitali diximus: idem omnes fateri debent; omnes enim fatentur, actus voluntatis & intellectus ab objecto specificari, & tamen idem omnino objectum, quod actu naturali attingitur, potest attingi actu *quoad modum* supernaturali (cur enim non possum viribus & auxilio Dei, quod possum viribus naturæ? v.g. amare Parentes?) qui tamen actus *materialiter & entitative* distinguuntur, non *formaliter* in ratione cognitionis aut volitionis, cum habeant idem objectum.

2. Qui dicunt actiones per modum tendendi in terminos distingui, difficultatem non expediunt; nam de ipsis modis in terminum tendendi redit quaestio, unde isti distinguantur? à terminis? ergo etiam actio immediate distinctionem à terminis accipit, cur enim ista minùs quàm modus ille tendendi? maxime cum & actio sit modus termini, & in termino receptus: si verò modus tendendi à principio specificatur, obstant argumenta superius facta.

3. Cum dicis actiones specie distingui per modum attingendi terminum, de quo modo intelligis? de modo *accidentali* actionis, an verò *essentiale*? non accidentali, quia hic speciem non variat: non essentiali, quia redit quaestio, quis modus sit habendus pro essentiali & specificativo, & novum est modum ad essentialitatem pertinere; videmus enim in rebus fere omnibus modum

ope-

operandi ad essentiam nec operis, nec finis, nec operantis pertinere, ut suprà demonstratum, cur ergo pertineat ad essentiam & speciem actionis?

IX. R. s. p. 3. Actiones specificantur ex terminis specie distinctis, ubi ergo termini actionum specie distinguuntur, etiam ipsæ actiones. S. Thomas q. 6. de pot. a. 2.

Ratio est 1. Actio dicit essentialiter ordinem, ad principium, à quo est, & ad terminum ad quem est, sed ordo ad principium, & est materialis & genericus (cùm plures actiones specie distinctæ ab eodem principio egrediantur, & à diversis specie principijs eadem specie actio) ergo ordo ad terminum ad quem est erit formalis & specificus.

2. Principium non est origo actionis secundum totam latitudinem suæ virtutis, sed tantum quâ parte terminum producendum *eminenter* continet (v. g. sol secundum latitudinem virtutis suæ est principium calefaciendi & illuminandi, non tamen ut calefactivus illuminat, sed ut *formaliter* lucidus est; econtrà calefacit non ut *formaliter* est lucidus, sed ut *eminenter* calidus) ergo specificatur, hoc est, determinatur ad certam speciem actionis à suo termino, non quidem *effectivè*, sed *formaliter extrinsecè*, sicut quælibet potentia à suo actu; ergo terminus, qui specificat potentiam, multò magis specificat actum: quamvis enim potentia producat actum eique speciem *effectivè* tribuat, actus tamen cùm sit *prior intentione* & *finis* ipsius potentie, hanc per modum *causæ finalis* specificat, imò & per modum *causæ formalis*, quia virtus activa in tantum est causa actûs, in quantum cum actu proportionatur, & ideo S. Thomas facitur actionem priùs à termino, quàm principio specificari 1. p. q. 105. a. 5. & hoc modo idem S. Doctor intelligendus est, cùm dicit actionem aut à principio & termino specificari, ut 1. p. q. 77. a. 3. aut à solo principio, ut 1. 2. q. 1. a. 3.

3. Quando duæ causæ ad effectum aliquem concurrunt, una *universalis* & *illimitata*, alia *particularis* & *limitata*, huic, non illi specificatio effectûs tribuitur: quando enim sol & planta aliquid producunt, effectus plantæ, non soli in specie assimilatur, nec sol, sed planta producit: sed principium actionis est

est illimitatum & universale ad plures specie actiones, terminus verò limitatus, quique universalitatem causæ restringit, ergo terminus, non principium specificabit actionem.

4. Actio nihil aliud est, quam forma & terminus in fieri, v. g. calefactio nihil aliud est quam calor in fieri, ergo implicat terminos esse specie distinctos, & non actiones, alioqui daretur aliquid factum, quod nunquam erat in fieri.

5. Ab eodem species, & proprietates sumuntur; hæ siquidem formam specificam comitantur: sic etiam denominationum propria à forma specifica, non generica derivatur: homo v. g. à forma hominis, non animalis: calidum à forma caloris, non elementi, aut qualitatis denominantur: sed actio sortitur proprietates termini, non principij, nec ab hoc, sed à termino denominatur; v. g. ignis est principium caloris, nec habet contrarium, bene autem calor, & ideo actio calefactiva & ipsa habet contrarium, videl. frigefactionem, & quamvis sit ab igne, non tamen vocatur ignitio, sed calefactio, à suo videl. termino; si ergo non à termino specificatur, cur à termino denominationem, cur proprietates accipit? Vide Aristot. 5. *Physic. l. 4. & 48.*

X. *Resp. 4.* Aliter actionem à terminis, aliter *potentias, habitus, cognitiones* ab *objectis* specificari, *cognitiones* enim tendunt in objecta non ut sunt, sed ut apparent, & per media ac rationes representantur, & ideo objectum specificat cognitiones non ut est, sed ut representatur, sicque potest idem objectum materiale ad diversos specie actus pertinere, v. g. idem color ut per species visibiles & oculo proportionatas exhibetur, ad actum visionis, ut verò per species cognoscibiles & oculo improportionatas, ad actum intellectionis & scientiæ, &c.

*Actio* verò quia respicit terminum non solum ut cognoscibilem, sed ut producibilem, ideo specificatur à termino in suo esse reali & naturali, sic enim illum, & non aliter producitur; & hæc est differentia inter producere & cognoscere: productio non est *præisiva*. sed dat effectui totum suum esse, nec potest homo produci qui sit animal, nec sit rationale: cognitio verò est *præisiva*, quia pender à speciebus, species verò fiunt ab objecto; sicut ergo non omnis causa effectum tibi adequatè similem produ-

ducit, ita nec objectum species, & ideo potest in homine cognosci animal non cognito rationali.

*Exiuntur* ergo, qui dicunt actiones distinguí quidem per terminos, non tamen *materialiter* & *in esse rei* spectatos, sed *formaliter*, hoc est, ex modo quo attinguntur, sed hoc jam suprà refutavi, & refutari adhuc potest hâc ratione: Sicut ratio *formalissima*, sub qua color specificat actum, aut potentiam visivam, est ratio *visibilis*: & ratio sub qua idem color specificat potentiam aut actionem intellectivam, est formalissimè ratio *intelligibilis*, ita ratio *formalis*, sub qua terminus specificat productionem, est ratio producibilis: sed terminus est producibilis secundum suum esse *reale & specíficum*, ergo *ut sic* specificat productionem; modus verò agendi est ipsa actio, aut aliquid ad actionem pertinens, ergo modus agendi non est producibilis, sed ipsa productio, ergo non specificat productionem, sed specificatur, & ideo licet eodem modo & leo, & equus, & elephas producantur, eodem etiam modo frigus, & calor, istæ tamen productiones omnes specie distinguuntur, ut de frigefactione & calefactione Philosophus testatur 5. *Phys. c. 3.*

*Dicitur*: Communis est Philosophorum sententia, scientias & habitus ex modo tendendi in objecta specificari, idemque de motu circulari, & recto ad eundem terminum.

*æ.* De habitibus jam supra responsum, & data disparitas, imò modus tendendi distinctus jam supponit in ipso objecto variationem ex parte motivi operandi, aut medij assentiendi. Sic etiam motus rectus & circularis ex parte termini proximi diversificantur, aliud enim & aliud *ut proximum* utrique motui responderet.

XI. *Quæritur* 7. In quo subjecto recipiatur Actio?

*Resp.* Actio transiens *inchoativè* & per modum *originis* est in agente; *consummativè* tamen & *principaliter* est in termino producto; nec enim causa denominatur agens, nisi effectum producat, ut patet in Deo, cui cum sit idem esse & agere, non tamen dicitur ab æterno agere, sed in tempore, effectum jam erumpente.

*Actio* igitur ex duobus entibus modalibus integratur, quorum unum est in principio agente, alterum in termino producto: *primum* denominat causam agentem, *alterum* effectum dependentem.

Ratio est 1. Auctoritas S. Thomæ & Philosophi. Actionem esse in agente docet S. Doctor in 2. d. 1. a. 5. ad 11. & 1 p. q. 54. a. 1. & l. 2. contra Gent. c. 35 & l. 3 c. 19. & q. 7. de pot. a. 10. ad 1. & ad 7. Ac etiam esse actionem in passio docet 1. p. q. 54. a. 2. & in 2. d. 40. q. 2. a. 4. ad 1. & l. 2. contra Gent. c. 1. ubi Ferrar. & opus. 48. Tract. de action. & in 3. Phys. lect. 5. & in l. 2. de Anim. 6. 2. textu 24. & 26. & l. 3. c. 3. text. 139 & text. 141. & l. 9. Metaph. c. 9.

2. Actio duo dicit: *Primo* reducere virtutem activam de actu primo ad actum secundum, de otio in motum, de statu indifferentiæ, ad statum determinatum & actualem, quæ omnia important aliquam perfectionem agentis intrinsecam; & ita videmus in actionibus artificialibus prius Artificem moveri & intrinsecè mutari, quàm opus prodire.

*Secundo*, Actio est dependentia termini ab agente, oportet ergo in termino recipi, nam terminus intrinsecè dependet ab agente.

3. Negari non potest, dari in agente realem relationem ad passum, & ad terminum productum, è contra hunc ad illum referri, ergo oportet fundamentum hujus relationis in agente reperiri (ubi enim relatio, ibi fundamentum relationis, ut inductione patet) sed fundamentum est actio, ab hac enim & non à potentia agendi denominatur agens.

4. Actio à Philosopho 3. Phys. c. 2. definitur: *Actus, & forma agentis ut agens*: si est forma agentis, ergo est in agente, & non tantum in passio: nec dicas esse formam extrinsecè denominantem, quis enim credat dari definitionem à Philosopho per extrinseca omissis intrinsecis?

5. Patiens non denominatur tale, nisi per modum intrinsecum superadditum, nec effectus denominatur dependens, nisi à modo intrinsecò & superaddito, per quem ab hoc agente dependeat, idque propterea, quia effectus poterat non dependere ab hoc agente; ergo eodem modo, & ob eandem rationem.



tionem agens non denominatur tale, nisi à modo intrinseco & superaddito dicatur *formaliter ad hoc* agere, nec enim minor perfectio intrinseca est agere, quam pati, influere, quam dependere, & cur potius denominatio patientis sit intrinseca, quam agentis?

6. Forma extrinseca dat denominationem patientis, non agentis, visio v.g. quæ in oculo est, denominat parietem visum, non videntem: amor qui est in amante, denominat objectum amatum, non amans; non ergo potest causa denominari *agens* à forma & actione extrinseca, quæ sit in passivo.

7. Cum ignis actu calefacit, vel aliter se habet intrinsecè quàm antè, quando non calefaciebat, vel intrinsecè se aliter non habet? si aliter se intrinsecè habet, ergo in illo aliquid est, quod antè non erat, & quid hoc, nisi modus ille actionis? si aliter se intrinsecè non habet? cur ergo calor modò ab igne dependet, qui antè non dependebat? circumstantiæ enim non faciunt calorem *formaliter & actu* dependere, sed tantùm disponunt: & si agens agendo intrinsecè non occupatur, nec laborat, effectus perinde à causa egreditur, ut aqua per porram, aut canalem: & quis vidit statuam à sculptore, annulum ab artifice somno, aut otio solutis, nec intrinsecè aliquid agentibus prodixisse? & tamen effectus magis à natura, quàm arte pender, hæc enim applicat tantùm naturam, sed natura opus elaborat.

8. In divinis certum est, actionem & originem activam Generationis in Patre & generante esse, non in Filio genito; idem ergo dicendum in creatis, nisi ratio aliqua, aut manifesta disparitas appareat; optima enim philosophandi est ratio, quæ creata Increatis accommodat, maximè in Mystério Sanctissimæ Trinitatis, quod aliis explicari est difficillimum, & ideo exemplo rerum creatarum ejus difficultas mollienda est.

*Dices*: Ideo Generatio activa in divinis est in Patre, passiva in Filio, quia aliàs Pater & Filius realiter non distinguerentur.

*Contrâ*, Imò adhuc distinguerentur, sicut ex tua sententia agens & terminus productus necessariò distinguuntur, licet actio sit in solo termino, & non in agente.

*Obijciuntur* 1. Dependèntia creaturarum à Deo optimè intelligitur, etiamsi nulla in Deo ponatur actio intrinseca, per quam denominetur *agens*: ergo etiam dependèntia lucis à sole optimè intelligitur, nullâ actione in Deo positâ.

*R.* 1. Si à divinis ratio petatur, jam dictum est, generationem activam esse in generante, non in genito, ergo idem de creaturis dicendum.

*R.* 2. Etiam in Deo datur aliquid, per quod constituitur actu *agens*, efficax videlicet Decretum operandi ad extra; actu enim agere in Deo est perfectio maxima & pertinens ad rationem actûs puri; & si in Deo non esset aliquid, quod haberet rationem actionis, sequeretur non dari in Deo ideam, & exemplar actionis creaturæ, cùm tamen constet omnes creaturas esse imitationes Creatoris: quod verò in divinis actio realiter à natura non distinguatur, hoc provenit ex infinita perfectione & simplicitate Dei, in quo concurrunt duæ illæ summæ perfectiones, *esse Omnia & esse Unum*; nec ideo tamen tollitur per hanc identitatem ratio actionis, sicut non ideo non est in Deo voluntas, quia identificatur cum intellectu: & in homine non ideo non est anima vegetativa, quia identificatur cum rationali.

*R.* 3. Demus in Deo non dari actionem, per quam ab illo creaturæ dependeant, non ideo neganda est in creaturis ob disparitatem rationis, ut patet examinanti, quæ superius allegata sunt.

*Obijciuntur* 2. Omnis actio habet suum terminum, cùm enim sit modus termini, separari ab eo non potest: sed illi actio quam dicis esse in agente, nullum terminum habet; calefactio enim, quam dicis in igne calefaciente recipi, quem terminum habet? calorem in ligno productum? at iste est terminus calefactionis in passò receptæ, non ergo est terminus alterius actionis; & actio cùm sit modus termini producti, non potest alibi esse, quàm ubi est terminus.

2. Calefactionem ut est in igne, duo dicere, perfectionem videl. agentis, quem reducit in actum, & perfectionem termini, quem producit: cum verò dux ille partiales actiones subordinentur, unamque actionem ingenerent, sufficit, si unum terminum habeant, ut patet in alijs causis subordinatis: & cum actio ut est in agente, sit modus agentis, non opus est, ut in passio, aut termino recipiatur.

XII. *Quaritur 8. Quomodo Actio distinguatur à Passione?*

*Resp.* Actio consummative & ultimate sumpta ut est in termino tanquam fieri ipsius termini, & id per quod terminus formaliter ab agente dependet, non distinguitur realiter à passione, sed tantum ratione. Expresse S. Thom. 1. 11. Metaph. lect. 9. & 2. contra Gent. 1. 9. & Aristot. 3. Physic. c. 3.

Ratio est, tum quia nulla necessitas distinguendi; tum quia actio calefactiva v. g. ut ex subiecto realiter educitur, & realiter in subiecto recipitur, eique terminum imprimit, necessariò est actus subiecti patientis ut patiens est, ergo necessariò & realiter est passio.

Passionem multò magis, quàm actionem à terminis specificari certum est, & videri potest S. Thomas 1. 2. q. 1. 4. 3. nam passio nihil aliud est, quàm fieri ipsius termini: ex qua etiam ratione alijsque suprà allegatis constat, passionem à termino modaliter tantum distingui.

XIII. *Quaritur 9. Quomodo Actio, & Passio distinguantur à motu?*

*Resp.* Nulla videtur esse distinctio, nec realis, nec modalis, inter motum ac passionem & actionem, sed tantum rationis. Negant hanc Conclusionem aliqui Thomistæ, qui agnoscunt distinctionem modalem, sed à mea sententia stat S. Thomas 1. 2. q. 1. 4. 5.

Nota Motum alium esse successivum, alium instantaneum (qui potius mutatio) alium perfectivum, alium corruptivum, &c.

Dico igitur Passionem successivam non distingui à motu successivo, Passionem instantaneam à motu instantaneo, &c.

Ratio est 1. quia nihil reale in motu assignari potest, quod non æquè sit in passione & econtrà; utrumque enim dicit es-

sentialem respectum ad suum terminum; utrumque modaliter à termino distinguitur, utrumque in aliquo subiecto existit, motus enim est *actus mobilis*, & passio *actus patientis ut patiens est*, & sicut ubi est Passio, est aliquod subiectum, quod patitur, ita ubi est motus, est aliquod subiectum, quod movetur; utrumque se habet ad formam pro hujus & subiecti capacitate; si enim subiectum est capax totius simul formæ, aut si hæc partes non habet, tam motus quam passio erit simultanea & non successiva, ut in generatione substantiæ: Si verò forma habeat partes & subiectum paulatim formam admittat, tam motus, quam passio erit successiva, ut in aëris illuminatione. Quid ergo est in motu, quo realiter à passione distinguitur? Solum ergo motus à Passione per rationem distinguitur, quatenus consideratur ut merus fluxus & tendentia, præcindendo respectum, quem dicit ad terminum à quo, ad quem, & in quo.


2. Passio dicit realem acquisitionem formæ, nec enim patimur ab eo quod non est. Mutatio verò potest etiam esse in forma merè privativa, aër enim cum ex lucido obcuratur, utique mutationem subit.

3. Motus ut merus fluxus & *præcisivè* consideratus, est quid imperfectum, & reducit ad Prædicamentum sui termini, & ideo nec habet proprium Prædicamentum.

4. Motus est vox & res analogæ, nec enim æqualiter de successivo, & instantaneo dicitur, principalius enim de successivo.

*Passio* de omnibus formis æquè dicitur, pari enim dicit tantum recipere. Sunt tamen, qui etiam Passionem formæ substantialis & accidentalis analogicè dici velint, & solam Passionem accidentalem hujus Prædicamenti esse. Ubi etiam advertit Passionem successivam & momentaneam ex solo hoc capite specie non distingui, sed solum quando termini ita sunt essentialiter constituti, ut unus petat simul produci (ut in Generatione substantiali, volitione, illuminatione) alter verò successivè, ut in motu locali. Illuminatio ergo successiva non distinguitur specie

Table of the ...






# *Passionis.*




*Hæc Divisio fit ratione termini ad quem tendit Actio.*

1. Simpliciter, ut motus ignis, vel Secundum quid, ut motus æris.
2. Simpliciter, ut motus terræ, vel Secundum quid, ut motus aquæ.




*Hæc Divisio fit ratione Subiecti, in quo recipitur.*



*Hæc Divisio fit ratione Durationis.*





cie à momentanea, quia sicut est eadem specie lux, quæ momento & quæ tractim producitur, ita & eadem illuminatio.

Arbor Pradicamentalis Actionis.



§. IX.

De Prædicamento Ubi & Situs.

Summaria.

1. *Ubicationem non esse modum intrinsecum rei Ubicata, sed solam denominationem extrinsecam, auctoritate & ratione probatur.*
2. *Diluuntur potissima objectiones.*
3. *Drvisio Ubicationis.*
4. *Quid sentiendum de Situ?*



I.

*Ueritur 1. An, & quomodo Ubi distinguatur à re ubicatâ?*



*R.ß. Ubicatio non est modus aliquis intrinsecus rei locatæ superadditus, sed sola denominatio*

tio extrinseca à loco proveniens. Negant multi, etiam Thomistæ, hanc Conclusionem. Scotistæ dicunt, Ubicationem esse relationem extrinsecam. Alij esse modum resultantem in corpore locato, motûque locali.

Ratio Conclusionis nostræ est 1. Auctoritas S. Thomæ §. *Metaph. lect. 9. & 3. Phys. l. 5. Sex ultima predicamenta significant formas extrinsecus denominantes.* & 2. contra Gens c. 13. Aliquando denominatur aliquid ab eo, quod est extra ipsum, ut à loco dicitur esse aliquid alicubi.

Nec dicas, S. Thomam nihil aliud velle, quàm locum extrinsecum necessarium esse, ut quis dicatur alicubi esse; non verò locum extrinsecum sufficere sine aliquo modo formalis & intrinsecæ ubicationis: nam contra est, quòd S. Thomas expressè comparat *Ubi* cum *Relatione*, & hanc dicit esse denominationem intrinsecam, quamvis necessariò ab aliquo extrinseco resultet: *Ubi* verò esse denominationem merè ab extrinseco, & per hoc distingui à *Relatione*. & q. 6. de pot. a. 3. *Motus localis est primus & perfectissimus motuum, utpote qui non variat rem, quantum ad intrinsecam rei, sed solum quantum ad exteriorem locum.* & in 4. d. 11. q. 1. a. 3. Invenitur aliqua mutatio, in qua nihil variatur de eo quod est intrinsecum rei, sed solum hoc quod est extra; puta locus, & hoc contingit in motu locali, unde aliud est subiectum motûs localis, aliud termini, qui per illum acquiritur, cum tamen in cæteris motibus idem sit subiectum motûs & termini. En S. Thomas apertè docet motui locali nullum terminum intrinsecum respondere, qui sit in subiecto mobili, sed tantum extrinsecum, hoc est locum. & 1. p. q. 110. a. 3. *Moblie secundum locum non est in potentia ad aliquid intrinsecum in quantum huiusmodi* (ergo nec ubicationem intrinsecam) *sed tantum ad aliquid extrinsecum, scilicet ad locum.* Habes ex his locis mentem S. Thomæ, quidquid Joan. es à S. Thoma Complutenses, alijsque Thomistæ dicant.

2. Nulla est necessitas ponendi modum Ubicationis realiter à corpore locato distinctæ, ut ex solutione objectionum, & ex dictis de Relationibus constat.

3. Quis producit infinitos hos ubicationum cumulos toties fugientium, ac redeantium? Non lo ut extrinsecus, hic enim est ultima superficies corporis ambientis; & consequenter quantitas, hæc verò non est activa. Non corpus locatum, quia si corpus locat

cat

catum producit ubicationem, ergo prius est naturâ, quàm Ubi-  
catio; ergo jam prius est loco extrinseco applicatum (ex hac  
enim applicatione determinatur ad productionem suæ ubication-  
is) ergo jam prius est in loco, quàm suum *Ubi* producat; ad  
quid ergo *Ubi* distinctum, si ante hoc sum in loco?

*Nec dicas*, me ante ubicationem in loco esse *materialiter* tan-  
tùm, non *formaliter*: miserum hoc & vanum effugium! si enim  
ante modum ubicationis distinctæ jam sum in loco, nihil am-  
plius habet ubicatio quod addat, ut sim ibi *formaliter*.

4. Si ubicatio est res distincta à corpore locato & loco  
extrinseco, ergo potest Deus nolle concurrere ad productio-  
nem illius modi, quis enim Deum cogat? non ergo concur-  
rat, an ideo corpus non erit in loco, in quo prius fuerat? an  
erit, & nullibi erit? aut si alicubi erit, & in eodem loco, quo  
prius, non ergo necessaria est distincta ubicatio, cum sine ista  
corpus æquè in loco sit.

5. Probatur ad hominem contra Thomistas. Tota & sum-  
ma ratio, ob quam modum ubicationis distinctum admittunt,  
est, quia dari potest & locus & corpus locatum, nec tamen cor-  
pus in eo loco esse, v. g. possunt Rex Gallie, & Parisij esse, nec  
tamen Rex Parisijs esse. *Rursus* corpus locatum est indifferens, ut  
sit in hoc, vel illo loco, ergo corpus locatum non est suum *Ubi*.  
Cæterum hæ rationes probarent contra communem Thomista-  
rùm, non esse unam relationem Paternitatis v. g. quæ ad plures  
filios extenditur; non esse unam scientiam, quæ cum prius ad  
unam tantùm Conclusionem pertineret, postmodum perficitur,  
& secundam, tertiam, quartam, & paulatim omnes Conclusio-  
nes completitur: non esse unam & simplicem qualitatem, quæ  
modò intenditur & remittitur: non unam existentiam omnium  
partium, quæ modò existunt, modò non existunt, modò con-  
junguntur, modò separantur; in his enim omnibus æquè urgeri  
potest, quòd relatio v. g. quam pater dicit ad filium *A*, possit se-  
parari a relatione ad filium *B* si natus non sit, aut si extinctus:  
quòd relatio ad filium *A* sit indifferens ad filium *B*, &c. Quod si  
eadem & immutata relatio absque nova entitate, quæ ante non  
erat ad *B*, potest essentialiter esse ad *B*, cur non etiam & multò

magis idem & immutatum corpus, quod priùs non erat in loco *B*, possit constitui in loco *B*! minus est enim esse in novo loco, quod tantum accidentale est, quàm respicere novum terminum, quod relationi est essenziale; difficiliùs verò essentialia sine mutatione intrinseca, quàm accidentalia variantur.

6. Esse in loco nihil aliud est, quàm loco includi & circumscribi: atqui ad hoc sufficit sola denominatio extrinseca, tam enim est realis denominatio colorem videri, sonum audiri, quàm corpus loco includi: atqui ad illas denominationes sufficit sola forma extrinseca visionis, &c.

II. *Obijciunt* 1. Potest hoc corpus, & hic locus esse, quin tamen corpus sit in hoc loco, ergo esse in hoc loco est aliquid realiter ab hoc corpore, & ab hoc loco distinctum.

*R.* 1. Hoc Argumentum etiam contra Thomistas urget, ut paulò antè notatum.

*R.* 2. Utique esse in hoc loco dicit aliquid præter locum & corpus locatum, motum videl. localem, aut alias positionem, quâ hunc locum occupem, quibus positus velut connotatis extrinsecis continuò corpus locatum sine alia modali entitate, & ubicatione dicitur esse in hoc loco; sicut enim forma intrinseca non informat, nec denominat, nisi corpore & materiâ dispositis, ita nec forma extrinseca.

*Obijciunt* 2. Destruatur tota universi machina, erunt utique omnia, quercus v. g. turres, domus, homines, &c. in eodem loco, poteruntque animalia viciniùs ad se invicem accedere, aut etiam recedere; & tamen in hac hypothese nullus erit locus extrinsecus, à quo denominentur esse in loco, ergo hæc denominatio non est merè extrinseca.

*R.* 1. In hac hypothese negant Thomistæ motum localem fieri posse, à quo ergo corpora determinabuntur, ut hanc vel illam ubicationem subeant? quidquid isti dixerint determinare corpus ut sit hic, dicam & ego determinare corpus, ut denominetur esse hic.

*R.* 2. Sublato omni loco non dicentur corpora esse in loco, sicut sublata omni domo non posset aliquis domum inhabitare. Dicerentur tamen sibi propinqua, aut distantia, & hæc denomi-

denominatio resulteret ex alio corpore vicino, & spatij imaginarijs, seu virtualibus, ac possibilibus, quæ duo illa corpora interiacent.

*Obijciuntur* 3. Motus localis est motus verissimus & realissimus, ergo verum aliquem & realem terminum habet, quem verò alium, nisi ubicationem intrinsecam? locus enim extrinsecus non fit per motum localem, sed supponitur.

*R.* Terminum motus localis esse conjunctionem, contactum & contiguitatem corporis locati cum loco; vel superficie locante, ex quo contactu resultat utriusque indistantia, & determinata distantia à punctis finis seu polis Mundi; motus enim localis non producit aliquid, sed corpus loco conjungit, & ad hanc conjunctionem est impertinens ubicatio modalis & resultans; hæc enim ubicatio, quæ *formaliter* constitueris in loco *A*, vel resultat ex te ut es in loco *A*, vel non ut es in loco *A*? non hoc, quia si non es in loco *A*, non habebis ubicationem *A*, sed aliam: si verò resultat ex te ut es in loco *A*, ergo priùs ibi es, quàm resulteret hic modus, ergo etiam si non resulteret, nihilominus eris in loco *A*, & per se ridiculum sit, non posse turrim, aut altissimam quercum immobiliter terræ immerfam aliter esse in loco. v. g. in campo, in silva, quàm ut ibi ubicatione aliquâ detineatur, fac enim ubicationis hunc modum divinitus impediri, ne ex quercu aut turri resulteret, num ideo turris illic non erit? aut quò migrabit?

*Obijciuntur* 4. Locus extrinsecus, hoc est, ultima superficies corporis ambientis sæpè mutatur loco immutato, ergo non potest ubicatio esse contactus locati cum loco extrinseco: *Ante eadens probatur*; arbor enim terræ defixa semper in eodem loco est, & tamen superficies aëreæ, quibus ambitur, continuâ ventilatione mutantur.

*R.* Locum mutari *materialiter*, non verò *formaliter*, quoad certam distantiam à polis Mundi.

*Obijciuntur* 5. Motus localis est distinctus à corpore mobili & loco per quem movetur, ergo & quies in loco (hæc enim est perfectior motu, & hujus finis) ergo & ubicatio fixa, quæ nihil aliud est, quàm quies in loco.

2. 1. Non sequitur, est perfectior, ergo est distincta; distinctio enim potius obest perfectioni, & ideo nulla in divinis præter relationes est distinctio.


2. 2. Esse in loco est uniri loco, & quidem loco contactus: unio verò & contactus non requirunt medium, sed potius tantò perfectior unio & contactus, quantò immediatior, non ergo ex natura sua medium requirunt. Motus vero est successivus, ergo dicit esse, & non esse, ergo non potest identificari cum corpore locato, hoc est, cum ente permanente, & quod dicit tantum esse.

*Obijciunt* 6. Angelus verè ac realiter de loco in locum movetur, ergo hic motus localis est in Angelo, ergo producit aliquem terminum in ipso Angelo, ergo intrinsecam ubicationem, nec enim alius terminus intrinsecus ostendi potest; nec enim in Angelo datur contactus cum loco externo; idem duas de anima cum separatur à corpore, & in infernum, aut paradysum movetur.

2. Terminum motus localis esse id, ad quod localiter movemur, sicut terminus calefactionis est id, ad quod acquirendum subjectum calefactibile movetur: non autem movemur ad aliquid intrinsecum (alioquin moverer localiter ad me ipsum) sed ad extrinsecum, hoc est, ad locum: terminus ergo motus localis est ipse locus non quidem *ut producendus*, sed *ut attingendus & occupandus*, quæ occupatio est intima vicinitas & conjunctio loci ad locatum, ita ut nullum medium corpus interjaceat, sive jam hæc conjunctio fiat per contactum *materialem, extensivum & commensurativum*, ut in rebus materialibus; sive per contactum *spiritualem & indivisibilem*, ut in rebus immaterialibus: ea verò intima conjunctio locati cum loco fieri non potest per modum ubicationis intrinsecæ, quæ cum soli locato inhæreat, non unit & conjungit, imò supponit rem esse in loco.

*Obijciunt* 7. Si Ubicatio non distinguitur à corpore & reubicata, quot ergo erunt in uno corpore ubicationes? nam præter naturam est etiam forma & diversa accidentia, quæ utique extra locum non sunt.

2. Tot






1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340. 2341. 2342. 2343. 2344. 2345. 2346. 2347. 2348. 2349. 2350. 2351. 2352. 2353. 2354. 2355. 2356. 2357. 2358. 2359. 2360. 2361. 2362. 2363. 2364. 2365. 2366. 2367. 2368. 2369. 2370. 2371. 2372. 2373. 2374. 2375. 2376. 2377. 2378. 2379. 2380. 2381. 2382. 2383. 2384. 2385. 2386. 2387. 2388. 2389. 2390. 2391. 2392. 2393. 2394. 2395. 2396. 2397. 2398. 2399. 2400. 2401. 2402. 2403. 2404. 2405. 2406. 2407. 2408. 2409. 2410. 2411. 2412. 2413. 2414. 2415. 2416. 2417. 2418. 2419. 2420. 2421. 2422. 2423. 2424. 2425. 2426. 2427. 2428. 2429. 2430. 2431. 2432. 2433. 2434. 2435. 2436. 2437. 2438. 2439. 2440. 2441. 2442. 2443. 2444. 2445. 2446. 2447. 2448. 2449. 2450. 2451. 2452. 2453. 2454. 2455. 2456. 2457. 2458. 2459. 2460. 2461. 2462. 2463. 2464. 2465. 2466. 2467. 2468. 2469. 2470. 2471. 2472. 2473. 2474. 2475. 2476. 2477. 2478. 2479. 2480. 2481. 2482. 2483. 2484. 2485. 2486. 2487. 2488. 2489. 2490. 2491. 2492. 2493. 2494. 2495. 2496. 2497. 2498. 2499. 2500. 2501. 2502. 2503. 2504. 2505. 2506. 2507. 2508. 2509. 2510. 2511. 2512. 2513. 2514. 2515. 2516. 2517. 2518. 2519. 2520. 2521. 2522. 25



1875

*Situs.*





Handwritten title or header at the top left of the page.

Handwritten notes or a list on the left side of the page, possibly describing the components of the diagram.



Handwritten notes or a list at the bottom of the page, possibly providing additional context or a summary of the diagram.

2. Tot esse partiales Ubicationes, quot sunt res aut partes in uno corpore : sicut autem ex omnibus partibus fit unum ens totale, ita ex omnibus partialibus ubicationibus una totalis ubicatio.

### III. Queritur 2. Quotuplex sit Ubi ?

Resp. Ubi dividitur in *Definitivum*, *Circumscriptivum*, & *Sacramentale*. *Definitivum* est, quo res ita certo spatio concluditur, ut tamen sit tota in toto spatio seu loco, & tota in qualibet parte loci, & hoc convenit rebus spiritualibus. Punctum licet non habeat partes extensas, est tamen principium quantitatis & extensionis. Substantia materialis de se quidem partes non habet, sed tamen petit extendi quantitate ; nec puncto igitur nec substantiæ materiali competit Ubi Definitivum.

*Ubi Circumscriptivum* est, quo res aliqua certo loco continetur ; ita tamen, ut sit tota in toto, & pars in parte loci. Hoc convenit substantijs & rebus materialibus, quæ partes habent, & mensurantur quantitate.

*Ubi Sacramentale* est, quo res certo loco non definitur, quin possit in pluribus locis esse, in quolibet verò istorum locorum tota est in toto & tota in qualibet parte loci ; hæc competit Christo Domino sub speciebus Eucharisticis.

### IV. Queritur 3. Quid sit Situs, & quomodo distinguatur ab Ubi ?

Resp. Situs definitur : *Positio*, seu *ordinatio partium in ordine ad locum*, v. g. *sedere, stare, cubare, &c.* Differt ergo ab Ubi, quia hoc dicit tantum esse in loco, non verò esse in loco cum tali, aut tali partium dispositione, ita videlicet ut, caput v. g. sit sursum, pedes deorsum, &c. Et ideo licet res incorporeæ sint in loco, non tamen habent situm.

Situm alij realiter ab Ubi distinguunt ( possum enim eodem corporis situ locum variare, ut si jacens navigem ) alij ratione tantum. Vide Suar. *Metaph. d. 52. S. Thom. 1. 2. q. 49. a. 1. ad 3. & opusc. 48.* Res est parvi momenti.



## § X.

## Prædicamentum Quando &amp; Habitus.

## Summaria.

1. Quando, 2. & Habitus, sunt tantum denominationes extrinsecæ.



## I.



Ueritur 1. Quid sit Quando ?

Resp. Quando dehnitur, id quod relinquitur ex adiacentia temporis : hoc est , Quando est accidens , quo res est in tempore. Nihil ergo aliud est Quando, quàm duratio rei intrinseca ( quæ à re durante non distinguitur ) prout connotat tempus extrinsecum, cui res temporales subduntur. Quando igitur nec est tempus, nec duratio, sed duratio ut connotans tempus , sicut similitudo parietis A ad parietem B, non est paries A, nec paries B. sed est paries A, ut


con-

Deus, in nomine Amen.






## Prædicamentum Quando.



## Prædicamentus Habere.





connotans parietem B. & ita S. Thomas locis suprà de loco allegatis docet, *Quando* pertinere ad denominationem extrinsecam. Quæ verò de duratione & tempore scitu digna sunt, in Phisicis tradentur.

### II. *Quæritur* 2. Quid sit Habitus ?

*Resp.* Eodem modo Prædicamentum Habitus nihil aliud est, quam denominatio extrinseca, proveniens ex adjacentia vestium; veste enim homini circumpositâ, omnique alio modo præcito, dicitur homo vestitus. Vide S. Thom. *opus.* 48. ubi etiam docet, pilos, plumas, squammas, &c. quibus animalia vestiuntur, ad hoc prædicamentum non spectare, quia sunt partes integrales animalium.

Arbor Prædicamentalis Quando & Habitus.



## §. XI.

# DE POSTPRÆDICAMENTIS.

## DE OPPOSITIS.

### Summaria.

1. *De finitio repugnantium.*
2. *Devisio oppositorum.*
3. *De contrarijs, & conditionibus ad illa requisitis.*
4. *Et s. Quid circa privativè & contradictoriè opposita advertendum?*

### I. *Quæ*



Ostenduntur sunt explicationes quarundam vocum, quæ in Categorijs frequenter occurrunt; sunt verò hæc: *Opposita*, *esse prius*, *esse simul*, *motus*, *mutatio*, & *Habitus*.

I. *Quæritur* 1. Quid sint Repugnantia, & Opposita?

*Resp.* Repugnantia sunt, quæ de eodem singulari verè affirmari non possunt, v. g. *album* & *nigrum*. Repugnantia alia sunt disparata, alia opposita. *Disparata* sunt, quæ ita uni repugnant, ut æquè alteri, v. g. lignum repugnat lapidi, sed æquè ferro. *Opposita* verò ita uni repugnant, ut nulli alteri æquè adversentur, v. g. *album* ita repugnat nigro, ut nulli colorum æquè repugnet, non viridi, non flavo, non rubro, &c.

*Opposito* igitur inter duas formas sunt ipsæ realiter formæ; quæ ut seipsis sunt, ita seipsis una non est alia; à nobis tamen explicari non possunt, nisi per relationem, aut negationem.

Definiri opposita possunt: *Opposita* sunt duo extrema repugnantia simplicia, quæ in eadem re singulari simul, ac secundum eandem partem, ac respectu ejusdem esse non possunt. Vide *Conimbr. bi. q. 1. a. 1.*

II. *Quæritur* 2. Quotuplicia sint Opposita?

*Resp.* Opposita dividuntur in *Relativè*, *Contrariè*, *Privativè* & *Contradictoriè* opposita: est *communis*.

*Ratio*; Oppositorum extremorum vel utrumque est *positivum*, vel alterutrum non est *positivum*; si utrumque positivum, aut utrumque est *absolutum*, & habemus *contrariè* opposita; aut utrumque *relativum*, & habemus *relativè* opposita. Si alterum

non

non est positivum, aut ergo erit metè *negativum*, & sunt *contradictoria*: aut erit *privativum*, & erunt *Privativa*. Isti termini: *Cæcus non cæcus*, *surdus non surdus*, dicunt oppositionem privativam; non cæcus enim idem est, quod videns: non surdus idem quod audiens; cùm enim *surdus* sit terminus privativus, si ei negationem addas, evadet positivus.

*Nota*, in omnibus oppositis, v. g. in contrariis semper aliquam relationem reperiri (contrarium enim est alteri contrarium) sed tantum accidentalem; nam ut suprà dixi, formæ oppositæ seipsis opponuntur, & *accidentaliter* tantum resultat relatio.

*Relative* verò opposita sunt *essentialiter* relata, nec dicunt tantum genericam relationem oppositionis, sed specificam & talis oppositionis.

Hæc divisio, ut notat S. Thomas *Opusc. 37.* est analoga; non univoca, quia oppositio *contradictoria* est simpliciter talis, reliquæ verò in quantum aliquid de contradictione participant; si enim non aliquid negarent aut tollerent, non essent opposita.

*Relativa* Oppositio est minima; licet enim exigit diversitatem extremorum, hæc tamen se mutuo respiciunt, se inferunt, simul cadunt, & plus habent amicitie, quàm simultatis & oppositionis. De Relativis jam suprà dictum, nec pluribus opus.

### III. *Quæritur 3. Quid sint Contraria?*

*Resp.* Contraria definiuntur, *quæ sub eodem genere maximè distant, eidem subjecto vicissim insunt, & ab eodem se mutuo expellunt, nisi alterum insit à natura, v. g. a'bam & nigrum.*

*Prima* ergo conditio contrariorum est, ut sint sub eodem genere, vel proximo, ut albedo & nigredo sub genere qualitatis; vel remoto, ut habitus virtutis & vitij, &c.

*Ratio* hujus conditionis est, tum quia contraria se mutuo expellunt & subjectum transmutant, transmutatio autem cùm sit transitus de una forma in aliam, non fit ad omnino, & simpliciter diversa, ut inductione patet & exemplo motûs, ac distantie localis: tum quia contraria vicissim eidem subjecto insunt, ergo

conveniunt in genere physico, hoc est, materia, & in aliqua proportionem ad subiectum cui insunt; *tum denique* quia per hanc conditionem voluit solum Aristoteles, *Contraria à Contradictorijs & Relativis* distinguere; *Relativa* enim possunt esse extrema ejusdem speciei, ut patet in Relationibus similitudinis, non verò *Contraria*, aliàs secum non pugnant. *Rursus* potest uni relationi *reali* alia relatio correspondere, quæ sit *rationis* ( creatura enim dicit relationem *realem* ad Creatorem, hic ad creaturam tantum *rationis* ) relatio verò *realis* & *rationis* non sunt sub uno genere. Sic etiam opposita *contradictoriè* & *privativè* toto genere differunt, cum dicant ens, & non ens, sub nullo ergo genere conveniunt.

*Secunda* conditio est, ut contraria sub eodem genere maximè distent; quod intellige de distantia non locali, sed naturali & entitativa, sive dissimilitudine; item de distantia sub eodem genere & positivâ; magis enim distat calor & color, quam calor & frigus, sed illa distantia est sub diverso genere: magis etiam albedo & non albedo, quam albedo & nigredo, sed prima est oppositio & distantia *negativa*.

*Ratio* hujus conditionis est, quia contraria se mutuo expellunt, ut mox dicetur: sed nisi maximè distent, non se expellunt, qualitates enim remisse, & mediæ possunt in eodem subiecto simul esse, v. g. in eadem aqua calor *ut 2* & frigus *ut 4*. Nec alia videtur fuisse mens Aristotelis in assignanda hac conditione. *Prodigalitas* sub genere vitij maximè pugnat cum *avaritia*; sed sub genere remoto habitus magis pugnat cum liberalitate, ab hoc enim toto genere differt. *Opinio* vera sub genere opinionis maximè distat ab opinione erronea, sed sub genere habitus aut assensus intellectivi magis distat à scientia. *Qualitates media* non pugnant *contrariè*, nisi quatenus aliquid habent de contrariis extremo, v. g. color viridis non est contrarius albo, nisi quatenus aliquid de nigro habet. *Virtus* & *vitium* propriè non sunt contraria, nisi ratione inferiorum, quia si spectentur contrariè, non insunt subiecto.

*Tertia* conditio est, ut contraria se mutuo expellant, quod intellige de expulsiōe non *efficiativa* ( multæ enim qualitates contrariæ non sunt activæ ) sed *formali*, repugnat enim naturaliter  
sunt;



summam albedinem summæ nigredini in eodem subiecto con-  
sociati: neque hæc formalis repugnantia in eo est, ut duæ qua-  
litates idem subiectum intrent, & tunc demum se expellant,  
sed potius, ut nunquam eidem subiecto inesse possint simul &  
semel. Frigus aquæ non expellit calorem ab igne (quamdiu  
enim ignis est, calet) non quia non habeat vim expellendi,  
sed quia calor est proprietas inseparabilis. Contraria posse in  
gradibus remissis naturaliter eidem subiecto inesse, docet S. Th.  
1. p. q. 76. a. 4. ad 4. & Quodlib. 1. a. 6. ad 3. & pater experien-  
tiâ, aqua enim cum caleht, non amittit totam frigiditatem,  
ergo retinet cum calore aliquos gradus frigoris, ergo calor &  
frigus in gradibus remissis & in eodem subiecto misceri pos-  
sunt.

*Dices*, aquam frigidam v. g. ut 8. cum unum gradum ca-  
loris recipit, hoc ipso totam qualitatem frigoris amittere, & aliam  
qualitatem recipere, quæ sit media & *virtualiter* frigida ut 7. ca-  
lida verò ut 1. sicut color viridis *formaliter* non est nigredo aut  
albedo, sed color medius, *virtualiter* nigredinem & albedinem  
complectens.

Re. 1. Ignis, qui aquam calefacit, quomodo potest qua-  
litatem producere quæ sit *virtualiter* frigida, cum ipse ignis ejus-  
que calor *virtualiter* non sit frigidus?

Re. 2. Sequitur contra communem sensum & experienci-  
am, nullam qualitatem remitti, sed totam destrui: nullam in-  
tendi, sed totam amitti.

Re. 3. Experimur tactu in aqua calefacta ut 6. verissimum  
& *formalem* calorem, *virtualis* enim non cadit in tactum, ut pa-  
tet in pipere, junipero, pulvere tormentario.

Re. 4. Falsò hæc sententia supponit qualitates contrarias,  
v. g. frigus & calorem ex vi formarum essentialium se mutuò  
expellere, cum tamen se tantum expellant *formaliter* in gradibus  
intensis, quia subiectum se extendit ad certam tantum latitudi-  
nem graduum recipiendam, ita ut ejus capacitas vel unâ qua-  
litate, si perfecte intensa sit, expleri possit, vel duabus con-  
trarijs, intra tamen, non supra latitudinem v. g. graduum 8.  
ut si subiectum calidum sit ut 6. habere possit duos gradus fri-

goris, si calidum ut 5. tres gradus frigoris, &c. Denominatio tamen fiet à qualitate denominante, aut illa quæ sensum magis afficit.

De potentia Dei absoluta non est dubitandum, posse duas qualitates contrarias in gradu intentio eidem subiecto inhaerere, nulla enim hic repugnancia; magis enim repugnat unum corpus in duobus locis esse (cùm naturaliter unum corpus, &c. quidem quoad aliquam sui partem possit in duobus locis esse, bene autem unum corpus duabus qualitatibus contrariis incompletis & partialibus, ut ita dicam, hoc est, in gradibus remissis affici) quàm duabus contrariis qualitatibus subdi, & tamen fieri illud potest.

*Hæc albedo & hæc nigredo formaliter ut qualitates individua, non sunt contraria, sed disparata potius, quia non magis repugnat albedini nigredo A, quàm nigredo B.*

IV. *Quæritur 4. Quid sint privativè opposita?*

*Resp. Privativè opposita sunt Habitus seu forma & ejus opposita privatio.*

*Prima conditio hujus oppositionis est, ut subjectum sit aptum non tantùm juxta gradum genericum, sed etiam specificum recipere formam, quâ dicitur privatum esse, v. g. homo dicitur cæcus, quia illi ut homini debetur visio: talpa verò non dicitur cæca, quia ut talpæ visio non debetur, sed ad summum ut animali: sic etiam catulus ante septimum diem & homo dormiens, quamvis non videant, cæci tamen propriè non sunt, nec privati visione, quia nec homini dormienti, nec catulo ante septimum diem visio debetur.*

*Est commune Philosophorum axioma, de privatione ad habitum non dari regressum, quod intellige de privatione, quæ non solum actum, sed etiam potentiam tollit (ut si oculo lasso evadas cæcus) aut etiam si potentia daret, non tamen datur regressus de privatione ad eundem numero actum; si enim temno v. g. actus videndi cesseret, poteris excusso somno ad eandem speciem visionem, non ad eandem numero redire. Idem dicas de aëre tenebris inumbrato, de aqua calefacta, &c. Vide S. Thom. 2. Metaph. 16. 7. 4. & opus. 37. 6. 1. & q. de malo 1. 12. ad 3.*

V. *Quæ*

V. *Queritur* 5. Quid sint Contradictoria?

*Resp.* Contradictoria sunt forma & ejus pura negatio respectu cuiuscunque subjecti, v. g. visio non visio, lapis non lapis, &c. Differt à Privata oppositione, quia privatio tollit quidem totam formam seu totum actum, non tamen potentiam; imò hanc supponit, & ita relinquit virtualiter aliquid de forma: Contradictoria verò oppositio dicit puram negationem, nec supponit potentiam; quamvis enim negatio visionis possit esse in subjecto, cui potentia videndi præstò est, id tamen se habet ad puram negationem merè per accidens; nam etiam subjectum potentia videndi destitutum, v. g. lapis, potest dici non videns, non tamen casus.

Oppositio ergo Contradictoria ut sic tollit totam entis rationem. Et ideo in privativis datur medium, v. g. datur aliquid quod nec est cæcum, nec est videns, videl. lapis. Et ratio est, quia cæcitas connotat aliquid positivum, potest autem fieri, ut sicut lapis nec est canis, nec est arbor, quia hæc dicunt formam positivam, ita nec sit videns, nec cæcus, quia etiam hæc dicunt formam positivam. At verò in Contradictorijs non datur medium; sicut enim inter ens & non ens non datur medium, & quodlibet est vel non est, ita, &c. & ideo lapis necessariò aut videt, aut non videt, vide Aristot. l. 10. Metaph. c. 6. & 10. & Suar. d. 54. Metaph. sect. 5. De alijs Postprædicamentis videndi Summulistræ, & Conimbricenses. De speciebus Motûs in Physica dicitur.

## FINIS LIBRI PRIMI





LIBER II.  
DE SECUNDA MENTIS  
OPPERATIONE,  
HOC EST, JUDICIO.



Gignus in hoc secundo libro de secunda  
Mentis Operatione & instrumentis, quæ  
judicio dirigendo servire possunt. *Judici-  
um nihil aliud est, quàm cognitio complexa, quæ  
de objecto, aut re aliqua negamus aliquid, aut  
affirmamus.* Voces externæ, quibus inter-  
num hoc-judicium significamus, Propo-  
sitio, aut Enuntiatio appellantur. Pro-  
positio definitur: *Oratio verum vel falsum significans.* Objectum ergo  
hujus secundi libri est Propositio, præsertim mentalis, cujus  
primò elementa partèsque, rum essentiam, proprietates, quali-  
tatem, quantitatem, species & alia explicabo. Inscriptis hunc  
librum Aristoteles titulo Perihermenias seu de Interpretatione:  
sicut enim simplices & apprehensivi conceptus non sunt propriè  
loquendo sermones, ita nec de illis datur propriè dicta inter-  
pretatio, hæc enim enuntiat aliquid esse, vel non esse. Vide  
S. Th. Prol. in 1. Periherm.



§. I.

DE SIGNIS.

Summaria.

1. Signorum usus ab ipso signatorum Authore commendatus.
2. Quotuplex, 1. & Quid sit signum.
4. Significare formaliter non in efficiendo, sed representando consistit.
5. Signa etiam brutis usitata.
6. Rationali tamen animali quoad sensus externos nullus est signorum usus.
7. Signum formale est signum proprie dictum.
8. Sicut & illud quod dicitur signum ex consuetudine.
9. Voces non conceptum, sed rem ipsam significant.
10. Quam tamen ex mente Doctoris Angelici non excludunt.
11. Voces humanae societati necessariae ex quasi pacto in propria significatione sunt usurpanda.
12. Non representant naturaliter res significatas.
13. Perfectius possunt rem audienti significare, quam loquenti sint nota.
14. Locutio non importat intelligentiam verborum in audiente.

L. To.



## I.



Ora rerum natura signis abundat, idque summâ Creatoris prudentiâ & bonitate curatum est, nevidelicet subitis & improvisis casibus homines ferirentur. Duo enim sunt, quæ communiter ignorantur, & in quæ imparati incidimus, *occulta & futura*, utrisque tamen notæ quædam & characteres dati, nec tamen tam clari, ut ab omnibus cognosci possint, nec tam obscuri, ut sapientes lateant, nec tam certi, ut semper eventum promittant: sic ergo & ignorantix & sapientiæ, & spei & timori locus est datus, pulcherrimâ varietate, nexûque rerum se mutuo juvantium. Ergo in hoc Mundo velut in amplissimo illo templo versamur, quod Fortunæ Nero dicaverat. Erat id ex marmore candido flavisque venis distincto, ac instar speculi pellucens, quod propterea phengitem seu speculari appellabant; illic inclusa velut luce dies etiam in nocte perpetua. Sic in toto hoc Mundo omnia signis & speculis pellucunt, ex quibus etiam occulta & futura, quæ alioqui tenebris involvuntur, deprehendas licet.

*Signa in sole;* qui si occidit pridie serenus, & oritur, certissimam prænuntiat serenitatem: si circa occidentem rubescunt nubes, serenitatem futuræ diei spondent: si in occasu ejus pluar, aut radij in se nubem trahant, asperam in proximum diem tempestatem significabit: si nubes solem circumcludant, quantò minus luminis relinquunt, tantò turbidior tempestas erit: si verò etiam duplex orbis fuerit, eò atrocior: si oriens cingatur

or-

orbe, ex ea parte ventus expectetur: si circa occidentem candidus circulus sit, noctis levem tempestatem, si nebula, vehementiorem portendit; si ater circulus fuerit, ex qua regione is se ruperit, ventum magnum.

Idem sol augeat & comprimit ventos, augeat exorians; occidensque, comprimit meridianus æstivis temporibus, itaque medio diei ac noctis venti plerumque sopiuntur, quia aut nimio frigore aut aestu solvuntur.

Flores ac herbas dum in se convertit, rapitque, temporis ac horarum spatia metitur. Lupinum quoridie cum sole circumagitur, horasque agricolis etiam nubilo demonstrat.

Occiso Julio Cæsare sol toto anno palluit, civile bellum præiunians. Constantino Imperatore iussu Matris Irenes, quæ imperium ambiebat, excæcato, septemdecim dies sol latuit, velut Matris crudelitatem lugeret; tanta verò obscuritas fuit, ut mari navigantes aberrarent. Joannes Joustonus in sua Thaumographia: *Certum est, inquit, nunquam solis eclipfes fuisse, quin aliquid denotaverint.*

Anno 3350. eclypsis fuit, quam septuaginta annorum captivitas secuta. Anno 3360. Templum & Hierosolyma à Nabuchodonosore excinduntur. Sub anni 3619. eclypsi stellæ circa meridiem conspectæ & bellum Peloponnesense cum Atheniensibus incipit. Anno 592. sol in meridiem usque deliquit: um patitur, & secuta Phocæ tyrannis. Anno 622. Mahometes nefandæ doctrinæ semina spargit. Anno 812. Ante Caroli M. obitum nigri coloris per septem dies apparuit macula. Anno. 1415. septimâ Julij tam horrenda solis defectio fuit, ut aves in terram prociderint, quo tempore Joannes Huss Constantiæ combustus. Sed illa maximè fatalis, quæ Passionem Dominicam vidit, plenilunio contigit, duravitque trihorium. Dionysius de illa: *Aut Deus natura patitur, aut Mundi machina subvertitur:* hic dein communicato cum Philosophis consilio aram *Ignoto Deo* extruxit. Relatam in acta publica Romæ testatur Tertullianus in Apologetico, sed ne spargeretur prohibitum.

Plures soles in cælo visi magni aliquid portendere. Christo nato tres soles in Hispania conspecti in unum coeuntes, An-



no 1514. visi tres soles, singulis cruentus inerat gladius, & secunda Lutheri reformatio. Jonstonus *c. 4. a. 1.* Anno 1520. visi iterum tres Tiguri, & ingens fames oborta. Anno 1314. ante bellum Ludovici Bavari cum Friderico Austriaco visa solis parelia Electorum dissidia & partium studia significarunt.

Notat Plinius nunquam plures quam tres soles in Cælo conspectos.

*Signa etiam in Luna.* Quarta Luna si candida fulserit, serenitatem, si rubicunda, ventos, si atra & subpallida, pluvias portendit. Si quartam orbis rutilus cingit, ventos & imbres præmonabit. Si plenilunio, pura erit, dies serenos significabit, si rutila, ventos, nigrescens imbres; si gemini orbes cinxerint, majorem tempestatem, & magis si tres erunt. Si plena circa se habebit orbem, ex qua parte is maxime splendebit, ex ea ventum ostendet.

*Signa in stellis.* Cum discurrere videntur, venti sequuntur: Si stellarum errantium aliquam orbis incluserit, imbres. Sunt in signo Cancri duæ stellæ parvæ, Afelli appellatæ, exiguum inter illas spatium obtinente nubeculâ, quam præsepia appellant: hæc cum cælo sereno apparere desierit, atrox tempestas sequitur.

*Cometa* nunquam aut raro impune visi, & ideo à S. Augustino *Cæli lingua* appellantur. *Serm. 30. de tempore.*

*Signa in aëre.* Iris pacem annuntiat: cæruleo, rubroque colore pingitur, isto futurum orbis incendium, illo præteritum aquarum diluvium significat. Matutina promittit tempestatem, vespertina serenum. Seneca *1. Natur. quasi.* Arcus à Meridie ortus magnam vim aquarum vehit: si circa occasum fulsit, torabit. Plin. *l. 8. c. 35.* Arcus cum sunt duplices, pluvias nuntiant. Ipsa iridis figura divinitam clementiam notat, quamvis enim arcus sit, sagittis caret, quibus feriat. Vide S. Thom. *Quodlib. 3. a. 30.*

*Fulca* aves matutino clangore tempestates præcinent. *Mergæ*, antequam rostro purgantes pennas, ventum, *Mergæ* stagna, aut maria fugientes, *grues* silentio per sublime volantes serenitatem. *Graculi* serò à pabulis recedentes imminentes imbres. Item cum terrestres volucres contra aquas clangores dabunt perfundentes

sepe, sed maximè *cornix*. *Hirundo* etiam juxta aquas volitans ut pen-  
nà sæpè percutiat; *anser* continuo clangore intempestivi: *ardea*  
in medijs arenis tristis, *Apes* cum se continent rectis, prædivi-  
nant ventos, imbrésque: cum ad mellilegium progrediuntur,  
temperatum aërem.

• *Signa in terra.* *Trifolium* cum inhorrescit & folia subtegit,  
tempestati præludit. Lucentes vespere per arva *cicindela* matura-  
tionem hordei annuntiant. Ruinis imminentibus *musculi* præmi-  
grant, *araneæ* cum telis primi cadunt. *Viola* alba prima florum ver  
annuntiat, *Galli* cum sole eunt cubitum, nōrunt sidera, & ternas  
interdiu horas cantu distinguunt, diem venientem cantu præsa-  
giunt, & cantum alarum strepitu. *Gallina* Livie Drusillæ ab aqui-  
la in sinum dejecta cum lauri ramo baccas ferente nuptias cum  
Augusto prædixit.

*Signa in aquis.* *Mare* si tranquillum in portu stabit & mur-  
muraverit intra se, ventum prænuntiat: litora ripæque si resona-  
bunt mari tranquillo, asperam tempestatem: *pulmones* marini in  
pelago plurimum dierum hyemem portendunt. *Delphines* tranquil-  
lo mari lascivientes flatum ex qua veniunt parte: item tranquil-  
litatem, si turbato mari appareant spargentes aquam. *Nilus* cum  
exundat, fecunditatem *Ægypto* promittit, sterilitatem cum sta-  
gnat: Pompeij Magni cædem maximè subsidens & inarescens,  
teste Plinio, portendit.

Sed nullibi major quàm in homine signorum confluxus:  
quidquid animo condit, tegiturque, in fronte velut in theatro  
panditur. Infans Mome, dum rerum Conditorem incusat, quòd  
humano pectori crySTALLUM non adjunxerit, unde intima & ar-  
cana paterent: frons homini pro speculo est, illic animus pro-  
diit, Dabo aliqua tantum, in quibus videas, quantum & Natura  
& Deus providerint, ne homini signa deessent, quibus noxia &  
præsertim extrema præsentiret cavetorque, si vellet. *Mula* par-  
tus (quæ alias semper sterilis est) prænuntius *Babylonica* capti-  
vitas fuit. Fugam *Xerxis* editus ab equa lepus ostendit. Pri-  
die quàm interficeretur Cæsar, alitum pugna & victimæ absque  
eorde sæpius repertæ necem prædixere. Scribunt cum regulus  
avis Pompeianam curiam intrasset, suculum virentis lauri rostro

ferens, globo aliarum volucrum decerpente cinctam, discer-  
ptamque signum Cæsari dedisse cædis imminentiæ. Quo anno  
superatus Annibal, in arboribus nata sunt trumenta. Nume-  
rix in luco Junonis ulmus (cui cacumen amputatum erat, quo-  
niam in aram ipsam procumbebat) sponte restituta est, ac  
protinus floruit, à quo deinde tempore Majestas Populi Ro-  
mani, quæ antè vastata cladibus fuerat, resurrexit.

Circa bella civilia palma ad basim statux Cæsaris Dicta-  
toris enata victoriam, triumphosque portendit. Idem bis in  
Capitolio Persei bello factum, sed palmâ tempestatibus prostra-  
tâ eodem loco ficus erupit, à quo tempore pudicitiam in urbe  
subversam prodit Plinius *l. 17. c. 25.* Paulò ante Pompeij M.  
bella cædémque arbor in agro Cumano subsidit, paucis ramis  
eminentibus.

Alexandro super mare diadema excussum mortem denun-  
tiavit. Statua D. Pauli, quam Andronicus Imperator auro  
exornaverat, ante eadem Imperatoris (quâ nulla unquam tur-  
pior fuit, atrociorque) abundè lachrymis immaduit. Vide  
Baron. ad annum 1185. Hispanorum in Mexicum adventum  
& sevitiâ avis prævit magnitudine & colore gruis, sed capi-  
te fastigiato; apex enim non plumeus, sed speculorum more  
pellucens milites ab Oriente armatos & irruentes exhibuit. Vide  
Nieremb. *hist. an. l. 1. c. 4.*

In oppido Hispaniæ Vilillæ ad Iberum amnem sito haud  
procul Cæsaraugusta campana est, quæ cum magni aliquid,  
insolitique instat, nullo movente pulsatur: pridè quàm capti  
sunt Reges, sponte insonuit. Quo die composito Mediolani  
fœdere Rex Arragonius in libertatem est restitutus, ter sponte  
mota est, sonuitque. Res testatissima est, & Joannis Nierem-  
bergij tempore quater aut quinquies audita, insigni semper co-  
ventu. Vide Nieremb. *l. 1. de Mirabil. Europa c. 8.* Similis cam-  
pana apud Japones memorabilis est. Alia campana est in Mo-  
nasterio Cairorensi Patrum Prædicatorum, quæ ubi ultrò sonu-  
it, post triduum, etsi nemo decumbat, mors aliqua Religio-  
forum sequitur.

In Monasterio Corbeicasi, cujus in Choto scamnum rosa impleverit, mors indicatur. Duravit hoc miraculum, donec Monachus adolescens totam in suo repertam in senem, velut morti aptiorem conjecit; senex paulò post extinctus, & senem secutus Juvenis improvisâ morte sublatus, ab eo tempore vaticinium cum rosa cessavit.

Linzi Galassio Cæsaris armorum Præfecto post longum dentium dolorem dormienti dens, quo laborabat, sponte defluxit, & in dente, qui molaris erat, figura sandapilæ mortuali velo intertæ, albâ cruce nigrum distinguente, nec multò post Viennæ decessit. Narrat Stengelius in *ovis Paschal. Emblem.* 75. viro nobilissimo & prædiviti in Alsatia, dum à meridie somnum in lectulo captat, crystallinum, quod vino plenum in mensula stabat, crepuisse, morte denuntiari, idque secundo & tertio scypho, quos repleti jusserat, evenit, famulus pro Confessario in equo Brundrutum mittitur, sed totâ nocte in proxima silva vagatus redijt hero defuncto, & jam frigente. Barbaræ Bavarix Principi quatuordecim ante, quàm obiret, dies grandis amaraci arbor detepentè exaruit; nocte alterâ volucres omnes, quas in cavea alebat, concidere: tertiâ nocte medius torques ex auro, quo nudum corpus stringebat, medius se rupit, nec diu post annos decem & septem nata vitam absolvit, eamque viginti sacræ virgines secutz, quot videlicet in cavea volucres.

Quo tempore Carolus V. Imperator ultimo morbo confectus est, in domestico horto lilium quasi jam emersurum se aperuit, partum tamen totâ æstate continuit: sub Autumnum caliculum rupit, plenòque flore, & cum minimè credebatur, se ostendit: hoc signum morituro Cæsari tunc maximè notent, cum Mundo sibi que defloruit. Arbor quæ in regia Parisiensi diu virènsque steterat, subito concidit. Regina dormienti visi per somnum imbres unionum ex oculis depluere, visus quoque auriga admissis, concitatisque equis currum velocissimè agere, & quò regatus? in Hispanias, inquit, Regis mortem nuntiaturus: post quæ ostenta Henticus IV. Gallix Rex à sicario percussus est.

Infinitus sim, si persequi omnia velim, quæ homini aut læta, aut tristia denuntiant, adedò verissimè à Regio Prophetæ dictum: *Dedisti metuentibus te significationem, ut fugiant à facie arctus.* Quod etiam Plinius notavit l. 7. c. 51. ubi *Cùm innumerabilia sint, inquit, signa mortis, salutis tamen securitatisque nulla sunt.*

Atta quædam hominum signa ex Aristotele, Trogo & Plinio adjungam. Aristoteles vitæ brevis hæc signa prodit, ratos dentes, prælongos digitos, plumbeum colorem, plures in manu incisuras, nec perpetuas. Econtrà longam promittunt vitam, qui incurvis sunt humeris, qui plures quàm 32. dentes habent, qui auribus sunt amplis.

Varia quoque in ægrotis signa mortis imminents Galenus alijsque notârunt. *In febris morbo signum lethale risus.* Plinius l. 7. c. 51. *Præter consuetudinem aliquid facere & velle aliquid prius non consuetum, aut contrà, pravum ac delirio proximum.* Galen. aph. 10. vel 47. Nullum animal nisi æstu maris recedente expirat, & hoc præsertim in homine compertum, diùque in Gallico Oceano observatum. Aristot. apud Plin l. 1. c. 98. In homine moderato ferox & audax responsio malum. Hippocr. aph. 14. vel 51. Qui à febre acuta, aut pulmonis aut capitis dolore manus ad os fert, aut frustra venatur muscas, aut colligit festucas, aut de pariete stipulas carpit, aut de veste avellit pilos, id omne malum, exitialeque. Hippocr. aph. 23. In febribus insaniz vehementes silente ægro, sed non privatâ voce, lethale est. Hippocr. aph. 3. seu 66. Somnus, si in morbo laborem asserat, mortiferum est. aph. 1. In somno siquid non exactè commissis palpebris de albo appareat (modò id non ex alvi profluvio aut medicamento proveniat) malum, valdeque periculosum. Aph. 52. A medicamenti portione convulsio mortifera est. l. 7. aph. 25. Convulsio quòque à vulnere perniciofa est. l. 5. aph. 1. Si spiritus frigidus de ore & naribus spiratur, lethale est. Non scire in calidis, & ardentibus morbis, perpetuò malum. Nasus acutus, cavi oculi, adstricta tempora, aures frigide, contractæque, cutis circa frontem dura, intenta, arida, & color totius vultûs viridis aut niger, maximum malum. Hanc

vocant faciem Hippocraticam. *l. 1. Prognost. aph. 6. & 7.* Oculi ut valent, ita corpus, atque in primis caput. *in 6. Epid. text. 28.* Quibus in febribus aut alijs morbis præter voluntatem illachrymant oculi, absurdum. *l. 4. aph. 52.* (certam enim virtutis retentricis debilitatem indicat) si pervertitur, aut livida est palpebra, aut nasus cum aliquo alio signo, mortem propè esse sciendum est. *1. Prognost. 6.* (malorum enim humorum copiam in cerebrum elevari, nativumque calorem extinguere signum est.)

Trogus apud Plin. *l. 11. c. 52.* hæc de moribus signa habet. Frons ubi est magna, segnem animum subesse significat, quibus parva, mobilem, quibus rotunda & globosa, iracundum. Supercilia quibus portiguntur in rectum, molles significant; quibus juxta nasum inflexa sunt, austeros. Oculi quibuscunque sunt longi, maleficos esse indicant. Auricularum magnitudo loquacitatis & stultitiæ nota est. Natura igitur in bonum Mortalium signis abundat.

## II. *Quæritur 1. Quotuplex sit Signum?*

*Resp.* Signum aliud est *naturale*, aliud *artificiale*. Signum naturale est, quod *independentè ab humana voluntate aliquid significat*; sic v. g. fumus est signum ignis, vestigium signum animalis, hirundo in sublime volans signum serenitatis, Iris matutina signum pluviz, vermes sponte nec medicamentis compulsi, si ab ægri corpore dilabantur, signum mortis, morus germinans signum veris.

Signum naturale dividitur in *certum & probabile*, hoc fallit; illud nunquam; v. g. visa solis eclipsis certò significat lunæ interpositionem, sed probabiliter tantum morbos & corporum alterationem.

Rursus Signum naturale aliud est *formale*, quod non cognitum ducit in alterius cognitionem, ut species impressa & expressa: *Instrumentale*, quod non ducit in alterius cognitionem nisi prius cognitum.

Instrumentale naturale signum dividitur in signum *à priori*, *à posteriori*, *à proportionè*; ignis est signum à priori caloris & lucis; fumus est signum ignis à posteriori: statua & imago hominis signum à proportionè.

Si-

Signum artificiale est, quod habet connexionem aliquam cum re significata, non ex natura sua, sed arbitrio & voluntate hominum. Vocatur etiam signum ad placitum, & hoc vel est signum ex pacto, v. g. voces: vel ex quasi pacto, v. g. Sacramenta, quæ sunt signa gratiæ; vel ex mera consuetudine, ut vestis muliebris signum mulieris, corolla florea signum virginis, &c.

### III. Quæritur 2. Quid sit Signum?

Resp. Signum bene definitur: Quod potentia cognoscentis aliquid repræsentat. Signum ergo duplicem dicit habitudinem, tum ad rem, quam repræsentat, & cujus vices agit, tum ad potentiam cui repræsentat, ut patet in fumo, qui est signum ignis respectu oculi, non verò respectu auris, huic enim non significat; quia ad hanc nullam proportionem habet.

Hæc verò habitudo, quam dicit signum tum ad rem signatam, tum ad potentiam cognoscentem, non videtur esse relatio prædicamentalis. Quia nec ad potentiam nec ad rem significatam refertur, ut ad purum terminum; potentiam enim excipiat ad cognoscendum, rem verò significatam unit & repræsentat potentia.

2. Signum non requirit existentiam rei significatæ, imago enim Cæsaris etiam mortuum repræsentat; & sol in occasu rubens futuram serenitatem.

3. Si signum dicit formaliter relationem prædicamentalem ergo signum non significat nisi mediâ hâc relatione, ergo nec ducit in cognitionem rei significatæ, nisi cognoscas hanc relationem (sicut quia paries non est formaliter albus nisi per abedinem, non potest videri paries albus albedine non visâ) hoc verò est falsum, quis enim aut rusticus aut sapiens, cum videt imaginem Cæsaris aut vestigium leporis, & ex his signis Cæsarem & leporem cognoscit, quis, inquam, eorum de relatione cogitat?

4. Significare est posse rem aliquam cognoscenti manifestare, hæc verò manifestatio fit cognitâ solâ relatione transcendentali causa, v. g. effectus, imaginis, proportionis, voluntatis hominum, al quod signum instituentium, &c. Sicut enim nummus aureus tanti valet, non quia dicit relationem aliquam prædicamentalem.



mentalem aut rationis, sed quia Princeps voluit, aut consuetudo sic habet, quâ Principis voluntate aut consuetudine cognita jam mihi de valore nummi constat; ita in signo.

*Dues:* Esse signum non tantum est potentia aliquid repræsentare, alioqui Deus erit signum omnium creaturarum, omnes enim repræsentat, cum sit omnium exemplar & idea, ergo signum præter vim repræsentandi dicit subjectionem aliquam, quæ vice objecti substituitur, ei que deservit; hæc autem subiectio videtur relatio realis.

*R.* Signum præter vim repræsentandi dicere aliquam imperfectionem & defectum, signum enim nunquam habet perfectionem rei significatæ, v.g. imago Cæsaris non est Cæsar, quem significat: substantia ignis non est illa perfectio lucis, quam significat: Deus autem nec dicit ullam connexionem ad creaturas, nec in istis aliqua est perfectio, quæ non sit in Deo, Deus ergo non est signum creaturarum. Patet ergo, signum *formaliter* consistere in relatione transcendentali, non prædicamentali, quamvis hæc consequi ad illam possit. Vide S. Thomam 1. p. q. 13. a. 7. ad 1. Causas verò esse signa suorum effectuum & è contrâ, docet & videri potest S. Thomas 1. p. q. 12. a. 2. & 3. p. q. 12. a. 3. & 1. contra Gent. c. 29. Sic nubes gravidæ nigræque signa sunt & causa pluviz: cometa signum & causa calamitatum: Sacramenta signa & causa gratiæ. Magis tamen effectus dicitur signum causæ, quia effectus nobis magis noti, & consequenter magis manifestativi.

*Tota ergo ratio signi in hoc consistit, quòd signum habeat connexionem cum re significata; quòd dicat similitudinem vel formalem vel virtuales ad significatum; quòd eam potentia cognoscitivæ manifestet; quòd signum se teneat ex parte objecti, ejusque vices suppleat:* Unde licet species impressa & intellectus concurrant ad cognitionem objecti, solæ tamen species & non intellectus sunt signa objecti, quia species se tenent ex parte objecti repræsentati, hoc uniendo & proportionando potentia. Vide S. Thom. 1. p. q. 12. a. 2. *Quòd sit notus significato quoad nos: quòd sit inferius seu imperfectius significato, & consequenter non omnino simile, & ideo una imago non est signum alterius, nec ovum ovi, nec*

filius patris, &c. quamvis ergo unum simile semper ad aliud referatur, non semper tamen unum est signum alterius.

Sic etiam aliud est *imago*, aliud *signum*; imago enim procedit ab alio, & quidem in similitudinem ejus (Vide S. Thom. 1. p. q. 35. & q. 39.) & potest tanta esse similitudo, ut procedat usque ad identitatem naturæ, quo modo in Divinis Filius est imago Patris: signum verò nec procedit necessariò, nec dicit similitudinem specificam, sed tantum connexionem cum significato.

IV. *Queritur 3.* Quodnam sit officium primarium Signi?

*Resp.* Significare *formaliter* non est aliquid *efficere*, sed tantum aliquid *repræsentare*, v. g. hedera significat vinum vendibile, non verò significaret, nisi ipsa videretur & cognosceretur, ut verò videatur, & cognoscatur, emittit efficitque species cognoscibiles, & per species concurrat ad productionem visionis & cognitionis, verum hæc specierum emissio & influxus effectivus in cognitionem *per accidens* se habet ad rationem signi, & ideo si hedera nec sui species emitteret, nec effectivè concurreret ad cognitionem, sed tantum repræsentaret vinum, adhuc signum esset.

*Ratio est.* Signum est vicarium objecti, sed objectum non efficit necessariò aliquid, sed tantum terminat actum cognitionis, *tum* quia esse cognoscibile non est agere, sed objectum ut sic nihil aliud dicit, quam esse cognoscibile: ergo, &c. *tum* quia Angeli cognoscunt objecta per species infusas, ergo in hoc casu objecta cognoscuntur, & tamen nihil agunt: *tum* quia objectum se habet ut forma extrinseca, specificat enim actum, eumque ad certam speciem determinat, nec permittit aliò ferri: forma verò ut forma non agit, aut si agit, non ut forma.

V. *Queritur 4.* Utrum Bruta utantur Signis?

*Resp.* Bruta utantur signis, non quidem conferendo, vel comparando signum cum signato (hoc enim est discurrere) sed simpliciter ex cognitione unius deveniendo in cognitionem alterius, v. g. ovis audito lupi ululatu in fugam vertitur, quia vox & ululatus lupi aure acceptus eum excitat, ejusque potentiam estimativam ad lupum apprehendendum tamquam animal sibi nocivum & inimicum,

*Ratio*

*Ratio est 1. Auctoritas S. Thomæ 1. 2. q. 40. a. 3. & l. 3. contra Gent. c. 49. & q. 8. a. 5. & q. 9. a. 4. ad 10. & q. 24. a. 2. ad 7. de Verit.*

2. Significare nihil aliud est, quàm *deducere in cognitionem alterius*: sed ululatus v. g. lupi ab ove auditus eandem ovi ducit in cognitionem lupi, cur enim aliàs fugit? & cur potius ululatu, quàm cantu pastoris, aut latratu canum perterretur?

3. Experientia docet, bruta æquè ac homines signis moveri: sibilo basilisci omnes circum serpentes in fugam aguntur: columbæ dum lavantur, umbrâ accipitris in fonte reluctantis volatu se proripiunt: tigrides imagine sui in speculo refulgente detinentur, venatore interim cum catulis evadente: canes heros suos & feras odore agnoscunt: leo non aspectu tantum, sed cantu etiam Galli terretur: hîc planè manifestum est, bruta unum ex alio agnoscere, quod omnino est uti signis.

4. Bruta sunt modici & imperfecti discursus capacia, ut alibi dicitur: atqui ut ex signo significatum aliquis intelligat, sufficit imperfectus discursus, quis enim est tam rudi, segnique intellectu, qui viso fumo non cognoscat ignem illic esse? auditu cantu non intelligat cantantem lætari?

VI. *Quæritur 5. Utrum sensus externus utatur Signis?*

*Resp.* Sensus externus non videtur uti signis. *Ratio est 1. Quia species sensibiles repræsentant tantum objectum, cujus sunt species, non verò alia cum objecto connexa, ergo species sensibiles non sunt aptæ ut significant, significare enim est unum & aliud, quod connexum est, repræsentare.*

*Antecedens probatur.* Species enim fumi non repræsentant oculo nec faciunt ignem videri, ut patet; si ergo ignis in fumo non videtur, quomodo per fumum oculo repræsentatur cognoscendus? nihil enim oculus cognoscit, nisi videndo.

*Sensû est in ælimativa brutorum, quæ cum sit imperfectè discursiva, ex cognitione unius ducitur in cognitionem alterius, quam rationem tangit S. Thomas 2. 2. q. 110. a. 1. & q. 9. de verit.*

*Deinde species sensibiles in bruto elevantur per sensum internum ad altiorem & perfectiorem gradum, & ideo etiam u-*

niversaliores manifestativi, quod in sensu externo non est.

*Ratio 2.* Imago Cæsaris est signum Cæsaris absentis, aut etiam mortui, sed oculus non fertur in absentia, multò minùs in non existentia, ergo non fertur ex signo in significatum.

*Dices 1.* Cæsarem oculo præsentem esse, non quidem in esse reali, sed in esse significato, aut picto.

*Contrà*, petis principium: *nego enim* rem significatam per signum in sensum cadere; *deinde* res per imaginem Cæsaris significata non est esse pictum, sed esse reale; pictura enim est signum, non res significata, nec imago picta est signum Cæsaris picti (aliàs esset sui signum) sed Cæsaris veri.

*Dices 2.* S. Thomas q. 8 de Verit. a. 5. dicit, visum assimilari dupliciter Socrati, & cum Socratem videt, & cum ejus imaginem videt, & Herculem in statua Herculis ab oculo videri.

*Re.* Verum est, quod oculus & Socratem videre possit, & imaginem Socratis, sed cum videt imaginem, *nego* præter hanc aliquid aliud videre: videt Herculem in statua, quia videt statuatam, quæ non Socrati, non Aristoteli, sed Herculi similis est.

VII. *Queritur 6.* Utrum signum formale sit propriè dictum signum?

*Resp.* Signum formale, hoc est, cognitiones & conceptus objectorum repræsentativi sunt vera & propriè dicta signa, S. Thomas q. 4. de verit. a. 1. ad 7. & q. 9. de verit. a. 4. ad 4.

*Ratio est*, quia cognitio & objectum repræsentat, & ejus vices agit, cum sit imago; & est imperfectior objecto ut sic, cum ejus perfectiones tantum *intentionaliter* habeat, non *realiter* (& ideo in Divinis Verbum Patris est imago, non signum Patris, S. Thom. 1. p. q. 27. a. 1. quia ejusdem naturæ & perfectionis, nec magis notus quàm Pater) & est notior objecto, cum reddit objectum *formaliter* cognitum. Cognitioni ergo supæant omnes notæ veri signi. Illud tamen verum est, signa externa & sensibilia *quoad nos* magis dici signa, quia omnis nostra cognitio ab externis incipit, quæ sub sensum cadunt, &

& à sensibus velut per totidem ostia intellectum subeunt, & ita intelligendus est S. Thomas 3. p. q. 60. a. 4. ad 1. & q. 9. de verit. a. 4. ad 4.

VIII. *Queritur* 7. An signum ex consuetudine sit propriè dictum signum?

*Resp.* Signum ex consuetudine est verum signum: sed aliquando est signum *ad placitum*, aliquando *naturale*. Ad placitum, si consuetudo illa sit placito & approbatione totius Reipubl. acceptata, ut videlicet res aliqua aliud significet; talis enim consuetudo vim habet legis. Sic corolla floribus intexta puellarum capitibus imposita signum est virginittis ex consuetudine apud Helvetos recepta. Aliquando erit signum naturale. Sic præcurso canis significat Dominum securum, quia hæc præcurso & adhæsis est naturalis cani, qui naturaliter herum amat & comitatur.

IX. *Queritur* 8. Utrum voces significant res, vel conceptus?

*Resp.* 1. Voces ut sunt signa ad placitum, non tantum conceptum loquentis, sed etiam rem ipsam significant, v. g. cum dico: *Phœnix vivit trecentis annis*, non solum significo me ita sentire de Phœnice, sed etiam rem ita se habere.

*Ratio est* 1. Auctoritas S. Thomæ 1. p. q. 13. a. 1.

*Ratio* 2. *Genes* 2. Adam imponit nomina omnibus animalibus: *Gen.* 17. & 32. Deus Abræ imponit nomen Abrahæ, Jacobo nomen Israël, & *Joan.* 1. Cephæ imponitur nomen Petri. Si ergo nomina rebus imponuntur, non solis conceptibus, ergo nomina res significant, & non solos conceptus; cum enim nomina significant ex impositione & institutione, id significant, cui imponuntur, & ad quod instituuntur.

3. Hæc propositio *Homo est animal rationale*, si solum conceptum significat non rem ipsam, hunc sensum habebit: *conceptus hominis est conceptus animalis* (dicis enim has voces, *homo, animal, rationale, est*, cadere supra meros conceptus) quod tamen est apertè falsum, & ita omnes aq̃e propositiones falsæ redduntur.

4. Voces id significant, quod communiter omnes audientes percipiunt (signa enim dantur, ut intelligamus, non ut ignoremus) sed qui audiunt has voces, *Tigrides cantu efferantur*, non percipiunt, nec cogitant, me ita sentire, sed rem ita esse; quidli enim aliter sentiam? an ideo voces aliter significabunt? Siquis mentiens dicat, *Papa est mortuus*, licet non sit mortuus, certum est, eam propositionem significare mortem Papæ, quamvis loquens sciat, & cogitet non esse mortuum, & voces avium perfectè significant, nec tamen habent aves conceptus, qui vocibus respondeant. Cardinalis Ascanius in ædibus Romæ psittacum habuit totum Symbolum Apostolicum recitare doctum; hæ igitur voces à psittaco prolatae, *Tertiâ die resurrexit à mortuis*, utique signa erant, nec tamen conceptum aliquem psittaci significabant.

*Dices*, voces avium non esse signa, quia non intelligunt, & ita non significant conceptum loquentis.

R. Peti principium, nego enim voces solis conceptibus significandis institutas, nec opus est significationem signi ab eo intelligi, qui signum dat: fumus est signum ignis, abscessus & migratio ciconiarum est signum ingruentium morborum, & tamen nec ignis fumi significationem, nec ciconia morborum intelligit, sufficit intelligere, quibus signum datur.

§. Si voces tantum significant conceptum loquentis, non rem ipsam, ergo qui conceptum loquentis non intelligit, nec vocis significationem, ergo si rusticus Latinæ ignarus dicat *Perij*, tu qui Latinam intelligis, nescies quid dicat, nec significationem illius vocis capies.

X. *Resp. 2.* Voces præter rem significant etiam conceptum loquentis. Expresse S. Thomas 1. p. q. 84. a. 2. & 85. a. 5. & in c. 1. *Peribermi*. nec dubitari potest esse Aristotelis sententiam, qui sæpe tanquam axioma illud statuit reperitque, *Voces esse signa, & notas earum, quæ in anima sunt passionum*. Et S. Aug. l. 15. de *Trinit.* Verbum quod foris sonat, signum est verbi, quod intus latet. Nyssen. de *homin. creat.* c. 9. *Humana mens sonis intelligentia sua occulta manifestat.* Damasc. l. 1. *fidei*, c. 17. *Vox est Angelus, hoc est, internuntia intelligentia.*  
Pho-

Photinus de Virtute c. 3. *Vox interpres est animi.* Philo in L. quod deter. potior. *Vox est Frater, & Propheta ac interpres mentis.* Vide illum eleganter. S. Aug. serm. 2. de Nativ. S. Joann. Bapt. *vox est vehiculum mentis & verbi interni.*

*Ratio est* 1. Quia natura voces dedit, ut latentes in animo conceptus alijs aperirent, & ideo Angeli vocibus non utuntur, quia sine istis sibi suas cogitationes exhibere possunt.

2. Tota & intrinseca mendacij culpa & malitia in eo est, quod pervertat finem naturalem verborum, qui est significare alijs, quæ nos sentimus, & ideo qui mentitur, alium decipit, & turbat naturæ fines, mutuamque societatem, ac commercium tollit. Vide S. Thomam 2. 2. q. 119. a. 3. Si ergo natura voces hominibus dedit, quibus res signarentur non ut absolutè sunt ( id enim in nostra potestate non est, qui tam multa ignoramus ( sed ut in nostro animo & intellectu sunt, & in hoc communis societas, & commercium stat ( in commercium enim cadunt, quæ in nostra sunt potestate ) ergo voces non significant res solas, sed ut conceptas.

3. Negari non potest, voces esse imagines rerum; sicut ergo qui Cæsaris imaginem pingit, non pingit Cæsarem ut est, sed ut in mente & idea Pictoris est, & ideo una pictura est melior, aut peior alterâ; & imago non solum Cæsarem representat, sed etiam ideam, artemque Pictoris; sic in verbis.

4. Duo sunt, quæ hominum respublica vocibus institutis consequi voluit.

*Primo* mutuam societatem & commercium, aded ut sine vocum commercio nulla sit ferè societas, & tristissima vita; & notavit S. Augustinus, homini jucundius accidere, cum cane suo vivere, quàm cum homine, cui colloqui non possit: hunc finem assequimur per communicationem mutuam nostrarum cogitationum, nam, ut dixi, commercium & societas est de rebus, quæ in nostra potestate sunt.

*Secundò* Ut rerum notitia vocibus compararetur, si enim Plinio v. g. aut Livio voces externæ, & characteres defuissent, quis ab illis rerum naturalium & Romanarum historiam didicisset?

Ad



Ad hunc finem consequendum oportuit res ipsas vocibus significari. Voces ergo utrumque significant, & rem & conceptum, sed utrum ex duobus principalius, aut immediatius, res parvi momenti est. Volunt alij conceptum significari tantum ut conditionem, alij remotè, alij proximè, alij naturaliter tantum, & non ex instituto, alij conceptum & rem æqualiter. Objectiones leves sunt, & quæ faciliè ex dictis solvuntur.

XI. Ex dictis colliges: Voces prout sunt ad communem humani generis societatem institutæ, involvere *pactum*, aut *quasi pactum*, de vocibus non in alia significatione usurpandis, quàm quæ conceptui responder, v. g. qui alteri seriò dicit, *Petrus aegrotat*, tenetur ex communi quodam pacto sentire, quòd Petrus ægrotet; aut si sentit non ægrotare, non potest dicere, *ægro-  
tat*.

*Ratio est* 1. Qui seriò loquitur, vult sibi credi, ergo vult se pro veraci haberi ( non veraci enim credi non potest ) ergo vult dicere, quod in animo sentit, nam si dicat quod non sentit, non est verax, sed mendax.

2. Voces sunt institutæ ad conservandam humanam societatem, ergo non ad decipiendum: atqui aliter sentire, & aliter loqui, est eum quocum loqueris, quantum in te est, decipere.

Ex hoc jam apparet, cur mendacium intrinsecè malum, quia videlicet pervertit finem naturalem vocum, quia pugnat cum communi pacto & societate generis humani, & ideo ob nullum privatum bonum licere potest, cum privatum bonum publico cedat: & bonum societatis exigit, ut nullo casu liceat, si enim aliquo liceret, nemo jam non aliquam sibi privati & publici boni causam persuaderet mentiendi, eversâ humanâ societate, & mendacijs exundantibus. Sicut ob eandem periculi rationem non permittuntur venena vendi, aut arma noctu gestari, quamvis justæ causæ deesse aliàs non possint.

XII. *Quæritur* 9. An Voces naturaliter significant?

*Resp.* Voces non significant naturaliter res significatas; Fumus v. g. naturaliter significat ignem, sed vox solis non significat naturaliter solem.

*Ratio est, quæ naturalia sunt, ubique & semper sunt talia; nec variantur arbitrio hominum, habentque naturalem connexionem cum eo, cui naturalia sunt, nec sunt indifferentia ad duo opposita, quæ omnia vocibus competunt, si præscindas ab humana institutione. Quodsi vox solis naturaliter solem significat; sicut naturaliter pictura aut statua solis, quam rogo habet illa vox proportionem, aut similitudinem naturalem cum sole?*

Possent tamen aliquæ voces dici signa rerum naturalia, aut quia imitantur sonum naturalem, v. g. mugitus, taratantara, aut quia voces homini datæ à natura sunt, ut suos conceptus exprimant; aut quia significant voluntatem eos proferendi, sunt enim effectus voluntarij, quia nemo loquitur, nisi volens: aut quia ex abundantia cordis os loquitur, & ita verba amatoria amantem, vana superbum animum indicant; ut enim avis ex cantu, ita animus ex verbis proditur: aut denique quia hominem etiam in tenebris ex voce distinguimus.

*Obijciunt 1. Dedit natura voces animantibus, quibus suos affectus indicarent, cur non homini, qui omnium maximè est animal sociabile? Serpentibus, inquit Plinius l. ii. c. 51. ova parientibus sibilus, & serpenti quidem longus, testudini abruptus: avibus alijs in pugna vox, ut coturnicibus, alijs ante pugnam, ut perdicibus, alijs cum vivere, ut gallinaceis. Nierenbergius scribit, fuisse qui dicerent serpentem suâ linguâ cum Eva collocutum, ab eâque omnium linguarum peritissima intellectum. Porphyrius censuit omnia inter se bruta sermocinari. Apollonius Thianæus Ephesi passerum sermonem interpretatus est, idemque in Sicilia fecit quidam ex S. Francisci familia vir religiosus teste P. Bonaventurâ Barone de signis ad. 3. n. 1. Salomonem quoque animalium sermones calluisse Hebræorum sententia est.*

*Re. 1. Homini rationem pro natura esse, & ideo quod animalibus à natura provenit, v. g. natare, texere, vestiri, canere, mederi, tempestates prænosceret, &c. hoc homini à ratione est, quam cum ei natura dedit, longè plùs, & universaliùs, ac perfectiùs, quàm brutis dedit; non ergo sequitur, voces animalium naturaliter significare, ergo & hominum,*

*Ma in in*

*Re. 2.*

¶ 2. Passiones & affectus brutorum ordinantur solùm ad conservacionem sui esse, idque paucissimis medijs & simplicissimis: affectus verò hominis, ejusque conceptus cum habeant pro objectis Verum & Bonum universale, & ad hæc pro arbitrio suo & voluntate diversissimis medijs, & maxime contingentibus ferantur, ideo etiam sunt pænè infinitæ, & vocibus pænè infinitis indigent, quæ proinde natura liberæ electioni & institutioni hominum reliquit.

¶ 3. Quæ de Apollonio Thianzo & sermocinatione brutorum dicuntur, aut fabulæ sunt, aut magia, aut superstitio: serpentis voces, quibus cum Eva locutus est, humanæ fuerunt, Dæmone illas efformante, qui serpentem intraverat. Nec Evam latuit has voces serpentis non esse, sed alterius & supernaturalis virtutis, sed nesciebat se illis peti, hinc incauta audit, credit, decipitur.

Obijciunt 2. Attis Cræsi filius à nativitate mutus erat, & consequenter etiam surdus, & tamen milite in patrem stricto gladio irruente clamavit: *Miles ne occide Cræsum*: quis surdum has voces docuit, quas nunquam audierat, nunquam didicerat, nisi natura? nam teste Aristotele ne ipsæ quidem aves inodulatè canere possunt, nisi inter alias alantur, quarum voces, cantumque audiant. Narrat etiam Herodotus lib. 1. jussu Psammitichi Ægyptiorum Regis duos pueros inter belluas biennium educatos fuisse, nullamque humanam vocem toto eo tempore audisse, postea homine viso *becus becus* exclamasse, quod apud Phryges panem significat; natura ergo eas voces pueros docuit.

¶ 1. Ab effectibus rarissimis, & prodigiosis, imò & incertis malè ducitur argumentum. Equus Scianus arduâ cervice, puniceo colore, comantibus júbis omnes dominos, ad quos transibat, infelices reddebat; nemo illum emit, qui non miserè perierit Vide Gell. Noct. Att. l. 3. c. 9. quis propterea inferat, omnes equos punicei coloris naturaliter fatales esse?

¶ 2. Attim mutum fuisse, non tamen surdum: muti plerumque surdi sunt, quia nervi qui auditui & loquelæ interviunt, in unum truncum coeunt, ubi si vitium sit, & auditus, & locutio impediuntur; si vitium sit in lingua, potest quis  
mutus

mutus esse, nec surdus. Surdus tamen à nativitate semper etiam est mutus, quia nescit formare voces, quæ solò auditu discuntur. De pueris inter belluas educatis quidquid sit, illud tantùm probatur, eam solam vocem *becus* naturalem esse.

*Obijciunt* 3. Si voces significant non naturaliter, sed ex instituto, quid est hoc institutum, & quomodo reddit voces significativas?

*R.* Institutionem esse denominationem moralem, cujus fundamentum est communis hominum voluntas, & perseverans acceptatio, per quam voluerunt hanc voce hanc rem significari; ut enim voluntas Principis huic monetæ dat hunc, non alium valorem, ita etiam communis hominum voluntas huic voci dat hanc, non aliam significationem.

XIII. *Quæritur* 10. An voces perfectiùs rem audienti significant, quàm loquens intelligat?

*Resp.* Dubitari vix potest, quin vox aliqua perfectiùs rem audienti significet, quàm sit loquenti nota. Si rusticus dicat: *homo audit*, perfectiorem conceptum de homine & auditu format Philosophus audiens, quàm rusticus loquens. Qui Romam nunquam vidit, si illi qui vidit, diùque Romam habitavit, dicat: *Roma est pulchra civitas*; audiens utique perfectiorem format de Romanæ civitatis pulchritudine, amœnitate, amplitudine, palatijs, hortis, &c. conceptum, quàm loquens, qui Romam non vidit: &

*Ratio* est, quia conceptus Romanæ civitatis v.g. non pendet à sola voce Romam significante (vox enim corticem tantùm tangit designatque, nec aliter Romam significat, quàm sub illa communi, & omnibus notissima ratione, quam de Roma vulgus habet) sed à perfectione intellectûs in audiente, & à speciebus quas jam comparavit de Romana urbe, quæ species eâ voce excitantur, & excitatæ conceptum aut perfectiorem aut imperfectiorem in animo pariunt; sicut ergo non omnes perfectionem & artificium imaginis capiunt, æstimantque, sed illi maximè, qui artem pingendi callent, ita non omnes æqualiter significationes vocum.

*Nota* ergo, quod hæc vox *leo* v. g. non significet *aquilam*; quia significat ex instituto & voluntate, non verò est instituta, ut *aquilam* significet: postquam tamen ea vox vim significandi accepit, poterit perfectius leonem significare audienti aut legenti, quàm significaverit institutori & auctori, quia potest conjungi cum perfectioribus speciebus & intellectu, & ita ex conjunctione cum causis perfectioribus perfectiorem effectum, & notitiam producat; sicut sol in signo caniculæ perfectiùs calefacit, quàm in signo Aquarij; ille tamen excessus perfectionis & majoris notitiæ non tam voci significativæ *ut sit*, quàm intellectui, aut speciebus intelligentis adscribetur.

Advertit etiam Caramuel, voces & alia signa, cùm ad significandum assumuntur, *transsubstantiari* in rem significatam *moraliter & intentionaliter*, & hinc esse ut voci, aut imagini JESUS, reverentia & cultus latriæ adhibeantur, non verò asino, nec cruci, quæ nummis imprimitur, quia hæc non assumuntur ad significandum, nec moraliter in Christum transsubstantiantur.

XIV. Quæritur II. Utrum ad hoc, ut loqui dicamur, requiratur audientem intelligere significationem verborum, quibus loquimur?

*Resp. Negativè.* Unde si quis Germanus per Italiam profisciscens Germanicè cum Italis loquatur, nec isti intelligent, loqui tamen dicitur.

*Ratio est 1.* Christus imperat ventis, maledicit ficui, mortuum alloquitur, & tamen nec venti, nec ficus, nec mortuus loquentem intelligunt.

2. Qui infantem Latinè baptizat, aut rusticum peccatorem Latinè absoluit, utique loquitur, nec tamen intelligitur. *Si dicas*, non propriè loqui. *Quæro* quam ob causam? quia non intelligitur? at hîc principium petitur, nego enim necessarium esse, ut quis loquentem intelligat; sicut enim videre possum, etsi non videar, ita & loqui, etsi non intelligat. Psittaci & alia bruta propriè non loquuntur, quia loqui involvit dignitatem naturæ..

Si quis Latinè loquatur nec intelligat, adhuc ea verba sunt significativa *in actu primo*, imò & *in actu secundo*, si audiens intelligat, tum quia significatio vocum non dependet à voluntate

tate loquentis, sed instituentis; *tum* quia excitant species rerum, quod est significare: *tum* quia Apelles imaginem Dianæ dormiens pinxit, & natura in Achate Pyrrhi Apollinis imaginem, & novem Musarum ac Parnassi ad vivum sculpsit, an ideo imago Apollinis non erat, quia natura quod sculpserat ignorabat? & si imago Apollinis non erat, quī ergo omnibus eam spectantibus Apollinem exhibebat? aut quid minus, quā imagines alix à peritis ductæ habebat? sicut ergo ignis nesciens calefacit, & sol nesciens illuminat, ita & rusticus & fœmina, latini sermonis nescia, & loqui aliquid latinè, & significare, ac orare potest.



## §. II.

## DE PROPOSITIONE.

## Summaria.

1. *Duplex Propositionis definitio ab Aristotele tradita.*
2. *Veritas Propositionis realiter identificatur cum veritate actūs, sive judicij.*
3. *Propositio in materia necessaria de vera in falsam transire non potest.*
4. *Sed quid si versetur circa materiam contingentem?*
5. *Idem actūs & verus & falsus esse potest, si supponas objectum virtualiter multiplex.*



6. Indivisibile dividit, qui veritati propositionis magis & minus adscribit.
7. Esi prima mentis apprehensio veritatem admittat,
8. Excludit tamen, si sit incomplexa, propriè dictam falsitatem.
9. Propositio mentalis est una simplex qualitas unitate physica, non ordinis duntaxat.
10. Divisio propositionis in categoricam, hypotheticam, &c. est univoca.
11. Sicut & illa, quâ dividitur in affirmativam & negativam.



Uppono ex Summulis, quid sit Verbum, Nomen, Oratio, & transeo ad Propositionem.

1. *Quæritur* 1. Quid sit Propositio?

*Resp.* Propositio dupliciter ab Aristotele definitur, 1. Propositio est Oratio perfecta aliquid affirmans, aut negans. 2. Propositio est Oratio verum, vel falsum significans. Aliquid affirmare vel negare pertinet ad essentiam, & quidditatem propositionis: quamvis enim etiam simplex Apprehensio circa objectum complexum, & enuntiativum versari possit, v.g. *astra sunt paria*, judicare tamen & assentiri huic veritati, & determinare illam asserere pertinet ad judicium, non apprehensionem; & quamvis omne judicium sit verum aut falsum, non amen sequitur, veritatem, aut falsitatem esse essentiam propositionis.



positionis ; nam & corpus necessariò est in aliquo loco , & nix est necessariò alba vel non alba , nec tamen esse in loco est essentia corporis , &c. sic & propositio *ut sic* nec est vera nec falsa , nec ideo tamen veritas , aut falsitas illius essentia est. Ut ergo intelligamus essentiam propositionis , inquirendum est de ejus veritate.

## II. *Quæritur* 2. In quo consistat veritas Propositionis ?

*Resp.* Veritas propositionis , aut judicij non addit aliquid distinctum realiter ipsi actui vero , sed est ipsamet ontitas actûs , connotans tamen objectum ita se habere , ut per actum repræsentatur.

*Ratio est :* Propositio est cognitio judicativa , & consequenter essentialiter repræsentativa objecti : sed adhuc per solam repræsentationem non potest dici vera ( potest enim ea repræsentatio falsa esse & dissimilis objecto , hoc est , plus dicere , aut minus , quàm in objecto est : sicut imago , quæ equum cum cornibus repræsentaret , falsa esset ) ergo debet aliquid addi , videlicet repræsentare objectum sicuti est , sive objecto similem esse , similitudo autem duo dicit , & fundamentum , & terminum.

Hæc tamen similitudo judicij non est relatio prædicamentalis , *tum* quia non est ad objectum ut purum terminum , sed ut imago & expressio termini , per quam cognitio *intentionaliter* & *virtualiter* , in objectum transformatur. *Tum* quia judicium est de rebus & objectis etiam non existentibus.

*Obijciunt* 1. Actus verus ex natura sua perfectior est falso , & non tantum ex objecto ; ergo ex sua natura , & non ex objecto est verus aut falsus.

*R.* Actum verum ideo esse perfectiorem falso , quia intellectum objecto assimilat , & facit cognoscere , ut est ; hæc verò est magna perfectio , nam qui rem aliter , quàm est , cognoscit , dicitur errasse , deceptus fuisse , ignorasse , quæ omnes sunt magnæ imperfectiones : cognoscere verò aliquid , ut est , dicit utique connotationem , & concomitantiam objecti.

*Obijciunt* 2. Hæc propositio : *Petrus cras peccabit* ; est determinatè vera , aut falsa , ergo habet determinatam veritatem ,  
aut

aut falsitatem ; sed non habet ab objecto ( hoc enim non est ) ergo à se , & intrinsecùs sine respectu ad objectum.

22. Ad veritatem sufficere , ut objectum sit pro eo tempore , quod propositione explicatur , hoc est , in propositionibus de futuro pro tempore futuro , & multæ res denominantur à non existentibus , v. g. domus antiqua , Petrus prior Antichristo , hora prima secundâ &c. maximè cùm objecta futura jam sint in mensura Eternitatis.

*Obijciunt* 3. Saltem propositiones in materia necessaria erunt intrinsecè veræ , sine respectu ad objectum verum , v. g. *Petrus est animal.*

23. *Negando consequentiam* , habent enim veritatem necessariam , quia objecta sunt necessaria. In actibus divinis eorum veritas de objectis creatis semper quidem conjungitur cum veritate objecti creati , sed tamen ut causa & exemplar veritatis creatæ : secùs in nobis , nec enim verum iudicium & cognitio est causa , ut sol verè luceat.

III. *Queritur* 3. Utrum eadem Propositio possit transire de vera in falsam , aut econtrà ?

*Resp.* 1. Actus intellectûs , & propositiones , quæ versantur circa materiam necessariam , v. g. circa essentias rerum , &c. mutari non possunt de veris in falsas.

*Ratio est* , quia veritas formalis propositionis est ipsa propositio , ut connotans objectum ; si ergo mutatur de vera in falsam , aut ipsa propositio mutari debet , & tunc non erit eadem , sed alia ; aut objectum , at hoc , ut supponimus , est necessarium , nec mutari potest.

Potest quidem , qui priùs iudicaverat Deum v. g. existere , postea Atheus fieri , & iudicare Deum non existere , sed tunc prius illud iudicium non durat , & in falsum mutatur , sed penitus obliteratur , & falsum vero succedit ; nec enim propositio est instar speculi , quod immutatum alias & alias facies recipit , exhibereque ; aut instar cere , quæ una eadèmq; in alias , & aliis figuris effigitur , sed instar verbi ( imò est ipsum verbum internum , quo anima secum , & cum alijs loquitur , & exemplar verbi vocalis ) non potest autem idem verbum ( vel  
potius

potius eadem locutio immutata ) jam verum jam falsum esse , præsertim objecto immutato : hæc enim propositio vocalis : *Petrus currit* , semper vera est , quamdiu currit , & si semper currat , semper est vera.

IV. *Resp.* 2. Probabilius est , posse eandem , & immutatam propositionem in materia contingente transire de vera in falsam , ut quæ semel est vera , non semper sit vera , quæ semel falsa , non semper falsa. Expresse S. Thomas 1. p. q. 14. a. 15. ad 3. & Aristoteles c. de Subst.

*Ratio est* 1. Quia veritas formalis ita est intrinseca propositioni , ut tamen dicat concomitantiam & connotationem objecti : atqui hoc est commune hujusmodi perfectionibus connotantibus , ut mutato connotato , & ipsæ alias , & alias denominationes accipiant sine intrinseca mutatione , v. g. idem paries albus jam est alteri similis jam dissimilis , solâ mutatione factâ in connotato ; ergo etiam eadem propositio immutata poterit esse similis objecto , hoc est , vera , aut dissimilis , hoc est , falsa , objecto tantum variato.

2. Hæc propositio *Petrus currit* , vel *Papa vivit* , hæc tria dicit , & repræsentat , *Petrum* , *cursum* , *unionem cursus cum Petro* ; continuetur ergo uno quadrante , & Petrus primo medio quadrante currat , erit vera : altero medio quadrante non currat , erit falsa , & tamen erit eadem , quia idem secundo quadrante repræsentat , quod primo , *Petrum* videlicet , *cursum* , & *unionem cursus cum Petro* ; ab iisdem etiam speciebus impressis conservatur , quibus producta fuerat , videlicet ab objecto , quod erat *Petrus currens* : nam ab alio objecto *Petrus non currens* , ejusque speciebus urique non dependet , ista enim non pariunt notitiam Petri currentis.

*Dices* : Illa propositio : *Petrus currit* : repræsentat cursum Petri non pro quocunque tempore , sed pro primo medio quadrante ; atqui semper est , fuit , eritq; verum , Petrum primo medio quadrante currere vel cucurrisse.

*Contrà*. Non est dubium , quin si illa propositio , *Petrus currit* , repræsentabat Petrum , cum illo determinato tempore semper sit vera , nunquam falsa , quia semper est verum , Petrum

primo semiquadrante cucurrisse. Sed pono casum, ut non representetur Petri cursus cum determinato tempore, loco, colore, hoc utique fieri potest, & sicut propositio vocalis, ita mentalis abstrahere ab ijs circumstantijs potest, imò nec imago picta aut sculpta representat omnia, quæ in re sunt; hoc, inquam, casu hæc propositio, *Petrus currit*, toto quadrante idem omnino objectum representat, *cursum*, *Petrum*, & *unionem cursus cum Petro*, ergo est eadem propositio, & tamen primo semiquadrante, quo Petrus currit, est vera, alio semiquadrante, quo non currit, est falsa.

Si tamen cognitio & propositio sit intuitiva, non poterit transire de vera in falsam mutato objecto, quia cognitio intuitiva est de objecto præsentis, ut præsens est, ergo objecto mutato, & facto absente, & ipsa intuitio cessat. Sic visio coloris albi semper est vera coloris albi cognitio, quia objecto & colore mutato cessat visio albi, quæ à speciebus albi pendeat, & species albi ab ipsa albedine. *Idem* duas de cognitione comprehensiva, hæc enim omnes & minutissimas circumstantias loci & temporis attingit, & ita mutatâ vel unâ circumstantiâ jam mutatur representatio, & consequenter cognitio.

*Obijciunt* 1. S. Thomas 1. p. q. 16. a. 2. ad 3. ubi dicit, hanc propositionem, *Sortes sedet*, esse veram & cum sedet & cum non sedet, & ita non transire in falsam mutato objecto quantum ad conformitatem propositionis cum objecto, vocari autem & esse falsam, quia significat opinionem falsam, significat enim quod concipiam, *Sortem sedentem*, cum tamen non sedeat, sed jam surrexerit.

2. S. Thomam loqui de propositione, quæ non solum dicit, *Petrus sedet*, sed quæ dicit, *Petrus de præsentis sedet*, hoc est, in instanti *A*, & hæc semper est vera, ut supradictum; semper enim est verum, Petrum in instanti *A* sedisse: quodsi Petrus in instanti *B* surgat, hæc propositio, *Petrus jam in instanti B. sedet*, est falsa quidem, sed non est eadem cum prima, habet enim aliud objectum, nam prima habet pro objecto sessionem in *A*, quæ est; secunda habet pro objecto sessionem in *B*, quæ non est, ut suppono,

*Obj.*

*Obijciunt* 2. Nulla res mutare potest essentiam suam, nec enim albedo v. g. potest fieri nigredo, & tamen adhuc esse albedo: sed essentia propositionis mentalis, cum sit cognitio, est obiectum repræsentare, ergo essentia hujus cognitionis est repræsentare hoc obiectum, non aliud (sicut essentia hujus hominis est esse hoc animal rationale, non aliud) ergo si aliud obiectum repræsentet, jam erit alia propositio (sicut imago, quæ repræsentat aliud, quàm antè, non est eadem, sed alterius rei imago) sed propositio vera habet aliud obiectum, quàm falsa, ergo propositio vera non potest eadem esse cum falsa.

*Minor probatur*: Demus *Petrum currere*, hæc propositio vera, *Petrus currit*, habet pro obiecto cursum Petri: hæc verò propositio falsa, *Petrus non currit*, habet pro obiecto negationem cursûs: atqui cursus & negatio cursûs sunt objecta distinctissima, cum sibi contradictoriè, hoc est, maximè opponantur.

R. Falsam & veram propositionem posse idem obiectum exprimere; sed falsa exprimet obiectum quando non est, & ideo obiecto non erit conformis: vera exprimet quando est, & erit conformis. Sic ista propositio: *Petrus currit*: est vera, Petro currente, falsa non currente, & tamen idem obiectum exprimit, cursum videlicet Petri; imò ideo est falsa, quia idem obiectum exprimit quod vera; nam si diceret *Petrum non currere*, esset vera.

*Obijciunt* 3. Petrus currat primo semiquadrante, & non currat secundo semiquadrante, hæc propositio: *Petrus currit*: vel dicit Petrum primo semiquadrante currere, & ita semper est vera, vel toto quadrante currere, & ita semper est falsa: vel indeterminate aliquo tempore currere, & iterum semper est vera, semper enim verum est, etiam cum Petrus non currit, aliquando cucurrisse. Quod si illa propositio dicat Petrum etiam post semiquadrantem currere, propositio est quidem falsa, sed non eadem, quia mutat obiectum, repræsentat enim cursum Petri pro secundo semiquadrante, cum prima propositio repræsentaverit eundem cursum pro primo semiquadrante tantum;

non ergo potest ostendi, quomodo eadem propositio transeat de vera in falsam.

Re. Ut suprâ, in hac propositione : *Petrus currit* : nullum tempus significari, potest enim cursus ut ab omni loco, ab omni subiecto, ita & ab omni tempore præcindi, sicut etiam in illis : *Petrus est animal* : & quamvis verbum in *actû exercitio* tempus significet ( nec enim curri potest nisi in aliquo tempore ) non tamen in *actû signato*, quia tempus est accidens, sine quo res concipi potest, sicut nec imago Cæsaris ( est autem propositio imago intentionalis ) exprimit tempus, quo Cæsar vixit.

Re. 2. Et melius, concedendo, quòd hæc propositio : *Petrus currit* : significet tempus prætens, & instans *A* quo currit; sicut enim idem est dicere : *Petrus scripsit* : & *Petrus aliquando scripsit*, ita idem est dicere : *Petrus currit* : & *Petrus nunc currit* : si ergo in instanti *B* non currat, falsa est propositio, quia difformis objecto, dicit enim cursum sub tempore præsentis existentem, cum tamen nullus in præsentis existat, & tamen est eadem, quia circumstantia temporis est merè accidentalis, nec ejus adventu aut decessu mutatur unitas numerica propositionis & imaginis; sicut ergo imago in speculo relucens eadem est numero, etiamsi accidentaliter mutetur, & accidentalem aliquam qualitatem repræsentet, quam ante non repræsentabat, v. g. nævum à mulca prætervolante in facie relictum, ita, &c. Veritas ergo & falsitas in indivisibili consistit, sed non repræsentatio, quæ relucet in propositione : Sic etiam circumstantia temporis, & intentionis addit aliquid actui voluntatis v. g. amoris, nec tamen numericè mutat : & similitudo major aut minor addit aliquid albedini, nec tamen eam intrinsecè & numericè mutat; potest enim crescere aut minui similitudo solâ mutatione in termino factâ.

V. *Quæritur 4.* An idem actus possit simul esse verus, & falsus?

Resp. Potest idem actus esse verus & falsus respectu diversorum objectorum, si vid. sit *virtualiter* multiplex, & in objecta feratur ut disparata, & multa, v. g. hæc propositio : *Petrus currit* : & *Paulus loquitur* est vera respectu Petri, si currat, falsa respectu



*Specu Pauli*, si non loquatur. Idem est in hac: *Sol lucet*, & *ignis frigit*.

*Ratio est*. Hujusmodi propositiones sunt *virtualiter* & *equivalenter* multæ, distinctæ quæ, sed distinctio *virtualis* sufficit ad vitandam contradictionem, ut patet in divinis, & etiam in creatis.

2. Veritas est similitudo, & conformitas, ac æqualitas cum objecto, sed eadem res respectu diversorum potest esse similis, & dissimilis, æqualis, & inæqualis, v. g. eadem albedo *A*, est similis albedini *B*, dissimilis nigredini; eadem ulna palmaris est æqualis quantitati palmari, inæqualis bipalmari, &c.

VI. *Quæritur* 5. Utrum una Propositio possit esse verior alterâ?

*Resp.* Veritas propositionis consistit in indivisibili, & ideo una propositio non est verior alterâ, tam ergo hæc est vera: *Petrus fuit Roma*, quàm hæc: *Nix est alba*, *Deus est æternus*.

*Ratio est*: Veritas consistit in hoc, ut objectum repræsentet sicuti est, ergo si vel minimum non repræsentet in objecto, vel minimum adjiciat, jam non repræsentat sicuti est, & veritas perit: sicut ergo non potest unum punctum esse majus altero, quia consistit in indivisibili, nec una linea esse rectior alterâ &c. ita &c.

Potest tamen una propositio esse certior alterâ, quia circa objectum magis necessarium, minúsque contingens; potest etiam una propositio esse verior alterâ in eo sensu, quod possit plures veritates attingere, quàm alia. Idem dicas de propositione falsa; tam enim est falsa hæc propositio; *Apostoli sunt tantum decem*, quàm hæc: *Apostoli sunt tantum duo*; non enim ideo falsæ sunt hæc propositiones, quod una dicat Apostolos esse decem, altera esse duos, sed ideo, quia utraque tollit numerum duodenarium, utraque enim æqualiter tollit, cum utraque ponat propositionem contradictoriam numero duodenario. Deinde falsitas in eo est, quod objectum non repræsentet sicuti est; utraque autem æquè non repræsentat numerum duodenarium, sicuti qui Florentiæ, & qui Ostiæ sunt, æquè non sunt Romæ, licet unus alio magis distet Româ. Sic etiam major potest esse falsitas *extensiva* & *ma-*



*terialis seu radicalis* ( quanto vid. quis magis à vero distat ) non tamen major *formalis*.

*Dices* : Potest unus actus esse melior alio ( v.g. actus amoris melior actu fidei ) & unus peior alio ( v. g. odium peius iræ, homicidium peius furto ) ergo & una propositio verior alterâ, & una falsior alterâ.

*Re. Negando paritatem* : amor est melior spe, quia versatur circa objectum melius, & modo meliori, potest enim unum objectum esse melius alio ; quia potest habere plures rationes & motiva & illicia appetibilis ; at verò una veritas non est aliâ verior ; tam enim hæc vera : *Deus est æternus*, quàm hæc : *nix est alba* ; quia utraque falsæ opponitur contradictoriè, hoc est, adeò opponitur, ut nec divinitus opponi magis possit : tam enim hæc sunt contradictoriæ : *nix est alba*, *nix non est alba*, quàm istæ, *Deus est æternus*, *Deus non est æternus*, & in neutra datur medium ; utraque ergo illa propositio ideo æquè vera, quia æquè recedit à falso, hoc est, contradictoriè. At verò actus spei v. g. non æquè recedit à malo ac actus charitatis, quia cum hoc non potest malum & peccatum consistere, potest autem cum illo : nec contradictoria spei est semper mala ( non enim semper est malum actu non sperare ) sicut nec contradictoria charitatis, hoc est, actu non amare ; at verò contradictoria veritatis semper est falsa. De origine falsi & difficultate assequendi veritatem vide Suar. d. 9. *Metaph. scilicet* 2. & 3. Aristot. l. 2. *Metaph. c. 1. & l. 4. c. 5.* ubi etiam S. Thomas.

VII. *Quæritur* 6. Utrum in prima mentis apprehensione detur veritas, & falsitas?

*Resp. 1.* Etiam in simplicibus conceptibus, primæque mentis apprehensione extra iudicium, & propositionem datur aliqua veritas. Expressè S. Thom. 1. p. q. 16. a. 2. & 1. *contra Gent. c. 59.* & 9. *Metaph. c. 7. Lest. 11.*

*Ratio est 1.* Etiam apprehensio est cognitio, ergo est imago objecti : atqui imagines sunt veræ, etiam si nihil affirmant, sed tantum simpliciter repræsentant.

2. Cognitio est ens, cuius totum esse consistit in repræsentatione.

sentando ; ergo cognitio est vera , & tota ejus veritas consistet in repræsentando , & hæc est *veritas formalis*.

3. Essentiz rerum apprehendi possunt & verè definiiri ( hæc enim : *animal rationale* : est vera hominis definitio ) sed vera definitio pertinet ad primam mentis operationem , non ad judicium ; quando enim dico : *Homo est animal rationale* ; homo non pertinet ad definitionem , sed est definitum , & propositio non definit , sed applicat definitionem definito per copulam *est*.

4. Omnis apprehensio est cognitio , cognitio autem essentialiter aliquid repræsentat , repræsentatio autem fit per assimilationem ; assimilatio autem cum objecto est ipsissima veritas , non potest ergo in simplici mentis conceptu esse repræsentatio sine formali veritate.

*Rursus* : Omnis cognitio repræsentat objectum , ergo vel repræsentat objectum sicuti est , & est vera ; vel aliter quàm est , & est falsa : quodsi falsitas in apprehensionem cadit , cur non & veritas ? & si veritas , cur non & falsitas ? Quamvis in apprehensione incomplexa non detur falsitas propriè dicta.

5. Propositio constat ex pluribus conceptibus simplicibus , sicut propositio vocalis ex pluribus terminis simplicibus & vocalibus ; ut ergo sit vera , oportet & ipsos simplices conceptus veros esse , nam ex non veris non potest componi verum , sicut ex auro non vero non potest componi vas verè aureum.

6. In Deo & Angelis sunt soli conceptus simplices , & non compositi , & tamen in illis est perfectissima veritas.

Quamvis ergo etiam in Apprehensionem & Sensationem veritas cadat , speciali tamen modo veritas est in judicio , & propositione vocali tanquam in signo , *tum* quia nemo propriè dicitur falli , decipique , & à vero recedere , quamdiu non judicat , si enim apprehendas cælum stare , nec dicas *cælum stat* , non censes errasse ; & si hanc propositionem , ab hæretico aut prolata aut scriptam apprehendas , *Christus non est realiter in Eucharistia* , non ideo es hæreticus , donec assertivè judices , non esse in Eucharistia. *Tum* quia in simplici apprehensione veritas objectiva nec-

necdum apparet tam clara, ut intellectum convincat, vel saltem in unam potiùs partem rapiat, quàm alteram, & ideo intellectus cunctatur, suspenditque iudicium, hoc est, prædicatum non audet cum subjecto conjungere, & ideo stante apprehensione objecti etiam ut est, potest sequi iudicium negativum non ita esse; v. g. hæreticus duas propositiones apprehendit, unam à Catholicis prolatam, *Christus realiter est in Eucharistia*, aliam ab hæreticis: *Christus non est in Eucharistia*: & tamen stante apprehensione primæ & veræ propositionis iudicatasseritque Christum non esse in Eucharistia; potest ergo stare cum apprehensione vera iudicium falsum, sed non potest cum iudicio verò falsum consistere, & ideo magis dicitur veritas in iudicio esse, quàm in apprehensione.

VIII. *Resp. 2.* In apprehensione simplici incomplexa non datur propriè dicta falsitas. Aristot. *l. 9. Metaph. c. 12.* ubi S. Thom.

*Ratio est 1.* Apprehensio incomplexa est repræsentatio simplex objecti ( nihil aliud enim est cognitio, quàm imago, & repræsentatio ) vel ergo objectum repræsentat ut est, & est vera; vel non repræsentat objectum ut est, & ut sic non est objecti apprehensio, aut cognitio: v. g. pictor indoctus canis imaginem voluit coloribus exprimere, sed ecce! non canem imago refert, sed leporem; nec cani similis est, sed lepori, dico hanc esse veram imaginem, non canis quidem, quia huic dissimilis, sed leporis, quia hunc refert, & huic assimilatur. *Idem dicas* de simplici apprehensione leporis v. g. si enim procul aliquid moveri, & per silvam vagari videas, apprehendasque ut leporem, cum sit canis, hæc apprehensio non est canis ( quia non repræsentat canem ) sed est vera leporis apprehensio, quia hunc verè repræsentat: si verò iudicium & propositionem feras, dicāsque, *hoc currens est lepus*, jam hæc propositio est falsa, quia non repræsentat objectum sicuti est, attribuit enim subjecto currenti aliquid, quod à parte rei non habet, hoc est, naturam leporinam.

2. Tunc contingit falsitas, cum objectum non repræsentatur sicuti est; sed repugnat in simplici apprehensione objectum  
non

non repræsentari sicuti est, si enim non repræsentatur, non est ejus objectum, v. g. cognitio auri, quæ aurum non repræsentat, sed auricalchum; non habet pro objecto aurum, sed auricalchum; si non habet pro objecto aurum, ergo falsum est, quod repræsentet aurum, aliter quàm est. Vide S. Thom. 1. p. q. 17. a. 1. 2. & 3.

*Obijciunt* 1. Sensus externi habent simplices tantùm, & non compositas cognitiones, & tamen in eis est falsitas, cognoscunt enim res aliter, quàm sunt, aut quæ non sunt, aut ubi non sunt; v. g. lingua bili infecta omnes saporis pro amaribus habet: oculi cælum stare, columbarum colla varijs coloribus pingi, aërem cæruleum esse, objecta procul posita quamvis alba, esse nigra, &c.

2. Sensationes nunquam esse falsas *formaliter*, & propriè; sunt enim sensus intuitivi, & de objecto præsentis, ergo de objecto ut est, nam quod non est, non est præsens; si enim sensus non potest esse de objecto absente, & procul posito, quantò minùs de objecto non existente & nullibi, ac nusquam posito? Lingua ergo bili aspersa utique amaritatem sentit, quæ bili inest, sed fallitur intellectus ob vicinitatem, judicans illam amaritatem cibis non linguæ inesse. Videmus etiam motum cæli, sed is tam velox est, ut intellectus non possit successionem notare, & ideo judicat quiescere, non moveri. Idem contingit in lapsu fluminum, & in funiculo ignito ac velocissimè circumactò.

Colorem cæruleum quod attinet, quem sudo serenòque cælo videmur præ oculis habere, aut est color elementi ignis, qui quò subtilior & purior, eò magis ad cæruleum accedit, ut patet in flamma ex vino adusto excitata; aut est color aquarum cælestiù, quarum frequentissima in sacris literis mentio; aut denique infinitæ aëris & tot cælestium orbium superficies densitate aliquam efficiunt, quam lux solis aliorumque astrorum continuò aspergens colorem nobis sapphirinum exhibet, decepto intellectu, nam oculus lucem refractam videt, & hanc propter omnino-  
dnam similitudinem intellectus verum colorem æstimat. Idem de alijs

*alijs dicas.* Patet ergo in sensibus non esse falsitatem *formalem*, sed tantum *occasionalem*.

Adverte igitur multis modis posse falsitatem Apprehensionis tribui.

1. Apprehensioni *complexæ*, ut si Angelum apprehendas tanquam animal immortale, hæc enim Apprehensio est virtualiter iudicium, & conjungit aliqua, quæ conjuncta à parte rei non sunt, conjungit quidem non judicando, sed apprehendendo, nec enim à parte rei natura Angeli est conjuncta animalitati.

2. Est etiam in Apprehensione falsitas *negativa* seu *privativa*; apprehensio enim & cognitio leonis non est conformis, & repræsentativa equi: sed hæc falsitas negativa non propriè denominat cognitionem falsam (aliàs omnis cognitio, omnis imago esset falsa, cum imago unius non sit imago alterius) sed tantum imperfectam & finitam, ut quæ non sit imago omnium objectorum.

3. Datur etiam falsitas *occasionalis* & *per accidens*, nam ex imperfectis apprehensionibus rapitur intellectus ad falsum iudicium, ut in exemplis sensuum allegatis.

4. Est etiam improprie dicta falsitas, cum Intellectus in ijs circumstantijs, in quibus deberet apprehendere unum, apprehendit aliud, v. g. transeo silvam, video animal aliquod inter dumos, fruticesque discurrere, quod est lepus, & ego apprehendo canem, cum tamen in his circumstantijs oportuisset leporem apprehendere, & omnino apprehendissem, nisi aliquid obtulisset, distantia videlicet objecti, obscuratio medij, debilitas potentia, aut organi visivi, &c.

IX. *Quæritur 7.* Utrum propositio mentalis sit una simplex qualitas?

*Resp.* Probabilius est, Propositionem mentalem esse unicam & simplicem *physicam* qualitatem, non verò tantum *unam* unitate *ordinis*. S. Thom. 1. contra Gens. c. 55. & 1. p. q. 85. a. 4. & q. 58. a. 9.

*Ratio est 1.* Quia etiam Deus & Angeli faciunt propositiones, & de objectis judicant, quæ tamen propositiones & judi-

cia

Nam sunt qualitates omnino simplices ex omnium sententia, non ergo hoc repugnat ex parte propositionis: nec etiam ex parte intellectus creati, unde enim hæc repugnantia, ut unus non possit plura objecta & terminos subordinatos (subjectum, prædicatum, & copulam) cognoscere & judicare?

2. Intellectus est lingua, & cognitio verbum animæ: sed potest lingua corporis uno verbo objectum complexum significare (v. g. perij, vici, &c.) cur non lingua animæ? cum tamen Intellectus, utpote potentia spiritalis, & immaterialis longè sit activior, magisque expressivus, quàm lingua, & multò plura intelligere, quàm loqui possumus. Imago corporea in speculo relucens una est & simplex qualitas, & tamen quàm multa repræsentat! cur non Intellectui concedas, quod vitro?

3. Multo difficilior est plura *realiter* uniri, quàm tantum *intentionaliter*, & unum pluribus *realiter* assimilari quàm tantum *intentionaliter*, & *repræsentativè* (sicut facilius regem in tabula pingas, aut in theatro agas, quàm verè sis) sed possunt plura *realiter* uniri (ut in composito physico) & unum pluribus *realiter* distinctis assimilari (ut homo Angelis, brutis, plantis, imò ipsi Deo) ergo poterit etiam una cognitio assimilari & repræsentare multa, quæ tamen subordinantur, prædicatum videlicet copulam & subjectum; hæc verò repræsentatio judicativa est propositio. Sic etiam defacto Intellectus in relationibus, in connotatis, in concretis plura objecta uno simplici actu cognoscit.

Nec ideo tamen noster concipiendi modus similis erit Angelico; quamvis enim uno intuitu plura concipiat, plerumque tamen antequam pronuntiet, & judicet *ignem v. g. esse calidum*, aut *cælum non esse elementum*, apprehendit & examinat terminos simplices, eosque inter se confert, & tunc demum comparat; prius enim, quàm dicam, *Cælum non est elementum*, apprehendo quid sit cælum, quid elementum; confero naturam cæli cum elemento; examino an sibi hæc duæ naturæ repugnent, ut conjungi non possint; quænam rationes suadeant non posse, aut posse conjungi; & tunc demum comparatione absolutâ pronuntio *Cælum non esse elementum*: hæc moræ in Angelis non sunt.

Nec aliud voluit S. Thomas 1. p. q. 13. a. 12. & q. 58. a. 4. ad 1. & 6. *Metaph. lect. ult.*

In propositionibus tamen non hypotheticis, & in Syllogismo, in quibus una propositio infert aliam, & una est causa alterius, non videtur una esse & simplex cognitio, sed plures ordinatæ.

Cum dico *Lapis non est Angelus*, hæc propositio & cognitio mentalis partim est intuitiva, ut lapidem repræsentat, partim abstractiva & obscura ut Angelum: id verò respectu diversorum non est absurdum, nam & idem color præsentis est clarè visibilis, absenti obscurus: & eadem albedo alteri albedini similis, nigredini verò dissimilis.

X. *Quæritur 8.* Utrum divisiones Propositionum sint univocæ?

*Resp.* Divisio Propositionis in *Categoricam*, *Hypotheticam*, *Disjunctivam* & *Copulativam* est essentialis & univoca, cum modo tamen aliquo Analogiæ.

*Ratio est*, Quia essentia Propositionis est affirmare aut negare, seu tollere suspensionem judicij: proprietas verò esse veram aut falsam; utrumque verò reperitur in propositionibus illis quæ ac in *categoricis*, ut consideranti patet.

Nec dicas totam veritatem in illis propositionibus repertam esse eandem cum veritate propositionum *categoricarum*, id enim falsum est; nam hypothetica veritas est *conditionata* & suspensa, & subsistit etiam *categoricis* falsis, ut in hac: *Si bos habet alas, volat.* Idem dicas de *disjunctiva*, in qua veritas non est determinata, & subsistit, etiamsi altera *categorica*, quæ est pars *disjunctivæ*, vera non sit, ut in hac: *vel hic vel ille oculus est necessarius ad videndum.*

De *copulativa* major dubitandi est ratio, videntur enim istæ duæ propositiones *categorica*, *Petrus currit* & *Paulus currit*, solâ verborum prolatione ab ista *copulativa* differre, *Petrus & Paulus currunt*: dico tamen specie differre, tum quia una ex aliâ infertur, v. g. *Petrus currit & Paulus currit, ergo duo homines currunt*: tum quia unio est sufficiens causa distinguendi compositum à partibus separatis, ut patet in artefactis & in physicis; nec enim homo est idem quod materia & forma separatæ.

Inve-



Invenitur tamen in hac divisione aliquid *analogia*, quia prius invenitur veritas in *categorica*, quam in *hypothetica*, aut *disjunctiva*; v. g. prius hæc vera est, *omne volans movetur*, quam hæc, *si lapis volat, movetur*: & rursus prius hæc vera, *oculus est necessarius ad videndum*, quam hæc, *aut hic aut ille oculus est necessarius ad videndum*. Hæc tamen prioritas non sufficit ad veram & propriam Analogiam, tum quia binarius & ternarius sunt univoce numeri, & tamen prior binarius: tum quia sola prioritas cum inæquali participatione superioris rationis est radix Analogiæ.

XI. *Resp. 2.* Divisio Propositionis in *Affirmativam* & *Negativam* est *univoca* & *essentialis*: *univoca*, quia utraque æquè judicat, æquè potest vera aut falsa esse. *Essentialis*, quia essentia propositionis consistit in unionem extremorum, hanc verò unionem diversificat affirmatio & negatio, *affirmatio* enim significat identitatem prædicati cum subiecto, *negatio* significat distinctionem, hoc est, non identitatem: patet autem formam & negationem formæ essentialiter distingui: & quamvis ad esse & non esse non detur ratio aliqua communis, datur tamen ad significationem *esse*, & significationem *non esse*, significatio vid. & iudicium in communi.

X. 3. Divisio propositionis in *Particularem* & *Universalem* est subiecti in accidentia.

*Ratio est*, tum quia hoc pertinet ad quantitatem propositionis, quantitas verò est extra essentiam: tum quia hæc divisio non sumitur penes essentiam propositionis, quod est judicare, sed penes extensionem subiecti.

Agunt hinc aliqui de veritate aut falsitate propositionum de futuro contingenti, sed tractari hoc Argumentum solet in Theologia, ubi de scientia Dei.



Q 00 3

§. III.





## §. III.

Alia quædam de Propositionibus earumque  
Oppositionibus ac Æquipollentijs.

## Summaria.

*Quenam sint notanda.*

1. Circà propositionem categoricam. &c.
2. Circà hypotheticam.
3. Circà oppositionem propositionum.
4. Circà propositiones contradictorias.
5. Circà contrarias.
6. Circà subcontrarias.
7. Circà subalternas.
8. Denique circà modales.



Propositio generatim dividitur in *Categoricam* & *Hypotheticam*: *Categorica* est, quæ constat subiecto, prædicato, & copulâ verbali, v. g. *Petrus est homo, Petrus currit*, &c. *Hypothetica*, quæ constat duabus propo-

positionibus categoricis, tanquam partibus sui principalibus; v. g. si sol cras orietur, dies erit: Petrus loquitur, & Joannes scribit: nec enim hypothetica à Dialecticis pro sola propositione conditionali usurpatur, sed pro omni ex pluribus categoricis composita. De omnibus his in sequentibus dicendum.

I. *Quaritur* 1. *Quæ sint partes, materia, forma, quantitas, & qualitas Propositionis Categoricæ?*

*Resp.* 1. In Categorica est una tantum copula, & unum verbum quod affirmat aut negat: si verò plura sint verba, non pertinent ad copulam, nec aliquid negant aut affirmant, sed tantum circumstantiæ prædicati aut subiecti, v. g. *lac quod est album, est dulce.*

*Nota*, Copula subinde etiam est prædicatum, v. g. *Petrus est*, & vocatur *de secundo adjacente*, & sic resolvitur: *Petrus est existens.* Cum copula & prædicatum distinguuntur, propositio est de tertio adjacente, v. g. *Petrus est homo, Petrus currit.* Istæ: *Pluit, ningit, perij, &c.* sunt propositiones sensu, non voce.

*Resp.* 2. *Materia* propositionis *Categorica* est *necessaria, impossibilis, contingens.* *Forma* verò est *unio, seu copula.* *Quantitas* est limitatio vel extensio subiecti.

Estque quadruplex: *Universalis*, v. g. *omnis leo rugit: Particularis*, cum subiectum est terminus communis, affectus aliquo signo particulari, v. g. *aliquis leo rugit.* *Indefinita*, cum subiectum est terminus communis, nullo signo particulari affectus, v. g. *leo rugit.* *Singularis*, cum subiectum est terminus singularis, vel stat pro singulari, v. g. *Petrus, vel hic homo currit.*

*Indefinita* propositio in materia contingenti æquivalet particulari, v. g. *homo currit, æquivalet huic, aliquis homo currit: in materia verò naturali, fidei, vel juris, æquivalet universali, v. g. homo est animal, homicida plectatur, moriens in gratia salvabitur, æquivalent istis, omnis homo est animal, &c.*

*Qualitas* Propositionis duplex est, alia *Essentialis, Affirmatio* vid. & *Negatio*, alia *Accidentalis*, nimirum *veritas & falsitas.*

*Quæ* Propositio sit affirmativa aut negativa, ex copula principali, non secundaria desumendum est, v. g. hæc est *affirmati-*

*mativa: Qui non peccat, salvabitur* ( sic enim explicatur: Non peccans erit salvus ) hæc verò *negativa, Qui peccat, non salvabitur.*

*Resp. 3.* Signa universalis sunt hæc: *Omnis, nullus, Quilibet, neuter, &c.* Signa particularia sunt *Quidam, Aliquis, Alter, &c.*

In hac Propositione, *Cujuslibet hominis equus currit*; signum *cujuslibet* est signum subjecti distributionis, non subjecti prædicationis, quia non cadit super subjectum *Equus*: in hac verò, *hominis quilibet equus currit*, signum *Quilibet* non est absolute universale, sed tantum secundum quid, & restringitur à termino *hominis*.

In hac Propositione, *Petrus est, & non fuit albus*, duæ propositiones continentur, affirmativa & negativa.

*Resp. 4.* Aliud est propositio *negativa*, aliud *infinita*: hæc est *negativa*, *Petrus non est homo*, quia negatio cadit super copulam. Hæc vero est *infinita*, *petrus est non lapis*, quia negatio non cadit super copulam, sed super prædicatum.

*Dices*: Non lapis est negatio, sed Petrus non est negatio & nihil, ergo non bene dico, Petrus est non lapis.

*R.* Petrum esse aliquid, & hoc indicatur per copulam *est*, & tamen imperfectum, & cum carentia perfectionum, quæ sunt in lapide, & hoc significat ille terminus infinitus *Non lapis*; sensus ergo propositionis est, *Petrus est aliquid quod non est lapis*, nec tamen determino quid sit.

Quamvis verò in propositione *negativa* verbum *est* non copulet, sed separet prædicatum, adhuc tamen dicitur copula, quia repræsentat carentiam prædicati.

Si duæ negationes conjungantur, reddunt propositionem affirmativam, v. g. *Petrus non est cæcus*, æquivaleret huic, *Petrus est videns*; & ista, *Petrus non est non currens* huic, *Petrus est currens*; & ratio est, quia negatio negat totum quod post se invenit, ergo etiam negat negationem subsequenter, ergo negat tollitque negationem, & carentiam cursûs v. g. sed sublata carentiâ & negatione cursûs ponitur ipsa forma cursûs, nam in contradictorijs sublato non esse, ponitur esse.

II. *Queritur 2* Quid sit *Propositio hypothetica*, & unde ejus quantitas, ac qualitas desumenda?

*Resp. 1.* *Hypothetica propositio* est, qua constat ex duabus propositionibus

tionibus categoricis, & magis accedit ad argumentationem, v. g. *Si bos habet alas, volat.* Copula propositionis hypotheticæ non est verbalis, sed una ex istis; *si, vel, &, quia.*

*Nota.* Ut propositio sit hypothetica, non sufficit virtualiter complecti plures propositiones, sed oportet, ut omnino, & actu sint plures; ista ergo, *Petrus & Paulus student,* est categorica, sed de extremo copulato: ista verò, *Petrus studet & ambulat,* est categorica de prædicato copulato: & ista, *omnis homo est animal,* est categorica, licet huic hypotheticæ æquivaleat, *Petrus est animal, & Paulus est animal, &c.*

*Resp. 2.* *Quantitas Hypothetica* sumitur tum ex Categoricis, quibus constat, tum ex propria copula: hæc ergo est *Universalis*: *Petrus studet & Paulus studet,* quia copula & requirit veritatem utriusque: hæc verò, *Petrus studet, vel orat,* est *particularis*, quia copula *vel* alterius tantum veritatem exigit.

*Resp. 3.* *Negatio vel affirmatio hypothetica* non sumitur ex negatione vel affirmatione categoricarum, sed ex affirmatione, vel negatione copulæ: hæc ergo est *affirmativa*: *Petrus non scribit, & Paulus non currit*: Hæc *negativa*, *Petrus ambulat, nec Paulus currit.* Si negatio sit nominalis, & ponatur initio propositionis, non negat copulam, nec facit propositionem negativam; hæc ergo est *Affirmativa*, *Nullus homo loquitur, & Petrus currit.* Si verò negatio sit adverbialis, & initio ponatur, ex communi hominum usu afficit copulam, & propositionem facit *negativam*; v. g. *Non Petrus currit, & Paulus loquitur*; sensus enim est, *Nec Petrus currit, nec Paulus loquitur.*

*In Disjunctivis* non semper necessarium est, unam tantum partem propositionis verificari, potest enim utraque vera esse, v. g. hæc, *Petrus ambulat, vel orat,* vera est, etiamsi ambulet & oret. Secus est in propositione *copulativa*, in qua oportet utramque esse veram; hæc ergo est falsa, *Petrus est homo, & Paulus est lapis*, imò tota est impossibilis, quia bonum ex toto, defectus ex qualibet parte.

*Resp. 4.* In *conditionalis*, particula *si* aliquando sumitur tantum *permissivè*, v. g. *Si videris fratrem meum, saluta illum*: aliquando *illativè*, v. g. *Si sol oritur, dies est*: & in hoc casu tota veritas

ritas Hypothetica in illatione consistit, unde hæc est falsa; quamvis utraq; categorica sit vera, *si homo est animal, equus est quadrupes*, nec enim hæc ex illa sequitur: hæc verò hypothetica & conditionalis est vera, licet categorica sit falsa, *si lupus est equus, hinnit*.

Conditionalis necessaria est triplex, necessitate Metaphysicâ, quæ semper est vera, & nequidem per divinam potentiam aliter se habere potest: necessitate Physicâ, quæ naturaliter aliter esse non potest, supernaturaliter potest: necessitate morali, quæ plerumque, at non semper est vera, v. g. Si mater est, diligit filium.

Resp. 5. In propositione causali copula est particula *Quia*: requiritur ad hujus veritatem, ut una propositio contineat causam alterius, & consequenter utraque sit vera: hæc ergo est falsa, *quia leo est quadrupes, est rugibilis*.

Resp. 6. Propositio exponibilis est virtualiter hypothetica, quia ut exponatur, duabus categoricis indiget, v. g. *incipit, desinit, &c.* sic exponuntur: *Nunc est, & antè non erat, &c.*

Præcipue sunt tantum tres: Exclusiva, Exceptiva, Reduplicativa.

Exclusiva est, quæ constat termino significante exclusionem, ut tantum, solum: talis est hæc: *Tantum homo est risibilis*. Sic exponitur: *homo est risibilis, nec ulla res alia*. Potest exclusio cadere supra prædicatum solum, vel supra solum subjectum,

Propositio exclusiva affirmativa convertitur in Universalem affirmativam, v. g. hæc, *Tantum homo est risibilis*, convertitur in hanc, *Omne risibile est homo*, si videlicet Exclusiva afficiat tantum subjectum; nam si afficiat prædicatum, non convertitur Universaliter, v. g. non valet, *Planta est tantum vegetativa, ergo omne vegetativum est planta*. Non valet etiam consequentia ab exclusiva subjecti ad exclusivam prædicati, v. g. *Tantum sol est maximum luminare, ergo sol est tantum magnum luminare, Elementa sunt tantum quatuor, ergo tantum elementa sunt quatuor*.

Secunda exponibilis est exceptiva, v. g. ista: *Omne animal, præter hominem, est irrationale*: sic autem exponitur: vel per tres propositiones: *Omnis homo est animal, nullus homo est irrationalis: alia animalia omnia irrationalia*, vel sic: *Tantum homo non est animal irrationalis*,

nale; reliqua verò animalia sunt irrationalia. Vel sic: Omne animal, excepto homine, est irrationale.

Tertia exponibilis est *reduplicativa*, & hæc accipitur vel *reduplicativè*, quando appellatur super subjectum *formaliter* & *specificè* acceptum, v. g. *coloratum quâ coloratum est* objectum visus: vel *specifidè*, quando subjectum supponit *causaliter*, v. g. *color albus*, quâ albus disgregat visum.

*Reduplicativa* sic exponitur: *Omnis homo, in quantum rationalis, est risibilis*, hoc est, *Omnis homo qui est animal rationale, ideo est risibilis, quia est rationalis*. Aliquando tamen particula reduplicativa in quantum & secundum quod, est tantum restrictiva, v. g. *æthiops in quantum habet dentes, est albus*: *Christus in quantum homo, est creatura*: & in hoc casu restrictio verificat propositionem tantum pro parte, non pro toto subjecto; de quo vide eleganter S. Thom. 3. p. q. 16. a. 8. ubi dat rationem, cur æthiops dicatur absolute crispus, quamvis tantum sit talis secundum crines, & non absolute albus.

Ea, inquit in O, qua in dubitationem venire possunt, an conveniant toti, vel parti, si insunt alicui parti, non attribuimus toti simpliciter, id est, sine determinatione: non enim dicimus, quod æthiops est albus, sed quod est albus secundum dentes. Dicimus autem absque determinatione, quod est crispus, quia hoc non potest ei convenire, nisi secundum capillos.

Aliquando etiam reduplicatio cadit supra conditionem aut concomitantiam, non verò supra causam, v. g. *ignis, in quantum applicatus, calefacit: homo in quantum existens, operatur*: & tunc expositio fit per conditionalem ex parte subjecti hoc modo: Si ignis applicatur, calefacit.

III. Quæritur 3. Quid, & quotuplex sit oppositio Propositionum?

Resp. 1. *Oppositio secundum Aristotelem est affirmatio & negatio ejusdem de eodem*. Vel sic: Est duarum propositionum, idem subjectum & prædicatum habentium diversitas vel in Qualitate, vel in Quantitate, v. g. *Petrus currit, Petrus non currit: Omnis homo est rationalis, aliquis homo est irrationalis*.

Resp. 2. *Oppositio Propositionum est quadruplex: Contraria, Contradictoria, subcontraria, subalterna*.



Ad oppositionem requiritur, ut sit idem omnino prædicatum & subiectum, eadem circumstantiæ, eadem suppositio &c. & ideo istæ non sunt oppositæ: *Canis latrat, canis non latrat* ( hoc est, stella. ) *Petrus currit, Petrus non currit*, &c.

Dices: Istæ duæ propositiones sunt oppositæ: *Omnes homines currunt, aliqui homines non currunt*, & tamen non sunt contrariæ ( quia altera non universalis ) nec subcontrariæ ( quia prior universalis ) nec subalternæ ( quia una affirmat, altera negat ) nec contradictoriæ ( quia utraq; potest esse falsa; fac enim 100 homines esse, ex quibus 99 currant, unus verò non currat, utraque est falsa, & hæc: *Omnes currunt*, cùm unus non currat; & hæc: *Aliqui non currunt*, cùm unus tantùm non currat, & ita non aliqui, sed aliquis.

æ. Alium esse sensum hujus propositionis in rigore philosophico, *omnes homines currunt*, & alium hujus, *omnis homo currit*: prima propositio cùm habeat subiectum in numero plurali, sic distribuitur; ergo & *hi homines currunt*, & *hi homines* &c. & ejus contradictoria non est hæc: *aliquis homo non currit* ( sic enim variatur circumstantia numeri, & consequenter tollitur contradictio ) sed hæc: *aliqui homines non currunt*: hæc verò propositio, *aliqui homines non currunt*, vera redditur in sensu assignato, etiamsi unus non currat: ponamus enim illum terminum *aliquos* completi ex triginta tribus ternarijs ( qui numerum nonagenarium novum componunt ) unum ternarium, in hoc si vel unus non currat, verum est totum ternarium hominum non currere, & ita verum est aliquos homines non currere, hoc est, aliquem ternarium hominũ non currere: patet ergo, istas propositiones, *Omnes homines currunt, aliqui homines non currunt*, esse contradictorias, & posteriorem esse veram.

IV. *Queritur 4.* Quid sit contradictio Propositionum, & quando contingat, quæ ejus signa, &c.

*Resp. 1.* Contradictoria sunt duæ propositiones, quarum una est affirmativa, altera negativa; una particularis, altera universalis, v. g. *Omnis homo est animal, aliquis homo non est animal*; aut utraque particularis, v. g. *Petrus currit, Petrus non currit*.

*Nota*

*Nota.* Propositiones contradictoriæ in nulla materia possunt esse simul veræ & falsæ, alioqui posset idem simul esse & non esse, quod est contra primum naturale principium.

*Obijciunt 1.* Istæ sunt contradictoriæ: *Omnis homo studet, Petrus non studet*, & tamen utraque potest esse falsa, ut si *Petrus studeat* (tunc enim falsum est, *Petrus non studet*) & *Joannes non studeat* (tunc enim falsum est, quod *omnis homo studeat*.)

*R.* Illas propositiones non esse contradictorias, quia secunda plus dicit, quàm sufficiat ad falsificandam priorem, sufficeret enim aliquem non currere, nec oporteret hunc determinatè hominem non currere: à parte rei quidem, si omnis homo studet, certum est & Petrum studere (aliàs Syllogismus in Darij non semper concluderet) sed ex modo significandi, cum *omnis homo* nullum hominem in particulari designet; ejus contradictoria non est, *Petrus non studet*, sed *aliquis homo non studet*: & ratio rationis est, quia oppositio est de eodem omnino subjecto; sed *omnis homo* & *Petrus* non sunt idem subjectum ex modo significandi, quia *omnis homo* non dicit ullam hominis differentiam, sed appellat supra naturam; *Petrus* verò dicit differentiam hominis.

Bene igitur *nota*, Contradictionem istarum propositionum sumi ex veritate rerum, non ut sunt, sed ut significantur.

*Obijciunt 2.* Istæ sunt contradictoriæ: *Omnis equus currit, aliquis equus non currit*, & tamen potest utraque esse falsa, ut si nullus equus in mundo sit.

*R.* Istas propositiones de non existentibus sumi conditionatè, si equi existant: in quo casu aut hæc est vera: *Omnis equus currit*; aut hæc, *aliquis equus non currit*.

*Obijciunt 3.* Istæ sunt contradictoriæ: *In Divinis natura generat* (ut cum Paternitate identificatur) *Natura non generat*, & tamen utraque est vera.

*R.* Falsum supponi; in Divinis enim non est contradictio: contradictio dicit ens & negationem entis, in Deo autem non est negatio entis, sed plenitudo & pelagus entis, & ideo quod una persona non sit alia, quod una generet, non alia,

hæc non est negatio & imperfectio, sed summa perfectio, ordo, fecunditas & societas, quæ perfectiones in Deo cessarent, si una Persona non distingueretur ab alia.

*Obijciunt 4* Istæ propositiones sunt contradictoriæ: *Omnis equus contingenter curret*, aliquis equus contingenter non curret, & tamen utraque est vera: sicut etiam istæ: *Possibile est omnem equum currere*, *possibile est aliquem equum non currere*: hæc siquidem propositiones veræ sunt, etiam si omnes equi currant.

*R.* Illas propositiones non esse contradictorias, nec ullo modo oppositas, sed potiùs æquivalentes. *Contingens* seu *possibile* (ut *necessario* opponitur) est idem quod *indifferens* ad utrumque, & ideo hæc propositio, *possibile est omnem equum currere*, æquivaleret huic, *possibile est aliquem equum non currere*: sicut hæc, *Petrus est indifferens ut currat*, æquivaleret huic, *Petrus est indifferens ut non currat*, non ergo sunt oppositæ, cum se mutuò includant, inferantque. Sic etiam istæ: *Petrus determinatè peccabit*, *Petrus determinatè non peccabit*, non sunt contradictoriæ, & utraque potest esse falsa, quia ad contradictionem sufficit non posse utramque esse veram, aut utramque esse falsam, non autem requiritur utramque determinatè esse veram, aut determinatè falsam, sicut patet in istis: *Petrus ne essariò peccabit*, *Petrus necessariò non peccabit*, utraq; enim est falsa. Ut ergo evadant contradictoriæ, modus negandus & affirmandus est hoc modo: *Petrus necessariò peccabit*, *Petrus non necessariò peccabit*: *Petrus contingenter Christum negabit*, *Petrus non contingenter Christum negabit*.

Et ratio est, quia contradictoriæ modales reduci debent ad contradictorias de inesse; sed si reducantur ad contradictorias de inesse, negatio & affirmatio cadent supra modum, v. g. ista modalis, *Petrus necessariò peccabit*, ad hanc reducitnr, *Petri futurum peccatum est res necessaria*: hujus contradictoria est: *Petri futurum peccatum non est res necessaria*: ubi vides negationem & affirmationem cadere supra modum.

*Obijciunt 5.* In hisce contradictorijs utraque est vera: *Omnes homines sunt plus quàm unus*, *aliquis homo non est plus quàm unus*.

*R.* Non esse contradictorias, quia variatur suppositio; prima enim supponit collectivè, & ideo non potest fieri descensus

ad

ad singularia ( falsum enim est, quòd & hic homo sit plus quàm unus, & ille homo, &c. ) Non ergo debet ejus contradictoria in suppositione *singulari* assignari, sed *collectivè*, hoc modo: *Omnes homines non sunt plus quàm unus.* Sicut contradictoria hujus, *Omnes Apostoli sunt duodecim*, non est hæc, *Aliqui Apostoli non sunt duodecim.* Sed hæc: *Omnes Apostoli non sunt duodecim.*

*Obijciunt* 6. Iste sunt veræ: *Bis cantavi Missam, bis non cantavi Missam*: iste verò sunt falsæ: *Nullus oculus requiritur ad videndum; aliquis oculus non requiritur ad videndum; & tamen omnes sunt contradictoriæ.*

R. Illas non esse contradictorias, *bis cantavi Missam, & bis non cantavi Missam*, sed istas: *Bis cantavi, non bis cantavi*: & ratio est, quia de Missa prædicatur & quòd fuerit cantata, & quòd bis ( æquivaleret enim huic: *Missæ à me cantatæ fuit bis.* ) utrumque ergo debet negari, quod fit per hanc, *Non bis cantavi Missam*, quæ huic æquivaleret: *Missæ non fuit à me bis cantatæ.*

Aliæ propositiones non sunt contradictoriæ, nam illa, *Nullus oculus est necessarius*, sumitur in sensu *distributivo* & *determinato*, & sic est vera; Alia verò, *aliquis oculus non est necessarius*, in sensu *confuso*, & est falsa; falsum enim est, aliquem oculum, saltem in confuso, non esse necessarium ad videndum.

*Nota.* In propositione hypothetica copulativa sic ponendæ sunt contradictoriæ: *Lac est dulce, & absinthium est amarum: lac non est dulce, vel absinthium non est amarum*, quia copula & æquivaleret signo *universali*, copula *vel particulari*.

In conditionalibus & hypotheticis contradictio fit negando copulas quia, si, v. g. si sol luceat, dies est, non si sol luceat, dies est: quia ignis est calidus, calefacit, non quia ignis est calidus, calefacit.

*Resp.* 2. Signa & modi universalitatem propositionis completam indicantes sunt isti: *Omnis, nullus, necessarius, impossibiliter, & nunquam, semper, &c. ubique, nullibi, &c.* Signa & modi, quibus universalitas incompleta significatur, sunt: *Omne* (pro genericis singulorum) *uterque, neuter, subinde, multi, plures, contingenter*; non *contingenter* æquivaleret propositioni copulatæ, & sic resolvitur: *Homo contingenter currit*, hoc est, *possibile est hominem currere, & possibile est hominem non currere.*

*Resp.*

*Resp. 3.* Signa quæ se tenent ex parte solius prædicati, non constituunt propositionem quantam, v. g. *Deus est omne bonum*, est singularis propositio. Nomina obliqua se tenentia ex parte subiecti, quando nullo signo afficiuntur, non constituunt quantitatem propositionis, v. g. *Omnis equus Petri currit*, est propositio universalis.

Si casus afficiatur signo affirmativo universali vel particulari, propositio adhuc manet particularis, v. g. *Omnis hominis equus currit*, sic resolvitur: *Hujus hominis vel hic equus currit*, vel *hic equus currit*, &c. & *hujus hominis vel hic equus currit*, vel *hic equus currit*. Ista propositio, *semper homo currit*, est particularis, licet tempus Universaliter significetur. Econtrà ista, *aliquando omnis homo currit*, est Universalis. Sed hoc signum negativum nunquam afficit universaliter non tantum tempus, sed præcipuum etiam subiectum, v. g. in hac propositione, *nunquam homo currit*, distributio fit hoc modo: *Neque in hoc tempore currit hic homo, neque hic homo*, &c. *neque in hoc tempore currit hic homo, neque hic homo*, &c. Hæc ergo propositio, *Nunquam aliquis homo currit*, est Universaliter negativa.

V. *Quæritur 5.* Quid sint Propositiones contrariæ, subcontrariæ, subalternæ, modales, & quæ leges eas convertendi?

*Resp.* Contraria sunt due propositiones, ejusdem semper quantitatis, & universales, quarum una negat quod altera asserit, v. g. *Omnis homo currit*, *nullus homo currit*: *Petrus ubique studet*, *Petrus nullibi studet*; *Petrus & Paulus currunt*, *Petrus & Paulus non currunt*.

Non possunt contrariæ simul esse veræ, aliàs sequeretur duas contradictorias esse veras. In materia tamen contingenti possunt esse simul falsæ, v. g. *Omnis homo est albus*, *nullus homo est albus*: ratio est, quia inter omne & nullum datur medium, videl. *aliquod*, hoc enim nec est omne, nec est nullum. In materia tamen necessaria vel impossibili non possunt esse simul falsæ nec simul veræ.

VI. *Resp. 2.* Subcontraria sunt due propositiones particulares, vel saltem indefinita, quarum una est affirmativa, altera negativa, v. g. *aliquis homo currit*: *aliquis homo non currit*: hæc propriè non sunt oppositæ, cum possint

sint simul esse veræ, ut patet; tota ergo oppositio est in qualitate. In materia tamen necessaria & impossibili non possunt simul esse falsæ, nec possunt esse simul veræ, aliàs sequeretur duas contradictorias simul esse veras, v. g. sint istæ subcontrariæ: *Aliquis homo est animal, aliquis homo non est animal*: si prima est falsa, ergo hæc ejus contradictoria, *nullus homo est animal*, est vera: & si secunda etiam est falsa, ergo hæc ejus contradictoria, *Omnis homo est animal*, est vera, ergo habemus duas contrarias simul veras: at si duæ contrariæ simul sunt veræ, etiam duæ contradictoriæ, ut patet ex jam dictis.

VII. Resp. 3. Subalterna sunt duæ propositiones, quarum utraque affirmativa, & utraque negativa, & solum differunt in quantitate, quod una universalis sit, v. g. *omnis homo est animal, aliquis homo est animal*: una includitur in alia, & unius veritas pendet à veritate alterius, & ita vix sunt oppositæ, exceptâ quantitate.

In materia necessaria & impossibili vel utraque est vera vel utraque falsa; si enim hæc est vera, *omnis homo est animal*, etiam hæc, *aliquis homo est animal*.

Dices: Hæ propositiones sunt subalternæ in materia necessaria: *Aliquod animal est rationale, omne animal est rationale*, & tamen secunda, hoc est, subalternans, est falsa.

R. Primam propositionem non esse de materia necessaria, sed contingente, contingit enim animali ut sic esse rationale: in materia verò contingenti potest una esse vera, alia verò falsa, v. g. *aliquis homo est albus, omnis homo est albus*.

Resp. 4. Pro Equipollentijs sufficit notatæ versiculorum illum, Dialecticis notum:

*Pro contradic: post contra: pro postque; Subalter.*

Resp. 5. Conversioni sequentes versus interserviunt,

*Feci simpliciter, convertitur eva per acci:*

*Asto per contra, sic fit conversio tota.*

Adverte 1. Ad hoc, ut Propositio universalis affirmativa rectè convertatur simpliciter, necesse esse, ut totum prædicatum convertatur in subjectum, unde hæc non valet: *Omnis senex fuit puer, ergo omnis puer fuit senex: Petrus est in domo, ergo domus est in Petro.*



*Adverte 2.* Totam rationem conversionis ex *suppositione* pendere, v. g. *Omnis homo est animal*, convertitur in hanc, *aliquod animal est homo*, quia prædicatum *animal* in prima supponit *confusè*.

*Adverte 3.* Istæ propositiones; *aliquis homo est mortuus*; *aliquis videns est cæcus*, *aliqua domus est eversa*, sic majoris claritatis causâ explicari & converti possunt: *aliquid passum mori est homo* (ampliando copulam *est* ad tempus præteritum), *aliquid passum cæcitate est videns*, &c.

VIII. *Resp. 6.* Circa propositiones modales notentur sequentia.

*Notandum 1.* Ad has propositiones parum refert, utrum modus *nominaliter*, an verò *adverbialiter* sumatur, hæc dux siquidem idem sonant: *Petrus contingenter currit*, &, *Petrum currere est contingens*.

*Notandum 2.* Ex modis duo sunt universales, *necesse* & *impossibile*; duo particulares: *Contingens* & *Possibile*: censetur autem modalis *negativa*, quando modus negatur, etsi dictum affirmetur: erit etiam *universalis*, si modus sit *universalis*, quamvis dictum sit *particulare*, v. g. hæc, *necesse est Petrum esse animal*, est *universalis*; & hæc, *Contingens est Petrum non currere*, est *affirmativa*.

*Notandum 3.* Omnes propositiones modales veræ, sunt *necessariæ*; licet enim hæc de inesse sit *contingens*, *Petrus currit*, hæc tamen modalis est *necessaria*, *Petrum currere est contingens*. Sic etiam licet ista sit modalis, *Petrus contingenter currit*, hæc tamen, *Petrus contingenter currit est propositio modalis*, in actu exercito non est propositio modalis, sed absoluta: sicut etiam hæc est propositio categorica, nec in actu exercito conditionalis: *Si bos habet alas, volat, est propositio conditionalis*, quia copula est *verbalis*.

*Notandum 4.* Optimus & facillimus modus reducendi modales ad suas de inesse est, si modus convertatur in prædicatum, v. g. ista, *Petrus est necessario animal*, reducitur ad hanc; *Petrum esse animal est res necessaria*; vel, *animalitas est prædicatum Petri necessarium*: & ista, *Contingit Petrum currere*, in hanc, *Cursum Petri est res contingens*.

FINIS LIBRI SECUNDI.



# LIBER III.

## DE TERTIA MENTIS OPERATIONE.



Libros, qui instrumenta tradunt pro tertia Mentis operatione dirigenda, Aristoteles *Analyticos* appellavit, eosque in duas partes distinxit: in prima agit de *priori analysis* seu *Resolutione*, hoc est, de forma Syllogistica ejusque principiis ac artificio, quam etiam alij *resolutionem consequentia* vocant: tunc verò consequentiam resolvimus, cùm ejus bonitatem ostendimus, eò quòd principiis constet ad regulam artis compositis, sibi que connexis, & ex quibus si præmissæ sint, veritas infallibiliter consequatur; potest enim ex vero falsum deduci: sicut enim voluntas nunquam eligit, amatque malum, nisi specie boni vestitum, ita nec intellectus falso assentitur, nisi ex vero aliquo principio deductum colorem & faciem veritatis assumat.

Metrodorus Philosophus ex veris principiis falsum concluderebat: *Absurdum est*, inquit, *in latifundijs unicam speciem nasci, ergo & unum in infinito Mundum: Mundi causa est infinita, ergo & Mundi infiniti.*

Nihil falsius quàm Deum nullum esse, & tamen ex veris principiis hoc Athei inferebant apud Plutarchum de plac. Phil. I.

1. c. 7. *Cum deterrimo quoque, inquit, fortunâ prælatè agit, contrâ eum præstantissimo pessimè; ergo Deus non est, aut si est, humana non curat. Deus non potest facere ut stet qui sedet, ut vigilet, qui dormit, ergo Deus non omnia potest, & si non potest, Deus non est.*


Plinius lib. 2. c. 7. sic argumentatur: *Non potest Deus sibi mortem confiscare si velit, non facere, ut qui vixit, non vixerit, qui honores gessit non gesserit, non ut bis dena viginti non sint, nullumque habet in præterita jus, præterquam oblivionis, ergo non potest Deus rerum naturam mutare, ergo natura rerum omnium est id quod Deum vocamus.*

Ariani sic arguebant: *Filius est à Patre genitus; ergo est minor Patre, & creatura.*

Lutherani sic: *Non est bonum, hominem esse solum, ergo non est bonum, hominem esse Monachum.* Cum ergo Intellectus humanus possit in discursu falli, & falsum ex vero inferre, opus aliquâ arte fuit, quâ dirigeretur, & falsum in discursu viraret, hoc præstat Logica in analysi prioristica, quæ agit de arte & forma verum ex vero deducendi per bonam consequentiam.

In secunda parte agit Aristoteles de posteriori *Analysi*, hoc est, de *Resolutione consequentis*: tunc verò resolvimus consequens, cum ostendimus illud ex veris principiis deduci, quæque veritatem conclusionis contineant: sicut enim in alijs artibus non quælibet materia ad consequendum artis finem est idonea (nempe in plumbo navigat, aut in aqua pingit, aut vitro ædificat) ita nec in arte verum cognoscendi quælibet propositio, aut quodlibet principium inferendæ veritati servit, v. g. ex eo quod sol in occasu rubeat, non licet inferre; ergo infallibiliter crastinâ serenum erit: nec ex eo quod halcyones nidulentur, concludi potest; ergo hodie nullus infallibiliter in mari ventus, nulla tempestas erit.

*Resolutio* in genere nihil aliud est, quàm *totius in suas partes divisio*; sicut enim corpus humanum tunc resolvitur, cum in suas partes & principia secatur, aut sponte redit, ex quibus componitur; & domus, cum in lapides, ligna, cæmentum, ex quibus comparata est; sic & Demonstratio resolvitur dicitur, cum principia, ex quibus constar, considerantur, & ita velut mente & cogitatione retexuntur.



## S. I.

## DE SYLLOGISMO.

## Summaria.

1. *Quid & quotuplex sit Argumentatio.*
2. *Stante bonitate consequentia ex antecedente vero non potest sequi falsum.*
3. *Sed econtrà antecedens falsum potest inferre consequens verum.*
4. *Et contingens necessarium.*
5. *Necessarium tamen infert sibi simile.*
6. *Discursus soli homini non Angelo, nec brutis competit.*
7. *Dividitur in 4. Species.*
8. *Ex quibus Inductio non est formalis Argumentatio.*
9. *Nec Enthymema.*
10. *Nec exemplum.*
11. *Sed solus Syllogismus.*
12. *Qui formaliter non in solis præmissis,*
13. *Nec in sola conclusione, sed in præmissis & conclusione simul consistit.*
14. *Assensum præmissarum effectivè concurrere ad assensum conclusionis & authoritas, & ratio evincit.*

15. Ut conclusioni assentiatis, præcognitio de bonitate illationis est necessaria.
16. Et tunc aliud in præmissis, aliud in conclusione cognoscas.
17. Ita tamen ut objectum præmissarum se habeat ut objectum quo ad assensum conclusionis.
18. Positis præmissis probabilibus Intellectus nec quoad speciem, nec quoad exercitium necessitatur ad inferendam conclusionem.
19. Ex præmissis verò necessarijs tam quoad speciem, quàm exercitium necessitatur.
20. Materia, forma. & principia Syllogismi.
21. De duplici reductione.
22. Regula, juxta quas validè argumentemur ab hypothesis impossibili.



## I.



Uarietur 1. Quid sit Argumentatio?

Resp. Argumentatio est Oratio, in qua antecedens infert consequens. Sunt quidem plures Orationes in Argumentatione, sed ordine sunt una Oratio, & præsertim quia particula *ergo*, quæ est nota Argumentationis, uni & soli ultimæ propositioni ac conclusioni apponitur. In mala Argumentatione antecedens non infert

infert consequens, sed inferre tantum videtur, sicut enim apparens bonum movet voluntatem ad amorem, & apparens color oculum ad visionem, ita apparens verum movet intellectum ad assensum. Quamvis ergo *Argumentatio* ex parte materiae dividatur in *probabilem* & *demonstrativam*, ex parte tamen *forma* & *consequentia* nulla datur *Argumentatio probabilis*; forma enim essentialis & intrinseca *consequentia* est connexio illativa consequentis cum antecedente, ergo aut consequentia hanc vim illativam semper habet? & consequenter quantum ex se semper bene & verum infert (causa enim necessaria, si nihil obstat, semper agit) aut non habet eam vim illativam? ergo nunquam habet, ergo non est bona consequentia, sicut enim bona regula, aut amissis dici non potest, ad quam vel semel duci potest linea, aut angulus cuius, ita &c.

Tria ergo ad bonam *Argumentationem* requiruntur.

1. Id ex quo aliquid infertur, quod vocamus antecedens, sive jam unâ propositione, sive pluribus constet.

2. Id quod infertur ex antecedenti, & vocatur consequens.

3. Nota illationis, neque enim sufficit ad *Argumentationem* unum ex alio sequi, nisi intellectus ex unius cognitione in cognitionem alterius deveniat, & cognoscat, ideo unum esse, quia aliud est; non ergo hæc est argumentatio: *Petrus currit, & movetur*. Est verò copula argumentativa triplex, *conditionalis, rationalis, causalis*.

II. *Quæritur* 2. Utrum ex antecedente vero possit inferri consequens falsum, vel econtrà?

*Resp.* 1. Ex antecedente vero non potest sequi falsum, si bona sit consequentia.

*Ratio est* 1. Antecedens est causa consequentis; sed verum non potest esse causa falsi, causa enim aut *formaliter* aut *eminenter* continet effectum, sicut sol est *eminenter* calidus: sed verum nec est *formaliter*, falsum, ut patet, nec *eminenter*, alias & Deus, qui est summè verus, esset *eminenter* summè falsus, quod absurdissimum est: & sicut bonum non est causa mali, cum non det illi esse, sed potius non esse,

de-

destruendo malum ; ita nec verum est causa falsi , quia non dat illi esse , sed potius non esse , falsum destruendo.

2. Non potest consequens inferri ex antecedente, in quo non includitur : at falsum non includitur in antecedente vero, sed potius excluditur , *tum* quia verum & non verum sunt contradictoria , quæ se mutuo excludunt ; *tum* quia hoc manifestè apparet in hac Argumentatione ( & idem de omnibus alijs dicas ) *Petrus est homo, ergo Petrus est lapis* : lapis utique non includitur in natura humana , sed potius excluditur.

3. Ponamus hanc consequentiam , *Petrus est homo, ergo Petrus est lapis* ; jam sic arguo : si hoc falsum consequens sequitur ex antecedente vero , ergo verum cum falso naturaliter connectitur , ( nihil enim est aliud unum cum alio naturaliter connecti , quàm unum ex alio naturaliter sequi , & econtrà ) ergo verum non repugnat naturaliter falso ( nam quæ naturaliter repugnant , non sibi naturaliter connectuntur , sed potius dissociantur ) ergo antecedens illud verum non repugnat falsæ illi consequentiæ , ergo repugnabit ejus contradictoriæ , quæ est *Petrus non est lapis* ; ergo verum vero repugnat , quod evidenter est falsum , ut patet omnes veritates examinanti.

*Dices 1.* Nigredo & albedo , homo & lapis , pater & filius sunt res veræ , & tamen repugnantes , ergo verum vero repugnat.

¶. Eo modo , quo repugnant , nullo modo esse vera : repugnat rem nigram esse albam , & ideo non est verum eandem rem esse naturaliter nigram & albam ; non verò repugnat nigrum & album in diversis subjectis esse . Aliud de vero est , hoc enim nec in eodem nec in diverso subjecto pugnat , detur enim illud verum , quod in eodem aut diverso subjecto secum pugnet.

*Dices 2.* In hoc Enthymemate : *Deus præcivit Petrum peccaturum, ergo Petrus peccabit* , antecedens est verum , & consequens potest esse falsum ( cùm non sit necessarium , sed contingens ) ergo potest falsum ex vero sequi . Idem est in hac Argumentatione , *Medea est mater, ergo Medea diligit filios* , antecedens est verum , consequens falsum.

2. Illud consequens, *Petrus peccabit*, in sensu composito non posse esse falsum; supposito enim quoddam sit peccaturus, necessario peccabit; sicut supposito, quoddam Petrus sedeat, necessario sedet, cum nequeat fieri ut sedeat, & non sedeat, peccaturus sit, & non aliquando peccet. In sensu tamen diviso hæc propositio, *Petrus peccabit*, potest esse falsa; quia cum peccatum Petri sit liberum, supponit in Petro potentiam non peccandi, quam etiam prævidet Deus, & prævidendo non tollit, prævidentia enim non mutat objectum; istud ergo consequens, *Petrus peccabit*, æquivallet huic: *Petrus peccabit, quamvis possit non peccare*: & hoc consequens posito illo antecedenti, *Deus prævidet Petrum peccaturum*, ita est verum, ut nunquam possit esse falsum; nec tamen tollit libertatem, quia, ut patet, involvit expressèque dicit potentiam non peccandi.

Ad aliud enthymema, respondeo illud consequens, *Diligit filios* non includi in illo antecedenti, *Est mater*, & ideo nec deduci ex illo posse, sed tantum hoc: *Habet magnam naturalèque inclinationem, ac instinctum, ut diligat filios, nisi aliunde impediatur*; amor enim maternus alijs amoribus vinci & expelli potest.

Quare ergo Intellectus absolute infert; *Ergo diligit filios*? & hoc falsum consequens de actuali amore cui innititur, si non vero illi antecedenti?

2. Inniti falso principio. Agnosco Medeam esse matrem, sed non agnosco à marito contemptam, relictam, expulsum, & ideo iracundiâ flagrantem, & vindictæ avidam; hæc ignorantia me ad hoc ratiocinium formandum disponit: *Medea est mater, nec habet rationem, cur filij irascantur, ergo diligit filios*: ubi vides falsum ex falso, non ex vero sequi: vel ad hoc: *Medea est mater, ergo ut mater, nisi aliud impediatur, diligit filios*: ubi verum ex vero deducitur.

III. Resp. 2. Ex falso potest verum inferri, v.g. *Petrus est lapis, ergo est substantia*.

Ratio est 1. Quia licet verum nulla ex parte sit falsum (consistit enim in indivisibili) & ideo ex vero non possit falsum deduci, falsum tamen semper aliquid veri admixtum habet, ergo ex falso non quidem ut præcise falso, sed ut aliquid veri



habet, verum deduci potest; sicut nec malum amatur; nisi ut bono miscetur, & patet in exemplo allegato; cum enim de Petro lapidem prædico, hoc ipso prædico substantiam, & ens, & hoc est verum.

2. Sicut statua hominis non est verus homo, habet tamen veram hominis similitudinem, sic falsum est similitudo, & imitatio veritatis, & ut sic potest esse causa, & manifestatio veri: sicut statua hominis non est verus homo, & tamen ducit in cognitionem veri hominis.

3. Consequens non semper ex præmissis deducitur ut actu veris, sed factâ suppositione, quod sint veræ: non autem est absurdum ex vero saltem supposito & concessio verum deduci; sicut Catholicus contra Calvinistas sic argumentatur: *Imagines & figura Christi non sunt veneranda nec adoranda, ergo Eucharistia, quam veneramur & adoramus Calvinista, non est mera figura & imago Christi.*

IV. *Quæritur* 3. Utrum ex antecedenti contingenti possit deduci consequens necessarium, vel econtrâ?

*Resp.* 1. Ex contingenti potest necessarium deduci, v. g. *Petrus ambulat, ergo Petrus est animal.*

*Ratio est*, quia non repugnat effectum contingentem provenire, & connecti cum aliqua formalitate, quæ Petro conveniat necessariò, ut patet in exemplo allegato, & ita consequens necessarium deducitur ex contingente non ut tali, sed ut necessariam connexionem habente, sicut habet ambulatio cum animali.

V. *Resp.* 2. Ex antecedente necessario non potest sequi nisi si necessarium, non verò contingens aut impossibile, v. g. *Petrus est homo, ergo est animal, ergo est substantia, ergo est corpus, &c.*

*Ratio est*, quia necessarium semper est verum, ergo semper infert verum, aliàs si infertet falsum, posset ex vero falsum deduci, quod suprà negavimus fieri posse.

*Obijciuntur*, isti Syllogismi in *Darapti*:

*Omne album est coloratum,*

*Omne album est corpus, ergo*

*Aliquod corpus est coloratum.*

Et :

*Omnis Physicus est scientificus.*

*Omnis Physicus est homo, ergo*

*Aliquis homo est scientificus.*

Ubi ex præmissis necessarijs deducitur conclusio contingens.

II. Illa Major (& idem est de minori) *Omne album est coloratum, vel* abstrahit ab omni differentia temporis & existentia subjecti, ac prædicari, sicut ista, *Omnis homo est animal rationale*, & tunc Syllogismus est malus ac sophisticus, quia in conclusione plus dicit, quàm in præmissis; dicit enim corpus & coloratum existere, quod tamen in præmissis non dicitur. Vel illa major includit differentiam temporis & existentiam, ita ut sensus sit, *aliqua corpora alba existunt, & omnia corpora alba, qua existunt, sunt colorata*; & in hoc sensu illæ conclusiones, *ergo aliquod corpus est coloratum, ergo aliquis homo est scientificus*, sunt æquæ necessariæ ex suppositione præmissarum, supponunt enim præmissæ existere aliquem hominem physicum, quo supposito necessarium est existere aliquem hominem scientificum. Eodem modo hæc propositio, *Omne corpus album est necessariò coloratum*, sic convertitur; *ergo aliquod coloratum necessariò est corpus album.*

VI. *Quæritur* 4. Utrum angelis & brutis etiam competat Discursus?

*Resp.* 1. Discursus, & argumentatio ita propria est homini, ut Angelo non competat, S. Thom. *elegantè* 1. p. q. 51. a. 3. & q. 60. a. 2. contra Scotum, Molinam, Suarez, & alios.

*Ratio est* 1. Essentia hominis est esse rationale & discursivum (vel aliam essentiam homini assigna, si potes) ergo nulli præter hominem competit.

2. Ad formalem discursum requiritur, ut dux sint cognitiones, una inferens, & altera, quæ inferitur: una quæ antecedit, & altera, quæ sequatur: sed in Angelis hæc cognitionum origo & causalitas non est, Angelus enim eodem intuitu, eadèmq; cognitione, quæ causam, etiam effectum videt, aut saltem probabilem connexionem effectûs cum causa, v. g. eadè cognitione, quæ faciem & gestus motumque hominis videt, cognoscit etiam

R r r 2

pro-

*probabiliter* ejus cogitationes, & secreta cordis, & ideo Angeli propriè non vocantur substantiæ rationales aut discursivæ, sed Intelligentiæ; *ratio est*, quia sicut corpora perfecta statim in suo esse sunt perfecta, & perfectè operantur, nec inotu alterationis, vel augmentationis indigent, ut in suo genere perficiantur, ut patet in cœlis; secùs verò corpora imperfecta, qualia sunt bruta, homines, plantæ, &c. ita Angeli, qui sunt perfectæ intelligentiæ, non egent motu discursivo, ut res intelligent. Vide S. Th. cit.

Eadem ergo clara & intuitiva cognitio, quâ Angelus videt causam non tantùm naturalem, sed etiam contingentem, est simul clara & intuitiva respectu causæ, & obscura & conjecturalis respectu effectûs contingenter cum causâ connexio; cognitio enim fit per assimilationem intellectûs cum objecto: atqui non implicat eandem rem simul esse respectu unius perfectè, & respectu alterius imperfectè similem; eadem enim albedo ut 6. est alteri albedini etiam ut 6. perfectè similis, albedini verò ut 8. imperfectè: & fumus, qui perfectè & necessariò ignem significat, imperfectè lignum; potest enim ex paleis aliave materia quàm ligni excitari: & sicut eadem res potest cum uno effectû necessariam habere connexionem, cum alio tantùm contingentem, ita & una cognitio respectu unius objecti esse clara & evidens, respectu alterius obscura.

Datur tamen in Angelis virtualis discursus, hoc est, cognitio ignoti ex noto, sine distinctione actuum. In Deo ne quidem virtualis discursus, quia Deo æquè omnia sunt nota, nihilque ignotum.

§. 2. Multò minùs in brutis est verus & formalis discursus, v. g. grues cùm Taurum transvolant, rostrum lapillis onerant, tum ne à ventis auferantur, tum ne voce editâ aquilis, quæ montem obsident, in prædam cedant. Grues inquam non hîc discunt, quia unum quidem & aliud apprehendunt, sed non unum ex alio deducunt, nec utriusque mutuam proportionem conferunt; non enim cognoscunt ventos, aut aquilas illic in insidijs stare, nunquam enim id sunt expertæ, ut primæ: non etiam cognoscunt proportionem oneris ad ventum, vel vocem im-

impediendam, sed naturæ instinctu, cum eò veniunt, lapidem attripiunt; & ideo videmus hunc morem lapillis se onerandi omnibus gruibus communem esse, quod secus est in ijs qui discurrunt, in quibus & mores & sententiæ variant; alioquin & plantis concedendus esset discursus, nam & ipsæ sibi noxia fugiunt, amica verò cupiunt, captantque.

VII. *Quæritur* 5. Quotuplex sit Argumentatio?

*Resp.* Discursus seu argumentatio in quatuor species dividitur; *Syllogismum*, *Enthymema*, *Exemplum* & *Inductionem*.

*Nota.* Argumentatio dividitur in *materialem* & *formalem*.

*Materialis* dicitur, in qua verum sequitur ex sola connexionem materiæ, quamvis spectatâ solâ formâ & dispositione terminorum possit ex vero falsum deduci, eadem enim est forma hujus Enthymematis, ex quo verum colligitur, *Petrus currit, ergo movetur*, & hujus, ex quo falsum colligitur, *Petrus currit, ergo est quadrupes*.

Argumentatio *formalis* est, in qua retentâ eadem formâ nunquam dari potest consequens falsum, antecedente vero: ut cum dico:

*Omne animal est sensitivum;*

*Omnis homo est animal,*

*Ergo Omnis homo est sensitivus.*

Similis enim forma valet in alia quacunque materia.

Alij verò dicunt eam esse argumentationem *formalem*; quando nullus terminus est in consequenti, qui non fuerit in antecedenti, quamvis aliquis fuerit in antecedenti, qui non sit in consequenti, in quo maximè elucet artificium & dispositio Logica. *Materialem* verò vocant, in qua licet unum ex alio inferatur, & consequens verè ex antecedente sequatur, non tamen sequitur ex vi dispositionis terminorum, quia in consequenti est aliquis terminus, qui non fuit in antecedenti. In hac explanatione solus Syllogismus est formalis argumentatio.

VIII. *Quæritur* 6. Quæ sint veræ species formalis argumentationis?

*Resp.* 1. *Inductio* non est formalis argumentatio præcisè spectata.

Rrr ;

Ratio

*Ratio est 1. Vel enim in Inductione aliquot tantum individuis enumeratis conclusionem universalem infer, v. g. hic ignis est calidus, & ille ignis est calidus, ergo omnis ignis est calidus; & jam plus est in consequente, quam in antecedente, ergo non est argumentatio formalis, alioquin æquè argumentari sic posses; Hic homo est albus, & ille homo est albus, ergo omnis homo est albus. Vel omnibus individuis enumeratis universaliter infer, v. g. Et ignis est corpus simplex, & aqua, & aer, & terra, ergo omne elementum est corpus simplex; & hæc non est argumentatio, sed equipollentia, idem enim est & hic & ille, quod duo: & in elementis idem est dicere quatuor elementa, & omnia elementa.*

2. Ut Inductio concludat, oportet omnia singularia enumerari; at hoc rarissimè fieri potest, quis enim omnes ignes expertus est, aut omnes corvos, ut dicere possit; *Omnis ignis est calidus, omnis corvus est niger?*

Potest tamen Inductio reduci ad formam Syllogisticam, & sic fieri argumentatio formalis. Valde etiam inservit scientiæ, scientia enim est de universalibus, universalia verò cognoscuntur à nobis per singularia, & experientiam, & huic cognitioni Inductio servit; experior enim Petrum & Paulum, &c. ratione uti, leonem verò & equum, &c. non uti; unde colligo omnia animalia, quæ ratione utuntur, ad eam speciem pertinere, quæ humana vocatur, ea verò quæ ratione carent, ad eam speciem, quæ belluina appellatur; & si fingas in novo v. g. Orbe aliqua animalia esse facie quidem humanâ prædita, sed rationis experta, quales Tritones, Satyri, Sirenes, &c. dicam essentialiter esse bruta, quia hominem non facies, sed ratio facit.

Semel verò per Inductionem comparatâ cognitione universalium, Intellectus incipit ratiocinari, & proportionem causæ ad effectum inquirere, eamque cognoscere ac deprehendere, & hinc demonstrationes, & scientia nascitur: v. g. experior homines, qui crispo capillo sunt, ijs vigilantiores esse, qui passo crine sunt, ab hac experientia & inductione formo propositionem universalem: *Omnēs homines crispis præditi sunt ex natura sua vigilantes;* & hæcenus scientia non est: pergit deinde intellectus ex una veritate aliam elaborare, & causam hujus rei inquirere, & obser-

observat, crispitudinem ex prædominio siccī & calidi provenire ( ut patet in athiopibus, & rebus plerisque, quæ cum igni admoventur, & siccescunt, mox etiam crispantur ) sonnum verò ex abundantia humidī, ut in pueris, mulieribus, ebriisque constat, & ijs qui balneis crebrò utuntur : his notitijs instructus Intellectus ad hanc demonstrationem progreditur : *Ubi est siccitas & defectus humidī, ibi sunt naturaliter vigilia & carentia somni : sed in crispis est siccitas & defectus humidī, ergo in crispis sunt naturaliter vigilia & carentia somni.* Ubi jam vides, quomodo Inductio sit prima Demonstrationis & scientiæ origo.

IX. *Resp. 2.* Enthymema non est Argumentatio formalis, nisi quatenus virtualiter & implicite Syllogismus includit.

*Ratio est*, quia Enthymema aliquid habet in consequente, quod non habet in antecedente, v. g. *Petrus est homo, ergo Petrus est capax aterna felicitatis.*

*Si dicas* hoc consequens implicite in illo antecedente involvi, verum est, sed hoc ipso Enthymema virtualiter est Syllogismus, ut patet, si, quod *homo* implicite dicit, tu explicite in hanc propositionem formes : *Omnis homo est capax aterna felicitatis ; Petrus est homo, ergo, &c.* & ideo Enthymema ad omnes tres figuras reduci potest ; nec generat scientiam nisi ut implicite Syllogismus est ; quando enim sic argumentaris : *Petrus est homo, ergo Petrus est risibilis, vel* cognoscis hominem seu humanam naturam esse risibilem, *vel* non cognoscis ? si cognoscis ? ergo illa conclusio deducitur non tantum ex illa præmissa, *Petrus est homo*, sed etiam ex ista, *homo est risibilis. Vel* non cognoscis hominem esse risibilem ? & tunc non potes deducere esse risibilem, quia est homo, cum nescias an homo sit risibilis ; sicut si nescias phœnicem ex suis cineribus nasci, non potes inferre, ergo phœnix à sibi simili non generatur.

*Dices* : In hoc Enthymemate vera argumentatio, & Scientia continetur : *Nix est alba, ergo aliquod album est nix.*

*R.* Nec Argumentationem hic esse, nec scientiam : non scientiam, quia non datur cognitio per suam causam ; non argumentationem, quia hæc procedit à magis noto ad minus notum ; at in illo Enthymemate utraque propositio est æquæ nota, cum



cùm eisdem omnino terminos contineat: quâ etiam ratione negavimus, Inductionem perfectam esse formalem Argumentationem, quia omnia particularia non sunt magis nota, quàm universale ex particularibus conflatum, imò saltem à parte rei nihil aliud est universale, quàm omnia singularia. Illud ergo Enthymema nihil aliud continet, quàm formalem Conversionem, & duas propositiones æquivalentes.

X. *Resp. 3. Exemplum non est formalis Argumentatio.*

Ratio est ex dictis, *tum* quia plus dicit in consequente, quàm in antecedente: *tum* quia est imperfecta Inductio; superest ergo, solum *Syllogismus* esse formalem Argumentationem & discursum.

Requiruntur autem ad discursum proprium sequentes conditiones.

*Primò* ut plures includat cognitiones, quarum una sit de objecto notiori, & velut terminus à quo; altera de objecto minùs noto, & velut terminus ad quem; discursus enim mentalis imitatur localem, à quo & nomen habet; progreditur enim Intellectus de una notitia ad alteram, & ita paulatim illuminatur, idque ob imperfectionem sui luminis & facultatis intellectricis ac specierum; sicut ergo luna non eodem momento irradiatur, sed magis magisque pro majori minorique aspectu solis, ita Intellectus non simul, sed paulatim objecto assimilatur per irradiationem specierum. Angelus verò cùm species innatas habeat, simul & sine discursu intelligit, soli similis, totam suam lucem simul, non per vices possidenti. Vide S. Thom. 1. p. q. 58. a. 3. & q. 79. a. 2.

*Secundò.* Requiritur, ut una cognitio pendeat ex alia, hoc est, ut una cognitio determinet Intellectum ad inferendam aliam; sicut lux aut species determinat oculum ad videndos colores; si enim una & posterior cognitio non pendeat à prima, jam erit discursus tantùm successivus & disparatus, sicut cùm quis post colorem album immediatè videt colorem nigrum: non verò erit discursus causalis, in quo cognitio objecti per se noti parit cognitionem objecti ignoti. Multò minùs cognitio in alio est discursiva; sicut cùm oculus videt faciem in speculo, Beatus

crca-



creaturas in Divina essentia, Intellectus definitionem in definitione, &c. Vide S. Th. q. 3. de verit. 4. 15.

XI. *Queritur* 7. Quid sit, & in quo consistat formaliter Syllogismus?

Resp. 1. Syllogismus bene definitur: *Oratio, in qua quibusdam positis aliud quippiam ab his, quae posita sunt, necessario evenit, eo quod sunt.* Ita Aristoteles.

Requiritur ergo ad Syllogismum 1. Ut duae praemissae verae, aut saltem concessae, & apparentes praemittantur. 2. Ut sequantur praemissae à conclusione distinctae. 3. Ut semper causet veram formaliter conclusionem, hoc est, quae licet materialiter sit falsa, sit tamen vera, semel admissis duabus propositionibus, quae praemittuntur.

Dicitur verò Syllogismus Oratio, non Orationes, quia duae praemissae in medio junguntur, & conclusio per copulam rationalem duabus praemissis connectitur, sicque ordo artificialis facit Syllogismum unam esse Orationem, & quamvis Oratio sit genus Syllogismi remotum, non proximum (hoc enim est Argumentatio) satis tamen illud genus remotum determinatur per differentiam proximam, quae in illa definitione exprimitur: sicut si hominem definirens, *substantiam rationalem*, ubi differentia & gradus rationalis secum trahit gradum sensitivum.

Syllogismus, in quo praemissae sunt ita dubiae, ut Intellectum nec ad assensum, nec dissensum flectant, sed relinquant suspensum (v.g. *Qua sunt paria, se non excedunt; astra sunt paria, ergo se non excedunt*) aut in quo praemissae sunt omnino falsae, non inferunt conclusionem, nisi ex suppositione, quod sint admissae v.g. in hoc Syllogismo, *Omne animal est discursivum; bos est animal, ergo bos est discursivus*; si admittas praemissas, & negas conclusionem, admittere debebis contradictoriam, *ergo bos non est discursivus*: ergo hoc ipso admittis duas contradictorias, videlicet, *aliquid animal non est discursivum, & Omne animal est discursivum*; haec enim fuit Major in primo Syllogismo admissa.

XII. Resp. 2. Syllogismus non consistit in solis praemissis,

*Ratio est 1.* Syllogismus est tertia mentis operatio, & consequenter non tantum apprehensiva, & judicativa, sed etiam illativa: atqui duæ præmissæ nihil inferunt, nec colligunt, & ideo nec Syllogismus dici possunt, hic enim dicitur à *συλλογίζεσθαι*, hoc est, à colligendo.

2. Syllogismus definitur *Oratio*, in qua quibusdam positis aliud sequitur: sed duæ præmissæ non sunt Oratio, in qua quibusdam positis aliud sequitur, sed sunt formalissimè ipsa quædam posita.

3. Omnes regulæ & principia Syllogismorum dantur utique pro Syllogismo: sed non dantur pro solis præmissis, ut patet illas examinant.

XIII. *Resp. 3.* Syllogismus non consistit formaliter & essentialiter in conclusione, sed in conclusione & præmissis. Est contra aliquos Recentiores & Compton. d. 47. sect. 1.

*Ratio est 1.* Auctoritas Aristotelis & S. Thomæ in 3. Phys. text. 31.

2. Syllogismus definitur *Oratio*, in qua quibusdam positis aliud sequitur, ergo in Syllogismo & præmissæ & conclusio formaliter clauduntur.

Neque dicas, præmissas in Syllogismo tantum præsuppositivè contineri, nam contra est, tum quia gratis hoc dicis; tum quia quæ præsupponuntur, non dicuntur, in aliquo esse; quis enim dicat artificem esse in statua, Architectum in domo, penicillum in imagine, quia præsupponuntur?

3. Discursus est motus intellectualis paulatim veritatem inducens, & ideo Angelis denegatur, ut supradictum: sed motus non tantum unâ parte, sed pluribus essentialiter constar.

4. Syllogismus essentialiter dicit copulam rationalem, ergo: ubi verò est copula & unio, ibi formaliter & non tantum præsuppositivè sunt plures partes.

5. Syllogismus formaliter est aliquod totum artificiale mentale, constans materiâ, formâ, ordine, dispositione partium, mutuâ colligatione, ut patet ex regulis Syllogismorum: atqui artefacta essentialiter dicunt compositionem ex pluribus.

*Dicit 1.* Syllogismus est Oratio faciens scire, ergo est causa scientiæ, ergo est causa conclusionis (hæc enim sola est cognitio scientifica) ergo non est conclusio.

2. Syllogismus esse causam formalem scientiæ, & ideo non oportet eum ab actu scientiæ distingui: sic color est causa colorati, anima causa vitæ &c.

*Dicitur* 2. Discursus est cognitio deducta ex alijs, ergo illa alia non sunt discursus, sed ad discursum requisita.

*Resp.* Discursum vocari cognitionem deductam ex alijs, non quia non omnes præmissas includat, & in ijs omnibus non consistat, sed quia una ex alia pendet, & in ultima, quæ ex duabus infertur, consummatur discursus.

XIV. *Quæritur* 3. Utrum Præmissæ Physicè causent conclusionem?

*Resp.* Assensus præmissarum, concurret *effectivè* ad assensum conclusionis. Est contra Durandum, Valentiam, Arriagam, Compton. &c.

*Ratio est* 1. Auctoritas expressa S. Thomæ 1. 1. *Posterior. Lect. 3.* & 2. *Physic. Lect. 5.* & 5. *Metaph. Lect. 3.* & 1. *contra Gent. c. 55.*

2. Videmus quòd unum lumen est causa efficiens alterius luminis, sic enim lux solis aliam lucem in aëre, in stellis, in luna producit: & lux gemmis innata est partus lucis cœlestis, sicut & lux iridis colorata. Sic etiam una imago est causa effectiva alterius imaginis, ut patet in parelijs & speculis oppositis; cur ergo, & non multò magis una cognitio, quæ est lux intellectualis, producat aliam cognitionem & ita præmissæ conclusionem? Nec ulla est ratio, cur fructus omnibus effectum sibi similem producentibus, solum Intellectum omnium potentiarum nobilissimam sterilitate damnemus.

3. Certum est, discursum causalem, de quo agimus, aliquam dicere connexionem & causalitatem præmissarum in Conclusionem, ideoque enim causalis dicitur, ut docet S. Thomas 1. *contra Gent. c. 55. rat. 4.* & 1. p. q. 14. a. 7. sed præmissæ non dicunt causalitatem *materialem*, aut *formalem*, cum conclusio non constet ex præmissis, nec una præmissa sit forma alterius cognitionis. Non sunt etiam causa *finalis*, cum conclusio non sit propter præmissas, sed potius econtrà; ergo sunt causa *effectiva*.

*Dicitur* esse conditionem *sine qua non. Contra*, Gratis hoc dicitur, cur enim præmissæ potius conditio, quam vera causa, cum

hoc non repugnet? & conditio *sine qua* non potest divinitus saltem suppleri, non autem potest fieri, ut conclusio sit sine præmissis, & discursus sine illatione ex alio.

4. Quod continet *virtualiter* aliquid, est hujus causa effectiva, ut inductione patet; sed præmissæ continent *virtualiter* conclusionem, si enim *virtualiter* conclusionem non continerent, cur potius Intellectum ex se indifferentem ad hanc potius, quam aliam conclusionem, aut veritatem determinarent? & cur potius ex hac præmissa, *Petrus est animal*, non infero, ergo *Petrus est aquila*? Si præmissa *virtualiter* conclusionem non continet, & causat *effectivè*, cur conclusio assimilatur præmissis, ut ex obscuris obscura, ex negativis negativa, ex particularibus particularis sequatur? Sanè hæc conditioni *sine qua* non aptari non possunt, v.g. approximatio ignis ad lignum non determinat ignem ut ignis producatur, sed est indifferens ad alios effectus, ut patet in approximatione aquæ ad lignum & plantam, ex qua non ignis, sed flos aut fructus sequitur.

5. In Conclusionem reperitur aliqua formalitas, quæ nec in Intellectum, nec in objectum conclusionis reduci potest tamquam in causam, ergo reduci in præmissas debet: *Antecedens probatur*: Conclusio est assensus discursivus, ex his & non alijs præmissis deductus, conformis, & in similitudinem præmissarum productus, ut patet tum ex dictis, tum etiam quia in hac Argumentatione, *Petrus est homo*, ergo *Petrus est animal*, conclusio est imago inadæquata antecedentis, & objectum Antecedentis quoad gradum sensitivi clariùs, quam ipsum Antecedens repræsentat; hæc verò omnia reduci nec in objectum nec in Intellectum possunt, Intellectus enim est indifferens ad hanc vel illam conclusionem, nisi à præmissis determinetur; objectum verò est indifferens, ut modo discursivo aut definitivo, per has aut illas præmissas cognoscatur. Intellectus ergo est causa principalis conclusionis, sic tamen, ut non habeat vim determinatam inferendi unum ex alio, hoc vel illo modo, *negativè* vel *affirmativè* &c. nisi à præmissis, & sublatâ naturali indifferentiâ adjuvetur.

*Obj.*

*Obijetur 1.* A præmissis, seu diverso medio probante ac demonstrante scientia specificatur. S. Thomas 2. 2. q. 1. 4. 1. ergo præmissæ specificant conclusionem, ergo pertinent ad causam formalem extrinsecam & specificantem, ut suprà in *Prolegom.* dictum, ergo non ad causam effectivam.

*R.* Sicut objectum & specificat actum quatenus est veritas exemplaris, & intentionaliter expressibilis, & etiam concurret ad actum effectivè per emissionem & radiationem specierum intelligibilium, ita & præmissæ specificant conclusionem, quatenus ejus objectum sub tali & tali ratione ac lumine Intellectui cognoscendum proponunt, & simul conclusionem efficiunt, quia sine illis Intellectus non est determinatus ad cognitionem illativam, ut supradictum.

*Obijetur 2.* Quando ponitur cognitio & assensus conclusionis, non amplius existit cognitio præmissarum, ergo hæc non influit in conclusionem. *Antecedens probatur*, quia discursus est motus quidam intellectualis, in motu autem transitur de uno ad aliud, nec partes motus simul existunt.

*R.* Sufficere, ut præmissæ adhuc existant in sua specie, & in habitu ac determinatione Intellectus; sicut semen causat, producitque alium florem in virtute primi illius, & hyeme jam corrupti floris ex quo decisum, captumque fuit, & ignis jam extinctus producit alium ignem calore à se relicto.

Sunt verò præmissæ causa æquivoca conclusionis, præmissæ enim pertinent ad habitum principiorum, & sunt per se notæ; conclusio ad habitum scientiæ, & est nota ex alio: sunt tamen determinatæ ad unam specie conclusionem, quod non repugnat causæ æquivocæ, sed tantum causæ universali.

XV. *Queritur 9.* Utrum ante assensum conclusionis debeat præcognosci bonitas consequentiæ?

*Resp.* Ut conclusioni quis assentiatur, semper opus est, ut quis cognoscat bonitatem illationis, hoc est, ut cognoscat consequens bene inferri ex Antecedente.

*Ratio est 1.* Quia Intellectus non assentitur firmiter veritati per se non notæ, nisi convictus & certus veritatis: sed solis præmissis quantumvis veris non redditur certus de veritate con-

clusionis, nisi illi constet de bonitate consequentiae & illationis, cum possint praemissae omnes esse verae, & tamen mala & falsa illatio, v.g. in hoc Syllogismo: *Omnis homo est animal, omnis equus est animal, ergo omnis equus est homo.* Et in hoc Enthymemate: *Deus latroni spatium poenitendi & gratiam dedit, ergo & mihi dabit.*

2. Praemissae necessitant ad assensum conclusionis, ut mox dicitur; sed stante dubio, multoque magis stante ignorantia de bonitate illationis Intellectus necessitari ad conclusionem non potest, quis enim dicat in praemissis Syllogismis Intellectum necessitari, ut falso assentiatur?

Subinde verò potest connexio & bonitas illationis ita esse clara, ut eodem actu, quo praemissas, & conclusionem, & illationis bonitatem agnoscam; sicut eodem actu & lucem, & colorem, & motum colorati videmus.

XVI. *Quaritur 10.* Utrum objectum conclusionis sit etiam objectum praemissarum?

*Resp.* Objectum praemissarum non est objectum conclusionis, hoc est, non idem omnino, quod in praemissis, hoc etiam in conclusione cognoscimus.

*Ratio est,* Objectum praemissarum est id, quod in praemissis cognoscimus; sed non eadem omnino veritas, quae in praemissis, etiam in conclusione cognoscitur, *tum* quia praemissae saepe sunt universales, conclusio particularis; *tum* quia conclusio cognoscit etiam connexionem consequentis cum antecedente & bonitatem illationis denotatam per copulam *ergo*, quod in praemissis non contingit.

XVII. *Quaritur 11.* Utrum assensu conclusionis attingatur etiam objectum praemissarum?

*Resp.* Assensus conclusionis necessariò attingit objectum praemissarum tamquam objectum *quo* movetur Intellectus, ut conclusioni assentiatur; sicut eodem actu visionis & colorem attingo & lucem tamquam immediatam rationem, quâ color redditur visibilis. Est contra Suar. Vasq. Coniabr. &c.

*Ratio est 1.* Auctoritas S. Thomae 1, 2. q. 2, a. 1. ad 2. & 3. & q. 22. de verit. a. 14. ad 3.

2. Ideo



2. Ideo actus visionis simul & semel in colorem & lucem fertur, nec aliter color attingi potest, quàm illuminatus, quia color per se non est visibilis: atqui etiam conclusio non est per se nota, ergo ut sic non est per se cognoscibilis, ergo cognosci debet unà cum præmissis, sine quibus est velut color non illuminatus, nec per se cognoscibilis.

3. Syllogismus vocalis est exemplar Syllogismi mentalis, ejusque imago; sicut domus in charta coloribus delineata est exemplar veræ & realis domûs, & ideo in exemplari non plus nec minus contineri debet, quàm in domo, quæ ad ejus similitudinem ædificatur; sed in Syllogismo vocali conclusio non tantum significat ejus veritatem, sed etiam connexionem cum præmissis velut cum motivo & ratione assentiendi, quæ exprimitur per particulam *ergo*, quæ hunc sensum facit: *Petrus est homo, ergo quia est homo, est animal*. Ubi vides motivum concludendi in conclusione notari attingique.

4. Electio mediæ attingit & fertur etiam in bonitatem finis, v. g. cùm quis eligit haustum amarissimæ potionis, quàm aliàs natura averſatur, attingit unà, & vult sanitatem tamquam intrinsecum motivum electionis & acceptationis mediæ, tam inamabilis; præcisâ enim sanitate tale medium non haberet vim movendi, & alliciendi voluntatem; atqui etiam veritas conclusionis non habet vim impetrandi ab Intellectu consensum, quia per se non est nota; sic enim se habet ad Intellectum veritas per se non nota, sicut ad voluntatem bonitas per se non amabilis: sed ista non movet voluntatem, nisi sub motivo finis per se amabilis, ergo nec illa Intellectum nisi sub motivo præmissarum & veritatis per se notæ.

*Obijciunt* 1. Siquitur Intellectum eodem instanti & conclusioni, & præmissis assentiri.

æ. Nihil hoc absurdi, nam & visio eodem instanti & in colorem fertur & in lucem, cur minus Intellectui oculo animæ concedas, quàm oculo corporis?

*Obijciunt* 2. Sapè recordamur conclusionis, nec recordamur præmissarum aut motivi, ergo cognitio conclusionis non est cognitio præmissarum, nec in istas necessariò fertur.

æ. Quam-



2. Quamvis cognitio conclusionis cadat etiam super motivum & præmissas, fieri tamen potest, ut species motivi amittantur, durantibus speciebus, quæ conclusionem representabant; species enim cum sint semina objecti, ab eoque essentialiter pendean, multiplicantur pro multiplicatione objecti, & unâ specie partiali corruptâ potest alia durare. Sic quamvis unâ eademque visione totam Cæsaris statuem intuear, si pars illius obveletur, partem unam videbo, alterâ latente & visum fugiente. In hoc tamen casu conclusio non amplius cognoscetur ut deducta, ut connexa cum præmissis, ut illuminata & evidenter cognoscibilis, sed tantum ut simplex veritas, nec Intellectum ad assensum inflectet, sed relinquet suspensum, quia tota vis Intellectum ad unam partem rapiendi ex motivo aut probabili, aut per se noto & evidenti provenit; sicut tota vis lancem in unam aut alteram partem deprimenti à ponderibus est & impetu ab illis impresso.

*Obijciunt* 3. Demus hunc casum: Quinque testes omni exceptione majores negant Petrum, cujus cadaver in platea jacet, à Carolo interfectum esse, tres verò æquè fide digni asserunt Petrum à Carolo occisum, ego auctoritate quinque testium motus concludo, ergo Carolus non occidit Petrum; hoc posito sic argumentor: Si conclusio fertur in præmissas & motiva, quæ ad consensum alliciunt, ergo etiam in motiva, quæ retrahunt (nam etiam hæc, cum naturaliter agant, vim suam in Intellectum exerunt) sed hoc non, quia quod difficultat actum, & est ejus impeditivum, non potest essentialiter ad actum requiri.

2. Pugna difficultat, impeditque victoriam, & tamen necessario ad victoriam requiritur; cum ergo illa conclusio sit victoria ex pugna morivorum parta, mirum non est, si feratur etiam in motiva conclusionem retardantia.

3. Illa conclusio est tantum probabilis, habetque hunc sensum: *probabilis est æternum non esse hominem idem, probabile tamen etiam est esse hominem idem, quia tres fide digni hoc dicunt.* Cum ergo hæc conclusio sit mixta ex duabus, & pugnantibus veritatibus, mirum non

non est, si ex contrarijs & pugnantis motivis feratur; nam & corpus mixtum ex contrarijs, & pugnantis elementis constituitur.

*Obijciatur 4.* Objectum conclusionis habet propriam & distinctam veritatem à veritate præmissarum, ergo & propriam ac distinctam cognoscibilitatem, ergo cognosci potest absque eo ut objectum præmissarum eodem actu attingatur; sicut quia lux est per se visibilis, videri potest sine colore, ut in sole & stellis.

*Re. 1.* Veritas conclusionis cum per se nota non sit, per se etiam non est cognoscibilis; nam & color est visibilis, estque qualitas à luce distincta, nec tamen videri potest quin simul lux videatur, quia per se visibilis non est.

*2.* Veritas conclusionis absque præmissis cognosci potest; non tamen ut illata & deducta, sic enim intrinsicè præmissis connectitur.

*Adverte igitur,* cognitionem conclusivam esse discursivam; & ideo attingere objectum conclusionis ut *Quod*, quia attingit ut veritatem deductam, illatam, dependentem à præmissis, & consequenter ut objectum discursus: objectum verò præmissarum attingit ut *Quo*, quia etsi verè illud cognoscat, cognoscit tamen ut veritatem non illatam, nec deductam, nec illuminatam, sed per se notam, & consequenter, quæ est ratio formalis, & motivum cognoscendæ conclusionis.

**XVIII. Queritur 12.** Utrum præmissæ necessitent intellectum ad inferendam conclusionem?

*Resp. 1.* Positis duabus præmissis tantum probabilibus Intellectus non necessitatur ad assensum conclusionis.

*Ratio est 1.* Auctoritas S. Thomæ 1. p. q. 82. a. 2.

*Ratio 2.* Sicut bonum creatum non necessitat voluntatem ad amandum, quia malo commixtum est, ita veritas probabilis Intellectum non necessitat ad assensum, quia potest illi falsum subesse; ergo Intellectus potest à præmissis probabilibus, quas semel admisit, semper abstinere, easque retractare, & consequenter nec conclusioni assentiri.

Si

Si tamen admittat præmissas probabiles, easque non retractet, sed in ijs persistat, tunc quoque conclusionem necessariò admitteat, *tum* quia assensus præmissarum *virtualiter* involvit assensum conclusionis; *tum* quia etiam ex suppositione falli necessariò sequitur verum ( v. g. si bos alas habet, ergo potest volare ) quantum magis ex suppositione veri probabilis? *tum* denique quia causa necessaria necessariò agit, & necessariò connexa necessariò se inferunt : atqui in omni materia dictum de omni est dictum de aliquo; & quæ eadem sunt uni tertio, sunt eadem inter se: Si ergo dictum de omni sit probabile, etiam dictum de aliquo erit probabile.

XIX. *Resp. 2.* Præmissæ in Syllogismo Demonstrativo necessitant Intellectum ad assensum conclusionis non tantum quoad *specificationem*, sed etiam quoad *exercitium*.

De assensu quoad *specificationem* non est dubium; præmissæ enim in Syllogismo Demonstrativo sunt certæ & evidentes, ergo & conclusio ( ex vero enim in bona consequentia non sequitur nisi verum, ut suprà demonstratum ) est certò & evidenter vera: atqui vero ut tali dissentiri nemo potest; si enim posses dissentiri, & assentiri veritati, posses simul judicare duo contradictoria esse vera, v. g. *triangulus habet tres angulos, triangulus non habet tres angulos*. Difficultas ergo esse potest tantum de necessitate conclusionis quoad *exercitium*.

*Ratio assertionis est 1.* Auctoritas S. Thomæ 1. p. q. 82. a. 2. & 1.2. q. 17. a. 6.

2. Faciunt omnes rationes prioris assertionis.

3. Sicut color oculo aperto & vigilanti propositus, ac sufficienter illustratus necessariò videtur, quia causæ omnes visionis sunt necessariae, ita in proposito casu & Intellectus est potentia necessaria, & præmissæ necessariae, à quibus illuminata conclusio necessariò cognoscitur, nisi fortè voluntatis imperio Intellectus ad alia distrahatur.

4. Voluntas non est potentior in actus aliarum potentialium, quàm in suos, ideo enim liberè alias potentias movet, quia seipsam liberè movet: sed non potest voluntas actum proprium amoris suspendere circa objectum omnino bonum, & nulla

Nulla ex parte malum, & ideo Beati Deum necessariò amant. S. Thom. 1. p. q. 32. 4. 2. ergo multò minùs poterit impedire Intellectum, ut non assentiatur objecto omni ex parte vero, evidenti, & nullâ suspitione falsi asperso.

5. Præstito assensu præmissarum tam evidenter sequitur conclusio, ac positâ apprehensione terminorum in primis principijs sequitur assensus eorum: sed voluntas hunc assensum directè impedire non potest (fac enim si potes, ut apprehenso hoc termino *trianguli* non concipias aut judices tres angulos in triangulo esse) ergo nec illum.

6. Imperium voluntatis in Intellectum est quidem absolute despoticum, quia potest Intellectum applicare vel avertere à consideratione objecti, non tamen ex hypothefi quòd voluntas eum ad præmissas applicaverit, ut patet in potentia visiva, appetitiva, & etiam in motiva, quæ omnium maximè voluntati despoticè subijcitur; quamvis enim voluntas possit motivam retinere, aut ad motum impellere, semel tamen in lubrico aut præcipiti incitatam non semper morari potest, & cursum inhibere.

In Syllogismo tamen in *Barbara* potest Intellectus conclusionem vel universalem vel particularem inferre, quia præmissa universalis æquivaleret particulari, & ita non est ad sensum tantum universalem determinata, ergo nec Intellectum ad solum sensum particularem determinare potest.

*Obijcitur.* 1. Ubi est necessitas agendi, ibi non est habitus facilitans ad agendum, ut patet in igne, lapide &c. quæ sine habitu agunt, quia necessariò: sed datur habitus conclusionis sicut datur habitus scientiæ, nihil enim aliud est conclusio, quàm scientia actualis, ergo nulla est necessitas conclusionis.

R. 1. Falsum est, ubi est necessitas agendi, non esse difficultatem aut habitum; sicut necessitas non excludit impedimenta & pugnam contrariorum, ut in agentibus naturalibus, ita nec difficultatem. Beati necessariò Deum amant, nec tamen habitu charitatis destituuntur.

2. Habitus scientiæ non datur Intellectui, ut positus præmissis conclusionem inferat, id enim minimi laboris est, sed ma-

ximè ut præmissas & motiva concludendi & inferendi in promptu habeas.

*Obijciunt* 2. Nulla bonitas creata cogit ad amorem , ergo nec ulla veritas creata ad assensum.

*R.* Negando consequentiam ; quis enim non contrarium experitur in omnibus objectis sensuum , & in veritatibus per se notis, qualis v. g. est ista : *Duo & tria sunt quinque ?* *Disparitas est*, tum quia voluntas libera , non verò Intellectus ; tum quia nulla bonitas creata vel intrinsecè vel extrinsecè non aliquo malo inficitur , ob quod voluntati aut fastidio , aut contemptui , aut odio esse non possit , saltem ut impeditiva majoris boni : secus est in veritate creata , quæ nulli falso miscetur , imò nec misceri potest , aliàs nec veritas esset , consistit enim in indivisibili.

Deinde bonum potest esse impeditivum majoris boni , quia bonum trahit amantem ad se , sui que possessionem non tantum intentionalem , sed etiam realem , & ideo multis casibus & periculis subjacer & amantem exponit ; econtrà veritas est in intellectu , nec realiter , sed intentionaliter possidetur , & ideo in animo abdita extra omnem casum & periculum est , & objecto etiam corrupto nec existente tamen in intellectu perdurat , & ideo veritas non est impeditiva majoris veri , nec aliquid habet , cujus gratiâ respui ab intellectu possit.

XX. *Quæritur* 13. *Quæ* , & quoduplex sit materia , & forma Syllogismi ?

*Resp. 1.* *Materia* Syllogismi est duplex , *circa* *Quam* , & *ex Qua* : illa sunt res omnes , de quibus Syllogismi : ista vel *proxima* ( ut propositiones ) vel *remota* , ut termini.

*Resp. 2.* *Forma* Syllogistica est apta terminorum dispositio juxta regulas & præcepta Logicæ , de quibus Summularum.

Principia Syllogismorum *directiva* alia sunt *intrinseca* , ut figuræ & modi , alia extrinseca , suntque quædam universalia axiomata omnibus figuris & modis necessaria , earumque velut bases & fundamenta.

*Primum Principium* est *Dictum de omni* , & *Dictum de nullo*. Hoc Principium est lumine natura notissimum ; quod enim dic-  
citur

citur de omni homine universaliter & distributivè sumpto, dici necessariò debet de quolibet particulari, ut per se patet, alioqui duæ contradictoriæ essent veræ, *Omnis homo currit, non omnis homo currit*, vel; *Aliquis homo non currit*. Dictum de omni clarissimè relucet in *Barbara* & *Darj*: Dictum de nullo in *Celarent* & *Ferio*.

*Secundum Principium* est. *Quæcunque sunt eadem uni tertio, sunt eadem inter se*: *Quæcunque distinguuntur in uno tertio, distinguuntur inter se*, hoc est, si unum extremum cum medio conveniat, aliud extremum differat, tunc etiam extrema inter se different & distinguuntur. Hæc duo principia maximè relucet in secunda & tertia figura, quia tamen secunda & tertia figura ad primam reducuntur, tamquam ad majorem & evidentiorē, sequitur, illa principia de omni & nullo esse omnium evidentissima.

*Tertium*; *Ex puris particularibus vi forma nihil sequitur*. Ratio est 1. Consequens debet virtualiter in Antecedenti contineri, ut ex eo deduci possit: sed unum particulare non continetur in alio particulari, sed potius ab eo excluditur, & ideo non licet inferre: *Aliquis homo est doctus, ergo & alius est doctus*.

2. Syllogismus ex puris particularibus in nullo principio *directivo* fundatur; non enim in dicto de omni & dicto de nullo, ut patet: non etiam in illo; *Quæcunque sunt eadem uni tertio, &c.* possunt enim duo aliqua cum uno particulari disjunctivè sumpto identificari quin identificentur inter se, v. g. Petrus est aliquod animal, Paulus est aliquod animal, & tamen Petrus non est Paulus: Sic etiam aliquod album est nix, aliquod album est lac, & tamen lac non est nix.

In Syllogismo tamen expositorio potest ex puris singularibus incommunicabilibus optimè & vi formæ concludi, quia quæ uni tertio incommunicabili identificantur, ut fit in expositorio, identificantur etiam inter se.

*Quartum*: *Ex puris negativis vi forma nihil sequitur*. Ratio est, quia Syllogismus ex puris negativis nullo *directivo* principio regulatur; non enim regulatur illo: *Dictum de nullo, &c.* nam ut ex hoc aliquid concludatur, oportet aliquid universa-

liter de subiecto negari, sub quo aliud particulare continetur ? atqui unum sub alio & in alio contineri est aliquid affirmare, non negare, facit enim hunc sensum : *Nullus homo est planta, ergo nec Petrus, qui est homo* ; si enim homo non sit, non deducitur ex illo Antecedenti, quod tantum de homine, non de alijs negat : & ita deduceretur consequens ex antecedenti, in quo tamen Antecedens deductum non continetur. Non etiam fundatur in illo : *Qua distinguuntur in uno tertio, &c. tum* quia non sequitur duo distingui à tertio, ergo etiam distingui inter se ; nam homo non est planta, Petrus non est planta, & tamen Petrus est homo ; *tum* quia sensus illius axiomatis est iste : *Quæ distinguuntur in uno tertio, ita ut unum non sit illud tertium, aliud sit ipsum tertium, etiam inter se distinguuntur* : atqui unum tertio identificari, exprimi debet per affirmativam : *tum* quia aliàs plus esset in consequente, quàm in antecedente, ut patet in hoc : *Nullus homo est planta, ergo nulla laurus est planta.*

*Objicitur* : Hic Syllogismus : *Quidquid non est animal, non est homo ; nullus lapis est animal, ergo nullus lapis est homo*, vi formæ bene concludit, & fundatur in *Dicto de nullo*, negat enim hominem de omni non animali : atqui sub non animali continetur etiam lapis, ergo etiam de hoc negatur homo.

zz. Hunc Syllogismum non esse bonum, quia in minori non repetitur totus medius terminus, qui erat in Majori ; medius enim terminus, & subiectum Majoris erat totum hoc, *Quidquid non est animal*, sive ; *Omne non animal* : minor ergo formari sic debebat : *Nullus lapis est non animal*, quæ est falsa (cùm huic æquipolleat : *Omnis lapis est animal*) ex qua falsa minori mirum non est, si vera conclusio deduci possit ; ergo nullus lapis est homo, cùm etiam ex duabus falsis in bona forma deduci verum possit, ut in hoc : *Omnis arbor est lapis, omnis gemma est arbor, ergo omnis gemma est lapis.*

*Quintum* : Conclusio sequitur debiliorem partem quoad quantitatem & qualitatem ; Si ergo una præmissarum sit particularis, & conclusio erit particularis : si una præmissarum sit negativa, & conclusio,



De *Quantitate* probo in hoc Syllogismo: *Omnis homo est animal, aliqua res est homo, ergo aliqua res est animal*, si concluderes universaliter, *ergo omnis res est animal*, plus esset in consequente quàm in antecedente; ex eo enim quòd aliqua res sit homo, concluderes quòd omnis res sit animal.

*Rursus*: tota ratio inferendi conclusionem, hoc est, prædicandi majus extremum de minori extremo, est, quia duo extrema cum medio uniuntur: sed minus extremum non unitur universaliter cum medio, ergo minus extremum non potest uniri universaliter cum majori extremo, nec enim potest esse major unitas extremorum inter se, quàm cum medio, quia tota ratio ut inter se uniantur, est, quia cum medio uniuntur.

De *Qualitate* probatur in hoc Syllogismo: *Nullus equus est bipes, Bucephalus est equus, ergo Bucephalus non est bipes*: jam si concludas, *ergo Bucephalus est bipes*, jam impingis in illud principium, dictum de nullo; quod enim de nullo dicitur, tu dicis de aliquo, hoc est, de Bucephalo; sic enim concludis: *Nullus equus est bipes, ergo Bucephalus est bipes*; & ita concedis contradictoria, & plus est in consequente, quàm in antecedente.

*Obijciunt* 1. Hic Syllogismus: *Vel est dies, vel est nox: sed non est nox, ergo est dies*: in hoc Syllogismo bona est conclusio vi formæ, & ramen minor est negativa, conclusio affirmativa.

Re. 1. Nos loqui tantùm de Syllogismo categorico, non hypothetico.

2. Minor illa, *non est nox*, est affirmativa, cum duabus negationibus constet.

3. Ille Syllogismus hypotheticus resolvi debet in hunc categoricum: *Omne tempus quod non est nox, est dies: sed nunc est tempus quod non est nox, ergo nunc est dies*: ubi omnes sunt affirmativæ.

XXI. *Quæritur* 14. Quid, & quotuplex sit reductio Syllogismorum?

*Resp.* Omnes Syllogismi imperfecti (omnes videl. præter primos quatuor primæ figuræ) reduci ad perfectos possunt, qui lumine naturali evidentissimi sunt.

Est verò duplex reductio, *Ostensiva*, & *Per impossibile*: *Ostensiva* contingit, cum Syllogismi imperfecti (quales sunt omnes, præ-

præter primos quatuor primæ figuræ ) ad perfectos reducuntur.  
Pro reductione Ostensiva.

*Notandum 1.* Si Syllogismus imperfectus sit in modo, qui incipit à C, reduci debet ad modum perfectum, qui etiam incipit à C, & sic de reliquis, v. g. *Cesare* reducitur ad *Celarent*, *Festino* reducitur ad *Ferio*, &c.

*Notandum 2.* Tota reductio fit per conversionem propositionum: quomodo verò propositiones converti debeant, signatur per consonantes S. P. M. C. nam S. significat, propositionem significatam per vocalem proximè præcedentem convertendam simpliciter: P. per accidens: M. transponendas esse præmissas, ita ut major fiat minor. C. in medio positum ( ut in *Baroco*, *Bocardo* ) reductionem fieri tantum per impossibile.

Exemplum in *Fapesmo*.

*Fap*, Omnis equus est hinnibilis;  
*es*, Nullus homo est equus, ergo  
*mo*, Aliquod hinnibile non est homo.

Reducitur ad *Ferio*.

*Fer*- Nullus equus est homo.  
*i*- Aliquod hinnibile est equus, ergo  
*o*. Aliquod hinnibile non est homo.

Et in *Camestres*.

*Ca*- Omnis leo est animal:  
*mes*- Nullus lapis est animal, ergo  
*tres*. Nullus lapis est leo.

Reducitur ad *Celarent*.

*Co*- Nallum animal est lapis:  
*la*- Omnis leo est animal, ergo  
*vent*. Nullus leo est lapis.

De reductione ad Impossibile videantur  
Summulistæ.

XXII. *Quaritur* 15. An, & quando validè argumentemur ex hypothesi impossibili.

*Resp.* Ut ab hypothesi impossibili validè argumenteris, notentur sequentes *regulae*.

*Prima:* Hypothesis impossibilis, in qua non servatur constantia subjecti (hoc est, quæ subjecti conceptum, & rationem formalem destruit) inutilis est, v. g. *Si homo non esset animal, non sentiret, ergo homo essentialiter non est sensitivus*; illa hypothesis destruit conceptum hominis; homo enim si non esset animal, non esset homo; sensus ergo illius hypothesis hic est: *Si homo non esset homo*: ergo cum destruat totam rationem subjecti, non potest esse radix aliquid de subiecto demonstrandi; & cum inducat contradictionem, expungatque primum principium demonstrationis, non potest servire demonstrationi.

*Secunda:* Si verò hypothesis non tollat ipsam constantiam subjecti, sed tantum aliquid ratione distinctum à subjecto, vel aliquam proprietatem addat, demarve manente adhuc toto conceptu subjecti, potest utilis esse hypothesis, v. g. *si bos haberet alas, volaret*: ubi habere alas repugnat quidem bovi, non tollit tamen ejus essentiam, & formalem conceptum. Sic Latini Patres contra Græcos argumentabantur: *Si Spiritus sanctus à Filio non procedit, ergo à filio non distinguitur*. Quamvis enim repugnet Spiritui Sancto à Filio non procedere, hæc tamen hypothesis non destruit immediatè conceptum Spiritûs Sancti, saltem ex concessione, & opinione Græcorum, admittentium Spiritum Sanctum à Filio non procedentem.

*Ratio regula est*, quia licet à parte rei unum alteri identificetur, potest tamen unum sine alio cognosci, & ita mentaliter separari: hæc verò mentalis separatio deservit formalibus rerum principiis inveniendis, & demonstrationibus exactè conficiendis, adeò, ut nisi hanc *virtualem & formalem* distinctionem observes, etiam in divinis falsæ & hæreticæ propositiones emer-  
gant, v. g. *Essentia Divina generat*.

Sic etiam utiles sunt hypotheses, quibus una formalitas ab alia separatur, ad effectum reducendi proprietates ad sua formalia & immediata principia, v. g. in hac demonstratione:

U u u

Si

*Si anima rationalis non esset sensitiva, sed tantum rationalis, adhuc esset discursiva, ergo sola rationalitas est principium discurrendi, non animalitas. Deinde aliqua, quæ à parte rei sunt falsa, possunt tamen esse vera æstimatione & concessione aliorum, ergo assumi tunc possunt ad convincendos, qui ita falso opinantur.*

Thomas Rotarius Hispanus, & Salamancâ oriundus, vis aliàs sapientissimus, hoc uno delirabat, quòd se vitreum cederet; hinc illi vestitus omnis ex gossipio, aliâve permolli & cedente materiâ; cùm iter faceret, fascibus ex stramine, tomento, lanâ stipabatur, ne in rheda collideretur: mediâ semper plateâ incedebat, ne aliquid tecto lapsum vitreo capiti officeret: cibi ad mensam accumbenti per longam perticam dabantur: hanc opinionem, ut homini excuterent, amici impetu factò comprimere, collidere, pugnis, baculis ferire cœperunt, hoc unum conclamantes: *Si vitrum es, cur non frangeris?* Potuit hæc hypothesis delirio mederi.

Hâc etiam hypothesis usus est D. Augustinus *hom. 28. & Serm. 1. de verb. Dom.* *Si vitrei essemus, minùs timeremus, vitrum enim etsi fragile, tamen servatum diu durat, nos verò homines, & sub tantis casibus quotidianis fragiles ambulamus.*





S. II.

DE DEMONSTRATIONE.

Summaria.

1. *Quid & quotuplex sit Demonstratio?*
2. *Conditiones ad demonstrationem propter quid requi-  
sita.*
3. *Quid notandum circa predicatum de omni?*
4. *Circa predicatum per se.*
5. *Et circa propositionem de predicato Universali?*
6. *Demonstratio non ex alienis, sed proprijs nascitur prin-  
cipijs.*
7. *Néque ex communibus aut remotis, sed proximis.*
8. *Potest tamen fieri per omne genus 4. causarum.*
9. *Aut etiam per definitionem.*
10. *Demonstratio circularis quando vitiosa, & quando  
utilis?*
11. *De praecognitis ad demonstrationem.*
12. *Medium Demonstrationis quia est aut effectus conver-  
sibilis, aut passio propria.*
13. *Generat scientiam licet imperfectam.*
14. *Quis sit sensus Aristotelici illius axiomatis: scientia  
subalternata scilicet, subalternans propter quid.*



Ervenimus ad Demonstrationem, hoc est, nobilissimum Logicæ opus, & cui unico Scientiam Discursivam, qualis videlicet ab hominibus parari potest, debemus; reliqua omnia Logicæ instrumenta huic serviunt, huic laborant; essentiz enim rerum, quas Definitio spectat, ignotæ homini, velatzque sunt, nec in cognitionem cadunt, exceptâ hominis essentiâ; totus ergo intelligendi, sciendique labor est, ut effectus per alios effectus, vel per causas, has verò per effectus demonstremus; hîc Logicus sistit, hîc cursui metam figit, & labore suo ac officio defunctus nihil habet præstantius, quod agat.

I. *Quæritur* 1. Quid, & quotuplex sit Demonstratio?

*Resp.* Bene definitur ab Aristotele Demonstratio, *Syllogismus faciens scire*. Hæc est primâ Demonstrationis definitio.

Dicitur 1. *Syllogismus*, quia nulla præter Syllogismum argumentatio certò & evidenter applicat medium & motivum sciendi; & omnis argumentatio fallibilis est, ut suprà monstratum; & si Enthymema facit aliquando scire, id est, quia vel *formaliter* vel *virtualiter* additur illi tertiâ propositio, & ita in verum Syllogismum evadit.

Dicitur 2. *Faciens scire*. Facit Demonstratio scire *tum efficienter*, quia præmissæ efficiunt conclusionem, atqui hæc si demonstrata sit, est Scientia: *tum formaliter*, quia Demonstratio includit *formaliter* suas partes, ergo & conclusionem (quæ est pars Syllogismi) ergo & Scientiam actualem, quæ nihil aliud est, quàm conclusio demonstrata.

*Scire*

*Scire autem est cognoscere causam, propter quam res est, illius causam esse, & fieri non posse, ut res aliter se habeat.* Si ergo quis cognoscat pisces carere pulmonibus, & non respirare, neciat verò pulmones esse causam respirationis, non potest dici habere scientiam, quia cognoscit quidem causam, & cognoscit effectum, sed non cognoscit necessariam utriusque connexionem. Convenit verò etiam Demonstrationi *Quia*, & à posteriori, ut faciat scire, quod patet ex S. Thoma. 1. p. q. 2. a. 2. & in hoc Syllogismo: *Omne respirans vivit, Petrus adhuc respirat, ergo Petrus adhuc vivit.* Quæ conclusio omnino est scientifica, cum sit certa, evidens, necessaria, & distincta ab actu fidei, & opinionis; & quanvis non detur per causam in essendo, datur tamen per causam in cognoscendo; dari enim per causam in essendo est proprium soli Demonstrationi *propter quid*, alioqui nec de Deo ejusque existentia dari vera Demonstratio, & Scientia posset.

*Dices:* Cognitio effectus soli innititur experientia, & inductioni, quæ fallax est, cum sensus sæpè fallantur, nec possit experientia & inductio esse universalis & omnium individuum, & consequenter nec infallibilis. Sicut ergo testimonium nuntij, aut interpretis fallacis, non potest esse motivum & ratio certæ & indubitæ fidei, ita nec cognitio effectus per fallacem experientiam comparata motivum certæ & evidentis scientiæ: illa ergo propositio, *Omne respirans vivit*, non est indubitata; quid si enim aliqua respirent, nec tamen vivant? nam & in cælis est motus trepidationis, sive vita, & in mari reciprocans æstus, & in acu magnetica perpetua inquires, donec in polum defigatur; ergo etiam in pulmonibus motus esse poterit vitæ jam extinctæ.

*R.* 1. Hæc objectionem nimium probari, tollit enim non solam Demonstrationem *Quia*, sed etiam *Propter quid*; tam enim cognitio causæ, quàm effectus in experientiam resolvitur, intellectui ad omnia rudi, & instar tabulæ rasæ, nisi sensus iniriui cognoscendi faciant, & species & objecta sensibilia velut colores & exemplaria ministrent, quibus ad suas imagines & cognitiones



Intellectus utitur; nec unquam v. g. cognovisset ignem esse calidum, nisi sensu & experientiâ docente.

2. Verum est, omnem cognitionem intellectivam & discursivam initium à sensibus ducere, de quo vide S. Thomam *l. p. q. 84.* & ideo nunquam Intellectus hanc propositionem universalem conficeret, *Omne respirans vivit*, nisi experientia repetita tum propria tum omnium gentium præcessisset. Semel tamen capta experientiâ Intellectus, cui naturaliter inest facultas discurrendi, unumque ex alio deducendi, sicut apud facultas mellis ex floribus conficiendi, movetur ad indagandas causas respirationis, invenitque esse pulmones, & istos nunquam moveri, nisi ab anima, vitæque, cui etiam inserviunt cordis calorem eventilando: vitâ ergo sublatâ cessat causa finalis & effectiva respirationis: & quamvis experientia respirationis non sit universalis, Intellectus tamen de omnibus universaliter concludit, *tum* quia est potentia multò capacior & universalior sensu, *tum* quia novit inductione omnium membrorum & organorum in corpore humano, motum pulmonum à nullo eorum fieri posse nisi motu vitali accedente, & hausto aëre sinus pulmonum diducente, ac iterum comprimente. *Nec* sensus fallitur circa objectum proprium & ritè applicatum, & maxime si omnium sensus in idem conspirent, nulla potest esse falsi, aut erroris suspicio: ex multo experientiarum, effectuum, causarum contextu tandem ab Intellectu Demonstratio conficitur, & ex Demonstratione certa scientia.

Illud verum est, sicut una certitudo est major alterâ, una lux aliâ clarior, ita unam Demonstrationem esse aliâ certiore: multæ etiam videntur Demonstrationes esse, quæ tales non sunt, & falsæ esse deprehenduntur, non ideo tamen universim Demonstratio eliminari debet, nam & falsum aurum, & falsicolores, & falsæ margaritæ veris non obstant.

Multum tamen differunt Demonstratio *Quia* & *Propter quid*. *Primo*. Sicut effectus non continet totam causam, maxime æquivocam, ita nec cognitio & Demonstratio per effectum perfectè causam repræsentat, sed aliquam tantum ejus partem, prout cum effectu cognito connexionem habet, v. g. Parrhasius

fius ex duabus tenuissimis lineis ab Apelle in tela ductis cognovit quidem Apellem insignem pingendi, miscendique coloris artificem esse; cognovit aliquem in officina fuisse, qui lineas telæ induxerit, sed tamen totam artem Apellis cognoscere non potuit, an videlicet proportiones colorum, umbrarum, corporum calleret; an sciret coloribus perennitatem dare; an animi motus penicillo exprimere, &c. hæc enim per duas illas lineas constare non poterant.

Cognitio verò per causas est multò amplior, quia totum effectum continent; & ita Beati in Deo omnes creaturas velut in causa videre possunt: & qui totum habitum & artem pingendi in Apelle cognovisset, omnia quoque illius opera, picturas, imagines habuisset perspectas: sicut viso triangulo tres angulos, viso igne lucem, motum, colorem ignis videmus. Demonstratio ergo per causas longè amplior & perfectior.

*Secundò:* Demonstratio, *Quia*, relinquit Intellectum inquietum, suspensumque, donec radicem & causam veritatis sciat, viso fumo Intellectus ignem continuò agnoscit; sed non sufficit illi scire, ubi fumus est, illic ignem esse; pergit porro, & scire avet, cur fumus ex igne? cur non æquè ex aqua? & causam adeptus quiescit.

*Tertiò.* Demonstratio *Quia* disponit ad Demonstrationem *Propter quid*, & ad hanc velut dispositio ad suam formam reducit. Videntur tamen istæ duæ Demonstrationes specie distinguui, quia luminibus ac præmissis seu motivis notabiliter diversis nituntur, v.g. cælos incorruptibiles esse à priori sic probo: *Materia capax diversarum formarum est radix corruptionis: sed in cælis non est materia capax diversarum formarum, ergo in cælis non est radix corruptionis.* A posteriori sic: *Quod est corruptibile, aliquando corruptum est, saltem quoad aliquas partes, ut inductione patet: sed cælum nunquam corruptum est, ergo cælum non est corruptibile.* *Prima* Demonstratio sumitur ex causa corruptionis: *secunda* ex effectu, qui est actualis corruptio, actualis enim corruptio & appetitus materię ad diversas formas non tantum sunt res & veritates distinctę, sed etiam diverso modo illuminant & incorruptibilitatem manifestant; argumentatio enim à negatione perpetua actus ad negationem.

tionem potentiz est pluribus communis, & ideo non manifestat incorruptibilitatem *ut sic*, sed tantum sub communi ratione potentiz.

II. *Quaritur 2.* Quæ conditiones requirantur ad demonstrationem *Propter quid*;

*Resp.* Demonstratio *Propter quid* bene ab Aristotele definitur: *Syllogismus constans ex Veris, Primis, Immediatis, Prioribus, Notioribus, causisque Conclusionis.*

*Dicitur 1. Ex Veris*; quamvis enim ex falso verum deduci possit vi formæ, & datis præmissis, non tamen scientificè, cum falsum non sit causa veri, nec convincat Intellectum; nec det certitudinem; & falso ut tali nunquam assentitur Intellectus, ergo præmissæ falsæ non sunt ratio, ut conclusioni assentiatis. Quodsi aliquando falso assentimur, ideo est, quia falsum est vero simile, & probabile, & apparet verum.

*Dicitur 2. Ex primis & immediatis.* Dicuntur propositiones *prima & immediata*, quæ sunt *per se nota*, nec habent medium per quod probentur, non quod omnis Demonstratio constet ex propositionibus *per se formaliter* notis & indemonstrabilibus, sed quia tandem resolvitur in propositiones *per se notas*, & quæ alibi demonstrantur; sicut enim alia sunt visibilia *per se*, v. g. sol; alia sunt visibilia *per aliud*, ut colores; ita alia sunt *per se*, alia *per aliud* cognoscibilia. Possunt etiam propositiones *per se notæ* & indemonstrabiles à posteriori demonstrari, & *per effectus*.

Propositio *per se nota* aut est *per se nota* tantum, quando videl. prædicatum est de essentia subiecti (v. g. *Deus est*) aut immediate ad essentiam subiecti consequitur (v. g. *Omne rationale est discursum*) hæc tamen immediata connexio nobis nota non est, nisi per aliud medium; sicut aliqua sunt *per se visibilia*, nec tamen à nobis nisi per aliud videri possunt, ut vera stellarum magnitudo, maculæ solares, &c. sic etiam propositio, in qua prima passio de subiecto prædicatur, est *per se nota*, non tamen *quoad nos*, quia cognosci potest per aliquid, quod inter subiectum primamque passionem mediat, videlicet per definitionem subiecti. *Propositio per se, & quoad nos nota* est illa, cuius prædicatum & subiectum non solum habet immediatam con-

nexio-

nexionem, sed ipsa nota est nobis, & quidem aut omnibus, ut prima principia, aut sapientibus tantum, v. g. hæc: *Omne rationale est discursum*: & hæc: *Omnis substantia immaterialis est incorruptibilis*.

Alia denique est *propositio per se nota quoad nos tantum*, v. g. hæc: *Omnis nix est alba*: habet enim reverâ medium, temperamentum videl. certarum qualitatum cum prædominio lucis; quia tamen est sensibus notissima, hoc medio non indiget, ut cognoscatur.

In præsentī agimus de propositione secundum se nota & immediata, & quidem in propositionibus affirmativis illæ sunt per se notæ, in quibus essentia, aut partes essentia, aut prima passio de subiecto prædicantur. Si tamen propositio per aliquam ex quatuor causis probari possit, dicitur mediata à priori: Sic à *causa efficiente* probamus, ideo fœminas citius usum rationis, annosque pubertatis acquirere, & celerius crescere, quia natura calôrque naturalis citius imperfectiora absolvit, fœminæ verò imperfectiores sunt maribus, & ideo unâ nocte centum fungi, una verò abies centum annis proveniunt. *A causa finali* probamus animam esse immortalem, quia creata ad æternam beatitudinem: *à causa materiali*, hominem esse corruptibilem, quia materiâ constat. *A causa formali*, esse rationalem, quia animâ rationali constat. In Propositionibus negativis illæ sunt immediatæ & per se notæ, in quibus non potest dari negativa magis immediata, & quæ sit velut ratio primæ negationis, v. g. hæc non est propositio immediata, *Leo non est risibilis*, quia potest per hanc probari, *Leo non est rationalis*: sicut enim rationalitas est causa risibilitatis, ira non rationalitas est causa non risibilitatis. Hæc verò est immediata, *Leo non est rationalis*, quia hæc negatio est immediatè, etiam omnibus alijs sublati, annexa essentia leonis, nec negat aliquam proprietatem, sed differentiam essentialem.

Negant *scotus* & committunt *scotiste*, dari propositiones per se notas secundum se tantum & non quoad nos, quia, *inquiunt*, propositio est cognitio & conceptus noster, conceptus autem si est per se notus, semper est notus nobis; cum sit notitia no-

stra, & in nobis; sicut albedo v.g. si est dealbativa per se, est subjecti sui dealbativa, quia in suo subjecto est, eique suum effectum formale tribuit.

Affirmat tamen S. Thomas 1. p. q. 2. a. 1. & q. 10. de verit. a. 12. & 1. cont. Gent. c. 15.

*Ratio est 1.* Propositio *per se nota* est, quæ medio caret quo demonstretur; sed propositionem talem esse, ut demonstrari non possit, non convenit propositioni ut vocibus aut conceptibus constet, sed ex ipsa connexione rerum significatarum, ergo *esse per se notum*, hoc est, prædicatum *immediatè* subjecto connecti, priùs propositioni *objectivæ* quàm *formali* aut *vocali* convenit; nec est novum, propositiones, sicut etiam definitiones & præmissas in *formales* & *objectivas* dividi: & quamvis termini non significant hanc immediatam connexionem (v.g. in hac propositione, *Omnis homo est discursivus*, immediata connexio prædicatum subjecto vi terminorum non explicatur, imò *secundum nos* datur medium, videl. definitio subjecti, hoc modo: *Omne animal rationale est discursivum*) sufficit rem ipsam & veritatem *objectivam* ita constitutam esse, ut possit terminis substat, qui hanc immediatam connexionem significant, dicendo v.g. *Omnis homo à parte rei est immediatè discursivus*, ita ut nulla causa mediet inter hominem & discursivum.

2. Illud propriè dicitur *per se notum*, cui propriè competit cognosci, sed cognosci *principaliter* competit rebus, *secundariò* tantum propositionibus, ratione rerum, à veritate enim rerum derivatur veritas propositionis formalis, & ideo propositio vera aut falsa, quia res est, vel non est.

*Dicitur 3. Prioribus*, quia priùs causa, quàm effectus, præmissæ quàm conclusio cognoscuntur.

*Dicitur 4. Notioribus*, tum quia priùs præmissæ sunt notæ, quàm conclusio, ducunt enim in notitiam conclusionis: tum quia præmissæ sunt per se notæ, conclusio verò per præmissas, ergo præmissæ plus habent luminis & cognoscibilitatis; tum quia præmissæ sunt causa cognoscendi conclusionem, & causa secundum se notior est suo effectui, causa enim ut causa & ipsa est cognoscibilis, & est ratio cognoscendi effectum, quem *virtuali-*

per continet, maximè quia præmissæ sunt causa æquivoca (quæ semper effectu suo notior est) conclusionis; aut enim sunt principia per se nota & pertinentia ad habitum intellectûs, & ita specie distinguuntur à conclusione, quæ est discursiva & actus scientiæ; aut sunt principia demonstrata, & sic habentur per media & motiva diversa quàm sit motivum conclusionis deductæ: tum quia notitia conclusionis pendet in fieri & conservari à notitia præmissarum; hæc omnia probant præmissas esse notiores, saltem perfectione, si non intensione.

*Obijciunt* 1. Si præmissæ sunt notiores conclusione, ideo est, quia propter quod unumquodque tale, illud magis tale: sed hoc axioma mille patitur instantias; nam ferrum candens v. g. est calidum ut octo propter ignem, & tamen non est calidior ignis.

2. Illud axioma certis conditionibus adhibitis verissimum esse, quæ videri possunt apud Summulistas & D. Thomam 1. p. q. 87. a. 2. ad 3. & q. 1. a. 1. de Verit. & q. 10. a. 9. ad 3. Ad exemplum de ferro candente & calido ut octo dico, adhuc ignem esse magis calidum, non quidem intensione (nec enim datur gradus supra octavum) sed perfectione, quia calor igni per se & semper, ac connaturaliter convenit.

*Obijciunt* 2. Causa æquivoca instrumentalis non est suo effectu notior, nam calor est causa æquivoca ignis, semen plantæ, phantasma speciei intelligibilis, &c. sed præmissæ sunt causa conclusionis instrumentalis, ergo, &c.

3. Præmissas esse causas conclusionis principales, conclusio enim ut scientifica, discursiva, & demonstrata, hoc est, deducta, unicè pendet à præmissis, nec enim aliunde deducitur aut demonstratur.

*Obijciunt* 3. Quod effectus habet plures causas æquè perfectas, eò perfectior est: sed conclusio habet plures causas æquè perfectas, quàm præmissæ, notitia enim præmissarum est à solo lumine intellectûs, notitia verò conclusionis est & à lumine intellectûs, & à præmissis, & à discursu; si ergo ad illustrandam & notificandam conclusionem plura lumina concurrunt, ergo conclusio est præmissis notior. Sic etiam in Syllogismo.



in quo una præmissarum est de fide, altera scientifica, conclusio est singulis præmissis notior, est enim certior medio purè scientifico, & evidentior medio puræ fidei.

2. Negari saktum non potest, conclusionem esse præmissis copulativè sumptis ignotior, imò & singulis; conclusio enim in tantum est conclusio, in quantum deducitur & pendet à præmissis; in exemplo autem allato quando una præmissarum est fidei, altera scientifica, conclusio pendet tantum quoad certitudinem à præmissa scientifica, & ut sic est incertior, quàm sit præmissa & assensus fidei, hic enim est absolurè certus, nec ejus certitudo ab ullo impeditur: ac certitudo conclusionis impeditur ab altera præmissa naturali, hæc enim temperat & restringit præmissam fidei, quò minùs totam suam certitudinem conclusioni communicet, & ideo conclusio semper sequitur debiliorem partem. Quodsi utraque sit naturalis, adhuc non potest totum suum lumen & cognoscibilitatem in conclusionem derivare, quia cognoscibilitas & veritas conclusionis est deducta & illata, ergo est remotior quàm veritas & cognoscibilitas principiorum, quæ immediatè in se sunt cognoscibilia: atqui objectum quò remotius est à principio illuminante, eò minùs illuminatur. Si tamen intellectus se magis applicet ad cognoscendam conclusionem quàm præmissas; conclusio erit notior *accidentaliter & intensivè*, non *essentialiter*.

*Obijitur 4.* Si conclusio est minùs nota, minùsque certa præmissis; quia, ut modò dicebamus, certitudo conclusionis est mediata, & magis remota certitudine & cognoscibilitate immediatâ principiorum, ergo poterit deveniri tandem ad conclusiones adeò remotas à principiis, ut tandem nullam ab ijs participant certitudinem (sicut objectum coloratum adeò potest à corpore luminoso distare, ut tandem nihil luminis accipiat, ac omnino dispareat) id verò est absurdum, quidquid enim cum vero connectitur, & ex vero sequitur, verum est.

2. Omnino fieri posse, ut conclusio tam remotè & post tot an b ges & præmissas cum primis principiis connectatur, ut tandem si certitudinem habeat, ea tamen nobis non appareat; hic verò agimus non de qualibet veritate & certitudi-  
ne,



ne, sed de illa, quæ nobis apparet & demonstratur. Exemplum sit in hac argumentatione; *Homo bibit & comedit, ergo homo naturaliter moritur.* Certitudo & connexio hujus consequentix vix apparet, quia hoc consequens nimis remotè illi antecedenti nectitur; & tamen necessariò sequitur, ut patebit, si omnes præmissas applices hoc modo: *Qui bibit & comedit, alimentum & potum intra se sumit, ergo & qualitates alimenti, ergo & humidum & calidum & alias qualitates extrinsecas, ergo istæ utpote contrariæ pugnabunt cum humido & calido radicali & innato, ergo istud alterabunt, ergo aliquando corrumpent, ergo & mortem afferent, est enim mors extinctio caloris naturalis.* Galenus *l. 2. de Temperam. c. 2.* ergo de primo ad ultimum, *qui comedit & bibit, moritur*, ergo bene sequitur, *Homo bibit & comedit, ergo moritur.* Vides ergo optimè statuisse Aristotelem, ut præmissæ Demonstrationis sint causa proxima, & non tantùm remota conclusionis, quia etsi conclusio etiam ex causis remotis necessariò sequatur, non tamen hæc connexio & necessitas ex remotis semper apparet.

*Obijciunt* 5. Præmissæ non sunt veriores conclusione, ergo nec notiores: *Antecedens* paret, quia veritas consistit in indivisibili. *Consequentia probatur.* Veritas rei est ipsa rei cognoscibilitas, ergo si veritas non admittit magis & minus, nec cognoscibilitas admittit.

*Re.* Veritas quidem consistit in indivisibili, quia tangit terminum indivisibilem, videlicet esse vel non esse, ut est in re, falsitas verò recedit à termino veritatis, & quia hic recessus potest esse major aut minor, ideo S. Thomas 3. *cont. Gent. c. 19.* admittit in hoc sensu posse unam falsitatem esse alterâ majorem. Potest tamen una veritas esse notior alterâ, quia rem esse notam non pendet ex sola rei cognoscibilitate *objectiva* (sunt enim aliqua in se maximè vera & cognoscibilia, nobis tamen ignota) sed etiam ex cognoscibilitate *formali*, hoc est, ex perspicacia & lumine intellectuâli, ex majori hujus applicatione, ex pluribus hominibus rem manifestantibus; non ergo rei cognoscibilitas consistit in indivisibili.

Deinde potest etiam una veritas esse certior, stabilior, immutabilior alterâ, & immediatior, & in hoc sensu dicimus præmissas esse notiores.

*Dicitur 5. Causæque conclusionis.* Intellige præmissas non semper continere causas phylicas conclusionis, sufficit si metaphysicas & virtuales. Sic in Deo unum attributum probatur ex alio, v. g. æternitas ex immutabilitate, hæc enim est ratio, cur Deus sit æternus, &c. & de ente demonstramus esse verum & bonum, quia est cognoscibile & appetibile, quamvis cognoscibilitas & appetibilitas entis non distinguatur ab ente. In Demonstratione *Quia* effectus non quidem est causa conclusionis in essendo, est tamen in cognoscendo.

Præter hæcenus explicatas conditiones præmissarum docet insuper Aristoteles oportere, ut præmissæ Demonstrationis sint *de omni, per se, de predicato universali, non de communibus, nec extraneis, sed proprijs.* De quibus ordine dicendum.

III. *Quæritur 3. Quid & quotuplex sit prædicatum de omni?*

*Resp.* Prædicatum *de omni* aliud est *prioristicum*, quod pertinet ad formam Syllogismi, aliud *posterioristicum*, quod pertinet ad materiam veræ Demonstrationis. Prædicatum *de omni prioristicum* est, quod afficitur signo universali, sive jam verè sive falsò, sive necessariò sive contingenter subjecto competat, hæc enim forma Syllogistica non curat; tales sunt istæ propositiones: *Omnis homo vigilat, omnis homo canescit, Omnis planta est lapis, &c.* Prædicatum *de omni posterioristicum* est, quod subjecto & omnibus ejus inferioribus inest vel absolute & simpliciter, ut in hac: *Homo est animal:* vel non quidem semper, sed statutis tantùm temporibus, sed necessariò, ut in hac: *Sol elysatur:* vel plerumque, & ex naturali impetu & ordine, nisi impedimentum accedat, ut in hac: *Æstate sunt tempestates; arbores florent; homo canescit.* Vel denique non quidem positivè, sed tamen negativè, ut in hac: *Deus est æternus:* quamvis enim æternitas non conveniat pluribus sub Deo inferioribus, quia Deus unicus est, & plures repugnant, æternitas tamen secundùm se tale est prædicatum, ut si plures Dij essent possibiles, illa omnibus, & necessariò, & semper competeret.

Sunt

Sunt qui eodem modo dicant has propositiones, *Petrus est homo*; *Petrus est risibilis*: *Hac nix est alba*: esse de omni posterioristico æquè ac istam: *Deus est æternus*; quia subiecto semper & necessario hoc prædicatum convenit, & huiusmodi propositiones inserviunt Syllogismo Demonstrativo in *Darj*, *Frio*, &c. Sed verius est non esse de omni, quia in hac propositione, *Petrus est homo*, prædicatum non convenit subiecto ex gradu individuali, sed specifico. S. Thomas *opusc. 48. 6, 5.* & ideo de individuis *nusq* nom datur scientia nec Demonstratio.

IV. *Quæritur 4.* Quid sit prædicatum *per se*, & quor sint modi *perseitat*?

*Resp.* Quatuor modis dicitur aliquod prædicatum *per se*. Primo. Omne prædicatum quod vel *formaliter* ponitur in definitione ( ut partes essentielles ) vel *virtualiter* ( ut ens in definitione omnium rerum, genera & differentia remotæ ( ut in definitione hominis *substantia, sensitivum, corporeum, &c.* ) denique quidquid essentialiter de subiecto dicitur, pertinet ad primum modum dicendi *per se*.

*Secundo.* Quando prædicatum est propria passio subiecti; v. g. *homo est risibilis*; passio enim aliquo modo pertinet ad essentialitatem subiecti, quia per proprium subiectum definitur.

*Tertio.* Primæ substantiæ dicuntur esse *per se*, quia in nullo subiecto, ut *Petrus, Paulus, &c.* Secundæ substantiæ sunt in primis, & accidentia sunt in subiecto, & ideo huc non pertinent.

*Quarto.* Dicitur *per se*, quando subiectum est causa *per se* prædicati, non verò per accidens, ut in hisce propositionibus: *Ædificator ædificat, Medicus medetur, sol illuminat, ignis calefacit, &c.* hæc verò non est *per se* quarto modo, sed per accidens: *Medicus cantat, fossor thesaurum invenit, aliquod animal ratiocinatur*; & observa quòd hic quartus modus non pertinet ad modum *essendi*, sicut tres priores, sed ad modum *causandi*.

*Observa 1.* Propositiones, in quibus subiectum de proprietate prædicatur, v. g. *risibile est homo*, revocari ad secundum modum dicendi *per se*, quia prædicatum pertinet in obliquo ad essentialitatem

sentiam subiecti. Propositiones *indirectæ*, v. g. *animal est homo*, revocantur vel ad primum dicendi modum, quia unum extremum pertinet ad essentiam alterius *identice*; vel pertinent ad propositiones *per accidens* & contingentes, contingit enim animali *ut sic* esse hominem. Quando correlativum prædicatur de altero correlativo in obliquo, v. g. *Pater est Filius Pater*, pertinet ad primum modum dicendi per se: alij dicunt ad secundum, quia terminus ponitur in obliquo in definitione relativi, non in recto. Hæc propositio, *Animal est rationale vel irrationale*, & hæc, *Omnis numerus est par vel impar*, spectant ad secundum modum, quia hoc disjunctivum est proprietas animalis & numeri.

*Observa 2.* Præmissas demonstrationis debere esse *de omni* & *per se*, Præmissæ enim Demonstrationis sunt necessariæ, ergo vel prædicant essentiam, vel proprietates, ergo pertinent ad primum vel secundum modum dicendi *per se*, ergo sunt etiam *de omni*, essentia enim & proprietas omnibus ac semper conveniunt.

V. *Quæritur 5.* Quid sit propositio *de predicato Universalis*?

*Resp.* Propositio de predicato *universali* hoc loco dicitur, in qua posito subiecto ponitur prædicatum, ablato subiecto aufertur prædicatum, v. g. *homo est risibilis, homo est rationalis; triangulus habet tres angulos aequales duobus rectis, &c.* requiritur ergo ad prædicatum universale 1. Ut sit *de omni*, & ideo hæc non est de predicato universali, *animal est risibile*. 2. *Per se*, & non contingenter, & ideo hæc non est de universali, *Nix est alba*, quia sublato subiecto non ideo etiam prædicatum aufertur. 3. Quod conveniat subiecto *quæ tali* & convertibiliter, quales non sunt istæ: *Homo est animal, Numerus est par, &c.* Hæc ergo propositio, *Omnis lapis est coloratus*, non est *de predicato universali*, quia non convenit lapidi *quæ tali* esse coloratum, sed *quæ mixto*, & prædicatum non convertitur cum subiecto.

*Nota:* Demonstratio, in qua utraque præmissarum est de predicato *universali*, est notior & perfectior illâ, in qua una tantum, ut patet in hisce duobus Syllogismis: *Omne admirativum est risibile, Omnis homo est admirativus, ergo omnis homo est risibilis: Omne admirativum est risibile; Petrus est admirativus, ergo Petrus est*

est *visibilis*. Prima inquam Demonstratio perfectior est secundâ, *tum* quia universalior; *tum* quia ex magis connexis & necessarijs, præmissæ enim dicunt mutuam prædicari & subiecti connexionem: *tum* quia concluditur passio de proprio & adequato subiecto, quanto autem scientia est universalior & de rebus magis necessarijs, tanto est perfectior.

VI. *Quæritur* 6. Utrum demonstratio ex proprijs, vel alienis, remotis, vel proximis principiis debeat procedere.

*Resp. i.* Demonstratio debet procedere ex principiis proprijs, non verò alienis & extraneis. Dicuntur aliena & extranea, quæ non dicunt connexionem cum majori & minori extremo, cum enim tota certitudo & necessitas conclusionis oriatur ex necessitate & connexione, quam extrema habent cum medio, si non habeant cum medio necessariam & certam connexionem, nec habebunt inter se: non probatur ergo hæc argumentatio: *Experientia docet, animal semper nutrirî & excernere, non autem semper augeri, ergo animal semper nutritur, non autem semper crescit.* In hac argumentatione experientia est medium concludendi, sed extraneum, quia non habet intrinsecam connexionem cum nutritione, corrigi ergo debet in hunc modum: *Animal non semper indiget ad functiones vitales augmento (imò potius impeditur, si semper & extra terminos cresceret) indiget verò nutritione, ergo semper nutritur, non semper crescit;* en augmentationem à *causa finali*, ad quam quilibet effectus necessariò & intrinsecè respicit! Talia principia extranea sunt ferè omnia, quæ Logica *Topica* alijs scientijs subministrat, à *similitudine*, ab exemplo, à conjugatis, ab auctoritate, &c.

Non obstat tamen, quò minus una scientia alteri scientiæ; præsertim subalternatæ principia subministret, ut patet in hac argumentatione: *In figura rotunda partes omnes à centro longissimè distant, ergo vulnus rotundum difficilius curatur.*

*Antecedens* ex Mathematica petitur, *Consequens* ex Chirurgica, & tamen illud *Antecedens* connectitur *consequenti*, quia quid dicitur de figura rotunda, dicitur de omni, quod eam figuram participat, veritas tamen illius *Antecedentis* est objectum Mathematicos, & in ista demonstratur: & veritas *consequentis* non de-

monstratur à Chirurgo quâ tali, sed supponitur ut per se nota notitiâ experimentalî.

VII. *Resp. 2.* Demonstratio non debet ex communibus seu remotis procedere.

*Nota.* Causa remota aliquando est convertibilis: v.g. *homo est rationalis, ergo est risibilis*, cùm tamen causa immediata risibilitatis non sit rationalitas, sed esse admirativum: & huiusmodi causa remota, sed convertibilis potest Demonstrationi deservire, quamvis non perfectissimâ, quanto enim magis conclusio & veritas deducta à sua radice & principio recedit, tantò minus illuminatur, & intellectui apparet. Causa remota alia est, quæ non convertitur cum suo effectu, & ista non deservit Demonstrationi, v.g. *Lapis non est animal, ergo non respirat*: hic non negatur causa proxima respirationis (quæ sunt pulmones) sed remota, & non convertibilis; nec enim valet, *Est animal, ergo respirat*, cùm dentur animalia, quæ pulmones non habent, & ideo non respirant.

Probatio Metaphysica per illud generale principium, *Quodlibet est vel non est*, videtur esse extranea & remota, nec enim dat causam cur aliquid sit, nec etiam absolute ostendit aliquid ita esse, sed tantùm ex suppositione, quod unum negetur, infertur, aliud contradictoriè oppositum concedendum esse.

VIII. *Quæritur 7.* Utrum Demonstratio possit fieri ex omni causerum genere?

*Resp.* Potest Demonstratio fieri per omne genus quatuor causerum.

*Ratio est 1.* De causa materiali in hoc Syllogismo: *Omne compositum ex materia sublunari est corruptibile: omnis homo est compositus ex materia sublunari, ergo omnis homo est corruptibilis*: ubi materia est ratio concludendi, & est causa utriusque extremi, quod semper contingit, quando connexio prædicati & subjecti in conclusionem est connexio essentialis, identica, & ab extremis indistincta. Pertinet verò ad causam materialem non solum materia prima respectu totius compositi, & formarum quas sustentat (quam vocamus materiam *intrinsicam*) sed etiam subjectum respectu ac-

eidentis vel proprietatis; potentia respectu sui actus quem recipit; gradus genericus, &c.

2. De causa formali in hoc Syllogismo: *Omne rationale est homo; Petrus est rationalis, ergo Petrus est homo*; & in hoc: *Omne coloratum, si lux non absit, est visibile; omne album est coloratum, ergo. Pertinent verò ad formam intrinsecam tam forma physica, quam metaphysica, ut differentia. Ad formam extrinsecam pertinent actus respectu potentia, accidentia respectu subjecti, idea, objectum, &c. objectum enim cum specificet, & ita essentiam spectet, potius ad causam formalem quam finalem pertinet; finalis enim & effectiva potius existentiam quam essentiam tangunt.*

3. De causa effectiva in hoc Syllogismo: *Omne corpus grave naturaliter ad suum centrum deorsum movetur; omnis aqua est gravis, ergo naturaliter deorsum movetur.*

4. De causa finali, ut in hoc: *Omne creatum ad aeternam & immortalem vitam est immortale; omnis anima est creata ad immortalem vitam, ergo omnis anima est immortalis.*

Adverte tamen causam finalem non esse medium perfectissimæ Demonstrationis; quamvis enim inferat certam conclusionem propter evidentem & certam connexionem ac proportionem rei cum suo fine *intrinseco* (implicat enim rem ordinari *intrinsece* ad finem, tamen finis incapax esse, ordinari enim ad finem est posse consequi finem) quia tamen finis est causa *extrinseca*, manifestat quidem rem ita esse, sed non rationem & modum quo est, & ideo nec intellectum & sciendi appetitum explet; & idem dicas de causa efficiente, nam & ipsa est extrinseca.

IX. *Quaritur 8. Utrum Definitio sit medium potissimæ Demonstrationis?*

*Resp.* Etiam Definitio est aptum medium demonstrandi, & subinde quidem definitio subjecti, maximè quando prima passio de illo demonstratur, tunc enim definitio est immediata eius radix, v. g. *Omne animal rationale est admirativum; omnis homo est animal rationale, ergo. &c.* Subinde verò definitio passionis demonstrandæ, v. g. *Omnis substantia facultate visui prædita versante circa verum quæ tale est intellectiva; sed omnis homo est solis substantia, ergo omnis homo est intellectiva.* Quia tan en pauca sunt res naturales, qua-



rum nobis definitiones & differentię proprię notę sunt, ideo etiam definitiones rarò Demonstrationem intrant.

X. *Quæritur 9.* Quid sit, & quando contingat circulus vitiosus?

*Resp.* Demonstratio circularis aliquando est vitiosa, aliquando utilis. Dicitur Demonstratio circularis, quando conclusio probatur per certas præmissas, & istę probantur per conclusionem, v. g. *Petrus est rationalis, ergo est risibilis*: & si aliquis neget Antecedens, in circulum redeas dicendo: *Petrus est risibilis, ergo est rationalis*. Hic verò circulus aliquando est vitiosus, si videlicet conclusio tantum ex præmissis nota, & non aliunde, assumatur ad probanda principia, tunc enim sequeretur idem omnino & eodem modo esse notius præmissis & esse ignotius: notius quia est medium probandi principia; ignotius, quia est conclusio ex principijs deducta.

Deinde negato antecedente & præmissis negatur etiam consequentia, ergo malè assumitur consequentia ad probandum antecedens, Demonstratio enim fieri debet ex admissis & veris, non ex negatis & falsis.

Aliquando potest circularis Demonstratio utilis esse, si videlicet conclusio aliunde quàm ex præmissis nota assumatur ad principia demonstranda, v. g. *Est copia vaporum, ergo erunt pluvia*; sunt enim vapores causa materialis pluviarum; Quod si noscam ab experientia, pluvias copiosas extitisse, possum sic argumentari, *Sunt pluvia copiosa, ergo erit copia vaporum*: ubi pluvie demonstrant vapores, non ut conclusio deducta ex vaporum existentia; sed ut experientiã notę.

In Demonstrationibus verò tandem devenitur ad principia aliqua non scita, sed per se nota, & quę non demonstrantur, sed sunt principia demonstrandi; sicut unitas non est numerus, sed principium numeri, & lux non per aliud, sed seipsa videtur. Sicut ergo natura in circulos abit, & unum ex alio nasci videmus, vapores ex pluvijs, istas ex vaporibus, fructum ex semine, semen ex fructu, ita absurdum non est eodem circulos Scientijs concedere.

**XI. Queritur 10.** Quid, & quot sint præcognitiones, & præcognita ante Demonstrationem?

*Resp. 1.* Ut cognoscantur prima principia, non prærequiritur alia notitia, quàm sensuum & experimentalis, quā terminos intelligas & res terminis expressas, v. g. ut hanc propositionem intelligas, *Omne totum est majus sua parte*, sufficit intelligere quid sit totum, quid partes, & hoc experientia, & sensus docent., quotidie enim videmus partes, & totum ex partibus constitutum.

*Resp. 2.* Ad Demonstrationem aliqua præcognosci oportet. Dux ergo sunt necessariae præcognitiones, *An sit, & Quid sit*: Tria verò præcognita, *Subjectum, Prædicatum seu Passio, & Principia.*

*Resp. 3.* De Prædicato seu Passione præcognosci oportet, *quid sit?* hoc est, & nomen & naturam, saltem in confuso, v. g. demonstras cor duplici motu *systoles* & *Diastoles* moveri, oportet ut saltem in confuso noveris, quid nomine *systoles* intelligatur, & quid sit, rei enim omnino ignotæ nec amor sciendi, nec Demonstratio est. Non tamen oportet prænoscere, *Quod sit*, hoc enim in conclusione probatur, non ergo ante conclusionem prænosci debet.

*Resp. 4.* De subjecto prænosci oportet, *Quid sit?* saltem quoad cognitionem imperfectam & experimentalem; si enim nescias quid sit cor, de illo nihil probabis aut demonstrabis. Non tamen semper oportet prænosci, *Quod sit*, tum quia de multis demonstramus quòd sint, v. g. de materia, de tribus principijs, de infinito; tum quia propositiones in materia necessaria & æternæ veritatis abstrahunt ab existentia, ut hæc: *Homo est animal*. Plurimumque tamen ab existentia subjecti nobis per sensus noti movemur ad ejus proprietates & accidentia investiganda.

*Resp. 5.* De medijs seu principijs oportet nosse, quid rei & quid nominis? nomen est nota, & velut facies externa rei: quid rei prænosci oportet, quia cognitio præmissarum est causa ut cognoscatur conclusio, debet illa ergo præcedere, & si nescias quid sit rationale, non potes scire an sit causa, vel non

Yyy 3

fit

fit causa, an connectatur vel non connectatur cum risibilibus.

Et hæcenus de Demonstratione propter quid, nunc aliqua dicenda sunt de Demonstratione Quia.

XII. *Queritur II.* Quid sit Demonstratio Quia?

*R. sp.* Demonstratio Quia datur per effectum convertibilem & propriam passionem, ut si probes Petrum esse hominem, quia est risibilis, hæc enim Demonstratio ex una parte est certa & evidens, quia per medium certum & necessario connexum cum prædicato & consequente; non tamen est Demonstratio propter quid, quia non tradit nec ostendit radicem, verumque principium, propter quod Petrus est risibilis, erit ergo Demonstratio Quia. Si verò Demonstratio fiat per causam remotam non convertibilem, nec erit Demonstratio propter quid, nec Quia, sed pertinebit ad illas Demonstrationes & Syllogismos, quos *Diſtictos* appellant; talis est iste: *Omne quod respirat, est animal; lapis non est animal, ergo lapis non respirat*: hic negatio animalitatis infert negationem respirationis, & tamen *animal & respirans* non sunt termini convertibiles. Si verò Demonstratio fiat per causam remotam, sed tamen cum consequenti convertibilem, probabilius est esse propter quid, licet non perfectissimam, v. g. *est homo, ergo est risibilis*: & ratio est, quia non tantum demonstratur quod est, sed etiam propter quid. Demonstratio igitur propter quid & quia Syllogismi *Apodictici* vocantur, reliqui verò Syllogismi, qui ex necessarijs quidem concludunt, sed neque per effectum, neque per causam convertibiles dantur, *Diſticti*.

Tales *Diſtictæ* argumentationes sunt 1. Cum à genere ad speciem negativè argumentamur, v. g. *Non est planta, ergo non est cedrus*; cum tamen cedrus & planta non sint termini convertibiles.

2. Cum à specie ad genus; *Est homo, ergo est animal*.

3. A toto ad partes necessarias: *Est domus, ergo habet fundamentum*: *est homo, ergo habet animam rationalem*.

4. A quarto modo dicendi per se: *Jugulatus est, ergo interijt*.

§. Huc

5. Huc pertinent argumentationes multæ, quibus accedens commune de subiecto probatur, v. g. *Nebula in æstate sunt, ergo grando sequetur: Mater est, ergo filium magis amat, quàm pater: Socius est, ergo eisdem mecum amicos & inimicos habet, &c.* quantumvis enim hæ consequentiæ sint contingentes, plerumque tamen evenire solent, & est necessaria connexio inter antecedens & consequens, non semper quidem quoad actum, qui licet necessarius, impediri tamen à causa fortiori potest, sed quoad habitum seu connaturalem inclinationem, & impetum causarum, & ut sic datur de huiusmodi contingentibus scientia. Vide Aristot. *l. 1. Poster. c. 10. & 27.* & ibi S. Thom. v. g. in allato exemplo ideo mater ceteris paribus, & si nihil obitet, magis filium, quàm pater diligit, quia magis diligimus, quæ certò sunt nostra, quàm de quibus dubitamus: sed sola mater est certa sui filij.

*Rursus*, chariora sunt, quæ majori pretio nobis constant, & quibus maximè assuevimus, & quò pauciora sunt, quæ amantis animum in alia distrahunt: sed filius carius matri constat, quàm pater, & diutius illi mater assuevit, & vix aliæ sunt matris curæ, quàm liberorum, patribus in tot negotia distentis, ac tandem scæminarum amor plerumque constantior, quia cum naturæ sint frigidæ, semel concepta tenaciùs retinent, ubi ex adverso calor dissipat dissolviturque.

6. Denique ad Syllogisticos Dialecticos pertinet deductio ad impossibile.

XIII. *Quæritur 12.* Utrum Demonstratio *Quia* pariat scientiam?

*Resp.* Demonstratio *Quia* producit quidem habitum Scientiæ (cùm inferat conclusionem certam, necessariam, & evidentem) non tamen perfectum sed imperfectum, & per modum dispositionis.

*Ratio est 1.* Quia non procedit per causam rei.

2. Quia ostendit tantum rem ita esse, non verò quare ita sit, & ideo nec intellectum quietat, sed tantum disponit ad perfectam scientiam; quia verò hæ imperfectio non sumitur ex intellectu, ejusque remissa cognitione, sed ex parte mediæ, ideo

ideo est essentialis Demonstrationi *Quia*, & ideo licet millies repetita, nunquam tamen perfectam scientiam produceret.

3. Ad Scientiam subalternatam pertinet scire *Quia*, ad subalternantem *Propter quid*, ut *postea ducitur*: sed scientia subalternata valde est imperfecta, nec habet statum & apicem scientiæ donec subalternanti, ejusque principiis jungatur, v. g. hæc argumentatio Scientiæ perspectivæ, *Luna vicinior est terra, quàm stella fixa, ergo major apparet*, non est perfecta donec accedat principium Geometriæ, cui Perspectiva subalternatur, videlicet viciniora ideo majora apparent, quia per majorem angulum videntur; quod enim objectum ejusque basis remotior; eò lineæ ab objecto ad oculum ductæ minorem & tenuiorem cutpidem formant. Vide S. Thom. 1. p. q. 1. a. 2. & q. 14. de Verit. a. 9. ad 3. & l. 1. Post. l. 23. 24. & 25.

XIV. *Quæritur 13.* Quomodo intelligendum sit illud Aristotelis dictum: *Scientia subalternata seu Quia, scientia subalternans Propter quid?*

*Resp.* Commune illud pronuntiatum Aristotelis l. 1. Post. c. 10. Quod *Scientia subalternata sciat Quia, subalternans verò Propter quid*, sic intelligendum est, quod scientia *subalternata*, suas conclusiones deducat ex principiis sæpè experienciâ tantum, & inductione ac per effectus notis, & quorum principia à priori in sola *subalternante* reperiuntur, v. g. Chirurgus solâ experienciâ novit, vulnera rotunda difficiliùs curari, hujus ratio à priori in Geometria habetur in hac propositione: *Figura rotunda quia angulis caret, difficiliùs curat.* Eodem modo Perspectiva ab inductione & experientia novit remota videri minora, sed hujus ratio in Geometria traditur, quia *remota per minores angulos videntur, quàm vicina*, non quod Geometria se extendat ad conclusiones, & veritates Perspectivæ, aut Chirurgicæ, easque probet, id enim esset scientias extra suum objectum, & terminos vagari, & ideo Geometria nec de vulneribus, nec de objecto visibili agit, sed quia principium illud generale & Geometricum est applicabile materiæ chirurgicæ, & ex ejus applicatione veritas illa chirurgica & perspectiva illuminatur, & redditur evidenter, & à priori cognoscibilis; sicut v. g. sol non ingreditur sphaeram & regionem

gionem lunarem, sed tamen lunam irradiat, quæ ex varia ad solem applicatione variè etiam & magis, minúsque visibilis apparet; si verò hæc applicatio impediatur, ut interlunio & eclipsi, omnino oculum fugit, sic se habent principia Scientiæ subalternantis ad principia subalternata.



## §. III.

DE SCIENTIA ACTUALI ET  
HABITUALI

## Summaria.

1. *Essentia,*
2. *Et existentia scientia declarantur.*
3. *Oportet scientiam esse certam,*
4. *Et evidentem,*
5. *De necessarijs.*
6. *Et universalibus, quod maximè de perfecta & apodictica verum est.*
7. *Estque virtus intellectualis.*
8. *Procedens per cognitionem causæ.*
9. *De scientia habituali.*
10. *Scientia non solum objectum materiale, sed & formale, quod D. Thoma est ratio formalis sub quâ, admittunt.*

11. *Quomodo dicatur specificare scientias?*
12. *Unitas specifica scientiarum, etiam principia demonstrationis sibi sociat.*
13. *Hac porro unitas non desumitur ex objecto materiali.*
14. *Sed unitate rationis formalis sub qua, & unitate principiorum.*
15. *Occurritur Objectionibus.*
16. *Quomodo ex mente Doctoris Angelici habitus scientia sit simplex qualitas?*
17. *De subalternatione scientiarum, & conditionibus ad eam requisitis.*
18. *Scientia subalternata est vera scientia.*
19. *Scientia ex primis principijs deducuntur,*
20. *Quorum habitus a potentia intellectiva distinguitur.*
21. *Non potest in eodem intellectu simul stare actus Opinionis, & Scientia.*
22. *Nisi Opinio ad moralem assurgeret certitudinem, & tunc suum effectum non communicabit intellectui.*
23. *Idem de Habitibus Scientia, & Opinionis dicendum.*



Icut aliud est visio, aliud potentia videndi; aliud cantus, aliud habitus cantandi, & unum separari ab alio potest; ita aliud est actu scire, aliud habitum sciendi habere, & habitus esse sine actu potest: de utroque agendum est. Accipimus verò  
 Scien-



Scientiam propriè, hoc est, non pro quacunque cognitione, sed pro cognitione certa, evidente, & per causas necessarias.

I. *Queritur 1. Quid & an sit vera scientia actualis?*

*Resp.* Scientia benè ab Aristotele definitur: *Cognitio certa & evidens rei necessaria per suam causam vel effectum convertibilem.* Ex hac definitione colligitur, ad perfectam scientiam istas conditiones requiri. 1. *Certitudo* ex parte scientis, cui ex parte objecti respondet certitudo, seu infallibilitas objectiva. 2. *Evidentia.* 3. *Principia* seu præmissæ demonstrativæ, quales suprà descriptæ sunt. 4. *Objectum necessarium, per se, ac reale.* De quibus omnibus ordine dicendum.

II. *Resp. 2. Datur aliqua & vera scientia.* Cratili Philosophus negabat dari scientiam posse, res enim creatas in perpetuo fluxu motûque esse, & in momenta variari, & ideo asseri de illis nihil posse; si enim de rosa dixeris *floret*, jam forsan *deffloruit*: & de sole *lucet*, jam fortè *eluxit*, occiditque: & de igne *ardet*, jam forsan *arsit* & in fumum evanuit: & ideo nec verbis utebatur, sed solo nutu, digitique motu, quod crederet priùs rem emori, finiri, quàm orationem & verba. Eadem *Pythagora*, & *Socratis* opinio fuit. Plato duos Mundos constituebat, unum intelligibilem, alterum sensibilem; in hoc veritatem repetiri negabat, sed solam verisimilitudinem & apparentiam: in illo veritatem esse, sed nobis occultam, qui omnia à sensu discimus; sicut ergo alius in aula Rex, alius in theatro, in hoc larva & mendacium, in illa majestas vera; ita in Mundo sensibili larvas tantùm veritatis, & fucum videri.

Idem *Plato*, & cum illo *Academici* animas perpetuas esse ac æternas dicebant, & naturaliter ac sine studio rerum omnium scientijs, perinde ac cælum stellis, ornatas extitisse, cum verò corpori jungerentur, hausto oblivionis poculo scientias illas omnes oblitteratas, vel potiùs tectas esse, & paulatim studio ac labore excitari, eo ferè modo, quo scintillæ ignis cinere conteguntur, & hoc paulatim eventilato gliscunt iterum, emicantque: solam ergo *reminiscentiam*, non verò novas scientias

admittebat. *Democritus* veritates & scientias rerum puto quærebatur immerfas, fundo impervio & inaccessio. Vide S. Thomam 7. *Metaph. lect. 24.* & 1. p. q. 14. c. 3. & l. 2. *contra Gent. c. 83.*

*Ratio Conclusionis est* 1. Si Argumenta Platonicorum & Cratili aliquid evincunt, sequeretur nullas omnino cognitiones certas & indubitatas dari; sed negari non potest, aliquas dari, quis enim non certò cognoscit lapidem deorsum moveri, Platonem mortuum esse, meridiem solem lucere, rosam spinis involvi, &c. ? vel ergo hæ cognitiones sunt incertæ & tantùm verisimiles, vel sunt certæ & indubitatæ ? si primum ? cur semper, cur omnib<sup>9</sup> eodem modo apparent ? quæ enim incerta & fucata sunt, alijs aliter apparent, & tandem ab aliquo, & post multum temporis falsitas deprehenditur, aut saltem dubitatur, de illis verò nemo unquam dubitavit. Admove igni manum, spinis pedem, & dubita an hæc pungat, ille urat. Si *Apelles* penicillum & colores tabulæ admovent, certo prodibit imago : si *Polycletes* in marmore aut ære laboraverit, certò erit statua : si *Archimedes* lineas pulveri inscripserit, certò machina videbitur : si triticum severis, certè non emerget arbor : si pomum plantaveris, certè uvas non dabit ; si ergo regulæ artis certæ sunt, & certò, nisi aliquid obstat, unum, non alium effectum producant, oportet cognitiones quoque Artificis certas esse ac infallibiles, ab his enim regulæ & effectus artis sunt. Quodsi admittas dari cognitiones aliquas certas & indubitatas, ergo ex istis deduci aliæ certò & necessariò possunt ( ex causa enim necessaria nascitur effectus necessarius, & quod cum vero connectitur, necessariò est verum ) ergo istæ erunt cognitiones scientificæ, nihil aliud enim est scientia, quam cognitio necessaria ex necessarijs deducta.

2. Falsum quoque est fundamentum negantium scientias, dicunt enim omnia mutari & nihil perpetuum esse : at hoc est falsum, ut patet in Deo, in Angelis, in cælis, in anima rationali, in essentijs & proprietatibus rerum, semper enim verum est, si Petrus existit, est homo ; si homo existit, est rationalis, &c. hæc quidem propositio, *Petrus existit*, non est scibilis à priori, quia

quia non habet causam necessariam, est tamen à posteriori, quia habet effectus necessariò cum existentia connexos, & ita hæc consequentia est evidens & scientifica: *Petrus currit, ergo existit.*

3. Scientia est cognitio per suam causam; sed cognosci aliquid potest, & simul ejus causa, cur enim causa non sit cognoscibilis? cognosco diem esse, quia sol est; cognosco ignem sursum rapi, quia levis est; cognosco in infantibus caput notabiliter, & super alias partes corporis angeri, quia alimentum, quo sæpe vescuntur, & viscosa humiditas, quæ in illis abundat, calore naturali sursum, & in caput agitur, unde illi augmentum, &c.

4. Qui dubitant, sciunt se dubitare, ergo hoc saltem sciunt, & si hoc sciunt, certòque cognoscunt, cur non æquè alia multò certiora? multò enim certius est nivem esse albam, quàm Academicos dubitare an sit alba, hoc enim multis ignotum est, à multis negatum, illud certum, & negatum à nemine; si ergo dari scientia potest de rebus incertis, dubijs, à multisque negatis, cur non de rebus certis, indubijs, & quæ nemo unquam negavit?

5. Si nescimus quid sit verum, ergo neque quid sit vero simile; sicut fieri nequit, ut cognoscas Chrysippum Socrati similem esse, si Socratem non agnoscas; falsum ergo est, quod Academici dicunt, verissimile tantùm à nobis, non verum agnoscere.

6. Voluntas nihil amat, aut vult, nisi intellectus amanda cognoverit, si ergo, ut ajunt Academici, Sapiens nihil approbat, ne se committat periculo falsæ assertionis, quod temeritatis est, ergo voluntas æquè sine temeritatis periculo nihil amare aut odire, prosequi aut fugere debet: oportebit ergo sapientem dormire, & expertem omnium officiorum, ac virtutum vivere, eadem ergo sapientis vita & gliris erit totam huiusmem somno acquiescentis. Vide S. Aug. l. 3. contra Academ. Damasc. in Dialect. c. 1. Tertull. l. de An. Scorum in 1 d 3. q. 4.

III. *Queritur 2. An Scientia debeat esse certa, & evidens?*

Zzz 3

Ris.

*Resp. 1.* Oportet Scientiam esse *certam*; per hoc enim Scientia distinguitur ab opinione. *Certitudo* autem est triplex, *objecti*, *cognitionis*, & *cognoscentis*. *Objecti* certitudo idem est, quod ejus necessitas & infallibilitas. Certitudo *cognitionis* est hujus infallibilitas, cui falsum subesse nequit, nec semper oritur ex necessitate objecti, ut patet in fide, quæ est de rebus contingentibus, & tamen certa: certò agnosco Petrum currere, & tamen id contingit: & econtrà potest opinio esse de re necessaria, quia nobis ejus necessitas non apparet. Certitudo *cognoscentis* est firma intellectûs adhesio ad rem ut veram, & hæc potest cum falso conjungi. Ad Scientiam ergo triplex hæc certitudo requiritur, Scientia enim est de objecto necessario & ex præmissis necessarijs, unde oritur certitudo cognitionis, & cognoscentis.

*IV. Resp. 2.* Oportet Scientiam esse *Evidentem*. Nota Evidentiam nihil aliud esse, quàm *claram rei cognitionem*, aliud enim est rem aliquam certò, aliud clarè agnoscere: multa eminus, & procul, ac certò videmus, nec tamen clarè: certissimum mihi est, Aristotelem, Ciceronem, Plutarchum vixisse, quos tamen nunquam vidi, & de quibus nulla mihi clara & evidens cognitio: mysteria fidei certò cognoscimus, sed non clarè. Evidentia verò est duplex, *Sensus* & *Intellectûs*. Evidentia *Intellectûs* alia est *visionis*, quæ etiam *intuitiva* & *immediata* vocatur: alia *Intelligentia*. Illa est, quâ res & veritas aliqua immediatè & in seipsa, ac sine discursu cognoscitur, & hoc modo prima principia cognoscuntur. Evidentia *Intelligentia* est, quâ res clarè quidem, sed mediante discursu cognoscitur, & hæc ad scientiam est necessaria. Prima ergo principia ideo dicuntur evidentia, quia seipsis immediatè illuminant & determinant movéntque intellectum ad assensum ( sicut lux applicata oculum ad visionem determinat ) nec indigent auctoritate aliquâ extrinsecâ, motûque ac impulsu voluntatis sicut assensus fidei, qui evidens non est, nec immediatè ad propositionem objecti, sed ad extrinsecam auctoritatem imperiûmque voluntatis sequitur.

In Scientijs & cognitionibus naturalibus certitudo ex evidentia nascitur, S. Thom. *de verit. q. 14, a. 9.* veritas enim obscura

ra & obscurè proposita intellectui apparet, tanquam quæ possit esse & non esse, ergo intellectus ita iudicat illam esse, ut simul iudicet forsitan non esse, ergo non est certus. Conclusiones verò ex primis principijs deductæ ideo sunt evidentes, quia necessariam connexionem cum illis habent, & ob hanc connexionem participant vim illuminandi & determinandi intellectum ad assensum sine formidine. Hanc evidentiam scientijs necessariam esse docet expressè S. Thomas 1. 2. q. 67. a. 3. & in 3. d. 23. q. 2. a. 4. *quæstunc. 1.*

Cur ergo admittit S. Thomas Theologiam veram esse scientiam, cum tamen nitatur unâ saltem præmissâ fidei, & consequenter sit inevidens?

Re. Quia censet sufficere ad scientiam subalternatam, ut habeat evidentiam principiorum in scientia subalternante, Theologiam verò subalternari visioni Beatificæ. Vide S. Doctorem 1. 2. p. q. 1. a. 2. & opusc. 70. q. 2. a. 2.

V. Quaritur 3. An detur Scientia de *contingentibus*?

Resp. Scientia est tantum de necessarijs, non verò de *contingentibus*.

Ratio est 1. Scientia patitur Demonstratione, hæc verò constat principijs necessarijs, ex necessarijs verò sequitur necessarium,

2. Scientia est cognitio cæta, & sine omni formidine, ergo est de objecto non excludente certitudinem, nec admittente formidinem: sed contingentia quæ talia excludunt certitudinem, contingens enim, ut *contingens*, potest esse & non esse, nec habet certas sui causas, ergo sciri per certas causas non potest.

Obijciunt 1. Hic Syllogismus: *Omne animal dum currit, calescit: Petrus currit, & est animal, ergo Petrus calescit.* Hæc conclusio est contingens, & tamen certò ac evidenter cognoscitur.

Re. Hæc propositio, *Petrus calescit*, absolute est contingens, secundum quid, & datâ hypothesi, quòd currat, est necessaria (calor enim necessariò ex cursu provenit) & ut sic cognosci certò & evidenter potest. Similiter illa propositio, *Petrus currit*, absolute est contingens, datâ tamen hypothesi, quòd currat, & in *sensu composito*, est necessaria & evidenter cognoscibilis, imò per se no-

ta quoad sensum ( video enim currentem ) & ut sic potest fervire Demonstrationi saltem imperfectæ.

*Obijetur 2.* Deus cognoscit certò & evidenter futura contingentia, habent ergo certam & evidentem cognoscibilitatem, quid ergo impedit sciri posse?

*R.* 1. Deo omnia præsentia sunt in mensura æternitatis ( æternitas enim responderet, & coexistit omni tempori, sicut centrum toti peripheriæ ) præsens autem *ut præsens & in sensu composito* est certum & necessarium, ergo ut sic cognosci certò potest.

2. Aliud est rem certò & evidenter cognosci, aliud sciri; objecta enim sensibilia & prima principia certò cognoscuntur, non tamen sciuntur. Futura ergo contingentia cognosci certò à Deo possunt, quia illi præsentia, non tamen sciuntur, quia non habent certas & intrinsecas sui causas, si præcisè & in se spectentur, sine connexionem ad divinam & infallibilem voluntatem. Vide S. Thom. 1. p. q. 14. a. 13.

VI. *Quæritur 4.* Utrum de singularibus detur vera scientia?

*Resp.* De singularibus non datur scientia, saltem perfecta & apodictica.

*Ratio est 1.* Demonstratio perfecta & apodictica est de prædicatis reciprocis & formaliter ac per se competentibus subjecto: sed individua nulla hujusmodi reciproca & necessaria prædicata habent, cum enim v.g. concludis, *ergo Petrus est risibilis*, risibilitas est prædicatum Petri, non ut individuum est ( aliàs soli Petro conveniret ) sed ut homo est.

2. Singularia nullas habent proprietates, quæ demonstrari de illis possint, quæ enim illæ? aut si habent, nobis occultæ sunt, nec hætenus ullæ in lucem productæ, aut, nominatæ: si tamen aliquæ essent, dari de illis scientia posset, ut de Christo & Deo. Dantur tamen de singularibus evidentes certæque cognitiones & Demonstrationes Dialecticæ in *Darj*, in *Ferio*, &c. & in Astrologia de hac solis aut lunæ eclipsi, &c.

De *ente per accidens*, hoc est, ex pluribus, cum aliquo tamen ordine, compositis dari potest scientia, quia tali composito

fito possunt aliqua & necessaria proprietates competere; & ita Scientia Medica de pharmacis, Politica de Republica, Arithmetica de numeris agit.

VII. *Nota*: Scientia in hoc convenit cum alijs habitibus intellectuales, quod sit virtus intellectualis, hoc est, recta dispositio: tunc verò est recta, cum intellectum ita firmat, & defigit in verum, ut certò illi & sine formidine adhaereat; si enim intellectus deficere possit ad falsum, non est circa verum perfectè dispositus. Quomodo ab alijs habitibus differat, patebit ex infra dicendis.

VIII. *Quæritur* 5. Utrum omnis perfecta cognitio debeat esse per causam?

*Resp.* Scientia hoc ipso, quod est perfecta rei cognitio, debet procedere per cognitionem causæ.

*Ratio est* 1. Ex dictis de Demonstratione.

2. Cognitio est imago rei prout res est; sed est à parte rei per causas.

3. Intellectus rem cognoscens non ejus causam, est inquietus, nec illi cognitioni acquiescit, donec causam reperiat, & hæc repertâ satiatur & gaudet, ergo talis cognitio est imperfecta; sicut enim forma perfecta appetitum materiæ, & bonum perfectum appetitum voluntatis, ita verum perfectè cognitum appetitum intellectui innatum satiat, & si non satiat, non perfectè cognoscitur, v.g. intellectus experienciâ cognoscit, appetitum acidis provocari, & mordacantibus, nec tamen pacatur, nisi causâ repertâ, quia cum valde sint appetibilia & mordicantia fibras stomachales, & ipsum os stomachi quâdam titillatione & pruritu aperiunt, & calorem naturalem fodicant, excitantque.

4. Aristoteles 2. *poster.* docet, per causam solvi posse omnes quæstiones circa rem, *an sit, quod sit, qualis sit, & propter quid sit*; cum enim omne ens creatum sit causatum, quidquid habet, à causa habet, & per causam probari potest, etiam rei essentiam per causas materiales & formales cum physicas tum metaphysicas probamus: & in omni inquisitione speculativa quæcunque causam seu rationem aliquid sciendi, in practicis verò



causas & rationes aliquid faciendi, v. g. ægrotus querens & appetens sanitatem, rationes simul causasque eam consequendi querit. Cognitio etiam intuitiva, si est perfecta, aut est *virtualis* discursus, & consequenter scientia, aut saltem cognoscit effectum eiusque causam ac connexionem utriusque, & ita æquivalere scientiæ. Quodsi cognitio sit perfectissima, attinget omnes rei causas, etiam increatam; nulla enim est perfectio creatæ, quæ Deum non habeat pro causa idealis & finali, sitque ejus pulchritudinis, ac perfectionis manifestativa: vix tamen datur scientia humana tam absoluta, quæ omnes rei causas creatas & increatas attingat.

5. Cognitio rei ut est in se, non cognita causa, aut cognitio per effectum, est ad unum objectum limitata, & ipsum objectum cognoscitur tantum pro tempore, in quo est; cognitio verò per causas est valde universalis, & ad multos effectus ac veritates extensa, nec pro uno tantum tempore, v. g. qui hodie sereno sudorque cælo experitur majus esse frigus, quam heri aëre nubibus obducto, nec causam novit, nesciet, an cras, an perendie & deinceps idem frigus sit duraturum, nec poterit rationes solvere, quæ illam experientiam videntur impugnare, ut si quis arguat: Sereno cælo possunt stellæ & sol suum calorem liberiùs & sine impedimento diffundere, ergo magis aërem calefacere. At verò qui causam novit (ideo videlicet majorem calorem in terris esse cælo nubo quam sereno, quia nubes densæ frigidaque impediunt, ne calor terrestri dissipetur & in altum evolet, & istum nativo frigore in terras repellunt includuntque, calor verò inclusus major & intensior est: *deinde* cum nubes sint exhalationes sicæ & calidæ, & ideo leves, etiam ipsæ calorem directè augent causantque) etiam effectus cognitionem habet, nec tantum pro tempore, quo illum experitur, sed pro omni tempore, quo eadem causa fuerit, & facillè solvet quæ in contrarium opponuntur.

Quanti intersit rem & causas sciri, maximè apparet in scientijs practicis, v. g. qui novit eum, qui capite vehementer dolet, præcepto jejuniij non obligari, nec scit causam, parum  
novit

novit, & in alijs casibus facile errabit : qui verò causam novit ( quia videlicet leges humanæ non obligant cum gravi damno ) infinitas simul veritates, & conclusiones perfectas habebit.

IX. *Quæritur 6. Quid sit Scientia Habitualis ?*

*Resp.* Scientia Habitualis est *habitus intellectus certus & evidens rei necessaria per causam.* Patet ex dictis. Hujus verò Habitûs Scientifici unitatem & distinctionem sequentibus conclusionibus aperire aggredimur, rem utique difficillimam, & tamen ubique obviam.

X. *Quæritur 7. Utrum in omnibus Scientijs sit admittenda aliqua ratio formalis sub quâ ?*

*Resp.* In Scientijs admitti debet non solum objectum materiale, sed etiam formale, quod S. Thomas *rationem formalem sub Qua* appellat 2. 2. q. 1. a. 1. & nihil aliud est, quàm *ultima formalitas & cognoscibilitas objectiva, per quam aliquod objectum ita uni scientiæ aut potentiæ proportionatur respondetque, ut sub ea ratione attingi ab alia potentiæ aut scientiæ non possit; scientiæ enim sunt limitatæ, nec extenduntur ad quodlibet objectum, sicut nec potentiæ, ut patet; imò nec uni objecto integrè cognoscendo, aut consequendo una potentia, aut scientia sufficit; color v. g. est una & simplex qualitas, ut tamen visibilis ( quod fit per species visibiles pyramidaliter diffusas ) ad solum oculum spectat: ut intelligibilis ( quod fit per species intellectuales multò universaliiores, & quæ rationes abstractas entis, accidentis, qualitatis representant ) ad solum intellectum; ut interveniens imaginum delineationi, ad artem pictoriam: ut amabilis & appetibilis, ad voluntatem: ut sanitatis & morborum indicativus, ad artem Medicam, &c. ubi vides colorem esse objectum materiale, quod à multis Scientijs & potentijs attingitur, sed sub alia semper & alia ratione, quàm vocamus *rationem formalem sub Qua.**

Ratio ergo conclusionis est 1. ex modò dictis de limitatione Scientiarum, & potentiarum.

2. Inductione; in omnibus enim scientijs hujusmodi *ratio formalis sub qua* reperitur. In theologia objectum materiale est omne ens increatum, & creatum ut increati manifestativum:

*ratio verò formalis* est divina revelatio *virtualis*, in quam tandem omnia principia Theologica resolvuntur. In *Metaphysica* obiectum *materiale* est ens, *formale* quò ens, hoc est, ut abstractum ab omni materia individuali, sensibili, & intelligibili, nec enim agit de hoc vel illo singulari, nec de qualitatibus, ut cadunt sub sensum, sicut *Phylica*, nec de materia intelligibili ut est receptiva formarum; & tandem omnia principia metaphysica resolvuntur in principia entis realis. In *Physica* obiectum *materiale* est Corpus naturale, sed non sub tota sua latitudine (nec enim ut creatum ad aeternam felicitatem, quomodo pertinet ad Theologiam; nec ut sanabile, quomodo pertinet ad Medicinam; nec ut verum & bonum, quomodo ad Metaphysicam &c.) sed ut naturale, hoc est, ut principium motus & quietis &c. *naturalitas* ergò est *ratio formalis*. Obiectum *Logica materiale* sunt res mentis operationes non quomodocunque; nec enim ut vitales, ut essentia, &c. sed ut dirigibiles, & ideo dirigibilitas est *ratio formalis sub quâ Logica*.

Ubi adverte omnia principia *Logica* in eo convenire, quòd omnia conducant ad directionem trium mentis operationum: omnia principia *Metaphysica*, quòd demonstrent aliquas veritates de ente *ut sic*, & ideo omnia principia *Logica* & *Metaphysica* habent sufficientem unitatem specificam *in esse scibilis* (quavis non semper *in esse rei*) quia manifestant unam aliquam rationem obiecti, quæ ut sic in alias non dividitur; corpus enim naturale *ut sic* non dividitur per aliam specificam differentiam corporis naturalis *ut sic*: & color ut visibilis non dividitur per alias visibilitates specie differentes.

Dices: Etiam animal non dividitur per animalitates specie distinctas, sed tantum per differentias rationalis & irrationalis, & tamen non habet unitatem specificam, sed tantum genericam, ergo idem dicendum erit de visibilitate v. g. colorum, aliter enim niger, aliter albus videtur, aut si eodem modo videntur, dicam quoque animalis gradum eodem modo reperiri & operari in homine & bruto, cur ergo animalitas sit gradus tantum genericus, & non æquè visibilitas colorum? & si est gradus tantum genericus, quomodo specificat potentiam, & tamen gradus ani-

malis non specificat hominem aut brutum? Idem Argumentum fieri potest de omni *ratione formali sub qua* respectu omnium scientiarum.

2. Homo & brutum in ratione animalis specie non differunt, dicunt enim omnimodam similitudinem in modo & principijs sentiendi, & ita animal ut principium sentiendi est species, non genus, unde hoc exemplum nostram sententiam confirmat, non impugnat; nam etiam color niger & albus in ratione visibilis omnimodam dicunt similitudinem & convenientiam, habentque unitatem specificam, & hanc potentiz tribuunt, nec visibilitas colorum ut objectum potentiz visivæ per aliam visibilitatem, aut differentiam specificam magis contrahitur aut determinatur, quod fieri oporteret, si aliam unitatem quàm genericam haberet. Animal tamen respectu rationalis & irrationalis est genus, quia gradus sentiendi conjungitur per identitatem cum gradu ratiocinandi, & ab hoc notabiliter perficitur, sicut materia perficitur à forma; visibilitas autem colorum ut objectum visus non contrahitur per aliam differentiam, ut dictum est.

XI. *Quæritur 3. An ad specificandas Scientias præter rationem formalem sub quâ, sit necessaria aliqua abstractio à materia?*

*Resp.* Ut objectum Scientiam aliquam specificet, oportet à materia aliquo modo abstractum esse. Est ferè communis omnium Philosophorum, exceptis paucis è Recentioribus, quorum nec auctoritas, nec rationes tanti sunt, ut in eorum gratiam operæ pretium sit à trita & regia secedere. Vide Aristot. 6. *Metaph. c. 1. & l. 12. c. 16. & 1. de Anim. c. 1. S. Thom. opus, 10. q. 5. a. 1. & opus. de virt. q. 2. a. 4. & l. Poster. c. 23. Lect. 41. & 1. p. q. 3. a. 3. & 1. 2. q. 54. a. 2.* Pro explicatione hujus Conclusionis, quam omnes supponunt & nemo satis explicat,

*Notandum est*, triplicem assignari materiam, quæ impedit & obumbrat scibilitatem objecti, & consequenter abstrahi objectum potest, ut scientiam specificet, & quò perfectior est abstractio, perfectior etiam erit scibilitas objecti, & consequenter etiam scientia, quam specificat: sicut enim corpus densum mi-

nus est receptivum lucis, quàm diaphanum & pellucidum, ita ens materiale, quò magis tale est, minus habet cognoscibilitatis, & veritatis, quæ sciri possit, ut patebit ex dicendis.

Prima igitur est *materia singularis*, hæc absolute impedit objectum sciri, & ideo omnis scientiæ objectum abstrahit à singularibus, singularia enim *ut sic* sunt mutabilia, infœcunda, ignota (quoad differentias numericas substantiales) infinita, inordinata, nec cadunt in nostram cognitionem, nisi per differentias merè contingentes. De Deo quamvis singulari datur scientia, quia est causa effectiva, finalis, & idealis rerum omnium existentium & possibilem, & ita *essendo & causando universalis*.

Secunda est *materia sensibilis*, hoc est, ut effecta qualitatibus sensibilibus: hæc materia non impedit quidem objecti scibilitatem, imò Physica de sensibilibus agit, v. g. de primis qualitatibus, calore, frigore, &c. saporibus, coloribus, sonis, &c. & ex sensibilibus experientia (v. g. eclipsibus, motu, otu, interitu) ad eorum causas indagandas procedit. Habent etiam sensibilia causas necessarias, per quas demonstrari possunt, eclipsin enim lunæ demonstramus per umbram terræ, calorem infimæ regionis aëreæ, per reflexionem radiorum solatium.

Negari tamen haud potest ab hac ipsa concretionem cum materia sensibili multum scientias impediri, adeò ut quamplures Philosophi negaverint scientiam de rebus naturalibus dari, & ratio est, *tum* quia res sensibiles ut tales sunt singulares, de singularibus verò non est scientia: & quamvis intellectus abstrahat à singularibus species universales, istæ tamen retinent semper aliquid de imperfectionibus singularium, à quibus abstractæ sunt, sicut aquæ ex floribus aut herbis extractæ ac distillatæ semper aliquid odoris & qualitatis habent suorum florum, & prunus ceraso inserta aliquid ex pruno sapit, olæque: *tum* quia scientia rerum sensibilibus à sensibus est, isti verò sæpe falluntur, maxime obiecto non satis applicato, aut medio infecto, aut organo corrupto: *tum* quia experientia sensuum raro est universalis, & ideo non potest intellectum inducere ad ferendum iudicium univer-

sale

sale; sicut enim non valet hæc consequentia: *Homo necessario respicitur; equus necessario respicitur; bos necessario respicitur, ergo omne animal necessario respicitur*, ita nec ista: *Ignis A necessario calefacit, ignis B ignis C necessario calefacit, ergo omnis ignis: tum* quia res sensibiles licet habeant causas necessarias, sæpè tamen ab alijs causis fortioribus impediri possunt, ne eveniant, & ita de illis non potest ferri absolutum iudicium, sed tantum conditionatum, nisi aliud impediatur, v. g. est mater, ergo necessario amat filium, nisi alia & fortior passio impediatur: Leo & lepus habent palpebras breves, stricteque, ergo dormiunt oculis apertis, nisi aliud occurrat, quod palpebrarum brevitatem & defectum suppleat: Animalia domestica melius nutriuntur, minusque cursu & labore exercentur silvestribus, ergo cæteris paribus, & nisi aliud accedat, sunt fecundiora.

Tertia est *materia intelligibilis*, hoc est, *quantitas*; hanc considerat Mathematica ut abstractam ab omni materia sensibili, agit enim de lineis, de triangulis, de sphaeris, circulis, abstractendo, an sint colorati, frigidi, calidi, mobiles, &c. Dantur de quantitate tam continua, quam discreta veræ Demonstrationes, v. g. linea parallela secundum omnes sui partes ab alia æquidistat, ergo etsi in infinitum producat, nunquam cum alia concurrat: linea recta intra eadem puncta minus occupat spatij, quam circularis, ergo semper est brevior circulari: Numerus senarius bis continet tria, & octonarius bis continet quatuor, ergo senarius & octonarius æqualem habent proportionem.

Habet quidem Mathematica Demonstrationes valde evidentes evidentiâ tam sensibili, quam etiam rationali, dependent enim à certissimis & evidentissimis axiomatibus, v. g. *Qua eadem sunt æqualia, etiam sibi sunt æqualia*, ut si numerus *A* & *C* sint æquales numero *B*, etiam sibi æquales erunt. *Si æqualibus adduntur æqualia, etiam tota sunt æqualia*; si enim numeris 2 & 2 addas alios æquales 4 & 4, fient 6 & 6, qui numeri sunt æquales, &c. Patiuntur tamen etiam veritates mathematicæ suos defectus, *tum* quia dependent à sensibus, ut proportionem sonorum, partium, motus celestes, linearum visibiles, &c. *tum* quia nimis remotæ pendent ab illis



illis principijs per se notis, v. g. ex hoc principio, *Quæcunque sunt uni tertio æqualia, sunt etiam æqualia inter se*, deducitur hæc conclusio: *Ergo super datam lineam rectam describi potest triangulus æquilaterus*: cùm ergo conclusiones mathematicæ sint à principijs valde remotæ, facile in eorum applicatione error contingere potest, & certitudo rationalis deficere: *tum* etiam quia praxes & speculationes mathematicæ à varijs instrumentis dependent, in quibus ex artificum ignorantia, incuria, ex defectu applicationis, medijs, hallucinari in promptu est, *tum* quia Mathematica nullius entis realis naturam & essentiam considerat ut in se est, hoc enim ad Physicam vel alias scientiâs pertinet, sed ut imaginationi subest, sub qua ratione nulla res est causa, & principium suarum passionum: *tum* quia principia, quibus Mathematici suas conclusiones demonstrant, talia sunt, ut etiam si non essent, nihilominus proprietates darentur; non ergo demonstrant per causas proprias & per se, sed per accidens & extraneas. *Antecedens probatur.* Demonstrant latera trianguli esse æqualia, quia sunt latera ducta ad circumferentiam æqualium circulorum: *tum denique* quia passionum, quæ in Mathematica demonstrantur (loquor de puris Mathematicis, non de mixtis) omnes ferè sunt contingentes & casuales, v. g. super data recta linea triangulum construi, triangulum esse æquilaterum, &c.

Metaphysica verò, quia abstrahit ab omni materia singulari sensibili & intelligibili, considerat enim naturas, quæ secundùm se extra omnem materiam esse possunt, ideo etiam est certissima, & superat certitudinem Mathematicam, *tum* ex parte objecti, quod quò magis est à materia separatum, eò nobilius & immutabilius ac certius est, *tum* ex parte principiorum, tradit enim & considerat, explicatque omnes terminos, ex quibus principia aliarum scientiarum constant, v. g. quid ens, existentia, substantia, accidens, totum, partes, actus, potentia, possibile, impossibile, & tandem deducendo ad impossibile per illud generalissimum & notissimum, *Quodlibet est, vel non est*, in quod resolvitur tandem tota ars Syllogistica, & consequenter omnes scientiæ. De quo vide Suar. d. 3. *Metaph. sect. 3.*



Paret ergo ex jam dictis, ut objectum reddatur scibile, necessariam esse aliquam abstractionem à materia, & quò magis ista removetur, eò certius objectum reddi, suamque certitudinem in scientiam derivare, & inductione etiam patet, agentia immaterialia magis esse cognoscitiva, ut in Deo, Angelis, animalibus; & inter sensus externos oculus, quò nobilior & immaterialior, eò etiam nobiliores exercet operationes, magisque objectum suum cognoscit: sicut ergo immaterialitas *subjectiva* est ratio cognoscendi & intelligendi, & ideo S. Thomas *1. p.* probat Deum esse intellectivum, quia est immaterialis; ita immaterialitas *objectiva* est ratio, ut objectum reddatur scibile, objectum enim separatum à materia redditur magis intellectui proportionatum, & consequenter magis intelligibile, intellectio enim fit per assimilationem; tantò autem faciliùs objecto suo Intellectus assimilatur, quantò magis objectum proportionatur intellectui, sicut & elementa symbola faciliùs transmutantur, & ignis faciliùs agit in arida, & tenuia, quàm in humida & densa, quia illa propiùs ad naturam ignis accedunt.

XII. *Queritur* 9. An ad Unitatem Scientiarum sit etiam necessarium lumen principiorum?

*Resp.* Ad unitatem specificam scientiarum pertinent etiam, & concurrunt principia Demonstrationis. Expressè Aristoteles *1. 1. Poster. 6. 23.* & ibi S. Thomas *lect. 41. & q. 9. de verit. a. 1. & 1. 2. q. 54. a. 2. ad 2. & 2. 2. q. 1. a. 1. & 1. p. q. 1. a. 1.*

*Nota*, quòd sicut colores illustrari possunt & reddi actu visibiles non per unam tantum lucem, sed per multas & diversas, v. g. solis, lunæ, facis, gemmæ, &c. ita & veritas aliqua & conclusio deduci & manifestari potest per diversa principia, v. g. hæc propositio: *Deus de rebus etiam minimis providentiam gerit*: demonstrari potest per principia *Theologica* hoc modo: Deus providentiam habet de passeribus, de folijs arborum, de capillis capitis, de lilijs agri, ut patet ex Evangelio: at hæc sunt minima, ergo de minimis providentiam habet. Hæc Demonstratio est Theologica non tantum ex parte principiorum, sed etiam ex parte conclusionis demonstratæ, hæc enim in hoc Syllogismo cognoscitur non omni ratione & modo, quo cognoscei

potest, sed ut deducta, ut illata, ut connexa, & ut cognoscibilis per principia revelata; specificat ergo cognitionem, ut est cognoscibilis, & scientiam, ut est scibilis (sicut color specificat visum ut visibilis, non ut appetibilis aut intelligibilis) sed in præfacto Syllogismo providentia divina est tantum cognoscibilis per principia illa Theologica & revelata, ergo ut sic & non aliter specificat scientiam & cognitionem, ergo principia pertinent ad specificationem conclusionum & scientiæ actualis, & consequenter ad specificationem scientiæ habitualis, habitus enim talem speciem habent qualem actus habent, nam ex actu cantandi generatur habitus cantandi, non pingendi, aut fidi-bus ludendi. Potest etiam eadem conclusio de providentia Dei etiam in minimis demonstrari principiis *Physicis* hoc modo: Providet Deus Halcyonum partui, sedatis compressisque ventis, quamdiu ad mare fœtificant; providet Deus minimis etiam flosculis datis fibris, quibus alimentum attrahant, & semine, quo propagentur: providet Deus formicis dato illis instinctu, quo in hyemem grana convehant, & morsu corrodat, ne herbescant, &c. atqui hæc sunt minima. Potest etiam *Metaphysicè* demonstrari. Deus est infinitæ sapientiæ & bonitatis, ergo non lassatur nec impeditur à gubernatione Mundi, curâ rerum finitarum. Plus est producere, quàm producta dirigere aut curare: Deus etiam minima produxit, ergo & curat. Et *deducendo ad impossibile*: Minima, quorum, ut dicis, nulla est Deo cura, vel sunt, vel non sunt? Si sunt, utique illis Deus providet, quia conservat, nisi enim conservaret, perirent: quis verò dicat Medicum ægrototo non providere, cui vitam fugientem remedijs conservat & sanitati reddit? si non sunt, curâ & providentiâ non egent. His ergo exemplis habes eandem conclusionem varijs principiis demonstrari posse, & pro varietate principiorum alias & alias habere cognoscibilitates, & ita ad alias & alias scientias pertinere.

Conclusionis ergo sic explicatæ *Ratio est* ex dictis: Objectum specificat scientias prout est scibile, sed scibilitas objecti est connexio hujus cum principiis per quæ demonstratur, ergo hæc connexio pertinet ad specificationem, & variatis principiis

pijs variatur necessariò scibilitas objecti. Tunc verò habent principia Demonstrationis unitatem specificam, quando intra eamdem abstractionem omnia conducunt conspirantque ad demonstrandas proprietates de suo objecto formali, vel quando intra eamdem abstractionem unum principium derivatur ex alio, tunc enim non censentur habere diversam vim manifestandi, & illuminandi conclusionem, quia secunda principia sortiuntur à primis viriutem inferendi, & ita tandem reducuntur ad unam primam radicem demonstrandi. Vide S. Thom. *l. 1. Poster. lect. 41.*

Ideo ergo omnia principia *Metaphysica* habent unitatem specificam in genere scibilis, quia omnia sub perfecta abstractione ab omni materia etiam intelligibili sunt manifestativa unius rationis objectivæ, videlicet entis ut sic. *Idem dicas de Physica & Mathematica.* *Logica* non habet specialem abstractionem, versatur enim circa tres mentis operationes, quæ licet sint immateriales, utuntur tamen organis & speciebus corporeis: procedit tamen modo practico regulas præscribendo, non contemplando naturam actuum, quos dirigit, & ideo non opus est illi propriam assignare abstractionem, cum loquamur de Scientijs merè speculativis.

XIII. Ex dictis *Colliges 1.* Unitatem scientiarum non desumi ex objecto materiali circa quod versantur.

Ratio est 1. Materia quæ talis non est radix specificationis.

2. In una scientia innumera sunt ferè objecta, quæ considerantur, ut patet in *Physica*, & econtrà plures scientiæ circa idem objectum materiale versantur, v. g. *Physica* & *Medicina* circa corpus humanum, *Metaphysica* & *Theologia* circa Deum, & *Intelligentias*, &c.

XIV. *Colliges 2.* Unitatem & specificationem Scientiarum desumi ab unitate rationis formalis sub qua, & unitate principiorum intra eamdem abstractionem. Contra has positas conclusiones

XV. *Obijciunt 1.* Intra eamdem abstractionem dantur scientiæ specie distinctæ, ergo unitas specifica scientiarum non attenditur penes abstractionem.

*Antecedens* probatur. *Arithmetica*, & *Geometria* sunt Scientiæ quæ specie distinguuntur, & tamen habent eandem abstractionem, utraque enim abstrahit à materia sensibili tantum, non verò à materia intelligibili, hoc est, quantitate: *contrà Musica* est una specie scientiæ, & tamen non habet unam abstractionem; ut enim versatur circa numerum, habet abstractionem *Mathematicam*, ut verò versatur circa sonorum, habet abstractionem *physicam*. Idem dicas de alijs scientijs *Mathematicis* mixtis; *Perspectiva* enim versatur circa lineam visuale, *Astrologia* sphaeras & magnitudines cœlestes, *Cosmographia* magnitudinem, figuram, distantiam Mundi & corporum mundanorum, &c. ubi semper apparet abstractio duplex, *Mathematica* & *Physica*.

§. 1. Unitas Scientiæ non desumitur ex sola abstractione, sed ex unitate principiorum: *Arithmetica* autem & *Geometria* non resolvuntur in eadem principia; primum enim *Geometria* principium est *punctum*, primum *Arithmetica* principium est *unitas*, hæc demonstrat *multitudines*, illa *magnitudines*, & quamvis tam *unitas*, quàm *punctum*, tam *magnitudo*, quàm *multitudo* sint species quantitatis *in esse rei*, non tamen *in esse subitis*: tum quia *Arithmetica* v. g. non considerat quantitatem ut quantitas est, hoc enim ad *Physicum* pertinet, sed ut discretam & numerabilem, hoc est, varijs modis ordinabilem, & infinitas proportionem induentem: tum quia ex solis principijs quantitatis *ut sic*, hoc est, ut est ens extensum & naturale, nullam deduces conclusionem *Arithmeticam* aut *Geometricam*, ut experienciâ & inductione patet.

2. Abstractio *Mathematica*, *Geometrica* & *Arithmetica* specie differunt; *Arithmetica* enim abstrahit *ratione* ab omni materia *sensibili*, & *intelligibili*, considerat enim proprietates numeri sine omni respectu ad quantitatem continuam, quæ tamen abstractio est tantum *rationis*, cum à parte rei nullus numerus naturalis, & sensibilis reperiatur quantitati non conjunctus, & ideo abstractio *Arithmetica* differt ab abstractione *metaphysica*, quæ non tantum est *rationis* sed etiam *rei*, datur enim ens reale extra omnem materiam intelligibilem. Non ergo mirum, est *Arithmetica*, & *Geometria* specie differre, cum habeant abstractiones

nes *specie* & valde *notabiliter* distinctas : & ob hanc etiam rationem multi admittunt, *Physicam* non esse unam scientiam, sed constare ex pluribus specie distinctis *physicis*, quia habet abstractiones à materia *notabiliter* distinctas, Anima enim est objectum à materia sensibili magis abstractum quam elementa, mixta, cœli, &c. Sed hæc differentia videtur esse tantum secundum *magis* & *minus*.

3. *Musica* & aliz *Mathematicæ* mixtæ procedunt sub una abstractione ; omnes enim *Mathematicæ* abstrahunt à materia sensibili, nec enim considerant proprietates ut per *sensum* notas, sed per *imaginationem*, sphaeræ enim v.g. cœlestes, circuli, poli, gradus, imagines Zodiaci non *sensu* sed *imaginatione* comprehenduntur : *idem* dicas de angulis, triangulis, quadratis, quæ in singulis ferè superficiebus *Mathematicis* notat.

Vel etiam dicendum est, *Mathematicas* mixtas, quæ puris *Mathematicis* subalternantur (ut *Musica*, *Perspectiva*, *Astrologia*, *Cosmographia*, *Machinativa*, &c. absolutè loquendo esse scientias naturales, expressè docent Aristoteles 2. *Physic. text. 2.* & ibi S. Thomas *lect. 2.* & 2. 2. q. 7. a. 2. ad 3. habent enim objectum naturale, nec abstrahunt à materia sensibili ; *Optica* enim non considerat lineam quæ talem ut *Geometria*, sed ut visuale, & *Musica* non considerat numerum *ut sic*, sed quæ sonorum ; objectum ergo *formale* istarum scientiarum dicit unicam abstractionem, eamque *physicam* seu *naturalem*, hoc est, à materia singulari, non verò à materia sensibili.

Quia tamen *Musica* subalternatur *Arithmetica*, ut postea dicetur, & quia sonorum conjunctum numero tanquam objecto *materiali* fundat alias & alias proprietates, ac proportionem, quas sonus absolutè non habet, ideo ex parte scientiæ subalternantis, ac principiorum, quæ ab ista derivantur ; item ex parte objecti *materialis* *Musica* induit etiam abstractionem *Mathematicam* ; quæ tamen non specificat, cum sit extranea (pertinet enim ad scientiam subalternantem) & tantum ex parte objecti *materialis*.

*Astrologia* ergo, *Cosmographia*, *Geographia*, *Hydrographia* & *Optica* ex parte objecti & abstractionis *formalis* non distinguuntur à *Physica*, distinguuntur tamen ex parte obje-

Bbbb ;

Ai

jecti materialis & subalternationis ad Arithmeticam & Geometriam, quarum principia applicantur ad illuminandas, & demonstrandas veritates simpliciter physicas, & naturales. Quamvis verò quæ differunt genere differant etiam specie, quia differentia specifica genericæ identificatur, non tamen, quæ differunt materiâ differunt etiam formâ, ut patet in circulo aureo & ferreo; numerus autem, ut dixi, se habet tantum materialiter ad objectum Musica, cujus formale est sonus, & proportio soni. Alio tamen respectu principia Arithmetica, quibus proprietates Musica demonstrantur, vocari possunt objectum formale, quia reddunt conclusiones musicas actu scibiles, & demonstrabiles. S. Thom. l. 1. Poster. lect. 25. & 2. 2. q. 9. a. 2. ad 3. quamvis hoc sit Arithmetica (idem dicas de alijs scientijs subalternantibus) merè per accidens & extrinsecum: sicut luci corporali per accidens, & extraneum est, quod possit illuminare hominem, & equum, &c.

Obijciunt 2. Ergo Theologia & Metaphysica specie non distinguuntur, habent enim eandem abstractionem ab omni materia etiam intelligibili.

Re. 1. Objectum Metaphysica abstrahit à materia corporea tantum *præcisivè*, non *negativè*; nec enim repugnat enti reali ut sic (quod est objectum Metaphysica) cum materia physica conjungi, & ideo Metaphysica agit etiam de substantia & essentia materiali, de essentia quantitatis, &c. Multò minùs repugnat objecto Metaphysica compositio ex materia metaphysica, hoc est, ex genere & differentia. At verò objecto Theologia, quod est Deitas, repugnat omnis materia tam physica, quàm metaphysica, cum enim Deus sit actus purus, non potest concipi cum ulla potentialitate generica.

2. Specificatio Scientiarum præcipuè ex principijs sumitur, principia verò Theologica non sunt ejusdem speciei cum principijs metaphysicis, tum quia supernaturalia, tum quia non ordinata ad idem objectum formale cognoscendum, tum quia non *intrinsicè* cum objecto connexa, revelatio enim divina, & habitus fidei nec sunt causæ, nec proprietates entis realis: &c.

Obj-

*Obijciunt* 3. *Habitus principiorum specie distinguitur ab Habitu scientiæ, & tamen potest habere eandem abstractionem, ergo specificatio, & unitas scientiarum non potest ex abstractione peti.* Antecedens probatur in hoc Syllogismo: *Omne album disgregat visum, nix est alba, ergo disgregat visum.* Major & minor sunt per se notæ; ergo pertinent ad habitum principiorum, & tamen abstrahunt à materia tantum singulari, non verò sensibili.

¶ Scientia est habitus discursivus & deductivus, & ideo pro objecto habet necessariò veritatem aliquam non per se notam, sed ex per se notis demonstrabilem: ut ergo duo habitus sint ejusdem speciei, non sufficit, ut habeant eandem abstractionem, sed oportet objectum sub eadem abstractione esse per notiora cognoscibile, quod non reperitur in objecto *Habitus principiorum*, non ergo mirum distingui.

*Obijciunt* 4. *Immaterialitas objecti potest una & eadem esse, & tamen de illo dari distinctæ scientiæ, sicut de Deo agit Theologia & Metaphysica & Physica, non ergo immaterialitas objecti scientias specificat.*

¶ Si omnes Scientiæ cognoscerent objectum *sicuti est*, una tantum de omni objecto daretur scientia; sicut quia Beati omnes vident Deum *sicuti est*, una est omnium Visio Beatifica; scientiæ verò naturales nec totum objectum suum cognoscunt, nec eodem modo: *Metaphysica* Deum cognoscit ut causam totius entis creati, *Physica* ut primum motorem omnium motuum sensibilibium, *Theologia* Deum ut Deum: *Metaphysica* omnes perfectiones entis creati in Deo notat, quia est causa totius entis: *Physica* omnes perfectiones sensibiles *eminenter*, quia est causa omnium sensibilibium; *Ethica* omnes perfectiones morales, quia est causa idealis & finalis omnium virtutum; *Theologia* verò omnes omnino & infinitas perfectiones, quia utitur lumine divino & naturam excedente; quamvis ergo Deus sit semper & eodem modo immaterialis, non eodem tamen lumine, nec sub eadem abstractione est cognoscibilis, & ideo pro diversitate luminum & abstractionum est etiam diversitas scientiarum: sicut color, quamvis sit unus idemque respectu oculi & intellectus, non est tamen æquè cognoscibilis, & ideo duabus distinctis potentij opus



pus est, & quamvis luna sit eadem respectu Astrologi, Nautæ & Medici, alijs tamen instrumentis opus est ut *astrologicè*, alijs ut *nauticè*, aut *medicè* cognoscatur: & marmor idem est respectu Architecti, & sculptoris, alijs tamen instrumentis, alijsque artibus opus est, ut in statuam, aut domum aptetur.

*Obijciunt* 5. Scientia à priori & posteriori specie distinguuntur, & tamen habere possunt eandem abstractionem *physicam*, v. g. possum demonstrare hominem esse risibilem, *quia est rationalis à priori*, vel *quia ridet, à posteriori*, & tamen utraque hæc propositio, *Homo est rationalis*, *homo est risibilis*, pertinet ad objectum & abstractionem *physicam*.

8c. 1. Ille assensus, *Homo est risibilis, quia rationalis*, differt ab isto, *Homo est risibilis, quia ridet*, specie *materiali* tantum, sicut circulus aureus à circulo ferreo, & manus ab oculo; quamvis enim motiva sint *realiter* & *enitativè* distincta, non tamen *formaliter* & in *esse* *scibilis*, habent enim eandem abstractionem *physicam*, & ordinantur ad objectum naturale, quàm naturale, demonstrandum.

2. In rebus physicis multi admittunt abstractiones specie diversas, effectus enim (per quem fit demonstratio à posteriori) *immediatè* cadit sub experientiam sensuum, nec aliter est cognoscibilis, causa verò *mediatè* tantum; sed hoc arguit tantum Demonstrationes *Quia* & *Propter quid* sub eadem abstractione & connexionione ad idem objectum *formale* demonstrandum, differre tantum, ut *magis* & *minus* perfectum, sicut lux cælestis & elementaris. De quo vide S. Thom. in 4. d. 44. q. 2. a. 4. Conimbr. l. 2. de ælo. c. 6. q. 3. Sicut ergo eadem lux est id, quod videtur, & quo omnia colorata videntur, quamvis *materialiter* distincta, & unum alio magis visibile, & ipsa cognoscitur, & est ratio, ut alia omnia intra sphæram scibilitatis & abstractionis cognoscantur; v. g. *Physica* agit de Cælo, ut est corpus mobile & sensibile; & de Anima, ut est actus corporis mobilis & sensibilis, ergo omnia tandem principia *physica* resolvuntur in principia mobilis, & motus sensibilis, & hinc habent unitatem; sicut omnes lineæ à diversissimis & distantissimis imò oppositis partibus circuli tandem in centro uniuntur, & hinc habent unitatem, quam-

vis

vis extra centrum spectata non tantum sint multa, sed etiam opposita, sic conclusiones & Demonstrationes physicae v. g. Si extra abstractionem physicam & formalem rationem sub qua considerentur, nullam habent unitatem, sed distinctionem. & difformitatem.

*Obijciunt.* 6. Sufficit unus intellectus pro omni objecto intelligibili, ergo & una scientia pro omni objecto scibili; sicut enim verum est objectum unius potentiae, cur non etiam unius scientiae?

¶. Tanti hoc Argumentum est, quanti istud: Sufficit una manus pro omni operabili, cur non & unum instrumentum? & sicut una est manus, quae pingit, quae sculpsit, quae texit, cur non quoque eodem penicillo & pingat, & sculpat, & texat? Sicut ergo non valet consequentia de manu ad instrumenta, ita nec de intellectu ad scientias, nam & istae sunt intellectui instrumenta ad veritatem cognoscendam.

*Ratio* ergo *disparitatis* est, quia potentia est illimitior & universalior, & instar causae principalis ac altioris, cujus quoque objectum latius & illimitatius; Habitus vero sunt causae instrumentales intellectui deservientes, & ideo habent objectum limitatius. Quanta autem sit latitudo & sphaera habitus scientifici, optime desumitur ex abstractione objecti, ejusque *ratione formali sub qua*. Rursus Scientia habitualis, & actualis sunt in intellectu sicut formae in sua materia & subiecto, potentia autem materiae & subiecti est ad plures formas: sicut ergo non sequitur; Sufficit unum speculum ad recipiendas imagines rerum plurimarum, ergo etiam sufficit una imago ad hoc ut exprimat res & facies innumeras: sufficit una cera mille figuris & sigillis imprimendis, ergo & una figura; ita non sequitur, &c.

*Obijciunt* 7. Omnium Scientiarum principia resolvuntur tandem in principia metaphysica, aut in experientiam sensuum, ergo duae tantum sunt scientiae, *Metaphysica* & *Physica*, si unitas Scientiarum ex unitate principiorum desumenda est. *Antecedens* probatur, tum quia omnes conclusiones Logicae, Physicae, ac etiam Mathematicae tandem ad haec principia reducuntur, *Quodlibet est aut non est: Dictum de omni dictum de nullo: Quaecunque sunt ea-*

*dem uni tertio, &c. Quæ eidem sunt equalia, etiam inter se sunt equalia: Si ab equalibus auferantur equalia, quæ remanent sunt equalia: Si inæqualibus addantur equalia, tota sunt inæqualia, &c.* tum quia nihil est in intellectu, quodd non prius fuerit in sensu, ergo omnes habitus intellectuales, quales sunt scientiæ, utuntur principijs, & abstractione sensibili, cur ergo non omnes sint physici?

**¶ 1.** Omnes conclusiones scientificæ resolvuntur in principia metaphysica ranquam in principia extranea & remota, & extra propriam abstractionem, & ideo etiam sine illis dari possunt Demonstrationes perfectissimæ, & ex proprijs, v. g. in Physica hoc est principium per se notum, *Contraria contrarijs pelluntur*: in Mathematica, *Ab omni parte circuli duci potest linea recta ad centrum*: in Arithmetica, *Omnis numerus in se ductus & multiplicatus est quadratus*: in Ethica, *Nemo amat nisi bonum*, Principia tamen metaphysica ideo sunt utilia, quia cum sint universalissima, sunt etiam clarissima; sicut enim nemo est tam rudis, qui non omnia cognoscat subtractione entis (quis enim nescit ignem esse aliquid, oculum esse aliquid, &c?) ita qui principijs immediate cum ente connexis non assentiarur. Deinde cum res definimus, easque ab alijs distinguimus, *Metaphysica* medium demonstrandi ministrat, quia ipsa de essentijs rerum, & distinctionibus agit; quæ tamen media non sunt propria, sed extranea & remota, cum inserviant pluribus Demonstrationibus, v. g. hoc principio, *Quæ realiter non distinguuntur, non tantum realiter separari*, non tantum probabis in homine animam rationalem & vegetativam separari non posse, sed etiam nec gradum sensitivi à gradu substantiæ, nec potentiam receptivam à materia, nec aptitudinem inhærendi ab accidentibus, &c.

**2.** Verum etiam est omnes scientias, etiam *Metaphysicam*, uti ministerio sensuum: sed Physica hæret inter sensibilia, Mathematica verò pergit ultra sensum, & Metaphysica super omnem materiam; sicut v. g. omnia metalla ex terra & in terra nascuntur, sed non omnia æquè à sole elaborantur; uni enim perfectior forma & excoctio, quàm alteri, par origo, sed impar progressus, & absolutio; sic omnis veritas ab objecto sensibili in Intellectum cadit, sed ab hoc, auxilio scientiarum, perfectiùs, & perfectiùs consideratur.

*Cur*

Cur ergo non tot scientiæ physicae, quot sensus externi?

*Resp.* Quia Intellectus ut ab objectis sensibilibus propositionem aliquam scientificam educat, non sinit in cognitione & sensatione unius tantum sensibilis, sed plura confert, & considerat, quæ sensu exploravit; si enim semel tantum vidisses nivem albam, non posses pronuntiare, *Nix est alba*, vel, *Albedo est proprietas nivis*; hæc verò plurium collatio requirit memoriam præteritorum: memoria non est in sensu externo (fertur enim tantum in præsentia) sed in solo interno; cum ergo sint duo sensus interni præcipui, sensus communis, & imaginatio, horum ministerio Intellectus utitur; sensu quidem communi in Physicis, imaginatione in Mathematicis.

XVI. *Quæritur 10.* Utrum Scientia sit una simplex qualitas?

*Resp.* Ex Sententia S. Thomæ, 1. 2. q. 54. a. 4. habitum scientiæ esse simplicem qualitatem, sicut enim una est, & simplex anima, quæ aures ad audiendum movet, oculos ad videndum, caput ad ratiocinandum, sanguinem ad alendum, ita unum, & simplicem habitum sufficere ad instruendum, & illuminandum Intellectum circa totum objectum, & omnes conclusiones unius scientiæ, v.g. *Physica*. Suarez cum Recentioribus negat habitum esse simplicem qualitatem, sed ex multis partialibus conflatum, ordine tamen conjunctis, & subordinatis, ita ut singuli habitus partiales inclinent Intellectum ad assensum certarum conclusionum, & ad vincendas difficultates, quæ circa singulas conclusiones occurrunt. Res est parvi momenti.

Hactenus de *unitate scientiarum*, nunc ad earum *subalternationem* veniendum est, nam & hæc est aliqua species unitatis.

XVII. *Quæritur 11.* Quid, & quotuplex sit subalternatio scientiarum?

*Resp.* Scientia subalternata dicitur, quæ sub altera continetur. Potest autem multis modis una scientia alteram sub se continere; *Primo ratione finis*, quando videlicet finis unius ordinatur ad finem alterius; sic *Frano-factoria ars* subordinatur *Equestri*, hæc *Militari*, *Militaris Politica*. Hæc prima subalternatio non est propria, nec de illa agimus; Propria enim & scientifica subalternatio est, quando subalternata non habet principia per

se nota, sed tantum per principia subalternantis, & ideo in *ratione scientia* essentialiter dependet à subalternante tanquam ab habitu principiorum: sicut color licet *in esse rei* non dependeat à luce, dependet tamen necessariò *in esse visibilis*; sola ergo subordinatio *finis* non sufficit, nisi accedat subordinatio *illuminationis*.

*Secunda est subordinatio principiorum*; si ergo scientia aliqua non habeat ulla principia per se nota, sed illa tantum à subalternante accipiat, erit *propria & simpliciter dicta* subalternatio, quomodo *Musica Arithmetica, Optica Geometria*, & ex sententia S. Thomæ *Theologia Visionis Beatifica* subalternantur. *1. p. q. 1. a. 2.* Si verò aliqua scientia suas conclusiones resolvat quidem in principia per se nota, unum tamen aut alterum principium ab alia scientia accipiat, ut suas conclusiones demonstret, erit subordinatio *impropria & secundum quid*: ex hoc capite *scientia naturales* propriè non subalternantur *Metaphysica*, quia pleraque conclusiones resolvunt in principia intra eandem abstractionem per se nota, & pauca tantum ac valde remota recipiunt à *Metaphysica*; & *Chirurgica* propriè non subalternatur *Geometria*, quamvis ab ista unum, alterumve principium accipiat, v. g. *figura rotunda nulos habet angulos*, ergo *vulnera rotunda tardius obducuntur & curantur*. Sic etiam *Theologia* multa principia ex *Philosophia* naturali petit, nec ideo tamen subordinatur *Philosophia*, quia suas conclusiones *immediatè* resolvit in principia revelata, non in naturalia, ut patet in hoc Syllogismo: *Omnis homo est risibilis; Christus est homo, ergo Christus est risibilis*, tota ratio, ob quam Christus est risibilis, est, quia est homo, non verò quia Petrus & Paulus, & alij homines sunt risibiles: illa tamen *Major* naturalis est necessaria Logicè, & ut vi formæ, non verò ut vi materiæ concludatur Christum esse risibilem: illa ergo *Major* est necessaria deducendæ conclusioni *non secundum se*, quia non est causa nec ratio conclusionis, ut modò dictum, sed *secundum nos*, quia si quis credat, Christum esse hominem, nesciat verò hominem esse risibilem, nunquam deducet hanc conclusionem, *Christus est risibilis. Idem duendum est* in alijs Demonstrationibus, quæ si duabus præmissis constent ex duabus, & diversis scientijs petitis, illa solum præmissa *per se & necessariò* influet, quæ idem objectum & eandem abstractionem habet

habet, quàm conclusio; exemplum sit in hoc Syllogismo: *Figura rotunda cæteris paribus & intra eandem puncta est capacissima: sed caput est figura rotunda, ergo caput inter omnia membra corporis humani est capacissimum. Major est mathematica, & probatur Geometriæ, quia linea curva est longior recta, ergo quod curvior eo longior; sed rotunda (inter lineas puras) est omnium curvissima ergo omnium longissima & capacissima. Minor est Physica & sensibus nota, & ab ea sola pendet conclusio; si enim per impossibile nulla daretur figura rotunda, & nulla capacissima, præter solam figuram & rotunditatem capitis humani, adhuc sequeretur conclusio non obstante impossibilitate Majoris; quod enim rotunditas figuræ consideretur, ut conjuncta materiæ sensibili capitis, non mutat ejus naturam, & vim inferendi conclusionem *physicam* & naturalem: sicut figura circularis in auro, aut marmore non amittit proprietates circuli. Imò sicut sol cum arbore habet vim producendi non alium solem, sed fructum arbori debitum, ita præmissa, & veritas *mathematica* conjuncta præmissæ, & materiæ naturali, ac *physica*, vim habet producendi conclusionem naturalem ac *physicam*, non *Mathematicam*; scientia enim *mathematica* respectu *physica* habet se instar causæ universalis, quia altioris est ordinis, & magis à materia abstrahit, ut suprà dictum.*

*Tertia subordinatio est, cum objectum unius scientiæ sub objecto alterius continetur.* Si objectum unius scientiæ contineatur sub objecto alterius tanquam *species sub genere*, non oritur propriè dicta subordinatio, v.g. *Physica* non subordinatur *Metaphysica*, quamvis objectum mobile sit species entis realis, & huic addat differentiam essentialem. Scientia *de cælis* non subordinatur scientiæ *physica* de corpore naturali *ut sic*, quamvis cælum sit species corporis naturalis. Vide S. Thomam 1. *Posterior. c. 13. Lect. 15. & 25 & 1. p. q. 1. a. 2.*

*Ratio est, tum quia ejusdem scientiæ est agere de genere, & specie eorumque proprietatibus intra eandem abstractionem, & rationem formalem: tum quia proprietates sunt à gradu specifico tanquam à causa & à priori, non verò à gradu generico; ergo scientia, quæ agit de specie corporis naturalis, v.g. de cælis, potest proprietates cælorum à priori per eandem differentiam specificam demonstrare, non recurriendo ad gradum genericum corporis naturalis, ergo non est scientia subalternata, hæc enim*

non probat, & ideo *in esse scientia* dependet essentialiter à subalternante, ut patet in *Musica*, quæ subalternatur *Arithmetica*, & *Optica* quæ subalternatur *Geometria*.

Propria ergo subalternatio contingit, cùm objecto scientiæ subalternantis additur differentia tantùm accidentalis, quæ objecto subalternantis addita, novas & demonstrabiles proprietates fundet: sicut *Optica* addit lineæ rationem visibilis, & *Musica* objecto *Arithmetica*, hoc est, numero, rationem sonori; numerus verò coloratus non fundat proprietates aliquas demonstrabiles, & ideo nec constituit scientiam aliquam subalternatam.

Ratio hujus est, quia ad scientias subalternatas requiritur, ut & sint distinctæ & sint connexæ; si non sunt distinctæ, nec ordinem nec dependentiam habebunt, & ideo nec erunt subordinatæ; ordo verò & dependentia distinctionem dicunt. Si non aliquo modo convenient, non erit ratio, cū una potius quàm alia subalterneretur. Si ergo distinguuntur, ergo habent distinctum objectum (hoc enim est prima radix scientias distinguendi) sed differentia specifica & essentialis generi addita non causat distinctionem objecti, imò potius identitatem essentialem & intra eandem abstractionem (animal enim *ut sic* & animal rationale continentur intra idem objectum eandemque physicam abstractionem) ergo debet generi addi aliqua differentia accidentalis, quæ subiectum nec omnino relinquit idem, nec omnino diversum.

Tres ergo condiciones ad hanc subalternationem necessariæ sunt; Prima, ut subiectum subalternantis prædicetur in vèro de subiecto subalternata, v. g. Numerus sonorus est essentialiter numerus. Defectu hujus *Chirurgia* non subalternatur propriè *Geometria*, quia non possum dicere, corpus aut vulnus sanabile est linea vel planum. Nec *Theologia* subalternatur *Physica*, quia non possum dicere, Deus est corpus naturale: & nihilominus quando conclusio *Theologica* est mixta, hoc est, constat duobus terminis, quorum unus est *Theologicus*, alter *naturalis*, oportebit quoque adhibere præmissas *Theologicam*, & *naturalem*, quod etiam in alijs Scientijs notandum, de quo vide eleganter Kekerm. *System. Logi-*



gici l. 3. c. 9. à n. 20. & Aristot. lib. 1. Poster. 6. 7. ubi latè de  
 διαφορὰ τῶν ὁπῶν.

Secundâ conditio, ut differentia contrahens non pertineat per se  
 ad illud genus, sed per accidens, nec sit ejus proprietas, alioquin ad u-  
 nam non duas scientias tale objectum pertinebit, & ideo scientiæ natu-  
 rales non subordinantur *Metaphysica*, sine hac enim intra pro-  
 priam abstractionem perfectè resolventur suas conclusiones, in prin-  
 cipia propria, licet perfectissima & intima cognitio rerum de-  
 pendeat à cognitione *Metaphysica*, & aliarum scientiarum; sicut  
 enim res connexæ sunt, & læpè una sine alijs multis esse non  
 potest, ita & cognitiones ac scientiæ connexæ sunt.

Tertiâ conditio est, ut principia subalternata sint conclusiones  
 subalternantis & in ea probentur, sic v. g. *Opticus* pro principio habet,  
 super oculum posita non videri, quæ propositio absolute est naturalis,  
 ut supradictum, quia tamen demonstrari non potest, nisi prin-  
 cipijs *Geometricis*, subordinatur *Geometria*, quæ sic illam probat:  
 Objectum oculo immediatè conjunctum jacti species non per modum angulî  
 pyramidalis, quo modo sit visio, sed per modum basis, & ideo oportet ob-  
 jectum nec nimis esse remotum, quia angulus, quò magis extenditur, ad  
 cuspidem habet debiliorem, nec nimis vicinum, quia linea circa basin non  
 formant angulum, ergo nec sunt visibiles. Sic etiam hæc propositio  
*Diatessaron* consonat, est veritas simpliciter *Musica*, probari tamen  
 non potest, nisi adjuncto principio aliquo *Arithmetico* in hunc  
 modum: Illic est consonantia, ubi est proportio vocum; sed  
*Diatessaron* hanc proportionem habet, videlicet sesquiterciam,  
 qualis est inter numeros 4 & 3. sicut enim 4 semel includit 3.  
 & insuper tertiam ejus partem, ita *Diatessaron* complectitur tres  
 partes seu intervalla monochordi (in hoc enim explorantur pro-  
 portiones sonorum) & unam tertiam.

Bene autem docet Aristoteles l. 1. Poster. 6. 7. text. 5. "pro-  
 priam Subalternationem reperiri inter solas scientias *Mathemati-*  
*cas*, videlicet, *Musica*, *Astrologiam*, & *Opticam*: *Musica* numerum  
*arithmeticum* per se purum, & abstractum applicat sono sensibi-  
 li: *Astrologia* figuras *geometricas*, parallelos, circulos, &c. per  
 se puras & abstractas applicat ad cœlestia & mobilia corpora.  
*Optica* lineas, angulos, triangulos *geometricos* puros applicat ad  
 visum

visum respectu corporis perspicui, &c. *Alij* addunt scientiam *Medicam*, quæ considerat corpus naturale, ut sanabile. Vide Zabarell. l. 1. de trib. præcognit. c. 12.

Contra has conditiones.

*Obijciunt* 1. Theologia subalternatur Visioni Beatificæ secundum S. Thomam 1. p. q. 1. a. 2. & tamen Theologia æquæ ac Visio Beatifica habet pro objecto *materialis* Deum ut Deum, nec ullam differentiam accidentalem illi adjungit.

æ. Admissâ sententiâ S. Thomæ, sicut numerus *per se* est objectum *Arithmetica*, ut *sonorus* est objectum *Musica*, ita ut ratio sonori & sit differentia accidentalis numero addita, & *ratioformalis Musica*, idem de linea ut visuali, ita Deus, ut *in se*, est objectum visionis Beatificæ, ut *virtualiter* revelatus est objectum *Theologia*, & simul differentia accidentalis *extrinsecè* Deo addita, & quamvis non *alia* proprietates per Theologiam de Deo sint cognoscibiles; quàm per visionem Beatificam, sufficit ut *aliter* sint cognoscibiles, & ut principia Theologica inevidentia reddantur clarè & evidenter cognita per causam non qualemcunque, sed infinitam, intimam, adæquatam, & omnium causarum maximè primam & necessariam, qualis est essentia divina clarè ac evidenter cognita; & illa conditio, ut videlicet objecto subalternantis aliqua differentia adjungatur, quæ sit radix novarum proprietatum, intelligenda est de objecto finito & limitato, & cui addi aliquid potest.

*Obijciunt* 2. De ente per accidens non datur scientia; sed objectum scientiæ subalternatæ est ens per accidens, ut patet ex dictis & exemplo *Musices*, cujus objectum est numerus sonorus, &c. Major est communis & traditur ab Aristotele 6. *Metaph.* c. 2. & ibi S. Thom. *lect.* 2. cum enim non sit unum, nec unam habeat definitionem, non potest esse objectum unius scientiæ.

æ. De ente per accidens non potest dari scientia absolute & simpliciter, cum non habeat causas necessarias ut sit, & ideo licet ista propositio demonstrari possit, *Petrus est visibilis*, non tamen istæ, *Petrus movetur*, *Petrus calidus*, *Petrus videt*. Factâ tamen aliquâ suppositione etiam ens per accidens demonstrari potest, si

Si enim Petrus currit, ergo movetur, ergo calefit, &c. *Idem dicas* in scientijs subalternatis, v. g. in *Musica* si plures voces sint omnino æquales & homophonæ, certū est & demonstrari potest, nullam habere consonantiam, quia consonantia est acuti, & gravis soni proportio, ergo certum est de ente per accidens, ordinato tamen & connexo, dari scientiam. Numerus quidem & sonus non sunt una, sed duæ res, sed una res est conaturalitas, & proportio soni cum numero, quam harmoniam vocamus, hæc est una, hæc distinctas proprietates & scibilitates fundat; & quemadmodum isti quatuor numeri 2. 4. 8. 16. non sunt unus sed plures, una tamen est omnium proportionabilitas, videlicet dupla, quæ est objectum unius scientiæ, habetque proprietates demonstrabiles, quæ illis numeris solitariè sumptis non convenit. Dici etiam potest, *Musicam* v. g. habere pro objecto sonum, & ideo simpliciter ad *Physicam* pertinere, ut suprà notatum, sed tamen ut connotat numerum, & cum hoc conjungitur, sic enim habet alias & novas proprietates: sicut aliæ sunt operationes animæ ut est in manu, aliæ ut est in oculo, &c. *Musica* ergo non considerat numerum in recto, alias de illo proprietates demonstrando, sed tantum in obliquo, ut in illo sonus suas proprietates & proportionales explicat, quæ solæ à *Musico* demonstrantur; quia tamen istæ proportionales soni dependent à principijs numeri, ideo *Musica* subalternatur *Arithmetica*. His ita de subalternatione notatis ponendæ sunt Conclusiones.

XVIII. *Quæritur 12.* An Scientia subalternata sit propriè dicta Scientia?

*Resp. 1.* Scientiæ subalternatæ sunt veræ scientiæ, Ita Aristoteles l. 1. *Posteriorum* c. 7.

*Ratio est.* Scientia subalternata ut sic unitur subalternanti, & resolvitur in principia certa & evidentia, sicut corpus ut unitum animæ verè vivit, verè movetur, & sentit; nihil ergo scientiæ subalternatæ, quæ tali deest, ut verè scientia non sit; & quamvis procedere videatur per principia extranea, v. g. *Musica* ex principijs *Arithmetica*, extranea tamen non sunt; sicut enim corpus non est extraneum animæ, quia essentialiter unibile est

D d d d

ani-

animæ, nec lux extranea colori, quem naturaliter illuminat; ita nec subalternans ejusve principia extranea sunt subalternata, quia huic essentialiter connectuntur; alioquin & conclusio scientifica scientia non esset, quia non est per se nota, & evidens, sed evidentiam à primis principijs & per se notis accipit.

*Resp.* 2. Scientia subalternata est verè scientia, etiam in illo qui subalternantem non habet, v. g. *Musica* scientiæ peritus, quamvis *Arithmetica* non calleat, verè scit *Musicam*.

*Ratio est* 1. Auctoritas S. Thomæ q. 14. de Verit. a. 9. ad 3. & opusc. 70. q. 2. a. 2. ad 5. ad 6. ad 7. & 1. p. q. 1. a. 2. & super Boetium de Transit. q. 2. a. 3. ad 5.

2. Si aliqua ratio est, ob quam subalternata scientia dici non potest in eo, qui caret subalternante, ea erit, vel quia caret evidentiâ, vel quia caret certitudine; neutrum obstat; non evidentiâ, quia licet hæc propositio: *Diatessaron habet consonantiam*: in eo, qui caret *Arithmetica*, non habeat *actualem* evidentiam, habet tamen *radicalem*; cum enim sit essentialiter connexa cum principijs numeri, & contineatur sub objecto numeri sonori, essentialiter potest, & petit demonstrari evidenter in *Arithmetica*, & hæc *radicalis* evidentiâ sufficienter distinguit principia subalternata à veritatibus merè probabilibus & opinativis, quæ nullam habent veritatem necessariam & demonstrabilem, ne quidem *radicaliter*. *Radicalem* evidentiam habere nihil aliud est, quàm essentialiter dependere à principijs evidentibus: sed ita dependent veritates subalternata, nec enim aliud est subalternati; nulla autem opinio ut sic dependet essentialiter à principijs certis & evidentibus, ergo hoc est proprium scientiæ: sicut ergo essentia & natura plantæ non est florere & germinare, sed posse; & essentia hominis non ratiocinari, sed posse, & essentia coloris non videri, sed posse videri, ita essentia & natura scientiæ non esse actu evidentem, sed posse & debere.

Est tamen discrimen inter lucem corpoream & evidentiam; illa enim est colori necessaria ut *actu* videatur, evidentia verò non est veritati necessaria ut *actu* & certò cognoscatur, ut

ut patet in fide, & jam est ostensum, per solam evidentiam *radicalem* veritates subalternatas non esse opinativas, ergo scientificas.

Deinde nec evidentia *actualis* subalternata deest, datur enim aliqua evidentia *moralis*, quæ omnem evidentiam *physicam* superat; cui enim non est certum & *moraliter* evidens, Romæ, Carthaginem, Indos existere? & quis non audeat juramento asserere Ciceronem vixisse, quem nunquam videt? quamvis non audeat jurare solem centies sexagies ter majorem terrâ esse, stellas firmamenti à nobis 17. milliones milliariorum Belgicorum, qui horâ constant, distare. Eundem Solem unius minuti spatio leucas horarias 480. percurrere, principia naturalia esse tantum tria, &c. Veritas ergo & evidentia naturalis non pariunt tantam certitudinem, quantam *moralis*, cum summa est, & tamen hæc nititur solo hominum testimonio; hanc verò habet subalternata: sicut enim multi Romæ fuerunt, & hi omnes testantur esse, nemo econtrâ id negat, & ideo certum hoc est: ita omnes, qui *Geometriam* callent, figuram circula-rem angulis carere dicunt, & angulum quod remotiorem eò minorem esse, quæ sunt principia *Chirurgica* & *Optica*, in quibus nemo dissentit; habent ergo certitudinem & evidentiam omni *physicâ* majorem. Imò nec *physica* certitudo & evidentia abest, hoc enim principium *Musicum Unisonum non facit consonantiam*, & istud, *Opticum Objectum aut nimis remotum, aut nimis propinquum sensui non videtur*, habent evidentiam sensibilem & à posteriori; duplex ergo hæc evidentia & certitudo cum *moralis* tum *physica* sufficiunt ad scientiam.

Certum tamen videtur, subalternatam non esse in statu perfecto, nisi subalternanti jungatur, ab ista enim sortitur evidentiam & certitudinem à priori & *intrinsicam*. Vide S. Thomam q. 14. de verit. a. 9. & in 3. d. 33. q. 1. a. 2. quasiunc. 4.

2. Ex consensu omnium Philosophorum, & præsertim Aristotelis & D. Thomæ, receptum est instar axiomatis, *scientiam subalternatam scire Quia, & subalternantem, Propter quid: Optica* enim scit à posteriori, *objectum quod propè est, efficere majorem angulum visualem*, quæ tamen veritas est essentialiter & à priori in Geo-

metria demonstrabilis, quia linea ab eadem basi producta quòd proprius conjunguntur, eò majorem angulum efficiunt. Euclid. I. 1. Elem. prop. 21. non quòd Geometria consideret angulos in linea visuali, hoc enim ad solam Opticam pertinet, sed quia considerat angulos ut sic, qui lineæ visuali conjuncti proprietates efficiunt demonstrabiles per principia anguli ut sic. Si ergo subalternata scit Quia, idque etiam seorsim spectata, ergo vera est scientia, & veras habet demonstrationes independentes à subalternante, multò tamen imperfectior, quàm cum illi conjungitur. Objectiones solvi faciliè ex dictis possunt.

Consideratis, quæ ad scientiam pertinent, agendum de illis Habitibus, qui aliquid cum scientijs commune habent.

XIX. *Quæritur* 13. An admitendus sit habitus principiorum.

*Resp.* Dantur aliqua prima principia, ex quibus Scientiæ deducuntur. Vide S. Thom. 1. 2. q. 57. & 6. *Ethicor.* Hæc est certa, nec indiget ullâ probatione; sicut enim in Mundo sensibili ex nihilo nihil fit, ita in Mundo intelligibili. Sunt ergo prima principia quædam semina veritatum, ex quibus accedente industriâ, studio & experienciâ scientiæ firmantur, & ideo non malè à quibusdam definiuntur: *Principia sunt notitiæ nobiscum nata*, quas Deus velut radios sapientiæ suæ increatæ in homines sparsit, ut sint testimonia de Deo, & discernant à bestijs, & regant vitam, gignantque honestas artes, quarum usus in vita necessarius est.

Revocantur Principia ad tria capita. Primum est eorum, quæ experienciâ universali constant, quando videlicet de ijs, quæ sensu percipiuntur, sani omnes eodem modo judicant; talia sunt v. g. foeminam, non masculum parere, piper & vinum calefacere, cælum circulariter moveri, eclipses lunæ plenilunio tantùm fieri, nivem esse albam, mortuos non respirare, &c. De hac sensuum universali experientia dicit Aristoteles: *Sensum habere vim scientiæ.* 3. de *Generat.* c. 10. & 1. *Topicor.* Verberatione dignum esse, qui dubitet ignem urere, nivem albere. Siquis ergo hoc principium à communi omnium experientia neget, nihil amplius cum

zum illo disputandum est; quidquid enim dixeris, obscurius eo principio erit, multoque magis negari poterit, quam facem accendes solem non videnti? Peri tamen ab eo poterit, an aliqua principia admittat, an nulla? si aliqua, ex illis convincendus erit.

Potest quidem falli sensus, sicut cum oculo sol palmaris apparet; sed hoc provenit, quia objectum aut nimis remotum, aut medium infectum, aut organum corruptum, & tunc sensus ab intellectu corrigitur, aut etiam ab ipso sensu, & alia, ac certiore experientia; omnes enim sapientes omnisque experientia in hoc conveniunt, *sensibilia non rite applicata non semper apparere, quod sunt, rite vero applicata apparere, ut sunt*; & ideo licet navi procul, & eminus visâ dubitare possis, remo an velis agatur, nemo tamen sanus dubitabit, si propè & cominus videat, velo explicato, remisque oriosis ferri; & ideo Galenus Empiricos Medicos damnat, qui nudam & particularem experientiam ratione & arte non regunt, hoc ipso enim contra experientiam agunt, quæ habet, remedium, quod pluribus, quod multis morbis, quod sæpe profuit, non omnibus prodesse, variatis videl. circumstantijs temporum, corporum, morborum, temperamentum, quorum cognitionem Empiricus non habet.

*Secundum* caput eas notitias complectitur, quæ specificè principia vocantur, Aristoteles *virtutes infinitas*, Galenus *criteria & iudicia naturalia*, Damascenus *communes cogitationes, anticipationes & inclinationes naturales* appellant.

Sunt hæc principia aut *speculativa* aut *practica*: Speculativa sunt notitiæ naturales & universales, quibus scientiæ speculativæ utuntur, videl. Philosophicæ & Mathematicæ; talia sunt: *Omne totum est majus sua parte, Quodlibet est vel non est: Qua sunt aequalia, inter se sunt aequalia, &c.* Practica principia sunt, quæ regunt hominum mores, & sunt normæ universales virtutum, v. g. *Deo obediendum est: Malum non est faciendum: Parentes colendi, &c.* Principia speculativa acuuntur, excitantur, & declarantur inductione & sensu, practica verò, ut ait Aristoteles *1. Ethic.* assuefactione, & ideo practica non tam clara omnibus apparent, nec ita communiter



recipiuntur, quia cum natura, corruptoque affectu & moribus pugnant.

*Rursus.* Principia dividuntur in *Axiomata*, *Positiones*, *Definitiones*, *Hypotheses*, & *Postulata*, Græcè ἀξιώματα, θέσεις, ὅροι, ὑπόθεσις, αἰτημα. *Axioma* est principium universale, ita fide dignum, ut illi omnes sine disputatione & contradictione assentiantur, v. g. vim vi repellere licet: Quod tibi non vis fieri, alteri ne feceris; Quidlibet est vel non est, &c. vocantur etiam *Maxima*, *Dignitates*. *Positiones* seu *Theses* sunt principia non quidem naturaliter, nec omnibus nota, sed tantum in aliqua scientia & opera docentis, ita ut quamvis in illa scientia non demonstrantur, demonstrari tamen in alia possint deducendo ad impossibile, vel mediâ inductione & experientiâ. Talis in Scientia physica est hæc propositio: *Omne corpus constans qualitativis contrarijs naturaliter est corruptibile*: hæc inductione & experientiâ demonstrari potest; & ista: *Punctum est cuius pars nulla est*, est apud Mathematicos per se nota, nec ab ijs demonstratur; potest tamen demonstrari deducendo ad impossibile, si enim habet partes, ergo non est indivisibile, ergo non est punctum, ergo erit punctum, & non erit punctum.

*Definitio* explicat rem genere & differentiâ, & si est essentialis, à priori non demonstratur, potest tamen à posteriori, vel ad hominem, v. g. si neges naturam esse principium motus & quietis, probabo vel sic: *Nullum est corpus naturale, quod non sit principium alicujus motus, vel quietis sensibilis, & corporea*. Vel sic: *Natura est aliquid; sed non potest dici, quid sit aliud quàm principium motus & quietis, ergo hoc est, vel aliud assignetur*. *Hypothesis* est propositio & principium scientiæ proprium, aliquid esse, aut non esse indicans: differt à *Definitione*, quia ista dicit, quid aliquid sit, non verò quod sit; *Hypothesis* verò dicit rem esse. *Topsis* est genus ad definitionem & *Hypothesin*. Habet quidem *Hypothesis* *Demonstrationem*, sed tamen admittitur vel supponitur sine *Demonstratione*; talis est ista: *Natura agit propter finem*, quæ in *Ethica* supponitur, quamvis demonstrari possit. *Postulatum* est propositio aliqua, de qua Artifex cum auditore aliquamdiu paciscitur, eamque sibi interim concedi postulat, ut ex ejus concessione aliquid

quid deducatur; tales sunt in Mathematica istæ propositiones: *Potest à quovis puncto circumferentia duci linea recta ad centrum: Potest quavis linea sinuà ulterius semper produci; &c.*

Tertiò denique lumine naturæ quædam propositiones & conexiones unius veritatis cum altera, quæ vocantur consequentia, v.g. *Est vas vitreum, ergo fragile est: Sol lucet, ergo dies est, &c.* cui non sit nota primo intuitu, & sine alio discursu bonitas huius consequentiæ? Illud quoque verum est, principia non esse æquè omnibus nota, sed sapientissimis, & ideo Aristoteles notat, principiorum notitiam esse plus quàm dimidiam omnium rerum scientiam, & ideo septem sapientum gnomæ tanti adhuc sunt, Cleobuli, *Modum serva: Pittaci, Ne quid nimis: Periandri, Iram rege: Solonis, Respice finem: Biantis, Plures mali: Thaletis, Noli spondere: Chilonis, Noste teipsum.*

XX. *Queritur 14. An Habitus Principiorum distinguatur à potentia intellectivâ.*

*Resp.* Affirmativè. Sentiant aliqui, Intellectum naturaliter, & sine alio habitu ferri in assensum principiorum.

Conclusionis nostræ Ratio est 1. Auctoritas S. Thomæ 6. *Ethic. c. 3. lect. 5. & 2. contra Gent. c. 78. & 1. 2. q. 57. a. 3.*

2. Si absque habitu Intellectus principijs assentitur, ideo est, quia naturaliter & facilè veritati clarè propositæ assensum præbet; atqui hæc ratio non convincit, nam & lapis naturaliter & facillimè deorsum fertur, & ignis sursum, utpote in centrum naturale, & tamen qualitatibus distinctis & superadditis, levitate, & gravitate opus habent: cœli naturaliter in gyrum volvuntur, & tamen Intelligentijs reguntur: oculus naturaliter & immediatè in lucem fertur, & hæc est immediatè visibilis, & tamen oculus non videt, nisi oculo & medio luce perfusus; idem ergo de Intellectu dicendum.

3. Multi Philosophi negârunt prima principia, ut Phyrtonici & Empirici, de quibus vide Aristotelem 4. *Metaph.* ergo carebant habitu principiorum, nec tamen carèbant potentiâ intellectivâ.

4. In assensu principiorum ab initio magnam experimur difficultatem, postea usu, & experienciâ facilitas, & delectatio sequi-

sequitur, ex qua ratione alios habitus scientiarum, & artium admittimus, aut ergo omnes habitus negandi, aut ex eadem ratione admittendi habitus principiorum.

Hæc difficultas principiorum in eo est, quod cum sint propositiones universales, colligi debent ex inductione singularium, consideratis omnibus circumstantijs & necessariâ connexionem subjecti cum prædicato, & ideo paucissimi sunt, qui principia statuerunt, ijque pro hominibus divinis ac sapientissimis haberi, cum econtrâ qui ex principijs conclusiones deduxerint, plurimi fuerint, nec ingenio exquisito. Quam scientiam doctrinamque principijs Euclidis, aphorismis Galeni, sententijs Senecæ, & præsertim proverbij Salomonis comparaveris? una radix mille floribus, unus Architectus mille fabris præstat: & quamvis inductio omnium singularium fieri non possit, potest tamen sapiens ab effectibus, multisque singularibus attentè consideratis in cognitionem causæ adeo intimè perducere, ut in omnibus singularibus, ubi ea causa fuerit, possit concludere eundem effectum fore, nisi à causis potentioribus vincatur; exemplum sit in hoc proverbio, Τρία Κάππα πάνιχα, id est, tria C. pessima Cretenses videl. Cilices, Cappadoces: natum hoc proverbium ex longissima experientia, ab hac in causas processum, inventæ sunt educatio, exempla, voluptates, cœli, solique genius, ab his reperta necessaria connexio inter prædicatum & subjectum, & sic formata parœmia: idem in alijs principijs observatum.

Accedit quod principia etiam evidentissima nunquam exhibent Intellectui tam immediatam connexionem, ut non aliquas habeant exceptiones & difficultates, ob quas impugnentur: quid certius, quàm duas contradictorias non posse simul esse veras? & tamen quamplures objectiones, soluturque difficiles habet, ut supra ostensum. Si ergo in assensu principiorum, maxime, quæ non sunt communia omnibus scientijs, est difficultas, ergo & habitus.

*Aliud est in voluntate, quæ bonum ut sic sine habitu amat.*  
S. Thomas 1. 2. q. 56. a. 6. & q. 62. a. 3. ad 1. quia voluntas est essentialis propensio in bonum, non ergo alio habitu eget, ut propen-

pendeat, & in illud feratur; Intellectus verò non est essentialis determinatio ad verum, maxime cum multis difficultatibus involvitur; sed determinatur à speciebus & ab habitu superante difficultatem.

Hanc ipsam ob causam docet S. Doctor *cit.* habitum principiorum non esse congenitum, sed cognito, *quid est totum & quid est pars*, per species acceptas à sensibilibus, Intellectum statim cognoscere, quòd omne totum est majus suâ parte, & hinc resultare habitum in Intellectu.

*Alij* dicunt habitum principiorum esse naturaliter congenitum, quod multis locis docere videtur S. Thomas, ut *1. p. q. 79. a. 12. & 1. 2. q. 91. a. 3. & 2. 2. q. 1. a. 2. ad 1. & de verit. q. 16. a. 2.*

*Alij* denique esse habitum experientiâ acquisitum, ut superà explicavi, quod saltem verum est de principiis scientiarum proprijs, & de cognitione terminorum, quibus etiam communissima principia constant; cognito enim, quid sit totum & quid partes (quod experientiâ, usûque & inductione ac habitu ex istis nato fit) facillè & innato lumine ac naturaliter Intellectus videt, connexionem & proportionem totius cum suis partibus.

Habitus primorum principiorum probabilium distinguitur essentialiter ab habitu principiorum evidentium, sicut ipsi actus evidentes & non evidentes; nituntur enim motivis specie differentibus, habentque proprietates *notabilissimè* distinctas. Sic etiam habitus principiorum practicorum, qui vocatur *Syntheseis*, distinguitur ab habitu principiorum speculativorum, qui appellatur *Intellectus*, sunt enim maximæ & propriæ difficultates circa praxin, quæ non sunt circa speculationem, & ideo speciali habitu egent quo vincantur. Habitus verò principiorum speculativorum, quamvis habeat objecta *Materialiter* diversa (loquor de communissimis principijs) non videtur habere distinctam *rationem formalem sub qua*, fertur enim in veritates ut imediatè connexas & sine speciali difficultate. Vide S. Thomam *Opusc. 70. & 1. 2. q. 57.*

XXI. *Quaritur 15. An Scientia & Opinio in eodem intellectu de eodem objecto dari possint?*

*Resp. 1.* Non potest simul & semel ab eodem homine de eadem omnino re & objecto dari actus opinionis, & scientiæ.

Eccc

Ita

Ita ut uterque actus Intellectui suum effectum formalem communice-  
 rit. Expresse & late Aristoteles *l. 1. Poster. c. 26.* & S. Thom.  
*ibid. & q. 14. de verit. a. 9. ad 6. & l. 2. q. 67. a. 3. & 2. 2. q. 2. a. 5. ad 4.*

*Ratio est 1.* Auctoritas Philosophi & S. Thomæ cit.

2. Scientia nititur motivo evidente, clara, certo, & non  
 fluctuante, ergo est cognitio evidens, clara, certa, & non flu-  
 ctuans; opinio econtrâ est cognitio inevidens, obscura, incer-  
 ta, & fluctuans (qui enim opinatur, hanc habet cognitionem,  
 v.g. Papa, ut opinor vivit, sed fortè mortuus est) sed implicat  
 simul & semel & de eodem objecto esse in Intellectu cognitio-  
 nem evidentem & non evidentem, certam & incertam, & con-  
 sequenter Intellectum convinci, & non convinci, certum esse  
 & non certum, fluctuare, & non fluctuare; hæc enim non mi-  
 nus sunt formæ contradictoriæ, quàm currere & non currere,  
 lucere & non lucere, &c.

*Dices.* Potest opinio dari sine omni actuali formidine & in-  
 certitudine (qui enim Romam non vidit, credit tantum aut opi-  
 natur Romam esse, nec tamen formidat aut incertus est) ergo  
 illi effectus contradictorij non sequuntur. Occasione hujus argu-  
 menti,

XXII. *Resp. 2.* Si Opinio usque ad certitudinem moralem  
 perveniat (quod fieri utique potest, possunt enim tot motiva  
 probabilia conjungi, ut tandem efficiant rem *moraliter* certam,  
 imò magis certam, quàm quæ *physicam* certitudinem habent)  
 in talibus, *inquam*, non repugnat opinionem certam, & scienti-  
 am conjungi, quo casu non uterque actus, sed unus tantum  
 (videl. scientiæ) suum effectum formalem Intellectus tribuit. Nam dili-  
 genter *notandum est*. Ut docet S. Thomas *l. 2. q. 67. a. 3.* aliud esse  
 opinionem & scientiam in intellectu dari, aliud intellectum de  
 eadem re scire & opinari posse, hoc repugnat, & convincit fa-  
 ctum argumentum, illud verò non repugnat, nec inducit con-  
 tradictionem: cognitio enim per medium probabile ex se & in-  
 trinsecè erit fluctuans, dubia & incerta, sed tamen hunc effe-  
 ctum intellectui scienti non tribuet, quia est incapax; cum enim  
 sit certus, non potest reddi incertus, & sicuti stante vel adve-  
 niente lumine, & causâ luminis tenebræ luci cedunt, non econ-  
 trà

trà, ita stante, vel adveniente scientiâ ac certitudine cedit incertitudo & obscuritas, quæ aliàs ab opinione intellectum occuparet, sed impedit, ut dixi, præpotentior certitudo, quam intellectus à scientia haurit. *Opinio* igitur est essentialiter incerta, sed hunc effectum non semper intellectui communicat; sicut anima hominis est essentialiter rationalis, sed hunc effectum non semper quoad actum homini & omnibus partibus corporis, quas informat, communicat; & hoc modo est intelligendus S. Thomas, cum expressè concedit, posse in eodem subjecto de eodem objecto scientiam, & opinionem conjungi. 1. 2. q. 67. a. 3. & 3. p. q. 9. a. 2. & 3. & in 3. d. 31. q. 2. a. 1. ex quibus locis convincitur, non posse quidem intellectum scire, & opinari de eodem objecto, posse tamen habere scientiam, & opinionem.

Et *Ratio* est, tum quia licet scire & opinari sint actus contradictionem inferentes, quamvis ex diversis causis & medijs proveniant (sicut esse clarum & obscurum, calidum esse & non esse calidum, quamvis alia sit causa clari, alia obscuri, &c.) non tamen ipsæ formæ & cognitiones opinativa & scientifica, sunt enim formæ *positivæ*, non *privativæ*; & quamvis *opinio* sit essentialiter invidens, quia essentialiter medio nititur defectibili, & non convincente, non tamen hanc invidentiam intellectui communicat, quando is aliunde *scientiam* de objecto & certitudinem habet: sicut v. g. frigus dicit essentialiter negationem caloris, potest tamen in eodem subjecto cum calore reperiri, & tunc non denominabit subjectum non calidum, quia stante calore subjectum hujus denominationis est incapax: tum quia potest eadem res habere causas sui & effectus necessarios, & contingentes, ut de effectibus ab experientia patet, & de causis etiam, homo enim habet causas suæ mortalitatis tam necessarias, quam contingentes ab aëre, à cibo potuque, à morbis, venenis, plagis, &c. vide eleganter Plin. l. 7. c. 7. Si ergo non repugnat, eandem rem contingentem & necessariam esse, respectu causarum, & effectuum diversorum, multò minùs repugnabit per diversa media contingenter, & necessariò cognosci; si enim non repugnat dari ejusdem rei causam & effectus contingentes, & necessarios, cur repugnabit dari cognitiones contingentem, & necessariam, hoc

E e e e

est

est, *opinativam & scientificam*? cùm minùs repugnet aliqua simul cognosci, quàm aliqua simul esse; ubi ergo hoc non repugnat, nec illud repugnabit. *Tum denique* quia non repugnat intellectum assentiri objecto per actum nitentem duobus motivis, altero fallibili & inevidente, altero infallibili & evidente, ergo etiam non repugnat assentiri objecto per duos actus, quorum unus nitatur motivo fallibili & sit opinio, altero infallibili, & sit scientia: *consequentia* videtur clara; aut enim illa duo motiva, fallibile & infallibile, certum & incertum repugnant, aut non repugnant? Si non repugnant, cur negas posse in eodem intellectu conjungi? Si repugnant, cur concedis posse in eodem actu conjungi? planè, quæ repugnant, minùs in uno subjecto conjungi, quàm in duobus possunt: possum uno oculo videre, altero non videre, sed uno eodémque videre & non videre, hoc fieri non potest, vel si hoc fieri potest, multò magis illud.

*Antecedens probatur.* In Syllogismo duabus præmissis nitente, quarum una est probabilis, altera evidens: *deinde* qui Papam viventem videt & simul à centum alijs audit eum vivere, cognoscit Papam vivere tum testimonio sensuum, quæ probatio est evidens, *tum* auctoritate aliorum, quæ probatio est inevidens; quæ auctoritas in hoc casu concurrit non ut motivum speciale, sed ut subordinatum evidenti, cum eoque connexum, movet enim me ad assensum evidentem non præcisè ut auctoritas hominum, qui fallere possunt, sed ut consonans certæ, & evidenti probationi: sicut ergo quælibet gutta mari injecta fit mare, ita motivum ex se tantùm probabile evidenti conjunctum fit evidens: & si plura motiva, quorum singula præcisè sunt fallibilia, sibi conjuncta evadunt infallibilia, & ad assensum infallibilem concurrunt (hæc enim propositio: *Roma est*: est infallibilis ex testimonio multorum, quorum singuli fallere & falli possunt) quantò magis motivum fallibile infallibili conjunctum? & in hoc sensu multi, gravesque Doctores asserunt, præmissam naturalem præmissæ fidei conjunctam ad assensum Theologicum concurrere ut elevatam, & approbatam à præmissa fidei.



XXIII. *Resp. 3.* Ex hæcenus dictis faciliè colligitur, posse in eodem intellectu & de eodem objecto dari etiam *habitus* scientiæ & opinionis; habitus enim ex actu nascitur, jam verò ostendimus, actum opinionis & scientiæ non repugnare. Habitus tamen *opinionis*, quamvis essentialiter incertus, non tamen relinquet intellectum incertum & suspensum formidine, habitu *scientia* hanc incertitudinem, & formidinem reprimente. Pone turbato mari, ventisque agitato navim aliquam in anchoris stare, certum est hoc fieri posse, nec ideo tamen fluctuat navis, quia in fluctibus est, & à ventis pulsatur, sed anchoræ insistit, & ab hac contra ventos firmatur: Sic intellectus potest de eodem objecto & scientiam & opinionem habere, non ideo tamen fluctuabit & opinionum vento incertus feretur, scientia enim illi pro anchora, & statione est. Eodem modo dicendum est, posse de eodem objecto dari actum fidei & scientiæ, non ideo tamen intellectus credet, quia credere est cognoscere objectum obscurè; sed intellectus qui habet scientiam, clarè objectum cognoscit, non ergo cognoscit obscurè, ergo non credit. Et hoc modo intelligendus est S. Thomas 2. 2. q. 1. a. 5. ad 5. Fides enim licet essentialiter sit obscura, non tamen hunc effectum semper intellectui tribuit, sicut calor licet essentialiter dicat negationem frigoris (calor enim essentialiter non est frigus) non tamen semper hanc negationem subjecto tribuit, si videlicet aliunde aliquos gradus frigoris habeat.

Idem S. Thomas 2. 2. q. 175. a. 3. ad 3. docet S. Paulum in suo raptu non habuisse actum fidei, quia Deum clarè cognovit, quod verissimum est, *vel* quia visio beatifica totas vires & intellectum ad eò occupaverat, ut non posset in alios actus extendi; *vel* quia, ut sæpè dixi, fides (idem proportionaliter dicas de opinione) adæquatè sumpta non tantum dicit obscuritatem cognitionis, sed etiam subjecti, cui illa communicatur; quando ergo obscuritas actus subjecto non communicatur (ut fit, quoties scientia, aut alia evidens & clara cognitio præstò est) absolute non dicitur fides, & in hoc sensu negat S. Doctor posse fidem cum scientia conjungi, quod tamen alibi affirmat, ut supradictum.

Ecce ;

Com-

Complutenſes quidem volunt, S. Thomam de habitu non de actu loqui, ſed tam clarum eſt legenti, eum de *actuali* opinione & hde, non de *habituali* loqui, ut pigeat refutare.



### §. Ultimus.

## Regulæ quædam generales, & Selectæ circa formas argumentationum.

### Summaria.

1. *Syllogismus non contentus illis versiculis, Barbara &c. est vitiosus.*
2. *Ex meris negativis nihil sequitur.*
3. *Regula particulares syllogismorum absolutorum in tribus figuris.*
4. *Pro Enthymemate.*
5. *Pro Syllogismo conditionali.*
6. *Pro Modali tam ex necessarijs, quàm contingentibus.*
7. *Ex obliquis.*
8. *Principia Syllogismi demonstrativi, & probabilis.*
9. *Regula synoptica Syllogismorum complectens omnes alias Regulas.*

ut



I.

**U**T in bellis, ita & in scholis non semper melior causa Triumphum canit; vincit, qui pugnandi artes melius callet, adhibetque; ars verò pugnandi non solum Philosophiæ, sed etiam Theologiæ à Dialectica, & Syllogismis est. Ne ergo veritati noceas ignorantia pugnandi, regulas aliquas generales, selectas tamen, notabimus, quæ, si observentur, tutum te ab insidijs Logicorum præstent.

Regula 1. Omnes boni Syllogismi comprehenduntur illis versiculis.

Barbara, Celarent, Darij, Ferio, Baralipton,

Celantes, Dabitis, Fapesmo, Fesomorum.

Cesare, Camestres, Festino, Baroco, Darapti,

Felapton, Disamis: Datissi, Bocardo, Ferison:

Qui illis non includitur malus est.

Sufficit ergo ostendere datum Syllogismum non esse ex illis: faciliè verò deprehendes vitium in prima figura, si Syllogismum resolves in enthymema: v. g.

*Quoddam bipes est homo, Gallina est bipes, ergo est homo.*

Hic Syllogismus in prima figura est, sed malus, quia non continetur vulgaris versibus: vis vitium? resolve in enthymema: *quoddam bipes est homo, ergo gallina est homo: en defectum!* à particularibus proceditur ad universalialia, nec servatur dictum de omni.

*Limitatur 1. In prima figura, si Major est convertibilis, potest minor esse negativa, & semper sequetur bona consequentia, quamvis talis Syllogismus dictis versiculis non contineatur, v. g. Omnes fide vivâ credentes in Christum salvantur, Turca non sunt fide vivâ credentes in Christum, Ergo Turca non salvantur.*

*Ratio est*, quia talis Syllogismus reduci potest ad modos legitimos *secunda figura*, per conversionem *majoris* hoc modo: Omnes, qui salvantur, credunt in Christum, Nulli Turca credunt in Christum, ergo nulli Turca salvantur.

*Limitatur 2.* In Syllogismis ex terminis infinitis, in quibus hæpè videtur legitima figura servari, nec tamen servatur: v. g. *Omne non vivens est non homo, Nullus lapis est vivens, ergo nullus lapis est homo.* In hoc Syllogismo sunt quinque termini, videlicet: *Non vivens, non homo, lapis, vivens, homo.* Aliud enim est vivens, aliud non vivens, &c. in *minori* ergo debebat sic assumi, *nullus lapis est non vivens*, & in conclusione, *ergo nullus lapis est non homo*, & tunc tam *minor*, quàm *conclusio* est falsa.

*Limitatur 3.* In hoc Syllogismo: *Omne individuum cujusdam speciei infima est homo, Bucephalus est individuum cujusdam speciei infima, ergo Bucephalus est homo.* Videtur esse in *Darij*, nec tamen est, quia signum *omne* particularizatur per signum *cujusdam*, & perinde est, ac si dicas: *aliqua, vel multa individua.*

*Limitatur 4.* In Syllogismo primæ figuræ, cujus una præmissa est cum modo *de necessario*, altera verò absoluta, & *de inesse*: v. g. *Omne animal movetur, Petrus necessario est animal, ergo Petrus necessario movetur*: falsa est *conclusio*, & malus Syllogismus: *Ratio est*, quia plus ponitur in *consequente*, quàm in *Antecedente*, ut patet, si Syllogismum resolves in enthymema, & reducas ad principium *de omni*, hoc modo: *Omne animal movetur, ergo aliquod animal (videlicet Petrus) necessario movetur.* In *prima* ergo figura ex *majori* tantum *de necesse* tam affirmativa, quàm negativa colligitur *conclusio* etiam *de necesse*.

*Prima* figura est omnium perfectissima, & notissima, & comparandis, ac tradendis scientijs accommodatissima, tum quia nititur principijs evidentissimis, videlicet *dicto de omni, & dicto de nullo*, tum quia sola habet conclusiones particulares, & universales, affirmativas, & negativas, tum quia *secunda*, & *tertia* figura reducuntur ad primam, hæc verò ad nullam aliam.

II. Regula 2. Ex puris negativis nihil sequitur vi forma. *Ratio est*, quia *conclusio* Syllogistica ideo est vera, quia extrema in præmissis cum medio connectuntur, atqui ubi omnia negantur, nulla

nulla est connexio, sed mera dissipatio. Sunt tamen aliqui Syllogismi, qui videntur ex meris negativis concludere: v. g. *Nemo, qui non habet pedes, potest ambulare, nullus lapis habet pedes, ergo nullus lapis potest ambulare.*

*Resp. 1.* Quæ ratio, & per accidens fiunt, non destruunt regulam: sunt quidam dies æstivi frigidiores hybernis, sunt quidam hyberni calidiores æstivis, nec ideo tamen falsa est regula: *æstas est calida, hyems est frigida.*

*Resp. 2.* Illum Syllogismum esse virtualiter hypotheticum, videlicet: *Si aliquid est, quod non habet pedes, non potest ambulare, sed nullus lapis habet pedes, ergo nullus lapis potest ambulare:* negatâ verò causâ, aut conditione necessariâ, negatur quod ex ea sequitur.

*Resp. 3.* Ex meris negativis potest inferri conclusio per accidens, quatenus negativa æquivalet affirmativæ, atqui in dato Syllogismo minor negativa æquivalet affirmativæ, ex minori enim affirmativa de extremo infinito potest inferri negativa de extremo finito; illa ergo Minor: *Nullus lapis habet pedes:* æquivalet huic: *omnis lapis est non habens pedes:* hæc verò est affirmativa, & ita Syllogismus est in Celarent.

III. Regula 3. Omnium figurarum leges tribus hisce versiculis comprehenduntur.

Pro prima Figura.

*Sit Minor affirmans, nec Major sit specialis.*

Ratio est: quia in prima figura aliquid asseritur, aut negatur de inferiori, quia inferius includitur in superiori, oportet ergo in minori ostendere, quod inferius includatur in superiori, quod fit per affirmativam, non per negativam. Si verò Major sit particularis, non servatur dictum de omni, dictum de nullo.

Pro Secunda Figura.

*Una negans præcat, nec major sit specialis.*

Ratio est, quia tota bonitas consequentia in hac figura ex eo nascitur, quod genus, species, differentia, aut proprietas, quæ uni v. g. Petro attribuitur, negatur Paulo, ex quo inferitur: *Petrus non esse Paulum:* si enim A. est C. & B. non est C. ergo B.

F f f f

non

non est *A*. Principium enim *directivum* secunda figuræ est hoc: si primum non convenit cum tertio, & secundum convenit cum tertio, sequitur secundum non esse primum. Vel. Quæ non conveniunt in uno tertio, non conveniunt inter se. Si verò major esset particularis, procederetur à non distributo ad distributum, v. g. *Aliqua avis est alba, Corvus non est albus, ergo Corvus non est avis.*

Pro tertia Figura,

*Sit minor affirmans, conclusio sit specialis.*

Ratio est, quia principium *directivum* hujus figuræ est hoc: quæ unque sunt eadem uni tertio, sunt eadem inter se. Oportet ergo ostendere, quòd extremum uni tertio conveniat, quod sit in minori affirmativa.

Pro Enthymemate.

IV. Enthymema est virtualis Syllogismus; si prædicatum conclusionis non appareat in antecedente, signū est deesse majorē propositionem, quæ si addatur, fiet Syllogismus: v. g. *Homo est animal, ergo homo sentit*: prædicatum hujus conclusionis, *sentit*, non est in antecedente, deest ergo Major, eam sic supple: *omne animal sentit, omnis homo est animal, ergo omnis homo sentit*: Si verò subiectum conclusionis non appareat in antecedente, signū est deesse minorē, v. g. *Omne animal sentit, ergo omnis homo sentit*, supple minorē, sed *omnis homo est animal, &c.*

Pro Syllogismo conditionali.

V. Regula 1. Tota vis syllogismi *conditionalis* cōsistit in connexionione conditionis cum suo consequente: tunc verò connexio est vera, si ex illa possit confici propositio categorica vera v. g. si *Petrus est animal sentit, sed est animal, ergo, &c.* si *bos haberet alas volare posset*: si *Angelus aliquid contra verbum Dei prædiceret, anathemate dignus est*: verbi in propositiones categoricas possunt, v. g. *quidquid est animal, sentit, quidquid habet alas volare potest: quisquis prædicat contra verbum Dei, anathemate dignus, etiamsi Angelus sit.* Econtrā hæc hypothetica est talia: *Si cervus habet cornua, velociter currit, quia categorica est talia; omne quod habet cornua, velociter currit.*

Regula 2. Multa tradi solent præcepta Syllogismo hypothetico, an legitimus sit, dignoscendo; sed optimè cognosci potest, cum ad categoricum reducitur prima, vel secunda figuræ; mox enim viti-

vitium patebit: v. g. iste Syllogismus *hypotheticus*: si equus est, animal est, sed bonus equus non est, ergo homo animal non est: non est legitimus, qui si reducatur ad primam figuram, Minor est negativa, videlicet: Omnis equus est animal, homo non est equus, ergo homo non est animal.

## Pro Syllogismo Modali ex necessarijs.

VI. Regula. Ex Majori de necesse, & Minori absoluta, sequitur conclusio necessaria, v. g. necesse est omne animal vivere, omnis homo est animal, ergo necesse est omnem hominem vivere. Necesse est omne album disgregare visum, Caucasus est albus, ergo necesse est Caucasum (ex hypothese quod sit albus) disgregare visum, &c.

Limita 1. In secunda figura, in qua si propositio negans sit universalis de necesse, etiam conclusio erit necessaria, v. g. necesse est, nullum lapidem esse animal, omnis homo est animal, ergo necesse est, nullum hominem esse lapidem. Ratio est, quia si necesse est, nullum lapidem esse animal, per bonam conversionem sequitur, ergo necesse est, nullum animal esse lapidem, sed quod animali necessario convenit, convenit etiam homini, qui est species animalis, juxta dictum De Omni.

Limita 2. In tertia figura in Disamis, in quo si Minor est necessaria, etiam conclusio erit necessaria, v. g. aliquod expetendum est virtus, necesse est omne expetendum esse bonum, ergo necesse est, aliquod bonum esse virtutem. Ratio est, quia si necesse est, omne expetendum esse bonum, ergo necesse est & virtutem esse bonam, quæ est aliquod expetendum (per conversionem Majoris) juxta dictum De Omni.

Limita 3. In Bocardo tertia figura, in quo nunquam colligitur conclusio necessaria, si Minor sit contingens: nam si Minor esset in materia necessaria, etiam conclusio foret necessaria: v. g. necesse est aliquem Philosophum esse hominem, omnis Philosophus honoratur, ergo aliquod, quod honoratur, est homo.

## De Syllogismo Modali ex contingentibus.

Regula 1. Ex duabus de contingentibus in prima, & tertia figura sequitur conclusio contingens; v. g. contingens est, omnem vigilanciam curare, contingens est, omnem hominem vigilare, ergo contingens est omnem hominem curare.



In *secunda figura* ex duabus de *contingenti* non sequitur *contingens*, v. g. *contingit nullum canem currere, contingit omnem equum currere, ergo contingit nullum equum esse canem.* Et, Probabile est *Sacramentum Confirmationis debere constare vero Balsamo*, probabile est non dari *verum balsamum*, ergo probabile est non dari *Sacramentum Confirmationis.* Ratio est, quia proceditur à *divisivo* ad *distributivum*, seu *copulativum*: non enim *præmissæ simul sumptæ* sunt *veræ*, sed *seorsim*; sic ut ergo in hoc *Syllogismo.* Probabile est non dari *animam*, nisi *distinctam à potentijs.* Probabile est non dari *animam distinctam à potentijs.* Ergo probabile est, non dari *animam.* Non bene concluditur, quia ex *præmissis divisim*, hoc est *seorsim sumptis*, & ut sic *veris*, proceditur ad *conclusionem* ut *deductam* ex utràque *præmissa simul & copulativè sumptâ*: ita in *priori Syllogismo.*

*Regula 2.* In 1. *figura* ex *Majori contingenti*, & *Minori de inesse* sequitur *conclusio contingens*, ut *supra de necesse dictum* est, eadem enim est *ratio*, videlicet, *dictum de omni, & dictum de nullo.* In 2. *figura*, si *propositio affirmativa est contingens*, etiam *conclusio*, non verò si *negativa*: sed hoc subindè fallit. In 3. *figura*, si una est de *contingenti*, etiam *conclusio* erit.

Pro *Reductione Syllogismi ex obliquis.*

VII. *Regula.* Reducendus est ad *propositiones & terminos rectos*, servato eodè *sensu*, mox enī apparebit, an sit *bonus*. v. g. *Christus est in Cælis*, *Christus est in terra* (videlicet in *S. Eucharistia*) Ergo *terra est in Cælis.* Reduc, & patebit, ac corrigetur *vitiū*: *Christus habitat Cælum*, *Christus habitat terram*, ergo *aliquod habitans terram, est habitans Cælum.*

Pro *Reductione Syllogismi Demonstrativi, & Probabilis.*

VIII. *Omnis Demonstratio tam quoad formam, quam quoad materiam* resolvitur in *principia aliqua evidentissima.*

*Principia formæ Syllagisticæ* sunt: *Dictum de omni, & Dictum de nullo.* Item, *Quæ in uno tertio conveniunt, etiam inter se conveniunt*: *quæ in uno tertio dissentiunt, etiam inter se dissentiunt.* Rursum. Ex *vero* non sequitur nisi *verum.* Ut *inductio concludat*, oportet saltem *virtualiter omnia singularia numerari.* Ex *Universali* rectè sequuntur *ejus particulares*, non eodè, *Dato uno inconuenienti, sequuntur infinita.* A posse  
ad

*ad inesse non valet consequentia. Talia sunt predicata, qualia permittuntur à suis subjectis, &c.*

Ex parte Materie sunt ista: quod convenit generi, convenit speciei: posita specie ponitur genus. Posito, vel remoto subjecto proprio, ponuntur vel removeniuntur omnia accidentia illi subjecto propria: posito toto ponuntur partes, remotis partibus removetur & totum: quod definitioni convenit, convenit & definito, vel contrariò. Posita causâ necessariâ, & sublati impedimenti, ponitur effectus: positis medijs omnibus, ponitur finis, nisi aliud obstat. Posito effectu proprio, & immediato ponitur causa &c.

Sic etiam Syllogismus Probabilis, resolvitur in principia, quæ immediatè sunt probabilia: v. g. Similitudo est mater amoris: nemo gratis amat: qui male agit, odit lucem: tonitru est signum pluvie, &c.

IX. Quodsi hæc Regulæ nimis multa videantur, hanc unam pro omnibus Syllogismis, tam simplicibus, quàm compositis, hypotheticis, modalibus, obliquis, directis observa, videlicet. Quoties consequens non continetur in antecedente, argumentatio est mala: quoties verò consequens, seu propositio deducta continetur in antecedente, seu una præmissarum, argumentatio est bona.

Ratio Regulæ est, quia omnis bona argumentatio est illatio unius propositionis veræ ex alia propositione vera, sed una propositio non potest ex alia deduci, nisi in illa contineatur (quomodo enim ex alio deduces, quod in alio non est? aurum v. g. ex crumena, in quâ aurum non est, gladium ex vagina, in qua gladius non est) ergo nisi contineatur, argumentatio non est bona, si contineatur, est bona; quia nihil aliud est argumentari, quàm unam propositionem ex alia, in qua continetur, deducere.

Exempla demus. Hic Syllogismus est bonus:

Omnis homo est bipes, Petrus est homo, ergo Petrus est bipes. Ratio est, quia ista propositio: Petrus est bipes: cum sit particularis, continetur in illa Majori, Omnis homo est bipes. si enim omnis homo, ergo & Petrus.

Et ista (Nullus homo est lapis, Silex est lapis, ergo Silex non est homo) Est bonus; quia ista conclusio: Silex non est homo: continetur in Majori, non quidem formaliter, sed virtualiter in ejus conversa, illa enim propositio: nullus homo est lapis: convertitur in istam: nullus lapis est homo. Et consequenter neque Silex, Et

Et iste (*Omnis homo est rationalis, Omnis homo est substantia, ergo Aliqua substantia est rationalis*) Est bonus, quia *conclusio* continetur in *Majori*; in enim *omnis homo est rationalis*, ergo & aliqua substantia, nam *homo est aliqua substantia*. Et iste (*Si Petrus est animal, sentit, sed Petrus est animal, ergo Petrus sentit*) Est bonus, quia *conclusio* continetur in *Majori*, hæc enim *conclusio: Petrus sentit*: in illa *Minori* continetur, *Petrus est animal*, omne autem animal sentit. Et iste, *Necesse est, omne album disgregare visum, sed hoc ovum est album, ergo Necessè est hoc ovum disgregare visum*) Est bonus, quia *conclusio* continetur in *Majori*. Patet ergo in omnibus Syllogismis, verissimam esse datam Regulam, tunc videlicet esse bonum Syllogismum, quando *conclusio* in alterutra Præmissarum continetur. Jam ostendamus exemplis, tunc Syllogismum esse malum, quando *conclusio* in neutra Præmissarum continetur. Hic ergo Syllogismus (*Omnis homo est animal, Leo est animal, ergo Leo est homo.*) Non est bonus, quia hæc *conclusio: Leo est homo*; nec in *Majori* continetur, nec in *Minori*: nec enim sequitur: *est animal, ergo est homo*. Quia multa sunt animalia, quæ non sunt homines. Et iste, (*Si Petrus est homo est animal, sed bos est animal, ergo Bos est Petrus.*) Est malus, quia *conclusio: Bos est Petrus*, nec continetur in *Majori*, ut patet (nec in *Minori*; non enim sequitur: *Bos est animal, ergo Bos est Petrus*: quia multa sunt animalia, quæ non sunt Petrus; animal ergo in ea *Minori* non continet Petrum, quia bos est tantum aliquod animal, & non omne animal. In omni ergo malo Syllogismo videre licet, contra datam Regulam peccari.

Et hinc finis sit Logicae ad honorem Sanctissimæ  
Trinitatis, Dei Crucifixi, Beatissimæ Virginis,  
Sancti Angeli Custodis, & S. Thoma Angelici.



# INDEX LOGICÆ.

## LOGICÆ PRÆLUDIA.

### §. I. - Necessitas Logicæ.

fol. 11

fol. 11

#### SUMMARIA.

|  |    |
|--|----|
| 1. Logica dirigit intellectum ad omne verum cognoscendum.  | 2  |
| 2. Triplex necessitatis gradus explicatur.   | 3  |
| 3. Logica alia naturalis, alia artificialis.   | 4  |
| 4. Logicam artificialem omnibus scientiis valde utilem esse.   | 4  |
| 5. Logicæ nihil obest, multos abuti Logicâ.  | 9  |
| 6. Logica artificialis ad alias scientias in gradu perfecto acquirendas moraliter est necessaria, nec sufficit Logica naturalis. | 10 |
| 7. Major est Logicæ, quam aliarum scientiarum inter se connexio.   | 11 |
| 8. Logica naturalis ad paucos tantum actus est sufficiens.   | 13 |
| 9. Quomodo Logica sibi ipsi.   | 15 |
| 10. Et singulis alijs scientiis sit necessaria, explicatur.  | 15 |
| 11. Logica artificialis Physicæ, & absolute non est necessaria ad alias scientias in gradu imperfecto acquirendas.               | 17 |

### §. II. De objecto scientiarum in genere.

fol. 20.

#### SUMMARIA.

|  |    |
|--|----|
| 1. Quid sit objectum, & quomodo per cognitionem nobilius esse acquirat?                                | 21 |
| 2. Singulis potentijs, & scientijs necessarium esse aliquod objectum.                                  | 24 |
| 3. Et quæ sint objecti officia?  | 25 |
| 4. ut objectum aliquod sit scibile, necessariò aliquibus proprietatibus ornatum esse oportet.          | 24 |
| 5. Objecti divisio.  | 24 |
| 6. De ratione formali sub qua, ejus necessitate, usque in scientijs specificandis.                     | 27 |
| 7. Non obest rationi formali sub qua, quòd ingrediatur definitionem potentia, vel scientia, & econtrâ. | 28 |
| 8. Effectus primarius rationis formalis sub qua est specificare potentiam, vel habitum.                | 30 |
| 9. Solvuntur objectiones.  | 31 |
| 10. Conditiones objecti pro scientijs tum speculativis, tum practicis.                                 | 37 |

### §. III. De objecto Logicæ.

fol. 40.

#### SUMMARIA.

|  |    |
|--|----|
| 1. Voces non sunt objectum materiale Logicæ.   | 41 |
| 2. Dissolvuntur objectiones.   | 42 |
| 3. Nec res, seu conceptus objectivi sunt objectum materiale Logicæ.                          | 42 |
| 4. Rationes adversariorum refelluntur.   | 45 |
| 5. Conceptus formales, ut tres mentis operationes includunt, sunt objectum materiale Logicæ. | 48 |
| 6. Solvuntur objectiones.  | 50 |
| 7. Objectum attributionis Logicæ est demonstratio.   | 52 |
| 8. Satisf.   |    |

# INDEX LOGICÆ.

|     |   |    |
|-----|---|----|
| 3.  | Satisfit objectionibus.   | 54 |
| 9.  | Objectum Logicæ non est ens rationis, imò non datur.                    | 57 |
| 10. | Respondetur ad objecta.   | 66 |
| 11. | Tres mentis operationes, quæ dirigibiles, sunt objectum formale Logicæ. | 70 |

## §. IV. De Logica Utente, & Docente. fol. 71

### SUMMARIA.

|    |  |    |
|----|--|----|
| 1. | In scientijs aliud esse doctrinam, aliud usum, varijs exemplis ostenditur. | 72 |
| 2. | Actus Logicæ Utentis, & actus Logicæ Docentis distinguuntur.               | 73 |
| 3. | Idem realiter est habitus Logicæ Docentis, & Utentis.                      | 74 |
| 4. | Solvuntur objectiones.   | 75 |
| 5. | Et hæc doctrina procedit de Logica Docente, & Utente in omni materia.      | 80 |
| 6. | Non obstantibus rationibus adversariorum.                                  | 82 |

## §. V. Logica est Scientia. fol. 83

### SUMMARIA.

|    |  |    |
|----|--|----|
| 1. | Logica est Scientia propriè, & strictè loquendo. | 84 |
| 2. | Dissolvuntur objectiones.                        | 85 |
| 3. | Logica est vera pars Philosophiæ.                | 91 |

## §. VI. An Logica sit Scientia Practica? fol. 92

### SUMMARIA.

|    |   |     |
|----|---|-----|
| 1. | Rerum nomina non faciliè mutanda esse: & quid praxis secundum Scotum, & alios significet, & quæ conditiones ad praxin necessariæ? | 93  |
| 2. | Discrimen inier Practicum, & Speculativum.  | 99  |
| 3. | Idem habitus potest esse speculativus, & practicus.   | 101 |
| 4. | Solvuntur objectiones.  | 103 |
| 5. | Logica licet quoad modum versandi circa objectum sit practica, strictè tamen loquendo est simpliciter speculativa.                | 107 |
| 6. | Solvuntur objectiones.  | 109 |

## §. VII. De Arte, & an Logica sit Ars? fol. 111

### SUMMARIA.

|    |   |     |
|----|---|-----|
| 1. | Quid sit Ars?                                 | 111 |
| 2. | Quæ artis divisiones?                         | 113 |
| 3. | Quis ordo inter artes?                        | 115 |
| 4. | Conditiones, & proprietates artis exponuntur. | 117 |
| 5. | Quæ sit artium origo?                         | 119 |
| 6. | Experientiæ usus, & utilitas.                 | 119 |
| 7. | Logica est ars liberalis.                     | 121 |
| 8. | Logicæ artificium in quo cluceat?             | 122 |

## §. VIII

# INDEX LOGICÆ

## §. VIII. De Platone, Aristotele, & Philosophia Aristotelica, fol. 123

### SVMMARIA.

|   |     |
|---|-----|
| 1. Platonis ortus & educatio.   | 124 |
| 2. Philosophia Platonica à SS. PP. commendata   | 125 |
| 3. Errores Platonici.   | 125 |
| 4. Plato excusatus.   | 126 |
| 5. Aristotelis ortus, adolefcentia, studia, nuptiæ.   | 127 |
| 6. Alexander M. sub Aristotelis disciplina regijs virtutibus imbuitur.                                | 129 |
| 7. Aristoteles occisi Alexandri M. à Plinio accusatus, sed immeritò.                                  | 130 |
| 8. Extincto Alexandro M. Athenas Aristoteles secedit, moritur. Eis de causa mortis, virtutes & vitia. | 131 |
| 9. Progressus doctrinæ Aristotelicæ usque in nostra tempora.  | 133 |

## §. IX. De Methodis,

fol. 135

### SVMMARIA.

|  |     |
|--|-----|
| 1. Quid inter Methodum & Ordinem intersit.                         | 136 |
| 2. Divisio Methodi.  | 136 |
| 3. Regulæ Methodi generales.                                       | 137 |
| 4. Regulæ pro Methodo synthetica.                                  | 139 |
| 5. Regulæ pro Methodo analytica, quæ scientijs practicis deservit. | 141 |



## LOGICÆ PARS PRIMA.

fol. 143

Quæ spectant ad primam mentis operationem.

143

### CAPUT I. §. I. De Terminis,

fol. 145

### SVMMARIA.

|  |     |
|--|-----|
| 1. Definitio Termini.  | 146 |
| 2. Non convenit vocibus extra propositionem positis.   | 147 |
| 3. Eam tamen meretur vox non significativa.  | 148 |
| 4. Sicut & Copula est materialiter sumpta.   | 148 |
| 5. Celebriores Termini divisiones.   | 149 |
| 6. De Univocis & æquivocis.  | 152 |
| 7. Dari analogia ab univocis & æquivocis distincta ostenditur.                                 | 154 |
| 8. Eorum definitio & divisio.  | 156 |
| 9. Quanam conditiones ad analogia attributionis requirantur.                                   | 157 |
| 10. Analogiam proportionalitatis propriæ admittendam esse auctoritate, & rationibus evincitur. | 162 |
| 11. Quæ illius conditiones.  | 163 |
| 12. Transcendentia tollit univocationem.   | 165 |
| 13. Solvuntur objectiones.   | 166 |
| 14. Sicut & dependentia.   | 168 |
| 15. De concretis & abstractis eorumque significatis.   | 169 |
| 16. De denominante, & denominativo.  | 171 |
| 17. Denominatio extrinseca perperam eius rationis dicitur.                                     | 171 |

## §. II. De



# INDEX LOGICÆ

## §. II. De Proprietatibus Terminorum.

fol. 174

### SUMMARIA.

|    |   |     |
|----|---|-----|
| 1. | Omnium terminorum proprietates assignantur, quarum Princeps Suppositio. | 173 |
| 2. | Declaratur ejus natura.   | 173 |
| 3. | Et divisio.   | 174 |
| 4. | Quænam sint regulæ Suppositionem distributivâ ab alijs discernendi.     | 176 |
| 5. | De Statu & reliquis terminorum passionibus.                             | 181 |
| 6. | Status & Ampliationis.  | 185 |
| 7. | Alienationis & Appellationis regulæ exponuntur.                         | 184 |

## CAPUT. II. De V. Prædicabilibus.

### §. I. De Porphyrio et Universalis Secundum se.

fol. 186

#### SUMMARIA.

|     |   |     |
|-----|---|-----|
| 1.  | Porphyrij ortus, apostasis, & scribendi de V. Prædicabilibus Methodus.  | 188 |
| 2.  | Acceptio, & definitio Universalis.  | 189 |
| 3.  | Non solæ voces, sed res ipsæ sunt, & denominantur universales.  | 190 |
| 4.  | Formale Universalis est unitas.   | 194 |
| 5.  | & 6. Ejus Definitio, & Divisio.   | 195 |
| 7.  | Universale non constituitur per unitatem numericam.   | 196 |
| 8.  | Nec per unitatem formalem, reddentem naturam secundum se indifferenterem, ut voluit Fonseca.                                    | 197 |
| 9.  | Diluuntur objectiones.  | 199 |
| 10. | Idea Platonice explicatur, & refutatur.   | 206 |
| 11. | Dati à parte rei realem unitatem similitudinis, ostenditur.   | 213 |
| 12. | Solus Intellectus naturam secundum se sine conditionibus individuantes potest concipere.  | 217 |
| 13. | Hoc tamen omnibus potentijs cognoscitivis non convenit.   | 221 |
| 14. | Licet à parte rei natura sit apta inesse multis, multiplicatâ unitate numerica.   | 222 |
| 15. | Non tamen datur à parte rei unitas formalis naturæ positiva.  | 223 |
| 16. | Aur privativa.  | 229 |
| 17. | Neque Intellectus facit unitatem, aut aptitudinem ad Universale Philosophicum necessariam, sed supponit à parte rei.            | 230 |
| 18. | Unitatem quidem similitudinis, & convenientiæ, aptitudinem verò realem, quæ non repugnat plures naturas valde similes existere. | 236 |
| 19. | Natura Universalis potest conservari in omni Suppositione copulativa, & copulata, disjunctiva, & disjuncta.                     | 241 |
| 20. | Etiam tunc, cum ab unico individuo abstrahitur.   | 241 |
| 21. | Imo etiam si plura individua repugnent.   | 248 |

### §. II. De Proprietatibus Universalis.

fol. 244

#### SUMMARIA.

|    |  |     |
|----|--|-----|
| 1. | Universalis sicut æterna, sic incorruptibilis sunt.            | 245 |
| 2. | Proxima Universalis Metaphysici proprietas est prædicabilitas. | 246 |

3. A 3



# INDEX LOGICÆ.

|  |     |
|--|-----|
| 3. Ad quam tamen absoluta apprehensio non sufficit, sed requiritur comparatio. | 246 |
| 4. Aqualis prædictio Universalitatem à natura non tollit.                      | 247 |
| 5. Quid, & quomplex sit prædictio?   | 250 |
| 6. Traduntur Regula veritatem prædicationum cognoscendi.                       | 252 |
| 7. Item circa prædicationes abstractorum, & concretorum.                       | 253 |

## §. III. De Divisione Universalis in 5. prædicabilia, & de Genere.

### SUMMARIA.

|   |     |
|---|-----|
| 1. Divisio Universalis in 5. prædicabilia bona, & adæquata est.   | 258 |
| 2. Ac generis in Species, consequenter univoca dicenda.   | 259 |
| 3. Quid sit genus, ut est totum potentiale?   | 259 |
| 4. In eius definitione principaliter definitur Universalitas, natura verò tantum connotativè.   | 261 |
| 5. Respondetur ad objecta.  | 264 |
| 6. Obtrinetur in eà definitione natura locum generis.   | 266 |
| 7. Genus diverso respectu & totum & pars est.   | 268 |
| 8. Genus à materia, & differentiam à forma sumi declaratur.   | 269 |
| 9. Partes integrantes cum Physicæ, tum Metaphysicæ reductivè tantum rationem generis participant.   | 270 |
| 10. Genus differentias non actu, sed potentia claudit.  | 271 |
| 11. Quod etsi Metaphysicè acceptum necessariò plures species requirat, Physicè tamen sumptum in una specie, imò individuo salvari potest. | 274 |
| 12. Implicat tamen individuum genericum à parte rei.  | 274 |

## §. IV. De Specie.

### SUMMARIA.

|  |     |
|--|-----|
| 1. Quid sit Species subiectionis   | 275 |
| 2. Qua talis non est Universalis.  | 276 |
| 3. Quid sit Species prædicabilis.  | 276 |
| 4. Distinctio specifica non semper infert inæqualitatem perfectionis.                                    | 276 |
| 5. Occurritus Objectis omnibus.  | 279 |
| 6. Eliminatur ea regula, quæ dicitur illa specie differre, quæ prudentum arbitrio notabiliter differunt. | 282 |
| 7. Regula ad discernendas Species ex differentiis inter Species, & Individua desumenda est.              | 286 |



## §. V. De Individuo.

### SUMMARIA.

|  |     |
|--|-----|
| 1. Variæ acceptiones Individui, juxta quas variè definitur.                                    | 291 |
| 2. Potest ratio aliqua abstrahi, omnibus individuis communis, puta analogicè non verò univocè. | 292 |

## §. VI. De

# INDEX LOGICÆ

## §. VI. De Differentiâ.

fol. 294

### SVMMARIA.

1. Quid nominis, & quotuplex sit Differentiâ. 294
2. Et quid sit, ut est tertium prædicabile? 295
3. Quod constituit non per ordinem ad speciem, quam constituit, sed per respectum ad inferiora. 296
4. Differentiâ infima nec genus, nec differentiâ *formaliter* continet, 298
5. Quibus semper est perfectior. 301
6. Refutantur, qui negant differentiâs infimas. 302
7. *Non obstante, quòd quædam entia per solam negationem differant, quæ tamen propriè differentiâ non est.* 305

## §. VII. De Proprio.

fol. 305

### SVMMARIA.

1. Quot modis accipiatur Proprium? 305
2. Tantum quarto modo sumptum ad quartum prædicabile pertinet. 307
3. Quid si consideretur ut emanans à specie, refertur ad solam speciem, si-  
cut Universale ad sola individua. 309
4. Divisio Proprii in 4. species à Porphyrio enumeratas est analoga. 308

## §. VIII. De Accidente.

fol. 309

### SVMMARIA.

1. Quid sit Accidens, ut est quintum prædicabile? 309
2. Constituitur tale per ordinem ad subjecta. 312

## CAPUT III. De Prædicamentis

### §. I. De Prædicamentis in genere.

fol. 313

#### SVMMARIA.

1. Finis & utilitas prædicamentorum. 313
2. Enodantur singulæ definitionis particulæ. 314
3. Prædicamenta cæsi decem numerantur. 317
4. *Non tamen necesse est, omnia inter se realiter distingui.* 319

## §. II. De Substantiâ.

fol. 320

#### SVMMARIA.

1. Substantiâ bene dividitur in primam & secundam. 320
2. Divisi totum in ita obtinet essentia & realitas Substantiæ. 321
3. Estque analogi in analogata. 321
4. Ratio essentialis substantiæ in perfectitate existentiae consistit. 322
5. Cujus proprietates sunt variae. 323
6. In prædicamento substantiæ ponitur omnis substantia completa, cujus  
natura

# INDEX LOGICÆ

natura est communicabilis, siue illa sit corporea, siue incorporea. 314

## §. III. De Accidente Prædicamentali ut sic, fol. 315

### SVMARIA.

1. De essentia accidentis prædicamentalis ut sic non est inhærentia actualis. 316
2. Sed aptitudinalis. 317
3. Est naturaliter nullum accidens spirituale è subiecto corporeo potius educi. 318
4. De potentia tamen Dei absoluta potest accidens corporeum in subiecto spirituali poni, & e contra. 319
5. Subiectum quod omnium accidentium materialium non materia, sed totum compositum est. 321
6. Solvuntur obiectiones. 322
7. Accidentis divisionem in 9. prædicamenta adæquatam esse ostenditur. 327

## §. IV. De Ente Modali, fol. 340

### SVMARIA.

1. Ens modale dari ostenditur. 341
2. Ejus definitio. 342

## §. V. De Quantitate, fol. 342

### SVMARIA.

1. Quantitatem à substantia realiter distingui contra Nominales ostenditur. 343
2. Ejus essentia malè constituitur in ratione mensuræ. 346
3. Rejicitur in Indivisibilitate aut aliâ quavis extensione actuali in ordine ad locum. 348
4. Optinè v. c. in extensione partium in ordine ad totum. 348
5. Adversariorum argumenta dissolvuntur. 351
6. In rigore phil. sophico Numerum discreto non poni in prædicamento quantitatis, auctoritate & rationibus convincitur. 355
7. A quo etiam majori jure Oratio excluditur. 360
8. Sed Locus, quia à superficie non distinguitur, justum sibi locum in eo vendicat. 360
9. Lineæ, Superficies, & Corpus sunt vera Species quantitative. 361
10. De nonnullis proprietatibus quantitatis. 361

## §. VI. De Relatione, fol. 363

SVM

# INDEX LOGICÆ.

## SVMMARIA.

|  |          |
|--|----------|
| 1. Variæ Relationis divisiones.  | 365      |
| 2. & 3. An & quid sit Relatio?   | 366. 367 |
| 4. Est negari haud possit, aliquas saltem Relationes realiter à suo fundamento remoto distingui.                               | 368      |
| 5. Grati id tamen ita ampliatur, ut etiam realiter, aut modaliter à fundamento proximo asserantur distingui.                   | 368      |
| 6. Rationes adversariorum rejiciuntur.   | 375      |
| 7. Contingit sæpius, plura unius Relationis subiecta subordinata esse.   | 381      |
| 8. Et econtrà plures Relationes in eadem substantia fundari, in quo casu Relatio cum substantia identificatur.                 | 381      |
| 9. Relationes non inferunt processum in infinitum.   | 382      |
| 10. Rationem fundandi in utroque extremo Relationis distingui necesse est.   | 382      |
| 11. Ex triplici fundamento referendi rectè & adæquatè triplex relativorum genus confurgit.                                     | 382      |
| 12. Relatio prædicamentalis requirit necessarîo terminum actu existentem.  | 385      |
| 13. Terminus formalis Relationis non est altera Relatio, sed aliquid absolutum, tunc maximè, quando Relationes mutuz non sunt. | 386      |
| 14. Relatio specificam suam distinctionem à fundamento simul, & termino sumit.   | 390      |
| 15. Perfectius de Deo loquuntur, qui omnes Relationes reales ad creaturas ab ipso excludunt.                                   | 392      |
| 16. Quid inter Relationem prædicamentalem & transcendentalem distinguat?   | 393      |
| 17. Relationes quæ tales etiam quoad conceptum ad dicunt perfectionem, si supponas esse modos realiter à subiecto distinctos.  | 393      |
| 18. Variæ relativorum proprietates.  | 396      |

## §. VII. De Qualitate.

fol. 398

### SVMMARIA.

|  |     |
|--|-----|
| 1. Definitio qualitatis ab Aristotele tradita tenenda est. | 398 |
| 2. Rectè dividitur in 4. Species.                          | 399 |
| 3. Quid sint singulæ?                                      | 400 |
| 4. Et quas habeant proprietates?                           | 403 |

## §. VIII. De Actione Et Passione.

fol. 404

### SVMMARIA.

|   |     |
|---|-----|
| 1. De concurrentibus ad actionem creatam.   | 404 |
| 2. Inter agens & effectum non necessarîo intermediat causalitas ab utroque distincta. | 406 |
| 3. Quod   |     |

# INDEX LOGICÆ.

|     |   |     |
|-----|---|-----|
| 3.  | Quod tamen non est universaliter intelligendum.   | 406 |
| 4.  | Actio formaliter non consistit in relatione extrinsecus adveniente.                               | 409 |
| 5.  | Sed est modus specialis ab effectu modaliter distinctus.  | 410 |
| 6.  | Et quod differentiam suam numericam æqualiter à principio, & termino pendet.                      | 411 |
| 7.  | Specificatur non à sola distinctione principiorum.  | 411 |
| 8.  | Nec ex solo modo agendi.  | 413 |
| 9.  | Sed x terminis specie distinctis.   | 415 |
| 10. | Quæ sit differentia inter Specificationem actionis, & habituum, cognitionis, &c.                  | 416 |
| 11. | Actio inchoative est in agente, consumative in termino.   | 417 |
| 12. | Et posteriori modo sumpta realiter à passione non distinguitur, sed tantum distinctione rationis. | 421 |
| 13. | Quam solam etiam inter morum, actionem & passionem agnoscimus.                                    | 423 |

## §. IX. De Prædicamento Ubi & Situs. fol. 423.

### SUMMARIA.

|    |  |     |
|----|--|-----|
| 1. | Ubiacationem non esse modum intrinsecum rei ubicate, sed solam denominationem extrinsecam. | 423 |
| 2. | Diluuntur potissimæ objectiones.   | 426 |
| 3. | Divisio Ubiacationis.  | 429 |
| 4. | Quid sentiendum de Situ.   | 439 |

## §. X. Prædicamentum Quando & Habitus. fol. 430.

### SUMMARIA.

|    |   |          |
|----|---|----------|
| 1. | Quando, & Habitus, sunt tantum denominationes extrinsecæ. | 430. 431 |
|----|---|----------|

## §. XI. De Post Prædicamentis, Et De Oppositis. fol. 431.

### SUMMARIA.

|    |   |          |
|----|---|----------|
| 1. | Definitio repugnantium.   | 435      |
| 2. | Divisio oppositorum.  | 435      |
| 3. | De contrariis, & conditionibus ad illa requisitis.                | 439      |
| 4. | Et §. Quid circa privative & contradictorie opposita advertendum. | 436. 437 |

## LIBER II. De Secunda mentis Operatione.

### Hoc Est Judicio.

fol. 438

## §. I. De Signis.

### SUMMARIA.

|    |  |          |
|----|--|----------|
| 1. | Signorum usus ab ipso signatorum Authore commendatus.                  | 440      |
| 2. | Quotuplex, 3. & Quid sit signum.                                       | 447. 448 |
| 4. | Significare formaliter non in efficiendo, sed representando consistit. | 4. 0     |
|    | §. Signa   |          |

# INDEX LOGICÆ

|     |  |     |
|-----|--|-----|
| 5.  | Signa etiam brutis usitata.  | 450 |
| 6.  | Rationali tamen animali quoad sensus externos nullus est signorū usus.                     | 451 |
| 7.  | Signum formale est signum propriè dictum.  | 452 |
| 8.  | Sicut & illud quod dicitur signum ex consuetudine.   | 453 |
| 9.  | Voces non conceptum, sed rem ipsam significant.  | 453 |
| 10. | Quem tamen ex mente Doctoris Angelici non excludunt.                                       | 454 |
| 11. | Voces humane societati necessariè ex quasi pacto in propria significatione sunt usurpandæ. | 456 |
| 12. | Non representant naturaliter res significatas.   | 457 |
| 13. | Perfectius possunt rem audienti significare, quàm loquenti sint notæ.                      | 459 |
| 14. | Locutio non importat intelligentiam verborum in audiente.                                  | 460 |

## §. II. De Propositione.

fol. 461

### SUMMARIA.

|     |   |     |
|-----|---|-----|
| 1.  | Duplex Propositionis definitio ab Aristotele tradita.                                       | 462 |
| 2.  | Veritas Propositionis realiter identificatur cum veritate actus, live iudicii.              | 462 |
| 3.  | Propositio in materia necessaria de vera in falsum transire non potest.                     | 464 |
| 4.  | Sed quid si veretur circa materiam contingentem?  | 465 |
| 5.  | Idem actus & verus & falsus esse potest, si supponas objectum <i>virtualiter</i> multiplex. | 468 |
| 6.  | Indivisibile dividit, qui veritati propositionis <i>magis</i> & <i>minus</i> adscribit.     | 469 |
| 7.  | Et si prima mentis apprehensio veritatem admittat.  | 470 |
| 8.  | Excludit tamen, si sit incomplexa, propriè dictam falsitatem.                               | 473 |
| 9.  | Propositio mentalis est una simplex qualitas unitate physica, non ordinis duntaxat.         | 474 |
| 10. | Divisio propositionis in categoricam, hypotheticam, &c. est univoca.                        | 476 |
| 11. | Sicut & illa, quæ dividitur in affirmativam & negativam.                                    | 477 |

## §. III. Alia quædam de Propositionibus, earumque Oppositionibus ac Equipollentijs.

fol. 478

### SUMMARIA.

Quænam sint notanda.

|    |                                      |     |
|----|--------------------------------------|-----|
| 1. | Circà propositionem categoricam, &c. | 479 |
| 2. | Circà hypotheticam.                  | 480 |
| 3. | Circà oppositionem propositionum.    | 482 |
| 4. | Circà propositiones contradictorias. | 484 |
| 5. | Circà contrarias.                    | 488 |
| 6. | Circà subcontrarias.                 | 488 |
| 7. | Circà subalternas.                   | 489 |
| 8. | Denique circà modales.               | 490 |

Tib. III.



# INDEX LOGICÆ

## LIBER III. De Tertia Mentis Operatione.

fol. 491

### §. I. De Syllogismo.

#### SVMMARIA.

|   |     |
|---|-----|
| 1. Quid & quotuplex sit Argumentatio.   | 494 |
| 2. Stante bonitate consequentiz ex antecedente vero non potest sequi falsum.  | 497 |
| 3. Sed econtrà antecedens falsum potest inferre consequens verum.   | 497 |
| 4. Et contingens necessarium.   | 498 |
| 5. Necessarium tamen infert sibi simile.  | 498 |
| 6. Discursus soli homini non Angelo, nec brutis competit.   | 499 |
| 7. Dividitur in 4. species.   | 501 |
| 8. Ex quibus inductio non est formalis Argumentatio.  | 501 |
| 9. Nec Enthymema.   | 503 |
| 10. Nec exemplum.   | 505 |
| 11. Sed solus Syllogismus.  | 505 |
| 12. Qui formaliter non in solis præmissis.  | 505 |
| 13. Nec in sola conclusione, sed in præmissis & conclusione simul consistit.  | 506 |
| 14. Assensum præmissarum effectivè concurrere ad assensum conclusionis & autoritas, & ratio evincit.                            | 507 |
| 15. ut conclusioni assentiaris, præcognitio de bonitate illationis est necessaria.  | 509 |
| 16. Et tunc aliud in præmissis, aliud in conclusione cognoscet.   | 510 |
| 17. Ita tamen ut objectum præmissarum se habeat ut objectum quo ad assensum conclusionis.                                       | 510 |
| 18. Positis præmissis probabilibus Intellectus nec quoad speciem, nec quoad exercitium necessitatur ad inferendam conclusionem. | 513 |
| 19. Ex præmissis verò necessarijs tam quoad speciem, quam exercitium necessitatur.  | 514 |
| 20. Materia, forma, & principia Syllogismi.   | 516 |
| 21. De duplici reductione.  | 519 |
| 22. Regule, juxta quas validè argumentemur ab hypothese impossibili.  | 521 |

### §. II. De Demonstratione.

fol. 523

#### SVMMARIA.

|   |     |
|---|-----|
| 1. Quid & quotuplex sit Demonstratio?                             | 524 |
| 2. Conditiones ad demonstrationem propter quid requisitæ.         | 528 |
| 3. Quid notandum circa prædicatum de omni?                        | 533 |
| 4. Circa prædicatum per se.                                       | 538 |
| 5. Et circa propositionem de prædicato Universalis.               | 536 |
| 6. Demonstratio non ex alienis, sed proprijs nascitur principijs. | 537 |
| 7. Neque ex communibus aut remotis, sed proximis.                 | 538 |
| 8. Potest tamen fieri per omne genus 4. causarum.                 | 538 |
| 9. Aut etiam per definitionem.                                    | 539 |
| 10. Demonstratio circularis quando vitiosa, & quando utilis.      | 540 |
| 11. De præcognitis ad demonstrationem.                            | 541 |

12. Me-



# INDEX LOGICÆ.

12. Medium Demonstrationis *quia* est aut effectus convertibilis, aut passio propria. 546  
 13. Generat scientiam licet imperfectam. 548  
 14. *Quis sit sensus Aristotelici illius axiomatis: scientia subalternata sit quia subalternans propter quid.* 549

## §. III. De Scientia Actuali Et Habituali.

fol. 545

### SUMMARIA.

1. 2. Essentia, Et existentia scientiæ declarantur. 547  
 3. Oportet scientiam esse certam, 549  
 4. Et evidentem, 550  
 5. De necessarijs, 551  
 6. Et universalibus, quod maximè de perfecta & apodictica verum est. 552  
 7. Etque virtus intellectualis. 553  
 8. Procedens per cognitionem causæ. 552  
 9. De scientia habituali. 555  
 10. Scientiæ non solum objectum materiale, sed & formale, quod D. Thomas est ratio formalis *sub qua*, admittunt. 555  
 11. *Quomodo dicatur specificare scientias?* 557  
 12. Unitas specifica scientiæ, etiam principia demonstrationis sibi sociat. 559  
 13. Hæc potest unitas non desumitur ex objecto materiali. 562  
 14. Sed unitate rationis formalis *sub qua*, & unitate principiorum. 563  
 15. Occurritur Objectionibus. 563  
 16. Quomodo ex mente Doctoris Angelici habetur scientiæ sit simplex qualitas? 568  
 17. De subalternatione scientiarum, & conditionibus ad eam requisitis. 572  
 18. Scientia subalternata est vera scientia. 577  
 19. Scientiæ ex primis principijs deducuntur, 580  
 20. Quorum habitus à potentia intellectiva distinguitur. 583  
 21. Non potest in eodem intellectu simul stare *actus Opinionis, & Scientiæ.* 584  
 22. Nisi *Opinio* ad moralem assurgeret certitudinem, & tunc suum effectum non communicabit Intellectui. 586  
 23. Idem de *Habitibus Scientiæ, & Opinionis* dicendum. 589

## §. Ult. Regulæ Selectæ circa formas argumentationum. fol. 590

### SUMMARIA.

1. Syllogismus non contentus illis vericulis, *Barbara, &c.* est vitiosus. 591  
 2. Ex metis negativis nihil sequitur. 593  
 3. Regulæ particulares syllogismorum absolutorum in tribus figuris. 593  
 4. Pro Enthymemate. 594  
 5. Pro Syllogismo conditionali. 594  
 6. Pro Modali tam ex necessarijs, quàm contingentibus. 595  
 7. Ex obliquis. 596  
 8. Principia Syllogismi demonstrativi, & probabiles. 596  
 9. Regula synoptica Syllogismorum complectens omnes alias Regulæ. 597

FINIS.

IN AZ.  
 ROMA  
 VIT. ORG. EMAN.







